

3

ATLAS



GEOGRAPHIA.
N. 8. 4.



t. 4



00000
11
George 1757

29. 1. 4.

GEOGRAPHIÆ
BLAVIANÆ

VOLVMEN QVARTVM,

QVO

LIBER IX, X,

EUROPÆ

CONTINENTVR.



AMSTELÆDAMI,

Labore & Sumptibus

IOANNIS BLAEV,

MDC LXII.



GEOGRAPHIE

BLAVIANE


VOLUMEN QVARTVM

640

LIDR IX, X

U R O P A E

CONTINENTVM



3 Atlasy
V





BRABANTIA.

LIMBURGVM.

BELGICA

REGIA,

QVÆ EST


EUROPÆ

LIBER NONVS.



LVTZENBURGVM.

FLANDRIA.



MARCHIONATVS S.R.IMP.

HANNONIA.

ARTESIA.

NAMVRCVM.

MACHLINIA.

H. L.
C. A. C.

3 Atlasy.

V

t. 4

B E L G I C A. ^j

Nominis ratio.



Nomen.

Belgica, quam describendam assumpsimus, Inferiorum regionum vocabulo fere innotuit, vulgo *Nederlant*, ab humili nempe atque plano earum ad Oceanum situ. vocatur quoque synecdochicè, per universam ferme Europam,

Flandria ea portio quæ Hispaniarum Regis agnoscit dominium; Hollandia, regiones eæ quæ armis libertatem sibi asseruere; idque ob earum Provinciarum potentiam atque splendorem, & cum exteris præ ceteris majus commercium, non aliter quam tot illæ terræ, quas hodie Galliarum Reges in amplissimo illo regno suo possident, à nobilissima sui parte, Francia passim vocantur. Dicitur quoque Germania, sive Allemannia Inferior: sed extra Veterum tamen limitationem: qui præter Frisiam, & alia quædam paucula, omnes hæc Provincias comprehendebant sub nomine Galliarum. Verum recentioribus ita visum est, & nostro sæculo Inferiori Allemannia concenseri obtinuit, eo quod neque lingua, neque legibus institutis ve bona istorum pars à ceteris Allemannis admodum differat.

Situs.

Porro prætermissa regionum istarum forma, quæ cum adeo sit exorbitans, fieri nequit, ut ullis verbis idonea aliqua similitudo ipsis applicetur, progrediemur ad describendum earum situm & limites: referemusque nos hac in parte ad Geographicam in ipsa statim operis hujus fronte collocatam delineationem. qua mediante, non istarum modo Provinciarum, sed & Belgicæ totius forma, una cum terminis suis atque confiniis, in compendio spectanda proponitur: adeo quidem, ut ex hac ipsa tabula, cum sequentibus statim verbis nostris conjuncta, scopum & institutum nostrum quivis intelleturus sit. Ad septentrionem proprie est Hollandia atque Frisia, utraque Oceano terminata. Ad meridiem Luxemburgensis Ducatus est, Lotharingia confinalis: tum & Hannonia, quam Campania Picardique terminant. Ab ortu est Geldria, flumini Rheno conjuncta; & Brabantia Mosæ contermina. Ab occasu, Flandria, mari Oceano, eaque Arthesiæ parte quæ Picardiam respicit, clausa. Continetur verò totus hic tractus sesqui circiter climate, à medio nempe septimo, quod per Borysthenem dicitur, usque ad octavum, Ptolemæo fere inhabitabile creditum, recentioribus vero per montes Riphæos dictum, panè completum. Longitudinem habet graduum septem & semis, ab gradu nimirum 22½ usque ad 30. Latitudinem graduum quinque, ab initio 50 usque ad 54 exactum. Quod intervallum, computatâ pro climate semihorâ, horæ ferè dodrantis differentiam efficit, idque in artificiali dumtaxat die, qui pro climatis sui ratione vel augescere solet, vel minui: minime autem, licet quidam id tradant, in naturali. Is enim à polo ad polum

Belgica.

ubique sibi æqualis est, & 24 horas completur.

Atque hic quidem situs, si quis rectè perpendat, majori præcipuarum Europæ terrarum parti, sanè peropportunos est. Nam ad septentrionem quod spectat, non nisi quinque vel sex dierum itinere distat ab Dania, quicum plurima Belgis intercedunt commercia. Ad meridiem Franciæ Lotharingiæque perpetuo nexu adheret. Ad ortum terminatur Germania. Ad occasum vicinam habet Britanniam, in quam paucarum horarum spatio trajicitur. Eadem ferè de Hibernia ratio. Norvegiæ insuper, Sueciæ, alijsque ad Septentrionem Oceano adjacentibus terris, mediante navigatione, situs hic commodissimus: siquidem bidui intervallo ex Hollandia solvens navis, recto cursu, & valido vento in Norvegiam appulit. Hispaniæ quoque & Lusitaniæ non minus est opportunus. Olyssippone namque decem, & eo minus, dierum itinere in has oras trajiciunt: ex Hispania vero sex, octo, decem, duodecim, quindecimve dierum iter est, pro portuum, unde solvitur, qui plures, & varie sparsi sunt, ratione.

Ambitus Belgicæ, computatis & comprehensis omnibus huc spectantibus, nostro quidem calculo, quintam Italiæ partem nonnihil excedit, estque mille plus minus milliarium Italico-rum, vel (si ita quis malit) trecentarum & quadraginta leucarum Belgicæ. Continentur hoc terræ tractu septemdecim illæ paulò post recensendæ Provinciæ. In quibus ducenta & octo numerantur oppida muris cincta: tum centum & quinquaginta circiter loca, quæ ob egregias suas qualitates habentur pro oppidis, & ijsdem cum illis gaudent immunitatibus: & sexies mille trecenti, & quod excurrit pagi, turribus & campanis insignes, præter ignobiliores aliquot viculos. Sunt præterea infinitæ tum Principis, tum aliorum quoque Toparcharum atque nobilium dynastiæ, civilem pariter & criminalem administrantes justitiam. Denique plurimæ sunt arces, valideque adversus hostiles insultus munita ditio-nis hujusce propugnacula. Quorum suus cuique, Regio vel Ordinum Fœderatorum nomine, prout in ditione alterutrius sita sunt, peculiaris est Gubernator, & præsidiarius miles.

Aër ipsius terræ, licet crassior & humidior, est tamen (ut & Cæsar testatur) & salubris simul, & digestionem admodum proprius, ac generandis cuiuscunque generis rebus vel in primis idoneus. Quin videtur is, omnium sane iudicio, sive id accrescenti indies habitationum & incolarum numero, aëra varie purgantium, sive remotiori alicui causæ adscribendum sit, videtur inquam, benignior multo atque clementior factus, quam superioribus temporibus esse consueverit. Adeo quidem, ut nisi indigenæ in victu essent immoderiores, ac morbis correpti curam sui negligenter, futuri sint multum longævi; & pro eo quod pauci hodie ad senectutem pertingant, pauci contra acerbo fato extinguerentur. Cujus

a

rei



rei exemplum Brabantiae nobis Campania suppetit, ubi agro naturâ sterili, parcè viventes ac laboribus sese defatigantes agricolae, diutissime vivunt.

Iucunda hîc valde & peramœna est æstas. Quia, ut reliquas ejus qualitates omittam, calores non nimis intensi, nec muscæ culicesve naribus multum infestæ. Excipio Zelandiam, ubi ingens earum copia. Rara hic sentimus tonitrua, rara fulgura, fulmina vero longe rarissima. Sed nec terræ motus hic nimis noti, quod humiditas cœli, & soli aquis vicini humilitas id videlicet non permittant.

Longior fere ac ventosior hiems est, & Borea, Hyperboreâ, Euro, vel & Vulturno spirantibus, frigidissima: flantibus vero quatuor hisce oppositis ventis, qui (notante & Cæsare) totum pæne anni dodrantem regnum hic possident, frigus in pluviam ferè convertitur.

Solum.

Solum ubique est planum, & in quo paucos admodum videas colles: Montes vero etiam pauciores: nisi quod in Ducatu Luxemburgensi, Provincia Namurensi, & Hannoniæ aliqua parte, satis crebri occurrunt, ut & in tractu Leodicensi. Est præterea solum multis in partibus fabulosum, ut in Flandria Flamingante, quam vocant, & Brabantiae pluribus locis. Universum tamen (sed pro regionis cujusque ingenio, parcius, largius) laudabile simul atque fecundum est, imo tritici aliarumque segetum alibi feracissimum, ut in Flandria Gallicana, Arthesia, Hannonia, Zelandia, & Leodicensi Episcopatu. Quin & Geldria fruges ubertim gignit. Incipiunt plerique sementem facere medio mense Septembri, quo videlicet prius emergat granum, quam superveniant grandes illic & densissimi imbres, aut nonnunquam & gelu, quod præmature hic incipit, tarde admodum definit. Serunt tamen & Martio mense non exiguum tritici quantitatem. Secale, cujus magnam hic metunt copiam, eodem ferè cum tritico tempore, vel paullo ante solo committitur: avena eodem Martio, hordeum vero Aprili jam inclinante. Expectantes nimirum & hîc, dum transeant imbres, & à gelu non sit periculum, nec propterea tamen timentes, utut tarde hæc seminant, ne infano aliquo æstu vel adurantur, vel evanescant. Triticum, secale, avenam, zeam, atque hordeum & pisa, ac vicias profert tellus abunde: saginam, milium, panicum, quod ea decutiat atque perdat ventorum vis, ferere vix operæ pretium ducunt; est in Belgio quoddam seminii genus, quod *boekweyt* ipsi indigetant, ejusdem fere cum sagina coloris & magnitudinis, sed forma triangulari, & sagina præstantius. Colligitur hoc ubertim in usum jumentorum & gallinarum. Sed exigente necessitate fiunt ex eo cum panis, tum & cervisia. Est enim ejus farina tam præstans & candida, ut cum aliorum frumentorum farina ea sæpe commisceatur. Maturatur vero hic segetum omnium fructus, pro cœli ratione, aliquanto quam in Italia tardius, idque sola caloris inopia. Nec tamen Italiæ præterea quidquam cedit, tritici quidem adspectu; quin alicubi etiam superat. Neque vero prætermittendum est, terram hanc leviorē esse & molliorē: ideoque equis fere

Fruges.

arari, non bobus: nisi quod in Brabantiae tamen Campania bobus quoque arari solemne est. Quos, cum annis aliquot uli sunt, saginare, ac deinde mactare solent, & vesci.

Gignit insuper tellus varia arboreorum fructuum genera, pyra præsertim, mala, pruna, cerasa, mora, persica tam præcocia, quam serotina, juglandes, avellanas, mespila, ac nonnullibi & castaneas. Amygdala, ficus, & similes fructus hîc ægre proveniunt, calore nimirum nec ipsis, nec oleis quoque, aut Medicis, citreis, Punicis malis, aliisve nobilioribus fructibus satis propitio. Qui ex Hispania tamen & Lusitania, beneficio maris ac navigationis, adfatim Belgis omni propemodum tempore suppetunt. Inveniuntur præterea satis multæ in oppidis passim & pagis varii generis vites. In agris vero, ob eundem caloris defectum, paucissimæ. Circa Lovanium tamen, & Namurum, in agro Luxemburgensi & Leodicensi hic illic occurrunt, & quidem satis feraces, adeo ut & vinum aliquod reddant, licet exile & subausterum, ob uvam non satis percoctam. Arborea ad materiem, puta quercus, robora, fagos, fraxinos, cerros, platanos, populos, aliasque complures, passim hic invenire est, & quidem eximie altas crassasque, ac tam ad ædificandum, quam ad comburendum idoneas. Paucae sunt lauri, pini & abietes, pauciores cupressi, nisi in hortis ornatus causa culti. Sed harum vice maxima est cujusdam arborum generis copia, quas vernacule *linden*, Latini *tilias* dicunt, forma & fronde ulmis adsimiles, nisi quod hæc altiores, & citius crescunt, adeo quidem ut sedecim vel octodecim annorum spatio in eam excrescant crassitudinem, quantam vir cingulo suo ægre circumdet. Gignunt eadem & flosculos quosdam candidos, & suavissimum odorem spirantes, absque alio prorsus fructu: Lignum fabris non aspernabile: ex quo & carbones fiunt pulveri tormentario conficiendo idonei, & salignis longe præstantiores. Habet vero hæc arbor inter lignum & exteriorem corticem lanitii quoddam genus, cannabi non absumile, unde restes fiunt & funes. Sed enim ejus frondes, utcumque molles ac teneræ, nulli omnino animalium gratæ. Nascitur quoque in Arduennensi præsertim saltu, arborum, quas Latini *taxos*, Galli *If* nuncupant, ingens numerus: quæ & inter Namurum Hujumque satis frequentes. Similis plane est hæc arbor abieti, vel potius ex abietum genere. Fiunt ex ea potissimum hastæ; & arcus non minus pulchri, quam boni; & conficitur ex ejus succo præsentaneum illud toxicum, quo Rex Cativulcus, omnibus precibus detestatus Ambiorigem & ejus consilia, desperabundus se interemit, teste in Commentariis Iulio Cæsare.

Fructus arborum.

Arbores.

Est hîc & peculiare quoddam arboris genus, quod alibi haud facile quis reperiat; indigenæ *Abeelen* vocant, & videtur populi albæ species. Has copiose gignit Brabantia, suntque magni in ea, & nominatim Bruxellis, ad varia utensilia usus.

Crocum, cujus quidem haberi debeat ratio, aut aromata cætera regiones istæ non gignunt. Sed neque medicinales quas vocant herbæ, aut earum radices ea hic pollent vi ac facultate, qua sub temperato magis cœlo. Quocirca, siquando

iis utendum est, pro qualitatē suā ratione, majori sumenda sunt quantitate. Nec ad varia tamen medicamenta variā defunt plantā venenosā, & in tertio quoque ac quarto gradu calidā frigidāve, cujusmodi sunt lycocton, vulgo cuculla monachi, flammula pratenfis, lolanum lethale, cicuta, & quādam aliā. Leguntur hic itaque & legi possent aliā quoque innumerā herbarum medicinalium, tum calefacientium, tum refrigerantium atque laxantium species: velut quotidiana eorum qui huic studio dediti sunt docet experientia.

Olera & Hortorum deliciae.

Olera verò atque herbā, quarum in acetariis, aliisve mensarum deliciis usus est: tum & variū generis bulbi atque radices, pulchriores hīc sunt, & fortassis etiam meliores, quam in aliis Provinciis: sunt & cucurbitā, cucumeres, cardui altiles, asparagi & id genus hortensia; omnigenā insuper rosā, ac flores, pulchritudine simul & virtute praestantes. Sunt quoque suo nonnunquam tempore & pepones, (sive melones dicendi sunt,) mediocriter boni.

Animalia venenosa.

Nulla hīc, saltem in frigidioribus terrā partibus, animalia venenosa. Nulla viperā, aspides, aliave serpentium genera. Non lacertas, non stelliones, non scorpios, aut id genus bestiolas hīc invenire est: nisi si aestus forte & calores praeter modum ferventes, ac plus solito diuturni: tunc enim casu nonnunquam fit, ut aliquid tale compareat; at inefficax tamen ut plurimum atque innoxium. In Hollandia vero, Zelandia, aliisque ubi utilis ille cespes effoditur partibus, & in vastioribus illis sylvis, colubri quoddam genus invenitur, aspidi non absimile, adderen ipsi nuncupant, venenosum admodum & malignum. Bufones praeterea, & lacertae quādam aquaticae, veneno imbutae, non defunt. Quemadmodum nec hirudines. Ad pharmacorum vero confectiōem & consimiles usus, adfatim huc venenorum exoticorum importatur: adeo quidem ut & theriaca, & mithridaticum, Orientis exemplo, hīc confici soleant.

Agri, prata, pascua.

Agri & prata in majori regionum istarum parte prospectu valde ameno sunt, propter densas & in quincuncem digestas arbores, & earum undique renidentes fructus: tum & pulcherrima, ac animalium gregibus refertissima pascua pinguisima.

Domestici cum pecus.

Domestici atque cibarii pecoris omnia, bubalis tantum exceptis, genera regiones abunde suppeditant. Boves in Frisia nominatim, & in Hollandia vasto sunt corpore. Et inveniuntur, qui communem modum in tantum excedunt, ut plus mille sexcentas terrā ipsius libras, quarum singulae constant sedecim unciis, id est, bis mille, & quod excedit Italicas, singuli saepe pendant. Quinimo donatus fuit Mechliniae Comiti Hoogstratano Frisius bos, ea magnitudine obestitateque, ut bis mille quingentas viginti & octo Brabanticas libras penderet. Cujus propterea, tanquam inusitatae cujusdam rei, imago, in ipsa Comitatus ejus Palatii porta, ad vivum depicta est, addito donationis anno ac die. Verveces passim hīc magni, & tum horum, tum illorum etiam carnes ea praestantia, ut (excepta, quod boves attinet, Anglia, ubi fortasse perfectiores sunt)

Belgica.

sibi, & antiquorum scriptorum testimonio, & palatorum hodiernorum gustu, non habeant pares. Vituli quoque, hœdi & agni satis hic sunt laudabiles. Sunt vero omnia isthac pecorum genera ea fecunditate, ut in Hollandia maxime, Frisia, & parte aliqua Flandriae, oves uno interdum partu ternos edant, imo quaternos foetus: vaccae, binos frequenter vitulos. Reddentes adhuc tantam optimi casei, ac melioris etiam butyri copiam, in Hollandia nominatim, ut vix videatur credibile. Constat namque, unicam aliquam vaccam aestate in singulos dies reddere octonos, vel & denos interdum lactis cantharos, sive ut ipsi loquuntur *mengelen*, quorum singuli quidem quartario, sive lagena Florentina, capaciores sunt. Adeo ut non ipsi modo Provinciae, licet infinitam pane lactarium vim consumenti, abunde prospectum sit: sed magna quoque pecuniae vis colligatur ex iis quae in alias oras hinc exportantur. Casei autem ovilli rarus hic usus est, caprini etiam rarior: superante nimirum utrumque, & bonitate simul & utilitate, vaccino.

Caseus & butyrum.

Gignunt haec regiones, & speciatim Hollandia, Frisia, Geldria, Flandria, numerum magnum equorum, vastitate simul & pulchritudine corporis, ac strenuitate praestantium, tum ad usus quoscumque & praecipue bellicos, perquam idoneos: & sunt tamen ut plurimum, exceptis magna ex parte Flandricis, cum tota corporis mole, tum capite maxime graves, ac duriores tractatu, & brevioris vitae.

Equi.

Lanae hic crassiores, nec Hispanicis Anglicae nisque bonitate ullatenus comparandae. In causa est praeter aeris crassitudinem, nimia pascuorum humiditas atque luxuries. Unde fit, ut crassiores, longiores & asperiores sint pecudum villi.

Lanae.

Non generatur hic ullus sal, neque alumen, aut sulphur, praeterquam in agro Leodicensi. Sed nec alicujus momenti fodinae sunt, nisi ferri, plumbi, & cupri. Sed quod hac in parte a Natura negatum est, hoc largiter supplet incolarum industria. Quorum virtus & vigilantia ita continuatim atque ubertim aliunde sibi de talibus prospicit, ut nulla plane cum harum quas dixi, tum nec aliarum rerum penuria, quin potius ea passim sit abundantia, ut variā quoque exoticarum regiones isthinc eas quotidie ferè petita accedant.

Rubiam, sive ut alii vocant garanzam tinctorum, tractus iste producit, ea quidem luxurie, ut non ipsis solum indigenis, sed & bonae Europae parti abunde sufficiat. Optimum insuper, sed paucissimum generat glastum. Lini & cannabis maximam abundantiam.

Rubia, linum, Cannabis.

Irrigatur hic tractus pulcherrimis simul & amplissimis fluviis. Quorum quinque praecipui, & veluti regii, in Oceanum influunt: Rhenus videlicet, Mosā, Scaldis, Agino, atque Amasius. Sunt deinde & variū, velut minorum gentium fluvii. Quorum praecipuos quosque ordine postea descripturi sumus. Nunc ad quinque priores.

Fluvii.

Rhenus, omnium non Germaniae tantum, sed totius fere Europae fluviorum, post Danubium, maximus, profluit gemino fonte ex altissimo il-

Rhenus.

b

lo mon-

lo monte, quem Ptolemæus atque alii veteres Adulam vocant, neoterici vero *den Vogelbergh*, licet proprie magis dicatur Mons Sancti Gothardi, ab ædícula quadam, sive facello, in eo exstructo, & honori ejus Sancti dicato. Hinc gemino illo alveo ad orientem Solem contendens, quarta supra Curiam, urbem Episcopali dignitate insignem, leuca coadunatur, atque hic unico alveo unicoque vocabulo contentus, statim fit navigabilis. Inde vero jam integer & superbus, ad sinistram deflebens, in arcum sese contorquet, & veluti semilunam. Atque hoc modo inter altissimos montes per amplissimam quandam vallem versus Septemtrionem descendens, in vastum illum Constantiensem, & hinc rursus in Cellensem lacum effunditur. Vnde convertens se ad Occasum, Rhenofeldiam invenit, & servato cursu Basilæam perlabitur. Hinc ad Septemtrionem rursus convertitur, & lustrato Brisaco cursum illum prosequitur, usque dum Argentinam, teli dumtaxat jactu distitam, detegat. Vnde multos terrarum tractus, multa oppida prætervectus, variisque tum majoribus tum minoribus Galliæ Germaniæque amnibus in alveum suum receptis, jam augustior atque superbior, Spiram, Wormatiam, & Moguntiam pervenit; indeque ad Occasum deflebens, Bingium præterlabitur. Vnde ad Caurum conversus, relictis à tergo Confluentia, Bonna, Colonia, Lobecum Geldriæ locum allabitur. Et hætenus quidem unico alveo contentus, nec in plures ramos divisus est. Embricam prætervectus velut in duos amnes dividitur. Alter, servato Rheni vocabulo, Arnhemium rectè contendit. Inde Vadam, Rhenam, & Batavodurum; ubi versò cognomento Leccam accolæ dicunt, à Teutonica voce *Leken*, quod interpreteris persuere, quod initio scilicet velut rivulus fuerit è Rheno derivatus, temporis autem successu mutatus in justum flumen, ipso genitore suo fere exhausto, quando is anno Christi 1360, aquarum superne defluentium alluvie, & Oceani eas repellentis violentia, coactus est ad hunc Leccam confugere, & Culemburgum, Vianam, Schoonhoviam præterlapsus, per Merwam in Mosam sese effundere. Adeo quidem ut, cum usque ad tempora Hungeri, undecimi Vltrajectensium post D. Willibrordum Episcopi, Rhenus Vltrajecto transire solitus, ea qua diximus tempestate cursum suum mutasset, Vltrajectini, quò commodius ipsis adveherentur secundo Rheno è superioribus partibus necessaria, rivum coacti sint ex ipso Lecca deducere. Atque hinc prima Isalæ, (non illius majoris, & quem supra memoravimus) sed alterius, cognomento Hollandicæ, unde Iselsteinio nomen, origo. Rheno deinceps Montfortium, Veteraquinum, & Goudam urbes præterfluente, & in Mosam iterum irruente. Licet autem Rhenus Vltrajecti desierit fluere, superest tamen inibi alveus ejus vetus, prisco huc usque vocabulo nobilis. Quo ipso & Leidam usque pertingit. Qua per varias fossas rigata, Cartovicum se confert, ubi ostium ejus quondam fuisse existimant, quod arenis obstructum sit.

Mosa.

Mosa profluit ex monte Vogeso, quem Vade-

montium hodie nuncupant, juxta Montigniacum Regis, Gallice *Montigny le Roy*, in finibus Lingonum, non longe ab duorum nobilium fluminum Araris atque Matronæ fontibus: & arrepto versus Septemtrionem cursu, prætervehitur Fanum Sancti Theobaldi, ubi incipit fieri navigiorum patiens. Transít inde Virdunum, & hinc ad Caurum conversus, Musonio pervenit Magetorriam, vulgo Masieres. Vnde rursus ad Septemtrionem deflebens, lustrat Carolomontium, Bovinas, Dinantum, Namurum, ubi recepto Sabi, jam major, atque superbior, ad Aquilonem convertitur, & Hujum ingressus, Leodicum & Trajectum, quod Mosæ vocant, perfluit. Atque hoc modo Brabantiam à Geldria Cliviaque discernens, Stochemium, Masacum, Ruræmundam, & hinc Venloam se confert. Vbi ad Septemtrionem conversus, servatoque ad tres leucas hoc cursu, rursus ad Caurum se flecit, & Cuquio, Gravia, Ravestein, Megalustratis, ad Herverdiam Vahali se miscet: nec amisso propterea nomine, rursus ab illo disjungitur, & separatim uterque pervenit Lovestein. Vbi facta Insula Bommelerwerda, denuo conjunguntur, Worcomiumque & Gorichemium prætervecti, Merwæ cognomentum adsciscunt, ac vasto quodam & amplo sinu feruntur Dordracum. Vbi rursus facta Insula Iselmunda, Mosæ nomen amissum recipit. Quo ipso ampullans & furibundus, in Oceanum influit, ut orbitam suam atque dulcedinem magno intervallo conservet.

Nascitur Scaldis in Picardia, tractu Veromanduorum, juxta *Beaurevoir*, in vicinia Castelletti, ex monte, unde similiter profluunt fluvii Somona & Sabis. Estque dignum hoc sane consideratu, quod amplioris istis fluvii perpetuo fere (ut in Rheni Mosæque descriptione jam dictum est) nascantur conjunctim, & propinquis inter se fontibus: cum tamen, secundum sui naturam, videantur potius alii ab aliis quam longissime dispergendi. Scaldis itaque statim à fonte ad Caurum properans, Cameracum invisit. Et hinc ad Aquilonem conversus, Valentianas præfluit, ubi incipit fieri navigabilis. Petit inde Condatum, & servato eodem cursu, receptoque fluvio Scarpa, alluit Fanum Sancti Amandi. Vnde ad Septemtrionem deflebens, Tornacum perlabitur. Hinc Aldenardam, & hinc rursus Gandavum, ubi recepto Livia simul & Lisa fluvii, ad Aquilonem deflebens, Teneræmundam ingreditur, & recepto hic Tenera, sinistro cornu prætervehitur Rupelmundam, auctus è regione ejus municipii fluvio Rupela. Vnde elatior jam magisque magnanimus, dextro cornu Antverpiam leviter tangit, quam à capite usque ad calcem, quàm longe ad ejus oram extenditur, forinfecus lambit rigatque. Tandem directo ad Caurum cursu, dextra quidem Brabantiam, læva vero Flandriam prætervectus, Satingiam usque, Flandriæ municipium, quatuor leucis Antverpia distitum, permanet indivisus. Atque hic mutato consilio, in duos amnes dividitur. Quorum alter convertitur ad Occasum, & servato ad duodecim leucas cursu, mutatoque per viam suo in Hontam vocabulo, inter

Scaldis.

Agino, Aa.

Amasius, Eems.

Fla
ful
ter
pr
ab
At
alt
rac
hin
de
me
Mo
las
ma
vic
&
pa
cu
at
pfo
Ga
ab
de
eo
tro
bi
no
mi
sta
tur
mo
qua
ut
bus
cap
nat
po
me
bil
qui
gra
fici
fuo
cto
la
qui
Sur
vo
ref
rou
Ca
do
ubi
lud
con
lia
&
Va
cin
gar
par
Sca
teli
tan

Flandriæ Slusam, & Walachriam Zelandiæ Insulam, in Oceanum effunditur. Alter ad Septemtrionem desleat, & Bergozomium eminus præterlapsus, Zomam ibi torrentem recipit, qui ab ea quidem parte claudit Zelandiæ terminos. Atque hinc iterum in duo veluti finditur cornua: alterum, cui *Vossemeijr* nomen est, continentem radens, Tolam Zelandiæ prætervehitur, & una hinc circiter leuca in Merwam sese exonerat: eodem ut paret cursu, quo juxta Cæsaris commentarios, atque ejus ipsius sæculo, Scaldis in Mosam influxit. Alterum cornu Zelandiæ insulas variis veluti brachiis interstinguit, & qua permanset violentius, in duas potissimum partes dividit, Orientalem scilicet, vulgo *Beooster Scheld*, & Occidentalem, *Bewester Scheld*, accolis nuncupatas. Inter quas, ad Oceanum ille contendens, cursum suum consummat, amisso inter Scaldiam atque Walachriam nomine. Subit autem hoc ipso Scaldi, cujus anfractuofus valde meatus est, Gandavum usque, id est, ad triginta & amplius ab ostio ejus leucas, maris ipsius accessus. Unde fit, ut ob Mosæ vicinitatem subeant unâ cum eo nonnunquam & acipenser, multi salmones, troctæ salmonatæ, prægrandes murænæ, rhombi, conghi, alosæ, cuculi, aranei, passer, soleæ non vulgares, nulli excellentissimi, locustæ ad miraculum bonæ, sardæ, aliaque complura præstantium piscium genera: qui inde ab ipso mari, tum ut suavius saginentur, tum ut ova sua commodius ponant, ad has aquas se conferunt; aquas iis sane quam conducibiles: adeo quidem ut tribus illis partim vernis, partim æstivis mensibus, præter pisces illos majores, tanta quoque capiatur pisciculorum minutissimorum, & vix natorum adhuc abundantia, ut magnæ quotidie populi multitudini sustentandæ sufficiat. Rem mehercule admirandam, & tantum non incredibilem. Ingrediuntur eodem flumine plurimi, & quidem valde eximii canes marini, tum & prægrandes simul & optimi tursiones. Quæ duo piscium genera non sunt ex oviparis, sed catulos suos pariunt vivos, & omnibus membris perfectos. Canes quidem in terra, ubi tantisper eos lactant, dum fiant grandiusculi, id est, Plinio quidem auctore, usque ad duodecimum diem. Sunt vero hi canes pilosi, ac horribili quadam voce, & calenti sanguine præditi, prorsus ut terrestres, non autem aquaticæ bestiæ.

Agino, Aa. Agino, vulgo *Aa*, vel *Ha*, nascitur prope Terrouanam, in finibus Morinorum, & arrepto in Caurum cursu, prætervehitur Fanum Sancti Audomari, unde Gravelingam porro contendit, ubi, non procul ab eo loco, in quo magnum illud inter Gallos ac Burgundos, anno Christi commissum est prælium, in Oceanum influit.

Amasius, Eems. Amasius, vulgo *de Eems*, nascitur in Westphalia, circa pagum, cui nomen est Viedeburgum, & in Caurum statim contendens, præterlabitur Varendorpium. Hinc Monasterio urbi factus vicinior, Greviam, Rhenam, Elbergam, & Lingam, leucæ triente ab ripa sua distantem, Mepam, Hessopium, Haram, Langium, Berselium, Scarpenbergam, Reidam, Bachbantium, Metelinum, aliaque loca prætervectus, Iemercum tandem allabitur, locum acceptâ ab Comite

Ludovico Nassovio, anno 1568 clade insignem. Unde ad Occasum conversus, magnum ex se efficit lacum, ad cujus dexteram situm est oppidum Embda, supra quod immenso ore in Oceanum Septemtrionalem effunditur.

Regiis, & velut majorum gentium tractus nostri fluvii hucusque descriptis, ad Isalam tandem, qui & ipse pæne est inter regios, cæteroque deinde minores fluvios, ordine progressurus sum.

Nascitur ergo Isala in Westphalia & confiniis Cliviæ, juxta Rasfeldiam. Et ad Caurum inde contendens, prætervehitur Vistam, Werdam, Hanoltum, Burgum, Deutecomium, Keppelam: unde Duisburgum porro allabitur. Vbi nobilem illam Drusi fossam, cujus supra meminimus recipit. Quæ quidem utriusque conjunctio in causa est, ut inde ab fonte hucusque celebretur veteris Isalæ cognomento. Dehinc vero tot novis Rheni aquis jam auctior, ac veluti renovatus, Isalæ novi nomine passim innotuit. Quo ipso ad Septemtrionem conversus, Bronchorstium primum; hinc Zutphaniam prætervehitur, ubi recepto in alveum suum Berchela, Daventriam porro, Hattemium, denique Campas allabitur. atque hic magno se ore effundit in lacum Flevis, vulgo *de Zuyderzee*, qui ingens Oceani Septemtrionalis, inter Geldriam, Hollandiam, Frisiam, finis est, decem & amplius leucas latus, quo, omnes quotquot sunt naves, Amstelredamo, aliisque Hollandiæ locis, varios versus Europæ tractus solventes, in Oceanum ipsum exeunt.

Mosella nascitur juxta flumen Rolandum, inter montes Vogesum & Novi Castri, Basilæa haud procul. Atque hinc arrepto ad Caurum cursu, Lotharingiam pæne mediam scindit, Remiremontio primum ingressus. Ciattam deinde, & Tullum urbem prætervectus, ad Aquilonem desleat, ac Musonium præterlapsus, Metim petit, inde autem intrans in terram Lucemburgensem, Theonvillam inibi lustrat. Mox servato cursu, Siricum, Treviros, Bernocastrum, Trabacum, & Coanum appellit. Tandem vero jam amplius ac violentior, ad Confluentiam, cui oppido inde nomen est, quod illic confluant ista duo flumina, Rheno se miscet.

Lisa nascitur in Arthesia, ad Lisburgum pagum, cui nomen suum impertit, haud procul ab Terouana. Et Ariam oppidum prætervectus, Armenterium, Viroviacum, Menemium alluit. Hinc Cortracum fere medium scindit, & Deinsam præterlapsus, Gandavum decurrit, ubi in Scaldim effunditur, vario & ipse laudabilium piscium genere nobilis.

Sabis nascitur in Hannonia, ad Novionum pagum, & ad Aquilonem decurrens, Landrecium, Sassenium, & Barlemontium lustrat. Hinc Maubugium perfluens, servato quem instituerat cursu, Merviam & Cassellam pervenit. Tandem vero Namurum interfluens, in ejus exitu se in Mosam exonerat, variis etiam ipse & laudatis piscibus scatens.

Dilia nascitur in Brabantia, ad pagum sibi cognominem, & in Septemtrionem decurrens, Wavriam pervenit, ac tertia inde leuca Lovanium. Unde servato ad totidem leucas cursu, flumen

flumen Demeram recipit. Mox ad occasum conversus, pluribus velut ramis Mechliniam perfuit, & prima hinc leuca, invento ad Rumpstun nobilem pagum, Netha, uterque, nescio sane quo fato aut casu, nomen suum Rupelæ cognomento, ob loci forte illius nobilitatem simul & antiquitatem, permutat. Qui ipse Rupela jam aquis auctior, duas modo vel circiter leucas progressus, è regione Rupelmundæ, cui arcu nomen suum impertit, in Scaldim effunditur.

Rupela.

Sima.

Sinna, secundum nonnullos, nomen sortitus est à Senonibus, Angliæ olim populis, quo tempore Galliam divexaturi, hæc videlicet transierunt. Magis tamen rationi videtur consonum, si dicamus, Sinnam sumsisse nomen à Sogniaco, vulgo Sogni, Hannoniæ oppido, juxta quod ipse nascitur, & arrepto ad Boream cursu, Hallas præterfluit, unde Bruxellam delatus, eamque varie pervagatus, Vilvordiam properat, altera illinc leuca distans. Mox ad Caurum deflectens, ad dextram relinquit Mechliniam, & paululum supra eam urbem in Diliam influit.

Desa.

Desa nascitur prope oppidulum Peram, in terra Leodicensi, & ad septemtrionem conversus, Eindoviam perfuit. Hinc servato eodem cursu, Buscunducis ingreditur, & altera ab hoc leuca in Mosam effunditur.

Demera.

Demera nascitur prope Tungros, in eadem Leodicensi terra, & ad occasum arrepto cursu, Bilsam ingreditur. Mox tertia inde leuca Hassellam perfuit, & quarta illinc leuca Diesthemium. Vnde Sichemum porro & Aerschotum pervagatus, Diliæ sese commiscet.

Nitha.

Nitha nascitur prope Rhetium pagum, & ad Africum statim decurrens, Herentalium perfuit. Vnde servato cursu, in toparchia Grobendoncana, Adam torrentem in alveum suum recipit. Hinc Liram progressus, Duffliam properat. Inde rursus Walthemium. Tandem ad Rumpstun pagum in Diliam influit, qui Rupelæ illic cognomentum, ut jam dixi, adsciscit.

Rura.

Rura, vel secundum Trithemium, Rora, nomen ducit ab Rorico, Clodovæi Gallia Regis filio, casu in eo submerso. Nascitur autem prope Bulingiam, pagum terræ Iuliacensis, & ad Caurum deflectens, Duram, inde urbem ipsam Iuliacum prætervectus, Ruremundæ, cui & nomen suum impertit, in Mosam aquas suas exonerat.

Berchela.

Berchela nascitur in Westphalia, non procul Coesfeldia, & Statlonium, Vredam, Lochemium præterlapsus, in exitu urbis Zutphaniæ, Ilalæ sese commiscet.

Nirsius.

Nirsius nascitur circa Fanum Sancti Antonii in terra Iuliacensi, & ad Caurum fluens, Wachtendoncam allabatur: Hinc Geldriam oppidum, & mox Goccham se confert. Tandem paulum supra Genapum in Mosam effunditur.

Vidrus.

Vidrus, Belgice nominatur *de Vecht*, idque, scribente Trithemio, ab quodam Vechtano, qui Odemari Francorum Regis temporibus, casu in eo submersus est. Erat autem is ipse Vechtanus in flagranti admodum apud Regem gratia, è Druidum numero, ac propheta simul & sacerdos, ob multijugem, qua præditus erat scientiam, & variarum linguarum cognitionem

clarissimus. Vidrus autem nascitur in Westphalia, & interfluit Comitatum Benthemiensem; Hardembergum, Ommam, inde vero Hasselium alluens. Tandem ad Gelmundam in lacum Flevis aquas suas exonerat.

Scarpa duplicem habet in Arthesia fontem; *Scarpa.* quorum major ex monte Sancti Eligii, alter ex loco illi finitimo profuit. Quibus mox concurrentibus, Atrebatum jam integer pervenit. Hinc ad Boream versus Duacum, mox Laleinium & Marcenas interfluit. Vnde Hennonium porro decurrens, in exitu ipso Mortaniæ, Scaldi se miscet.

Tenera nascitur in terra Hannonia, haud procul Condato, & ad Boream defluens, Arhum, Lessenam, Gerardomontium, Ninoviam, & Alostum interfluit. Mox Teneramundam, cui nomen impertit, delatus, in exitu ejus Scaldi se miscet.

Tenera.

Haina perexiguus quidem est amnis, at Hannoniæ tamen Comitatus nomen olim dedisse creditur, mutuatus id ipse ab vetusto illo juxta quem nascitur pago, videlicet Hainuerio, sic dicto ab Hunnis, qui in his partibus quondam castrametati sunt. Profuit autem Haina aliquamlonge versus occasum. Mox juxta Condatum in Scaldim effunditur.

Haina.

Chirfus nascitur in Lotharingia prope Loignonum, & mox terram Lucemburgensem ingressus, prætervehitur Marivillam, Mommedium, Castrochaventium, Fertæam, Ivosium, unde prima circiter leuca in Mosam effunditur.

Chirfus.

Atque hæc quidem sunt præcipua Inferiores hæce Provincias perlagentia flumina. Quæ cum aliis aliquot rivis, fluentis, atque torrentibus, brevitate ergo à nobis omisissis, præter innumeros fere quos suppeditant pisces; præter amoenitatem, tutelam, & securitatem, quam tractui ipsi conciliant; inæstimabilem quoque mercibus ultro citroque pervehendis commoditatem & utilitatem præbent. Efficiunt præter hæc regionum ipsarum indigenæ, horum ipsorum fluminum adminiculo, in quæ alias terræ aquas, variis manu cavatis fossis, in unum veluti corpus redactas, perducunt; efficiunt, inquam, magna profecto industria, commodis passim & opportunis locis, ac ad multas etiam leucas producunt complures, eosque perpulchros & navigabiles alveos, sive canales; qualis præsertim est Bruxellensis ille longe pulcherrimus, tum Gandensis quoque & Middelburgensis; adeo quidem ut omnes fere urbes & oppida, tum & alia alicujus momenti loca, biremibus minimum navibus possint adiri, ac merces eò commode subvehi.

Paucos habet hic tractus aquarum vivarum fontes, præterquam in locis montosis. Lacubus vero, stagnis atque paludibus passim abundat. Quæ & ipsa terram egregie muniunt, & immensam piscium varii generis copiam accolis suis suppeditant.

Arduennam testatur Cæsar ævo suo fuisse maximam totius Galliæ sylvam, coepisseque ab ripis Rheni, & ingenti magnitudine per medios fines Trevirorum, ab una quidem parte ad confinia

Sylva.

finia Nerviorum, ab altera vero ad initium Rhemorum pertinuisse, millibusque amplius quingentis in longitudinem patuisse. Nostra ætate maximus etiamnum Galliarum saltus est. Sed exculta paulatim tellure, multum imminuit. Quin & præter hoc detrimentum, illa ipsa quæ superest pars haud usquequaque coheret, sed frequentius interruptitur, atque hic illic aratro subigitur, mutato subinde & cognomento. Continuatur autem, qua longissime, inde ab Theonvilla usque ad urbem Leodicensem, quod quidem triginta plus minus leucarum iter est. In cuius medietate situm est Fanum Sancti Huberti, oppidum, juxta Gemmam; est autem hic saltus maximis passim altissimisque variorum generum arboribus densus: Quæ non minus amœnum eum & fructuosum, quam celebrem & admirabilem reddunt.

Mormautium sylva.

Mormautium, amplissima simul & amœnissima Comitatus Hannoniarum sylva, initium capit circa Quercetum, vulgo *Quersnoy*, & in Austrum, ad multas leucas; Veromanduos versus procurrit, oppida, pagos, villas complexa, rivis quoque & fontibus limpidissimis passim irrigua. Plurimi conficiuntur in hac sylva carbonēs, unde creditur à nonnullis veteris Carbonaria pars, quam alii tamen magis orientalem, ac inter Mosam & Sabim fluvios fuisse contendunt, & amœnum illud Harchia nemus ejus esse reliquias, in quo cognominis ille cum arce pagus, Comitum Barlemontii sedes.

Sylva Divi Amandi.

Amœnissima Divi Amandi sylva, in eadem quoque Hannonia sita, audit vulgo & sylva Raimensis, ob summam videlicet cum eo saltu viciniam. Initium autem capit in Flandria Gallicane confiniis, ad nobilem illum pagum Divo & sylvæ cognominem. Vnde porro ad orientem, magno admodum spatio, Valentianas usque procurrit, arboribus passim densa. Est autem saltus Raimensis in ditione Toparchæ Ameriensis, qui hac ipsa de causa est Magnus Venator Hannoniarum, dignitate nimirum Saltui ipsi annexa.

Sylva Fagniacensis.

Est in eodem Hannoniarum Comitatu & Fagniacensis sylva, quæ initium capit prope Avennas, & lato ambitu, usque ad Magetobriam, vulgo Masieres, Galliarum oppidum, id est, sedecim ipsas leucas in longitudinem patet, olim multo etiam major.

Sylva Sogniacensis.

Sogniacensis, vel ut alii scribunt, Sogniacensis sylva, sita est in Ducatu Brabantiarum, bombardæ circiter jactu ab urbe Bruxella. Procurrit vero trium leucarum spatio versus meridiem usque ad Brennam alodiam quam vocant, & Brennocastrum. Saltus revera ingens, & perinsignis, ac plus septem leucas, id est, octies mille jugera, quorum singula quadringentas decem pedas, sive ut vulgo loquuntur virgas, hæ vero vicenos pedes, continent, ambitu suo complexus. Cæduntur quotannis hujus sylvæ, solemniquodam regionis more, centena jugera. Quæ ad quinquagena florenorum, id est, vicena quina aureorum nostratum millia Principi reddunt. Atque ita fit, ut octogesimo quoque anno, tota quam late patet sylva, & recisa sit, & altissimis rursus crassissimisque arboribus restituta, ac

Belgica.

veluti renovata. Varios insuper iste saltus ingenti suo circuitu complectitur pagos, tum & arcem, quam trium fontium vocant, & abbatias cœnobiarum compluria; rem non laudabilem minus quam admirandam.

Meerdalia urbi Lovaniensi vicina, magnus & pulcherrimus saltus est, nec amœnitate minus, quam ferarum frequentia, & insigni, quod venationem quidem concernit, immunitate celebris.

Meerdalia sylva.

Zaventerloæ, inter Lovanium, Bruxellam & Vilvordiam sitæ, nomen est ab Zaventria, pago sylvæ amœnæ propinquo.

Zaventerloæ sylva.

Grootenhoutium in eadem Brabantia situm est, paullum infra Turnhoutum. Nascitur autem hic Ada torrens, qui in Nitham fluvium influit. Saltus ipse permagnus est, & venationibus olim reginæ Mariæ, Caroli V sororis, cui oppidum ipsum Turnhoutum ad vitam à fratre concessum, plurimum frequentatus.

Grootenhoutium sylva.

Marlania, agri Namurensis sylva, initium capit ab ipsa urbis Namuri arce, & Hypafricum versus magna altitudine Philippovillam, longitudine vero usque ad Mosam ripam procurrit, superbo sane & amœno valde adspectu.

Marlania sylva.

Niepa, Flandria saltus longe præcipuus, haud procul Arthesiæ finibus, flumini Lisæ propinquus est, Casleto & Bella pari duarum leucarum intervallo, licet viis diversis, abjunctus. Sylva ingens, amœna, antiqua, & in qua arx situ valida.

Niepa sylva.

Nonna ejusdem Flandria sylva, Ipris vicina, ingenti magnitudine in septentriones extenditur, multos pagos & abbatias complexa.

Nonna sylva.

Poodsbergia inter Flandria Hannoniarumque confinia, circa Gerardomontium & Lessinam sita, magnus & orbiculari pæne figura saltus est.

Poodsbergia sylva.

Buscum-Guilielmi Arthesiæ prope Rentejum sylva est, in qua semi-prælium illud inter Imperatorem & Galliarum Regem, anno Christi 1554 commissum est.

Buscum-Guilielmi sylva.

Echterwaldia, pulchra simul & peramœna Geldriae ad Arnheimium sylva, boream versus procurrit.

Echterwaldia sylva.

Seven Wolden in Frisia & confiniis Transisalanæ, septem ingentes saltus sunt, haud magnis inter se intervallis abjuncti, unde & uni è tribus Frisiae Statibus, sive Ordinibus nomen est. Ambiant autem singuli satis magnum terræ circuitum, & quamplurimos continent pagos, adpectu sane quam delectabili.

Septem Saltus in Frisia.

Scatent vero hæ omnes hætenus nobis enumeratæ sylvæ variorum in usum venationis generum feris, quales nimirum cervi, damæ, capreoli, apri, lepores, cuniculi, taxi: quin & glires quoque, & erinacei. Neque defunt propterea lupi, vulpes, mustelæ. Sed è contra adsunt & canes, grandes illi quidem ac præferoces, & cum noxiis illis feris pellendis, tum & in reliquos venatorum usus perutiles, sed quorum optimi tamen ex Anglia Belgis suppetunt. Est autem & peculiare quoddam hic canum sagacium genus, quos Itali nominant *segugos*, ea indole & virtute, ut operæ pretium sit breviter eos attingere: maxime cum & Silius Italicus, insignis jam inde ab Neronis ævo Poëta, eorum,

Ferarum varia genera.

Canes.

eorum, & quidem cum laude, libro de Punico bello decimo, faciat mentionem. Duæ ergo sunt canum istorum species: alii enim mediores, seu media quadam magnitudine, alii quidem minores, sed iidem & pulchriores, ac auribus fere ad terram demissis. Vtrique autem eo ingenio & sagacitate, ut statim atque conspexerint, vel odorati sint feram, sive saucia ea sit, sive intacta, tanta & aviditate simul & obstinatione, per saltus, sepes, valles, montes, & quoscumque alios transitus, ejus persequantur vestigia, ut non ante conquiescant, quam & feram invenerint, & venatori suo ostenderint. Quocirca magnis etiam pretiis exteri eos canes licitantur, quos in alias oras hinc avehant. Sed non videntur illi vel educari, vel genus suum, ea qua hic quidem indole, peregre propagare posse. Versus Poëtæ, quos dixi, eccisti:

*Vt canis occultos agitat cum Belgicus apros,
Erroresque fera solers per devia mersa
Nare legit, tacitoque premens vestigia rostro,
Lustrat inaccessos venantum indagine saltus,
Nec sistit, nisi conceptum seclatus odorem,
Deprendit spissis arcana cubilia dumis.*

Est & aliud quoddam peculiare canum aquaticorum genus. Ac principio quidem aviarii illi ab Hispania canes, quos Belgæ *Spiljoenen*, Itali *Barbettos* dicunt, in magno hic & laudabili factis usu. Postea vero novum, ut dixi, inventum est apud Batavos canum genus, quod priorum illorum laudi multum detraxit. Sunt enim isti aliquanto quam illi majores, validi, acres, ore patulo, villis contractis, eaque dexteritate simul & acritate anatem, sive aliam quamlibet prædam insectantes, ut vel illico eam prehendant, vel usque adeo defatigent, dum illa cursu defessa feritati caninæ ultro se dedat. Et ex hoc etiam genere plurimi canes in exteris passim provincias avehuntur. Habet etiam hic tractus pauculas aliquot martes, seu mustelas sylvestres; plurimas lutras, & maximam mustelarum, quas à tetra quem reddunt odore nonnemo putorios vocat, frequentiam. Hæ à pulcherrimis suis pellibus admodum hodie nobiles, & per Europam distribui solitæ. Vrsi quidem & hystrices natura hic nulli, sed adducuntur abunde ex septentrionali orbis plaga. Petuntur & ab ipsa interdum Africa, & trans mare huc advehuntur leones, tigres, lynces, pantheræ, pardi, Elephantæ aliæque id genus raræ atque feroces belluæ.

Altilia.

Abundat passim hic tractus perdicibus, phasianis, turturibus, coturnicibus, turdis & merulis.

In summa omnes hic fere invenias avicularum plus quam mediocrium species; nominatim vero alaudas, quarum ingens profecto est numerus, quæque bonitate simul & suavitate, Anglicanis fortasse, Polydoro Virgilio usque adeo decantatis, non cedant. Pavones, cycni, ardeæ, ciconiæ, anseres, plurium generum anates, gallinæ Africanæ, Indicæ, Cimbricæ, magnitudinis simul & bonitate laudabiles, in magna hic copia; sicut & columbarum, tam ferarum, quam domesticarum, varia genera. Gallinagines plurimæ, & quidem insigniter bonæ. Tanta insuper toto tractu, & præsertim in Batavis, avium aquati-

carum copia, tam variæ species, ut præter animi voluptatem qua & spectatores nonnumquam; aucupes autem semper afficiunt, magno etiam publice, ob pretii vilitatem, bono atque emolumento sint. Neque desunt hic variorum generum aves rapaces, quarum potior pars in his ipsis regionibus nascitur, cujusmodi senæ, ex Plinii quidem sententia, aquilarum species, accipitres, nisi, falcones tum Alani, tum peregrini, æsalones, buteones, & fringillarii.

Indigenæ forma ut plurimum sunt venusta. *Belgarum indoles.* Corpus iis quadratum, ac justo temperamento aptaque compositione decorum: & inter alias quidem membrorum proportionibus, pulchra valde tam viris, quam foeminis crura. Statura in universum, sunt iusta; quam multi tamen excedunt, in Hollandia nominatim & Frisia, ubi corpore fere prægrandi, & supra modum proceri. Et est tamen communis opinio, non Cæsaris tantum & aliorum quorundam scriptorum auctoritate, sed & variis quoque ossium passim è sepulchretis erutorum reliquiis nixa, fuisse Belgas & ejus ipsius Cæsaris sæculo, & diu etiam post, ac ad tempora minimum Caroli Magni, longe proceriores. Quam staturæ mutationem multi adscribunt consuetudini atque commercio exterorum hic assidue versatorum, & etiam nunc versantium, quibus ea nimirum humilior. Ego tamen existimo magis id ipsum procedere ex qualitate victus, & contractiore hoc ævo moderatioreque vivendi ratione ac disciplina, quam ex alia ulla causa. Satis explicat suam super hac ipsa re sententiam, initio statim quarti commentariorum, Iulius Cæsar, cujus hæc quidem sunt verba: *Quæ res & cibi genere, & quotidiana exercitatione, & libertate vitæ, quod à pueris nullo officio, aut disciplina assuefacti, nihil omnino contra voluntatem faciunt, & vires alit, & immani corporum magnitudine homines efficit.* Sunt vero iidem Belgæ, asserente & Cæsare, admodum dediti religionibus, ac inter primos Galliæ & Germaniæ populos, qui salutari Christianorum fidei dederint nomen, faciente Divo Materno Ticinensi, primo Tungrorum Episcopo, jam inde ab anno Christi centesimo primo.

Anno Christi 531 Arthesii ab D. Vedaſto, Abbatia Atrebatensis patrono, ad Christum conversi sunt. Anno 545 Nervii, quos Tornacenses nunc dicimus, Divorum Platonis & Chrysostomi studio, Christo initiati sunt. anno 633 Morini fidem susceperunt, instituti ab D. Amando Tungrorum Episcopo. anno 690 Divus Willibrordus Batavis, Frisiis, & finitimis nationibus, missis porro in alias oras sodalibus, Christum annuntiavit. Anno 714 ii qui Scaldim accolunt, Christianam fidem amplexi sunt.

In bello tam maritimo, quam terrestri, sive id equitatu gerendum, seu peditatu, populi isti & feroces & fortes, præsertim ubi ducem aliquem nacti acrem & strenuum, quales vix unquam iis desunt. Ita ut hætenus quidem fidem adstruant Cæsaris de ipsorum fortitudine testimonio, qui primo commentariorum, ubi de singulis Galliæ populis in genere sermo est, his utitur verbis: *Horum omnium fortissimi sunt Belgæ.* & libro secundo: *Solosque Belgas esse, qui patrum nostrorum*

strorum memoria, omni Gallia vexata, Teutones Cimbroque intra fines suos ingredi prohibuissent. Ac virtutem sane & fortitudinem suam nulli non numquam non probant. Quod cum alias semper, tum nuper adeo in ultimis istis usque ad annum 1648 bellis, ex tot ab hostibus reportatis eorum victoriis, liquido constitit. Accedit summa rerum maritimarum praesertim in Hollandis & Zelandis praeter ceteris totius orbis nationibus peritia; qua fit, ut navibus suis, quarum infinitus paene est numerus, omnes fere mundi plagas adeant atque perlustrent. Quin usque adeo maris ac periculorum ejus securi sunt, ut non toto modo, quam longus est, anno assidue navigent, sed nec ulla tempestate possint adduci, ut ante itineris instituti finem, alium quemvis portum appellat, strenue prorsus & impavide cum omnibus ventis & procellis colluctantes. Vnde cum nullum plane remittant tempus, citius multo & expeditius, quam aliae nationes, itinera sua perficiunt. Anno 1088 cum nullae adhuc naves Zonda, Daniae freto, in Oceanum septemtrionalem exiissent, Batavi omnium primi fretum illud emensi sunt. Iidem anno Christi 1594, & aliquot inscatis, nullum non moverunt lapidem, quo per extremos Aquilonis recessus, brevior sibi & commodiorem pararent viam ad remotissimos illos Cathajae, Chinæ, & Japoniae populos: sed felici parum successu, etsi ad 77 tamen altitudinis grad. progressi, ac fretum illud, quod *Waygats* vulgo appellant, emensi, ad Obim usque fluvium enavigassent; quemadmodum in nostra Hiparctica, sive Regionum sub Polo arctico sitarum descriptione fuisse monstravimus. Iam de navigationibus eorumdem in Indiam orientalem, non est quod à nobis hic differatur, extantibus publice scriptis ipsorum libris, ad quos, evitando prolixitatis fastidio, lectorem remittimus.

Lingua.

Eruditorum, & in omni disciplinarum scientiarumque genere versatissimorum hominum ingens hic numerus. Vnde & olim fuere, & hodie sunt complures, iique celebres valde scriptores. Quin majori gentis parti nota Grammaticae rudimenta, & vel ipsi etiam rustici legendi scribendique periti sunt. Praeterea familiares plerisque linguae istae vulgares. Inveniuntur enim complures, qui ultra linguam suam vernaculam, etiam si domo nusquam discesserint, & exoticas quasdam egregie calleant, Gallicam nempe, quae natura ipsis perquam familiaris, Germanicam, Anglicam, Italicam, Hispanicam, aliasque remotiores etiam linguas. Sermo eorum vernaculus, exceptis aliquot partibus, ubi gallicis, germanis, & exteris fere dicitur Flandricus, Latinis Teutonicus. Lingua mehercules dives, & vocabulis copiosa, animique conceptis exprimendis aptissima, sed perceptu multum difficili, pronuntiatio etiam magis. Habetur autem multis de causis, & ob monumenta quaedam ex vetustate residua, pro re prorsus indubitata, hodiernam hanc Belgicam linguam, eandem esse, cum ea, qua utebantur aeo Iulii Caesaris, qui initio statim commentariorum, ubi docet Galliam omnem divisam in partes tres, super hac ipsa re, his utitur verbis: *Hi omnes lingua, institutis, legibus inter se differunt.* Quare sicut

jam tum Belgae lingua à ceteris Gallis diversa, ita videntur hucusque veterem illam retinuisse. Cum enim à consuetudine & commercio Romanorum longissime isti abessent, non potuit scilicet ita facile sermo eorum corrumpi: quod palam videmus accidisse finitimis aliarum terrarum, Galliae nempe, Hispaniae & Italiae priscis linguis, quae reipsa ab sermone Latino degenerarunt, à quo procul dubio longe olim fuerunt diversae. De origine vero Belgarum testatur Caesar, plerisque esse ortos à Germanis, Rhenumque antiquitus transductos, propter loci fertilitatem ibi consedisse, Gallosque qui ea loca incolerent, expulisse.

Affirmant nonnulli, inter quos I. Marchantius, linguae Teutonicae magnam esse affinitatem cum Graeca. Quod cum aliis argumentis, tum ex eo potissimum probant, quod complura sint utriusque linguae vocabula, non voce tantum & significatione; sed pronuntiatio quoque inter sese simillima. Qualia nominatim, γράφειν, Belgae-reutonibus *graven*; γράφειν, *grypen*; κλάθειν, *klooten*, *klossen*; ἵκειν, *yver*; στέγειν, *steyven*; στενέειν, *stenen*; τρανέειν, *tranen*; θήρ, *dier*; λίσπα φθογγή, *lispe-tonge*; καλαφάτης, *kalafater*; κρέβεταιον, *krebbe*; σρόφον, *strop*; λαμπρός, *lampers*; φήλ, *fiel*; κούλ, *kuyt*; φρέζειν, *vreesen*; βύργον, *burg*; ὕλκας, *hulck*; μάνη *Dorice*, *mane*; θυγάτηρ, *dochter*; & alia plurima, quae longum sit recensere. Vnde Ovidio sane adstruitur fides, canenti uspiam, *Gracaeque cum Getico mixta loquela sono est*; & Gothos inveniunt, seu Danos & Suecos, Teutonibus solo simul & sermone vicinos, licet dialectis inter se differant; adeoque Suecorum hodie linguam inferiores hi Teutones difficulter intelligant, ob duriorum ejus & pinguiorem pronuntiationem: originem vero linguae Teutonicae, & variarum ejus dialectorum, Ioannes Goropius Becanus ad veterem illam Cimbrorum refert, verone an falso, penes lectorem esto iudicium. Sed utcumque sit, latissime sane patet ejusdem usus, & quidem inde ab Gravelingia, Flandriae oppido, ad extremam usque Livoniam: qui immensus profecto terrarum tractus est.

Sunt praeterea Belgae, praecipue autem Hollandi, strenui mercatores, adeoque omnis generis mercimoniorum intelligentissimi. Quin negotiatione potissimum, & officiis tota paene Provincia nititur. Vnde & peritissimi sunt artium mechanicarum opifices. Quod apparet in primis ex tam variis egregiorum pannorum generibus, tapetibus nempe, vel ad miraculum pulchris, sajis, offettis, semi-offettis, linteis, fustaneis, aliisque varii generis simul & pretii mercibus. Quae non in omnem solum Europam, sed & Africae multas partes, adeoque in ipsas usque tam Orientales quam Occidentales Indias, hinc exportantur. Laboriosi etiam sunt, diligentes, ingeniosi, ac omnium adeo disciplinarum capaces, imitantes confestim & exprimentes, puta quibus nihil docilius, quidquid usquam conspiciunt. Quod observavit quoque & memoriae prodidit Caesar, & apparet quotidie ex tam multis artibus peregrinis, in has oras invectis, ubi ad Orientis exemplar varia hodie texuntur fericorum pannorum genera. Caesaris è libro septimo commentariorum verba eccista: *Est*

Mercatura,
& artes
mechanicae.

summa

summe genus solertiae, atque ad omnia imitanda & efficienda quae à quoque tradantur aptissimum. Sed & multarum insuper magni momenti rerum inventores, & in primis peculiari quadam venustate felicitateque praediti, in excogitandis statim & inveniendis omnigenis instrumentis, ad expedienda majori facilitate compendioque negotia, & cum aliis quosvis, tum & culinarios usus, non ingeniosis minus, quam commodis. Ita ut exteri, non sine admiratione, crebro hinc fumant exemplar. Atque hinc adeo fit, ut isti opera sua ea dexteritate, facilitate, ordineque disponant, ut & parvuli, ac quadriennes modo aut quinquennes eorum filii, victum illico sibi incipiant quaerere. Invenio eos, omnium Transalpinorum primos, non linteos modo, sed & laneos quoque varii generis pannos, exorsos contexere. Quam ipsam artem una cum ratione tingendi in Angliam porro invexerint. Constat quidem, Anglos usque ad annum Christianum 1404, & aliquanto etiam post, classibus suis, lanam maximam partem onustis, in has oras commeasse, indidemque sibi, quod nec ipsi quidem eunt inficias, de lana tunc prospexisse.

Typogr.
phia.

Adscribitur quoque, ceu peculiari cuidam honori, huic eidem Belgiae, multarum memorabilium rerum inventio, & in primis Typographiae, sive artis illius praeclarae libros formulis excudendi, Harlemi primum repertae. Inventio sane tam divina, ut nisi majoribus nostris ea defuisset, neque temporis diuturni injuria, neque inscitia barbarorum hominum, nos innumerabili librorum, aliorumque venerandorum in omni disciplinarum genere monumentorum numero, fuerit umquam privatura. Tribuitur quoque Belgiae cum artis ipsius Musices instauratio, tum variorum musicalium organorum inventio. Currit insuper illi militares, Latinis effeda nuncupati, quorum crebra apud Caesarem mentio, à Belgis inventi sunt. Canente in Georgicis & Virgilio:

Belgica vel molli melius feret effeda collo.
Et alicubi Lucano,

Et docilis rector monstrati Belga corvini.

Belgia insuper, & in ea Brugae, olei coloribus admiscendi rationem omnium primae pictoribus commonstrarunt: rem sane praeclaram, & tabulis tantum non in aeternum conservandis inventam. Vitro praeterea quo pacto colores imprimantur & incoquantur, aliaque eodem pertinentia, & sanequam admiranda, Belgarum inventum est. Et hinc splendida illa cum in aedibus sacris, tum & profanis aedificiis ornamenta. Inventrix est eadem Belgia & aulaeorum, sive tapetes dicendi sunt, tam pulchrorum, tamque varie picturatorum: tum subsericorum quoque, quos *saeyen*, *offsetten* & *half offsetten* vulgo appellant pannorum, item amphimallorum, & ne ad minutiora descendamus, varii generis atque usus telarum. Quod vero familiam ducit, maximeque notatu dignum est, iidem Belgae (ut qui frequentius multo quam ceterae omnes nationes maria pervagantur) ea principes imposuere ventis vocabula, quae, omnibus totius fere Europae nationibus, hodieque iisdem plane vocibus atque ter-

minationibus usurpantur. Quod vel ex ipsis vocabulis, propria meraque Belgarum lingua compositis, abunde probatur, quae, ut omnibus satis nota, enumerare superfedebimus. Nec tamen nauticae pixidis inventionem (licet nonnullis id astruentibus) Belgis adscripserim. Quoniam huius rei, non admodum sane antiquae, nec Romanis veteribus cognitae, certus tamen inventor non exstat. Tradit quidem nonnulla super hoc instrumento doctus ille atque industrius scriptor Frater Leander Albertus Bononiensis: Qui hoc ipsum inventum, & primum adeo magnetis in dirigendis navigationibus usum, Amalpho adscribit, nobilissimo regni Neapolitani ad mare inferum oppido, idque, quantum equidem possum conicere, nec enim ipse satis se explicat, à quingentis, vel & paucioribus annis retro. Vtut sit, ipsum inventum, ob insignem ex eo ad totum genus humanum redundantem utilitatem simul & commoditatem, triumphali sane corona dignum est. Equidem facile patiar Belgas nostros haberi horologiorum illorum, quae transalpina ab Italis vocantur, inventores: cum, praeter alias rationes ab ipsis adferri solitas, magno & plane verisimili argumento sit, quod egregii sint eorum ad quamcunque formam fabricandorum artifices, quodque frequentior in hac una Provincia eorum usus sit, quam in reliquo omni orbe. Vnde & hinc in omnes passim oras horologia illa exportantur. Sunt deinde hi Belgae veri Musicae artis antistites, est enim illa iis adeo naturalis & velut congenita, ut & viri simul & foeminae, summa non solum festivitate, sed & harmonia, ad numeros naturaliter canant. Cui ingenitae facultati addita postmodum arte, ea, ceu videmus indies & audimus, tum viva, quod dicunt, vocis, tum musicae instrumentalis edunt specimina, eum concentum, ut in omnibus Christianorum Principum aulis merito foveantur & magni fiant.

Musica.

Ingenium Belgis sedatum, & in omni sorte tranquillum. Fortuna ceterisque rebus mundanis utuntur prudenter & pro re nata, nec facile perturbantur. Quod ipsum vel ex eorum sermonibus, atque adeo vultu & capite facile colligas, vix enim nisi extrema senecta canescunt. Quod siqui in iis atrae bili magis obnoxii, & ut sic dixerim, Saturnini, dolori plus satis indulgent, ii videlicet, quod ferendo sint impares, mox vincuntur & contabescunt. Viri in universum non nimis ambitiosi. Ita ut multos videas, qui postquam industriam suam aliquot annos probarunt, ac vel publico aliquo munere, vel mercatura, vel alia denique honesta ratione sufficienter auxerunt rem, cognatis & propinquis dent locum, laboribus corpus & animum laxent, ac in otium sese, laudabili prorsus exemplo, recipiant, facultatum aliquam partem aedificationi, cui impense dediti, partem rursus agrorum aliorumque proventuum emptioni impendentes. Sunt iidem natura frigidiores, & valde in re Venerea temperati. adulteria vero etiam detestantur. sed nec iracundiae quidem, nec superbiae nimis proclives. neque facile dominatur iis invidia. unde in familiari vita conversationeque civiles, tractabiles, aperti, officiosi,

Belgarum
Indoles.

ciosi, in primis autem faceti, etsi nimis interdum licenter. At ex altera parte, homines sunt per naturam lucri admodum cupidi, & ad quæstum attenti, tum & avidi novitatum. Mulieres, præter insignem formæ præstantiam, qua communiter excellunt, compositissimis quoque sunt moribus, & nativæ quadam venustate gratiaque decoræ: quod fit, quia inde à pueritia, recepto quodam & usitato patriæ more, libere statim & familiariter cum quibusvis versantur, unde & in sermone, & in cæteris vitæ commerciis, liberæ, promptæ, audaces: sed in tanta tamen libertate, si ve quis malit licentia, honesti atque decori admodum observantes: ita ut non ad urbana tantum negotia, etiam nemine comitante, solemniter prodeant, sed oppidatim quoque per ipsam terram, nullo aut perexiguo comitatu, peregrinentur, nec in linguas tamen idcirco incurrant, vel calumniis sint obnoxia. Sunt etiam continentes, & oppidò quam industriæ, non familiarem dumtaxat rem, cujus viri fere exortes sunt & securi, studiosè curantes; sed emptionibus quoque & venditionibus, aliisque virorum propriis actionibus sese miscentes, ac non manum minus, quam linguam interponentes: & quidem ea dexteritate & promptitudine, ut in multis terræ Provinciis, Hollandia nominatim atque Zelandia, aliqui, omnium fere rerum suarum curam uxoribus sæpè relinquunt. Domesticus & sollemnis familiarum in Belgia victus parvus admodum & frugaliss. Potus fere cervisia, ex aqua semel atque iterum cocta, tum farre, hordeo, tritico, & lupulo salictario, apta quadam & peculiari mixtura, confecta. Cui potui si quis assuevit, is & suavem experitur & salutarem: quin optimam aliquando eam coquunt, & saluberrimam. Creber etiam usus lactis. Pâne ut plurimum victitant secalicio. Saliunt inde quotannis, pro familiæ quidem & facultatum modo, unum aut alterum bovem, tum & totidem sues: hinc caseo, butyro, altilibus, piscibus sale conditis, & arboreis fructibus penaria sua tam largiter instruunt, ut magnam anni partem indidem victitent, ac non nisi perraro quidquam à macellariis præstinent. Excedunt tamen nonnumquam hanc parcimoniam, & sollemnioribus aliquot festis; qualia Divi ipsis cognominis, Dionysia, & siqua præterea sese offert occasio, magnifice convivantur, & adhibitis sibi cognatis atque amicis, genio liberaliter simul & hilariter indulgent. Sunt enim, ut dixi, ad hilaritatem propensi, adeo quidem, ut nihil vereantur interdum viginti quinque, vel & triginta milliarium iter suscipere, quo certis quibusdam festivitatibus, & præsertim sollemnioribus illis supplicationibus, quas ipsi *Kerckmissen*, Græci *ἐγκαίνια* vocant, per oppida passim & pagos annuatim haberi solitis, tum cognatorum & amicorum nuptiis, aliisque id genus festis intersint. Vestitu utuntur decore, commodo, eleganti, concinno. Domos habent adeo bene compositas, & nulla non suppellectile tam luculenter instructas, ut nihil ultra desideres. Estque jucundum sane spectatu videre, præsertim apud Hollandos, tantam in ædibus *εὐλαξίαν*, tantum nitorem, tantam denique utensilium omnium copiam, quantam nullibi terrarum reperias. In nata-

Belgica.

litiis & initiationibus liberorum, tum in nuptiis quoque & parentalibus Belgæ admodum sumtuosæ. In omnibus denique festis & actionibus publicis ad magnificentiam fere inclinant atque splendorem. Solent vero tam Principes, quam privati, quod & aliis fere nationibus Transalpinis in more positum, solent, inquam, in filiis primogenitis renovare parentum suorum, etsi ii adhuc superstites, imo & integra satis ætate sint, nomina. Est autem & hoc in Belgis laudabile, quod ex facili scilicet affinitatem contrahant cum diversarum terræ ipsius Provinciarum hominibus: idque prout offerunt sese occasiones, quæ variæ sæpe & multiplices: non autem unidumtaxat patriæ; & ex ea civibus se adstringant: unde plurimæ sane existunt commoditates, præsertim vero, quod latiore habeant eo pacto fortunæ tentandæ campum; quodque adscitis sibi passim & per varias terræ partes adfinibus, non privatim tantummodò, sed & publice, pacem amicitiamque inter se firment atque stabiliant. Quin non cum Provincialibus modò, sed & cum exteris quoque, siquidem prærogativæ quidquam adfulgeat, imo & extra eam, haud raro adfinatatem contrahunt.

Post Gregorianam anni & calendarii reformationem, invecus est & in Belgicam stylus, quem vocant, novus. Geldris tamen, Frisiis, Ultrajectinis, Transilalanis, & Groningenfibus veteris styli usum retinentibus.

Horarum per universum hunc tractum eadem prorsus, & quidem cum reliqua fere Europa, Italia tantum excepta, communis ratio. Atque ea, nisi me animus fallit, Italicæ magis idonea. Cognoscitur enim ex Italicæ diei quidem ipsius finis, & simul noctis initium, hora vicesima quarta, id est, sole occaso, semper contingens: sed videlicet hoc vel absque horologii opera cognitu longe facillimum. Et commode quidem Italico modo discuntur horæ nocturnæ; diurnæ vero, quas multo pluris interest scire, nequaquam. In Italia denique toto quatuor & viginti horarum spatio unicum tantum efficitur punctum, seu intervallum, ad cuius normam dirigenda deinceps toto illo, quam longum est tempore, operum atque laborum ratio. Vnde nec æstate, nec hieme, nisi forte ex usu, vel calami calculo, sciri potest diei & noctis duratio. Ex instituto vero Belgarum perpetuo scitur, quota præcise hora sit vel diei, vel noctis merities. Ita enim comparata sunt hic horologia, ut omni omnino tempore, duodecima quidem diurna, merities; eadem vero nocturna sit noctis concubium. Ita ut ex duobus huiusmodi punctis, usui vitæ humanæ tam necessariis, cuilibet sit in promptu, statim ut horam audit, colligere, quantum absit vel à diei, vel à noctis merities. Ideoque & scitu facillimum, quotnam adeo horas, tam æstate, quam hieme, dies ipsi & noctes durent. Institutum profecto admodum utile. Sicut illud quoque peropportunum est, quod non in urbibus tantum & oppidis, sed in pagis quoque, imo & alicujus nominis viculis, tanta passim horologiorum, tum publicorum, tum privatorum sit copia.

Horarum in Belgia ratio.

B E L G I C A E
P R I N C I P E S.*Philippus
Bonus.*

Philippus Burgundus cognomine Bonus, Ioannis Intrepidi filius, merito imperii Belgici architectus dici meruit: cum enim Belgicæ Provinciæ variis ante eum parerent Dominis, pactis, emtionibus, successionibusque sub unius Philippi imperio confociatæ sunt. Flandriam, Artesiam, & Mechliniæ Dominium jure hæreditario à Patre adeptus est. Namurci Comitatum à Ioanne consanguineo, ita conveniente, ut quamdiu viveret, ea ditio tituloque frueretur, coemptum, coepit possidere anno 1428. Brabantiam, Limburgumque Ducatus cum annexis Ditionibus Trans-Mosanis, & Sancti Romani Imperii Marchionatu, extincto Philippo patrueli, jure successionis anno 1430 consecutus est, consentientibus Ordinibus Brabantiae suffragiis. Hannoniam, Hollandiam, Selandiam, Frisiamque ex hæreditate Iacobæ consobrinx anno 1436 adiit. Lucemburgi Ducatum obtinuit moriente Isabella: partim transactione, qua Wenceslaus Imperator illam neptem suam Antonio Brabantiae Duci Philippi patruo nuptum elocaverat, maritumque ejus, ac ex quacunque uxore heredes, ea Ditione adauxit pro centum aureorum millibus Wenceslao numeratis, insuperque ab Antonio centum & viginti florenorum millibus, in dotem Isabellæ remissis. Partim quod nova addictæ hæreditatis conventionem, & nummorum & exercitus sui auxiliis, Philippus Isabellam devinxisset, ejectionemque potissima ditionis parte in integrum restituisset: Saxonum in Luxemburgensem Ducatum actionem post, Dalerorum plusquam centum millibus extinxit. Princeps hic laudatissimus cum Isabellam Lusitanæ Regis filiam in uxorem duceret, famigeratissimum Aurei Velleris ordinem instituit. Tandem gloria plenus, apud externos æstimatissimus, à suis cumprius cultus & amatus, supremum diem obiit anno 1466, ætatis 71, regni 48.

*Carolus
Bellicosus.*

Carolus Bellicosus, seu Pugnax, mortuo patre omnium Belgicæ regionum imperium jure hæreditario adeptus est, quod à Patre structum non mediocriter ampliavit; adjecit enim ad hæc Geldriam Ducatum & Sutphaniam Comitatum, à Duce Arnaldo Egmondano (qui Adolphum filium exhæredaverat) anno 1473 emtione primò; deinde, mortuis Arnaldo Adolphoque, contra Adolphi filium armis acquisitos. Maximis magnanimus hic Princeps conatibus adlaboravit, quo titulum Regis Burgundiæ, Imperiique in Provinciis cis Rhenum Gallicanis Vicariatuum ab Imperatore consequeretur, atque eam ob causam Maxemiliano Frederici III Filio Mariam filiam unicam desponsavit. At cum omnia jam creando Regi solemnia essent parata, ac Georgius Episcopus Metensis delectus ad sacrum faciendum, regiamque inunctionem, per Cæsaris repentinam inconstantiam & discessum omnia vana evasere: auxit potentiam transactionibus cum Ludovico Galliarum Rege confectis. In ipso tandem ætatis, & rerum gestarum

flore anno 1477 ad Nancæum pugnâ occisus est.

Mariam filiam Caroli Pugnacis & hæredem unicam forma excellenti virginem certatim Fridericus III, Imperator, & Ludovicus XI Gallorum Rex, hic Carolo septenni, ille Maximiliano filiis sollicitaverunt. Fridericus pro Maximiliano Ordinem Belgicæ, & Caroli Bellicosi defuncti voluntate obtinuit; nuptiæque anno 1477 celebratæ sunt. Galli interim, repulsam iniquo ferentes animo, Mariæ bellum indixerunt, Ducatum Burgundiæ aliasque provincias occupantes, quas Maximilianus Austriacus biennio à matrimonii confectione, Gallis ad Terouanam Morinorum ductu Engelberti Nassovii profligatis, cæsisque, recuperavit. Cæterum Maria corporis & ingenii vigore excellens, anno vigesimo quinto ætatis, Principatus quinto & mense tertio equo delapsa, post tres septimanas Brugis decessit anno 1482. Filios superstites relinquens Philippum quadriennem, & Margaretam.

Maria Vallesia.

Philippus Austrius, cognomento Pulcher, infans matri defunctæ in imperio Belgicæ successit. Maximilianus interea tutelam filii Gandavi solemniter juratus suscepit; quam cum per adulatores populivoros seductus liberius & sumtuosius gereret, maximos in Belgica concitavit motus, præsertim Gandavi & Brugis; ubi in tantam civium alienationem immodestiamque incidit, ut intimorum aulicorum & officialium suorum publicos carceres & cædes ferret. Imo ipse in forum Brugenfe ab armatis civibus occupatum civiliter accersitus, in ædibus Craneburgicis tanquam captivus, cæterum omni adhibita observantia, à civibus custoditus est. Tandem Philippo Principe Belgarum postulante liberatus est, & delicta utrimque condonata, filii tutelam in omnibus Belgicæ provinciis, unica excepta Flandria retinuit, quam & anno 1489 etiam in Flandria pace facta recepit; receptam Imperii Germanicæque negotiis posthabuit, & Margaretæ Eboracensi, Caroli soceri viduæ, Adolpho Ravesteynii Regulo, Francisco Buysleidio Archiepiscopo post Vefontino, & Iohanni Carondeleto Cancellario, Chunuanfii Sorraque Domino, filii curam commisit. Interea temporis Philippus maturitatem nactus, fidelitatis sacramento à Belgis accepto, ad imperium inauguratus est. Princeps tot omnium virtutum titulis insignitus, ut passim eum humani generis delicias appellarent. Cæterum ut hæc Regionem haud ita à multo tempore matrimoniis, affinitatibus, emtionibus, aut armis in unum quasi corpus coaluerunt, ita postmodum per nuptias Philippi Principis cum Iohanna Hispaniæ Regis filia natu majore, post fratris Iohannis Castellæ Principis, hujusque filii ex Margareta Austriaca unici obitum, Hispaniæ quoque regna accessere. Ad quæ capeflenda post mortem Isabellæ Reginæ, Philippus ex Flandria in Hispaniam trajecit, ubi post alterum annum præmaturâ morte in ipso ætatis flore omnibus eripitur anno 1506; relictis Leonora, Carolo, Isabella, Ferdinando, Maria, & Catharina posthuma superstites liberi.

*Philippus
Pulcher.*

Carolus Austriacus, Maximus publico diplomate à Paulo III, P. M. cognominatus, nascitur Gandavi anno 1500 die S. Matthiæ Apostolo sacra.

Anno

*Carolus
Austriacus.**Provincias
has Circu-
tum Impe-
rii facit.**Philippus
II. Au-
strius.**Diviso
Belgica in
Regiam &
Fœderatam.*

Anno 1515 à Cæsare avo emancipatus Brabantia Dux inauguratur. 1517 in Hispaniam trajicit relicta ad Belgicæ gubernacula Margareta amita, anno insequenti coronatur; & 1519 Francofurti Imperator renuntiatus in Belgium revertitur. Maxima gessit bella semper victor, semper augustus. Italiam ingressos, Neapolim obsidentes, Papiam cingentes Gallos variis iisque cruentis superavit præliis, Regem ipsum Franciscum I, captivum habuit, & pace facta dimisit. Mexicam Duce Ferdinando Cortesio, ipso Rege & ultra 100000 Indorum casis, Peruanum Indiæ regnum opulentissimum Duce Francisco Pizarro occupavit. Hispaniam rebellantem, ut & Germaniæ Principes domuit. Romanam Duce Borbonio armata manu ingressus cepit. Cum Carolo Egmondano Geldriæ Duce pacem fecit, & de successione in Geldriæ Ducatum & Zutphaniæ Comitatum transegit. Florentiæ Medicæos post diuturnam obsidionem restituit, Alexandrumque Medicæum Ducem præposuit. Turcam Viennam exercitu 300 millium militum obsidentem, irrito conatu procul retrocedere coëgit. Magnopere Belgicum Imperium amplificavit: anno enim 1528 Episcopatum Ultrajectensem, Transisalaniem, Trentam, Twentamque, & anno 1536 Groningam cum regione annexa, Omlandos & Lingam Comitatum, nec non Geldriæ Ducatum Hollandiæ, & sic Belgico suo annexuit Imperio. Cameracum item & Cameracensium ad Artesios adjecit. 1540 Gandensium tumultus præsens ipse compescuit. 1548 Provincias Belgicas in Comitibus Augustanis Imperii membrum & Circulum fecit, Burgundicum dictum, his conditionibus, ut non tantum iisdem, ac cætera Imperii membra privilegiis, immunitatibusque, sed etiam salvo uniuscujusque Provinciæ antiquo libertatis potestatisque jure fruerentur, ita ut statutis Imperii ac decisionibus nullatenus obnoxii essent. Tandem ter maximus Imperator Belga ipse & Belgarum Princeps tot tantisque rebus, & pluribus, de quibus Historicis consule, actis annorum & gloriæ plenus, Philippo filio, Bruxellis in pleno Ordinum Conventu anno 1555 Belgarum Principatum renunciat, uti anno insequenti omnia sua regna: & Fratri Ferdinando Imperium. Moritur in Extremadura Hispaniæ Provincia in monasterio D. Iusti ordinis Eremitarum D. Hieronymi anno 1558.

Provincias
has Circu-
lum Impe-
rii faciunt.

Philippus
II. Aus-
tricus.

Diviso
Belgica in
Regiam &
Fœderatam.

Philippus, Caroli V filius, Patri in tot regna & Principatus successit: res gestas ejus passim apud Historicos reperire est, uti occasiones, ortum, progressumque belli Belgici, quod ejus temporibus Belgæ contra Gubernatores Regios magna cum animositate arripuerunt; id sub Alberto Austriaco & Isabella Clara Eugenia, nec non Philippo Hispaniarum Rege ejus nominis Tertio continuatum, donec Philippus IV, Magnus nomine, & re Pacificus, belli adeo cruenti & longævi pertæsus, & miseria Populi miseratus, cum Fœderatis anno 1648 pacem confecit, renuntians omnibus & singulis suis juribus & prætentionibus, quas in Provincias Fœderatas unquam habuisset.

Hinc est quod Belgica in duas distribui solet partes, Regiam, quæ Regis Hispania-

rum dicto est audiens: & Fœderatam, quæ libera nullius agnoscit imperium. Hispaniarum vero Rex Potentissimus possidet Belgicæ Provincias, Brabantiam, Limburgum, & Luxemburgum Ducatus: Flandriam, Hannoniam, Artesiam & Namurcum Comitatus: Marchionatum S. R. Imperii, & Mechliniam Dominium, præterea Gelriæ tetrarchiam Ruræmondanam. Fœderatæ, & fœdere junctæ sunt: Gelria Ducatus, cui Sutphania annumeratur, Hollandia, Selandia, Comitatus: Ultrajectum, Frisia, Trans-Isalania & Groningia, cui Omlandia additur, Dominia.

BELGICÆ REGIÆ REGIMEN.

Differemus deinceps de regimine, sive imperio, quod in Belgicam Regiam, suo adeo nomine, suoque jure Princeps exercet; Potentissimi Austriaci sanguinis Principes, cum præter hanc ditionem, tot alibi quoque possideant regna, tot Provincias habeant imperio suo subjectas, tractui isti gubernando per se non sufficiunt; quod factum tamen antehac à Burgundiæ Ducibus: ideoque solent hic constituere peculiarem Gubernatorem, atque Vicarium, Consiliis suis stipatum, qui idem & Burgundiæ Comitatu præest. Et Maximiliani quidem Imperatoris, ejusque filii, Regis Philippi, temporibus, præfuit aliquamdiu Georgius, Dux Saxonie. Tempore vero Caroli Quinti Imperatoris, gubernavit initio multos annos D. Margareta Austriaca, Cæsaris amita. Qua defuncta, commisit anno 1531 idem Carolus terram hanc gubernandam Mariæ, reginæ Hungariæ, sorori; quæ præfuit usque ad annum 1555, quo ipso tempore, Imperator ditionum istarum administratione ultro se abdicavit, easque filio suo, Philippo Regi, possidendas concessit. Qui Emanueli mox Philiberto, Duci Sabaudie, matrueli (duabus enim sororibus, Emanuelis Portugalliæ Regis filiabus nati sunt) gubernandas commisit, collato eidem Legati, sive Capitanei sui Generalis in Belgia titulo. Hic cum ejusdem Catholici Regis beneficio recuperasset à Galliæ Rege ditiones suas Sabaudie & Pedemontii, præfectura se abdicavit, & mense Augusto anni 1559 Provinciis istis excessit. Quocirca Rex eas tradidit gubernandas sorori suæ D. Margarete Austriacæ, Parmæ & Placentiæ Ducis uxori, constituto ei, hoc ipso nomine, annuo triginta sex millium aureorum honorario, præter emolumenta, quæ solent accedere. Venit postmodum anno 1567 Dux Albanus, & discedente Gubernatrice, mansit ipse Legatus, Capitaneus Generalis, & Regius Belgicæ Gubernator. Cui post annos sex discedenti successit Ludovicus Requesenius, magnus Castellæ Commendatarius. Quo in Provincia mortuo, Rex anno 1576 temporario suo decreto, & per modum, ut vocant, provisionis, rerum Belgicæ summam commisit Consilio suo, quod dicunt, Status, ac tandem initio mensis Novembris anni jam dicti successit Serenissimus Princeps D. Ioannes Austriacus, Regis frater, à Majestate sua ad præfecturam hanc missus iisdem

Gubernatio
Principis.

Regii hujus
tractus Gu-
bernatores.

dem quibus alii titulis, sed amplissima quadam ac tantum non regia potestate. Cui, biennio post, vel praterpropter, extincto, surrogavit, iisdem titulis, præeminentiis, & auctoritate Rex Alexandrum Farnesium, Parmæ & Placentiæ Principem, suum ex sorore nepotem. Eum dico, qui retulit postea in his ipsis Provinciis tam crebras tamque stupendas ab hostibus Regis victorias. Principi Parmæ circa initium anni 1593 Atrebatî vita defuncto suffecit Rex per modum provisionis Illustrissimum Petrum Ernestum, Mansfeldiæ Comitem, qui annuo fere spatîo, & usque ad Serenissimi Principis Ernesti Austriaci, Imperatoris Rudolphi Secundi fratris, adventum, rebus in Belgio præfuit. Ernestus vero cum extremo Ianuario anni 1594 in Belgicam advenisset, Februario anni sequentis 1595 Bruxellæ rebus humanis exemptus est. Ei suffectus per modum provisionis Comes Fontanus, qui gubernavit usque dum advenisset Serenissimus Princeps Albertus Austriacus, S. R. E. Cardinalis, Archiepiscopus Toletanus, & tunc temporis Prorex Lusitaniæ. Is Februario anni 1596 Bruxellam ingressus, & magnifice admodum splendideque susceptus, præfuit regio nomine usque ad annum 1598, quo tempore Rex Philippus, jam senio gravis, Principis filii sui consensu, despondit eidem Alberto filiam natu maiorem, Isabellam Claram Eugeniam, Hispaniarum Infantem, data ei in dotem hac ipsa Belgica, & Burgundiæ Comitatu. Atque eo defuncto anno 1621, Isabella rursus Regis nomine prudenter Brabantiam, Lucemburgum Ducatus, & Flandriam, Arthesiam, Hannoniam, &c. Comitatus gubernavit. At verò Isabellâ Clarâ Eugeniâ, Hispaniæ Infante, anno 1633, ipsis Kalendis Decembris, defuncta, ejus in locum successit Don Franciscus de Moncada, Aytonæ Marchio, Gubernatoris Generalis Hispaniæ Belgicæ obiens munia, ad Cardinalis Infantis, (qui Serenissimi Philippi IV Hisp. Regis, frater) adventum usque; qui ad diem Novembris quartum, anni 1634, Bruxellis appulit: Vnde sequenti statim anno, scilicet 1635, Galliæ regno bellum palam indictum est. Princeps hic, anno 1635, Schenckianam arcem cepit: Venloam dein, Roermundam, Stralam etiam ac Limburgum, anno 1637, suæ ditionis fecit: ad diem Novembris nonum, anni 1641 morte raptus. Quo denato, Don Franciscus de Melo Belgicæ regimen suscepit, Belgii & Burgundiæ Gubernatoris Supremi titulo cohonestatus; donec Archidux Austriæ Leopoldus Guilielmus, Imperatoris Frater, ad diem Aprilis 11 anni 1647 Belgium reëturus appelleret: qui, rebus quam pluribus præclarè gestis & heroicis facinoribus gloriosus, anno 1655 discessit: cui, anno sequenti, Don Ioannes Austrius suffectus fuit: qui & ipse Kalendis Martii, 1659, deserto Belgii regimine, Hispanias denuò petiit. Iam verò Caracenæ Marchio, (ante hac Mediolani aliquot annos Gubernator,) rerum summâ in Belgio, maxima cum laude, potitur.

Habet autem ut plurimum Gubernator, seu mavis terræ istius Præfectus, tamquam Legatus atque Vicarius Principis, tantam in eam auctoritatem, tantum imperium, quantum ipsemet,

si dicendum sit, Princeps. Et tamen quotquot ad universale regimen pertinent Magistratus, Principis tantum nomine auctoritateque præfunt. Cujus solius est, supremas illas dignitates conferre, & pro arbitratu eligere Præsides, Cancellarios Consiliarios Status, & Sanctioris, sive Privati Consilii, Capita, Thesaurariumque Financiarum, sive ararii Principalis, aliosque nonnullos, ipsius electioni reservados, profanorum muniorum ministros. Quin de Episcopatibus quoque, Abbatibus, & præcipuis aliquot Ecclesiasticis dignitatibus, usque ad certam, ut vocant, taxam, solus Princeps disponit: omnesque adeo leges, decreta, & alicujus momenti negotia ejus unius nomine & auctoritate tractari & expediri solemne est. Sed videamus nunc jam, quales hi Magistratus, & quænam eorum sint partes. Si præmonuerimus tamen, non ita pridem factum, cum duo illa, de quibus dicturi sumus, Consilia, Status videlicet atque Privatum, unico tantum, eoque Privati Consilii nomine, apud Principem resederunt. Quod ipsum Consilium, à prima sui institutione, omnia illa, quæ ab utroque nunc pendent negotia, solum expedit. Succrescente autem deinceps negotiorum mole, & supervenientibus maxime tam crebris tamque continuis tractui nostro bellis, necessum fuit, hoc ipsum Consilium in duo velut membra dividere, ac ea, quam dicam, auctoritate prærogativisque munire.

Consilium Status, Gubernatori ex more ad-sistens, incerto quodam, & pro re nata, ipsiusque adeo Principis voluntate, nunc plurium, nunc pauciorum rursus Consiliariorum numero constat. Ingrediuntur vero in id peculiarium aliquot Provinciarum Gubernatores; hinc Doctores nonnulli & viri illustres, propter merita sua & virtutes à Principe ad hanc dignitatem evecti. Agnoscunt vero hi supra se Præsidem, virum doctrina & prudentia gravem. Et cum hoc quidem Consilio consultat atque deliberat Gubernator de rebus ad statum Principis & publicum bonum spectantibus. Agitur enim in eo de pace & bello, ac de universali terræ regimine. Recensentur & examinantur omnia nuntia monitaque undecumque accepta: tum & arcana cum Principibus, & finitimis fœdera. Agitur & de retinendis vel exauctorandis chiliarchis; de propugnaculis, munitionibus & armamentariis: de mittendis & excipiendis Legatis. Referuntur etiam ad hoc ipsum Consilium graviora quæque aliorum Consiliorum negotia. In summa incumbit ei tota moles & suprema omnium rerum ad gubernium tutelamque ditionis spectantium administratio. In negotiis vero extraordinariis & quæ gravioris momenti, adhibentur etiam in Senatum omnes quotquot sunt Equites Aurei Velleris, tum & alii particularium Provinciarum Præfecti, & Principales ministri, inter quos Audientiaris.

Consilium Regis Privatum, sive arcanum, quod & ipsum Gubernatori ad-sistit, constat ferè denis vel duodenis Consiliariis, qui omnes aut Iurisconsulti, aut etiam Equites, virtutum & meritorum ergo ad hunc Magistratum electi. agnoscunt vero & isti supra se Præsidem, penes quem

Consilium
Status.

Consilium
privatum,
ejusque au-
toritas.

quem est majoris sigilli regalis custodia. Nomen ei ab Gallica voce *privé*, quæ Latinis privatum sive arcanum sonat; quod videlicet Principi intimum & velut domesticum ac familiare sit. Tractabat initio, ut diximus, omnia aulæ & totius Status negotia. Sed facta postmodum dichotomia, cessit Consilio Status eam quam indicavimus partem, reservatis sibi, quæ justitiam, jus & politiam concernerent, tum & suprema quædam in Consilia cætera potestate & superintendentia. Ejus enim est, concedere privilegia & consensus, seu permissiones principales: ejus, expellere delictorum remissiones & gratias: ejus denique, promulgare leges, decreta, statuta, & edicta. Vnde & hujus Consilii Senatores dicti vulgò supplicum libellorum Magistri. Spectat insuper ad eos cognitio & judicatus litium & querelarum super limitibus & confiniis terræ, ac præcipuis ditionis, superioritatis & auctoritatis, tum Principalis, tum & Procerum quoque seu satraparum, aliorumque Aulæ administrorum, in tabulas ordinarias relatorum, partibus. In summa, est hoc Consilium veluti vallum quoddam ac propugnaculum justitiæ, & supremam habet in omnibus rebus potestatem. Quarum tamen gravissimas, vel cum ipso, si adest, Principe; vel eo absente, cum generali Gubernatore, nonnunquam & cum Consilio Status communicare consuevit. Quemadmodum & negotia Status, quibus juridicum aliquid vel politicum est admixtum, cum sanctiore Consilio communicantur & conferuntur.

Consilium
Financiarum
est ejus
officium.

Residet hinc Bruxellis in Aula Consilium, cui & hic, & apud Gallos nomen Financiarum est. Idque constat è tribus notæ prudentiæ inter Belgas Dynastis, qui vulgò audiunt Capita Financiarum: uno Thesaurario; uno Tribuno ærario, seu generali Quæstore; & tribus honesto loco natis, peritis, & muneris tanti capacibus viris, quos vulgò vocant Commissos: tum duobus Graphiariis, aliisque aliquot administris. Et penes hoc quidem Consilium suprema est in Principis patrimonium annuosque proventus auctoritas: tum & super ordinariis extraordinariisque subsidiis, super Cameris sive Collegiis Rationum, Quæstoribus, aliisque pecunias Principales tractantibus, dispensatio. In eo fiunt taxationes, & expediuntur pecuniarum, pace belloque necessariorum, ac vel in arces & propugnacula, vel in alios tam ordinarios quam extraordinarios usus, totiusque adeo Ditionis tutelam & conservationem impendendarum solutiones. Locat etiam hic Senatus, interventu Quæstorum, & prævio Camerarum Rationum adsensu omnia Principis vestigalia. Moderatur atque restringit, pro instituti & commentarii sui ratione, locationum leges. Et ut paucis dicam, penes ipsum est dispositio, potestas & administratio omnium & quorumcunque bonorum & pecuniarum Regalium. Vnde proprie dici possit gaza quædam atque thesaurus Principis, quo is utitur ceu perfugio quodam & sacra, quod ajunt, anchora, in quavis occasione atque necessitate. Ordine quidem & legibus ita exactis, ut & externi aliquot Principes hinc non raro petierint ditionum suarum administrandarum exemplar.

Belgica.

Sequitur vero eandem aulam & Præpositus ejus, sive capitalium rerum Præfectus. Quem isti ab rubra quadam, eaque prælonga & spinosa virga, quam præferendam sibi is curat in justitiæ signum, de *Roode Roede* vocant; qui Magistratus, præter eam, quam aulæ solemniter præstat operam, aliquando etiam est pro latrunculatori, & rerum criminalium per agros passim & rura quæstore, quem Itali quidem *il Bargello di campagna*, Brabantii vero dicunt *den Droffsaert*. Quod magni sane momenti & auctoritatis est munus. Sed cum iste Droffsartus non egrediatur Brabantia finibus: sicut nec alii quoque, Flandriæ nempe, Hannoniæ, & si qui præterea sunt Droffsarti, Provinciarum suarum limites umquam excedunt: hic aulicus noster Præfectus universam adeo ditionem perambulat, & quidem pro occasionum & potestatis sibi in grassatores & vagabundos ab aula concessæ modo. Adeo ut postea factum sit, ut de reis ipse sua unius sententia, ac pro arbitrato statueret, sumeretque etiam capitis supplicium. Sed adjunctus ei est deinde, ad exercenda id genus judicia, regius delegatus.

Virga rubra
seu capitalium rerum
Quæstor.

Habet deinde Bruxellæ domicilium & alius quidam Regius Magistratus, qui Financiarum veluti membrum est, & vulgò audit *la Chambre des Comptes*, Camera Rationum. Cui solemniter olim præerant unus Præses cum septem Rationatoribus, & aliis aliquot administris. Hodie vero auctior multo eorum est numerus, etsi non omnes tamen in functione. Sunt enim nunc præter Præsidem, rationum Magistri duodecim: Auditores, tum ordinarii, tum extraordinarii, quinque; & alii quidam Officiarii. Et huic quidem Senatui rationem reddunt suo quisque loco & tempore omnes, quotquot sunt, in Ducatu Brabantia & annexis illi dominiis, tum & Lucemburgensi Ducatu Thesaurarii, Quæstores, aliive Regiarum pecuniarum Oeconomi, acceptis ab eo vicissim, juxta Regias constitutiones, debitæ apochis, sive acceptilationibus. Præter vero hanc Bruxellensem, & alia est rationum Regalium camera, in Flandria nempe. Atque hi demum illi sunt Magistratus, qui, Principis nomine, generali Belgarum Gubernatori ex veteri & solemniori more, adsistunt. Sedenim præter hunc ipsum Gubernatorem, est & peculiaris, ut suis infra locis docebitur, unicuique fere Provinciæ suæ Præfectus; ad quem, ceu Vicarium Principis, rerum præcipue bellicarum ejus cui præest Provinciæ summa solet referri. Ipse vero universalem illum Gubernatorem reveretur, eique obtemperat. Notandum autem, iis, qui vel in Aula Principi operam suam impendunt, vel apud externos Principes ejus sunt Oratores, aut alio quovis titulo peregre absunt, speciali quadam gratia privilegioque concessum esse, ut qui peregre ipsis nascuntur filii, ii, ubicumque in lucem edi contingat, pro suo ipsorum delectu, vel loci ubi nascuntur, vel patriæ suæ paternæ privilegiis gaudeant.

Habet insuper Princeps in singulis fere Ditionis hujus Provinciis, ut & infra suis videlicet locis commemorabimus, singula sua Consilia, sive Curias, ut sic dixerim, juri dicundo præ-

Consilia
Provincia-
lia.

positas. Quæ nonnullibi, ut nominatim Mechliniæ, Parlamenti, alibi rursus, ut in Brabantia, Cancellariæ nominibus veniunt. Constant autem, pro regionis cuiusque modo, senis, octonis, denis, duodenis, sedenis, vel & duodevicens Consiliariis. Qui omnes aut Legum Doctores, aut saltem Licentiat. Horum alii Præsides, alii Cancellarium supra se, tamquam caput, agnoscunt. Resident etiam apud singulas Curias singuli Advocati fiscales, & Procuratores Regii generales. Sunt dein Graphiarii, Secretarii, alique minorum gentium administri. Atque hi omnes Iustitiæ administratores eliguntur ut plurimum ab generali terræ Governatore, & statuitur quidem in omnem vitam à Principe honorarium. Habet autem hic Magistratus maximam sane in civilibus simul & criminalibus causis auctoritatem, cum de iis etiam controversiis quæstionibusque cognoscat, quæ ad Principis ditionem & patrimonium pertinent. Quin de fundamentis quoque, differentiis atque consiniis, ex Abbatibus & earum iurisdictionibus ultrocitraque nascentibus, idem hic Magistratus non active minus, quam passive cognoscit, solis iis exceptis bonis, quæ vulgo vocant amortifata, id est, commercio omni humano exempta, de quibus disceptatur in tribunali Ecclesiastico. Facit ut observentur privilegia, immunitates, officia, beneficia, provisiones & cautiones ab ipso Principe quovis modo concessa. Particularibus tamen iurisdictionibus & privilegiis semper salvis. Vocantur præterea coram hoc Magistratu in jus non omnes tantum ministri & officiales Regii, verum & ipse nonnunquam Rex. Cujus nomine causam defendunt Procurator & Advocatus fiscales, nec vel auctoritate potentiave, vel alio quovis adspectu, cuiquam infertur injuria. Quin evenit aliquando in Geldria, Philippi Secundi Regis temporibus, ut cum causâ cecidisset sua Majestas in lite quam agitaverat cum Toparcha Anholtino, nec reperiretur, qui sententiam vellet exequi, ipse Rex eam de facto executioni mandandam curaverit. Appellant quoque suprema hæc tribunalia inferiores omnes confessus juridici, singulorum ex illis iurisdictioni subjecti. Et judicatur in eorum plerisque, nominatim in Brabantino, Mechliniano, Hannoniensi, definitive, ut vocant, nec ulla datur ab Regiis istis Consiliis provocatio. Sed obnoxia tamen ea, in civilibus quidem causis, altera partium ita petente, & ordinaria juris via etiam impetrante, certæ cuidam sententiarum suarum recognitioni, quam vulgo revisionem appellant, cui ut plurimum adhibentur ex aliarum Provinciarum Consiliis aliquot Senatores, dimidium fere illorum, à quibus lata sententia, numerum adimplentes: atque hi conjunctim deinde scripturas & munimenta processus recognoscunt, & secundum comperta probataque, numeratis suffragiis, judicant atque pronuntiant. Raro tamen aliter res succedit, quin is, qui revisionem obtinuit, quæ & habet ingentes sumtus, & executionem sententiæ latæ nihil retardat, & operam simul & oleum perdat.

Leges.

Legibus vero, tam quod attinet ad civile, quam canonicum jus, & in hisce Consiliis, & in aliis

omnibus terræ foris, utuntur communibus: municipalibus tamen & peculiaribus quorundam locorum statutis, quorum ingens est numerus, tum Principum quoque rescriptis & constitutionibus semper salvis: quæ omnes omnino leges, privilegiis tantum exceptis, præcedunt. Sedenim de his ipsis, priusquam perferantur & promulgentur, non sine præviis Consiliorum Provincialium votis atque suffragiis, mature deliberatur, & ita firmo solidoque fere nituntur jure, ut cum communibus ipsis legibus multum conveniant.

Iam vero præter omnem hanc *in Belgicâ*, & administrandæ iustitiæ rationem, delegat quotannis, Regio nomine, Governator Commissarios quosdam, qui non in urbibus solum primariis, sed in omnibus quoque alicujus nominis oppidis, creent formentque Magistratus urbanos. Injuncto etiam iis, ut accepti quoque & expensi singularum urbium tabulas recognoscant. Speciatim vero id fieri præcipit in Ducatu Brabantia, ubi singularem quandam auctoritatem & iurisdictionem possidet Princeps in loca sacra. Mandat insuper iis ut recognoscant rationes templorum, Cœnobiorum, & Nosocomiorum. Quo videlicet fiat certior num pia ejusmodi loca facta tecta servantur, & convenienter administrantur eorum proventus. Quod si qua inveniantur confusa, siqui manifestiores abusus, iis, statim ut ad Aulam delata sunt, severissime providetur. Adeo quidem, ut licet omnes hic urbes, omnia etiam oppida, aliaque alicujus momenti loca, suis regantur & vivant legibus, plurimisque gaudeant privilegiis, & eximia quadam in politicis polleant libertate; gubernationis tamen ipsius summa, & primariæ quæque ditionis totius dignitates à Principe primum, tamquam fonte, dimanent, & in eum rursus redundant. Solent vero omnes Governatores, omnes Præsides, Cancellarii, Thesaurarii, Quæstores, & quidquid præterea Regionum administratorum est, sive togati sint, sive sagati, in munerum dignitatumque suarum auspiciis, Principi ipsi præstare jusjurandum fidelitatis & observantiæ. Sicut publici quoque oppidorum atque pagorum, & privati Toparcharum & Satraparum ministri, tum in hoc nostro tractu, tum in omnibus generatim regionibus transalpinis; Superioribus suis fidei sese & obsequii sacramento obstringunt.

Non habet in hac ditione sua Princeps, extra bellum quidem, & pacis tempore ordinarium aliquem peditatum ad militares usus descriptum. Quod Italis tamen magna ex parte, & Gallis solemne. Quia nempe ex facili, & quodocumque Principi visum est, ille, vel è vicina Germania, vel ex ipsa etiam terra parabilis. Tantum in ipsis limitibus, & præcipuis propugnaculis, ubi pediti nempe incumbunt excubiæ, præsidio habet pauculas quasdam millenarias ejus cohortes. Alicubi vero habetur & equitatus. Sed est vetusta quædam equestris militiæ turma, caute & circumspecte olim, adeoque anno 1547, ab Carolo Quinto Imperatore in ordinem restituta, quæ constabat ternis equitum millibus, partim quidem cataphractorum, partim vero levioris armaturæ, quos posteriores Gallica voce

Commissarii
Regii.Peditatus
ordinarius.Archidiaconi
luciani.

voc
hic
lan
Belg
los f
num
terr
tuor
haru
plen
mos
fed
non
Com
stipe
bus
quid
cūm
max
com
nora
tibus
Se
man
Arch
riis c
curr
vel t
viâ
ne e
cum
conf
onul
dom
para
mi su
ctis c
aque
quen
mag
mus
reru
expe
prat
temp
Quin
missu
vel c
preti
mis c
neces
atqu
grap
quia
que i
nes i
Quo
cedi
gion
Gub
tum
Mini
conf
ctis
non
M

voce Belgæ dicunt *Archiers*. Continebat autem hic equitatus sexcentarum, ut isti loquuntur, lancearum cohortem, computatis in lanceam, Belgico more, quinis equitibus, qui apud Gallos sunt seni. Atque hic quidem sexcentenarius numerus lancearum, per opportunitate quæque terræ loca varie sparsus, distribuebatur in quatuordecim alas, vulgo *de Benden van ordonnantie*. harum quæ plenæ sunt, quinquagenis, quæ minus plenæ, tricenis dumtaxat lanceis constant: an mos hic obsoleverit, compertum mihi non est: sed cum lanceis in hisce inferioribus Provinciis non utantur, in sclopetarios mutatos credo. Committuntur autem hæc alæ, honestissimo sane stipendio, optimisque & inviolate servandis legibus, præcipuorum hic est Dynastis regimini. Ita quidem ut ista militia numquam non floreat, & cum nobili stirpe prognatis, tum selectis & ad maxima quæque atque pulcherrima, ut pluries compertum est, tentanda patrandaque facinora, non idoneis minus, quam expeditis militibus plena sit.

Archithalassii.

Sed nec paratam hic habet Princeps maritimam aliquam classem. Habet tamen in promptu Archithalassum, cum pauculis aliquot, præsidariis quidem tantum, navibus. Quod si forte occurrat, ut facienda sit expeditio aliqua bellica, vel trajiciendum hinc aliquo, puta in Hispaniam, viâ maritimâ, tum vero usitatum & solemne est Principi, retinendum jubere qualemcumque visum est navium in hisce portibus consistentium numerum, si vacuæ eæ sint, si ve onustæ, nullo vel indigenarum, vel exterorum dominorum discrimine. has postea suo ipsius apparatu suisque auxiliis curat armandas, & ex animi sui sententia instruendas. Utitur autem instructis quantisper placet, naulum earum dominis ex æquo & bono persolvens. Munus Archithalassii, quem Belgæ Admiraliū vocant, sublimis valde & magni momenti dignitas. Est enim ille ipse supremus maritimarum & omnium inde pendentium rerum præfectus. Vnde & classium quoque mari expeditarum Caput & Capitaneus generalis. Est præterea omnium fisco adjudicatorum, omnium tempore belli maritimarum prædarum particeps. Quin & in singulas mercium vehes, Regis permissu atque diplomate hinc ad hostes avectas, vel ex hostico huc importatas, certum aliquod pretium illi persolvitur. Quibus quidem maritimis diplomatibus, huic, illi, ab Rege concessis, necesse est ut accedat Archithalassii consensus, atque chirographum. Quod ipsum ejus chirographum, Belgis Gallica voce dictum *attache*, quia nempe diplomatibus Regiis solet affigi, utque adeo necessarium est, ut nisi accedat, omnes illæ merces & bona reapse sint confiscanda. Quod ipsum terrestribus quoque ab Rege concedi solitis diplomatibus fieret, nisi affixa iis regionum illarum, qua transportantur merces, Gubernatorum chirographa. idque non ea tantum de causa fit, quod hunc habeat Princeps Ministris suis honorem, sed quod ex eorum illo consensu, quibus, ceu terrarum illarum Præfectis, talia magis sunt explorata, certus fiat, sese non defraudari.

Maxima insuper Principi in his ipsis Provinciis

tormentorum aliorumque instrumentorum & apparatusum bellicorum est copia. Quæ omnia, demta ea dumtaxat parte, quam auferunt necessario limites & præcipui nominis propugnacula, custodienda curat Mechliniæ. unde porro, siquando conflatur exercitus, vel alia quavis sese offert occasio, moventur & propelluntur ad destinata & opportuna usui sui loca. Cui muneri præfici solet Regius quidam administrator, Gallobelgis *Grand Maître de l'artillerie*, Latinis, ut volunt, Tribunus armamentarii. Penes hunc suprema est machinariæ rei auctoritas. Is quocumque necessitas postulat, tormenta jubet conducere, conductæ disponi, & suo tempore rursus auferri. Ita ut magni sane momenti, & amplissimæ dignitatis hoc munus sit. Præterea vero ipsa etiam terra tormentis & omni bellico apparatu abunde instructa; & pauca admodum oppida, paucæ alicujus momenti sunt arces, quæ non adfatim sibi de illis prospexerint.

Tormenta bellica.

Sunt deinde & aliæ multæ in hoc tractu laudabiles leges, quas & Majestati suæ tuendæ, & publico terræ bono Princeps instituit. Et primum quidem, quotiescumque bellum est, non permittit, ut subditorum suorum quisquam militatum abeat ad Principes siue Dynastas extraneos, nisi obtento prius diplomate. Non permittit, ut eo tempore vel exportentur ad suos hostes, vel in hanc ditionem ex hostico importentur ullæ qualescumque sint merces, utve subditi habeant quidquam cum hoste commercii. concedit tamen certis quibusdam personis, non sine magno suo emolumento, tutum & liberum commeatum, in singulares aliquas, & de quibus inter partes convenit, merces. Non permittit, ne pacificis quidem temporibus, ut avehantur hinc equi quindenis palmis altiores. Equæ vero, cujuscumque sint magnitudinis, nullo umquam tempore, sine peculiari ipsius permissu, possunt abduci. Triticum insuper, secale, & quidquid præterea frugum est, exportare hinc nefas. quod de iis tamen intellige, quæ in solo hoc natæ: nam exoticas quidem, nihil est quod prohibeat. Nefas etiam exportare hinc arma, aut bellicum aliquem apparatus. Eadem auri atque argenti, siue solida ea, siue in pulverem sint redacta; eadem pecuniæ, ubiubi cussæ, & vel integræ, vel corruptæ; (nisi quod viatoribus tamen permissum, ut quantum viatico satis sit, secum exportent) eadem denique hydrargyrii, siue argenti, ut vocant, vivi; eadem æris & orichalci est ratio. At gratia tamen & pretio multa sæpius obtinentur. Importare autem in ipsam terram cujuscumque generis merces & bona, dummodo probæ sint notæ, cuivis permissum est. Sicut omnes quoque ex auro, plurimi etiam ex argento nummi, justo sui valore, passim hic exponuntur.

Leges & interdicta varia.

Venationis atque aucupii jus, tum & piscationis in fluviis, lacubus, & quidquid præterea vel perennium, vel stagnantium usquam aquarum, facultas, (mare liberum semper & cuivis commune) penes Principem fere, & urbes, aut Dynastas denique & Toparchas est, & quidem quam late patent singulorum jurisdictiones & satrapæ; Brabantia tamen excepta: in qua quinque

Venatio, aucupium.

que tantum sunt sylvæ, Sogniacensis nempe, Zaventeloa, Grootenhoutium, Grootenheista, Meerdalia, promiscuæ gentis totius venationi exemptæ. Nam in reliquo omni Ducatu, singulari quodam, ut infra dicturus sum, privilegio, venari simul & aucupari, dum canes modo & aves, non autem casses adhibeantur, aut laquei, unicuique concessum est. Atque his quidem suis venationibus, piscationibus, atque aucupiiis Princeps in singulis fere Provinciis palatina quædam officia præfuit, qui è sua quisque Provincia magnam ei utilitatem variis modis apportant. Sunt autem hi tales Præfecti, maxime qui venationibus præfunt, viri Nobiles & Illustres: qui in præcipuas quasque venationem concernentes res supremam habent auctoritatem: ideoque inter ceteros dignitatum & honorum suorum titulos, huic muneri qui præest, appellatur & Magnus Venator Brabantia.

Principis
patrimonium.

Sunt præterea Principis præcipuæ quæque tractus totius sylvæ, quibus ille non ad venationem dumtaxat, sed ad lignationem etiam utitur, è qua ingens colligi solet pecuniæ vis. Estque adeo hæc ipsa lignatio non exigua Principalis proventus particula. Cujus reliqui census in oppidis aliquot, castris, pagis, toparchiis, agris, molis, aliisque jam olim ad Dominum terræ spectantibus rebus consistunt. Qui redditus Gallica voce dicuntur *domaines*. Iustiniano Imperatori dicuntur *Sacrum Principis Patrimonium*. Habet etiam Princeps, inter alia sua bona, vectigalia quædam atque portoria in merces terra marique advectas, vel & exportatas, imposita. Habet minutulos quosdam proventus & jura in singularibus aliquot urbibus; ut nominatim Antverpiæ, ubi præter rerum confiscatarum partem, jus illi in monetariam officinam & in publicum carcerem, quod locare solet pretio neutiquam contemnendo. Præterea nemini in eâ urbe fas exercere piscariam, nisi qui prius à Principe redimat facultatem. Cui in publicam illam domum, in qua pendi solitæ merces, aliquid etiam juris est. Et factum aliquando cum in singulas quoque frumenti mensuras haberet jus cochlearis, vulgo *het Lepel-recht*: quod etsi admodum tenue, Magistratui tamen, centenis aureorum nostratium millibus, & quidem præsentis pecuniæ, vendidit. Sunt deinde & aliæ quædam ejus obventiuncula, quæ majoribus illis conjunctæ, luculentum illi conficiunt censum.

Ordines
Belgicæ con-
vocandi
ratio.

Quotiescumque vel ipse Princeps, vel ejus nomine generalis Præfectus, Ordines Belgicæ convocare constituit, quo videlicet eos pecuniarum aliquod, vel & aliud qualecumque subsidium petat; quove gravioris momenti negotium, puta novas exactiones aut leges, ipsis proponat: solet iis per litteras constituere & assignare certum aliquem atque præcisum diem, ad quem illi se sistant loco per eum pro arbitratu delecto. Deligit autem fere Bruxellam: tum quod ordinaria illic Aula sedes, tum & causa Brabantinorum, qui extra fines Brabantia nihil deliberant. Adsunt vero ut plurimum stato eo & condicto die omnes quotquot vocati sunt, & quibus comitii jus est, Ordines. Qui si æquo diutius cessent, arcessuntur de integro, & statuun-

tur in cessatores, pro negotii qualitate, nunc leviores, nunc etiam graviores pecuniariae poenæ: ita ut non committant, quin mox atque vocati sunt, sistant sese, ac ad diem & locum statutum præsto sint. Et conveniunt quidem solito more Bruxellæ Ordines Brabantia; Flandria; Arthesia; Hannonia; Valentianarum; Insularum, Duaci & Orthesia; Namuri; Tornaci & Tornacensis; ac demum Mechlinia: Ducatus vero Luxemburgensis Ordines, ex pacto & singularibus quibus præditi privilegiis, convocantur ab suo Præfecto Provinciali (nisi gravissima tamen causa aliter suadeant) in suam ipsorum Provinciam, ubi cum eodem Præfecto, regio nomine, paciscuntur. Constant vero, ut in omnibus fere Provinciis, Ordines isti, è triplici hominum genere, Ecclesiasticis nempe, Nobilibus, & primariarum urbium Magistratibus. è quibus, aut eaispâ videlicet membra, Primores, & Delegati, quorum eæ ab antiquo sunt partes, accedunt, aut Commissarios suos expediunt: nisi quod aliqui tamen proceres, salvo justo impedimento, ipsi ex lege se sistunt. Sed non omnibus tamen Provinciis eadem consuetudo. Etenim, verbi gratia, ex Brabantia, Arthesia, Hannonia, Namuro, præsto sunt in Comitiiis trium pariter Ordinum Commissarii, & Ecclesiastici quidem vicem, Abbates; Nobilitatis vero, Duces, Marchiones, Principes, alique Dynastæ & primarii Nobiles; urbium denique, Consules cum binis ternisque Scabinis & singulis Syndicis. Qui pro renata tamen interdum plures, interdum & pauciores. Dico, Ecclesiastici Ordinis vicem, adesse Abbates; nec id nimis improprie, cum ipsi revera sint Ecclesiastici: sed ut dicam quod res est, adsunt illi nomine proprio. Nec enim Ecclesiastici ceteri vel cum ipsis Abbatibus, vel cum Ordinibus Generalibus usquam concurrunt; quod videlicet, si non omnes, at plerique tamen sint petitionum illarum immunes. Flandria, quatuor tantum Membrorum suorum nomine, Commissarios mittit: qui Ordo auctoritatem habet & facultatem, ut solus atque per se deliberet statuaturque, trium ejus Provinciae Ordinum vicem. Vocantur quidem & duo reliqui Ordines, Antistites nempe & Nobiles, ac licet iis, cum libet, Syndicos suos ad Comitiiis mittere, qui dispiciant, num quid Membra illa parum caute Principi annuant, quod privatim ipsis incommodet: nam si tale quid accadat, opponunt se ipsi, & quam sibi id detrimentosum sit, argumentis modeste ostendunt: ordinarie tamen, quod annuerunt quatuor Membra, id nec contradictionem, nec oppositionem admittit. Atque hi quidem Ordines, cum Bruxellæ jam adsunt, non congregantur omnes conjunctim, sed provinciatim dumtaxat, & successivè, idque in amplissimo quodam Palatii Principalis conclavi: ubi, præsentem ut plurimum generali Gubernatore, vel Præses, vel Consiliarius aliquis Status, nomine Principis, petitionem illam subsidiariam ipsis proponit, & necessitatem, seu voluntatem & desiderium Principis, solidissimis rationibus & humanissimis verbis explanat. Quo facto, Ordines, seu mavis eorum Delegati, postulant sibi concedi tempus aliquod respondendi: atque ita, servatis de more quibusdam


Ordines sive
Status.

busdam terminis & solemnibus ceremoniis, singula membra seorsim respondent. Cui ipsi responso si Princeps forte, aut ejus Praefectus non acquiescat, tum vero multis usque solidis rationibus petitionem suam justificare, eosque in sententiam suam perducere nititur. Ea enim est privilegiorum istorum hominum vis, ut non nisi cum ratione conciliare sibi possit eorum suffragia. Neque locum hic habet illud plurimis locis decantatum dictum, *Sic volo, sic jubeo*. Adeo quidem, ut quamvis reliqua omnia membra Principi quidquam annuissent, una aliqua urbs, qualis Antverpia, turbare possit & interrompere totum illum consensum. Nam quidquid Ordines illi Provinciales, vel eorum aliqua membra, concedunt, id ea fere faciunt lege, ut omnes omnino Ordines idipsum pro rata sua portione confirmant. Ita ut perpetuo fere necessum sit, non Ordines modo, quos dixi, conjunctim, sed singula quoque separatim eorum membra, unanimi voce, in unam & eandem conclusionem concordare. Vnde nonnumquam contingit, ut non obstante quacumque demonstratione, propter suffragiorum discordiam, petitio Regia prorsus rejiciatur. Quod ipsum Princeps patienter & aequo animo fert, nec plura tunc super eo negotio fiunt verba, sed in aliud tempus magis opportunum differtur. Quoniam vero & modestus est Princeps, & subditi ejus civiles, fit ut quamvis in longum aliquando trahatur res, tandem tamen conveniant, mutuaeque & pari utrimque satisfactione concordent. Quotiescumque autem Ordines vel totam petitionem, vel aliquam ejus partem Principi unanimiter annuunt atque condicunt, rata & firma tunc res est, & statim opportunoque tempore plenum sortitur effectum. Si pecuniaria sit petitio, deliberatur, post impetrationem, accedente & Principis placito atque suffragio, undenam & qua ratione illae tales pecuniae corrogandae; ita ut vel bonorum decimatione, vectigalium ad tempus auctione, vel novarum denique exactio-num impositione, aut simili aliquo modo, pro temporis, loci, & conditionum ratione, Principi satisfiat, & aequatis solemnibus more inter Provincias taxationibus, totum illud quod ipsi concessum est, persolvatur. Et Ecclesiastici quidem, siue sic mavis Abbates, nisi in nonnullis tamen Provinciis aliud moris sit, taxationes suas seorsim; Nobiles vero & Magistratus, propter consortium quoddam & affinitatem, quae inter utrumque hunc Ordinem intercedit, symbola sua conjunctim dependunt. Ac Brabantia quidem, quae partim antiquitatis, partim dignita-

tis ergo praecedat, portionem suam persolvit florenis quadragenorum grossorum Flandriae, qui semiaureo nostro examulsum respondent: Flandria vero, quae opulenta & potens est regio, pro illis quadragenorum, florenos pendit grossorum quadragenorum octonum. Atque ita & ceteri Ordines ratam suam partem, juxta solemnes jam olim taxationes, persolvunt. Quae ipsae taxationes, nisi novum quid & inexpectatum huic illi Provinciae superveniat, ordinarie numquam mutantur.

Quod res Ecclesiasticas attinet, easdem fere habet cum Pontifice Maximo Princeps in hac Ditione sua conventiones, quas in Regno suo Rex Galliarum: & nominatio quidem collatioque Episcopatum, Abbatiarum, & aliarum id genus dignitatum, in ipsius plerumque est manu; confirmatio vero & expeditio penes Pontificem. Qui nullius omnino praetensionis vel correctionis praetextu, quemquam hominem, siue ecclesiasticus is, siue laicus, evocare potest extra Provincias. Vnde siquid forte occurrat, oportet ut mittat, vel huc deputet Commissarios, qui de praetensa causa cognoscant. Sed nec beneficium ullum aut gratiam potest conferre, nec expedire in hanc terram diplomata, aut quid aliud tale, quod effectum fortitur, absque Principis quidem, vel Consiliorum ejus placito atque consensu. In demortuorum vero Canonorum, Decanorum, & similibus dignitatibus vacantes locos, substitutionis illi, alternis cum Rege mensibus, jus est. Quod decimas attinet, omnes fere Provinciarum istarum agri dependendis iis obnoxii: & alii quidem Ecclesiasticis, alii partim his ipsis, partim Nobilibus, aliisque proprietariis eas persolvunt. Sunt etiam qui undecimas tantum pendunt. Sunt qui etiam minus; pro locorum nimirum & possessorum, qui non iisdem ubique privilegiis consuetudinibusque utuntur, diversitate. Extat autem Caroli Quinti Imperatoris cautum valde & prudens edictum: cum enim Majestas Sua perpenderet, homines istos Religiosos, Episcopos nempe, Abbates, Priores, aliosque Ditionis hujus Praelatos non posse res suas abalienare, ideoque si assiduis emtionibus aliquid semper censui suo adjicerent, cum perpetuus, ut sic dicam, eorum sit status, fore, ut temporis lapsu, clerus opulentia sua omnia fere occupaturus esset terrae totius bona: decreto sanxit, ne ulli cujuscumque loci aut ordinis religiosi stabilia ulla bona, sine Principis quidem diserto permisso, mercari possent. atque hic imponemus generali descriptioni finem.

*Pontificis in
Belgicam
auctoritas.*



B R A B A N T I A D V C A T V S.



Racipuum locum inter Germaniæ Inferioris Ducatus sibi & non immerito Brabantia vindicat: attamen cum in ordine titulorum, quod jam à sæculis aliquot sibi Principes Belgii ascribere solebant, Lothariæ titulus passim

primo, Brabantia vero secundo ponatur loco non abs re futurum existimo si priusquam ad Brabantia descriptionem me accingam, aliqua de Lotharingia tituliue ejus origine, in curio- si Lectoris gratiam præmiserò.

LOTHA-
RIA,

Lotharia autem reservavit sibi in Brabantia talequale Ducatus nomen; ditionem verò & rem, ut paulo post ostensurus sum, reliquit in Lotharingia. Nomen ei Latine scribentibus est Lotharia, sive, ut alii, Lotharingia, quod à Lothario derivatur, Imperatoris Lotharii filio, Caroli Magni nepote. qui Imperator Lotharius, scribente Paulo Æmilio, aliisque auctoribus, tactus zelo religionis, monachissimum professus est, anno Christi 856. resignato tamen prius, & inter tres quos habebat filios distributo maximo suo imperio. ac Lothario quidem jam dicto cessit ex parte Burgundia, unà cum universa, quam tunc vocabant, Austrasia. qui tractus ab eo ipso Lothario, licet alii velint ab ejus patre, Lotharingia postmodum dictus, & Lotharingiam strictius sumtam, Brabantiam, Hannoniam, Geldriam, Cliviam, alias terras fuit complexus. possedit verò hanc sic latè diffusam terram Carolina stirps, usque dum Carolus tertius, Galliarum Rex, cognomento Simplex, cederet eum Henrico primo Imperatori, anno videlicet Christi 924, atque hinc factum, ut post aliquod tempus Imperator Otho secundus advocaverit Carolum, Galliarum Regis Lotharii fratrem, quem ut alienaret ab Rege, creavit Lotharingia Ducem: sed accisis mirum in modum limitibus, & concessa Coloniensi & Leodicensi Ecclesiis non contemnenda ditionis illius parte. fuere autem ex illa, quæ antea, cuicumque etiam magno regno par, deducti & velut membratim ab corpore suo avulsi complures Ducatus & Comitatus. Lothario aliquantò post vitâ functo successit Ludovicus quintus, postremus Carolinæ stirpis Gallorum Rex, qui & ipse intra annum, sine liberis, fato concessit; quare Carolus Lotharingus, seu legitimus regni hæres, ad recuperandum id, occupatum jam tum ab Hugone Capeto, contendit. sed cum Gallis esset parum acceptus, quibus scilicet videbatur in Germanos plus æquo propensus, infelici est usus fortunâ. prælio enim adversus Hugonem commisso,

Belgica.

succubuit, ac non multò post cladem, prodicione Asselini, Episcopi Laudunensis & Paris Franciæ, in ipsa urbe Lauduno præhensus, inde Aurelianum abductus, & in carcere tandem extinctus est. cum verò in ipso etiam carcere facta esset uxoris, quam secundam tunc duxerat, copia, duos inibi genuit filios, Ludovicum nimirum & Carolum. quorum uterque, pueritiam necdum egressus, faciente nonnemine, rebus humanis exemptus est. sed reliquerat idem Carolus filium Othonem, ex priori uxore susceptum, in Ducatu Lotharingiæ successorem, quò defuncto, novum, propter eandem Lotharingiæ causam, inter Imperiales & Gallos exortum est bellum. Tandem verò post varias ultrò citroque transactiones, Henricus secundus Imperator Ducatum hunc contulit Godefrido Arduennensi, adjunctis illi Valentianis, & alio quodam dominio, jure clientelari & beneficiario Sacri Imperii nomine possidendis. Godefrido succedere per aliquod tempus varii sui agnati. donec Imperator Henricus Quintus privaret hoc ipso Ducatu Henricum Ducem Limburgi, qui possidebat eum concessu Imperatoris Henrici Quarti, & Lotharingiam omnem, jam antè Superioris & Inferioris nomenclaturâ distinctam, circa annum Christi 1106 in duas partes divideret; quarum superiorem, hodie Lotharingiæ nomine celebrem, & ab gente Vallemontanâ possessam, Diderico conferret, postremi illius Godefridi nepoti: Inferiorem verò, quæ nunc Brabantia, Godefrido Barbato, Comiti Lovaniensi. hic per lineam sequiorem descendisse videtur ab ultimo illo Carolo Lotharingo, fuissetque, ut ore simul & stylo asserunt, primus, qui inter Comites Lovanienses adsciverit, vel si mavis, resumserit titulum Ducis Brabantia, sive Barbantia, non omisso interea illo Lotharingiæ, cum in utramque simul, Superiorem nempe & Inferiorem, prætenderet jus. Atque hinc adeò est, quod hodieque ejus successores titulum illum Lotharingiæ sive Lothariæ Ducis retineant. reipsa verò in hoc nostro tractu vix quidquam inde, præter nudum illum quem dixi titulum, superest, cum & nomen simul & ditio manserit Lotharingis. etsi enim Genapum, pagus Brabantia Gallicanæ, à multis dicatur terra Lothariæ, sitque in eo Curia quædam feudalís, & criminalis, (ut infra etiam dicitur) quæ vulgo audit *la haute Cour de Lothier*, censetur tamen is status, atque adeo celebratur Gallicanæ Brabantia nomine. Nunc ad Brabantiam ipsam transeo.

Plerique Regiones descripturi nominis antiquitates & vana jactant nomina, quod præcipue in Brabantia evenisse mihi videtur. Quis enim vel mediocri præditus ingenio non videat eos conjecturis nequidem vero similibus inniti, qui

& diviso.

Godefridus
Barbatus.

BRA-
BAN-
TIA.
Nominis
etymon.

A

qui



qui Brennum Gallorum Ducem acerrimum Pop. Romani hostem, ut & ii, qui Brabonem Salvium Cæsaris in expeditione Gallica comilitonem, heroem, ni fallor, imaginarium, nominis Brabantiae sibi persuadent autores. Sunt & qui totum hunc tractum à Bratuspantio Bellovacorum oppido, à Iulio Cæsare lib. 2. memorato, nomen mutuassee existimant. Guicciardinus accuratissimus rerum Belgicarum scriptor Brabantiam à regionis latitudine à vulgari vocabulo *Breetbant* dictam arbitratur, quod *breet* lingua vulgari latam sonat, *bant* antiquitus regionem. Lipsius *Braecklant*, nuncupatam putat eo quod agri persæpe culturâ remanebant destituti, non satis verbi *braeck* assequutus significationem. Alii Brabantiam à Godefrido Barbato Duce, quasi Barbatiam vocatam dicunt. Miror equidem viros alioquin omni eruditionis genere præclaros adeo in nominum horum originibus investigandis operam atque oleum perdere; præsertim cum tam obscura tegantur caligine, ut vix ulli eas vel conjectura assequi contingat. Idcirco ulteriori supersedebimus investigationi, id sufficere existimantes, si dicamus antiquis haud nimium conspicuum Brabantiae esse nomen, cujus tamen certam nequeamus reddere rationem.

Ducatus hic ordine & dignitate inter cæteras Hispanici Iuris Belgicæ provincias primus, Mosâ, Scaldi, Sambrâ, & Tengerâ circumscribitur fluviis, nullius eorum ullo in loco transiliens ripas, quas quibusdam in locis ne quidem attingit: Terminatur à Septentrione Geldria & Hollandia; ab Occidente partim Zelandia, partim Flandria; à Meridie Hannonia & Namurco; ab Ortu Leodicensi diœcesi & Geldria Ducatu.

Longitudo ejus maxima, si à pagis *Strytheim* & *Goyken*, quatuor milliarium distantia Bruxellâ diffitis, exordium ducas, & usque ad Dominium *Kessel*, Mosamque fluvium prosequaris, ab Oriente ad Occidentem est 30 leucarum Brabanticarum, quas homo pedes 36 horarum conficere potest spatio. Latitudo ejus sumta à pago *Hellemont*, ad confinia Namurcensis Comitatus sito usque ad limites Territorii Silvæducentis, Mosæque ripam, à Meridie Septentrionem versus, est leucarum circiter 21, quæ horas itineris 25 conficiunt. Totus autem Brabantiae circuitus 80 plus minus leucis continetur.

Ingens ei populus, valida atque delecta constans juventute, cui clarum bello nomen, animusque ad victoriam anhelans aut ad mortem promptus. An domestica, an externa plura bella gesserit, incertum, & permista hæc non semel felici infelique eventu. Prosperæ res in Gallia, Germania, Anglia, Italia, Asia, adversæ non semel. Ierosolyma capta, Syria domita provinciarum huic triumphos debent. Mutuis deinde cladibus, Geldricis, Eburonicis, Batavicis, Flandricis, Limburgicis, Luxemburgicis nobilitata. Mota à Brabantis arma in Britannos, perdomiti Stadienses, patriæ & diademati restituti reges. Vix annum vacuum à præliis, liberum à ferro habuit. Anno 1175 Anglorum rex Henricus horum opera civitates amissas re-

cepit. Anno 1202 signa inimica in Theodorum Hollandiæ Comitem intulit Henricus Dux, eumque castris exutum, captivum abduxit. Anno 1234 in *Siphridum* Coloniensem, *Reginaldum* Geldrum, *Adolphum* Nassovium, *Henricum* Luxenburgensem, *Valerianum* Falcoburgensem arma mota, victoriam reportante Ioanne Brabantiae duce. Restitutus post hæc anno 1327 regno & suis Eduardus tertius Angliæ rex Brabantina manu, quam & in Aquitanos, Britannos, Normannos, Iberos duxit, fortunatissimo ubique successu. Pari eam aliquando successu Richardus Anglus in Aquitaniam, Philippus Gallus in Aragoniam, & Flandriam, Iohannes in suam Angliam, Eduardus in Scotos duxerat. Iam Conrado Imperatore Olyssibona Saracenis erepta, ducentis hostium millibus cæsis aut in fugam versis, Belgarum & Brabantorum cum primis virtute. Vacui exinde externo metu, domesticis arserunt malis. Veterem enim inter Brabantos & Grimbergenses discordiam excitantibus quibusdam, commissisque inter se prælio populis victor rediit Brabantus. Illustrem hanc pugnam reddidit *Brabantiae Dux* infans & in cunis vagiens, ex editiore arbore, media inter agmina, depensus, ut vagitu, & tenellæ commiseratione ætatis, animos suis adderet, terrorem hostibus incuteret, cum perfacile viderent destinatum Brabantis cum duce suo vincere aut mori. *Godefridus Bullonius* Brabantiae Dux, Græciæ, Ægypto, Palæstinae victoricia, at Deo sacrata, signa intulit. Possem hic fortia Brabantorum facta numero & robore plurima, possem Duces enumerare, belli pacisque gloria magnos, Pipinos, Martellos, Godefridos, Henricos, Iohannes, Philippos, Maximilianos, Carolos: quorum vario ductu ingentia pugnata bella, clarissimis relatis triumphis, Suevi, Saxones, Bavari, Dalmatæ, Longobardi, Sclavi, Hunni, Angli, Lusitani loquuntur, & in ipsa Gallia Martelli manu cæsa Saracenorum septuaginta millia.

Clemens & salubre ubique Brabantiae cæ- Aer & lum, adeo ut circumvicinis regionibus miserum qualitas. in modum lue contagiosa infectis, hæc ab omni labe persæpe restiterit libera solo Dei & aëris beneficio. Ager planus plerumque paucis in locis collibus frugiferis & amœnis insurgens, & majori ex parte frugum & fructuum mire fertilis. Exceptâ Campania sive Campinia, de *Kempen*, quæ naturâ ipsa sterilis humano tamen cultu & industria multis pecorum gregibus & crebra stercoreatione redditur sat bona & fertilis. Adeo vero grata armentis præbet pabula, ut oves hujus tractus in cibatu jure merito reliquis delicatiores æstimentur.

Eximiis & utilissimis fluviis passim est irrigua, *Fluvii.* quorum præcipui Mosâ & Scaldis in generalis Belgicæ descriptione à nobis relati, reliqui sunt Dommela, qui è Leodicensi diœcesi ortum ducens Eyndhoviam transfluens prope Sylva-ducis in Mosam se exonerat.

Dunga prope Turnhoutam oriens pagum co- Dunga. gnominem præterlabitur, & Geertrudisbergæ Mosæ se miscet aquis.

Merka è Comitatu Hooghstratenfi prove- Merka. niens

niens Bredam transiens, majoribus sese aquis prope Sevenbergam committit. Sunt & præterea Netha utraque, quarum ea quæ minor dicitur variis aucta fluviolis se cum majori in ipsa urbe Lira conjungit, unde junctis aquis postquam Dylam fluvium aquis Demeræ auctum exceperint, mutato in Rupelam nomine in Scaldim sese regione Rupelmondæ præcipitant. Cæteros fluvios brevitatis causa silentio involvam. Lacubus præterea, paludibus & stagnis Brabantia non caret.

Sylve.

Sylvis vero & nemoribus sat instructa, quæ copiam lignorum, & ferarum elargiuntur, earum maxime nobiles sunt Sogniacensis, Zaventerloana, Grotenhousium, Grotenheista, & Meerdalia.

Urbes & oppida.

Urbes & oppida viginti sex muris cincta in Brabantia numerari solent, quarum quatuor præcipuas quadrantis quasque suæ primarias, Lovanium, Bruxellam, Antverpiam & Sylvaducis capitales vocant; hæ autem solæ cum Nobilibus & Ecclesiasticis in conventu Ordinum Ducatus hujus conveniunt, tertiumque Statuum membrum constituunt. hæc proximo sequuntur intervallo Thenæ, Læwia, & Nivella, capitales minores dictæ; deinde oppida quadam dignitate conspicua prædita. Arschotum, Bergozomium, Mega, Breda, Diesthemium, & Trajectum ad Mosam. ultimæ sunt ordine, Stenoberga, Lira, Vilvordia, Gemblakum, Iudonia, Hannutum, Landa, Hala, Sichemium, Herentalium, Eyndhovia, Helmonda, & Gravia.

Libera municipia vulgo Vryheden.

Præterea in Brabantia, decem & octo sunt oppidula, quæ muris haud cincta nihilominus pari cum muratis gaudent gradu, paribusque privilegiis, vulgo *Vryheden* dicta, quod idem sonat, ac si libera municipia diceret, quod nundinarum & mercatus illis liberum jus sit. Sunt autem ea: Oosterwyck, Oorschotum, Turnhoutum, Hooghstrata, Duffia, Waelhemium, Comitatus titulo insigne, Merçta, Asca, Furnia, Dusborgum, Isca, Hulpia, Wavria, Brenna allodialis dicta, Genapum, Gela, Arendoncum, Dormalia.

Pagi.

Pagi in Brabantia turribus conspicui haud ultra septingentos numerantur, eo quod Campania quamvis magnum tractum terræ occupet, cum sit sterilius, raris nihilominus ornetur pagis: verum plurimi inter pagos insignes & variis dignitatum titulis sunt præcellentes: Veluti Fanum D. Odenroja, Bostelia, Rosendalia, Hucquela, Lilloa, Grimberga, Gaesbeka, Revefium, Levendalia, Cranendonkium, Cuquia, Hilverembeka, Waalwijkum aliique complures.

Oppidorum jurisdictio.

Civitates & oppida Brabantia tam minora quam majora, ut & Pagorum plerique ordinariam ac solennem & in civilibus & in capitalibus causis obtinent jurisdictionem, provocatur vero à minoribus primum ad majora & hinc deinde ad Brabantia Cancellariam.

Dignitates sub Brabantia.

Simul complectitur Brabantia illustres ac eximias dignitates, Marchionatum S. R. Imperii, Provinciam peculiarem, cujusque Princeps gaudet titulo, Ducatum Aerschotanium, Marchionatum Bergozomanum, Comitatus Hoochstratensem & Megensem: Baronatus Bredanum,

Belgica.

Diesthemiensem, Grimberganum, &c. usque ad novemdecim, Grimbergano in duos Baronatus diviso; ut & dominium Ravesteinii ad Duces Iuliacenses spectans, & Trajecti ad Mosam territorium.

Abbatia in hoc Ducatu plurimæ, duodecim vero Conventui Ordinum interveniendi privilegio Abbates suos reddunt conspicuos, earum autem prima est Affligemienfis tribus leucis Bruxella diffusa, cujus Abbas in dicto Conventu primum locum sibi vindicat. Sunt præterea Tongerloana, Gemblacensis, Groenendalensis, &c.

Brabantia vulgariter respectu Ordinum habito dividitur in Tetrarchias quatuor, Lovaniensem, Bruxellensem, Antverpiensem, & Sylvaducensem ab urbibus capitalibus seu præcipuis nomen sortientes. Præterea ratione linguæ dividi potest in Brabantiam Belgice loquentem, & Agrum Romanum vulgo *le Pays Romain de Brabant*. Prior & potior pars Teutonico utitur idiomate provocatque in causis ad Cancellariam Brabantia, Agri Romani minimæ Brabantia partis incolæ sermone Gallicano & ex corrupto Latino deducto, quem Romanum indigetant, utuntur, regiunculam ipsam Romanam vocantes.

Ordines Brabantia tribus constant membris, Sacro five Ecclesiastico, Nobilium, & urbium Capitalium. Ecclesiasticum constituunt Abbates & Prælati sequentes: Affligemienfis, Grimbergensis, Tongerloanus, Groenendalensis, S. Gertrudis Lovanii, S. Bernardi, Vileer, Dielegemensis, Parcensis prope Lovanium, & Vlierbekenfis; Prior magnus Ordinis S. Augustini in Leeuwen; & Abbas idem & Comes Gemblacensis. Nobilium Membrum constituunt Duces, Comites, Barones & regulum præcipui, scilicet: Dux Aerschotanus, Marchio Bergensis ad Zomam: Barones Diestensis, Bredanus, Bostelensis, Gaesbekenfis, Wesemalensis, Boutersemienfis, Perweys, Comes Hooghstratenfis, Baro Renes. Domini Asche, Merchten, Veurnensis, Ghelensis, Lummenfis, Thurnhoutensis, Fani D. Odenroja, Walemenfis, Duffelensis. Tertium membrum efficiunt urbes Capitales quatuor supranominatæ, Lovanium, Bruxella, Antverpia & Sylvaducis.

Cancellaria Brabantia perpetuo Bruxellæ residentis constat ex Cancellario & certo tam ordinariorum, quam extraordinariorum Senatorum numero. Præterea ex Advocato Fiscali, qui & ipse muneris sui ratione Senator est, Procuratore Generali, duobus Graphariis, Audienciariorum, quatuor Secretariis ordinariis, extraordinariis novem, aliisque officiis Palatinis. Cancellarii vero munus summæ est dignitatis & præminentia, cum in Iustitia administranda, decidendisque causis, sit veluti Brabantia gubernator & Ducalis Vicarius. Hujus Cancellaria jurisdictioni Limburgum Ducatus cæteræque ditionis Transmosanæ urbes subjacent; sententia autem in hoc Concilio decisæ provocationi non sunt obnoxia.

Cæterum est & Curia suprema rei clientela ris totius Brabantia, vulgari vocabulo *het Leenhof van Brabant*, Bruxellæ itidem residens iisdem

Abbatia.

Divisio Brabantia.

Lingua.

Status five Ordines.

Cancellaria.

Curia rei Clientelaris.

B

Sena-

Senatoribus, Advocatis, aliisque quibusdam constans; hanc cetera omnes subalterna tam hujus Ducatus, quam adhaerentium ditionum feudales Curiae provocant, una Genapiensi excepta Curia.

*Lotharia
Curia.*

Lothariae Curia est forum sive tribunal, quod vulgariter audit *la haute Cour de Lothier*, suprema, inquam, Lothariae Curia, in qua administrari solet justitia, tam in civilibus, & capitalibus, quam in clientelariis causis; in civilibus locus est provocationi ad Cancellariam Brabantiae, in capitalibus vero & clientelariis causis non idem juris obtinet, verum illae decretoriis in hac curia decernuntur sententiis: salva vero actoribus datur optio, utrumne causas Genapi, an vero in Bruxellensi rerum clientelarium curia disceptari velint.

*Droffartus
Brabantiae.*

Porro in capitalibus causis sunt duo Magistratus generales, Droffartus Brabantiae, & magnus agri Romani in Brabantia Praetor; illi per totum Brabantiae tractum Belgica utentem lingua reos in carcerem conjiciendi, litemque contra eos in Senatu Brabantiae, vel coram ejusdem delegatis instituendi jus competit.

*Le grand
Bailliou du
Pays Ro-
main de
Brabant.*

Eandem jurisdictionem in agro Romano magnus Praetor exercet, sed coram Genapiensibus clientelarium rerum iudiciis actiones suas contra reos instituit.

*Magnus
Venator, &
Saltuarius.*

Est & in hoc Ducatu amplissimae auctoritatis Magistratus Venationi regiae praefectus Magnus Venator, *le Grand Veneur* dictus: alius etiam piscatui & aucupio regio praesidet, & de controversiis in talibus rebus circa immunitates & jurisdictionem regiam oriri solitis cognoscens, errataque emendans, hic Saltuarius vulgo *de Gruyer* dicitur.

*Mores &
indoles
Brabantio-
rum.*

Brabantii ante discrimina sunt cunctabundi, in ipsis feroces, in turbidis rebus intrepidi, in audacia fortunati, in consiliis prompti, non tam factis & calamo quam lingua feliciores, hilares & festivi plus fere modico ad decrepitam usque senectutem, in conviviis & epulis splendidi, & in scenicis & comicis moribus immodici, religioni Catholicae addictissimi. Iudicio sunt solido & ingenio plerique bono, bellica laude praestantes & exercitatissimi, in artificiiis, artibusque mechanicis evadunt saepe praestantissimi; in pictoria ut & sculptoria, caelatoria & incisoria artibus nobilissimis ad miraculum excellere solent; mercaturam non adeo ut temporibus praeteritis exercent: Faeminae venustae, & omni fere elegantia & lepore praeditae.

Privilegia.

Vtuntur Brabantii & Ditiones, quas diximus, Transmosanae, Limburgum videlicet, Falcoburgum, Dalemium, Rhodia Ducis, & quidquid praeterea supremo Brabantiae imperio subjacet, cum eaque (ut dixi) conjunctum est, luculentis admodum & utilissimis privilegiis.

Ac primo quidem habet ab Romanorum Imperatoribus privilegium longe amplissimum, impetratum ipsis per Ducem Ioannem, ejus nominis tertium, a Carolo Quarto Imperatore, & approbatum deinceps ab insecutis Caesaribus: quo cavetur, ne quisquam Brabantus, vel alioqui oriundus e ditionibus illis jamdictis, neve etiam res ejus aut bona, per universos

quam late patent Romani Imperii fines, sisti aut sequestrari, vel prima, quod vocant, instantia, conveniri aut detineri ullatenus possint.

Habent deinde a propriis suis Principibus varia magni momenti & gratiosa admodum privilegia: inter quae septem ista sequentia comperio esse praecipua. ac primum quidem, ad spectu aviditatis simul & imperiositatis Antistitem, etiam Principi ipsi praescribit, ne Ecclesiasticum Ordinem, quod ad saecularia quidem attinet bona, possit vel debeat, supra quam olim ab aliis Terrae Principibus factum est, collocupletare, nisi cum ejus, in quo sita sunt ipsa bona, non autem aliorum, terrae quadrantis, & pro eo, primariae urbis, permisso.

Alterum est, quod non liceat Principi, subditos suos, sed nec extraneum ullum Brabantiae incolam, vel agere reos, vel civilem aliquam capitalemve litem iis intendere, nisi libera prorsus & ordinaria juris via, ita quidem ut reo & utendi Advocatorum praesidio, & coram populo sese purgandi, causamque dicendi indelibata potestas sit.

Tertium quod non liceat Principi subditis suis imperare vectigalia ulla, sive tributa, cujuscumque demum sint generis, & quocumque appellentur vocabulo: sed nec innovare ullam alicujus momenti rem, sine Ordinum terrae ipsius consensu.

Quartum; quod non possit Brabantis praeficere magistratum aliquem, sive ministrum alienigenam, salvis tamen paucis quibusdam exceptionibus: ut in Cancellaria Brabantiae, ubi inter tot Senatores indigenas, duos aliquos, at qui hujus tamen sint idiomatis, peregrinos potest inserere. potest item aliquis non Brabantus, modo in ipsa terra per aliquot annos possederit jus & titulum Dynastiae, ad Cancellarii dignitatem extolli.

Quintum; quod omnibus terrae Brabantiae subditis jus & fas sit de bonis suis, etiam fiduciariis, neque venditione dumtaxat, verum etiam testamento, sine ullo vel Principis, vel alterius cujuscumque consensu, disponere. item canibus avibusque adhibitis, modo quinque regales illas supra nobis descriptas silvas exceperis, libere passim venari & aucupari. quod in aliis utique terris non temere solet permitti.

Sextum; quod convocatis a Principe generalibus harum Provinciarum Ordinibus, sive id fiat subsidii postulandi sive alia quavis de causa, non teneantur Brabantii patriae suae finibus egredi: imo vero non possint, (ea legum est efficacia,) extra territorium suum quidquam statuere, quod ceteris tamen aliarum Provinciarum Ordinibus, quocumque demum a Principe convocentur, integrum atque permissum est. atque hinc fit, ut negotiorum eo facilius expediendorum gratia, imo (ut diximus) necessario, ceteri Ordines ad Brabantos semper accedant.

Septimum denique: quod si forte vel vi, vel alia quavis injuria, privilegia ista Brabantorum Princeps infringat; ipsi, debitis tamen obnuntiationibus excusationibusque praemissis, a fidei sacramento Principi praestito, & clientelaris officii sponsione, protinus solvantur, & ceu liberi prorsus

prorsus ac sui juris effecti, aliam sibi pro arbitratu quærere possint conditionem. Instituta vero atque concessa sunt & hæc ipsa quæ retuli, & tot alia terræ Brabantia privilegia, non in populi tantum, sed in Principis quoque ipsius usum & securitatem.

S E R I E S

PRINCIPVM BRABANTIAE.

Pipinus I. dictus de Landis, Brabantia imperavit annis 32, anno 647. pie non sine opinione sanctitatis obdormiit, ex Iduberga Aquitana successorem filium reliquit

Grimoaldum, hic anno 658 Lutetia in carcere periit, filium habuit Hildebertum, sed patre etiam tunc vivente in acie cæsum.

Ansegisus & *Begga* Grimoaldi soror præfuerunt annis 27. Ansegiso à perduelle quodam caso, Begga principatum filio suo Pipino cessit anno 685.

Pipinus II. Herstallus dictus, annis imperavit 29, heredem Principatus scripsit Carolum Martellum ex Alpaide pellice filium, quamvis nepos ex Drogone filio iustis nuptiis procreato superesset Theodobaldus; obiit anno 714.

Carolus Martellus præfuit annis 27. tandem multis bellicis facinoribus clarus interiit anno 741.

Pipinus III. Francia rex, Martelli filius, item 27 annis imperavit, excessit anno 768; & Berta Græcorum Imperatoris filia relinquens filium & successorem

Carolus Magnus, Francia Regem & Rom. Imperatorem, qui Princeps optimus & virtuosissimus post multas res præclare gestas & Brabantiam 46 annis rectam obiit 814, Imperii 14; ejus ex Hildegardi Suevia Ducis filia filius

Ludovicus Pius Imp. præfuit annis 26, variis cum filiis discordiis agitatus, tandem anno 840 moritur, successit vero filius ejus, ex Hermingardi Comitissæ Saxonis filia

Lotharius Imperator post annos regiminis 15, anno 855. Regnum inter filios dividit, Lodovico Italiam tradens, eumque Imperatorem appellari faciens, Lothario regnum Lotharingia concedens, & Carolo Provincia regnum assignans; & postea in Prümia, postquam monachi habitum suscepisset vitam hanc cum meliore commutavit.

Lotharius II. Lotharingia Rex, uxorem habuit Theutbergam reginam; conatus est ea dimissa, ducere Waldradam quandam pellicem, qua ex re nata turbæ maximæ, obiit fato misero anno 868, unico relicto filio Hugone ex Waldrada, sed non successore.

Carolus Calvus Rex, patruus Lotharii, eo sine prole legitima defuncto Lotharingiam occupavit, frustra Pontifice pro Ludovico Imp. Lotharii fratre nitente, anno 875 Imperator renunciatus est, tandem ex hac vita migravit postquam Brabantia 9, Imperio 2, præfuisset annis, anno Domini 877.

Ludovicus Balbus cognomento ob impeditius eloquium, filius superioris ex Ansgarda uxore

Ludovicum & Carolomannum, ex Adeltaide Carolum posthumum dictum Simplicem genuit filios. Imperator in Synodo Trecensi à Papa Joanne Romanorum coronatus est 878, duobus annis Brabantia præfuit, obiit anno 879.

Ludovicus & Carolomannus præfuerunt annis 5. diem supremum clausit Ludovicus anno Domini 883, & Carolomannus anno sequenti.

Carolus Simplex dictus, frater præcedentium, & Balbi filius postumus; duodennis in Regem Francia consecratur 892. Varia fortuna regium nomen gessit, tandem apud Peronam in carcere obiit 929, postquam Brabantiam 45 rexisset annis.

Ludovicus Simplicis filius Transmarinus dictus, quod insidiantes sibi fugiens per mare in Angliam transierit, multis sibi adversantibus præfuit, moritur anno 954, post 25 regiminis annos.

Lotharius III. Transmarini ex Gerberga Othonis I. Sorore filius, præfuit annis 14, defuncto patre tredecim annorum puer Rex consecratur, vixque quietior fuit patre aut avo: cessit seu potius præmisit Lotharingiam fratri anno 978.

Carolo, qui Lothario fratre mortuo, regnum avitum ab Hugone Capeto occupatum armis repetens, ab eodem Capeto captus est, mortuusque in captivitate Aurelia anno Salutis nostræ 991, quarto decimo vero Principatus.

Otho Caroli præcedentis filius ei in Ducatu Lotharingia successit, nulla re memorabili gesta & sine liberis discessit, anno salutis 1005, regiminis 15.

Lambertus dictus Longicollus mortuo Othone jure hæreditario ex parte uxoris suæ Gerbergæ, Othonis præcedentis sororis Brabantia Princeps fuit, varia strenue gessit bella, tandem contra Godefridum Imperialem Ducem bellum gerens, fortiterque pugnans in acie cecidit, anno principatus 10, salutis nostræ 1015.

Henricus I. Lamberti ex Gerberga filius, cum matre aliquandiu res administravit, tandem anno 23 principatus ab Hermanno quodam captivo suo interfectus est, anno 1038.

Lambertus Baldericus cognomento, præcedentis Henrici frater, Othone Henrici fratris filiolo, mox intra annum defuncto jure successit, cæsus est in acie juxta Tornacum anno 1054, post 16 Principatus annos.

Henricus II. Balderici filius, varie cum Hollandis pugnavit, regnavit annis 14, & ex Adela Lantgravii Thuringia filia, filios reliquit Henricum & Godefridum, mortuus est anno 1068.

Henricus III. Patri sufficitur, annos viginti octo rexit pacate: nec belli aut tumultus sub eo sermo, mortem in ludicro hastarum invenit unico ictu a Gofuino viro nobili confossus anno 1096; successit ejus frater filiabus Henrici exclusis.

Godefridus Barbatus, Magnus merito cognominatus, præfuit annis 44, vir fortitudine, religione & omnigena virtute conspicuus, obiit anno 1139, relicto successore & Sophia Henrici IV Imperatoris filia

Godefrido II, qui contra exducem Limburgensem, & dein contra Grimberganos bella vario

rio successu gessit, præfuit annis saltem duobus, mortuus anno 1142, successit ei filius

Godefridus III, in Cunis cognomine, quo puero Grimbergani ceptum ante bellum acrius inde prosequuti sunt, donec Duce infante in Cunis in castra prolato, sui inde animati Grimberganos magna clade affecerint, & profligarint, post varia bella & 44 regiminis annos obiit anno 1186.

Henricus IV filius superioris, primus ejus nominis Brabantia Dux, sed alioquin successione sanguinis quartus inter Principes. Heros magnus bella diversa varia gessit fortuna, tandem Colonia diem supremum obiit post annos Ducatus 49, anno 1235.

Henricus V, quarti filius, præfuit annis 12, successorem reliquit ex Maria Philippi Imperatoris filia Henricum, obiit 1247.

Henricus VI hic cum sibi regnum Rom. deferretur, Consanguineum suum Guilielmum Hollandum huc promovit, præfuit annis tredecim, mortuus Cruce signatus antequam ad terram sanctam proficisceretur, anno 1260.

Aleidis Ducis Burgundia filia, marito Henrico fatis functo, pro liberis impuberibus Principatum administravit annis septem. Henricum maximum filiorum, vecordem & Principis loco indignum, prorsus in Cœnobium ablegavit, Ioannem secundogenitum virtuosissimi ingenii adolescentem, post multos subditorum pro Henrico motus, ducatus præficiens.

Ioannes I. strenue contra Geldrum aliosque Principes contra se confederatos debellavit, in hastiludio vulneratus obiit anno 1294, postquam 26 gubernasset annis; ex Margareta Flandrica ei filius & successor

Ioannes II. uxorem duxit Margaretam Eduardi Regis Angliæ filiam: insignia Brabantis concessit privilegia; præfuit autem annis 18, mortuus anno 1312.

Ioannes III, Secundi filius, varia contra Falcoburgenses, Gallos, & Flandros sat feliciter gessit bella, cæterum gentem suam summa rexit tranquillitate; filios nullos, filias tres reliquit, quarum majori Ioannæ, Wenceslao duci Luxemburgensi nuptæ, morti proximus Rempublicam demandavit. præfuit annis 43, mortuus anno 1355.

Wenceslaus & *Ioanna* mortuo Ioanne III, Principatum Brabantia Lovanii susceperunt: sub iis Lovanii varia & periculosissima ortæ seditiones.

Contra Flandros infeliciter, cum Geldris postea, dein quoque cum Iuliacensibus bella gesserunt, quo ultimo Wenceslaus etiam victus & captus, & tandem Imperatoris intercessione liberatus est; fato autem functus est anno 1383, postquam cum uxore simul præfuisset annis 28. Ioanna vidua jam grandæva Ducatum Antonio, Philippi Audacis Burgundia ducis filio, pronepoti ex filia sororis suæ, cessit anno 1404, & biennio post obiit; mulier clarissima & omnium virtutum genere referta, tam plebi quam nobilitati chara: post mariti mortem sola gubernavit annis 21.

Antonius Burgundus præfuit annis novem, Dux, sed biennio ante, etiam vivente Ioanna, Ducatus Administrator; cæsus est pro Francis contra Anglos pugnans, anno 1415.

Ioannes IV. Burgundus, Antonii filius, anno 13 ætatis Ducatum excepit, duxit Iacobam Hollandam, quam biennio post deseruit: præfuit annis 12, fatis concessit anno 1427.

Philippus I. Antonii filius, fratri Ioanni successit, præfuit annis tantum tribus, obiit anno 1430.

Philippus Burgundus, cognomento Bonus, Ioannis Intrepidi filius, Philippi Audacis nepos, Philippi præcedentis nostri patruelis, cum ditioribus paternis Burgundia, Flandria, &c. jam annis undecim præfuisset, inauguratus est quoque Brabantia tanquam proximus heres anno 1430. Fundator Imperii Belgici primusque ejus uniti Princeps; obiit anno 1467.

Carolus Burgundus, Audax cognomine, belli quam pacis artibus æstimator temporibus difficultosis, Provincias Belgicas administravit, bella & odia atrocissima cum Ludovico XI Galliarum Rege exercuit, Leodienses, urbe eorum fere prorsus deleta, maxima affecit clade, tandem ad Nancejum Lotharingia urbem ab Helvetiis cæsus anno 1477, post annos 10 regiminis, hæreditatem filia unica reliquit, quæ

Maria Burgundica nupta Maximiliano Austriaco, ducatum hunc ad Austriacos transmisit, iisque ad tempora Philippi II tota paruit, & hodie maxima ejus pars Philippo IV, Pacifico, magno Hispaniarum & Indiarum Monarchæ potentissimo obedit; quædam vero ejusdem partes sub Fœderatorum Ordinum sunt potestate, tota videlicet Silvæducensis Tetrarchia, Campinia, Peelandia, Maselandia, & Oosterwykum, Berga ad Zomam, Steenberg, Lillo, Wilhelmstadtium, Gravia, Trajectum ad Mosam, & Breda.

Brabantiae pars prima,

cujus caput

L O V A N I V M.



*Praecipua
inter Bra-
bantiae Te-
trarchias.*

Nomen.

Etymon.

Vit olim Lovanium Comitatus, ejusque memoria repeti potest ab anno salutis ducen-tesimo. Alii volunt Ducatum fuisse, majori Brabantiae parti jura dantem. Atque hinc Principes sibi titulum sumsisse Comitum Lovaniensium, usque ad tempora Godefridi Barbati, qui aucta ditione, abdicato Lovaniensis Comitatus titulo, nomen sumserit Brabantiae, & transposita litera, Brabantiae. Hodie etsi illam dignitatem non sustineat, metropolis tamen est totius Ducatus Brabantiae, ac quatuor Tetrarchiarum caput, reliquas urbes dignitate praecedens. Praestat enim Lovanium omnium prima Principi juramentum, uti & ille primum illi se juramento fidei obstringit. Primum ei in communibus provinciae negotiis votum, praeterquam in subsidiariis Regis petitionibus, in quibus Antverpia, propter opum vim, primam dicit sententiam.

Metropolis Tetrarchiae Lovaniensis est *Lovanium*. quod clarissimus Lipsius censet sub Normannica tempora conditum, & nomen ab ipso situ lingua nostra sumsisse. Est, inquit, in hac urbe ad Orientem collis & silva, quam *Lo* etiam nunc vocant, & *Lo-bergh* & *Lo-bosch*. Est & subiecta planities ad flumen, quam vetus lingua *Deen* dixit. Inde venae Batavorum etiam hodie, loca unde cespes ille ustibilis eruitur. Et compertum superioribus annis in pratis Martinensium idem genus eductum. Ergo Lovanium, sive, ut vera & vetus vox est, *Loven* / dictum quasi *Lo-veen* / humida planities ista *Loe* subiecta. Latini Lovanium fecerunt, Gallicam magis pronuntiationem *Louvain* secuti. Sunt qui asserant hoc nomen derivari a voce Teutonica *Loben* / laudare, quod in templo quodam Marti, ut volunt, dicato, laudaretur belli Deus. Alii sentiunt hic habitasse praefatos Levacos, alii Grudios. Vtunque sit, urbs perantiqua est, ac vetusta etiam arce insignis, quam incolae jactant esse opus ipsius Caesaris. Interluit eam Dilia. Intra muros & extra in vicinis collibus vina leguntur. Pomœria ejus aliquoties diducta, & postremus quidem murorum ambitus, coeptus strui anno 1361. Major est Gandavo decempedis tribus, Leodico octo; Lutetia, si suburbia excipias, itidem octo: Colonia denique octodecim. Interiore mœnium ambitu sex Italica milliaria continet, quibus conficiendis duas minimum horas impendas. Habet intra muros amplissima quaedam prata, amœnissimas vineas, hortos spatiosos atque frugiferos:

Belgica.

colles etiam, valles, silvas, aquas, aliaque vitae humanae commoda. Ut sapienter quidem, & cum judicio majores hanc urbem delegerint studiorum atque Musarum sedem. Habet insuper nobilissima sane templorum, monasteriorum & aliorum conventuum aedificia. Primaria aedes D. Petri est, splendida valde & sumtuosa. Habet Basilicam sive Curiam publicam nobili atque insigni structura. Privatorum item domus luculentae & commodae. Sed quod maxime est urbi ornameto, ostentat celeberrimum illud facultatum omnium & artium Athenaeum: tum & supra viginti praeclara collegia, a diversis illustri dignitate & fama viris, optimis legibus instituta. In his doctissimi viri omnis generis facultates profitentur. Excellunt inter haec ipsa quatuor longe celeberrima paedagogia, Lili, Castri, Porci, Falconis, in quibus docentur artes scientiaeque communi voce Philosophiae contentae: & in Scholis publicis, vulgo Hallis, Theologia, Ius Canonicum, Civile, & Medicina. Proderunt ex hoc Athenaeo viri doctissimi, nec virtute minus quam fama insignes: inter quos fuit Adrianus VI P. M. Ultrajectinus, qui priusquam ad dignitatem Cardinalitiam eveheretur, aliquot annis literis operam dederat Lovanii, ubi etiam Cancellarii munus obierat, factus postmodum paedagogus Caroli V Imperatoris. Institutum fuit hoc gymnasium anno 1426, idque precibus Nobilitatis Belgicae, a Brabantiae Duce Ioanne Quarto, qui omnium primus id exornavit, atque doctissimis viris instruxit. Nec perpetuo solum censu, sed multis insuper privilegiis a Martino Quinto, Pontifice Maximo approbatus donavit. Refert Lipsius, didicisse se, Engelbertum Nassovium in flagrante tunc apud Ioannem Brabantiae Ducem gratia, praecipuum auctorem fuisse, & Ioannem ad Academiam instituendam perpulisse. Diploma autem Martini Quinti datum signatumque esse anno 1425, quod potestatem faciebat amplam omne genus artium docendi, doctos producendi, & titulis honoribusque afficiendi: sola tamen Theologia, regina scientiarum excepta. Sed quod Martinus abnuerat, statim post annuisse Eugenium Quartum, quinto ipso anno a Schola instituta: cum super hac re Legatos ad eum Philippus Bonus, tunc Belgicae Princeps, misisset. Praest Academiae regendae, semestri imperio, Rector aliquis. Et hujus quidem ea est dignitas, atque praeminentia, ut non omnes solummodo studiosi, sed & Magistratus urbani, & omnis adeo civitas, vernerentur eum atque suspiciant. Munus ejus primum, curare, ut recte & ordine regatur haec Universitas, habeaturque officiorum & decori ab omnibus ratio. Hic iisdem studiosis tum in civili-

*Academia
Lovaniensis.*

C

bus



Becani de
Lovanio te-
stimonium.

bus, tum in criminalibus litibus cum Senatu Academico jus dicit. De Lovanio hæc perhibet doctissimus Becanus lib. 1. Atvaticorum: Lovanium intra urbem, & in suburbanis, ubique campos habet aquis obnoxios, & iis altiora loca incumbentia, è quibus & colles assurgunt, alii vitibus confiti, alii silvis horridi, alii pomariis uberes, alii per declivia fegetibus læti. Sunt hæc (inquit idem) Lovanio & Romæ communia, sed sic, ut si meo iudicio sententia ferenda sit, longe lateque loci amœnitate Roma superetur atque vincatur à Lovanio. Nusquam, ita me Phœbus amet, terrarum locus est, qui magis videatur mereri, ut sit sacrarum Musarum domicilium. Conferantur omnia, quotquot sunt literarum gymnasia, vel in Italia, vel in Hispania, vel in Gallia, vel in Germania, nullum invenietur, quod huic par dici queat. Vixi Parisiis, Aureliæ, Pictavi, Lugduni, Burdegala, & in loco Gallia amœnissimo Andegavi: vidi Ticinum, & in eo domum Enneophonum. Vixi Bononiæ, Patavii, Mantuæ, Florentiæ, Romæ & Neapoli. Germaniam partim vidi, partim auditu cognovi. Sed quæ equidem vidi oppida, nulla sunt Lovanio comparanda situs jucunditate, cum tamen viderim præcipua, & inter cætera Monachium, Augustam, Vlmam, & Coloniam Agrippinam, ut taceam inferiora. In Hispania Salamanca scholarum magnificentia longe omnibus in Europa præstat gymnasiis, sed situ & locorum facie à Lovanio superatur. Vallis Olitana extra urbem non est inamœna, præsertim in Visurgis ripis, secundum quas frequenter Cimancam usque corporis exercendi & animi recreandi causa, solebam, cum illic viverem, deambulare. Duo habet collegia quibusvis regiis ædificiis comparanda, sed omnibus inter se comparatis, nihil ad Lovanii amœnitatem. Gymnasium hoc Lovanienſe, ut scribit Adrianus Barlandus, unum habet caput, unum Principem, cui omnes in eo parent. Hunc Rectorem vocant, cujus officium est, jus dicere, privilegia tueri, & maleficii reos scholasticis poenis afficere. Cum in publicum prodit, ante eum præcedit Accensus, quem Bedellum, recepto illic vocabulo, vocant, sequuntur famuli. Quantum autem honoris huic dignitati habeatur, hinc apparet, quod Consules, Magistratus & clarissimi quique viri, denique omnium dignitatum gradus, Academia Principi assurgant, & decedant è via. Exeunt ad comitia, quæ certis anni temporibus indici solent, plures Accensi anteambulant, singuli manu auratum gestantes baculum, insignia honoris amplissimi. Sunt & alia quædam Lovanii non indigna spectatu loca, Xenodochium dotatum amplissime, ubi nunquam non assistunt ægrotis mulierculæ solatiis refoventes singulos, atque adportantes quod cuique è valetudine esse constiterit. Est & alio loco digna Duce, digna Principe domus, quam extruendam curavit summus Pontifex Adrianus Sextus, cum adhuc in minoribus ageret. Intra mœnia visitur & cœnobium Carthusianorum, loco ab omni tumultu, ab omni frequentia semoto, ita ut nec eremi solitudinem in urbe magnopere desiderent monachi. Hoc ædificio nil ex ea familia vidisse se quicquam splendidius ingenue fatentur exteri. Hactenus ille.

Structura
publicæ.

Habet etiam Lovanium Collegium Societatis Iesu olim inchoatum ab Adriano Adriani, Antverpiano, anno salutis 1555. Huic D. Elias Schore, concilio Brabantia à secretis, vir bonus, & ob pietatem ac maximam in pauperes largitatem, æterna memoria dignissimus, amplas ædes donavit, & post hunc Gualterus Runselius, D. Petri Canonicus, S. Theologiae Licentiarus, itidem suas pari liberalitate addidit. Sed inter virorum cœnobio maxime emicant Dominicani, & ab his brachio fluminis divisi Franciscani; ubi columnæ appensa sunt icon & epitaphium I. Lipsii, quod sibi ipse scripsit & poni mandavit MDCCIV, 3 Id. Febr.

Quis heic sepultus, quæris? ipse edisseram.

Nuper loquutus & stilo & lingua fui;

Nunc alteri licebit. ego sum Lipsius:

Cui literæ dant nomen & tuus favor.

Sed nomen. ipse abivi; abibit hoc quoque;

Et nil hic orbis, quod perennet, possidet.

Vis altiore voce me tecum loqui?

Humana cuncta fumus, umbra, vanitas,

Et scenæ imago, & verbo ut absorham, NIHIL.

Extremum hoc te alloquor:

Æternum ut gaudeam, tu apprecare.

Inter Politica ædificia Curia commendatur, tota è secto per artem lapide, figuris & emblematis varie ornata. Magnitudinem justam habet, symmetriam bellissimam: insigne est majorum elegantia vel opulentia monumentum. Habes hic etiam Arcem sive Burgum, olim Comitum sedem; in qua agebant ob puriorem aërem & prospectum circum pulcherrimum. Heic inter quamplurimos externos principes Carolus V puer cum sororibus educatus. Reliqua urbis opera sunt, Fora rerum venalium IX; Mole fluviales XIV; Via urbem secantes mediam XII; plateæ laterales CXL; Pontes lapidei XVI; Fontes publici IV. His accedunt Croijorum, Schoon-Vorstiorum, Nassoviorum, & Bergensium, Principum palatia.

Externa urbis præcipua hæc sunt: Fossæ latæ, profundæ, atque eæ sæpe per vivum filicem, aut scruposam terram percussæ. Muri lateritio pulchro opere, & festis deinde lapidibus albis, magnisque, interstincti aut tecti: iidem validis fundamentis ab ima fossaeducti; sic ut tertia operis pars vix in aspectum veniat. Turres eximii operis in mœnibus habet LIII, Propugnacula & moles aggesta terra consolidatas XIII, Pontes sublicos XVI, Portas XI, è candenti lapide; inter quas spectabili opere visuntur hæ: Bruxellensis, Mechliniensis, Hasbanica, Diestensis, Parcensis: nomina à locis quo ducunt habent. dicuntur alias; Banchensis, Montana, Thenensis, Flierbacensis. accedunt his Vinearum & Heberlensis; illa à vinearum, ista ab hortorum in suburbano frequentia nuncupata. Iobbenſis à sacello D. Iobi in Wefemalia, alias Emissitia dicta, quod illac aqua emittatur.

Lovanium vero caput agnoscunt Thene, Lexvia, Oppida. Gemblacum, Diesthemium, Hala, Sichemium, Iudonia, Hanutum, Landa, aliaque oppidula; quorum alia quidem Lovanium, inde Brabantia Cancellariam: alia vero primo ac immediate, ut vocant, Cancellariam eandem appellant.

Thene, seu Tillæmons, sita ad flumen Getam, Thene. qui

qui haud procul inde oriens, eas interfuit, unde porro Halam profectus in Demeram tandem aquas suas exonerat. Lovanio distat atque Centronibus trium leucarum intervallo. Amplum satis est & grande: quin temporibus paulo magis remotis fuit maximi nominis, & commerciis florida civitas, quod ex eo colligitur, quod olim ter ejus pomœria fuerint producta. Quin arbitrantur quidam, Thenas fuisse inter primarias Brabantiae urbes quartam. Diruta vero pluries, & crudeliter lacerata fuit atrocibus bellis cum Gallo & Leodicensibus, ita ut hodie maneat magna ex parte deserta & cultoribus vacua. Insigne in ea & memorabile est collegium Canoniorum. Inter tres capitales minores, primum obtinet locum, eximiis adeoque iisdem magna ex parte cum illis primariarum quatuor urbium, privilegiis ornata. Horario fere itinere in circuitum patet. Muri variis turribus sunt conspicui. Flumen duodecim pontibus est stratum. Tres in urbe communes, seu publici fontes. Sex portae interiores, exteriores autem quatuor. Septem denique fora.

Lewia.

Lewia sita est ad torrentem Gefam, qui haud longe ab oppido in fluvium Getam influit. Distat Centronibus quidem una, Thenis vero duabus, vel circiter, leucis. Oppidulum validum, probeque adversus hostiles insultus munitum, quia videlicet limitaneum & Eburonum agro conterminum. In eo est magnus ille Prioratus, quem vocant, Ordinis Divi Augustini, cujus Prior unus est ex duodecim Antistitibus Brabantinis.

Diesthemium.

Diesthemium situm est ad Demeram flumen, oppidum concinum, & territorio late diffusio insigni, ubi plurimi fiunt panni & alterius generis merces. Superbit titulo Baronatus, praestque illi hodie Princeps Auriacus, cujus majoribus obvenit facta permutatione cum Duce Clivia, in vicem oppidi Sittart.

Gemblacum.

Gemblacum, vulgo Gemblours, olim Comitatus fuit, sed in Abbatiam conversa, veterem illam dignitatem amisit. Ejus Abbas inter Nobiles quidem primus, inter Antistites Brabantiae postremus rogatur sententiam, estque Ecclesiasticus, simul & secularis oppidi dominus. Meminit monasterii Gemblacensis Platina, cujus verba sic habent: Hujus quoque Pontificis merito adscripserim Sanctum Vigibertum, nobilem Lotharingae Principem, qui Gemblacense caenobium propria impensa, magnis operibus,

brevi exstruxit. Est in hoc Caenobio celeberrima Bibliotheca, in qua plurimi libri veteres manuscripti nunquam typis excusi servantur.

Hala, quae & Halena Latine scribentibus, posita est ad torrentem Getam, Lewia quidem duabus, Landa vero quatuor leucis abjuncta. Et quia sita est in extrema parte Brabantiae, Leodicensi terrae vicina, nec admodum longe à Gelria, saepius quoque per bella vastata fuit misere & attrita. Quamobrem, ut restaurari possit, luculentis admodum privilegiis à Principibus suis ornata est.

Iudonia, quam & Geldernacum appellant, sita est ad torrentem Giam, & Gemblaco quatuor leucis abjuncta. Vetustam hic videre est arcem, in qua, ob egregiam caeli temperiem, Principes liberos suos educari olim curabant.

Hanutum, oppidum est mire antiquum, amœno undique & ferili agro circumdatum. Iudonia distat plus duabus leucis.

Landa, Brabanticarum urbium creditur esse vetustissima. Hanuto abest duabus leucis.

Sichemium ad fluvium Demeram situm Diesthemio unius leuca distat spatio, Principi Auriaco ut Domino obedit, olim oppidulum non contemnendum, nunc vero per bella civilia fere destructum.

Wesemalia Baronatus nobilissimus Lovanio duabus leucis abest, Dynasta ejus è domo Schetzia est, semper Magister equitum, vel Mariscalcus Ducatus Brabantiae.

Pervesia medio fere inter Gemblacum & Iudoniam itinere pari duarum leucarum intervallo ab utroque oppido dissidet, estque antiquus & late patenti ditione Baronatus, adeo quidem ut ejus Dynastae priscis temporibus ea fuerint potentia, ut cum Episcopis Leodicensibus interdum bella gesserint.

Rosselaria duabus circiter leucis Lovanio distat, Baronatus tantæ dignitatis, ut ejus Dynasta Ducis Brabantiae fuerit cubicularius.

Walhemium Gemblaco grandi leuca sejungitur, pagus opiduli forma amplius, arce & late patenti ditione, nec non Comitatus titulo conspicuus.

Heverlea Baronatus in suburbano Lovaniensi situs est, ad Duces Arschotanos pertinet, arce, hortis, fontibus & omni amœnitatis genere prædicandus.

Brabantia pars secunda,

cujus caput

B R V X E L L Æ.

Vice-comi-
tatus titu-
lum habet.

Vamquam Bruxella, ut quidam volunt Vice-comitatus non sit, gaudet tamen vetusto quodam Vicecomitatus titulo, juribus & prerogativis nonnullis ornato: non aliter quam Antverpia, Ganda, Ipræ, & alia quædam loca.

Nomen.

Vnde qui Vice-comes Bruxellanus, nihil in eam obtinet juris, quam titulum illum & prerogativas quasdam, similes iis, quibus gaudet Antverpiæ Burggravius. Inter quatuor primarias Brabantia urbes secunda est, ipsam Antverpiam præcedens. Nomen habet à quadam arce, quam Senones, Angliæ populi, Galliæ infestandæ causa in has oras profecti, olim extruxere. Est autem urbs mirabili prorsus situ, partim in plano, partim in edito posita, adeoque dignissima etiam maximo Principe sedes. Nam planities quidem, felicissimo ab utraque parte territorio circumdata, per amœnissima prata, cum supra tum infra urbem diffusa, pulchro sane adspectu, ad aliquot leucas porrigitur; ita quidem, ut numquam hic laboratum sit vel pabuli, vel annonæ, in usum Aulae, penuria, cum aliquando tamen contigerit, ut septem hic uno eodemque tempore conspicerentur capita coronata; scilicet Carolus Quintus Imperator; filius ejus Philippus Rex; Rex Bohemiae Maximilianus una cum uxore Regina; Helionora Regina Franciæ; Regina Hungariæ, Gubernatrix; & ex Africa, Rex Belesia: ut omitam Ducem Sabaudia, Ducissam, venia verbo sit, Lotharingiæ, ac tot alios Duces, Marchiones, & variarum nationum Principes; qui minimum octo vel novem mille secum habebant equos. Iam ab alia parte silva Sogniacensis est, leucæ tantum quadrante disjuncta, venatione simul & lignatione Regali insignis, tum Abbatiis undique ac monasteriis cinctæ, & innumeris passim, iisque pulcherrimis fontibus, & magna fructiferarum arborum copia nobilis, quæ omnia inter se junctæ & cœlum efficiunt saluberrimum, & aquas longe dulcissimas. Interfluit urbem fluviolus Sinna. Præter quem, fruitur illa maximo quodam & navigabili alveo, ingentibus nuper impensis, & incredibili fere labore atque industria, inde ab ipsa urbe, usque ad Rupelam flumen perducto: unde Bruxella solventes naves per insignem hunc aquæductum in Rupelam ipsum intrant, atque hinc porro illapsæ in Scaldim, usque ad mare decurrunt; summa quidem cum incolarum, & finitimorum commoditate simul & utilitate. Opus sane præclarum, ac magno adeo Principe, vel & Impe-

Silva Sog-
niacensis.Aque du-
Eus & fos-
sa.

ratore dignissimum. præterquam enim quod in id hætenus sint impensa ultra quingenta coronatorum millia; scissus justæ magnitudinis mons; ac tam alte effossa tanta terræ intercapedo; variis etiam rivis, campos antea perlagentibus, subter alvei fundum deductis, ne videlicet cœno is aut arena possit oppleri: præter, inquam, hæc omnia, videre est inibi opera quinque cataractarum, opportunis maxime locis structarum, quas ab effectu isti *Exclusas* dicunt, & vernacula voce *Slupsen* / maxima sane industria, nec minori judicio aquam identidem coërceri, & fisti, ne scilicet uno, quidquid ejus est, impetu, in primum illud receptaculum sese effundat, cum Bruxellæ, & in aquæductus hujus initio, aqua sit quadraginta, & amplius pedes, quam in exitu, altior. Præcipuus tanti operis auctor, vel fautor saltem atque impulsor (nam alioqui, gubernante etiam tunc Margareta Austriaca, Imperatoris amita, ab ejus ipsius majoribus adinventum fuerat atque conceptum) Ioannes Locquenginius fuit, eques perhonestus, & Locquenginii, Berchemii, Coquelbergiæ, Dominus, idemque civilium in hac urbe causarum Prætor, vel, ut vulgo loquuntur, Ammanus, *Den Amman*. Vicinum huic urbi ad Aquilonem, & quatuor tantum leucis abjunctum Lovanium. Ipsa vero Bruxella solo admodum ampla, & gemino mœnium ambitu clara; inter quos, magno satis intervallo discretos, Aulae & vivario ejus ad ortum sedes. Reliquum inter murum utrumque spatium variis procerum aulicorum palatiis, tum privatorum etiam domibus, hortis, pratis, arboretis, imo & agris nonnullum inleffum est. quæ omnia urbi amœnitatem, salubritatem & temperatam aëri indolem adferunt. Muri exteriores incepti sunt extrui anno 1357. Sunt autem Lovaniensibus mœnibus angustiores passibus ducentis. Ædium tamen frequentia Lovanium superat Bruxella. Portas numerat septem, familias nobiles septem, septem Scabinos. Creatur à Principe quotannis hic Magistratus, & eligitur è jam dictis septem familiis, earumque ab utroque sexu nepotibus. Nomina familiarum hæc sunt: Tserrodolphi, Tserhugii, Sleafii, Cauenbergii, Tsvertii, Rojenbechii, Stenwegii. Huic Senatui adjunguntur Proconsul & sex præterea viri spectabiles, ex artificum cœtu delecti. quod ipsum in reliqua quoque politia servatur, & publici census administratione, cui præsident quæstores sex, partim è nobilium ordine, partim è plebe selecti. Spectantur hic ædificia sacra sumtuosissima & pulcherrima, Tempia, Nosocomia, aliaque id genus piis usibus officiisque destinata loca. Basilica consecrata est D. Gudilæ, olim vero D. Michaeli Archangelo, urbis patrono. Est deinde

Regimen.

Ædificia
sacra.

Palatia.

deinde inter alia primi nominis templa ædes D. Iohannis, opere simul & vetustate spectabilis. Consecrata fuit ab Innocentio secundo Pontifice Maximo, qui hæc provincias coram lustravit. Etiam magnifica hic videas palatia; & primum quidem illud Senatorum, insigni etiam turri spectabile. Inde palatium ipsum Regium, quod etsi adhuc imperfectum, amplum tamen & commodum, adeoque aula dignissimum, & situ imprimis laudandum. Annexum illi vastum & peramœnum vivarium, parcum vulgo appellant, quod muris undequaque circumdatum ad exteriorum vivario aliquot domus, Principi, aliisque ad usum: tum publici quoque & secretiores catadromi, sphæristeria; horti insuper, labyrinthus, & non piscibus modo, sed & cygnis abundans piscina. Continentur & amœnissimi quidam colles & valles, vitibus aliisque varii generis fructibus confiti, silvæ perquam jucundæ & prata, in quibus variæ passim oberrant feræ, jucundissimo spectaculo.

Artifices.

Artificum sive opificum collegia hic numeres quinquaginta duo, quæ in novem membra, seu, ut ipsi loquuntur, nationes distincta sunt. Inter hos artifices maxime excellunt armamentarii: cum præter armaturæ cujuscunque generis pulchritudinem, ita convenienter & ex amussi eandem temperent, ut sclopetorum jacula impune excipiat, istibus impervia. Præ cæteris tamen mirandum & quætuosum est opificum polymitariorum. Videas enim istic è serico, auro, argento, elaboratos tapetes, non industria minus & arte, quam impendio admirandos. Nata est in hac urbe anno 1505 Maria Caroli V Imperatoris foror, nupta Ludovico Hungariæ Regi, & postmodum fratris nomine Belgii Gubernatrix.

Cancellaria
Brabantia.

Est deinde Bruxella perpetua sedes Cancellariæ Brabanticæ, quæ constat ex Cancellario, Senatoribus, Advocato Fiscali, Procuratore generali, duobus Graphariis, Audientiario, quatuor Secretariis ordinariis, extraordinariis novem, aliisque officiis Palatinis. Hujus si quis originem scrutetur, reperiet, anno 1312, mense Septembri, Iohannem Brabantia Ducem ejus nominis secundum ornasse hanc terram insigni quodam & celebri privilegio, quod dicebatur *Charta Cortenbergensis*, quia videlicet eo loco concessum, ubi tunc amplissima quædam erat Abbatia, eique adjunctus pagus, medio fere itinere Lovanium inter & Bruxellam, ac ordinaria per id tempus aulæ & Principis sedes. quo privilegio inter cætera statuit, ut deligantur quatuordecim viri honorabiles ab ipso nominati, & gente omnes Brabantii, qui tertia quaque hebdomade Cortenbergæ conveniant, atque ibi consultant, deliberent, statuant & exequantur, quicquid tractui universo compererint expedire. Biennio post, idem Dux alia pagina, Gallico idiomate scripta, statuit, ut (si opus sit) Brabantia præficiatur Seneschalcus (is postea Cancellarius). eique addantur Iudices, sive, ut verba textus sunt, Iustitarii, & alii quidam ministri, qui ut minimum reditu suo se tollerent, sintque urbibus suis & terris idonei juxta & utiles Senatores, nec cuiquam quidquam promittant, donent, præstentve, ut ad hunc magi-

Belgica.

stratum perveniant. Anno 1332, Iohannes Dux, superioris filius, chartam Cortenbergensem decreto & privilegio confirmat, & Senatum hunc duobus Consiliariis reddit auctiorem. Eadem charta ab aliis postmodum Ducibus approbata fuit, explicata, & declarata.

Etiam hic Curia est rei clientelaris totius Brabantia, ad quam cæteræ omnes ejus Ducatus, tum & adhaerentium ditionum feudales curia, provocant, sola Genapiensi excepta. Fuit præterea in hac ipsa urbe, olim nomine Cameracensis Episcopi, & nunc est Archiepiscopi Mechliniensis, Forum Ecclesiasticum, in quo disceptantur & deciduntur lites omnes Ecclesiasticæ hujus secundæ Brabantia partis, quæ diocesi Mechliniensi subdita. Denique in hac urbe aulæ Regalis & Magistratuum ac Conciliorum ejus sedes est. Vnde merito urbs Regia dicitur.

Tertia fere ab urbe leuca sita est amplissima juxta & clarissima Abbatia Affligemienis, cujus Antistiti inter duodecim Brabantinos, primi in Ordinum Conventu suffragii jus est. Condita est, secundum Irenicum, ab aliquo Ducum Brabantia, cujus nomen ille non exprimit. Barlandus vult Godefridum Barbatum condidisse. Verum errant ambo. Docet enim diploma foundationis cœnobii conditorem fuisse Henricum tertium, Comitem Lovaniensem, ejusdem Barbati filium, anno 1086. Est in hoc cœnobio Bibliotheca celeberrima, variis omnis generis libris instructa. Et præter hanc in Brabantia alias reperias, Tongerloanam, Gemblacensem, Grunendalensem, & Septifontanam.

Subsunt Bruxellis duo duntaxat oppida, Nivel-la videlicet atque Vilvordia, quæ Cancellariam immediate appellant.

Oppida
Bruxellis
subdita.

Nivella distat Bruxellis quinque horarum itinere. Oppidum est satis munitum, & plus quam mediocre, in quo magna contextitur tenuissimorum linteorum vis, Cameracensibus similia. Vnum est è quatuor urbibus constituentibus Marchionatum S. Imperii, una item è tribus minorum gentium capitalibus, quæ luculentissimis gaudent privilegiis. Ager oppido circumjectus omnium rerum ferax est. Nec procul ab oppido multæ passim occurrunt saxifodinae. Sepultus est in hoc oppido Pipinus primus, Carolomanni filius, pater Gertrudis, quæ primarii templi Nivellensis fundatrix fuit, in quo instituit celeberrimum istum ordinem Canoniarum, constantem 42 religiosis virginibus. In hunc non admittuntur, nisi magnatum & virorum principum filia, quæque quadruplæ minimum nobilitatis membra paterni simul & materni sanguinis numerent, sintque ex institutionis præscripto legitime thoro prognatæ, & ingenuæ generosæque virgines. Caput habent Antistitam, quæ vulgo audit *Madame de Nivelle*, Domina Nivellensis, Principis autoritate atque consensu ab ipsis è collegio electam, & deinde à Pontifice approbatam. Estque hæc Antistita domina simul & spiritalis & temporalis, ut vocant, Nivellæ, & territorii ejus, haudquaquam exigui.

Vilvordia assidet flumini Zennæ, medio fere inter Mechliniam & Bruxellas itinere, quarum utraque pari duarum leucarum intervallo abjungitur.

E



gitur. Oppidum situ magis, quam arte munitum. Arcem ostentat satis antiquam, conditam 1375, in qua Principis nomine adservantur ut plurimum & habentur in vinculis captivi quidam præcipui nominis, de quibus ipsemet Princeps, nullis omnino oppidanis intervenientibus, proprio nutu & ex causæ cujusque meritis decedit. Adservantur in ea autographa privilegiorum Brabantiae concessorum, ac annexis ei dominiis, à Principibus; nec non ea, quæ Principibus indulgere Pontifices, Imperatoresque. Item contractus & pacta inter Ducem Brabantiae & alios Principes inita. Quorum quidem privilegiorum & id genus munimentorum custodiæ præfici solet à Rege Commissarius quidam, seu delegatus, qui vulgo audit *Custos* seu *Thesaurarius Chartarum*.

Vurnia.

Vurnia municipium vulgo *Ter Veuren* sita est in ingressu Sylvæ Sogniacensis, Lovanio & Bruxella pari duarum leucarum spatio dissita; gaudet titulo Vicecomitatus, habetque arcem pulcherriam, in quam ob venationis & aucupii commoditatem soliti olim crebro secedere Duces Brabantiae; adjacet Vurnia Capucinorum cœnobium ob amœnitatem situs merito decantatum.

Dusburgum.

Dusburgum una duntaxat Vurnia, Bruxella tribus leucis semotum est, Vicecomitatus titulo conspicuum, omniumque municipiorum Brabantiae vetustissimum, non longe hinc distat Overt-scha Sylvæ Sogniacensi pæne contigua.

Wavria.

Wavria distat Bruxella quatuor leucas, estque locus admodum celebris, partim ob Prioratum prælatum, partim ob reliquias sacras, quas populari morbo grassante multa patrasse miracula asserunt.

Brennia.

Brennia cui cognomen addunt *alleud*, veteri

voce Gallicæ originis, pensionem Latinis significante, ita ut eo significetur Brennia pensioni obnoxia, sita est tertio circiter à Bruxella lapide in introitu Silvæ Sogniacensis, exiguum quidem sed antiquissimum plane oppidulum, in cuius vicinia Arx *Breine le Chateau*, & tribus supra hanc arcem leucis oppidum *Breine le Comte* jacet in terra Hannonia, unius à Brennia leucæ itinere circa toparchiam Clabbeccanæ eruitur terræ genus quoddam satis nitidi lapidis, cui nomen ab ipsa Clabbecca, qui colore simul & specie prope accedit ad adamantem, sed mollis est & tener, neque alium fere præbet sui usum, quam ut specioso illo nitore imperitis & incautis imponat.

Genapum Nivelles distat grandi duntaxat leuca, veterem habens & pulchram satis arcem, in hac forum est sive tribunal, quod vulgo audit *la haute Cour de Lothier*, cuius in descriptione Brabantiae Generali meminimus. Continet autem hoc oppidum quidquid hodie in nostro Belgio superest ex magno illo nomine & titulo Ducatus Lothariæ, quatuor tantum oppidula, centum & sexaginta quatuor pagos, duodecim Baronatus & octo Abbatis sub ditione sua complexæ, reliquum enim jam Lotharingiæ finibus restat inclusum. In hoc & finitimis locis ob miram cœli clementiam, terræ amœnitatem & venationum delicias domicilium sibi elegerat Delphinus Gallicæ Ludovicus, postmodum Rex eo nomine undecimus, quo tempore patris Caroli VII iram & indignationem veritus ad Philippum Bonum Burgundiæ Ducem confugerat, & quinque amplius annos in hoc tractu una cum uxore sua plures in Genapiensi arce liberos enixa moratus fuit.

Tertia pars Brabantiae,

cujus civitas primaria

A N T V E R P I A ;

E T

MARCHIONATUS S. R. IMPERII.

De Bello
Gallico
lib. II.De bello
Gallico
lib. 2.
An Ant-
verpia sit
Advati-
cum.An Ambi-
varitorum
urbis.
De bello
Gall. lib. 4.

Brabantia nobilissima pars est Antverpiensis ager. Is utrum ad Advaticos, an ad Ambivaritos referri debeat, controversum. Sunt enim, qui Advaticos, Cimbrorum & Teutonum, teste Caesare, reliquias ad Scaldam, ubi nunc Antverpia est, consedisse velint, inter Ambivaritos, Nervios & Eburones. At verisimilius est, Advaticos jam olim agrum occupasse, ubi nunc Gallo-Brabantia est, inter Nervios, Eburones, ac Menapios; tenuisseque Hannoniam, Hasbaniam, Namurcensis Comitatus ac Leodiensis non minimam partem, Condruisii conterminos. Nec illud magis probabile, Antverpiam fuisse eam urbem, in quam Advatici superatis à Caesare Nervii exercitus sui robur contulerint. Dicit enim Caesar, illam urbem altissimas habere rupes despectusque, una ex parte aditum leviter acclivem. At Antverpiæ nullæ rupes, nullus ex alto despectus, ingens ubique planities, nisi quis dicat ingentes rupes in humillimas arenas desedisse, aut Oceano absterfas tamquam leves humani corporis verrucas. Illi magis vero affinia defendunt, qui Advaticum statuunt in montibus, qui Namurcensibus aut Huensibus imminet; aut in quocunque potius, quam Antverpiensi agro. Ambivariti, uti ex Caesare patet, intra Mosam & Scaldam sedes habuere, quorum agri fuere Buscoducensis, Bredanus, Bergezomius, Riensis, Antverpiensis ac Campinæ potior pars. Ut non videantur aberrasse, qui Antverpienses Ambivaritos arbitrati sunt. Fuit enim Antverpia à prima sui institutione caput Marchionatus Riensis, ac pars quædam Riensis agri. Adstipulatur huic opinioni D. Willebrordi testamentum, quod Antverpiam in agro Rienti statuit. Scriptum autem illud est anno VI, regnante Theodorico Rege: Verba hæc sunt: *Rotthingus mihi condonavit vel tradidit ecclesiam aliquam, quæ est constructa in Antverpo castello, super fluvio Scaldæ, in pago Renensium, cum Appendiciis suis, villas denominatas his nominibus, Bacuvalde, Winnelingeime, Furgalare, & in ipso castello Antverpo tertiam partem de illo telonio.* Iam verò Rientem agrum inter Ambivaritos numerant etiam illi, qui Antverpiam inter Advaticos statuunt, ut proinde verisimile sit, Riensis agri caput Antverpiam inter Ambivaritos numerandam. Unde antiquitas Belgica.

ejus apparet, ut cujus Willebrordus anno 656 meminerit, qui in ipso castello Antverpo Ecclesiam sibi datam asserit. Eadem habemus apud Theofridum Epternacensem. Sed & ante Willebrordum, sub Eligio, Andoverpienses non municipii, aut oppidi unius, sed provinciæ populum late dominantem non infelici conjectura colligas, cum S. Audoenus, Flandrenses, Andoverpienses, Frisones, Suevos, pari loco collocet, in enumeratione laborum beati Eligii, ac tanquam partem curæ ac sudoris illius, Flandrensibus, Frisonibus, Suevis componendam. Vetustissimum ejus nomen est *Antverpium*, uti ex testamento supra allegato constat. Ex Antverpo Antverpia dici cœpta, quod nomen hodie perdurat. Sunt qui *Handverpiam* à manibus projectis dici voluerunt. Ac ne quid fabulæ deesset, Gigantem commenti sunt, cujus etiam dentem ostentant palmo majorem. Quales si 32 habuit, quantum illud os fuit, in quo tot palmares dentes officium fecerunt? Est & aliud in hoc Gigante portentosum. Dens ille, quem ad fidem faciendam ostentant, sedecim uncias appendet, cum dens viri maximus, nunquam aut raro drachmam attingat, aut excedat. Singula autem uncie cum octo constant drachmis, necessum fuerit, Gigantis nostri dentem cxxviii drachmas appendisse. Iam, si à mole dentis ad reliquum corpus transeamus, cum in viro sex pedum dens maximus drachmæ sit unius, quantum arbitramur Gigantem fuisse, in quo dens unus drachmas centum viginti octo pendet? Denique quid potuit ad omnem fabulam explendam reperiri accommodatius, *Brabonem* Caesaris collegam, tamquam Alcidem novum, Druonis nostri, redivivi Ericis manum præcidisse, & tam nobile collegæ sui factum aut ignorasse Caesarem, aut pressisse silentio, qui non tacuit *Sextum Baculum*, *C. Volusenum*, *T. Pulsionem*, *L. Varenum*, pluresque inferioris notæ & operis? Goropius Becanus, Antverpiam, non infelici conjectura, à Belgico *aen-werpen* / propter fluminis alluviem, dictam vult, vel ab *aen de werbe* / apud aggerem, pars enim ripæ, in qua est sita Antverpia, etiamnum hodie *werbe* nuncupatur.

Marchionatus Sacri Imperii Romani, qui & Antverpiensis, Riensis Iusto Lipsio, à Marchia nomen habet cui præerat Marchio. Marchiam autem hoc loco vocamus, limitem Lotharingiæ ad Scaldim fluvium: quem Pagum Rientem olim dixerunt: qui continebat Antverpiam urbem nobi-

Antiqui-
tas Ant-
verpiæ.De nomine
Antverpiæ.Fabula de
Gigante.Marchia
natus.
Unde dicitur
Suns.



nobilissimam, Liram, Bredam, Herendatum, Bergam, & Campaniæ multos pagos. Lazius Marchiam limitis Anglicani nominatam vult: Ioannes Marius dictum Marchionatum Sacri Imperii ad Scaldim: & sumpsisse initium inde fere à media urbe Valencena, ac pertinuisse porro secundum flumen usque ad ipsam Antverpiam, atque hinc rursus ad mare. E cuius quidem Marchionatus vestigiis duo potissimum hodieque Valencenæ supersunt monumenta: alterum Aula five Sala, quam vocant, Imperialis, cui peculiaris suus Praefectus & administris jus pro tribunali reddentes: alterum vero immunitas, five asyllum, quod per bonam Oppidi partem extenditur, vulgoque *Banc lieu* appellatur. In eo autem asylo, tanta scilicet ejus tamque late patens immunitas, etiam homicidis, modo tamen excusabilibus, undecumque confugientibus, tuto licet subsistere. Paulus autem Æmilius scribit hunc Marchionatum continuisse Nivellam, Lovanium, Bruxellam, & nominatim Antverpiam. Caterum de prima hujus Marchionatus institutione varia traduntur ab authoribus. Wassenburgius à Tungrorum Principibus deducit, inde ad Carolum Magnum, posterosque, audaci quidem facto: at nescio an pari robore: penes authorem fides sit. Ioannes Aventinus, Lazius, Becanus, Lipsius ad annum trahunt 1011. Vtilonem enim Theodonis magni Boiorum Ducis fratrem honorariâ Marchionatus Antverpiensis praefecturâ, à Theodorico Ludovici Magni Gallorum Regis filio ob egregias virtutes, donatum volunt, qui continetur Oceano Mari, & Scaldi, Mosa Rhenoque fluminibus: idque reprimendis, ut addit Aventinus, Danorum, maria per id tempus & terras late vastantium depradantiumque incurfibus. Factum id adnitente cum primis Theodeberto, Theodorici filio, qui Clochilaicum Danorum Regem post ingentes abactas praedas, depopulataque hostiliter vicina Marchionatui loca, terrestri ac navali clade, ad internecionem delevit, consilio manumque potissimum Vtilonis, cui etiam Sororem in uxorem Theodebertus dedit. E quo matrimonio Caroli Magni magnum genus. Vtiloni adduntur alii: & denique ipsi Duces Lotharingiæ ab Imperatoribus impetrarunt, inter quos Carolus Lamberti focer, & Otho filius. Neque tamen Lambertus ipse Comes obtinuit, ut apparet: legiturque Godefridus Gibber, Dux Lotharingiæ, Antverpiæ interfectus, tamquam ibi Dynasta & Marchio; itemque Godefridus filius Eustathii, Marchio Antverpiæ scribitur, & militem ibi collectionem iret. Constat autem hunc Godefridum, una cum Lotharingiæ & hunc sumpsisse titulum, atque adeo rem tenuisse. Declarant id Diplomata ejus: Godefridus Dei miseratione, Dux & Marchio Lotharingiæ, Comes Lovanii: anno 1100 cxxxviii. In alia Cœnobii Parcensis donatione: Ego Godefridus Dux, qui & Marchio: & posteri deinceps usurparunt. Cornelius Graepheus author est, Marchionatum Sacri Romani Imperii, institutum primum fuisse ab Imperatore Iustiniano. Sed Marius institutionem illius antiquiorem facit, narratque, Marchionem qui omnium primus hanc Dynastiam, ab Iustiniano jam

dicto obtentam ad filios suos transmiserit, Anselmum fuisse Senatorem Romanum cui successisse facit Arnoldum filium. Iustus Lipsius hos versus ex Manuscripto Chronico citat:

*Henricus genuit Henricum Lovaniensem,
Quilibet istorum Romani Marchio regni.*

Et addit, spectare hæc ad Henricum Secundum, & Henricum Tertium Comites: qui præcesserunt Godefridum Magnum. Sed dubitatio subit, ait idem paullo post, cum Godefridus ille Gibber, anno 1100 lxxvi interfectus scribatur: qui tamen Lamberto Schafnaburgensi Gozilo dicitur, re & tempore iisdem. Gozilo, inquit, Dux Lotharingorum, cum esset in confinio Lotharingiæ & Flandriæ, in civitate, quæ dicitur Antverpia, occisus est. At alii Godefridum hunc fratrem faciunt Gozilonis, quibus magis accedo. Sed quomodocumque, non potuit Henricus Tertius Marchio esse, aut non diu esse: præsertim cum Godefridus ille alter eodem titulo ornetur, sub annum 1100 xcvi. Nisi existimat aliquis (nec de nihilo) Lamberti posteros usurpare voluisse, tamquam deberetur; etsi in possessione alii essent: aut, si forte, utrosque in parte possedisse. Hactenus ille. Paulus vero Æmilius testatur hunc Marchionatum institutum fuisse ab Othone II Imperatore, anno circiter nongentesimo septuagesimo tertio, datumque, in dotem Reginiæ Gerbergæ, Imperatoris Amitæ, Lotharii Regis Gallorum matri. Narratiuncula omnes istæ non multum inter se discrepant: mutant etenim Principes, augentque & minuunt ditiones prorsus pro libitu: sicuti fecerunt de Ducatu Lotharingiæ. Atque hinc fit ut Scriptores novas istas mutationes non raro sumant pro creationibus, ut sic dicam, primisque institutionibus Dynastiarum, attribuantque eas non primo, sed ultimo sæpe authori. Vt cumque sit, in eo omnes conveniunt, ut Antverpiam dicant esse Marchionatus Sacri Imperii Metropolim. Vnde jam ab illis usque temporibus elucescit urbis illius splendor, magnumque Marchionatus nomen, à quo tantorum progenies regum, mille & quod excurrit annis nusquam interrupta serie continuata, tandem in Hispaniæ reges Austriacamque domum se diffudit. Hic ergo tot Principum primordia, tot Imperatorum cunabula, non Romanorum modo, sed & Ierosolymorum, quorum Princeps Godefridus, in Marchionatu suo Antverpiensi exercitus in Asiam ducendi primitias roboraque delegit, ac in ipsa adeo urbe, Equestri titulo cives duodecim, duodenario Apostolorum numero provocatus, decoravit. Quo vero loco Belgii Principes hunc Sacri Imperii Marchionatum habuerint, vel ex eo colligas, quod Marchionatum urbi antetulerint. Cum enim Ludovicus Flandriæ Comes à Wenceslao Brabantiæ Duce Antverpiam impetrasset, nulla quantumvis ingens pecunia digna visa fuit, ut Marchionatu cederet. Quare cum urbem feodalitio jure Comes possideret, caruit Marchionatus titulo: & licet tenuerint Flandriæ Comites urbem in annum 1403, cum ad Brabantiæ Duces rediit, Marchionatu tamen exclusi fuerunt.

Antverpia igitur Marchionatus S. R. Imperii caput ab omnibus agnosci solet. Prima vero ejus initia

*Imperium
Majorum.*

Ejus dignitas.

Vrbis initia
& incre-
menta.

initia constituit Arx, five *Burgum*, quo nunc loco templum est *D. Walburgis*, sororis *D. Bonifacii*, magni Germaniæ, ut ferunt, Apostoli. Ac si analibus credimus, ante annos mille, non fuit inter Belgii ultimas: ipsaque structura antiquitatem loquitur, cuique ævo ferendo idonea. Cuius si aream desideras, metire muri, qui flumine alluitur, extimam partem, mille minimum passus complectitur. Crevit deinde ante annos mille adjectione vicini agri. Complectitur hic nunc *Senatorium Domum*, *Dominicanorum*, & *Sororum nigrarum* cœnobium. Auxit iterum pomœrium *Henricus Dux* anno 1201. Continetque hæc nunc area *D. Virginis* ædem sacram, *Prioratum S. Salvatoris*, *domum Patrum Societatis Iesu*, *Sacella* varia. Major tamen accessio facta sub *Ioanne III*, *Brabantiae Duce*, anno 1314. Claudit enim hic locus ambitu suo *Templa SS. Michaelis*, *Georgii*, *Andree*, *Iacobi*; cœnobium locaque sacra plurima, *Franciscanos*, *Carmelitas*, *Capucinos*, *Scholas Societatis Iesu*, *Augustinianos*, *Alexianos*, *Hospitale majus*, *Nonnas*, *Tertiarias*, *Albas Sorores*, *Clarissas*, *Annuntiatas*. Postremo, crescente populo & fortuna, iterum producti termini sub *Carolo V*, anno 1543. Elegans & diffusum opus, & quod in mille & sexcentos in longitudinem passus extendatur, in latitudinem quadraginta quatuor supra ducentos. Est hic *Oosterlingana* domus, ampla & venusta. Accessit his Caltrum cum planitie sua anno 1567, sub *Philippo II Hispaniarum rege*.

Elegantia
urbis.

Quod si cui mœnia curiosius speculari libeat, videbit facile nullis Europa tota cedere. Certasse hic dicas artificum omnium ingenia, hostibus ad terrorem, civibus ad præsidium: tanta interludente venustate, ut dum molem spectas roburque, arbitreris omnem abesse elegantiam: hanc si intuearis, putes deesse robur, rara in humanis mistione roboris & venustatis. Suprema planities procurrit in pedes cx perpetuis arboribus confita. Urbis portæ solida rupe videntur stare, opere omnes Dorico. Fossæ, quæ mœnia ambiunt, patentes omnino sunt, reliquam urbis partem latissimum flumen tutatur. Ædes mira felicitate ad omnem negotiationem, varietatem, splendorem numerat *Guicciardinus* tredecim millia & quingentas, plateas supra ducentas. Nihil persimile huic Europa tota, seu viarum laxitatem & ad perpendicularum ductus, seu augustam ædium amplitudinem intuearis: quas non tam privatorum, quam Principum arbitreris usibus destinatas. Accedunt ad hæc, supra sex & viginti fora vario mercatu celebrata. Erant urbem incolentium anno 1568 supra centum millia, Familiæ variarum gentium, quæ domicilium hic delegerant plurimæ. In his capita censa 104985. Atque hæc extra nautas, quorum ingens numerus in navibus. Erant super hæc in suburbiis caput 50 millia, quibus jus civitatis non secus, ac in urbe natis. Iam peregre adventantes quis enumeret? Legimus anno 1549, 56, 59, 61, numerata civium & aliunde accedentium capita cc millia. Maximus huc confluxus fuit Germanorum, Hispanorum, Lusitanorum, Anglorum, Genuensium, Florentinorum, Mediolanensium, Lucensium, Pisatorum, Gallorum. Sane è sola Hispania trecentas aliquando familias hanc urbem in-

Belgica.

Incolarum
frequentia.

coluisse accepimus, potentes plerasque & opulentas. Quid, quod statuta bis de die hora, supra quinque hominum millia in destinatum negotiationi locum convenire solita? Numerat *Guicciardinus* ccc sua ætate pictores, sartores 100, aurifabros cxxiv, chirurgos cx, pistores clxix. Naves non semel in flumine bis mille & quingentæ spectatæ sunt. Nec erat dies, qua non quingentæ minimum adnavigarent, aut enavigarent omnium generum mercibus onustæ: ac uno non raro maris æstu cccc appulisse accepimus. Currus vix fidem inveniant. Nulla dies non ducentos vidit vectoribus gravidos. Taceo Germanica plaustra, Hanseatica, Lotharingica, Gallica; taceo rusticos carros omnis rei commeatum deportantes; taceo in animi laxamentum, in luxum etiam fastumque destinatas rhedas facile quingentas. Opes quod attinet, illud accuratiori disquisitione invenio, nullo non anno quingentos argenti milliones, auri nimirum centum triginta tres, & quod excurrit, in rerum emptionibus venditionibusque erogatos. Ludi bonarum artium in hac urbe fuerunt cl omnium scientiarum linguarumque vernacula domicilia. Iam quæ urbi adversa contigerint videamus. Extrema passam à *Danis Antverpiam*, ac in ignibus totam confidisse verus codex testatur anno 837. Urbis deinde partem maximam absumpsit flamma anno 1236. Sævit eadem tres nobilissimas depasta plateas, *Pieu-straet*/*Ripdorp*/*Kepser-straet*/anno 1396. Ingentesque rursus ignis anno 1456, & anno 1461.

Navium.

Opum vis.

Incendia.

Ædes *D. Virginis* ante collegiata fuit Ecclesia, at anno MDLIX transiit in Cathedralē, adlaborante *Philippo II Hispaniarum rege*, Pontifice *Paulo IV*. Assignatum ei à Pontifice territorium septem oppidorum cum pagis interjacentibus, (qui sunt cxxlv, quos in iconismo hujus Dioceseos videre est) longitudinis quinquaginta sex, latitudinis triginta millium passuum similium. Habuit vero Ecclesia Episcopos, I *Philippum Nigrum*, II *Franciscum Sonnum*, III *Lavinum Torrentium*, IV *Gulielmum de Bergis*, V *Ioannem Miræum*, VI *Ioannem Malderum*, VII *Gasparem Nemium*, VIII nunc est *Ambrosius Capella*. Sunt extra Ædem hanc Parœciæ quatuor, *S. Georgii*, *S. Walburgis*, filia, ut vocant, Ecclesiæ *B. Mariæ*. *S. Iacobi* Ecclesiæ ævi propinquioris est, quo vero anno exstructa, incertum; quo in Parochiam erecta sit, institutio *Sixti IV*, & Concessio *Decani & Capituli* tradit. *S. Andree* recentior est. Docent id Constitutionis *Adriani VI*, & Concessionis *Decani & Capituli* verba. Cœnobium vero & loca Religiosa in hac urbe plurima sunt. *Præmonstratenses* tempore inter religiosos primi, duce *D. Northerto* sub annum MCXXIV in hanc urbem venerunt. Celebre illa ætate *Northerti* per Germaniam orbemque universum nomen, qui *Adamiticam Tanchelini hæresin*, per vicina urbi loca sævientem, validè repressit, vesanis impudentiæ illius ardoribus restinctis, ob quam rem, bene & ex voto *Antverpiensium* peractam, area, domo, temploque donatus fuit. *Dominicani* à Senatu populoque in hanc urbem *Argentina* evocati. Designata adventantibus à Senatu domus, areaque perampla, & retinet hodie vicus nomen, vulgo *Preek-heer-straet*. Transierunt

Edificia
sacra.

Cœnobium
aut loca re-
ligiosa.

G

postea,

postea, veteri relicta domo, in eam, quam etiamnum inhabitant, liberalitate Henrici III, Brabantiae & Lotharingiae ducis, anno M C C LVI, ubi etiam templum aedificarunt. *Prioratus* S. Salvatoris, Cisterciensis ordinis, vulgo *Petri Potz* munificentia, patricii Antverpiensis, conjugisque illius *Mariae Terrebrots* extrui coeptus anno M C C C XXXIII; & ad optatum aliquando finem eorumdem benignitate anno M C C C XLVII deductus, annuoque censu, qui duodecim Religiosis alendis satis esset, dotatus. *Franciscani* coeperunt anno 1467, locum Senatus dedit, donationem Philippus Brabantiae dux diplomate probavit. *Carmelitae* anno 1485 locum aedificando delegerunt; faventibus impense Maximiliano Romanorum rege, & Philippo Brabantiae duce. *Bogardi* texendo vitam tolerabant, hi primum urbem ingressi anno 1228, locum tandem habitationi commodum anno 1346 aere suo pararunt, eoque res processit, ut textrina relicta solis divinis vacarent. *Augustiniani* olim fuerunt, & venerant in hanc urbem anno 1514. Anno 1607 domum à Senatu impetrarunt. *Alexianis* Henricus Suydermannus Germanus anno 1245 fundum & domum dedit, ac tandem D. Augustini regulam secuti sacrationi se religionis voto ligarunt anno 1461. demum domum struxerunt insigni opere, priore longe augustiorem, anno 1546. *Capucini* ultimi in hanc urbem è Gallia venerunt anno 1585, hortatu Alexandri Farnesii, Parmae ac Placentiae ducis, Coenobium Catholici Regis munificentissimis impendiis struxerunt. *Patres Societatis Iesu*, anno 1562 urbem ingressi, primum duo, quibus plures postmodum accesserunt. Anno demum 1574, paucorum, ac imprimis D. Frias Hispani liberalitate empta domus, templumque non totis mensibus sex exstructum. Cumque Scholarum angustis juvenus excluderetur, praeprovida munificaque Senatus largitione, angusta amplaque domus anno 1608 accessit. Feminarum Coenobia, quia numero plurima sunt, non enumerabo. Nec pauperum receptacula, & Xenodochia. Solum libet quanam in urbe loca ob magnificentiam stupenda indicare. Inter prima est *Arex*, five castrum hujus urbis, quinque validissimis firmata propugnaculis mutuum defensantibus: montibus unde omnem circa regionem prospectes, moenibus inclusis: Armamentaria habet & comineatuum reconditoria maxima & capacissima. Stabulandis etiam equis loca commoda, & super hac militi certa tutaque domicilia. Laxissima in Arcis medio area militari delectui commodissima, quae justo etiam exercitui satis sit. *Turris* D. Virginis nobilissimum opus, in ingentem surgit altitudinem, pedum nempe 420, cubitorum nimirum 488, tanta passim pellucens amoenitate, tanta superstantium mutuo columnarum varietate, ut & solaribus undique radiis transverberetur, & luci quaque parte viam prospectu praebeat latissimo. Coepit aedificari anno 1422, ac 96 annis aere publico aedificata. Datum deinde initium alteri turri, quae fastigium templi superat, sed interrupta pendet. *Curia* five Senatoria domus ad invdiam reliquarum prope gentium assurgit, vario opere interludente, Tuscano, Dorico, Ionico, Corinthio: structura eleganti è maculoso can-

Opera urbis
magnifica.

dicante marmore, lividiore tamen, sparsimque circumvoluta canitie, ac quasi si undatim in crispis vortices agatur. Aedificari coepit anno 1560, igne periit anno 1576, redditaque annis sequentibus. Eminent insuper *Bursa*, elegans per omnia opus, quadraginta & tribus è pario marmore substructum columnis, quas dissolvere ne secula quidem videantur posse. Longitudo in centum octoginta protenditur, latitudo in centum quadraginta. Quatuor in eam excurrunt à quatuor mundi plagis plateae, ut non consilio, sed ab ipsa natura istic loci constitutam arbitreris. Nec silentio praetereunda *Oosterlinga domus*, insignie elegantiae & opulentiae monumentum, patet in longitudinem 230 plus minus pedes, latitudo minor est; complectitur ambitu suo 300 cubacula, singula singulis gentis illius mercatoribus percommoda. *Urbis* moenia octo validissimis in mutuam tuitionem procurrentibus propugnaculis solidata; qua vero agros fossasque spectant, è perpetuo vivo lapide structa. Portae operi respondent, firmitate, elegantia, aemula laude. Sunt vero universim tredecim. Accedat ultimo flumen *Scalda*, quod dum Oceano trahitur avido haustu, portentosa ad passuum sexaginta millia reciprocatione refluit. Sed & latitudo pro miraculo est, cum non uno loco, qua urbem praeterfluit, mille & sexcentos pedes expleat; & respondet latitudini profunditas, pedum minimum sexaginta; ut quantumvis oneratas nullo negotio vehat, tanta exonerandi onerandique facilitate, ut nauticae rei periti, nullam se orbe toto parem expertos testentur, cum manibus è littore, maximae etiam onerariae, onere quocunque levare possint. Ab hoc flumine ostia octo, sinusque octo, atque hinc navium in ipsa urbe receptacula octo, quae & grandiores onerarias centum excipiant.

Totius urbis gubernatio valde est affinis ei, quae crevit olim Roma. Percurram singulos veteris illius & hujus Reip. ordines. *Interreges* quinquedialis Magistratus fuit, nec aliter, quam Comitiorum causa creatus, quasi medius inter duos reges, abeuntem & adlectum. *Interreges* vero hic nulli, nec ulli majorum aetate fuerunt. *Censores* quoque hic nulli, ac omne horum imperium penes Senatum est. *Dictatoria* potestas in Principe degit. *Consules* duo annui, summa parique potestate. *Praetoris* hic nomen deest, sed res est. Nec enim aliud oppidanus Consul, quam juris disceptator. *Iudices* aut *Scabini* more Romano septem hic fuere, usque in annum 1355, cum sub Wenceslao & Ioanna Brabantiae ducibus, duodecim Scabini seu Iudices tanquam duodecim viri dati, additique sex è primis sex patritiis Antverpiensium familiis, qui Praetorio huic, vel duodecemviro Senatui praessent. Hodie Senatum constituunt 18 *Senatores*, inter quos Consul internus seu oppidanus, princeps Senatus in jure dicendo, additusque supra hunc numerum Consul externus, qui quicquid Politicam administrationem spectat, sedulus curaret. Duo hic urbis *Praefecti*. Primus Marchio, cujus viva in Romano praefecto expressio est, quem & *Triumvirum Capitaletum* statuo. Alter *Amannus*, cujus curae omnis privatarum civilium actionum disquisitio commissa est, facultasque Senatum super his conveniendi, jus poscendi,

Senatus Populusque Antverpiensis.

Leges Senatorius.

Militaria Collegia.

poscendi, judicatum exequendi. Vnus hic *Quæstor* seu *Præfectus æarii* est, cui eadem, quæ Romano munere, cura, erogatione concessa. *Tribunos* sive *tribuum præfectos* hic habes è veteri Romana formula, trium primarum *tribuum*, quæ reliquarum capita & principes sunt. *Tribunos militum* extra belli tempora ne quare, nisi *Gildarum* sex capita vel *Decuriones* & corporum *Reip.* militares duces, *tribunos* dici velis. *Tribuni* vero plebis Romana potestate hic nulli. *Ædiles* hic tres, Senatorii duo, & à Senatu dati, tertius à Principe, quatuor deinde additi è populo, qui de corruptæ rei vitio potissimum cognoscerent. Extra hos hic videas *Ædiles sacros*, quibus *Divorum* templa concredita. Sunt hic *Magistri Monetales*. Sunt *Zugostate*, quos *Wardeins* vocant: sunt metallorum exploratores, vulgo *Assayeurs*. Sunt *Præfecti monetales*, qui cudendæ præfunt monetæ. *Præfectus* prætorio militibus præerat. Hujus loco prætoria quadam potestate præfunt hodie duo *Consules*, & è reliqua nobilitate duo, militaribus contuberniis, quæ *Gildas* vocant. *Præfectus* qui hodie cohortibus præest summa potestate *Consul* externus est, cui additus à Senatu *Senator* unus. *Tribuni vigilum* quinque sunt, vulgo *Wacht-meesters* dicti. *Curatores* hic quatuordecim *Regionum*, in quas urbs tota cum vicino pomerio divisa. *Vicomagistros* duos hic singulis vicis è populo præpositos habemus, vulgo *Wijk-meesters*. Varii hic *Scribe*, & ad varia munera translati. *Quæstorius* unus, *Ædilitius* unus, *Pupillaris* unus, *Pacis* unus, *Pannarius* unus. Inter *Scribas*, *Gref-farios* & *Secretarios* urbis numero. Illi quatuor sunt, & hi. Illis *Scribæ* sex, his duodecim assignati. *Curatores operum publicorum* sunt *Duumviri*, vulgo *Comunijs* / & *Controleur* / quibus fora, mœnia, vici, pontes, aquæductus, similiaque urbis loca demandata. *Pensionarii* dignitate Senatoribus proximi, *Oratores publici* sunt, & voluntatis Senatoriæ interpretes.

Leges Senatorius.

Nemo in Senatum Antverpiensem adlegi potest, extra Brabantiam natus. Nemo alieno toro natus, nemo adulter; quod si adlecto advenerit, abdicatione crimen luit, è veteri sanctione. Nemo Principi muneris alterius juramento obstrictus. Nulli patrueles, matrueles nulli, aut de vicinitate sanguinis innexi. Nemo, qui non annum ante solidum civitate donatus. Nulli è plebe in Senatorium ordinem adleguntur. Nemo auro sibi aditum ad Senatorios faciat honores.

Populus hic universus in tres classes divisus est, *Senatores*, *Equites*, vulgo *Pöozters* / & *Corpora* seu *Artificum collegia*, *Ambachten*. Et *Equites* quidem in *Urbanas Tribus* tredecim, *Rusticam* unam; *Corpora* vero in octo & viginti nobiliora collegia, quibus suffragio locus est, distributa reperio; quæ qui *tribus* voluerit, non abnuam. Isque 41 *Tribus* in *Repubblica* statuet, *Equitum* 13, *Corporum* 28. Propius tamen loquetur, qui 28 *Corpora Curias* dixerit, nam & qui præfunt *Decuriones*, vulgo *Decanos* vocant. Hæ vero *Curie* *tribus* continentur *tribubus*. *Nautica* prima est, *Mercia* secunda, *Pannaria* sive *Fullonia* tertia. Ac prima quidem & tertia, novem corpora, tanquam *Curias* novem, secunda decem complectitur.

Militaria Collegia.

Præter hæc, *Militaria* quoque *Civium Colle-*

gia instituta, quæ *Fraternitates* vocant, & vulgo *Gilden*. Duæ *ballistis* utuntur, additumque nomen *Novæ* & *Veteris*: *arcu* & *sagittis* duæ, paribus nominibus: *sclopiis* una: *sexta gladiis*.

Atque hæc quidem de *Vrbe Belgii* quondam *Ocello*. Præterea sub hac tertia *Brabantia* *Tetrarchia* aliæ & non contemnendæ continentur urbes, quarum ecce numerum; & primo quidem loco sese nobis offert *Arschotum* oppidum *Ducatus* titulo à *Carolo V Imperatore* exornatum, cujus & typum & descriptionem *Mechliniæ* adjunctam videas. Sequitur *Marchionatus Bergozomensis*, cujus peculiarem in ea, quæ de *Belgio* *Fœderatis* subiecto tractat, parte exhibebimus descriptionem.

Aerschot Ducatus.

Bergozomium March.

Hoogstrata *Comitatus* prærogativâ ab *Imperatore* *Carolo V* sub annum 1532 obtenta superbit; oppidulum mediocre sed murorum & mœnium expers. *Antverpia* simul & *Berga* pari sex leucarum spatio dissidet. Ad leucæ plus minus trientem ad torrentem *Mercam*, haud procul inde exortum, abjuncta est *arx Comitum* sedes. Subsunt huic *Comitatui* sequentes pagi, *Vorselaria*, *Wortelen*, *Mierlen* nemore conspicuum, *Minderhout* & *Meer*, aliique; tum & territorium ita amplum ut haud exigua inde exurgat ditio.

Hoogstraten Comitatus.

Breda sita est ad fluvium *Mercam*, *Hoogstrata* *tribus*, *Sylva-Ducis* sex prægrandibus, *Antverpia* denique octo leucis abjuncta. Oppidum lautum, amœnum, & munitissimum. Gaudet dignitate & titulo *Baronatus*, estque luculenta in primis & magni momenti ditio; cujus jurisdictionem agnoscunt pagi complures amplissimi præter viculos quosdam minores; pertinet autem *Baronatus* nobilissimus, sub *Ordinum Fœderatorum* ditione situs, ad *Principes Auriacos*. Ad quos devolutus est ab anno jam 1404, quo *Iohanna*, *Iohannis Polani*, *Leccæ* *Bredæque* *Dominæ*, &c. filia & hæres, *Engelberto*, *Comiti Nassovio*, &c. nupsit. Cujus *Pronepos*, *Henricus*, *Comes Nassoviæ* &c. *Bredæque* *Baro*, ductâ in uxorem, *Claudîâ de Chalon*, *Philiberti*, *Principis Auriaci*, (ejus, inquam, qui, *Româ*, pro *Imperatore* *Carolo V* captâ, *Neapolique* egregiè defensa, tandem ad *Florentiam* *Italiae* *Vrbem*, ipse licet *Victor* *Gloriosus*, glande trajectus, prole destitutus, occubuerat, *Principis*,) *Sorore*; ex eâ filium unicum suscepit, *Renatum de Chalon*, *Principem Auriacum*; qui & ipse in *Castris* ad *S. Desiderii*, anno 1544, ætatis 32. telo lethifero petitus, liberis relictis nullis, obiit: *Patru* sui, *Guilielmi*, *Comitis Nassovii*, &c. filium natu maximum, *Guilielmum*, *Bonorum*, dignitatumque suarum *Hæredem* ex asse instituens: qui eâ ratione *Baro* *Bredæ*, & *Princeps Auriacus*, ejus nominis *Primus* factus, *Baronis Bredani*, *Principisque Auriaci* *Titulos*, illustresque *Dynastias* in suam ipsius inclutam *Domum* transtulit: penes quam etiamnum sunt, ac inviolabiles conservantur. Pulcherrimis renitet ædificiis *Breda*, & *Nobilissimarum Familiarum* splendidissimis fulget *Domibus*: ut & *Scholâ Academicâ*, ab gloriosissimo Principe *Frederico-Henrico*, anno 1646 fundata auspiciatissimè, claret. Superbit præterea eximio *Templo*. *Principis Auriaci* *Renati de Chalon*, *Comitum* item *Engelberti*, ac *Henrici*, *priscorum Bredæ* *Baronum*,

Breda Baronatus.

num, tumbæ magnificæ in eo visuntur. Et ante Principis Guilielmi I, ex Belgio in Germaniam, discesum, anno 1567, Breda, civitas, cum territorio suo universo, sub inclutorum Nassoviarum Comitum, seu Bredæ Baronum, annis amplius 184. felici, tranquillâ, optimâque sub dominatione floruit, & excelluit. Plura, in Bredæ commendationem quæ facerent, afferrem, nisi complurium Historicorum monumentis laudatissimis, gratæ Posteritatis memoriæ commendata plus satis foret. Quod curiosos ingenuorum Lectorum animos remissos ultrò volumus.

Lira.

Lira posita est ad flumen Netham, duabus leucis Antverpia, totidemque Mechlinia dissita, oppidum situ pulchrum & amœnum.

Herentals.

Herentalia oppidum ad flumen Netham situm, Lira quatuor minoribus leucis diffidet, belli calamitates non semel experta. huic vicina est Tongerloa Abbatia illustris, totiusque Brabantiae augustissima.

Tongerloo.

Walheim.

Walheim Nethæ quoque adjacet, Mechlinia unius, Antverpia trium leucarum spatio abjunctum, pontem habet egregii operis flumini transmittendo extructum.

Turnhout.

Turnhoutum distat Antverpia sex leucarum itinere, municipium amplissimum & pulcherrimum, oppidi gaudens nomine, quodque primum semper locum & dignitatem inter municipia Brabantina tenuit, amplitudine, splendore & antiquitate spectandum. Urbs ipsa dicta anno 1261 cum primariis Brabantiae urbibus fœdus pepigit, maluitque oblata mœnium sub Carolo V conclusione primatum inter municipia, quam inferiores inter oppida partes tenere. Cæterum lo-

cus est venationi aliisque Principum voluptatibus commodissimus; & arcem habet adjacentem.

Santhovia vicus est celebratus ob Privilegium inibi Tribunal, ad quod plurium pagorum recurrunt sententiæ; cuiusque statuta inaugurandus Princeps juramento solet stabilire. Huic Curiae subcensetur Grobbendonka Baronatus titulo anno Domini 1602 exornata prætorioque instructa eleganti: ad Schetzios hujus Baronatus spectat dominium. Spectat & ad hanc Præfecturam Duffela: celeberrimus Gentis Merodiae Baronatus. adjacet autem Nethæ medio fere inter Mechliniam atque Lyræ itinere, magni nominis & dignitatis Dynastia.

Sunt præterea sub Antverpiensi Brabantiae parte municipia Gela, duabus ab Herentalia leucis abjuncta. Baronatus ex 18 antiquioribus Brabantiae, territorio gaudet amplissimo; & Arendonk, duabus leucis Turnhouta dissitum.

Pagi celebres, Rosendalia, Bergozomio duabus, Breda verò quatuor iisque prægrandibus leucis dissita; pagus admodum lautus, aquarum & crebrae navigationis, aliarumque rerum commoditate spectabilis: Lilloa, quæ unitarum Provinciarum Statuum dicto audiens, ultimis hisce bellis munitissima, imo fere inexpugnabilis effecta est. Cantecroy à Philippo II Hispaniae Rege anno 1570 in Comitatum erecta, cum adjunctis aliquot circumjacentium pagorum Dominiis. Hic quarta Brabantiae Sylvæducensis Pars subsequi deberet, ni descriptionem ejusdem, cum tota fere Fœderati Belgii pareat Ordinibus, in eam, quæ de eorum ditioribus tractat partem, rejicere maluissem.

D E S C R I P T I O
C A S T E L L I
A D
S A N T F L I T A M , &c.

ex Cl. Viri

H V G O N I S G R O T I I

Historia de Obsidione Grollæ.



*Scaldis
fluv.*

Capta Grolla Princeps Auriacus mense Octobri anno 1627 Zutania digressus, Arnhemum Velaviæ caput, unde Gelriæ regimen, inde Hagam Hollandiæ & communis Fœderatorum imperii sedem, curam transfert ad ea quæ tum hosti ad Scaldim parabantur. Is amnis apud Veromanduos ortus Cameracum transit, factusque apud Valentinianas navium patiens, Scarpa admixto auctior, flexo magis in septentrionem cursu Tornacum Aldenardamque Flandriæ urbes adit, inde Gandavi multis simul receptis aquis, præcipuis Lisia Liviaque, in ortum se vertens Teneramundæ ac Rupelmundæ sua dat nomina, inde quod Tenera Rupelaque amnes iis in locis majori se infundunt. Tot auxiliis inclitus Antverpiam ditissimam quondam urbem, & nunc quoque veteris fortunæ vestigia retinentem, dexter allabitur: neque longe duobus Batavorum castellis quasi claustris premitur, quorum quod in Brabantica ripa, Lilloo habet nomen, portu quondam adibatur, quo nunc oblimato habetur firmitus, alteri in Flandriæ ora Lifquenshouco vocabulum est. Huc usque continuus est Scaldis, qui mox inter Santflietam Brabantiæ, & Saftingum Flandriæ vicos, scindi incipit, unoque alveo nomen retinens, & in conspectu Bergarum ad Zomam septem horarum itinere ab Antverpia, accepto Zoma, qui oppido illi nomen dedit, provectus inde longius, Zelandiam dividit in eam quæ ad occidentem Scaldis dicitur, in qua Walachria insula Middelburgo, Flissinga, Veria oppidis nota, & Bevelandia septentrionalis australisque, & eam quæ ad orientem Scaldis, in qua præcipua insula ab ipso flumine nomen habens Scaldia, cui oppidum Zirixæa, tum minores aliæ. Est alius ad lævam alveus cui Honta nomen, Ottomum Imperatorum quondam opus, angustum olim, ut veteribus documentis constat, sed quod late aperuit & finem sibi fecit investus Oceanus.

Belgica.

Is Bevelandiam australem, cui caput Goesa, deinde Walachriam à Flandria dispescit. Dextro latere paulo infra Bergas ad Zomam alius rursus alveus Vosmarii habet nomen, & Tolæ Zelandorum insulæ, in qua oppidum cognomine, dextra prælapsus, Flaccæo (is maris sinus est ingentes continens Hollandici imperii insulas, Vornensibus quondam Puttenisque toparchis infestas) infunditur. Totum hunc ego tractum à Flandria ad ea usque Hollandiæ quæ Mosam ultra sunt, perpetuas fuisse terras, argumento habeo aqualem oræ utriusque littoris procursum, si non respicias interfusum mare, & quod Romanorum nulli insulæ illic memorantur. Quantum tam longi temporis vices mutare potuerint, documento sunt memoriæ nostræ propiora, ex quibus discimus plurima terrarum diluvio mersa, rupta quæ cohæserant, alibi revecto per æstum quem amnes detulerant limo, terras aut emerfisse novas, aut veteres redditas, annitente hominum ingenio varia per opera quæ cœnum detinerent, aquas excluderent exhaurirentque, non alterius uspiam populi majore ad has res industria. Nec sæcula tantum, sed anni, menses, dies faciem mutant, prout amnes se huc aut illuc torfere, prout æstuum impetus aut status aut ventis excitus eminentia operuit, aut latentia nudavit. multæ ubique præter illas notas minores insulæ, multa brevitas, multa quæ dubites utro nomine appelles, incerti juris, ut accessit aut abiit mare, cujus vices Scaldis Gandavo tenus sentit. Germanos Zelandias quondam insulas quasvis dixisse reperio: postquam plures in unum imperium coaluere, quod singularum fuerat proprium, corporis factum est, maxime ex quo expulsis Flandris qui Walachriam & proxima sibi vindicaverant, victores Hollandiæ Comites, distincto jure ac peculiari Comitatus titulo has terras tenuere. Zelandorum pars primis in Albanum motibus Hollandis se junxerat, initio à Flissinga, cui alia sponte accessere, Middelburgum fame coactum. Gens mari valida, magnique præliis consecuta ut non alias magis Hispani timerent, donec sub Requesenio Zirixæa in Regis potestatem redacta res

H

arctas

Explicatio
Notarum et verborum

| | |
|----------|--------------------|
| Dyck | Agger |
| Wegh | Via |
| Huy's | Domus |
| Redout | Receptus |
| Schans | Castellum |
| Fort | Castella |
| Castella | Hispanica |
| Castella | Batavorum |
| Polder | Alluviones siccate |
| Schor | Alluviones |
| Gorsen | Abiens |
| Kreeck | Ostium |
| Gat | Portus |
| Haven | Portus |
| Wacht | Præfidium navium |



TABVLA
Castelli ad Sandstam,
qua simul inundati agri,
alluviones, fossæ, alvei,
quæ Bergas ad Zomam
et Antverpiam interjacent,
annotantur.

Excudit
Guiljelmus Blaeuw.

arctas fecerat, ni Hispani per seditionem intoleranda coeptantes, Belgico-Germaniæ toti necessitatem imposuissent jungendi arma, sibi expulsis undique vix Belgarum extima ad receptum reliqua fecissent. Ex eo Zelandiæ firma atque hosti intenta possessio, auctæque vires ex quo Antverpia Parmensi capta cum libertate maris usum & mercandi commoda amisit. Sed ingressu novi sæculi Augustinus Spinola adductis ab Italia longis navibus damna & formidinem intulerat, donec oppositæ ejusdem generis ante hac Oceano incognitæ naves, sæpe & bellicæ veteres ventis subito augescentibus adjunctæ parum tutas agitato mari alias evertere. Mox cum oppido Clusæ captum quicquid earum navium restabat: adjectoque Ilendico proxima illa Flandriæ ora Zelandis pro munimento objecta, nullo super metu nisi siquid ex Hulstano agro, cui non portus, non naves, leve admodum audebatur. Post id transfugæ spem fecerant, invadi posse Bevelandiam australem, & aperto ad Irsicam aquarum septo, & perfossis quæ obstabant, oppidum Goesam atque ei proxima mergi, partem vero insulæ-Hontæ adsitam etiam retineri, defensam quippe suis aggeribus, qui olim in pace structi ad coercendam eluviam nunc pro belli munimento erant valituri. Anni effluxerant dum expectatur tempus idoneum, quo exhausta præsidio Goesæ nudam insulam præberet: quod evenit, dum Principem & exercitum muniendæ Grollæ cura retinet, & audita pridem per exploratores hostium consilia sui vetustate per oblivionem venerant. Ergo Antverpiæ contracta vis scapharum & quæ alia navigia plano alveo facile vadis insidunt, pars adaucta per æstuarium quod retro Lilloum multis uliginosi soli fruticibus obumbratur, pars curribus eodem pervecta, quinquaginta omnes, bis mille instructæ militibus per mersa terrarum inter Scaldim Hontamque Bevelandiam australi accedunt, captato tempore quo maxime vacuus ager, ad solennem Goesæ mercatum provectis inhabitantium plerisque. Sed mare sperato citius recedens, inter eos qui advenerant & Bevelandiam australis aggerem medium fecerat spatium, quod gravi cœno tenax nec scaphis nec pedibus transiri facile: attamen egressi scaphis gradum inferebant, cum militum pauci emissi oppido humenti extra aggerem solo semet ostentantes, & in ipso aggere vexilla, quibus ad publicas voluptates indigenæ uti solent, pro signis militaribus collocata, falsa imagine verum metum fecere. Interim conciti plures festinabant, nullò religionis discrimine, cum Romanensibus plena sit regio, communi cunctis sua defendere. Quæis illi visis, cum se scaphis reddidissent, apud Rillandiam unam ex

minoribus insulis expectant æstus, qui hærentes levaret, reditum, & proprio Scaldis alveo subvecti insulam advenere modicam, & tantum pecori nec multo pascendi utilem, proxime sub eum locum in quo Scaldis Hontæque divortium esse diximus. Hogewervæ huic insulæ nomen est, cujus parte dextera quod fluit Scaldis Aggeram, altera Cromflitam vocant. Hic quarto Augusti die castellum excitavere, mox & propius Aggeram receptum quo trajectus muniretur, initia premendi undique Lilloi. Navis Zelandorum quæ unica illic præsidio erat, in transvectos haud multum noxæ dederat dum proni procumbunt: scaphas tantum rapuerat quatuor, hominum inanes, refertas ferramentis. Plures naves è Zelandia submissas machinæ è Brabantica ripa atque insula retro egere. Sed quæ pro Berga ad Zomam excubare iussæ, facile locum tenuerunt. Simul Santflitæ castellum magna mole ac specie (propugnacula ei septem destinabantur) aggeri veteri, qui firma terrarum ab alluvionibus dividit, adsitum, aliaque in itinere Antverpiam, partim in quæ diximus consilia, partim continendis militum excursibus è Bergis ad Zomam, & parandis quæ utilia si quando ejus oppidi obsidium placeret: quo fine & fossa duci coepit à Castello crucis quod non longe Antverpia est, Stabroucum ac porro Santflitam versus qua com meatu tuto ac levi impensâ transirent. Sed hos conatus & fortuita & hostium molitiones haud parum turbavere. Nam primum Octobris secundo die in Santflitiana munitione improvisus ignis tuguria, & quicquid flammam alere natum inerat, absumsit. Infra Lilloum æstuarium complura ex Scaldi introrsum fusa alluviones varie interrumpunt, proximum ex his Blaugarium dicitur, unde agger novus ad Lilloum pertingit. In eo aggere & inter æstuarium Batavi cuncta munimentis implent, quo & hostem arcerent & amni latius incumberent. Quod imitatus hostis & ipse in ultima ora quæ Santflitæ objacet, ubi æstuarium Stofa nomine, castellum locat: sed & huic & cæteris Hispanorum operibus, ipsi etiam aggeri veteri qua Stabroucum fert multum nocuere fluctus, præcipiti jam anno violentiores. Ac Princeps cuncta quæ ibi gerebantur edoctus, insulam quæ maxima inter Stofam ac Blaugarium æstuariis circumfusa amni imminet justo castello, cui propugnacula quatuor & intra fossam munitiones duæ, occupari & propius recepto flumine contrahi ejus spatium ac militari aggere ambiri jubet. Imperio successus adfuit, quanquam qui Santflitam magnis cum copiis tenebant, & tormentorum jactu & præliis operi intentos incurfabant.

L I M B V R G V M D V C A T V S.

Et Ditiones Trans-Mosanae.



IMBURGI nomen haud admodum antiquum est, ac nescio an multo ante annum Servatoris M L fuerit auditum; quo tempore, ut est in Geldrorum annalibus, Wolfrandus Abbas Prumienfis cum Henrico Limburgi Comite de

Olim Comitatus fuit.

jure certavit. Initio fuit tantum Comitatus: sed Henrici Imperatores Lutzenburgici hoc populo vicino dederunt, ut is Ducatus titulo gauderet. Præter hunc vero suum Ducatum tenuerunt Principes ejus per aliquot annos etiam Lotharingicum. Tandem autem Henrico ultimo terræ Duci sine liberis mortuo successit in hanc ditionem, anno 1293, Brabantia Dux Ioannes, qui etsi jam ante emisisset, bello tamen & manu armata eam postea sibi subjecit; commissio in eum finem cum Comite Geldriae, status usurpatore, memorabili illo prælio ad arcem Voroncam: quo prælio captus fuit ipse Geldrus, & cum eo Archiepiscopus Colonienfis: cæsi Comes Lutzenburgensis, & duo tresve ipsius fratres, qui omnes, ceu fœderati & socii Geldro suppetias tulerant. Atque hac parta victoria Ioannes Dux arcem Voroncam demoliri iussit ac solo æquari; ac ex illo tempore tranquilla mansit hæc ditio sub Brabantia Ducum imperio. Hinc Limburgi, Falcoburgi, Dalemii, & cetera Transmosana municipia, criminales, civilesque provocaciones suas ad Brabanticam Cancellariam, cujus perpetua Bruxellæ sedes est, dirigunt. Ceterum in Ecclesiasticarum rerum disceptatione & administratione, Eburonum Antistitem, cujus diœcesis sunt, dominum agnoscunt.

Termini.

Ducatus Limburgicus ab Oriente Ducatum Iuliacensem, ab Occidente Episcopatum Leodicensem, à Meridie Ducatum Lutzenburgicum, à Septentrione Brabantiam & Leodicensem Diocœseos partem habet conterminos.

Extensio.

Longitudo autem hujus Ducatus ab Oriente in Occidentem extensa est leucas Brabanticas decem, latitudo à Septentrione in Meridiem leucas octo.

Soli fertilitas.

Felix huic Ducatui ager, omnium rerum necessitati inservientium ferax, vino tantum, ob inclementiam cœli excepto; pascuis, saginando pecori uberrimis, maxime juxta Herviam pagum, abundat. Hinc delicati saporis & inusitatae magnitudinis casei Limburgense solum commendant. Eodem etiam telluris beneficio efficaces colligunt herbas, tam morbis curandis, quam esui accommodandas: ponderosum ferunt triticum, & zeam,

Belgica.

ex qua panem albedine præstantem conficiunt. Habent & hordeum, ex quo, ob vini caritatem, cerevisiam coquunt, quam tam sitienter, tantaque aviditate ea gens bibit, ut in conviviis atque symposiis, satis sit operosum ministris, cantharos, ac phialas prompte implere. Eo liquoris genere, non ut exhalarescant, non ut melancholicas animi nebulas discutiant, utuntur; sed tanta immolatione se ingurgitant, tam strenue se mutuo ad potandum cogunt, ut si quis hos noctes atque dies suspiciendæ capacitatis poculis studere videat, periculum imminere Græcis, Germanis, atque Saxonibus dicat, ne tandem bibacitatis hederam his Gallia Belgicae populis sint porrecturi. Optandum, apud hos Ægyptiorum consuetudinem usu receptam esse, qui in symposiis hominis mortui imaginem circumferre, & singulis accumbentibus dicere solebant: In hunc intuens pota & epulare, talis post mortem futurus es. Idem ager Limburgensis plumbi ac ferri fodinis præstat, cultoresque suos opulentos reddit. Quin etiam calaminaris lapis, Plinio in re medica commendatus, cujus adminiculo ex ære orichalcum conficiunt, ex terræ venis, juxta sacram Henrici ædiculam, in silva Aquensi eruitur. Ad tutelam loci hujus arx sat valida extructa est. Præterea multis in locis atra carbonaria, sulphuris particeps, terra, fabris ferrariis & Vulcano domestico conservando admodum utilis, ex qua globos, quos *Cluten* nuncupant vulgo, efformant. Effodiuntur ibidem etiam ex occultis terræ visceribus varii generis lapides, instar Namurcensium, marmoris & jaspidis speciem præ se ferentes, candidis, nigris, fuscis, variisque maculis venuste conspersi, ex quibus mortaria, mensarum tabulae, ad speculorum nitorem politæ: magnificarum ædium camini, columnæ, earum capitula, coronides, bases, scapi; Principum illustriumque virorum monumenta: aliaque ædificia, videndi sensum oblectantia, constructa videntur.


Mineralia.

Fossilia.

In magna convalle, ad montis, in quo Limburgum est situm, basim, fluvio Wesa, seu ipsorum lingua vulgariter Wesdo, maximo accolarum emolumento, irrigatur. Is ex Arduenna silva prima origine scaturiens, per Limburgensem agrum, grato delabitur murmure, ac Mosæ tandem juxta Eburonum Augustam miscetur. Multis ac variis conducit usibus, maxime molitoribus, & pannorum tinctoribus, qui in suburbio Dolhen plurimas officinas habent. Præstantissimis etiam magna copia nobilitatur piscibus, trutis nimirum, tam prodigiosa magnitudinis, ut vulgaris fluviatilis salmonis appellationem mereantur: umbris, anguillis, mustelis, cancris, & id genus aliis, qui sub cavernosis petris latitan-

Fluvii.

tes,



res, summa cum voluptate & delectatione capiuntur. Cæteri quibus irrigatur hic Ducatus fluvii sunt, Berninus sive *le Bernin*, qui Dalhemium aquis suis beat; Geula, qui Falcoburgum alluit, & Worma, qui Rhodam Ducis transit.

Aque.

Quin etiam in agro Limburgensi scaturiunt erumpuntque salientes aquæ, tam domesticis quam voluptariis usibus servientes. His autem omnibus infinitis parasangis præstat fons ille acinus Arduennæ silvæ, secundo à Limburgo lapide in pago *Spaa*, toti orbi nunc celebratissimo, erumpens, quo tam indigenæ, quam ex remotissimis mundi partibus exteri, recreandi & sanitatis recuperandæ, ac ab imminuentibus morbis præcavendi studio, frequenti numero se conferunt.

Fons Spadani.

Limburgum urbs.

Ducatus nomen tribuit Limburgum oppidum ac metropolis ad Wesam fluvium situm, situs montosi, muro & idoneis ad defensionem turribus clausum, arce etiam munitissima validum, cuius turres, muri ac propugnacula vivo ex saxo (quod nativum suppeditat solum) constructa, ac prærupti montis dorso imposita, nec occultis terræ cuniculis everti, nec muralium machinarum ictibus concuti possunt, eo quod durissimæ rupi insistant, & præcipitibus naturæ claustris maxime tuto sint loco. Silvis cingitur, quercu, fago ac medicatis herbis ditissimis. Etsi porro Limburgense hoc oppidum, angustioribus circumseptum limitibus, infrequentiores incolas habeat; si tamen ea, quæ urbes ut plurimum commendare solent, & clarissimorum hominum ex eo progenitorum seriem consideres, non infimæ dignitatis oppidum esse censebis; ut de ea Virgilianum illud non immerito dici queat, *Pauci numero, sed vivida virtus*. Neque adeo refert, quali sint urbes structura, situ, numero, atque frequentia civium, sed qua animorum inveniantur concordia, quo virtutum nitore, qua religione sint imbuti. Et quemadmodum fructuum dignitas arboris commendat præstantiam; ita urbes maxime illustrent viri, qui virtutibus, eruditione, & dignitate præstantes ex iis prodierunt. Quales hic sunt nati Reverendus vir D. Hermannus Ravius, Abbas S. Iacobi, Nicolaus Billestein, Bellireditus, ordinis Præmonstratensium, ejusdem apud Leodios infulæ, D. Lambertus, Vallis Dei in Ducatu Limburgensi, ordinis Cisterciensis, Cœnobiarcha, vir admodum hospitalis, & bonus: Guilielmus Vilkinus, Gilbertus Limburgus, Medicus, Guilielmus Gulpen, Nicolaus Westenradius, Canonicus, Archidiaconus & Cancellarius Leodiensis, eruditione & virtutibus ornatissimus Præsul: & Ioannes Flemingus civis Antverpiensis, eruditissimus vir & Poëta insignis.

Viri celebres.

Falcoburgum.

Falcoburgum, Gallice *Fauquemont*, oppidum est mediocriter lautum, ac valide satis munitum, in agros & pagos aliquot circumjectos imperium obtinens, & Aquisgrani tribus majoribus, Traiecto vero ad Mosam duabus minoribus leucis ab junctum. Subegit hanc ditionem Brabantia Dux Ioannes, ejus nominis tertius, adeptam armis & vi Reinoldo Falcoburgensi, homini inquieto ac turbido, ac Traiecto finitimisque locis infesto; ideoque à Duce Brabantia in ordinem redacto, & in carcerem tandem compacto.

Dalemium perexiguum aliàs oppidum, munitissimam habet arcem, & Aquisgrani tribus majoribus, Leodio duabus prægrandibus leucis jungitur. Habet titulum Comitatus, & jurisdictionem in agros & pagos aliquot Transmosanos. Imperio suo adjecit Brabantia Dux Henricus Secundus.

Dalemium.

Rhoda Ducis, Gallice *Rhode le Duc*, Belgice *'s Hertogen-rode*, concinnum est, etsi parvum oppidulum, & veteri arce conspicuum. Falcoburgo leucæ circiter spatio distat, estque quarta ex Transmosanis Brabantia ditionibus, quæ omnes quidem exercent supremam jurisdictionem, sed unde ad Cancellariam Brabantia tamen conceditur provocatio.

Rhoda Ducis.

Carpia inter terram Iuliacensem & Coloniam sita, duabus Rheno leucis abest, estque amplius imprimis & oppidulo pene similis pagus, collegiata (ut vocant) Ecclesia, item mercatu & nundinis anniversariis celebris. Assidet pago arx, valide satis adversus hostiles insultus munita, & junctim constituunt peculiarem nec poenitentiam utique ditionem, cui & suus olim peculiaris Dynasta. at enimvero Dux Brabantia Ioannes, reputans quam utilis atque oportuna ditioni suæ futura esset hæc ditio, oblata forte occasione, à Gymnicis Dominis eam mercatus est, & cum reliquis Transmosanis conjunxit: etsi peculiarem tamen sibi habeat præfectum, & valido semper præsidio communiatur.

Carpia.

Præter multos insuper pagos, domorum populique frequentia cultos, villas duas (oppida diceres) eleganter exstructas, Limburgense hoc territorium exhibet, *Vpen* ac *Herviam*; utrasque mercatoribus inhabitatas ditissimis, qui mercibus suis, potissimum vero panno & clavis, nundinas Francofurdianas, bis annuatim, maximo emolumento quæstuque uberrimo frequentant. Primo ab urbe lapide insigne ac pervetustum est Cisterciensium monasterium, Vallis Dei nuncupatum, à Duce Henrico Secundo fundatum, cuius etiam ossa ibidem lapideo sarcophago continentur. Estque ibidem nobilium de Rosmel sepultura.

Pagi Vpen & Hervia.

Limburgum & Ditiones Transmosanæ Falcoburgum, Dalemium, & Rhodia Ducis iisdem, quæ in Brabantia descriptione recensuimus, utuntur Privilegiis.

Ordines vero Limburgensis Ducatus, & ditionum jam descriptarum tribus perpetuo constant membris; Antistitibus nempe, Nobilibus, sive Equitibus, & conventibus, sive foris juridicis.

Traiectum ad Mosam, vulgo *Maestricht*, quamvis nulli quatuor Brabanticarum Tetrarchia subungi solet, nihilominus sub Brabantia censetur Ducatu. Cumque eam Leodicensis Diocesis adeo ab ipsa Brabantia separet, ut mappis Brabanticis contineri nequeat, hoc loco ejus mentionem facere visum est. Est itaque urbs oportuno ad flumen Mosam, unde ei nomen, cuique hic superstratus pons è lapide vivo pulcherrimus, situ, ampla, antiqua & probe munita, quæ varias belli vices experta, tandem anno 1632 Fœderatorum armis à Frederico Aurassionensi, ditionibus eorundem adjuncta est.

LUTZENBURGENSIS

DUCATUS.

Nomen.

Fines.

Qualitas
terre.

Metalla.

Ambitus.

Fluvii.



Vcatus Lutzenburgi-
cus nomen habet à pri-
maria totius regionis ci-
vitate. Terminant eum
ad Septentrionem Leo-
dieneses & Namurcen-
ses, ad Austrum Lotha-
ringi: ad Ortum Mosel-
la cum Episcopatu Tre-
virensi, ad Occasum

Mosa cum silva Arduenna. Regio omnis monto-
sa & saltuosa est, maximamque partem silvæ Ar-
duennæ complectitur, quo fit, ut pars altera Lut-
zenburgi vocetur *Fammenna*, altera *Arduenna*. *Fam-
menna* fertilior est segetis & vini: *Arduenna* aspe-
rior: sed quæ asperitatem venationum bonitate
& ferarum optimi generis mirifica abundantia
compenset. Metalla ferri sunt haud procul à *Man-
derscheid*, in dominiis Keyla, Cronenberch, &
Sleida, ad vallem, cui nomen est *Hellenthal*. Con-
stantur hoc loco ab istis Cyclopibus incudes, for-
naces ferreæ, pyreteria, quæ per totam Germa-
niam & Belgium ingenti lucro distrahantur. Am-
bitus totius regionis continet plus quam 70 mil-
liaria.

Fluviis quamplurimis Ducatus hic magno cum
incolarum commodo est irriguus & permeabilis:
Nobilissimus vero horum est Mosella, ab hoc
commoda non parvi momenti percipiunt Theo-
nisvilla, Kônings-Macheren, Greven-Macheren
& sub Egel usque, nec non multi intermedii ejus-
dem districtus pagi ab alterutra hujus fluvii parte
alluti. Profert Mosella piscium diversorum opti-
morumque multitudinem non minimam.

Sara fluvius valde piscosus ex cognomine Lo-
tharingiæ pago originem ducens, pedetentim
per collium declivia multis receptis rivulis decur-
rens ad Monasterium Benedictinorum Mediola-
censis navigabilis efficitur, atque Sarburgio Tre-
virovum municipio *Wiltingen* & *Lansem* Luxem-
burgicis pagis visitatis apud *Lontzem* sub Ponte
lapideo sese in Mosellam evomit.

Soura in *Soure* Arduennæ pago è limpidissimo
scaturiente fonte nascitur, qui sub diversis mon-
tibus decurrens in amnem evadit, sicque per duo
fere milliaria labens non procul à Buddingo ca-
stro fluminis jam insignis nomen acquirit, inde
Diekirch oppidum jam navigabilis alluit; deinde
multo incremento à rivulis receptis auctus Eptern-
nacum piscibus & undis suis beat, postremo in
Wasserbillich sub ponte à Mosella absorbetur.

Alzet apud *Adjuth* Lotharingiæ Castrum ori-
tur, unde oppidulum *Esch* præterlabens altero-
que fluvio *Keyl* recepto Luxemburgum tendens
jam mediocris fluvii meretur nomen: Luxem-
burgi inter montium radices admissus molarum
agitationi, conficiendæ cerevisiæ, pannorum
mundationi, coriorum præparationi aliisque ci-
Belgica.

vium commodis se præbet opportunum, hinc
pergens prope *Ettelbrucke*, Suram majorem
fluvium ingressus desinit.

Sumois piscium varietate abundantissimus ex
amœno juxta *Arlunum* oritur fonte, iter hinc
versus Chinense castrum prosequitur, & Lotha-
ringiam versus tendit.

Prumia latitudinis & profunditatis haud con-
temnendæ Prumiensi Abbatæ nomen dans,
prope eam oriens juxta *Epternacum* Suram in-
greditur.

Our circa S. Viti oppidum ex insigni fonte
nascens per Viennam labens piscibus, præsertim
Salmonibus egregiis è Sura ascendentibus copio-
sus, in eandem prope *Epternacum* ingreditur.

Ourt fluvius insignis, in *Eyflæ* partibus oritur,
per *Hoffalze*, *la Roche* & *Durbny* Luxemburgensia
oppida fluens, multis rivulis auctus prope *Aynail-
le* post absorptam *Ambliviam* Leodium usque,
ubi se in Mosam præcipitat, navibus ferendis
onustis idoneus. Sunt præterea haud magni no-
minis fluvii, *Siere*, *Mammer*, *Ernst*, *Attert*, *Petris*,
& similes

Vrbes viginti vallo & fossa munitæ: quarum
nomina hæc sunt: *Lutzenburgum*, *Arlon*, *Rodemarc*,
Theonis villa, *Gravemakre*, *Koninckmakre*, *Dichrich*, *Vi-
reton*, *Esserwere*, *Viandalem*, *Bastenac*, *Mommedi*, *Neuf-
chastel ès Ardennes*, *Danvilliers*, *Marveil*, *la Roche en
Ardenne*, *Durby*, *S. Vir*, *Marche en Famenne* & *Sleide*.
Earum descriptiones habes in *Vrbium Belgica-
rum Theatro* à nobis ante annos aliquot edito.
Sunt & urbes aliquot, quarum mœnia solo æqua-
ta. Necnon arces, urbium pene æmulæ, S. Ioan-
nis, & *Manderscheid*, quibus titulus est Comitatus.
Pagi sunt 1169.

Ducatus etiam iste sub se habet Comitatus se-
ptem, Baronatus plurimos, Dominia plurima, in
quibus nobiles plus juris habent in subditos,
quam per reliquam Belgicam.

Status reipublicæ est penes Antistites, Nobiles,
& urbium Lutzenburgi, *Arluni*, *Theonis-villæ*,
& *Rodemarchiæ* optimates.

Lutzenburgensis Ducatus incolæ prout lingua
vel Gallica vel Germanica utuntur, linguæ suæ
habent congruentes mores; ii enim qui Germa-
nice loquuntur gravitatis plus aliquid, Galli vero
levitatis amplius habere feruntur; quamvis non
desint qui liberalius educati utriusque qualitatis
optimum retineant temperamentum, quorum
numerus haud exiguus in ipsa metropoli, tum
quibusdam proximioribus, uti sunt *Theonis-villa*,
Arlunum, reperitur; quibus tamen vix cedere ne-
cesse habent Gallicæ regionis cives *Bassonienses*
& alii, qui aulicam sese urbanam præ Germanis
quandam vitam profiteri videntur. Nobiles in
hac provincia plurimi ex antiqua prosapia geniti,
qui nullo fere modo in animum inducere pos-
sunt, ut connubia cum iis jungant, quibus noviter
nobili-



nobilitas contigit, ne dedecus familiæ inde aliquod accedat. Cæterum generosi sunt, Principi suo fidelissimi, humani, laudis avidi, & virtutis amantes, laborum imprimis & inedia patientes; in nuptiis contrahendis, puerperiis, parvulorum suorum baptismatibus, & in exequiis propinquorum ultra modum splendidi, in quibus etiam de magnitudine sumptuum & splendoris invicem certare videntur. In subditos autem iis competit non solum jus domini fundalis, sed etiam bassæ, mediæ, & altæ jurisdictionis: sic ut de criminosis judicia per se constitutos iudices morti etiam per diversa tormenta, violenter quoque addicendo exerceant; sic ut quandoque non immerito coloni de nimio eorum querantur rigore. Quod ad Cives attinet, eorum, qui majoribus facultatibus pollent, & aliqua valent industria, mercaturæ operam dant: ii, quorum fortunæ angustiores sunt, diversis opificiis diligenter incumbunt; infimæ vero sortis homines victum oneribus ferendis sibi querere solent; horum vero durissima est conditio, utpote quibus vix panis siccus in cibum quotidianum aqua maceratum suppetit. Rustici rure, sive in pagis degentes minus habent in moribus civilitatis; qua tamen ut plurimum magis carent Germani, quam Galli, stupida nimirum & agresti avorum suorum vitæ consuetudini inhaerentes, toti in agricultura occupantur: cæterum sunt tam corpore quam rebus ad Dominos suos vel sæculares vel Ecclesiasticos spectantes, ut nec hereditatem aliis vendere, nec alio migrare, in scio Domino possint; ita ut potius fervorem quam liberorum hominum, secus quam in cæteris Belgii provinciis, conditionem obtinere non immerito videantur.

Lingua.

Hujus vero Ducatus incolæ non uno utuntur idiomate; Luxemburgi enim, quod Provinciæ caput est, sermo communis est Germanicus, qui idem etiam est, Arlunensibus, Theonivillanis, Epternacensibus, Macherensibus, Virensibus, Viendanis, & aliis quibusdam oppidulis, una cum circumjacentibus vicis & pagis. At vero ii, qui Bastoniam, Marchiam, Rupem Ardenæ, Novum Castrum, Houffaliziam, Durbutum, Ivodium, Damvillerium, Mommedium, Chinicum, Vertonum & circumvicinas partes, sive rura inhabitant, Gallica utuntur lingua.

Lutzenburgum.

Lutzenburgum creditur esse Ptolemæi Augusta Romanduorum. Guicciardinus dici vult, quasi Lucisburgum, hoc est arcem Solis. Enimvero pleraque alia hujus tractus loca à Gentilium Diis denominata videri possunt: *Arlon*, quasi ara Lunæ: *Ivois* à Iove: *Marche* à Marte. Vrbs ipsa sita est loco peramœno, parte altera montoso, altera plano. Templum in ea sacrum S. Nicolao: Cœnobium S. Francisco: in quo sepultus Ioannes Lutzenburgicus Rex Bohemiæ, filius Henrici VII, Imperatoris. Porro urbs ista initio titulum duntaxat habuit Comitatus; atque adeo Henricus VII, Imperator, Comes fuit Lutzenburgensis, non Dux: Wencellai vero regis Romanorum atque Bohemiæ tempore, factus est ex Comitatu Ducatus. Ei ortum debuit Nicolaus Navius Præses ejus Provinciæ, cujus filius tanta apud Carolum V, Imperatorem gratia fuit, ut ob summas ingenii dotes Cancellarii Vicarius

per universum imperium ab eo fuerit constitutus. Vrbs ipsa non semel belli injurias experta est. Anno 1542 capta & spoliata à Gallis, quibus ductor erat Dux Aurelianensis. Sequenti anno iterum ab iisdem. Sed & postea vicinorum bellorum mala sensit. Imprimis anno 1552, Henrico II, Francorum rege contra Carolum Quintum ducente exercitum in Germaniam, & omnia longe lateque igni & ferro vastante.

Provinciale Consilium Ducatus Luxemburgensis, & Comitatus Chinenfis, in hac Metropoli residet; componitur ex uno Præsidente Iurisconsulto, & Consiliariis togatis ejusdem professionis, quinque ordinariis, itemque quatuor ordinariis nobilibus, quos ad differentiam cæterorum chlamydatos appellare solent. Ad hoc Consilium spectat unicuique per totum Ducatum Luxemburgensem, & Comitatum Chinensem in causis civilibus, in prima vel in secunda instantia, prout casus exigat, vel institutiones præscribunt, jus dicere; & huc undequaque provocatur, quo sententiæ perperam fortasse latæ correctio à parte læsa obtineatur, iis quibus rursus integrum est ad Senatum Mechliniensem provocare. Processus autem coram Tribunali Luxemburgico promiscue vel Gallica vel Germanica solent fieri lingua; prout ex Belgica vel Gallica litigantes sunt hujus provinciæ parte.

Consilium Luxemburgense.

Arlunum edito monti superstructum est, in quo templum olim & ara Lunæ, unde corrupta paulatim voce, derivatum vocabulum Arluni, vulgo *Arlon*. quod Lutzenburgo quatuor, Mommedio vero sex leucis abest. oppidum alias lautum satis, sed bellis vastatum, etsi hodie paulatim restitueretur, veteremque Marchionatus titulum studiosè retineat. Patria hæc fuit Bartholomæi Latomi, viri egregie docti. Multa hujus oppidi monumenta antiqua, sed vetustate attrita eruit Provinciæ Gubernator Petrus Ernestus Comes Mansfeldicus, eaque in ædes suas, quas in suburbio Lutzenburgensi habuit, dum vixit, amplissimas, transferri curavit.

Arlunum.

Marchionatus.

Extitit antiquitus Ducatus Mosellanus, sic dictus, quod Mosellam una cum adjacentibus utrinque territoriis à Metensi civitate usque ad Treviricam urbem complecteretur. Celebris autem semper ab origine sua habitus fuit in annos circiter quingentos & viginti. Tum enim Fredericus caltri Barrensis fundator, suppresso titulo Mosellanico, totum hunc tractum à Castro prædicto nuncupari voluit, ipseque Comes Barrensis indigetari. Successu porro temporis Ducatus Mosellanus in quamplurimas fuit divisus partes, multisque ac diversis Dominis (secundum illas) subjacuit, quemadmodum & hodie videre est. Metenses namque à sua incipientes civitate, Marengiam usque imperium circa Mosellam obtinent. Hinc vero Luxemburgensis Dux ad oppidulum Regis Macræ vulgo *Koningmachern*/ utramque fluminis ripam suprema cum auctoritate possidet. Inde descendendo ad dexteram Sirquenfe oppidum cum adjacentibus terris Lotharingiæ sive Barri Dux, ad levam vero Luxenburgensis Dux agrum Mosellanum Principali itidem jure usque in Comitum Macram sibi vendicant, ac denique isti oppidulo, & quicquid ejusdem

Ducatus Mosellanus.

eiusdem agri usque in pagum *Egell* restat ab utraque parte fluminis, Dux Luxemburgensis principatur; tum progressu paulisper à læva factò; reliquum hinc & inde Trevirensi Archiepiscopo obtemperat.

*Principatus
Ardennæ.*

Nobilissimi olim Ardennæ Principatus originem ad Merovingorum tempora non improbabili-ter quidam referunt; necnon præclarissimos Principes ex Clodione Capillato fluxisse affirmant. Regio hæc nemoribus initiò, dumetis, ac sterili solo constans, modò maxima sui parte hominum industria ad vitæ præsentis usum commoditatemque redacta est: silvis nihilominus & multis, & densis, diversis in locis, persisten-
tibus.

*Comitatus
Chinenfis.*

Comitatus Chinenfis, olim Chiniacus appellatus & S. R. Imperii membrum, postmodum extinctâ Comitum lineâ Ducibus Luxemburgicis accrevit, nec inde usque ad hæc tempora fuit separata. Est in eo Abbatia Auræ Vallis. Falluntur qui feudum Barri Ducatus, Chiniacum esse contendunt, eo scilicet partim argumento persuasi, quod eadem utriusque Ducatus, & Comitatus prælibatorum sint insignia: quasi inde consequatur, feudum Chiniacum à Barro Dominium directum accepisse. Verum ejusmodi conjecturas infirmo niti fundamento, velex eo liquet, quod insignia istorum minime eadem sint, sed longe dissimilia; cum Chinenfis duos pisces, trutas nomine, in aureo campo crucibus confito præferant; Barrensis vero binos barbiones in campo cæruleo, sive azuratio crucibus resperso conspiciendos exhibeant.

*Comitatus
Sancti Pauli
alias de
Rouffy.*

Comitatus de Rouffy situ est medio inter Luxemburgum & Thionisvillam itinere, à quibus æque duobus distat milliaribus. Nomen huic erat antiquitus à sancto Paulo, dum Comitatus Sancti Pauli appellaretur: quæ quidem nomenclatura evanuit omnino substituto in ejus locum Rouffy vel *Ruttick*/ ea (ut quidam conjiciunt) ratione, quod vir quidam olim præpotens, ex Russia oriundus, hujus loci filia hærede in uxorem accepta, Comitatum ex tunc Ruffy, in patriæ suæ memoriam, voluerit nominari. Rustici, qui hujus distractu coercentur, interrogati cuinam pareant Domino, respondere solent; sese à sua spectare ad *Simperherren*/ quod corruptè æstimatur idem velle ac *Sanct Paul herren*. Hodie Comitatus hic ad Marchiones Badenses & Comites de *Manderscheydt* spectat indivisim.

*Comitatus
Rupensis in
Ardennæ.*

Rupensis Comitatus à perantiquo castro, rupi excelssæ superextructo, atque eatenus Rupis nomine designato, nomenclaturam accepit; complectens suo sinu urbem ejus nominis & territorium satis amplum, atque ad aliquot millia-ria extensum, attamen infœcundum valde pro maxima sui parte; quanquam hominum industria & improbo labore sic reddatur ut plurimum fructuosum, ita ut incolæ filiginem, avenam, & alia in sui, & pecorum alimentationem opportunam exinde percipiant, utcumque abundanter. Hæc vero sæpius tali evenit modo, ut locis à vepribus, dumis, aliisque lignis ipsa occupantibus repurgatis, terram diversis proscindant instrumentis, & in partes pene ejusdem formæ divisam componant cumulos ad modum clibani, ac deni-

Belgica.

que vepres & alia minutiora ligna & sarmenta subjicientes, ignem admoveant, cujus vi totus iste terræ globus aduratur, & eam consequatur alterationem, unde aptus admodum reddatur producere grana superseminata multipliciter aucta. Inde autem quidam affirmant; hanc & alias adjacentes ejusdem naturæ regiones, Ardennam nuncupari ab *ardendo*, quod scilicet terram ardere necesse sit, priusquam debitos fructus proferat. Hinc etiam fit propter ejusmodi continuos labores, simulque summum frigus, & victum sobrium, quo utuntur istorum locorum inquilini, eos esse corpore perquam robusto, & longævæ durationis. Antiquitus, dum Franciæ limites huc etiam extenderentur, solebant Reges (dum laxandi animi causa Ardennam silvam ad vendendum peterent) in castrum Rupense (tum etiam percelebre, & antiquum, utpote à Romanis mediis in silvis excitatum) divertere, ubi & totius illius regionis, nomine suo, Gubernatorem habebant constitutum, qui communiter Magnus Venator, propter venandi continuum exercitium eis in locis usurpatum, dici solebat. Monstrant adhuc hodie Rupenses sedem quandam in rupe excisam, afferentes ea usum fuisse Regem Pipinum, dum vel lassus aliquantulum requiescere vellet, vel populo terræ audientiam daret, vocarique ea de causa sedem ejusmodi Regis Pipini cathedram. Fuit autem jam inde longissimo tempore castrum hoc per ipsos, ut creditur, Franciæ Reges, Comitatus titulo honoratum, cui quamplurimi nobiles ratione feudorum, quæ exinde ipsi tenebant, feudales habebantur. Nunc Comitatus hic cum Luxemburgensi Ducatu est conjunctus, eique submissus.

*Ardennæ
nomen un-
de.*

*Magnus
Ardennæ
Venator.*

Durbutum, amplum Dominium, arce munitum insigni, & urbe ejusdem vocabuli, Ducibus Luxemburgensibus modò paret, quod olim per se separatam habebat sui ipsius juris possessorem.

*Durbuten-
se
Dominium.*

Sunt præterea Dominia Marvillæ & Aranceii.

Extat in Luxemburgensi Ducatu, & partibus Ardennæ castrum perantiquum, Salma dictum, à Salmone ejus auctore, & primo Domino, qui anno post Christum natum 770, ei loco præerat, non quidem Comitatus titulo insignis, sed tantum Domini præcellentis. Porro, ut aliqui autumant, Dominium idem Comitatus dignitatem obtinuit circa Ottonis Primi Augusti tempora, scilicet dum 900 aut circiter Dominicæ Incarnationis annus ageretur. Habuit olim prædictum castrum adjunctum sibi oppidulum satis egregium, eodem gaudens vocabulo; quod temporum injuria, seu bellorum clade sensim urbis perdidit speciem, cujus tamen hodieque extant alicubi ruinae, quas indigenæ veterem Salmam nuncupant. Paret Comiti huic etiam non ignobile Dominium *Repperscheydt* nomine, non procul à dicto Comitatu situm.

*Comitatus
Salmensis.*

In ea parte Ducatus Luxemburgensis, quæ Gal-
liis contermina est, non procul à Mazeria, Do-
minium quoddam habetur satis amplum, *Vrsi*
mons vocabulo. Fuerunt autores qui voluerunt
Vrsi montem nunquam Comitatus titulo fuisse
insignitum, sed tantummodo nudum Domi-
nium, Chinenfi Comiti feudale: ideo fortassis,
quod quamvis ejus districtus sit satis amplus,
reditus

*Comitatus
Vrsimon-
ensis.*

reditus tamen eo spectantes satis exigui sint. Fal-
luntur tamen hi opinione sua, quod probatur
ex eo, quod ipsi Comites Luxemburgenses Vrsi
montis Dominos Comitum titulo compellent.

Manderscheidt insigne & munitissimum cas-
trum in Eissia partibus constitutum, & Comita-
tus honore sublimatum: Domus est unde Comi-
tes eam denominationem sortiti originem du-
cunt, nobilitate generis & opum affluentia plu-
rimum præstantes. Est autem Manderscheidt
Comitatus Duci Luxemburgensi feudalis: à quo
proinde ipsum ejus possessores sub homagii ex-
hibitione suscipiunt, & retinent.

In confiniis territorii Trevirensis castrum vi-
situr antiquissimum, & nobilissimum ad Comi-
tum de Manderscheidt possessionem spectans, Vir-
nenbourg nomine, Comitatus titulo insigne;
quod quidem prius sui juris erat, nulli majori
subditum potestati; & anno Dominicæ Incarna-
tionis 1270 Comitibus Luxenburgensibus pro
summa ducentorum librarum denariorum mu-
tuo data, feudale effectum. Cur autem nomine
Virnenbourg hic designetur Comitatus, id ideo
accidisse fertur, quod cum multiplicata essent
Comitis proles, adeo ut earum quaternis hic Co-
mitatus pro parte legitima sufficere deberet, ab
eis ob hoc vocabulum sortitus sit, & vernaculo
idiomate Virnenborgh, quasi *vier herren-burg* /
id est, quatuor scilicet Dominorum castrum di-
ctum.

Quando Viennensis Comitatus initium sum-
pserit, quisve ejus fuerit primus Comes, non
constat; esse tamen valde antiquum, vel ex eo li-
quet argumento; quod quidam monachus Ran-
cherus nomine Comitis Viennensis filius anno
Domini 928, in monasterio Lobienfi professus
vixerit. Ut tamen nonnihil de hujus origine Co-
mitatus à vero minime abhorrens proferam,
sciendum, quod cum anno Domini 883, Ludo-
vicum Secundum Romanorum Imperatorem in
fata concessisse percepissent Imperii hostes, qui
vivum valde expaverant, Northmanni scilicet &
Wandali, hos eosdem coactis maximis armato-
rum copiis expeditionem versus Rheni partes
suscepisse; quo transmissa, statim Tungros, Tra-
jectum, Iuliacum, Aquisgranum, Novesium, Co-
loniam Agrippinam, Bonnam, Tolbiacum, alia-
que ejus tractus oppida & loca munitiora fero-
citer invaserunt, necnon simul monasteria quæ-
vis obvia, itemque ecclesias, & alia sacra loca
ferro, flammis, direptionibus, & prædationibus
impetierunt; atque istis in extremum pene exi-
tium redactis, oras Mosellæ fluvii prosequentes,
ad urbem Trevirensis castra metati sunt, eam-
que post dierum aliquot circulum vi capientes,
immani clade affecerunt, ecclesias, & alia loca
igne injecto diruentes, necnon personas quasvis
sævitia incredibili perimentes, prædas agentes,
& ea denique perpetrantes, quæ à truculentis so-
lent fieri tyrannis. Bertulphus Trevirorum tum
Archipræsul malum hoc declinare præveniens,
cum aliis plurimis ad Metensem civitatem con-
fugit, ubi, à loci Episcopo Walone honorificen-
tissime exceptus & habitus, permansit, donec
Northmannos, vastatis quæ obviam fiebant om-
nibus, ad Metenses itidem expugnandos, & si-

mili clade afficiendos advenire intelligerent.
Tum enim, consilio de resistentia mature fa-
cienda inito, conclusum est, ut Duce Metensi,
Comiti Adelhardo, adjunctis duobus Episco-
pis, aliis Principibus viris, & armatorum exer-
citu prævalido, in occursum iretur adversariis
Christiani nominis. Dum igitur ad campum
Remich oppido vicinum pertigissent, ecce ho-
stes ex adverso venientes Catholicis facti con-
spicui, ad certamen cum eis ineundum sese ob-
tulerunt. Vnde statim nostri genibus flexis au-
xilium Dei devote implorato, cum hoste fortiter
congressi, constanti animo insimul ad duodecim
horarum spatium depugnant. Tandem cum
multi utrimque ea in strage mortui cecidissent,
inque iis à Catholicorum parte Walo Episcopus,
& Comes Adelhardus, cessit victoria à parte
Northmannorum, qui iter inceptum prosequen-
tes, Metensem civitatem adeunt, eamque tanta
crudelitate invadunt, ut in suam potestatem red-
actam igne, ferro, direptionibus totam depo-
pularentur. Inde Australii Regnum, nec non
Mosellanicum Ducatum peragrantes, nulli loco,
personæ, alterive rei pepercerunt, quin ei quan-
tam possent, inferrent molestiam. Porro ut ni-
hil à tyrannide sua intactum in istis partibus vi-
derent, in triumphi signum, castrum quoddam
ad rupes vastas fortissimum extruxerunt, cui
ipsi Wandali nomen Vandalen à sua natione de-
ductum indiderunt; atque sic locus iste, si-
ve castrum, initium, & vocabulum ea ratione acce-
pit. Cum vero post plurimorum annorum se-
riem Wandali dictum castrum, una cum adjun-
cto territorio possedissent, vicini Principes, hos
barbaros loca ejusmodi occupare diutius non
ferentes, collecto exercitu eos partim trucidarunt,
partim fuga sibi consulere compulerunt.
ex quo accidit, ut ex tunc in hæc usque tempora
ad Christianorum jura castrum ipsum una cum
suis appendicibus spectaverit, relicto tamen ei
primo nomine à Wandalis imposito; quod ho-
dieque, quamvis nonnihil immutatum, perdur-
rat, dicitur namque Vienna, aut Vianden, aut
denique Vienthal, quæ omnia ex uno priore
oriuntur vocabulo. Anno 1248. Philippus Vien-
næ Comes cum ab Henrico Comite Luxenbur-
genfi, amico suo conjunctissimo pecuniæ sum-
mam ingentem mutuo accepisset, ut à restituendo
debito liberaretur, eidem & successoribus
Luxemburgensibus Ducibus Comitatum Vien-
nensem suum feudalem fecit. Hodie jure suc-
cessionis Comes legitimus est Guilielmus III Nas-
savius, Princeps Auriacus. Huic arcis Viennæ ad-
iuncta est à Comitibus loci oppidulum *Vyenthals*,
quasi Vallis Viennæ; situm autem est inter mon-
tes & altissimas rupes, continens ducentas circi-
ter domos, clauditur portis duabus, & regitur à
Iudice & Scabinis septem, qui omnibus jus di-
cunt, & justitiam administrant.

Rodemacria Lutzenburgo distat trium leuca-
rum spatio, oppidulum lautum & arce conspi-
cuum. *Theonisvilla* denotat urbem Deorum, sita
ad lavam Mosellæ ripam in loco amoenissimo,
plano, agroque multum fertili; urbs munitissi-
ma, quæque nullam vim hostium expavescit. A
Carolo Magno institutam volunt, ut tertia Im-
perii

Comitatus
Mander-
scheidt.

Comitatus
Virnen-
bourgh.

Comitatus
Viennensis.

Epterna-
cum.

Bastona-
cum.

Dickirch.

Novoca-
strum.
Momme-
dium.
Dauville-
vium.

Marvi-
lium.

Fanum
S. Viti.

Marchia.

Durburum.

Vertonum

Biedbur-
gum.

Rodema-
cra.

Theonis-
villa.

perii sedes esset per Germaniam Inferiorem.

Epternacum.

Epternacum oppidum Luxemburgo ducentis & sexaginta annis antiquius, Monasterio celeberrimo, cujus Abbas oppidi dominus, conspicuum: circulari pæne forma ad Suram fluvium situm est, in aëre benigno, & ita temperato, ut in circumvicinis montibus vinum, quamquam acerbius, progignatur, quod in annis fertilibus utcumque dulce gustuque delectabile evadat: domos circiter ducentas comprehendit.

Bastona-cum.

Bastona-cum five Bastonia à Luxemburgo ab occidentali parte octo milliariis distans, oppidum est oblongum, & ad unius plateæ normam plurimis aedificiis exstructum; ob civium frequentiam, & mercium distributionem, eam aliter vocant *Parys en Ardenne*, quasi dicas Arduennensis Lutetia. *Diekirch* oppidum peramœno agro undique cinctum, & ad Suræ fluvii ripam situm, Luxemburgo ad quinque circiter milliaria distans, à qua plaga altissimis montibus absconditur; in quibus magna vini crescit copia: mercibus vero humano usui commodis non parum abundat.

Novocastrum.
Mommedium.
Darvilleum.

Novocastrum, etsi modicum, pulcrum satis est oppidulum. *Mommedium* in monte altissimo ac pæne inexpugnabili situm, cujus radices alluit flumen Chirfus. *Darvilleum* oppidum in loco paludinoso ac pæne inaccessibili situm, 12 Lutemburgo abscedit milliariis, bellis captum, directum ac solo æquatum, posteaque restauratum; sex sub se habet pagos, & amplas adeo sylvas possidet ferarum fertiles, ut agrum longe remotum Verdunensem terminare perhibeatur. *Marvillium* ad eundem Chirsum est, quod pro altera sui parte Hispaniarum regem, pro altera Lotharingiæ Ducem Dynastas agnoscit; unde *Ville commune* appellari solet.

Fanum S. Viti.

Fanum S. Viti oppidulum est peramœnum, portis, turribus, & fossis munitum, insigni ornatum Castro, ad Principem Auriacum jure successione pertinentis; uti & *Sleida*, muris carens, titulo Comitatus & insigni in aliquot pagos jurisdictione superbiens. *Marchia*, vulgo *Mars en Famine*, oppidum mire antiquum, nec minus elegans: agro enim gaudet gramine & arboribus fertilibus abundanti; aedificia quoque majori pro parte in sublime eleganter sunt ducta, & tegulis lapideis contecta; cui accedit quod murorum Oppidi ambitus, turribus plurimis, & ab invicem spatio exiguo & bene proportionato distinctis adornetur; unde & per jocos *Florence la Belle* à quibusdam vocari solet. *Durbutum* oppidulum ante aliquot sæcula à Normannis conditum, ad fluvium Ourt situm est, loco opportuno, & quotidie à mercatoribus è Brabantia in Germaniam, & vicissim ex Germania in Brabantiam commigrantibus frequentari solitum: Castrum habet in præexcelsa rupe situm, & Comitatus gaudet titulo.

Vertonum.

Vertonum oppidum muris, fossis, portis, & turre heroica munitum, in summæ pulchritudinis loco aedificatum est, Luxemburgum à meridie respiciens.

Biedburgum.

Est & *Biedburgum* oppidulum in agro fertili, & admodum jucundo, inter Eufaliciam Trevericam, & Luxemburgensem agros, ad instar termini situm

Grevenmacheren oppidum amœno in agro situm, & montibus plurimis circumcinctum; in quibus annis fertilioribus optima vina nasci solent: quondam urbs sat ampla, nunc vero, postquam anno 1552 à Brandenburgensi Marchione esset depopulata, ob tenues civium opes huc usque desertum jacuit: Mosellâ alluitur.

Grevenmacheren.

Koninxmacheren oppidum non adeo magnæ famæ, aut magnificentiæ est: in ejus tamen circuitu omnis generis frumenti copiam, & à latere cum Mosella alluitur, plurimum vini cives percipiunt.

Koninxmacheren.

Ivodium Gallis *Ivois* oppidum in finibus Chinenfis Comitatus situm est, Mouzon Galliæ oppidum ab uno milliari respicit: olim urbs sat bona & munitissima, donec ab Henrico Gallorum Rege anno 1551 superatum, & dein anno 1557, inter Galliæ & Hispaniæ Reges pace facta, Hispano redditum, ea tamen ratione ut cum muri tum fossæ solo æquarentur; in quo statu usque ad hodiernum diem permansit.

Ivodium.

Chiniacum oppidum ad fluvium Sumois situm, olim murorum ambitu, portis, ac propugnaculis egregie fuit munitum, sed bello sæviente iis spoliatum. Titulo Comitatus gaudet, & jurisdictionem in alias quasdam urbes, pagos, agros exercet; adeo ut in mandatis Curiae Provincialis hujus Ducatus, titulus Comitatus Chiniacensis, Duci Luxemburgensi adjungatur.

Chiniacum.

La Ferté ab Ivodio uno milliari distans, oppidum mediocre, itidem muris carens. Atque hæc de urbibus tam muris ornatis, quam iis carentibus cursum dixisse sufficiat: de arcibus pagisque, brevitati consulentes, dicere superfedebimus.

La Ferté.

Primus Luxemburgi Comes fuit Sigefridus Ricuini Ducis Mosellani filius; cujus tempore, annuente Brunone Archiepiscopo Colonienfi, Ottonis Magni Romani Imperatoris fratre, & summa cum autoritate Vicario, Comitatus Guerræ nomen cum Luxemburgi commutatum est circa annum 960; ei successit filius Giselfbertus, huic Fridericus, quamvis & Conradus & Godefridus titulo Comitum Luxemburgensium quoque usi sint; Frederico relicta unica tantum filia Ermesinda, Godefrido Namurcensi Comiti nupta, quem perperam in Comitatu Luxemburgensi Friderico successisse, & sequentes tres Comites titulum tantum usurpasse, quidam volunt autores, extincto successit Conradus II. Conradi fratris ejus filius: in Conradi II locum successus fuit ejus ex Clementia Henrici IV Imperatoris filia, filius Guilielmus anno 1086. Princeps liberalis & affabilis, & rerum bellicarum peritissimus, ex Frederici Cæci Sueviæ Ducis filia Mechtildâ Conradum III, sibi successorem suscepit; hic benevolus & mansuetus Elisabetham Godefridi Namurcensis Comitatus & Ermesindæ Luxemburgensis filiam uxorem duxit, ex qua Henricum Episcopum Leodiensem procreavit. Conrado anno 1174 fatis functo, & filio ejus unico Ecclesiasticis muniis mancipato, linea Comitum Luxemburgensium extincta est; ideoque Comitatus ipse proximitatis jure ad Henricum Cæcum Namurcensem Comitem, dictæ Ermesindæ filium, devolutus est; hic filiam unicam Ermesindam nomine Theobaldo Comitis

Principes Luxemburgenses.

mitis Barrensis filio despondit; Henrico autem extincto Cæsar Comitatum Luxemburgensem Otthoni cuidam Burgundio assignavit, qui eum pro ingenti pecunia Ermesindæ & Theobaldo restituit: Theobaldo sine prole susceptâ in bello Sancto extincto, Ermesinda sese Walramo, Henrici Ducis Limburgensis filio nuptui tradit, cui Henricum II peperit, qui patri in hoc Comitatu successor fuit; eum autem rursus sequutus est Henricus Tertius ejus filius, qui Ioannis Avenionensis, Hannoniæ Comititis filiam Beatricem matrimonio sibi copulavit, ex qua suscepit Henricum IV, qui patri in acie contra Brabanticos occiso, in Comitatu successit; Vir strenuus, virtuosus, prudens, adeo ut anno 1308 Francofurti Rex Romanorum à Septemviris Electoribus creatus fuerit, & postmodum Alberto Imperatore rebus mortalibus exempto, in Imperio successerit: dum autem Henricus Imperii moderaretur habenas, filius ejus Ioannes Comitatum Luxemburgensem rexit, cui Bohemiæ Regum, copulatâ ei Elisabethâ Regni hærede acquisivit anno 1311. Ioannes liberos reliquit Carolum IV Imperatorem, & Wenceslaum sibi in Comitatu Luxemburgensi successorem; qui ducta Ioanna Brabantiæ Ducis filiâ, Brabantinum Ducatum obtinuit. Hoc Luxemburgensis Comitatus habenas moderante, anno 1353 Comitibus Imperialibus hic Comitatus in Ducatum erectus. Wenceslao principe optimo prole nullâ sibi superstitie humanis exempto anno 1383, Ducatus hic proximitatis jure Wenceslao Romanorum Imperatori obtigit, qui Iudocum Marchionem Brandeburgensem sibi in consortem Ducatus ascivit, qui spe prolis suscipiendæ destituti Elisabetham Ioannis Moraviæ Ducis filiam Anthonio

Burgundiæ Duci uxorem dederunt, pro dote 120 mille florenorum aureorum Rheni, Ducatu hoc oppignerato. Elisabetha viro defuncto Ducatum hunc sibi retinebat oppigneratum, sed à Saxoniæ Duce & Poloniæ rege sibi Ducatum proprium asserentibus impetita, Philippum Burgundum in auxilium evocavit; qui bello egregie ad finem perducto, Ducatum Luxemburgensem Elisabethæ ex integro tanquam veræ & proprietariæ Dominæ restituit: illa grati animi significationem in cognatum adeo beneficium vicissim ostendere volens, eidem Philippo Duci Burgundiæ & suis successoribus Ducatum Luxemburgensem & Chinensem Comitatum ultro donatione irrevocabili contulit, ea conditione, ut ubi Wenceslai Regis Romani posterum summam Elisabethæ dotis loco addictam numeraverint, iisdem sine ulla tergiversatione illi restituantur. Philippo mortuo successit in oppignoratio titulo filius ejus Carolus cognomento Audax, qui numeratis aliquot florenorum millibus dictis Wenceslai heredibus, fecit ut ei juri ad redimendum Ducatum renuntiarent, atque Burgundis non tam oppignoratio titulo, sed jure hæreditario tanquam veris & absolutis Dominis in posterum cederent. Carolo vero ad Nanceiam Lotharingiæ cæso successit Maria, quæ matrimonium cum Maximiliano Austriaco iniens, dominium totius Belgii ei in dotem contulit, & hoc modo ad Austriacos Ducatus hic devolutus est, qui successione haud interruptâ, fascies hujus Provinciæ tenuerunt; nunc autem ejus moderatur habenas Philippus IV Magnus, Pacificus Hispaniarum & Indiarum potentissimus Monarcha, Caroli V pronepos.

FLANDRIA

COMITATUS.



*Flandria
Nomen.*

FLANDRIÆ etymon, minus certâ scientiâ, quam variis conjecturis subnititur, non secus quam Brabantia, Geldria, Hollandia, Walachria, aliarumque plurimarum regionum Etymologia. Et quamquam non pauca hætenus, nec obscura, ingenia infudaverint, ut veram nobis ac genuinam Nominis Flandriæ traderent rationem: illius tamen certa hætenus, & indubitata ratio (quantumvis non adeo magnæ sit antiquitatis nomen) laboriosa licet investigatione quæsita, dari non potuit: aliqui Flandriæ nomen & Flamingos, à Flamingo & Flandberto ortum esse credunt. Illos Belgicæ reges Bavaci in Hannonia sedem habuisse, & inde à Cajo Cæsaris Legato pulsos, ad Menapios Morinosque fugisse, novamque istuc Belgicam, quæ nunc Bella seu Balliolum foret, condidisse existimant: alii Flandriam à Flandrina quadam Liderici Secundi conjuge dictam putant. Tertiū à crudelitate Phinardi cujusdam Principis Bucani, qui ob cædes & latrocinia *Blaminck* dictus, voce à *Blacn* & *Mincken* composita, nomen hoc Flandriæ inditum fuisse: sed diu ante Phinardi & Liderici Secundi tempora in annalibus mentio Flandriæ & Flandrorum fit. Illorum sententia mihi magis arridet, qui Flandriam à flatu & fluctibus quasi Flanterraniam ita nuncupatam tradunt. Meyerus Flandras nescio qua lingua, fuisse putat æstuarium ea forma, qua poldras vocamus, unde mare per aggeres excludimus; Venit in eam conjecturam, ideo quod omnia quæ æstus aliquando alluit marinus, in pago Flandrensi sita legamus, reliqua in Menapisco. Archiva Cænobii Benedictini Aldenburghici ab æstuante ventosoque mari dictam esse Flandriam: & ad situm naturamque regionis, ventis in objectas sylvas resonantibus obnoxia, à nomine ubi ad Boream vergit, non abhorrentem, respexerunt. Scepperus, Naaniusque à *Flendzen* seu *Flaidzen* qua voce Germani sagittas denotant, nominis fontem eliciebant, quod in belli pacisque exercitiis arcus tenderent. Marchantius à multorum, aliorumque subinde ex Germania populorum adventu *Blacnzen* contracte quasi *vele aenderen* nomen fortè accepisse autumat: ut Allemanniam ab *Alleman*, ceu omnis generis virorum colluvie, Agathias in bello Gothorum interpretatur. Antonius Sanderus, quem in hac descriptione potissimum sequuti sumus, autumat Provinciam hanc vel ab æstuariis, ac flatu fluctibusque marinis, (quibus Flandrensis pagus perquam obnoxius, ac plurima sæpe gravissimaque damna perpeffus fuit:

Belgica.

adeo ut etiam, anno *clocccxl*. in agrorum censu ac venditione caveretur; ut si intra annos decem mare in ea loca exæstualet, cassus irritusque contractus esset;) vel à Flandberto Blefindis filio Flandriam nominatam. Vixit Flandbertus ille ad annum Christi *ccccxlv*. Hujus regionis appellatio latius olim patuit, complexa Artesiam, quæ postea avulsa, claudabaturque mari Oceano ac fluminibus Scaldi ac Somona. Hodie Flandriam ad occasum respicit cum nonnulla Artesiæ portione Oceanus Britannicus, seu mare Germanicum: ad septentrionem idem Oceanus cum Honta sive ostio Scaldis, quod Flandriam à Zeelandia determinat; ad ortum jacent Hannonia & Brabantia; ad meridiem denique Artesia Hannoniaque, cum parte Picardiæ occurrunt. Patet ergo in longitudinem itinere tridui à Scaldi, Antverpia ad novam fossam millia passuum *xxxiii*. Latitudo ab ortu in occasum, id est, Ninovia Gravelingam usque, tantundem ferè itineris, id est, triginta circiter milliaria complectitur. Sunt qui Flandriam olim cum Anglia cohæsisse,

*Sed loca vi quondam, & vasta convulsa ruina
(Tantum ævi longinqua valet mutare vetustas)
Disiluisse ferunt, cum protinus utraque tellus
Una foret, venit media vi pontus, & undis
Anglum Flandriaco latus abscedit, arvaque & urbes
Littore deductas angusto interluit æstu.*

Sed hoc non magis verum esse arbitror quam quæ de Sicilia & Italia, Hispania, & Africa, quidam nugantur, scilicet & eas aliquando cohæsisse: illud quidem probabilius puto, connexam aliquando cum Flandria nostra Zelandiam fuisse, & perpetuos antea fabulosos utriusque Provinciae colles anno Christi 980. intermedia fossa distinctos, jussu Othonis ejus nominis Tertii Imperatoris Romani, Galliam interfinio isto ab Imperio separantis.

Flandria, ab Oriente Brabantiam, à Meridie Hannoniam, à Septentrione Britannicum mare, ab Occidente Artesiam respicit, & inferioris Germaniæ parte comprehenditur. Flandria partim Franciæ Regibus, partim Cæsaribus fidelitatis jusjurandum dabat: partim superiorem, præter Flandriæ Principem, non agnoscebat, quam *Proprietariam* appellant. Ad Francos multo maxima Ditionis pars, Comitatus titulo, respiciebat; reliquæ puta dotis Balduino Ferreo cum Iuditha, & hoc titulo attributæ: Scaldi, Tenera, Agniona, novaque fossa & Scarpo circumscripta: Si Wafiam & quatuor Ambachta excipias; quæ licet cis Scaldim jaceant, nunquam Gallis hominum debuerunt: Hæc in *Teutonicam*, quam absolute *Flandriam*; & *Gallicam*, quam *Gallostandriam* appellamus; Liza fluvio, ac idiomate se jungitur. Translizana enim in Meridiem extensa, Gallice loquitur. Integram Carolus V Imperator, cum Fran-

M

cisco

Termini.

Magnitudo.

*Partitiones
Flandriæ.*



cisco Primo Galliae Rege Madriti anno 1526 in Octobri, & tertio post anno Cameraci in Augusto iterum pactus, perpetuo emancipavit ab omni fidei juramento, patrocini jure, supremo Imperio, ultimae cognitionis potestate, & qualicumque obsequio, quibus Franciae prius obstrangebatur: non secus ac Artesiam, Tornacum ejusque agrum: exemta etiam Gallo-Flandria ab omni retractus jure, quod ex conventione Ludovici Maleani (quoties haerede masculo Flandria careret) in illam sibi Galli arrogabant. *Imperialis* vero Flandria Alostanos, Wasios, cum quatuor Ambachtis, & Transcaldia complectitur, quam vulgo Dominatum vocant; tum quod antiquitus distinctis Dominis, ut Wasia Hollandis, Alostana suis privatim Comitibus parebant: Quatuor Ambachta Ultrajectino Praefuli, (si vera sint illius Sedis archiva) beneficium debebant; tum quod supremae cognitionis auctoritate, mero in omnibus imperio, liberiusque quam in parte Gallis obnoxia, Flandriae Comites ibi pollerent: Vnde Ludovicus Maleanus Flandriae Comitem Dominumque sese inscribebat. At *Proprietaria*, hoc est, Principi Flandriae tam propria & peculiaris, ut neque Galliae Regi, neque Caesari, neque, praeterquam ipsi, mortalium ulli subjectionem fideique sacramentum debeat, Teneramundam, Gerardimontium, Bornhemiumque cum illorum agris continet. Quae distinctiones non impediunt, quo minus ex illis membris unicum Flandriae corpus compingatur, tam in generalium tributorum Confiliorumque consociatione, quam *summarie*. Porro quod Flandria in *Occiduam* & *Orientalem* dispescitur, non tam exactae coeli positurae tribuitur, quam praecipuo usui est, ut duo Generales Canonis, Patrimoniique Dominici coactores, sub Carolo V Caesare discreti, cum antea unius id munus esset, distinctius, expeditiusque suis quaesturis perfungantur.

*Aëris ac
terre indo-
les.*

Caelum regionis totius temperatum, clementissimum autem ac saluberrimum, qua Austrum spectat. Terra passim fere plana aut collibus non difficilis, inutilisve: si qui sunt montes, aut impositis urbibus habitantur, ut Casletanus & Gheersbergius (ad quem tractum saepe Flandria intumescit) aut opportuni sunt superstructis molis sive granariis, sive oleariis assiduo vento agitatis, velut Mons Acutus, Cattorum, aliique. Neque hyemis rigore nimio exasperatur, neque aestatis fervore exurit, aëre salubri, auris marinis terrestres noxiosque spiritus eventilantibus.

Fluvii.

Scaldis.

Fluminibus lacubusque navigabilibus ac piscosis irrigua est. Sunt ea, Scaldis semel atque iterum Caesari, ut Sabis, memoratus. Is inter arces *Chastelet* ac *Beaurevoir* juxta Abbatiam D. Martini apud Veromanduos ortus, rectaque Cameracum petens, inde Bouchainum tendit, ubi Senseto amne auctus, Valencenas mox secatur, ibique navigationi factus idoneus recepto Sella amne fluit Condetum, & ejus oppidi moenia lambens, Hainaeque & Honnavii fluviorum aquis intumescens delabitur Mortaingnam, ubi cum Scarpa Atrebatensi ac Duacensi mixtus, venit Tornacum, inde Aldenardam, & mox Gandavi

Legiam, Lievam, Mouramque recipiens, sinuoso lapsu Teneramundam tendit, ubi Tenera recepto, pauloque post ad arcem Rupelmondanam, Durmam cum humili suscipiens Rupella jungit se Demeræ, & aliis è Brabantia venientibus aquis, recta contendit Antverpiam, cui portum insignem tutumque praebet, atque inde ad aliquot lapsus milliaria, & falsugine maris admixta, in duo ingentia, facto aquarum divortio, se scindit membra, duobusque in Oceanum ostiis properat. Post Scaldim maximus Flandriae fluvius Legia sive Liza. Oritur is è media Atrebatum ditone in Comitatu fani D. Pauli, juxta Abbatiam Rousséanvilleam, unde placide labens, mox pago Lisburgo ex se dat nomen; indeque pluribus receptis rivulis, Morinorum Teroanam nunc excisam lambit, inde Ariam veniens, & duobus amnibus auctus, mox Flandriae limites ingressus, ejus longitudinem Gandavum usque in duas fere partes aequales secatur, Flandriam efficiens cis & Translizanam. Aria fluit Haveskerckam, inde Mervillam, tum Armenteriam, ubi ad pagum Dulcemontium Duellam Insulensium amnem recipit, cum quo Warnestonium Cominiumque, Busbecam, Viroviacumque progressus, alluit Menenam & Halewinum, ac dulcibus aquis rigans Wevelghemy asceterium venit Cortracum, & recepto in itinere Manderam torrente sexto inde milliari, Gandavo illabitur, ubi nomen & alveum Scaldi cedit, à fonte milliaria circiter Brabantica 34. emensus. Praeter hos, minores licet, Flandriam beant fluvii, Tenera, Livia, Ipra, Aa, Scarpa, Rupela, Isara, Colma, Pæna, Durma, Manderam, Deula, & quae nuper magno Flandrorum, ac praecipue Brugenfium commodo fossa Gandavo Brugas diducta est. Habet & Flandria suas Sylvas, easque utiles valde, & amoenas, inter quas Niepa & Nonna principem locum tenent; habet nemora ex laciniis Arduennae, quam à Rheni ripis usque ad Eburones, Menapios, Nervios, Morinos, Atrebatensesque fuisse protensam, Caesar assertit atque Strabo. Ager in Flandria fertilis, sationi & agriculturae nusquam fere non idoneus, alibi vero & praesertim qua Oceano & Galliae vicinus est, raræ cujusdam fecunditatis. Cervorum etiam & aprorum, leporum, & cuniculorum, apum, variarumque alitum: Copiosa prima fert quoque exotica, ut cotonea, persica, bericoccia: Cytriorum etiam, Aurantiorum, Limoniorum, & ficuum interdum calidioribus in locis nec inops, nec omnino insuavis. Granorum, olerum, leguminumque omnis fere generis fertilis. Frumentum tamen domesticum saepe tantae multitudini non est nutriendae, absque subsidio exterorum. Butyri praestantia atque excellentia summa est in agro Furnensi & Dixmudano, de cujus bonitate cum quibusvis etiam nationibus Flandria in certamen venire non erubescat. Pascua enim uti in Flandria passim lata, ita hoc in tractu latissima, à quibus, ut dixi, Butyrum sapidissimum, caseus multiplex, ac praestans, tam vaccinus, quam ovillus; luxuries herbarum, abundantia fœni, ac probitas graminum tanta, ut ad opimandos boves, aliaque enutrienda animalia, paucae comparari, nulla ferere per

*Legia, sive
Liza.*

Aria.

*Minores
fluvii.*

*Flandriae
Sylvae.*

Soli fecunditas.

Ferae.

Fructus.

re per circumvicinas regiones ditio Furnensibus, Dixmudanis & Loensibus pascuis anteferri possit. Quibus non immerito jungatur ad occidentem Boreamque obversa Franconatum terra, tam fortunata ac benigna animalium parens ac nutrix, ut pulli equini ex vicinis regionibus quotannis eo delati ab equisonibus, pabuli bonitate atque aëris suavitate ex strigosis & macilentis pingues fiant ac generosi. Et quos ille tractus producit equos, ut ad ferendam panopliam robusti, ad aratra & alia onera fortes, ita forma insignes; & quamvis obesiores aliquanto, crassioresque, citi tamen ac pernices sunt, multique ad nothos illos Hispanienses proxime accedunt. Ovis quoque tanta hic fecunditas, ut unâ fecurâ sapius quinque vel sex enitantur, tres aut quatuor fere semper, Furnensi nimirum Castellaniam, ubi ea vulgaris, in cetero pene Belgicâ tractu incomperta. Alit & Flandricus ager animalia domestica varia saporis delicati & exquisiti; nec desunt aves cum aliâ innumera, tum Phasianis, Perdices, Pavones, Ardeæ, Ciconiæ, Anates, Anseres, Sturni, Turdi, Columbæ. Ex Oceano alluente, ex fluminibus, & lacubus magna omnis generis piscium copia, tam indigenis, quam Artesiis Hannonibusque suppeditatur. Sed & urbium pagorumque numero, situ, & opulentia nulla Belgii Provincia Flandriam antevertit. Etenim si actio per Ludovicum Guicciardinum censui subscribimus, Flandria, oppida partim muris faxeis cinctâ, partim illis destituta 62, pagos 1154 comprehendit: qui pagorum numerus verisimilior erit, si dynastias plusquam ducentas quinquaginta, pagis inclusas templi communione, jurisdictione separatas, pagorum nomine vestias. Quantum vero reliquas præverit Canonis Dominici aliisque emolumentis annuis, palam est ex regeſto Ipris asservato: ubi videre est, quomodo Maximilianus Austrius, statim post aditum per uxorem Belgii Principatum, ut indicaret Belgii Ordinibus dotatium reddituum decrements, demonstrat ad Carolum focerum anno 1475 liquide pervenisse; ex Burgundiæ Ducatu Comitatuque junctis 27 millia 40. lib. Turonens. ex Brabantia 12. millia 754. Luxemburgo 1180. Gelria 13. mill. 883. Hollandia 14. mil. 300. Zelandia 2685. Artesia 17. mil. 683. Hannonia 12. mil. 199. Namurco 5936. Ex Flandria autem 42. mil. 390. rediisse. Præ ceteris etiam Belgii regionibus, à Principibus Belgicæ & culta & honorata fuit. Quum etenim Aurei Velleris comitia maxime nobilia sint atque solemnia, nunquam alibi toties habita esse non ambigitur. Nam in aliquot Belgii provinciis nunquam: in Hollandia, Zelandia, Utricesio, Tornaco, Burgundia & Hispania semel. In Artesia bis & Hannonia. In Brabantia quater. Verum in Flandria & primum instituta sunt, & septies celebrata. Omnesque ferme Belgii Principes Burgundici nominis, ac imprimis Brugis Carolus Audax cum Margareta Anglicana tanto apparatu, ut Barlandi & aliorum testimoniis, nihil à condito ævo sol viderit eo splendidius, & ipse Maximilianus Austrius nuptiarum suarum festa hic potius quam alibi exhibuere.

Belgica.

Porro quod ceteri Belgæ in Flandriæ nomen apud Italos, Hispanos, Gallos, multosque alios usucapione tranſierunt, & Nobiliore omnes censetur nomine Flandri, pervulgatum est, neque prætermisſum vel Ambrosio Calepino, scribenti Flandriam esse Germaniæ regionem ad littora Oceani Septentrionalis, habentem varios populos veterum Cimbrorum; vel Francisco Guicciardino, Pauloque Iovio, Historicis Belgicam Flandriæ voce designantibus. Neque illud magnopere mirandum est: nam, ut omittam emporii Brugensis, à totius fere orbis mercatoribus, præterquam Iudæis, olim frequentati ac cæterorum luminibus obſtruentis, celebritatem; ut ſileam quoque bellorum à Flandris domi, in finitimos, in Gallos, in Constantinopolim, in Saracenos hostes & Mahumetanos in Oriente geſtorum; quorum etiam Annales Græci Zonara, Choniata, Gregoræ sæpe meminerunt, famam longiſſime propagatam; certe Germaniæ inferioris, regnorumque deinceps ipſi annexorum veluti compages, ſuam Flandris baſim non temere debet; Margareta Tertia Malenſi, Flandriæ, Artesiæ, Burgundiæ, Nivernii, Retheliique Comitatus, Mechliniam, Antverpiamque, & certum in Brabantiam, terrasque Transmoſanas ſuccedendi jus Philippo Audaci in dotem adferente.

Marchantius, rerum Flandricarum poſtremus & accuratus ſcriptor, ſic mores Flandrorum fere deſcribit: Gens *Flamingorum*, inquit, moribus eſt, ex Germanica gravitate, & alacritate Gallica temperatis: totam aut ſervitutem, aut libertatem pati neſcia: ædificandi eleganter & commode, curioſa: interſtitio parietum metiente longitudinem cantheriorum, in culmine ſic conjugatorum, ut angulos faciant acutos ad juvandum pluviarum præcipitium, ventorumque impetum extenuandum: domeſtica ſuæ ſupelleſtilis copioſa, veſtitus apti, ſumptuoſi & variabilis, culinæque in longum tempus, bovina, porcinaque ſalitis, providendæ, ſtudioſa: manu prompta & bellicoſa, niſi opibus luxuque enervaretur: nativo & exotico ſermone diſerta, artium capax: neque, ut quædam fruges, degenerans, imo permatureſcens in alieno ſolo, cunctis ſeſe nationibus facillime accommodans. Pictura, ſculptura, agricultura, cæterisque artibus manuariis, ac Muſicorum acri dulcique norma effloreſcit. Innotuit tum ſuis, tum fere totius Europæ foris, equorum præſtantium, boum optimorum, butyri ſapidiffimi, halecum, aliorumque piſcium apte ſalitorum mercimoniis: telarumque partim linearum, varietate, candore, ſubtilitate, & quaſi ſoſculis; partim Xylinarum, quas Arabes Bombaxinas vocant, diverſimodis textrinis expetitis, ſericisque textis non omnino contemnendis: partim pannorum laneorum tum denſorum, tum levidenſium textura tincturaque proba, & ubique terrarum jam olim laudata, cæterisque mechanicis artibus ingenioſis ac laborioſis. Aulæorum denique tapetiumque artiſciis & velut picturis admirandis. Viri ſunt ſtatura decenti, vultu flammeo, ingenioſque ad omnes ſcientias & diſciplinæ appoſitis. Plerumque aperti, promptumque

N

vultu

Nomen
Flandrorum
cæteris Belgis
commune.

Populi in-
genia &
mores.

Virorum
mores.

Equi.

Oves.

Aves.

Pisces.

Oppida.
Pag.Comitia
Aurei Velleris.

vultu cor gerentes; sanguinis enim spirituumque motu genuino fit, ut cito & virtutis purpura erubescant, & aliis perturbationibus commoveantur: at humidior corporum calore efficitur, ut ad accipiendam, & deponendam offensionem sint molliores: Symposiis mutuisque invitationibus gaudent, & incallescunt, sæpe ad ebrietatem, rixasque, sæpius ad benevolentiam ineundam, aut recuperandam, ceu caristiis & philothesiis efficacibus, usque adeo ut illis gravissimæ simultates cædesque datis mutuis dextris obruantur, & absque illis nulla reconciliatio firma sit, & velut sigillata. Non abhorrent à subitariis conflictibus, longius absunt ab homicidiis præmeditatis: quæ, nisi tutelæ inculpatæ necessitate eluantur, cujuscunque modi sint, supplicio non eximuntur, nisi vel fuga, templorumve asylo, vel Principis condonatione, occisique proximo consanguineo transactione, & supplici ingeniculatione placato. Vinum, licet uvas maturas habent, aliunde accipiunt magna copia & diversitate. Vinique ad imitationem, largissime conficiunt siti ac hilaritati, ex melle aquato coctoque, Medonem: aut ex pomis & pyris contusis expressisque: Siceram, juxta ac Byriam, sive cerevisiam; quam non esse tam aspernabilem, ut Byrrhiæ Terentiano relinquenda sit secundum Andream Lacunam Medicum Hispanum; sed salubritate, robore, & forma, bibentes imbuiere, Manardus Italus insignisque Medicus asserit. Hæc, velut Cereris vinum; communis gentis potus ex hordeo avenaque madidis, dein torrefactis, triticeo farre, lupoque salictario commixtis, in aqua concoquitur. Improbam mendicitatem plurimi Magistratus excludunt: senio, morbo, vitiove corporis laborantem, admittunt: Civium tenuiorum liberos orphanos ex publico alunt, vestiunt, literas aut opificia docent: Alienigenas Xenodochiis recipiunt, validos unam noctem, ægros quoad revalescant. Pecunias in usuras expendere infame; sed ne otiosæ maneat, fundo hypothecæ opposito, neque luendo nisi debitoris arbitrio, servatur usura semissis; excepta Mercurii prole, in amplis emporiis mercaturam faciente, cui plus licet, aut lubet.

Fæminarum mores.

Fæminæ pari fere colloquiorum conviviorumque virilium familiaritate atque pudicitia, formæ, sermonis, amictusque suavitæ, æconomia procuratione, solertique labore commendantur. nam aut pensa trahunt, aut rotula versatili in cannas fila agglomerant, aut pepla spectabili arte consuunt exornantque, aut lineas vestes ad solem, undarum aspergine, candore inficiunt; aut ruri, lacti emulgendo, butyroque extundendo, versandove, & formando, aut caseo coagulando comprimendoque operantur. Literarum formandarum, rationumque subducendarum, præsertim in oppidis non imperitæ.

Mensuræ.

Mensuram gravitatemque justam minus hic desideres, quam earum æqualitatem consensumque, sive res siccas liquidasque, sive terras metiamur. Granariæ mensuræ passim differunt nominibus juxta ac vasis menforiis. Vlna Brugenensis 28 pollices longa, nunc duobus, nunc uno pollice

Gandensem superat: è diverso Gandavi 28 sextarii vini, aliorumque liquidorum, implent Bruga 29. Milliare perticas sive virgas Geometricas 1400, virga pedes 14 efficiunt: quamvis virgæ terras demetientes in Flandria Meridionali variant. Neque in pedum longitudine concors ubique symmetria est. Gandavi enim, Bruga, Ipræque, & pluribus in locis quisque pedum pollices undecim: in magna parte occidua, Boreæque obversæ Flandriæ, decem tantum constituit. Nec in ponderibus æquilibrium est: *Pondera.* ubique enim libra uncias quatuordecim explet, præterquam Bruga, aliisque paucis in locis, ubi sedecim unciarum est: communi libra quibusdam in mercibus Bruga non exclusæ. Quæ varietates & inæqualitates tolerantur, quia inveteratæ, atque mercaturæ ejusque subtili & quæstuosæ Arithmeticæ sunt sustinendæ. Libra pecuniaria, licet discordiam ponderis non admittit, utpote certis normis legibusque restricta, *Numisma.* diversas computandi voces, modumque non recusat. Guldi sive aurei, libræque Turonenses sex, libras Parisiacas duodecim; scellingi viginti, libram Flandricam constituunt, quam grossorum vocant, quorum bini stuferum, ducenti quadraginta libram illam efficiunt, exacta ad genus ponderis, quod Trojum Campaniæ dicunt, ubi libra duas markas valet; marka octo uncias, quæ Romanæ libræ beſſis erat, libripende. Auctiones, hoc est, publicæ rerum privatarum venditiones, aliæ auctore, præsentemque iudice fiunt, aliæ non item: sed hæc ordinariam solam actionem, illæ paratam executionem, manusque injectionem adferunt, in non solventem tempestive debitorem. Exercentur autem utraque diversis locis, diverso modo. In quibusdam enim bona venalia addicuntur propositum à præcone pretium augenti, & plus cæteris offerenti; unde auctionis nomen: In aliis vero præco institutum à se pretium tamdiu gradatim dimittit, donec ex circumstantibus emacibus quispiam indubitate acclamet, meum est, quod vernacule vocant *mijnen*. Quo genere auctionis piscatoria fora, mari proxima, in distrahendis primo appulsu piscibus potissime utuntur. Adde inventam telarum pannorumque, tum *Lanificium.* texturam, tum tincturam, Iprensam illam & Cortracensem; quam excogitavit sibi Flandricum illud ingenium; & primum Britannis eam arte celeberrimis populis tradidit. Adde aulæorum tapetiumque, sive Gandensium, sive Brugenium, sive Viroviacensium mira artificia, & quasdam quasi picturas admirabiles: sine quibus nullæ domus, nullæ aulæ, nulla palatia, nulla divorum templa ornata esse putantur; Quibus, quocumque illa per orbem deferantur, Flandrorum opificum singularis industria, & nomen quasi inscriptum legitur. Atque ex hoc *Linificium.* utroque genere, quid Cortracena in urbe primo excogitatum à Flandris, ad hominum stuporem dicam; ut panni linei textores illi ingeniosissimi, elegantissimas non simplices modo, sed belluatas, sed quarumvis rerum figuris & varietate, vel aulæorum vel picturarum simillimas telas, non acu, non penicillo, sed radio suo contexant? Atque his artificiosissimos lignicidas,

Leges.

Auctiones.

Lanificium.

Aulæ.

Linificium.

gnicidas, lapidicidas, Architectos subjungeret infinitum esset: architecturam unius Petri Couckii Alostani opera jam demum omni numero completam esse, satis est vel indicasse.

Leges.

Legibus, inquit Marchantius, Flandri fere utuntur municipalibus, & cuique oppido ac Castellania assuetis, tam in judiciis, quam in familiis heriscundis, & ubi illæ defunt, Iustineaneis. Peculiare hic est quod ad imitationem Senatusconsulti Orphitiani, nullus ex matre notus perhibetur, hoc est, nemo ob illegitimos natales materna hereditate privatur: unde ne illustis quidem foemina concubinae liberos Flandriae leges eximunt: nisi illis statutum municipale à Principe sancitum deroget. Quemadmodum Cortracenses ad annum 1557, & sexto post anno Gandenses à successione materna liberos adulterio, aut incestu natos, excludere. Etenim anno 1532, Provinciale Flandriae Concilium sententiam tulit, ut notho in feuda matris successio competere, cum Privilegio ætatis sexusque, etiam extantibus legitimis. Et anno 1573, Bergæ S. Winnoci Magistratus ex consilio nostrorum Iurisperitorum decrevit, ut filia sacerdotis hereditate matris non excideret. Durum, nec à lege Iulia de vigesima hereditatum apud Romanos, cujus vigesima hereditatum, legatorum, causa mortis donationum, ad extraneos devolutarum, vigesima ad fiscum pertinebat, alienum est Ius Isuarum, exitusve, quod appellant, quo hereditate civis non civi delata, etiam filio fratrique, urbium curatores ex ea decimam bonorum non feudaliū, in publicum vertunt: & quo nemo in alterius cujuscunque urbis aut Castellaniae Ius corpusque cooptari permittitur, præterquam decimis, eo quo diximus modo, persolutis Magistratui loci à cuius Iure, & quasi complexu disceditur, nisi ea societas locorum contracta (quam Hansam vocant) interveniat. Quod ex iis exemplis est, quæ aliquid ex iniquo habent, quod publica utilitate compensatur: quod tributum Plinius secundus extraneis dicit esse tolerabile, domesticis grave: itaque his remissum, ne lacrymæ parentum aut filiorum sint vestigales. Videtur enim primitus invaluisse ad alendam frequentiam populorum in suis sedibus & ad familias ibi conservandas, velut Israëlitis bona filiasve extra tribum transferre non licebat. Testamento supra tertiam, bonorum quibus feuda continentur, partem legare Flandriae leges prohibent; exterisque ad Magistratum hic gerendum accessum, ex Caroli Quinti Caesaris anno 1555 sanctione; illis nimirum, qui à se Flandros excludunt. Utuntur jure sistendi, manusque injectione tam in personas, quam bona eorum, qui cives non sunt, incipientes, contra juris civilis præscriptum, ab executione: quod mercatorum peregre venientium commoditas introduxit. At peregrinis licet in Flandria adire hereditatem sanguine conjunctorum: quod in Galliis, Anglia, Scotia illis nefas est, ubi Principes, quo jure, quave injuria, Albinagii, morientium ab intestato, nullisque ibi liberis relictis, exterorum bona occupant. A sententia in corpus capitali, omnique interlocutoria civili, re-

parabili in definitiva, Magistratus etiam inferioris, frustra hic provocatur.

Lingua est Teutonica, ceteris Germanis germanisstantibus communis, quam eruditissimus Goropius Cimbricam, vetustissimamque dicit, & artificio humanique ingenii præstantia omnibus præferendam, atque ad sensum animi indicandum Transrhenana faciliorem, promptiorem, suaviorem: neque non quam reliquas linguas aptiorem ad quamvis cujusvis idiomatis profundam accurate imitandam.

Incredibilis fuit erga Comites suos Flandriae observantia, quæ illos adeo sibi omnes devinctos habuit, tot immunitates impetravit, tot prærogativas, tot exemptiones; ut filiorum quorundam charissimorum loco habiti semper esse Flandri videantur: ut maxime, Terra Franca seu Franconatus vulgo *het Wyde* / inde nomen illud eximium sortita est, quod tanta, quanta hodie fruitur, personarum, possessionum, actionumque publicarum libertate donari meruerit, ob plurima tum officiorum in Principes varios, tum subsidiorum genera in Brugenles ipsos, dum forte annona laborarent; &c.

Flandriae Respublica tria genera, sive ordines complectitur qui Status vocantur: quia in illorum auctoritate consiliisque salus publica statuitur, & statis subselliorum ordinibus distinguuntur, nimirum Sacerdotium, Nobilitas, Quatuor membra. Sine quorum assensu, neque pecuniam subsidiariam Comites olim exigebant, neque bella suscipiebant. Et populum quidem hæc libertatis species, quum tributa postulantur, adhuc consolatur: Principi verò moderate imperanti nihil detrahit. Horum autem Statuum comitia indicuntur scriptis à Principe, aut ejus nomine à Concilio Flandriae litteris ad Antistites, Optimates, & urbium Magistratus: ut illi nominatim evocati & Magistratum delegati præfixo loco, dieque convenient; Comitibus, aut ejus Vicarii voluntatem audituri, & post aliquot dies, utrimque præfinitos, ubi domi deliberatum fuerit, responsum relaturi. Ita de Ordinibus universim Marchantius. Eundem nunc particulatim de classe status Ecclesiastici audiamus. Cum Flandria, inquit, Galliis innixa Constantino Magno, ejusque posteris paruerit templa Idolorum occludentibus, Christique propalandi cupidis, semina Christianæ religionis hic depacta fuisse non abs re existimatur. Quod annalibus etiam probari potest, asserentibus Victorico Fuscianoque Morinis Teroanensibus Christum annuntiassse, ac Piatonem & Chrysolium, illum Tornaci, hunc Cominii prædicationem Evangelii Martyrio obfignasse sub Diocletiano Augusto, qui circiter annum 285 ad Imperium pervenit. Neque ambigitur, quin Eleutherius circa annum 484 Episcopatum Tornacensem administraverit, & Agricolaus ex custode Flandriae seu Ardennatis Sylvæ, cui partem Nervia faciebat, genitus teste Ioanne Placentino, à Synodo Aurelianensi in Episcopum Tungrorum ad annum 512, Divi Remigii suffragio electus sit. Verum seges boni seminis videtur tam aruisse aut delituisse, ut ejus initia illustria, & ex proventu consideranda ad Aman-

Lingua Flandrorum.

Eorum erga Principes suos observantia.

Ordines Flandriae.

Status Ecclesiasticus.

dum

dum ejusque socios deducantur. Amandus Aquitanus Tungrorum, Eligius Lemovix Novioduni, & Audomarus Constantiensis Teroanæ Morinorum Episcopi cum Levino Scoto Hybernæ Antistite Flandros pro falso Mercurio (quem plurimi venerabantur) veri sincerique Mercurii, hoc est paternæ mentis ac voluntatis interpretis cultu imbuerunt, Ecclesiæque Romanæ ritibus circiter annum Servatoris nostri unici sexcentessimum trigesimum: unde Flandrorum Apostoli denominati sunt. Tanto proventu sanctimoniam, ut multi in Flandria nati ob virtutum celebritatem, vel inter cœlites fuerint à Romanis Pontificibus indigitati, vel ut indigarentur, promeriti. Et post pauca: Ex hac Religione, anxioque Salutis æternæ desiderio, & hinc orta profusa liberalitate, scaturiit sumptuosa magnificentia templorum, amplitudine, fenestris vitreis, picturis, statuis, vestibus pretiosis, organisque pneumaticis (quæ Pipino primum à Constantino Græcorum Imperatore missa feruntur) ingentibusque in turribus, Campani aris vasis, ornatorum: atque inprimis hierarchia Ecclesiastica varia & opulenta: quæ primum inter Ordines Flandriæ confessus classem obtinet, tum propter dignitatis, tum ob reddituum ex possessionibus ac dynastiis numerosis amplitudinem: distincta in Episcopatus, Abbatis, Præposituras, Decanatus, aliosque honores Collegiorum Canonicalium. Episcoporum nulli Flandria præterquam Noviodunensi per Ioannem Octavum Papam, anno 879. illi adscripta, principio addicebatur. At postea diœceses & iurisdictiones quinque illic Episcopi exercuerunt, Tornacensis nimirum atque Teroanensis: Ille à Noviodunensi disjunctus, atque sibi postliminio restitutus per Eugenium Tertium Papam anno 1146. Theodorico Alfatio impetrante: Hic Teroanæ vetustique Comitatus Alkini dominatum anno 1156. Ludovici Septimi Gallorum regis beneficentia adeptus, & sese Morinorum Episcopum semper inscribens. Quibus primaria & latissima Flandriæ pars Comitatus titulo insignita obsequebatur. Atrebatensi Duacum subest, Armenteriaque. Qui ad annum 1090, à Cameraceno separatus per Vrbani Secundum Pontificem rogatu Roberti Hierosolymitani, & ex nata de successuro Episcopo controversia inter Canonicorum Collegium & Henricum Quartum Cæsarem Vrbano odiosum. Cameracensi Flandria Imperialis & proprietaria parebat. Vltrajectino quatuor ambacta subdebantur: quod modico angustoque undarum interstitio tunc à Zelandis disparata per Willibrordum Clémentem Vltrajectinum Antistitem, circiter annum 691. initiata fuerint ritibus Christianis. Horum omnium in Flandria potestas atque iurisdicção, usque ad annum sexagesimum primum supra millesimum & quingentesimum perduravit: quo tempore sub Philippo Regum potentissimo, illis prætermisiss & per Pium Quartum Papam restrictis, ac quoad Flandriam exauctoratis, Flandria Teutonica Episcopis, quorum nominatio in arbitrio Flandriæ Principum est, Gandavi, Brugis & Ipræ institutis, sedesque collocantibus, suis cuique

Episcopatus
Flandriæ.

limitibus à Pio Quarto præscriptis, obtemperat, præter Alostum ejusque Terrenum, quod Archiepiscopo Mechliniensi: Cortracum ejusque Castellaniæ magnam partem, quæ Episcopo Tornacensi adhuc; & Casletam. Burburgiique tractus portionem non exiguam, quæ Episcopo Santodomarensi obsequitur. Episcopis aliquot Archidiaconi, plurimique parochialium Curionum Decani succenturiantur & obediunt. Quæ vero Abbatias, Prioratus, Præposituræ, alia sacra seu virorum seu mulierum per Flandriam sint hac ætate Collegia, nimium esset hoc loco recensere. Cæterum primarum omnium Sacerdotii functionum dignitatumque nominatio atque dispositio ad Principem regionis; confirmatio vero & expeditio ad Pontificem Romanum pertinet. Neque status Flandriæ Ecclesiasticus oneribus regalibus, aut ullis sanctionibus Ecclesiæ Gallicanæ unquam obstrictus fuit. At Sacerdotibus olim sive intestatis, seu testamento facto morientibus, in semissem, aut (si aliis credimus) assem bonorum mobilium Comites succedebant, usque ad Robertum Frisium: qui licet idem usurparet, assereretque sese jure suo utentem, nemini injuriam facere; jus autem suum, antiquo continuoque usu majorum suorum niti: tamen hoc illis onus remisit atque servitutem, excommunicationis metu & Urbani Secundi Papæ anno 1091. Roma datis litteris perturbatus, præsertim hisce earum verbis: *Scire debes Creatorem tuum dixisse, Ego sum veritas, non autem usus, vel consuetudo.*

Nobilitas secundum sibi in Statibus Flandriæ occupat locum. Nobilium vero alii Baronis, quidam Toparchiis, alii muniis feudalibus, hæreditariisque insigniuntur. Porro præcipua vexilla militaria erigunt Barones, quos nos *Barones* ^{Baronie.} *heeren* seu Bandæ Dominos vocamus: Procopius Bandophoros Romanis ait nominari; unde Banderi ditio sive Baronia obligata erat ad sequendum illud signum quo Dux Bandæ jussisset: quales Baronia sunt Pamele, & Heyne: Boulaere cum Cifonio, quæ quatuor Flandriæ insigniores Beræ sive Baronia jam olim vocitantur. Sunt & alia hoc titulo insignia in Flandris loca. *Nevele, Scoorisse, Winendale, Bevere, Rode, Praet & Woefstine, Haveskerke, Maldegheem, Poucke, Ingelmunster, Rasseghem, Ghistele, Busbeque, Lidekerke, Rotselaer, Ronse, Maale*, quæ Principum aliquot Flandriæ domicilio, deliciisque ac natalibus splendida, & cum Zizela in Baroniam erecta, nunc possidentur à Ludovico Lopes Gallo. Ad Toparchias vero quod attinet, sive oppidorum pagorumque dominatus, unde nobilium familiarum cognomina derivantur, aut asluuntur, sæpius cum ingratitudine quorundam, qui hisce splendidioribus genuina majorum cognomenta supprimunt, tanto numero sunt, ut citra tedium lectoris exiginequeant ad libripendem. Pene omnes autem beneficium possessionis, & quasi animam, motumque accipiunt ab aliqua feudalium Comitum curiarum, consuetudinibus sæpius inter se dissidentium; sed in hoc convenientium, quod beneficiarius fidelitatem juratus, & sic possessioni actorumque registris ascriptus, alienare feudum suum neutiquam potest, nisi vel Principis, vel proximi

Nobilitas
Flandriæ.

Baronie.

Toparchie.

proximi hæredis assensu, vel inopia juramento testificata apud curiam, unde feudum pendet, decimisque nummorum ex alienatione provenientium Ballivo Curiae perfolutis, aut in novis successionebus proventu anni trium proxime antecedentium copiosissimi: aliisve juribus, ex formula feudali representatis. Feudorum hæreditas ad primogenitos adfluit: si trientem excipias secundo loco natis, si velint, accedentem, modo suam, in non feudalibus, ratam primogeniis deferant. Nefas est Toparchis, quocunque titulo & jurisdictione polleant, subditis suis tributa imperare, nisi volentibus, Flandriaeque Principis assensione. Sunt & qui dicuntur Vassi, & Vassalli, quorum illi superioris, hi autem inferioris ordinis clientes sunt. Porro Curiae feudales

Curiae Feudales.

Comitis hac nomenclatura insigniuntur: Vetus Burgus Gandensis; Burgus Brugenensis, Furnensis, Sala, quod atrium denotat, Iprensis, Castellum Cortracense, Curia Casletana, Harlebecana, Bellana, Tiletana, Ghiselhuza, Burburgia, Petra Aloftana, Aldenardia, Bergana, Domus Teneramundia, Deinzana, Terrenum Wafium. Est autem incredibilis numerus varii ponderis feudatiorum ab aliqua illarum curiarum immediate dependentium: unde Comes (ubi vel alienatione, vel hæreditate transferuntur) tam pecuniaria emolumenta, quam diversi generis operas militares, aliaque servitia ex formula (quum opus est) percipit: quibus Valvasoribus hoc prærogativæ est, ut ubi Magistratus Scabinorum in reos gladio animadversurus est, bini illorum, quasi Comitis vice interesse debeant.

Camera legalis.

A primariis beneficiis moventur secundarii, & ab his vicissim alii infiniti. Curiis Comitis feudalibus, cæterisque omnibus feudorum matricibus, præest Camera legalis, unde beneficium & investituram absque medio recognoscunt omnia feuda ex corpore Flandriae avulsa, dotationique, cognationi, aut familiae Principis herciscundæ, concessa.

Munia feudalia.

Munia feudalia & hæreditaria, quibus nobiles illigantur, & illustrantur, vel jurisdictioni consilioque Principis: vel rei militari terra marique gerendæ: vel Dominicis rationibus redditibusque procurandis, vel aulae ministeriis destinantur. Inter primos eminet Flandriae Cancellarius. Quæ dignitas perpetuo adfixa præpositurae Collegii Canoniceorum S. Donatiani Brugenensis nunc ab Episcopo possessæ, majoris olim functionis ususque erat, ante Principum tanta incrementa, erectumque Flandriae Concilium. Emicant dein Burgravii, quibus in Burgorum arciumve, judiciorum publicorum & custodiarum, moderamine, additis prærogativis, multarumque pro rata, quæ plerunque triens erat, commodis, vices suas Comites permittebant: unde aliis Vicecomites nuncupantur. Gandavi nimirum, Ipræ, Alofti, Feurnæ, Bergæ, Harlebecæ, Burburgi, Neoporti, Rousselariæ. Illorum vero ingentem antiquitus fuisse auctoritatem, ac administrationem, quæ jam pridem ex prærogativa militari, in civilem jurisdictionem commutata est, hinc manifestum est, quod Philippus Roberti Comitis Frisii filius, Ipræ Burgravius erat, atque vocabatur. Burgra-

Belgica.

viorum quoque, qui & Castellani, & Vicecomites vocabantur, non eadem ubique præeminentia & jurisdictio est; sed per Comites pro meritis aut imminuta, aut amplificata. Militiæ præerat Conestabilis; quod vocabulum genuinum nobis est, diciturque **Coninckstapel**: quasi columnen regis ejusque statum conservans: neque hic deerant Almyralus, cui maris, rerumque maritimarum suprema cura incumberebat; neque Mariscalcus, à peritia totius artis equestris ita dictus & Seineschalcus. Prima dignitas Genti Meluneæ Antomianæ: secunda Hugerflusiis, tertia Mariscalcorum Zoeterstediis, ac Vichtiis cessit: postrema domui Wauriniæ. Illorum verò militarium officiorum titulus familiis illis plerisque mansit, functio decessit. Ad Dominicas rationes procurandas pertinent Quæstores, sive receptatores feudatarii, Spicariæ, Vaccariæ, Lardarii, Bre-vium, similiumque Principis Canonum proventuumque: quæ tributa sunt agrorum perpetua, & possidenti inevitabilia: spicarum, hoc est frumenti & avenæ, vaccini Casei, & lardi, nummorumque culinæ Comitis importanda. Sed jam pridem pretio pecuniario, per Insulense computationum conclave singulis annis varie statuto, illa alimentaria redimuntur. Hac in classe quæstoria emicant, Præpositus D. Donatiani, ob eam dignitatem, quæ amplissimæ potentia est, atque hæc familiae Croy, Walle, Beer, vander Eycken, Vtenhove, Zomergheem, Illustres fuere: ob spicarias Cortraci, Harlebecæ, Furnis, Dixmudæ, Alofti, Rupelmondæ; Nivvers, Claerbout, Ghent: ob breves sive litteras, de Lokeren, Maldegheem, Atren; Noyelles, van der Burch, Scott ob Lardarium Brugæ, Furnis, Bergæ: Laurin ob Vaccariam Furnensem. Aulae Ministeriis præficiebantur, Magnus Magister domus sive œconomia: Camerlingus, cubiculo ejusque ornamentis: Pocillator poculis Principis præpositus: ille Armen-tariæ, hic Aldenburghi, & Merkem, tertius Ledæ Comarchus. Venationum vero aucupiique præfectura, atque Watergravia, nulli familiae affixa munera, pro libitu Principis conferuntur. Prima per Balduinum Securiculam, ut nobilium de venandi jure, limitibusque altercationes præcideret erecta, cervos, aprosque; quod cæteris severe prohibetur; lepores, cuniculosque retibus, canibus, viverrisque venatur & insectatur: quod posterior nobilibus venationi assuetis liberum est, aliisque si præfectus assentiatur, qui præter alios fuit ante annos aliquot è Montmorentia stirpe Baro de Croisilles magnus Brugæ, Terræque Francæ Balivus, post eum gener Middelburghi Comes, nuper Dux Arscotanus, Arenbergæ Comes è Ligniaca & Croja domo Princeps egregius. Obtinet autem potestatem eos apprehendendi, qui in leges venaticas committunt: & ex duorum Comitis beneficiariorum sententia castigandi. Neque aucupium Phasianorum, Buteonum, Ardearum, Perdicumque concessum est, præterquam nobilibus illi deditis, aut à præfecto Falconum Principis, facultatem prece, vel pretio impetrantibus. Watergravia magisterium præcipuamque curam in lacus fluviosque exercet, contra hos præsertim qui cygnis Principis nocent, ova, nidos, pullos rapiunt, aut ibi olores

Conestabilis Flandriae. Admiratus.

Mariscalcus.

Quæstores.

Aulae Ministeriis præficti.

Venatio.

Venationis præfectus.

Aucupium.

Watergravia.

Equestris
dignitas.

nutriunt, citra ipsius Watergravii voluntatem: qua in functione jampridem fuit Ludovicus Blaserius Eques, post illum filius, & modo nepos Ludovicus itidem Blaserius eques, Idewalli Dominus, vir Patricius & Consularis Gandavensis. Balthei equestris Riderorum sive equitum, qui à calcaribus aureis aliisque ornamentis attributis, aurati vocantur; decus pro virtutis sagata, & sæpe togata hostimento à Principe indulgetur: humero lævo ense nudo perstricto, additis verbis solenni more conceptis: tanto splendore, ut hominibus novis, eorumque posteris nobilitatem adjiciat, nobilibus augeat. Quin vero nobilitatis dignitatem inprimis dilatavit Balduinus Pulcrobarbus: nam equestris aurataque militiæ prærogativis, ac distinctarum Comarchiarum titulis, emolumentisque plurimos honestavit: Illius exemplo posterius nobilitatem amplificaverunt: quæ in Flandria numerosa existit, utpote quæ sub Principibus generosissimis Europam, magnamque Orientis partem armis pervagata est, multisque honoribus fruitur: studium pecuarium agrorumque cultum à professione sua non eliminat: mercaturam, opificium, artificiumque manuarum dedignatur, ad exemplum Germanicæ, Gallicæ, Anglicæ, & hodiernæ Romanæ nobilitatis: nullam tamen immunitatis præminentiam, ut in Gallo-Flandria, vicinaque Artesia & Hannonia, ex sese gignit, pari cum cætero populo, tributorum, indictionum, vectigaliumque onere vivit: prudenter sanè atque circumspectè, ut multitudinis tumultuosæ & quæstu inolefcentis, nobilibusque ferè semper obtrectantis averfionem turbasque, ea velut symmetria mitiget atque æqualitate.

Classis qua-
tuor mem-
brorum.

Præcipuam in Flandria, aut verius reipsa omnem jam auctoritatem potentiamque obtinent quatuor Regiones: Gandavum, Bruga, Ipra, Terra Franca, ceu Tetrarchia, quæ quatuor membra vocantur: quia instar corporis membrorum ad Reipub. validam compagem, directionem, functionemque sub Comite, velut sub Capite in primis adhibentur. Quod quatuor partium æquilibrium Terræ Francæ associatione sub Philippo Bono ad Annum 1437 cœpit in usu esse: quum antea in tribus illis urbibus, Tripoliticus statuum gradus stabiliretur. Cæteræ urbes & Castellaniæ, etiam si Magistratus suos, leges, ærariumque seorsim habeant, tamen cum in commune vel consulto vel tributo, vel milite opus est, illorum quatuor subadjuvæ sunt, atque subsidiariæ, eorumque in generali ordinum Flandriæ, vel Belgicæ conventu decretis, reliqua Flandria obstringitur. Nam in universalibus quidem Flandriæ Comitibus, Sacerdotii ac Nobilitatis procures, Magistratuumque cæterorum delegati, una quidem consultant, sed quatuor Membra auctoritatem sibi vindicant; & in generali totius Belgicæ conventu, sola, Flandriæ corpus repræsentant, & in rebus majoris momenti non consultant modo, sed etiam definiunt atque decidunt. Porro singulis illis membris quædam oppida, & Castellaniæ subcensentur, hoc est, postulatam additamque Principi pecuniam sub illis pro rata conferunt, arma & confilia publica consociant: subjectionis cæterà im-

munes, licet quædam jus illinc petant relatione, unde illis membris auctoritas gliscit, & Principi compendium rerum expediendarum: quum ante Artesiæ à cætera Flandria divulsionem Atrebat, Gandavi, Brugis, Ipræ, Santodomari, Lilæ, Duaci-que scita reliquos præcederent, atque devincerent. Quæ res sub Gulielmo Normanno, quum de illius rejectione anno 1128. ageretur, exemplo claruit. Et post illam disjunctionem, prius quam Gallo-Flandria pignori Francis opponeretur, Gandavi, Brugæ, Ipræ, Insulæ & Duaci conjunctio, auctoritasque eminebat: quod Guidonis Dampetræ sanctione manifestum est, jubentis, dum inter Comitem & quampiam illarum urbium de intelligentia alicujus Privilegii controversia oriretur, ut judicium ad cæteras quatuor, litis non consortes pertineret. Singulis autem quatuor membrorum, à bonorum confiscatione exemptio competit, vetusto Privilegio constitutione Caroli Quinti Cæsaris ad annum 1549. confirmato. Ante paucos vero annos in hanc etiam classem, adnitente cumprimis Carolo Rodoanio Brugenfium Episcopo, auctoritate Principis adlectus fuit Ecclesiasticus ordo, seu sacerdotes aliqui ex unoquoque Flandriæ Episcopatu deputati, qui partem in administranda Flandrorum Rep. cum deputatis aliarum illarum urbium potestatem haberent, eoque munere ad biennium, vel triennium, ad hoc ab Episcopis, Canonicorum Collegiis, Abbatibus, ac Præpositis quibusdam, suffragiorum pluralitate (ita enim fieri debet) electi, fungerentur, in quorum locum tunc alii venirent, vel, si ita Reip. expedire videretur, in aliud biennium, vel triennium iisdem eligentium suffragiis, vel partim, vel omnes permanerent.

Magistratuum alii majores sunt, alii minores. Pro majori, Flandria Comitem dominumque suum habet, cæteri qui ab eo vim suam acceperunt, minores sunt. Horum alii ad Principis celsitudinem patrimoniumque pertinent conservandum, alii cujusque loci subditos respiciunt: priori loco habentur Camera (sic vulgo nominantur) Legalis, *Hooffredenenga* / Computationum & Flandriæ Concilium. Legalis cæterarum curiarum quasi vertex, Parium olim (nam antiquitus procures Pares exemplo Gallico in Flandria emicuisse sciamus) jam Valvasorum & Consiliariorum Comitibus, est eo loco & numero, quo illi visum est, Gandavi inprimis congregientium, ad quam deducebantur res gravissimæ, & ad amplitudinem curamque Principis proprie spectantes: quæ jam pridem ad Concilium Consistoriumque Principis assiduam, aut ad Flandriæ Concilium, Gandavi fixum, adfluunt; & ad quam etiam omnes feudorum controversiæ à curiis Comitibus feudalibus appellatæ, intromittuntur judicanturque absque provocatione, præsentis Comite & submonente, aut ejus absentis Bailivo: Pulvino seu justitiæ lecto, aulæ instrato, ubi ipsemet Comes aderat, enseque nudo ad meri supremique Imperii testificationem, illi superposito. In hunc conventum, quo Ioannes Aldenardæ Dominus fatebatur Dynastias suas Lessinam, Flobecam, Podsbergæ nemus, homagio Flandriæ attineri, ipsemet Guido Flan-

Curia va-
tiocinorumComputa-
tionum cu-
ria.Camera le-
galis.Concilium
Flandriæ.

Flandriæ Comes anno 1281, vocavit submonuitque Robertum filium, Ioannem nepotem, proceresque Ghistellanum, Mortaignium, Hiesse-
lium, Vormeselum, ejusque notæ alios, unde
vetus illius Concilii splendor innotescit.

Curia ra-
tiociniorum.

Hooffredenenga/Gallicè contracteque **Renenga**/ hoc est caput, supremaque curia ratiociniorum, consistit ex Quæstoribus Comitis beneficiariis & hæreditariis, de quibus antea diximus. Hi annuatim evocati mense Julio ad diem festum à conclavi computationum præscriptum, triduum, eoquæ amplius Lilæ congregiuntur: causasque omnium, sese à receptatoribus dominicæ pecuniæ injuste vexatos, aut postulatos conquerentium, omnesque actiones personales, patrimonium, canonemque Principis respicientes, atque reales etiam, exceptis de proprietate & successionem feudorum quæstionibus, cognoscunt, deciduntque amotâ appellatione: rescribunt ad libellos supplices, novosque peculii Dominici Quæstores feudatarios, ad fidelitatis juramentum confessumque admittunt, primum locum obtinente Præposito Donatiani, utpote perpetuo Flandriæ Cancellario; Bailivo, Procuratore fisci, Scribaque per Principem delegatis. Computationum curia, ex Præsidente, quattuor Magistris, quinque Auditoribus, & duobus Scribis jam pridem ordinariis, coalescit, Lilæ stabilita. Examinat, expungit, sancit rationes calculosque fructuum, exorientium ex Dominicis prædiis, sylvis, portoriis: ex obventionibus confiscationum, mulctarum, bonorum pro derelictis habitatorum, mari ejectorum, nothorum absque liberis morientium, ex juribus feudalibus homagiorum, aliarumque recognitionum: ex Bailivorum pensionibus, similibusque Principis emolumentis. Cui curiæ imprimis Quæstores illi hæreditarii, duoque receptatores generales mandatarii, alter Orientalis, alter Occidentalis nuncupati, ad rationes reddendas obnoxii sunt; non secus atque peculii dominici coactores atque debitores in Artesiæ, Hannoniæ, Namurci ditionibus, Mechliniæ, Tornacique. Quibus omnibus illi rationum indices, nihil absque gravi causa acceptum ferunt. Olim quidem majorem potestatem, Philippo Audace auctore illa curia nacta erat: nam duobus justitiæ administrandæ consiliariis aucta, omnia, quæ spectabant ad amplitudinem Principis, & qualescumque delatas querelas, decidebat; jus illinc relatione petentibus decernebat, Officiarios sive justitiæ, sive Patrimonii Principis administrandi, culpæ affines amovebat. Sed Ioannes ejus filius, ut cæteræ Flandriæ gratificaretur, consiliarios illos Iudices Aldenardam, & postea Gandavum transtulit: hanc ratiociniorum curiam Lilæ reliquit, originalia etiam Edicta & Privilegia publice à Principibus indulta, regestis asservantem. **Concilium Flandriæ** (sic enim vulgo nominatur) Lila Gandavum transducti, & amplificati, occasio nata est, partim ex origine & imitatione curiæ per Ludovicum Maleanum institutæ, quam *Audientiam* vocabat, judicantis de litibus auctoritatis Urbanorum Magistratuum non subjectis, præsertim de Scabinorum & Bailivorum corruptelis flagitiisque: post tamen extabescens, quod

Computa-
tionum cu-
ria.

Concilium
Flandriæ.

Principi subditisque nimis esset sumptuosa; partim, ut Flandria paullatim à jurisdictione & resortitione curiæ Parisiensis diffunderetur, & in integrum restitueretur. Constat enim ante Philippi Pulchri Gallorum Regis tempestatem, Parlamenti statarii Parisiensis jurisdictionem longissime extendere ambientis, Guydiumque Dampierrum subdolè evocatum detinentis, non Comitum modo, verum etiam omnes in Flandria Magistratus judicasse, amota provocatione; Gallisque dicentibus clientelæ à Flandris Regi debitæ, jurisdictionem, resortitionemque Gallicam includi, obnitebantur; tum ex antiqua & perpetuata Flandriæ judiciorum in contrarium consuetudine, tum exemplis Brabantiae, Hannoniæ, Ditionisque Aloftanæ: quæ licet in hominio S. Imperii sint, non pertinent tamen ad ejus jurisdictionem. E diverso Dendremondam & Gheersbergam (quamvis feudalem clientelam Flandriæ Comiti non debeant) subjectione tamen & Iurisdictione ejus comprehendendi. Itaque Homagium & jurisdictionem esse res natura, interque se, disjunctas. Negari tamen non potest quin Philippus Austrius Primus Atrebatum anno 1499, tunc cum pacis dotalisque Regni Hispaniæ invifendi avidus, Guydo Rochefortio Galliæ Cancellario fidem Flandriæ nomine daret, se submiserit veteri & usitata resortitioni; sed non semel controversum deinceps fuit, quid, quantumque per eas voces Gallo deberetur. Postremo, potissimam huic Provinciali Flandriæ Concilio causam præbuit, Philippi Audacis, ejusque filii, ob Caroli Sexti Galliæ Regis curatelam, frequens una cum Consiliariis absentia: eamque ob occasionem, Senatum certo quo ipsis placuit loco (fuit enim Aldenardam, Curtracum, Teneramondam, Ypramque subinde traductus) constituentium: qui Gandavi demum stabilitus est: ad quem, omnia quæ celsitudinem, & jura, auctoritatemque Principis in Flandria respiciunt, & Bailivorum, Monetariariorum, Ecclesiæ, Provinciæque noxiorum, & Salvaguardifragorum crimina, cunctæque Urbium & Castellaniarum inter ipsas, aut cum exteris controversiæ; ab illarum, cæterorumque Magistratuum sententiis appellationes, ac gratiarum remissionumque à Principe criminibus indultarum, verificationes deferuntur: cæteraque, quæ institutione & mandato Caroli Quinti Cæsaris ad annum 1522, undecimoque post anno supra ter quingentesimum publicato, continentur. Qui Senatus ex Præsidente, cui equestris dignitas statim adjicitur, Consiliariis octo, Commissariis quatuor jam pridem constituitur: illis honoraria annua, his illorum vice, inquisitionum sive informationum emolumenta capientibus: additis & assidentibus Procuratore & Advocato Principis, Quæstore obventionum, Scriba Notarioque. Quibus omnibus, causarumque Patronis, Procuratoribus, accensis, ostiariis & nuntiis Concilii illius membris immunitas Gandavi suppetit ab oneribus urbicis vectigalibusque impositis esui & vino, cerévisiæque, non petitis poculatim ex popinis, sed in vasis penuque conditis.

Nunc autem
est.

Magi-

*Magistratus, qui ad
cujusque loci
subditos
respiciunt.
Scabini.*

Magistratus singulis in oppidis, Castellaniis, Dynastiis, potestatem obtinentes, partim Scabini, partim Baillivi nominantur: Quos Scabinos Latine efferimus, vulgo nostris *Schepenen* vocantur. Leges etiam, vulgo *de Wet*, quia Magistratus lex animata est, aut esse debet, communiter appellantur. Scabini jura & Privilegia populi defendunt. Lites in judicium deductas, ex norma statutorum & consuetudinum municipalium, aut illis deficientibus ex jure scripto decidunt: tormentis quaestionum adsunt, crimina examinant, vitae necisque jus & facultatem habent: submonentibus, per concepta verba, Principis officariis, populo audiente, sed supplicii condemnatos noxae eximere ipsis nefas est: soli Principi permissum magis quam usurpatum. Politica edicta scissere illis licitum & usurpatum, Comite sanciente: at tributa similiaque onera subditis inducere, nisi Principe causas necessitatis cognoscente, imponendique oneris facultatem largiente, prohibentur: primum Ludovici Maleani, deinde Caroli Quinti Caesaris ad annum 1516 constitutione. Illorum Praesides (quibus Senatus convocandi & dimittendi, ad eum referendi, primi confessus, & sententias circumrogandi jus & potestas est,) nuncupantur Gandavi, & in Yprensi, Bergenfi, Burburgiaque Castellaniis, Primi Scabini: Ypræ, Bellæque Voegti, five tutores: Bergæ Portmagistri: In Feurnensi Castellania Lanthouderi, quasi terræ custodes, adjunctique illis Scabini etiam Keurheri, seu electi Domini appellantur: Brugæ, cæterisque fere in Oppidis, & in terra Franca, Burger-Magistri, hoc est, quibus præcipua civium cura incumbit, nuncupantur: Antiquitus Scabini, licet ob justitiæ, largitione redemptæ, corruptelam, Comitum punitioni cum bonis suis semper subjacerent, dignitatem ante mortem non exuebant: nullamque pecuniæ publicæ administratæ rationem Principi, at inter se tantum reddebant: neque ab eorum sententiis provocare licebat, imò appellantibus sexaginta librarum Parisiacarum multa imponebatur. Verum Ioannæ Constantinopolitanæ, Guydique ex sorore nepotis industria, aulica prudentia, multoque labore effectum fuit, populo novitatis avido suffragante, ut quotannis per commissarios Comitum ordinarios, aut removeantur, aut prorogentur, atque ad rationes coram illis populoque purgandas, teneantur. Neque illuc admittebatur ullus manuoperarius, ut vocant, nisi jam anno diutius sese ab opificio removisset. Tandem Flandri, & Philippi Regis, quem diximus, cupiditate ambituque, Lutetiam sensim attrahebantur: & Philippi Boni circumscriptione pedetentim illinc erepentes, hujus contra Gandenses ad Gaveram victoria potentiaque glisciente, coacti sunt, Concilio Provinciali Gandavi fixo, parere: eoque res devenit, ut à cunctis Magistratibus ad Senatum Principis, Gandavi collocatum, appellare licitum sit, & Flandria diffusius litibus inundaverit; fori tabe, pecuniam Causidicis ut vi morborum precia mendentibus, adferente. Porro singulis tum oppidorum, tum Castellaniarum Magistratibus in cogenda, expendenda, & annotanda publica

Ceteri Magistratus.

pecunia, subserviunt Quæstores: illi Thesaurarii: hîc Receptores vulgo nuncupati: in oppidis frequentius bini, hîc singuli sunt; quos in plerisque urbibus, præterquam Ypræ, Principis Vicarii, uti Scabinos, eligunt: neque non Magistratibus perpetuo assistunt Assessores & Consiliarii per illos cooptati: quos partim Graphiarios, aut Secretarios, partim Pensionarios vulgo nuncupant. Quibus utpote juris tam scripti quam municipalis peritioribus, & in continuo, annuæque mutationi non obnoxio rerum usu versantibus, multum defertur: neque nobilibus id munus indecorum est. Extra ordinem etiam Magistratibus vocati adsunt, ejusdem antea ordinis (quos Notabiles appellant) unaque deliberant plerumque magis quam definiunt: neque cum opus est, illinc absunt Decani opificiorum, & Sodalitates quædam, quas nostri confratrias dicunt, gladiatorum & sagittariorum. Illi enses ancipites, longos, utraque manu peritè tractant: hi arcubus, five chalybeis, five acernis, spicula; aut sclopis manuariis, plumbeas pilulas ejaculantur; vel saltem illis classibus ascribuntur. Quibus pridem vestis erat bicolor, adjecto emblemate argenteo, ut noscerentur: Illorum usus in subitis periculis & terroribus tam intestinis, quam hostilibus opportunus est. Flandriæque Comites, antequam tot finitimarum ditionum accessione, aulicisque stipulatoribus augerentur, ab uno oppido in aliud, honoris defensionisque causa, ab illis deducebantur: etiam pridem ad ornandum Principis vel adventum, vel inaugurationem adhibentur.

Non minus Bailivi, quam Scabini per Principem committuntur, mutuasque operas tradunt. Quibusdam in locis, Brugæ imprimis, Sculteti vocantur, à Germanico vocabulo, *Schultessen* / Flandrico *Schulteten* & *Schoulteten*: nunc autem in aliquot Helvetiæ urbibus, publici Concilii caput, penesque Germanos Principes locorum Praefecti, vocabulo *Schuthesten* designantur. Nostris vero moribus, Bailivi, Schultetique, hoc modo, his officiis, à Scabinis differunt: Scabini judicant, Bailivi judicatum, & Scabinorum scita, Principumque constitutiones exequuntur; illi vocationem habent, hi prehensionem, missionem in carcerem, accusationem: illis quotannis honorarium: ab his Principi annua pecunia dependitur, ex multarum sorte computata; illi annuæ aut biennii mutationi obnoxii sunt: hi mandati diuturnioris limitibus. Denique Scabini jura populi; hi Principis magis respiciunt, eorumque Dynastarum à quibus committuntur: & Scabinos ad jus in propatulo tribunali dicendum rite, & necessario submonent, atque tribunalis locum, potestatemque velut aperiunt: unde etiam tribunalia nostrati vocabulo *Dierstcharen* / hoc est, quatrirturbæ nominantur: quia nimirum quatuor personarum illic usus est, Actoris, Rei, Iudicis, & Baillivi. Scabinos Baillivi dignitate & loco præeunt. In aliquot Castellaniis, præsertim Feurnensi, & in terrâ Francâ, Baillivis additur Crichouderus, sic dictus, quasi custos ligni, suprema sui parte transversarii, quod axillis subjectum, imbecilles sustentat: cujus forma argentea pedalis magnitudinis illi Magistratui, munere suo in publico fungenti, rite gestatur.

Bailivi.

Is Sca-

Is Scabinos in tribunali publicè tempeſtiveque ſubmonet, verbis conceptis: pupillares facultates inquiri, inſcribit, mulctatque earum interverſores: & auctiões rerum, præſente Iudice, venalium, maxime nobilium palam proclamantur. Neque(ruri imprimis) defunt Ammanni, quali, Amptmanni, hoc eſt, viri officarii: quorum partes ſunt, diebus Dominicis, peractisque ſacris, in cœmiterio, edicta Magiſtratus, privatorumque mandata præconari, triconibuſque debitoribus domi denunciare ut ſolvant, aut uti ultra legis municipalis præſcriptum cunctabundos, ad ſolvendum cogant; eorum bonis, mobilibus imprimis, venundatis in auctiõe. Poſtremo quemadmodum cæteris omnibus Bailivis certæ metæ unius vel oppidi, vel Caſtellaniæ, pagique circumſcriptæ ſunt: ita Ludovicus Malecanus quandam ſupremum rerum capitalium Quæſtorem, vindicemque, quem Souveranum Bailivum nuncupavit, anno 1374 inſtituit ad homicidas exulesque vagabundos tota Flandria, & Antwerpia, Mechliniaque (quæ illi tunc parebant) apprehendendos, & ex ſententia duorum Comitum beneficiariorum morte plectendos, aut ex merito caſtigandos: cum prius illud muneris à Receptatore Generali Flandriæ gereretur, & uni utrumque onus nimium eſſet; tantis præſertim illius ævi commotionibus. Permiſſa illi muneris jam pridem, & à Carolo Quinto Cæſare anno 1543 approbata, auctoriſtate atque facultate relegationis abrogandæ, & furti, neque non homicidii ex caſu aut deſenſione, ſimilique occaſione, magis quam inſidiis & præmeditatione reis, caſique proximo conſanguineo, paſſisque furtum, conciliatis, largiendi non ſolum ultro citroque commeandi quadraginta per dies ſecuritatem; verum etiam criminis condonationem: modo mulctæ pecuniariæ, ſecundum facultates, enormitatesque illorum reorum, ab ipſo imponendæ, fructus, non ad eum, ſed Principem redeat: Flandriæ Concilium de reis an vera faſſi ſint, cognoſcat. Sin autem Magiſtratus loci, cuius iuriſdictioni reus, qui traducitur, obnoxius eſt; ſuæ illum cognitioni ſiſti petat, obtemperandum eſt.

FLANDRIÆ PRINCIPES.

Primus qui Flandriæ imperitavit, tituloque & jure Domini gaviſus eſt, fuit *Lidericus*, Comes Harlebecenſis, mari littoribuſque Belgicæ tutandis à Carolo Magno præfectus, ab eodem anno 792, in virtutis & fidelitatis mercedem perpetua littoris, mariſque, & etiam nemoris Flandrici ditione donatus eſt; & ab hac Caroli Magni donatione Flandriæ Princeps ab eo tempore non ſolum maritimus Imperator, & littoris præfectus, ſed etiam Saltuarius Sylvæ Flandricæ dictus eſt, ſive Foreſterus; huic vita conceſſo ſucceſſit filius

Engleramus Princeps optimus, quique talem ſeſe omnibus rebus geſſit, ut rem longe auguſtiorrem quam acceperat, filio relinqueret; fuit is

Odoacer, vir ſtrenuus cum primis & Reipub. utilis, Principatum Flandriæ adiit circa annum 824, cumque per annos tredecim magna prubelgica.

dentia & fortitudinis laude ei præſuiſſet, vitam cum morte commutavit. Filius & ſucceſſor ei fuit

Balduinus Arduennenſis, cognomento *Ferreus*, ob inſigne corporis robur, & virtutem militarem; Iuditham Caroli Calvi Gallia Regis filiam Navarræ Regis nuptiis deſtinatam, lubentem inſcio & invito patre ejus domum duxit, tandem à Socero in conjugium aſſentiente in gratiam receptus, ab eodem in Comitem, Paremq; regni aſſumptus, Flandriæ præſuit annis ſedecim, & anno 879 à vita demigravit, ſucceſſit ejus filius

Balduinus Secundus, ab avo materno Calvi cognomen conſecutus, vir optimus, anno 39 imperii moriens, ingens populo ſui deſiderium, nec minora virtutum exempla poſteritati reliquit, deceſſit anno 918.

Arnulphus filius Balduini primogenitus, cognomine *Magnus*, Flandriæ per annos 48 præſuit. Obiit anno 964.

Balduinus Tertius jam à Patre vivente, ſed annis feſſo, gubernaculo admotus eſt, artem textoriam Flandriæ invexit, & Mercaturæ commercia auxit anno Imperii 3, poſt bellum in ſubſidium Lotharii Regis contra Normannos fortiter geſtum obiit 961. Balduino autem deſuncto Arnulphus ejus Pater rerum curam pro nepote reſuſcepit, fuit autem is

Arnulphus Secundus anno Imperii 28, ſalutis noſtræ 988 ſupremum diem clauſit, ex Roſela Berengarii III, Italia Regis filia ſucceſſorem reliquit

Balduinum Quartum, *Pulchrobarbum* cognomento, virum probum juxta ac magnanimum, qui poſtquam per annos 48 Flandriæ tenuiſſet habenas, deceſſit 1036.

Balduinus Quintus, *Inſulenſis*, filius ejus, majorum amplitudinem ſuperavit, Guilielmum Normannum generum ſuum Angliæ regno introduxit. Relictam ab Henrico I Gallia Rege, liberorum & Regni tutelam diutiſſime & integerri- me adminiſtravit, Imperium ſuum Zelandiæ inſulis & terra omni inter Scaldim & Teneram fluvios ſita auxit. Regnavit annos 32, mortuus anno 1067.

Balduinus VI Montanus dictus, quod per conjugem Comitatum Hannoniæ, qui Montium ab urbe primaria dicebatur, obtinuit; Princeps bonus, juſtus, & pacis amans, deceſſit anno Imperii III, anno 1070. Filius ejus

Arnulphus III ſucceſſit, hunc matris in Flandros atrocitas & arrogantia, patruique violentia & victoria fortiter dimicantem vita & imperio ſpoliavit, cum annum ætatis attigiſſet 17.

Robertus I Friſius vir ambitioſus, liberalis & militaris, tutelam Arnulphi III, & Flandriæ adminiſtrationem ex fratris Balduini Montani teſtamento petens, cum ei hanc Pupilli Principis mater reculareret, bello eam aggreſſus eſt, Flandriam ſibi vindicavit nepote in acie caſo. tandem obiit poſt 21 Imperii annos, anno 1093. reliquit filium,

Robertum II Hieroſolymitanum à capta Hieroſolyma ſic agnominatum, qui anno 1111 è vulnere recepto exſpiravit.

Baldvinus VII, à parva securi nomen *Securicu-*
le adeptus est, Princeps celebri fama in Deum
religionis, fidei in patriam, amoris in subditos,
justitiæ in omnes severæ, decessit anno 1119,
nihil liberorum relinquens, sed successorem ami-
tinum proximum hæredem nuncupavit.

Carolus Primum, *Pium* cognomento, è Canuto
Daniæ Rege, & Adela Roberti Hierosolymitani
filia natum, principem cunctos pietate & subli-
mitate corporis antecedentem. Interfectus au-
tem est à suis (qui omnes postmodum sceleris
hujus luerunt pœnas) admodum scelerate, dum
Deo in templo preces fundit, anno 1126.

Guilielmus Normannus, cui Mathildis, Balduini
Lilani Flandriæ Principis filia, avia, avusque
Guillelmus Normannus Angliæ Rex, à Ludovi-
co Crasso Galliæ Rege Flandriæ Imperio fuit
intrusus, quamvis alii essent, qui eum proxi-
mitatis jure antecederent; sed cum Flandriam
inique adeptam, improbius regeret, subditi
eum ejecerunt, advocantes Theodoricum Alsati-
um; quem cum Guillelmus Alofti obsideret,
ballistæ ictu interiit anno 1128. Successit

Theodoricus Alsatus, ex Gertrude Roberti Frisii
Flandriæ Comitis filia, & Theodorico Alsatiæ
Lantgravio natus: hic in alloquio blandus,
in negotio justus, in Imperio moderatus, post-
quam Flandriam annos 40 feliciter gubernasset,
obiit anno 1169.

Philippus Alsatus Magnus Imperium strenue
gessit; ditionumque amplitudine majores an-
tecessit, Terram Wasiam ut & Comitatum Alo-
stanum Flandriæ perpetuo annexuit, primus an-
tiqua Flandriæ Comitatus insignia atri Leonis
signo commutavit, præfuit Flandriæ annos vi-
ginti tres, in obsidione Acræ Ptolemaidis peste
absumptus; Margareta sorore herede nuncupa-
ta interiit anno 1190.

Margareta I, ejus sexus, Balduino IV Hanno-
niæ Principi, Balduini Lilani atnepotis ex Bal-
duino Montano legitimo Principe originem
ducentis uxor, Princeps summa formæ, morum-
que bonitate laudatissima, post quatuor Imperii
annos obiit, anno 1194. Filius ei successit

Baldvinus VIII, qui Constantinopoli bis ca-
pta, & Alexio Imperatore sine liberis defuncto,
ob res præclare gestas communibus suffragiis
anno 1202 Orientis Imperium est consecutus;
magna prudentia, & moderatione Imperium
administravit, à Bulgaris (anno Imperii Occi-
dentis ejus secundo, Flandriæ undecimo, Salutis
nostræ 1204.) captus, in carcere membratim
dissectus est. Successit in Flandriæ Comitatu
ejus filia

Ioanna Constantinopolitana Ferdinando, Sanchii
Portugalliæ Regis filio minori natu, dein eo ex-
tincto, Thomæ Sabaudia Comitis fratri nupta,
vigesimo regni anno, salutis vero nostræ 1244,
nullis relictis liberis, naturalem fati conditio-
nem implevit.

Margareta II Constantinopolitana ejus soror vi-
dua ad principatum pervenit, Princeps Patris
augustæ memoriæ, vigilantia ac fortitudinis
æmula, trigesimo sexto principatus anno mor-
talitatem explevit, ad annum 1279, hæredem

relinquens filium, ex marito Guillelmo Borbo-
nio Dampierræ & San-Desirii Dynasta, ge-
nitum

Guydum Dampetram, à paternæ familiæ Dyna-
stia sic nuncupatum, hoc Principe nihil afflictius,
nihil fuit fecundius, conjuges efflorescens va-
rios procreavit liberos; sed belli sorte ab Hol-
lando captus est, dein à Rege Galliæ bis inique
deceptus custodiæ mancipatus, in qua anno
1304, Principatus 25 Compendii supremum
diem clausit.

Robertus III Bethunius, ejus filius & successor,
ex Yolanthide Nivernii Domina, Odonis Bur-
gundiæ Ducis filia, secunda uxore, (nam primis
nuptiis Blancam Neapolis & Siciliæ Regis fi-
liam uxorem duxerat,) binos procreavit filios,
Ludovicum præ patre mortuum, & Robertum
Casletanum, qui Ludovico ex fratre majore ne-
poti, avo per transactionem nuptialem succes-
suro cessit, mediante certo proventu annuo: obiit
Robertus III anno salutis nostræ 1322, princi-
patus vero ejus decimo octavo.

Ludovicus I, Cressiacus, non ordine naturæ, ne-
que regionis more, sed conventionem, in Flan-
driam avo paterno successit, in Galliis educatus,
illisque quam Flandriæ commodis addictior,
Flandrisque eam ob causam invisus & despectus,
seditionibus miserisque causam dedit, infelici-
ter turbideque Flandriam administravit annis
47, mortalitatem explevit anno 1383.

Ludovicus II, Cressiaci filius, à Mala pago ge-
nitale cognomen *Malensis* consequutus est, Prin-
ceps in libidinem pronus, luxu impendiiisque in-
finitis populo gravis, cæterum potentiam Gallo-
Flandriæ recuperatâ non parum auxit: primus
monetam auream cudi jussit; tum obiit anno
imperii 37, salutis vero nostræ 1383, unicam le-
gitimam filiam reliquit, plurimorum illegitimo-
rum liberorum parens,

Margaretam III, Philippo Valesio Audaci, Bur-
gundiæ Duci nuptam: hic Caroli VI, Regis
Galliæ nepotis sui gessit curatelam, Princeps ma-
gnanimus, moribus victuque temperatus, affa-
bilis, providus; latronibus & grassatoribus in-
exorabilis, ingeniosus tributorum exactor. è vi-
ta discessit anno 1404. Margareta altero post
maritum anno apoplexia, aut certe morte subi-
ta ac inopinata oppressa est, post annos princi-
patus 21.

Ioannes Burgundus, Intrepidus, præcedentium fi-
lius, anno 1405 ad Principatum pervenit, Prin-
ceps animi ingens, pace & bello insignis, &
Flandris percharus; cæterum ejus jussu occiso
Ludovico Aurelianensi Duce semina jecit lon-
gissimi & funestissimi Francicam inter & Bur-
gundicam regias odii atque belli, in ejus cædis
vindictam Monstrolii ad Yonam jussu Caroli
Delphini Franciæ necatus est anno salutis no-
stræ 1419, regni vero ejus 15.

Successit *Philippus* à morum facilitate *Bonus* di-
ctus. Reliquos Flandriæ Principes pete ex Ge-
nerali nostra Belgii descriptione, ubi reliquos
usque ad hodiernum Philippum IV Hispania-
rum & Indiarum Monarcham, Flandriæ Comi-
tem, invenies deductos.

E P I S C O P A T V S G A N D A V E N S I S.

*Episcopatus
Institutio.*



Philippus Bonus Burgundiae Dux, Imperii Belgici Princeps, cum multa ad novi in Belgica Imperii dignitatem versare in animo consilia consueffet, tum illud agitare solitum fuisse accepimus, uti cum tot Provinciis unum modò haberet Episcopum Atrebatensem, loca cætera peregrinis Episcopis parerent, novos suis Provinciis dari à Romano Pontifice Episcopos postularet. Verum cum perficere rem eam Philippus non potuisset, neque filio Carolo à bellis otium exstitisset, factum est uti Cæsar Carolus hoc abavi sui consilium animo sæpenumero secum repeteret, quod ad Imperii dignitatem perutilem eam rem futuram judicaret. Verum cum neque ipse à bellis otium inveniret, & modo Cardinalis Erardi à Marca, modo Georgii ab Austria patruj nothi, Episcoporum Leodiensium gratia atque auctoritate impediretur, factum est uti, antequam imperio decederet, conficere rem eam Cæsar non potuerit. Suscepta inde ejus cogitatio à filio Philippo. Mandata est itaque à Rege ea res Legato, quem Romæ apud Paulum Quartum habebat, missus etiam è Belgio, qui Legato operam in eo negotio præstaret, *Franciscus Sonnius* Theologus Lovaniensis & Canonicus Ultrajectinus. Propositam sibi rem Pontifex septem Cardinalibus examinandam committit; referunt delecti Cardinales licitam eam esse divisionem, tum quod eæ rationes sese offerrent quæ jure scripto continentur, tum quod hæresibus ea pars Germaniæ infecta esset. Expedire quoque uti ea trium videlicet Archiepiscopatum & tredecim novorum Episcopatum institutio ac divisio, cum Atrebatensi & Tornacensi quoad limites aliqua facta mutatione admittatur: esse enim per ea loca eam territoriorum atque idiomatum diversitatem, ut neque extra suas provincias in jus vocari, neque vocati nisi per interpretem intelligi à suis Episcopis homines possint; eam quoque provinciarum atque urbium multitudinem, eam doctorum hominum copiam istic reperiri, uti ecclesiæ universæ hominumque per ea loca salutis utilissima ea res sit futura. Ob illas itaque rationes Paulus Quartus anno 1559 diploma, quo præcipua ac jam dicta hujus institutionis motiva continentur, ad Regem & Provincias Belgicas misit.

Sic igitur cum aliis in Belgica novis, novus etiam Gandavi in ecclesia D. Bavonis, quæ antea Divo Ioanni Baptistæ sacra erat, & urbis illius primaria, Episcopatus institutus, & è bonis monasterii Bavoniani, cujus Monachi ob alias

Belgica.

ante causas facti fuerant in eadem ecclesia Canonici, dotatus fuit.

Divisus est Gandavensis Episcopatus in Archiepresbyteratum ejusdem urbis unum, & Decanatus rurales septem. Sub Archiepresbytero civitatis decem constitutæ sunt Parochiæ. Prima in ecclesia Cathedrali S. Bavonis. Altera in Collegiata S. Pharahildis. Tertia S. Iacobi Majoris. Quarta S. Nicolai. Quinta B. Mariæ Virginis in monte Blandinio. Sexta D. Michaëlis Archangeli. Septima S. Martini in Ackerghem. Octava S. Salvatoris; de quibus in urbis descriptione fufius locuti sumus. Nona Ghentbrugghen, ubi Patronatum habet Gandavensis Episcopus, & Dominium Temporale Baro de Rode; ecclesia sacra est Apostolis Sanctis Simoni & Iudæ. Decima Oostackere, quæ ecclesiam habet D. Amando nuncupatam, Patronum Gandavensem Episcopum, & eundem Dominum temporalem.

Decanatus autem rurales sunt Everghemien-
sis, Wasiæ, Hulstensis, Teneramundensis, Alde-
nardenfis, Donfanus, & Tiletanus.

Sub Everghemienfi Decanatu Parochiæ sunt 25.

| | |
|-------------|--------------|
| Sleydinghen | Zelzate |
| Lovendeghem | Eertvelde |
| Vinderhoude | Clusen |
| Somergem | Affenede |
| Ronsele | Saffelaere |
| Oostwincle | Wincle |
| Mariekercke | Seven eecken |
| Wondelghem | Loo Christi |
| Waerscot | Desselberghe |
| Oosteeclo | Heusdene |
| Bassenelde | Mendonck |
| Bouchaute | Desseldonck. |
| Querghem | |

Everghemienfis.

Sub Decanatu Wasiæ Parochiæ 23.

| | |
|-----------|-------------|
| Belsele | Melsene |
| Burcht | Nienkercke |
| Beveren | Rupelmonde |
| Basele | S. Nicolai |
| Crubeke | S. Pauli |
| Dackenam | Sinay |
| Exaerde | Stekene |
| Aesdonck | Temsche |
| Elverzele | Tielrode |
| Kemseke | Waesmunster |
| Lokeren | Swyndrecht. |
| Moerbeke | |

Wasiæ.

Sub Decanatu Hulstensi Parochiæ 21.

Hulstum ecclesia S. Willibrordi, Dominium temporale habet hic Comes Flandriæ; ecclesiæ Patronatum Decanus & Capitulum B. Mariæ Virginis Cortraci. Extra oppidi muros se Parochia extendit in Absdale, Clynghe, Stoppeldyck, Dullaert, Lamswerde & Grouda.

Hulstensis.

| | |
|--------------|---------------------------|
| Beoostenblye | Saemslacht |
| Zuytdorpe | Axele patronatum ecclesiæ |

Q



clesiæ habet Dominus de Heule, scop. Gandavens. Kildrecht
Olene & Triniteyt Verrebrouck
Willemskercke & Vro- Calloo
dyck Offenesse
Aendyck Heynsdyck
Poldere van Namen Pauwels Polder
Saeftinghe B. Mariæ Viacene
S. Ioannis ad Lapidem S. Ægidii
Saeftinghe B. Lauren- Wachtbeke
tii ubi Patron. Epi- Hontenesse.

Teneramondanus,

Sub Decanatu Teneramondano Parochia 21.

Ecclesia Collegiata & parochialis B. Mariæ Virginis. Oppidi Dominium habet Comes Flandriæ; curam Pastoralem dat Decanus & Capitulum ejusdem ecclesiæ.

Parochia S. Ægidii ubi patronatum habet
Abbatissa de Zwyyveke
Gremberghe Scellebelle
Zelee Wettere
Hamme Lebbeke
Moesche Vlassenbrouck
Nieuborch. Sed ecclesia Baesroode
nunc est diruta. S. Amandi
Beerlaer Manekercke
Wtberghe Bornhem
Overmeere Hinghene
Calkene Hoboke.
Laerne

Aldenardensis,

Sub Decanatu Aldenardensi Parochia 26.

Ecclesiæ S. Walburgis in oppido Aldenardensi, cujus Dominium temporale habet Flandriæ Comes, simul & ecclesiæ patronatum.

Pamele itidem in oppido, ubi Dominium temporale spectat ad familiam de Locquengien; ecclesiæ patronatus ad Abbatem Eynamensem: ecclesia dedicata est Virgini Matri.

Beveren Cruyshautem
Heyne Woorteghem
Heurne Peteghem
Singem Elsegghem
Asperen Vivian S. Eligii
Eecke Olsene
Gavere Oycke
Mullem Nokeren
Auweghem Ghiselbrechteghem
Huyfle Mooreghem
Leda Wareghem
Wanneghem Zulte.

Donzanius,

Sub Decanatu Donzano Ecclesiæ 25.

Ecclesiæ Parochialis B. Mariæ Virginis & S. Ægidii in oppido Donzano habet personatum.

Zeveren Merendre
Nevele Vorsele
Hansbeke Leerne B. Mariæ
Landeghem Baerle
Bachten Afne
Leerne B. Martini Laethem
Dronghene Zeeverghem
S. Denys Nasareth
Zwynaerde Aftene
Melsene Machelen
Meyghem Duerle
Poesele Peeteghem.

Sub Decanatu Tiletano Parochia 22.

Tiletanus.

Ecclesia Tiletana dedicata S. Petro in oppido Tiletano, quod tria millia jugerum continet, extraque illud duo millia octingenta, sub Dominio est Comitum Flandriæ, patronatum ecclesiæ habet Capitulum Harlebecanum.

Ruyssede Aelteren
Kneffelaere Vrsele
Bellem Loo ten Hulle
Vinck Caneghem
Aerssele Wouterghem
Grammene Gotthem
Denterghem Markeghem
Oesselghem Wacquen
Vivia S. Bayonis Wielsbeke
Roosbeke Muelenbeke.
Emelghem

Verum ante annos aliquot permutatione ecclesiarum inter Mechliniensem Archiepiscopum & Gandavensem Antistitem facta sub titulo Sancti Levini in Holthem ad Gandavensem diocesim accessere,

Ghystele Gouterode
Holthem S. Levini Lemberghe
Merlebeke Melle
Oosterzele Vlierzele
Baveghem Lanscoutere.

Primus Gandavensi Ecclesiæ præfuit Cornelius Iansenius Hulsta Flandriæ oppido natus. Lovanii in Castiensi Gymnasio Philosophiam, dein sacra studia in majori Theologorum Collegio sectatus est. Post lectoris munus in Tongerlo Præmonstratenfis in Brabantia ordinis Abbatia, per annos plus minus duodecim implevit, tantoque fere tempore apud Cortracenses pastor ecclesiæ S. Martini fuit. Lovanium reversus laurea Doctorali insignitur, & Decanatu ad S. Iacobum donatur. Tridentum à Philippo secundo missus, ac tandem in patriam redux, primus Gandavensium Episcopus designatur. Senio confectus obiit Gandavi, anno 1576.

Episcopi Gandavenses.
I. Cornelius Iansenius.

Post Iansenium à Rege Catholico designatus fuit Episcopus Gandavensis Ioannes Funccius, rerum Belgicarum in Hispania præses, sed ante confirmationem obiit. Post Funccium Matthæus Ruckebusch Metropolitanæ Cameracensis ecclesiæ Decanus & Archiepiscopi Barlaymontii Vicarius generalis, qui Cameracena civitate ab hostibus occupata terrenos honores Montibus Hannoniæ anno 1586, die 19 Aprilis, cum cœlestibus commutavit.

Wilhelmus Damasi Lindanus Dordraci in Batavia nobili loco natus, primus antea Ruremondensis Ecclesiæ antistes. Secundus Gandavensem Cathedram tenuit: Adolescens varia Christiani orbis gymnasia lustravit. Adpulit autem ingenium ad sacras litteras tanta sedulitate, ut earundem professor eximius in Dilingana Suevorum Academia renunciaretur. Vnde reversus Lovanium laurea donatus, primus apud Geldros Ruremondensium Episcopus constitutus est; sed ob grandes temporum motus septimo demum post anno in possessionem admissus, arduum in primis ac periculosum disciplinæ Ecclesiasticæ, ac reformandi Cleri negotium aggreditur. Semel iterumque exul, dum militum rabie, & tumultu

I. I. Gulielmus Lindanus.

multu plena sunt omnia, anno 1578, relictis ovibus, pastor Romam proficiscitur. Altera Romam instituta profectio anno 1584, & absoluta anno 1588, ad Gandavensem Cathedralam promovetur, ubi cum vix manum clavo admovisset, annis sexaginta major decessit.

III.
Petrus Damantius.

Petrus Damantius Mechliniensis I. V. Doctor, germanus frater Nicolai Damantii I. V. Doctoris Brabantiae quondam Cancellarii, Episcopatum insigni cum laude administravit. Vir candidus imprimis & animi apertus; Praeposituram antequam Episcopus fieret habuerat ad S. Salvatorem Ultrajeeti, Decani etiam dignitate in Ecclesia Gandavensi illustris, obiit anno Domini 1609.

I V.
Carolus Masius.

Carolus Masius è nobili & generosa Masiorum prosapia, primum Antwerpensium Decanus, post Serenissimorum Archiducum Austriae Alberti & Isabellae Belgicae Principum elemosynarius, exin Iprensium Antistes, ac demum ad supremum hujus D. Bavonis ecclesiae culmen evectus, vir magnis animi corporisque dotibus exornatus diem supremum obiit anno Christi 1612.

V.
Henricus Franciscus vander Burgh.

Henricus Franciscus vander Burgh, I. V. Licentiatum Lovaniensis, Gandavi natus, & in D. Nicolai Paroecia salutaribus Baptismi undis tinctus, patrem habuit Ioannem vander Burch, post varias & illustres alias in Repub. functiones sanctioris in Belgio Concilii Praesidem; primum Decanus Ecclesiae Metropolitanae Mechliniensis fuit, ejusdemque dioecesis Vicarius generalis, post ad Episcopatum Gandavensem assumptus est, eandemque provinciam magna etiam prudentiae & pietatis laude gessit. Synodum Dioecesanam celebravit, & edidit, demum ad Cameracensem cathedralam evocatus est.

VI.
Jacobus Boonen.

Jacobus Boonen, I. V. Licentiatum Lovaniensis, paucis annis, sed insigni cum laude, Gandavenses Infulas tulit, decessit anno aetatis 82, 30 Junii 1655.

VII.
Antonius Triest.


Antonius Triest Comes Evergemienensis, Mendoncq & Sprendocque dominus temporalis domini S. Bavonis ratione Episcopatus sui, & plurium parochiarum, aliorumque locorum sub potestate Provinciarum Vnitarum sitorum. Ex nobili Triestorum prosapia apud Gandavenses, filius videlicet Philippi Triest Equitis Aurati, & domini d'Auweghem, frater Iodoci Baronis d'Au-

weghem. Canonicus primo Ecclesiae Cathedralis Gandavensis, exin ab Archiducibus Alberto & Isabella assumptus fuit ad Oratorium aulae Bruxellensis tanquam Capellanus honorarius; tum factus Archidiaconus ejusdem Ecclesiae Cathedralis: postea ad nominationem eorundem Archiducum promotus ad Decanatum Ecclesiae Cathedralis S. Donatiani Brugenensis, ac demum an. 1617 designatus Praeful Brugenensis, dignitatis illius Episcopalis possessionem iniiit eodem anno, solemniterque in dicta Ecclesia consecratus 2. die mensis Julii à Matthia Hovio Archiepiscopo Machliniensi; denique anno 1620 ab iisdem Archiducibus destinatus ad hanc vacantem Ecclesiam Gandavensem; in qua, post confirmationem Apostolicam solemniter receptus fuit 1621, die 7 Aprilis: quo anno memoratur in funere Alberti Archid. lectus postmodum testamenti executor, Elisabethae item Archiducis anno 1633, Kalend. Novembr. mortuae. A multis annis nomine dictorum Archiducum legationem obivit apud Henricum Lotharingae Ducem anno 1617, mense Novembri, pro matrimonii promotione inter Ducem Carolum & Nicolam ejus conjugem, aliisque magni ponderis negotiis. Isabellae Hispaniarum Infanti Belgii Principi, ac deinde Gubernatrici imprimis carus fuit, & ob fidelem operam in difficillimis Reipublicae negotiis diu praestitam, ab eadem assumptus fuit ad Consilium Status Belgici.

Carolus vanden Bosch natus Bruxellis 21 Martii 1597, educatus Namurci & Ruræmundæ sub disciplina parentis viri Amplissimi Francisci vanden Bosch, dum illic Praesidem Concilii, hinc Geldriae Cancellarium ageret. Profectus Romam in comitatu Amplissimi viri Philippi Maes avunculi sui, quem ad Sedem Apostolicam Agentem legarunt Seren. Principes Albertus & Isabella; ibi per plures annos studiis operam dedit: in Belgium reversus Iuris utriusque Lovanii factus Licentiatum anno 1621: mox Capellanus Aulae, Canonicus Gandavensis, ac Montensis, demum Decanus Ecclesiae Cathedralis S. Donatiani Brugis renuntiatus 5. Junii 1630. Exinde novus Brugenis Episcopus inauguratus 5 Junii 1651: ac postea translatus ad Episcopatum Gandavensem, cujus possessionem adiit 8 Junii 1660.

VIII.
Carolus vanden Bosch.

CASTELLANIA VETERIS BURGI GANDENSIS.



Castellaniae veteris Bur-
gi Gandavenfis à vetere
Burgo five Castro Gan-
da originem esse, vel
nomen ipsum indicat.
Remanet, inquit Gra-
majus, ex diruta Ganda
arce peculium XLVI vico-
rum, qui in quaterna distri-
buti membra, duobus ob-
noxii tribunalibus Castellania Audenburgi Gandensis vo-
cantur, qui, eodem asserente, post eversum, aut
à monachis S. Bavonis occupatum vetus Bur-
gum, in Petram Comitum translati sunt. Fuit au-
tem castrum Ganda eo loco situm, ubi olim
asceterium D. Bavoni sacrum fuit; ob eamque
causam frequenter etiam Ganda nomine quasi
proprio indigetatum. Ita nimirum vocat illud
diploma Caroli Calvi anno 865. Ita Ottonis an-
no 976. Ita Caroli Magni 794, & aliorum non
aliter Monasterium quod dicitur Ganda, & est constru-
ctum in honorem S. Petri Apostolorum Principis, ubi
etiam gloriosus Christi confessor (Bavo videlicet) corpore
quiescit. Chronicon quoque S. Bavonis ad annum
828, reliquias S. S. Marcellini & Petri delatas ait
ad Cœnobium Ganda quod situm est in valle Legie, loco
Ganda vocato, ubi idem amnis Scaldis dicto flumini Le-
gie jungitur. Hujus verò Castri Ganda five Vete-
ris Burgi dominatu potitus est Flandriae Comes
post annum 1174. & mortem Theodorici Prin-
cipis Alostani, unaque clientelis ac pagis Ca-
stellaniae Audenburgicae Gandensis nomine cen-
sitis, adeo ut juxta Gandavum, & in ipso qua-
drifariam oppidi dominatu fruatur idem Co-
mes; Castello enim novo Cæsari erepto, idem
gaudere cœpit & appendice Ambachtorum ad
annum 1120. Tractu vero pagi Menapisci versus
Trunchinium, tanquam Comes & Advocatus po-
tiebatur. Vnde rescripto anni 1087 de Trun-
chinio ait Comes: Condonare se ei, quidquid Comita-
tus & Advocationis ab antiquo antecessores tenuerant.
Blandinio denique ac vicinis titulo Principatus
Harlebecani ab antiquis imperabat, ob hoc
Galliarum Regis usque ad tempora Caroli Quin-
ti, ob illa Cæsaris olim cliens fiduciarius.

Conditio.

Situm veteris Burgi five Castri Gandensis, à
quo radicem suæ Iurisdictionis habet Castella-
nia, invenimus, non ita initia, vel auctorem; si
tamen suffragium nostratibus historiis damus, à
Iulio Cæsare vel conditam, vel cognominatam
arcem hanc fatebimur. Vocem Ganda repertam
in veteribus schedis etiam tomo V. Decadis re-
rum Flandricarum fatetur Meyerus. Vnde & Pe-
trarcha Italus epistolâ ad Cardinalem Colum-
nam Gandarum vocat Cæsare conditore superbum. Nec

inani gloria, cum indies ager Castello olim
Gandenfi obnoxius, infinita Romanæ antiquita-
tis eruat monumenta. Sed ut ante diximus, à Ca-
stro Ganda ad Petram Comitum, arcem à Baldui-
no Ferreo ædificatam, migravit Castellania, juxta
quam, aut intra illius potius pomeria, are col-
latitio hujus agri in altum educta, splendida,
& egregia domus, in qua è præcipuis aliquot
viri nobiles & honorati in eadem Castellania
feuda possidentes, jus dicunt, Audenburgicum-
que tribunal moderantur; plerique eorum etiam
Toparchias in eadem Castellania habent. Præ-
torum vero prima in hoc urbis nostræ territorio
dignitas est. Pagos universim, nec male Gra-
majus distinxit in Curiam, ac Vasallagiam. Curia
à Margareta Constantinopolitana pagis alium à
Comite Dominum non agnoscentibus præscri-
pta, ad duo tribunalia, occidentale apud Sledin-
gam, orientale apud Desseldoncam stabilitum,
revocatur. Vasallagia verò à Dynastis utriusque
ordinis beneficio Comitum sæculare imperium
adeptis, aut capitatum possidentibus, velut ere-
pta sunt communi, & utili Principis Flandriae
Dominio. Et prout ecclesiastici Prælati potissi-
mum Bavoniani & Blandinienses loca suæ juris-
dictionis acquisierunt emancipata, nec relevium
Comiti debentia; ita sæculares fere hæreditatem
suam à Castro Audenburgi in feudum accipiunt,
& hominibus castri ab antiquo subiciebantur.
Cum autem ad commune subsidium aut preca-
ria conferant, de quibus potiora Castellaniae
membra solent dispicere, tribunal ad hoc &
comitia hebdomadatim habent, quæstorem
item unum fere perpetuum, Iurisconsultos etiam
binos, cum actuario sive scriba. Solet porro
quatuor Balivorum districtus totam hujus Ca-
stellaniae ditionem partiri, Audenburgi nimi-
rum, S. Petri, S. Bavonis, & Nevelani, & pa-
gos habet incolis, cum per bella licet, & om-
nimoda fruge florentes.

Priusquam vero particularia hujus Castella-
niae describam, operæ pretium duxi pauca de
Urbe Gandavo proferre; est itaque Gandavum
urbs primaria, conditum vulgi opinione, tum
Historicorum omnium recentiorum consensu,
(nam apud veteres altum de ea silentium) tum
Petrarchæ, aliorumque judicio, à C. Iulio Cæ-
sare, cum in Morinis ageret. Mejerus hos ver-
sus incerti Poëtæ citat:

Hanc Clarinæam veteres dixerunt coloni
Gorduni, populique truces coluere Sicambri,
Mercurio Cæsar, Christo sacravit Amandus.

Enimvero Gordunorum mentionem facit
Cæsar lib. 5 de bello Gallico. Postea à Wanda-
lis dicta est Wanda, & litteræ primæ mutatione
Ganda,

Diviso
Castellania.

Ganda-
vum.

Castri Gan-
denfis Sum.

Ganda, ut Walli, Galli, hinc Gandavum vernacule dicitur *Gent*, Italis *Guante*, Gallis *Gand*. Constituit primum Flandriæ membrum: Sita est quarto à mari lapide, juxta tres fluvios, Scaldim, Liefam, & Levinum: è quibus in mare patet via per aquæductum, quem vocant *de Nieuwaert*, qui se ad ostium *Sassen* exonerat, cataractis ad hanc rem stupendo artificio exstructis. Decem milliaribus distat Antverpia, totidem Bruxellis, Mechlinia, Middelburgo. Ambitus intra muros est 45640 pedum Romanorum, hoc est Italicorum milliarius septem. Insulas habet xxvi, pontes majores xcvi, molas aquarias iv, trufatiles infinitas, centum quæ vento aguntur: Ecclesias in universum lv: Abbatias v, quarum prima & antiquissima est B. Petri, in monte Blandino constituta, à Dagoberto Franciæ Rege, anno 640, post annuntiatam hic Christi doctrinam à S. Amando Episcopo Tungrensi. Cives hujus civitatis frequentia, nobilitate, opibus, animis eximii sunt. Hæc Carolum V. Cæsarem orbi dedit. Opificiorum genera in hac urbe lxi, textorum præterea ordines xxvii, instituti primum à Comite Balduino, filio Arnoldi Magni, anno dccc lxxv. Quarto ab urbe lapide austrum versus, inter pagos *Sottegem* & *Velfeche*, ruinæ conspiciuntur murorum antiquæ, cum profundis fornicibus, è quibus numismata Romana Neronis, Gordiani, aliorumque Imperatorum, ad Constantinum usque Magnum, effodiuntur. Item vasa & signa ex metallo Apollinis & Mercurii. unde, ob tractus fertilitatem & opportunitatem situs, judicatur hic olim fuisse vel egregium oppidum, vel castrum saltem & propugnaculum Romanorum. Numerari insuper perhibent Gandavi circiter tricies quinquies mille domos, & tredecim rerum venalium fora, inter quæ potissimum eminet id, quod vulgo vocant *de Vrijdachsmerckt*; quod videlicet maxime frequentetur diebus Veneris, hebdomadario urbis mercatui dicatis. In hoc foro Hispaniarum Infans Isabella statuem posuit Carolo V, Imperatori, avo suo paterno, Flandriæ Comiti. *Politia* ejus, & reipublicæ gerundæ forma sapius per Principes immutata est: sed præcipua magisque notabilis & durabilis ea Senatus formatio fuit, quæ Philippo Pulchro Galliæ Regi, Guidi Principis captivi Flandriæque potenti, adscribitur: is enim anno 1301 magistratum sic instituit, civium assensu, ut annuatim octo cives, per Principis legatos urbemque ipsam electi, crearent viginti sex honestos idoneosque Scabinos, quorum origo anno 1281 fuit, qui à Principis vicariis in tredecim *Curiones*, hoc est, status publici electos custodes, legislatores, totidemque, quos partitionum vocant, de hæreditatibus, tutelis, injuriis, similibusque cognoscentes, discernebantur. At plebei, postea quæstu insolescentes, obtinuerunt, ut illi viginti sex Scabini ita distincti, ex tribus hominum generibus per illos octo apolectos desumerentur: *Civium* puta, de suis redditibus viventium: *Opificum* sive *Quæstus*: & *Textorum*: plebeis numero potioribus: quibus omnibus tres supremi *Decani* præerant: Primus Scabinus primis annum: alter opificum 52 Collegiis, totidemque decanis biennium: tertius annum textoribus, in 27 vicos tribusque dis-

Belgica.

paratis. Vnde perturbatio urbis sæpissime scaturit. Nam orta frequenter levi de causa consternatione, illi tres, ceterique inferiores decani, cum armatis collegiis, sonante classico campana, horarum nuncia, cui Rolando nomen, undecies mille pondo gravi, in turri Bellaforti, anno 1317 primum appensa, vexillisque expansis, in forum maximum procurrebant, impares turbis reprimendis. Multitudo enim tumultuosa, novitatis studio, aspectuque virium suarum audacior, præfectis suis facillime obaudiebat: donec Carolus Bellicosus, ejusque pronepos Carolus V, Cæsar institutum illud Philippi Pulchri, quod à Maximiliani Burgenfi detentione Gandavum resumpserat, abrogarunt; atque coegerunt, ut virorum 26 Scabinatus, in duo tribunalia, ut ante, divisus, per Principis solummodo vicarios ordinarios, quotannis ad decimum Maji diem, pro arbitrio crearetur. Porro tam ingentibus hæc urbs sub Guido Dampierro animis fuit viribusque, ad annum 1297, ut Eduardum Primum Angliæ Regem florentissimum cum filio, & viginti peditum, quatuor equitum millibus, qui illic, & in vicinia Mariækerkæ, contra Gallos hyemarant, non sine cæde expulerint: quia ob inducias cum Gallis pactas, discessuri, inscio Rege, ejusque consilio, ignem aliquot locis submiserant, ut urbem prædarentur: & tam enormi sub Ludovico Maleano licentia efferbuit, ut intra decem menses quadringenta supra mille ibi vicinisque in agris homicidia patratæ sint in ganeis, alea, venere, ebrietate famosis: tantaque ea tempestate multitudine inundavit, ut octoginta virorum millia (si verus est Froissartus) conferentur, qui per ætatem quindecim annos excedentem, sexaginta non egressam, arma ferre poterant. Carolus Magnus, D. Ludovicus Galliæ, Eduardus Primus cum filio, & Tertius, Angliæ Reges, hanc urbem frequentarunt: uxore etiam Eduardi Tertii, filium Ioannem, cui Gandavensi, jussu patris, agnomen fuit, Lancastriæ postea Duci, ibi pariente. Plura discere de splendore, magnificentia, amplitudine, opibus & operibus augustissimæ hujus urbis quicupit, nostram in Theatro Belgii Regii ejus descriptionem, & Antonium Sanderum in Flandria Illustrata adeat.

Pagi vero & Toparchiæ hujus Castellaniæ sunt complures illustres, & primo quidem loco se nobis offert

Pagi & dominia.

Aelteren, pagus notabili magnitudine, ad bis mille bonaria se extendit, situs ad quartum ab urbe Gandavo lapidem, arabilis & sylvosus. Dominium fuit apud Illustres Prati & Wostina Barones, dictos à Flandria. Insita huic loco & per viciniam se spargit nobilis Toparchia *de la Woestyne*. ecclesiæ patronatum possidet Abbas sancti Martini Tornacensis: loci dominationem temporalem illustris Baro de Tornebu Normannus.

Afsnede; pagus ad alterum fere lapidem ab urbe Gandavo situs inter Scaldim & Legiam. Sylvas habet montosas, & ab altero latere prata ad confluentem Legiæ sita, quæ miræ per æstatem sunt amœnitatis. Dominus temporalis loci Abbas Blandiniensis, & ecclesiæ Patronus. Hoc in loco situm est Dominium de *Idewalle* gentis Blaseriæ.

Baerle, pagus in ditione Nevelana situs non

S

pro-



procul à Trunchinio, terras habet arabiles & pascua, quæ per hyemem aquis Legiæ tecta, per æstatem gratissima pecori pabula præbent. Dominium temporale loci habet Abbas Blandiniensis, ecclesiæ item patronatum. Viculus dici potest, nam sexaginta tantum sex terræ bonaria complèctitur, & incolas habet perpaucos.

Bachten itidem in ditione Nevelana situs, non procul à Donza ad ripam Legiæ, cujus etiam felicibus aquis irrigatur, ad tertium fere ab urbe lapidem. Non procul hinc pons *de Rekelghem*, ubi, pugna commissa, Caputiati Gandenses, Fossiores Brugenſium magna clade affecerunt. Etiam viculus est, nam tantum centum bonaria terræ continet. Dominio temporali potitur familia Serclayſiorum.

Bellem pagus ad tertium ab urbe lapidem situs, nongenta continens bonaria. Est sylvofus & arabilis; spectatque ad gentem Rymiam.

Dronghene: Trunchinio ad Legiam nihil amœnius, pascua etiam habet uberrima & enutriendis bobus cumprimis idonea. Distat ad primum à Gandavo lapidem. Dynasta loci præcipuus è gente Cotrellia. Cum anno 1131 à Gandavenſibus incendio Trunchinium deformatum eſſet, & disciplina clericorum non parum collapsa, Iwanus de Aloſto ſeptem poſt annos, invitis & reclamantibus nequicquam iisdem clericis, regulares ad D. Norberti præſcripta viventes ſubſtituit: Eugenio P. M. rem approbante. Exinde Trunchinium cœpit eſſe Comitum Aloſti & gentilium de Gandavo quaſi Mauſolæum. Fuit autem hoc Dominium, ut pleraque per Flandriam alia, primitus in familia eidem cognomine; ac ſub Theodorico Elſatio invenitur Iwanus Trunchinienſis. Fuit & in Aloſtana & Cortracenſi; in Halowina, dein & de Lannoy, denique ad Cortrelliam, ut dixi, devoluta: multam tamen adhuc in hoc loco dominationem obtinet Flandriæ Comes; Parochialis eccleſiæ patronatum habet Abbas Trunchinienſis. Ad ampliſſima ſpatia, videlicet bis mille ſexcenta terræ bonaria protenditur.

Deſſelberghe quingentis plus minus paſſibus à Gandavo diſtat; peculium Abbatis Blandinienſis. Ad undecies centum terræ bonaria ejus magnitudo protenditur: juxta Scaldim paſcuus; ab altera parte aridior. Intra parœciæ limites & non procul inde Arx prætoria eleganti opere ſtructa, quæ ad Baronem de Rode ſpectat.

Deſſeldonck, ab hoc præcipue tractu pingues illi & tota Belgica laudati vituli Gandavenſes proveniunt. Pagus eſt altero à Gandavo lapide ſitus, Toparcham habet Flandriæ Comitem; Trecenta quinquaginta circiter comprehendit terræ bonaria, & familias nuper centum.

S. Denys, Pagus aliqua ſui parte ſylvofus & gleba non adeo felice; nam myricetum olet; altera paſcualis qua Legiam illac præterlabentem reſpicit. Peculium eſt ab antiquo Abbatis Blandinienſis, & loci Toparchus Archimandrita.

Duerle Vicus ad ſecundum fere ſitus à Gandavo lapidem, videt ab una ſui parte fluentem Legiam. Trecenta terræ bonaria circuitu ſuo complectitur, & habet Toparcham Baronem de Nevele. Habet & hic juriſdictionem non mi-

nimam Flandriæ Comes; prætorem quoque & Scabinos, ſub titulo præturæ de Duerle. Dominium vero gaudens titulo *s Graven-Hazelare* ſeſe extendit in *Tuerle*, *Eecke*, *Smynaerde*, & *Nazareth*.

Eecke pagus ad ſecundum à Gandavo lapidem, medio fere inter illud & Aldenardam itinere. Scaldi aliqua ſui parte adlambitur: ubi prata pingua & Legienſibus meliora.

Everghem ampliſſimus eſt ad primum ab urbe lapidem, & Castellaniæ Audenburgicæ maximus pagus, patrimonium S. Bavonis, Comitatus titulo nobile. Inter Evergemi ambitum varia ſunt, & fuerunt olim plura nobilium familiarum Prætoria. Arcem quoque habet quæ ſpectat ad Epiſcopatum Gandenſem: eam nuper Henricus Franciſcus vander Burgh Gandavenſis tum Antiſtes maxima ex parte reſtauravit, cum bellorum injuriis collapsa eſſet. Agrum habet non ubique pari felicitate fœcundum, variis tamen frugibus idoneum; habet & ſylvas & pascua; incolas ſtrenuos & frequentes, ut in toto illo paſſim Flandriæ tractu, qui cum ab agrorum cultu vacant, alia domi agunt, ac præcipue telas texunt, unde quæſtus non modicus.

Kneſſeldære pagus eximiæ magnitudinis, mille enim ducenta & quinquaginta terræ bonaria continet, ad quartum à Gandavo lapidem ſitus, medio inter urbem hanc & Brugenſem itinere.

Lovendeghem pagus amœnus, arabilis, ſylvofus & paſcualis, ad ſecundum ab urbe Gandavo lapidem ſitus, olim Burgundicæ, nunc dominium gentis Trieſtiæ. Secat eum nova Fossa, quæ Gandavo Brugas fluit. Prætorium habet & arcem egregiam.

Mariakercke pagus patentibus campis conſpicuus ad mediam Gandavo leucam diſtat, irrigatur ab una ſui parte Legia, qui Trunchinio venit, ab altera vero Livia, illumque ſecat medium fossa nova, quæ Gandavo Brugas fluit. Ab Anglis condita fertur ante plura ſæcula Gandavum obſidentibus.

Nazareth, quamvis ſit partim Cortracenſis, partim Aldenardenſis ditionis, Castellaniæ tamen Audenburgicæ accenſetur. eccleſiæ patronatum habet Epiſcopus Gandavenſis, temporale dominium ad familiam Damantiorum ſpectat. Pagus eſt, ſi quis alius, tota Flandria ampliſſimus, at gleba ſteriliore, & paſſim ſylvofus, complectitur ter mille & octingenta terræ bonaria.

Succedit Nevela Baronatus & municipium caſtro inſtructus ſplendidiffimo, territorio duodecim vicorum late patentis, iuriſdictione ampliſſima, nundinis & foro, opificiis & gildis ante duo ſæcula inſtructum, cœnobio virginali Franciſcano, & hoſpitali ante centum quadraginta annos ornatum. Pagi autem Nevelanæ ditionis hi ſunt, *Pouſſele*, *Hotenbulle*, *Landeghem*, ab una fluminis parte; ab altera autem *Vinct*, *Meyghem*, *Zeveren*, *Baerle*, *Vorſelaer*, *Bachten* & duplex *Leerne* cum Odonca arce.

Caſtellum de Oydonck ante incendium anno 1491, à Gandavenſibus procuratum, longe pulcherrimum, intra limites S. Mariæ Leerne ſitum, in ditione

ditione Nevelana, quatuor habet tures amplifimas, fossis undique cinctum latis atque profundis. Ausim dicere vix ullum tota Flandria splendidius esse prætorium, quod suas etiam circumcirca amœnitates habet atque delicias, hortos & pomaria omni genere frugiferentium arborum consita, etiam lucos & sylvas, flumen vicinum, & prata per æstatem jucundissima.

Somerghem pagus ad tertium ab urbe Gandavo lapidem, omni fere sui parte in edito situs, pascuis, sylvis, pratis, agro denique frumenti & cæterarum frugum ferace felix, amplitudine sua spectabilis.

Sleydingen ad secundum pæne ab urbe Gandavo lapidem, ecclesiam habet glorioso Martyri Georgio sacram. Ager pinguis, omniumque frugum, ac inprimis optimi tritici ferax. Olim Abbatia Bavonianæ, nunc Episcopatus Gandavensis peculium aliqua sui parte: nam altera Comitatus Flandriæ jurisdictioni paret, per Curiam istic à Margareta Constantinopolitana institutam: quæ Prætorem suum habet, & Scabinos, partemque agri in Lovendeghem & Waerscot occupat. Curia Magistratus quotannis per Prætorem Castellaniæ Audenburghensis nomine Principis constituitur.

Waerscot pagus est tribus ab urbe Gandavo leucis distans. Aliqua sui parte spectat ad curiam Sledinganam, à Margareta Comite Flandrorum institutam. Sylvas habet, & agros uberes & aqueductum Livix, per quem sua Gandavum & aliò convehit. Sui iuris & privilegii est, neque Toparcham habet singularem. Sub Flandriæ Comite immediate constitutus, ad annum


Domini 1404, per Simonem Wtenhovium, familiæ inter Gandavenfes clarissimæ.

Zwynærde ad primum distat ab urbe Gandavo lapidem. Dynastia Abbatia Blandiniensis, arcem per bella collapsam nuper instauravit Abbas Arsenius splendidam cumprimis, & Principis habitatione dignam. Habitavit illic Isabella Caroli Cæsaris soror, Christierni Secundi, Daniae Regis uxor, quò & maritus venit profugus, & ob tyrannidem à suis pulsus. Habet sylvas, agros, prata pingua, quæ Scaldi mirum in modum hic tortuoso & mæandros aquarum ducente irrigantur.

Cæteri Castellaniæ Audenburghensis pagi sunt, Hansbeke, Huesdene, Landeghem, Lathem, Loo Christi, Loo ten Halle, S. Mariæ-Leerne, S. Martens-Leerne, Mendonk, Meyghem, Merendre, Oostacker, Ostwinkel, Poessele, Ronsele, Saffelaere, Seeverghem, Vorselaer, Vrsele, Vinct, Vinderhoute, Wondelghem, Zeveneecke, Zeveren; quorum descriptiones vide apud Antonium Sanderum rerum Flandriæ accuratissimum scriptorem.

Atque ita quidem sunt, quæ impræsentiarum ad topographicam Castellaniæ Audenburghensis descriptionem suffecerint; quæ uti vetustate cæteras omnes in Comitatu Flandriæ sitas antecellit, sic etiam loco ac dignitate cæteris in unum venientibus primas obtinet; olim hoc quoque habuit privilegium, ut, cum ad bella Gandenses procederent, proximum à vexillo Gandavensium, Audenburgicum esset, & domini Bornhemienfis, ut in archivis curiæ Gandavensis ad annum 1404 videre licet.

CASTELLANIA ALDENARDENSIS.



Erritorium Aldenardense, si-
ve Castellania, ubi nonnulli
veterum Belgarum ac Ner-
viorum Curiam fuisse, non
levibus nixi argumentis exi-
stimant, olim divisum fuit in
duas partes, Superiorem sci-
licet & Inferiorem. Vtramque gubernabant
Archicenses, vulgò *Hoochpointers* / quod vi-
delicet essent supremi censitores, qui onera per
pagos distribuerent, & ad quos à repartitione
minorum Magistratum fuit procuratio. Castel-
lania superior continebat tres Archicenses,
dominos videlicet de *Peteghem*, *Avelghem*, *Hemfro-*
de. Inferior quatuor dominos, videlicet de *Cruys-*
hautem, *Eyne*, *Huyse*, *Aspere*, & *Singhem*, quorum
duo posteriores simul juncti, unum tantum Archi-
censitatum constituunt. Vtrumque deinde
territorium in unum corpus & collegium coa-
luit, quod componitur ex septem supradictis
Archicensitoribus, *Quæstore* & *Scriba*. Horum
Iurisdictio & auctoritas eadem est, quæ Archi-
censitorum & Scabinorum Castellaniæ Cortu-
riacensis: in eo tantum differunt, quod illi sin-
gulis ad minimum bienniis renoventur à Legatis
Regiis, hi sint hæreditarii & permanentes. Por-
rò Castellania hæc longo tractu sinistram Scal-
dis ripam occupans, Nobilium frequentia, Do-

minorum celebritate, Castrorum elegantia,
Terreni bonitate, Pascuorum lautitia meritò
commendatur, & tenet veteris pagi Corturia-
censis partem. Ejus rei fidem faciunt loca cœno-
bio Gandavenfi donata, quæ olim in dicto pa-
go, nunc in hac Ditione sita, in Cortracensi-
bus suis Gramajus demonstrat. Liber autem
Flandriæ censualis, hæc utriusque Castellaniæ
loca enumerat:

Peteghem.
Avelghem.
Huyse.
Heyne.
Nazareth aliqua sui
parte.
Huerne.
Wanneghem.
Cruyshautem.
Ghysselbrechteghem.
Eestert.
Beveren.
Castre.
Moude.
Mullem.
Autryve.
Wareghem.
Auweghem, *Aspere* &

Singhem, cum 28
terræ bonariis, de
quibus olim contro-
versia fuit cum inco-
lis de *Ermelghem*.
Iselmooreghem.
Bossuyt.
Ingoyghem.
Anseghem.
Ooteghem.
Lede Dionysii.
Tiedeghem.
Vichte.
Edycke, nunc *Oycke*.
Worteghem.
Nokeren.
Waermaerde.

Inter alia autem hujus Castellaniæ Dominia,
quæ

quæ pagum per se non constituunt vel parœciam, non minimi nominis est Toparchia de *Aishove*, quæ multo tempore pertinuit ad familiam de *Gavere*, & ab hac devoluta est ad gentiles de *Rocheport*, denique per nuptias *Catharinae de Rocheport*, cum *Arnulpho de Steenhuyzen* equite, domino de *Sweveghem*, pervenit ad *Margaretam* ejusdem *Arnulphi* filiam, quæ eam in dotem adtulit marito suo *Gerardo Descornais*, domino de *Morcourt* super *Somanam*, & de *Berchem* juxta *Aldenardam*. Ab his devenit ad familiam de *Mastaing*, in qua etiamnum possidetur.

Intra limites hujus etiam Castellaniæ, situm est dominium de *Hemfrode*. In eadem quoque Castellania situm non incelebre dominium de *Landeghem*. Insitum eidem Castellaniæ dominium de *la Marcke*. Nunc de singulis Castellaniæ locis superest, ut aliquid dicamus. Qua in re, ut quem natura situm dedit, ordinem sequamur, ab iis auspicabimur pagis, qui se Gandavo venientibus primos super arcem *Gaveranam* ostendant. Sunt illi, *Aspera* & *Singhem*. Horum Dynastias à Principe nuper concessas possedit *Ioannes Richardotus* sanctioris Consilii Præses. *Aspera* & *Singemio* adjacet *Aldengemum*, vulgo *Aurweghem*, nobilium de *Triest*, à vetustate dicta, & commendanda Dynastia, ac nuper Baronatus titulo honorata. Amplitudine sua 375 bonaria terræ complectitur. Ulterius euntibus occurrit *Cruysholtem*, à celebri olim salutiferæ Crucis veneratione nominatum: Gentis de *Mastaing* Dominium, nuper arce egregia instructum à *Carolo de Iauße* dicto de *Mastaing*. Pagus in vastam amplitudinem protenditur: mille enim & sexcenta quinquaginta terræ bonaria comprehendit. Habet & colles, amœnasque valles: à collibus longinquus in vicina Flandriæ mediterranea prospectus.

Beveren pagus est urbi *Aldenardæ* proximus, ad Septentrionem situs. Dominio hujus loci jam potitur Dominus de *Nieuwenhove*. In hoc pago situm est dominium de *Bruswaer* valoris eximii, & castro perelegante exornatum, gentis *vander Meere* domicilium.

Huyssè, amplitudine sua mille bonaria terræ complectitur. Pagus eximie magnus præ aliis in illo tractu sitis.

Lede, vicus est non admodum sua magnitudine commendandus. Centum enim tantum & sexaginta terræ bonaria comprehendit. Ius temporale loci ad familiam spectat *Deynartiorum*.

Wanneghem Vandalicum aliquid sonare videtur, ad temporale itidem spectans dominium familiae *Deynartiorum*. Pagus 355 bonaria complectitur.

Heurne, Dominio temporali jam potitur familia de *Mastaing*, ecclesiæ patronatu Capitulum *Tornacense*. Illa sancto *Amando* inscripta est, & amplitudine sua ducenta terræ bonaria tantum continet.

Oycke, pagus ad primum ab *Aldenarda* lapidem. Peculium fuit gentis de *Baronage*. Pagus autem 450 terræ bonaria complectitur. Nunc possidetur à viro nobili *Frederico de Marselaer*.

Heyne, dynastia olim gentis de *Landas*, postea familiae de *Boncourt* & de *Mastaing*, non modo titulo Baronatus, sed & Patriciatus Flandriæ, quos *Beros* vocant, cantatissima, nuper in familia

fuit de *Langlee*, è qua magnus jampridem *Gandavensium* Prætor *Philippus*, cujus filia in manus veniens cum *Hoochstratano* Comite, dominium illud nuptiali jure transtulit ad *Lalanos*. Pagus 500 terræ bonaria complexus, amœnus est, & ad *Scaldin* pascuus.

Nokeren, spectavit dynastia ad familiam de *la Vichte*, ab illis pervenit ad gentem de *Gras* nuncupatam, posseditque eam *Ioannes de Gras* eques, nuptiali jure. 400 Terræ bonaria complectitur: arcem habet hic pagus, olim dirutam, sed jam de novo pulcre resurgentem.

Worteghem pagus est in ditione *Aldenardensi*, non contemnendæ magnitudinis. Complectitur enim 800 terræ bonaria. Dominium autem temporale per oppignorationem à Rege acquisivit *Consiliarius Bosier*, nuper defunctus.

Mooreghem, idem cum *Iselmooreghem*. Coloniam Maurorum vocat *Gramajus*, nullo fundamento, cum Belgicam ea gens nunquam viderit. Toparchia autem fuit in familia de *Heurne*, at ejus nuper dominus *Carolus van Spiere*, territorii quæstor. Visitur & hic templum & turris è solido cocto lapide, quod miram antiquitatem testatur, unde multi existimarunt Maurorum hic aliquando Castra fuisse, indeque loco nomen inditum. sed *Gothorum* ego potius monumentum aliquod esse crediderim.

Mullem ad familiam spectavit de *Cabelliau*, veterem & rebus gestis in *Flandria* claram.

Elzeghem, ab *Elza Ghiselberti Lotharingiæ* Ducis filia nomen habet. Loci dominium nunc spectat ad familiam de *Aubremont*. Intra Parœciæ autem *Elsegemiensis* limites situm est dominium de *Scalda*, quod fiduciario jure tenetur à Barone *Anglomonasteriensi*. Mira est autem tum in hoc pago, tum in vicinis locorum amœnitas, qua veteres olim inferioris *Lotharingiæ* Principes allekti, sua hic domicilia fixere, in aucupiiis & venatione assidua se exercentes. Porro etiam in hoc pago situm est dominium de *Rockeghem*, antiquum.

Ghysselbrechteghem, vicus, cujus in universum magnitudo quinquaginta terræ bonaria non superat.

Waremaere, ad *Gruthusios* spectavit. Bis per annum nundinas habet, sed non admodum frequentatas.

Kerckhove, olim etiam *Gruthusiæ* gentis peculium.

Ansaghem, Cœnobii *Blandiniensis* est hæreditas, intra cujus parœciæ limites Toparchia jacet *Hemfrodiana*; nuper gentis *Marcanae de Lummene*, nunc familiae de *S. Genors*.

Ingoyghem, hæreditas est familiae de *la Mote*.

Mourve, ex parte tantum *Aldenardensi* territorio subcensetur. Peculium est gentis *Baronagiæ*, & habet Prætorium, nec inelegans, nec invenustum.

Avelghem, arcem habet in multis conspicuam, & in Feudum tenetur à *Blandiniensibus* Cœnobitis cum ampla Iurisdictione; spectat ad Baronem de *la Chaux*, ceu ejus hæredes.

Tiedeghem clarus est pagus sub dominio *Baronis Anglomonasteriensis*.

Nazareth, amplissimus in *Flandria* pagus, in tribus

tribus Castellaniis situm habet, veteris nimirum Burgi, Aldenardenfi & Corturiacensi.

Bosfiyrt, minima sui parte ad Aldenardensem, majore ad Tornacensem pertinet ditionem.

Aultrive, vel *Haulke Rive*, quod margines Scaldis admodum illic sint alti, dicitur, habetque eapropter rarissima prata. Spectavit dominium ad familiam vetustam de *Bracle & Tangry*, quorum majores admodum fuere benefici in Cœnobitas de *Elseghem*. Domicilium habet à Dynastis infesum, quod adjacet Scaldi, non tam elegantia, quam situs commoditate spectabile, quod minimo negotio possit egregie contra omnes hostium impetus muniri. Illud postremis hisce tumultibus, non parum negotii & incommodi illis partibus attulit, quibus se contrarium præbebat, à variis enim fuit possessum, nuncque huc, nunc illuc se inclinavit, ducente fortuna, & varia Martis alea.

Caestre, habet hoc in loco latifundia familia de *Waudripont*, à ponte S. Waldetrudis, ut apparet, nominata, originemque habens in Hannonia prænobilem.

Vichte, partim huic, partim Corturiacensi Castellaniæ subcensetur. Cæterum proprietarii Marchescalci Flandriæ titulus Toparchiæ huic annexus est, quo etiam intuitu annue illi debetur in recognitionem census super Principis bonis apud Brugas 10 Lib. Paris. & sex librarum 10 Sol. Paris. super bonis ejusdem apud Furnas.

Peteghem, ad primum ab Aldenarda lapidem, ultimo quanquam hic loco memoretur, nobilitate tamen cæteros, & primatu superare pagos videtur, vel ob id solum, quod ab auctore non uno, antiquum Regum fuisse domicilium perhibeatur. Eo loco situs est pagus, ut amœniorem tibi natura præbere non possit, habens in vicino flumen Scaldin, juxtaque pascua lætissima, ultra flumen in conspectu sylvosos montes. Dynastia inter Flandriæ primas fuit, & arce ad venationis commoditatem circa annum 1030 ornata per Comitem. quæ quidem bellorum tempore destructa fuit, & per leges pacis secutæ reparari vetita, postmodum tamen permisso Philippi Regis anno 1286 restitui permissa. Arcis veteris magna etiamnum exstant vestigia, aut ipsa potius arx tota, si non negligatur. Neque contemnendæ pagus est magnitudinis, nongenta enim terræ bonaria continet. Visitur & in eodem pago Prætorium familiæ *Sersandiorum*, ab ea gente aliquoties inhabitatum.

Post recessum Normannorum, mox & Pamellam Castellani titulo, & Aldenardam Comititis appellatione dominos habuisse scio diversos. *Hildulphus* castellanus de *Pamella*, cum *Iutta* uxore in Laubienfes cœnobitas reperitur munificus esse anno 920. *Ebroinus* (Heribrandum vocant annales Gallici) illustris Comes Regni Francorum Bovone Comite patre, Barmio de Ansalonia avo, Numerico Comite Narbonensi proavo, Ermengardi sorore, Bonifacii magni Principis Paduæ proavia natus, tempore Ludovici ultimi Francorum Regis (ait Codex Walciodorenfis) Aldenardam inter alia possedit, sed an à majoribus acceptam, an ab uxore Elberta filia Wederici, & Evæ Comitum Florinensium, non

addit. Successit filius *Gerardus Comes de Oldenarde*, cujus stirps, ait idem, apud Flandros propagata. Nec plura hic Codex ante aliquot sæcula fidei manu exaratus. Vixit autem hic Gerardus frater Elberti Comititis, Fundatoris Walciodorensum, anno Domini 922. Is infensus Francorum Regi, ob cladem quam acceperat, à Radulpho Comite Cameracensi Regiis auxiliis suffulto apud Quintini oppidum, quæ Augusta Veromanduorum censenda, duxit adfinem *Raginerii Longicollii* Comititis: unde pater effectus plurium. Ex nepotibus Fulbertus fuit Hasuigis Namurcæ vir, & ex ea pater beatissimi Arnulphi Sueffionum episcopi: fuit etiam Hugo de Aldenarda, qui ducta hærede Pamelenfi, cis & ultra flumen late imperavit, & Burgum Aldenardenfem multum nobilitavit. Hæc ex Archivo Walciodori, Florinarum, & Laubii, quæ quantum lucis dent historiæ veteri, quivis annotabit. Sed quomodo, inquires, si Hugo tam Pamellæ, quam Aldenardæ potens fuit, Comiti aditus ad ejus dominium factus? Non una ratio, aut via esse potuit: beneficium erat, ideo forsan arrogavit; opportunum, ideo forte arripuit; aut etiam, si jura requiramus, inter ecclesias ab episcopo Tornacensi anno 1030 initas, sibi Regalia servans, Pamellæ Baronem (eo enim tunc titulo honoratus) in Aldenardenfis dominatus communionem denuo certa norma admisit. Et delectatus loci amœnitate, nobilitatis vicinæ frequentia, fluvii commoda, si quis à Flandria superiore motus assurgeret, securitate, Einhamo arce in cœnobium versa, Petegemio ad venationis delicias servato, in Aldenarda oranda totus erat. Et observabis nullum fuisse Comitum, qui non illustri aliquo aut dono, aut facto, hanc urbem Regiam sæpe suam, nobilitatis semper voluerit nobilitare. Balduinus Barbatus quidem triennio post donationem à Tornacensi factam, id est, anno 1030, celebrem pacis gratia hic indixit conventum, advocatis Hugone episcopo & Flandrica nobilitate, adductis corporibus sanctorum Gerulphi (cui utpote Flandro primi honores dabantur) Wandregisili, & aliorum. Ex quibus advertere est, quanta celebritate peractus sit.

Filius ejus à natali Insula cognominatus, contra Cæsarem se firmaturus, inter alia repagulum hoc Scaldis an. 1053 munivit, & alteram inædificavit, sive Burgum, quod arbitror prima oppidi esse exordia, nec dubito ubinam extiterit, cum referat Meyerus ad annum 1110. in novo Burgo structam ædem Deiparæ. Novum Burgum vocat ad differentiam veteris Gothorum avo inchoati, quod Pamellani Barones Aldenardæ Domini incolebant. Idem Comes comitiis regalibus ad annum 1063. ubi Legati Hollandiæ Roberto ejus filio, viduam Florentii primi in matrimonium, liberos in tutelam, Hollandiam in administrationem obtulerunt, Aldenardam potissimum honoravit, ubi recenter & palatii sui sedem & Petram clientelis nobilem crexerat, primumque filium de acceptis Insulis Zelandicis, Comitatu Alostano, & Quatuor Officiis voluit beneficium profiteri, & fidei stabilitatem jurare. Hæc Petra locus erat ad columnam subdialem cruce faxea insign-

CASTELLANIA

insignitam, haud procul à foro tum conspicuam, ex adverso palatii, & perseverat nomen, & ampla feudorum curia. Quia autem sedem quodammodo sui Principatus, hoc in Burgo Comes figebat, Eynhamum castrum propinquum minus usui esse putans, anno 1034 eversum, lapidibus Aldenardam convectis, Cœnobio Benedictino exstructo anno 1074 attribuit, eadem libertate, qua ipse à Montensi Comite Hermannò acceperat. Filius Insulani Montensis, æque in hunc locum propensus, turres duas fertur extruxisse ad flumen, & monetam illuc traduxisse: unde occurrit nonnunquam denarii Aldenardensis, in rescriptis donationum Eynhamensium mentio. Secuti Comites Roberti, quod foris bello sacro, aut domi intestino occupati fuerint, nihil admodum otii reliquum habuere ad respiciendum Aldenardæ decus; sub Roberto tamen patre pontem flumini injectum lego, Roberto filio autem ad annum conditam in novo Burgo à Principibus Ædem Deiparæ, ab Odone episcopo Cameracensi dedicatam, præbentibus aream Mathilde filia junioris Arnulphi Aldenardensis, & Leberti quodam, & Sigillinde conjugibus indictione 3. Vnde certo colliges Pamellanos etiam in novo Burgo Comitibus jus habuisse, & privatos alios latifundia possedisse. Mathildis autem hæc Arnulphi, sive Arnoldi, advocati Einhamensis filia nupsit Gerardo Domino Aldeburgi camerario Comitibus, mater facta Balduini in Libitinario Cœnobii Aldeburgensi nati. Eadem porro quæ Roberto Comiti conjugii juncta paulo ante, ut dixi, urbem ornaverant, anno post 1119. affini suo Guilielmo Iprensi post mortem filii aditum factura ad comitatum Clementia, inclementer Aldenardam invasit, incendit, cives quosdam ultimo affecit supplicio, ubi etiam Iderus Prætor tertio Calend. Decembr. legitur trucidatus. Nec solitaria fuit hæc calamitas; duplicata anno 1127. cum Balduinus Montensis à morte Caroli Noni, Flandriam sibi à Rege negatam armis arrogans, Aldenardam per iram incendit, ubi in principe æde (ait ex Floriacensi Meyerus) multi exulti feruntur mortales. Nec proclive fuit Theodorici Elsatii Principatu à tot malis respirare, quam rem miseratus Philippus Theod. filius, omnem movit lapidem, ut oppidum è pulcherrimis sui comitatus, & nobilissimis pristino nitore restitueretur. cives itaque à servitute eximit anno 1172. eosdem anno 1189, legibus, privilegiis, institutis iisdem, quibus tum utebantur Gandenses, uti frui permisit, quo factum, ut oppidum ambitu, quam antea ampliore mœniretur, turribus & ponte instrueretur, prætorio & vicis insterneretur.

De ponte versus hi extant in codice Aldeburgensi:

*Pons Aldenardi factus fuit ante Gerardi,
Ac ope Liberti, duplici te munere certi
Annus letitiæ fuit octogessimus M. C.*

De muris in Einhamensi codice versus extat,
Muri Aldenardo sunt regnante Philippo.

Non parum autem ad incrementa redivivi oppidi fecit Gisliberti, Arnaldo tertio Dynasta, & Maria nati, potentia, qui, Principem se vocans, & Guisiano aliisque vocatus, Lessinæ, Flobecæ, & territoriis inter Marcam & Rosnam imperavit, Belgica.

Templum
Deiparæ.

Vastatio
oppidi.

Incendium
alterum.

Ius civium
& privilegia.

ALDENARDENSIS.

51

maritus Richildis Mortaigniensis Everardi ex Richildi Hannonica filia, anno 1186, 1191 & 1199, in Einhamenses munificus, gener Rogerii & Aleydis Namurcæ, pater Arnulphi de Aldenardo, Qui anno 1225, *Oppido suo de Pamela eandem dat libertatem, quam Philippus Comes dedit oppido Aldenardo, ut qui in eodem sint Scabinatu, eadem jura custodiant, & simili gaudeant beneficio libertatis.*

Vicecomitatus autem dominii non incelebris & antiqui, nullam fieri mentionem in Scriptis vulgatorum auctorum Meyer, Oudegerstii, Oliverii Marcani, Guicciardini, & Espinoii, & aliorum, permirum mihi videtur. Vicecomitatus est emptus olim per Gerardum de la Temerie, à Francisco Cruyppenninck, & Catharina ejus conjugem, ad investiendum eo Gulielmum de Rechem, ut patet è tabulis coram Prætoribus & Feudalibus viris Petræ Aldenardinae exhibitis, à qua præfata Toparchia sive Vicecomitatus movetur. Possessio autem ejus Dominii capta fuit quarta Februarii anno 1422, ut tabulæ ea de re exstantes apud Toparchum de Mullem docent. Videtur ab eo tempore titulus hic neglectus fuisse per hæredes & successores ejusdem Gualterii, qui uxorem cepit Catharinam de Grammez, ex qua duo filii suscepti, quorum natu major itidem Gualterius Præfectus fuit Castelli Aldenardensis, à Maxamiliano & Philippo Austriacis constitutus, uti per litteras etiam de anno 1484, etiamnum apud Toparchum eundem de Mullem exstantes constat, is uxorem habuit Margaretam è familia Lumenæ dicta de Marq. Secundo genitus fuit Richardus Scutifer, Dominus de Boulancii, sine prole mortuus. Gualtero autem filius fuit Iudocus Scutifer, Dominus de Kerckhove; Boulanci, &c. Duxit hic Barbaram Stommelins, è quorum conjugio unica filia superstes, quæ ultima nomen & insignia tulit gentilium de Rechem, nomine Florentia, nupsit Philippo Bastardo de Lalaing, Equiti, Domino de la Mauillerie, Masse, & causa uxoris de Kerckhove, Boulancii, &c. Hic dum viveret, nomine Cæsaris Caroli V. Legatus fuit in Gallia, & Oeconomus Ducissæ Sabaudia, quæ nomine Cæsaris Belgio præfuit. Habuere porro proles non paucas, quarum una Isabella hæres, iuris ejusdem Vicecomitatus fuit, cum cæteris prolibus, & matri suæ supervixisset, atque in manus venit cum Ludovico le Poyvre Scutifero, Domino d'Hoissye, ab iisque nati sunt liberi plures. Habet autem hæc Poyvraeorum familia originem suam in Gallia, quorum aliqui jam à quatuor sæculis Valentianas venerunt, & Ioannes de Poyvre Scutifer, Dominus de Hellibus, fixit domicilium Aldenardæ, à quo nati in eadem urbe, & circumcirca sedes suas habuerunt. Familia decus & vetustatem nata est, ut è variis in urbe Valentianensi monumentis patet, tum ex sepulcris eorum & epitaphiis. Creati ex iis etiam fuere non pauci equites, Præpositi quoque Valentianenses, & Aldenardæ, multis vicibus Consules. Connubia & illis fuere honorifica cum gentilibus de la Croix, Marchipont, Solemmes dit d'Aubenchœul, Wadripont dit de Cordes, Dassignies, Desprets dit de Cipli, Genly, Grebert, Quarouble, Lignieres, Louchier, Hargies Beaufremez, de le Walle, Chastelet, Ranlin, Spalmire, Baron de Bourvignies, Huerne, Bette, Lalaing, La Mouillerie, Serlin, Blafere,

VICECOMITATUS
ALDENARDENSIS.

fere, Cabelliau, Gruttere, & aliis in Flandria nobilibus & honoratis.

PAMELA
BARONA-
TVS.

Arnulphi Quarti Flandriae Beri, Domini de Pamela & terrarum inter Marcam & Rosnam tempore, Dominium de Pamela titulo Baroniae donatum est, ipseque primus constitutus Flandriae Berus, qua de re uti & de Castello Aldenardensi, vel de Pamela Comiti fidem praestat; Dictus Arnulphus easdem oppido de Pamele donavit immunitates, quas Comes Aldenardae dederat ad annum 1225. *Arnulfus de Aldenardo, inquit diploma apud Baronem modernum, tantam & talem oppido & oppidanis de Pamela concedit libertatem, quantam Philippus quondam Flandriae Comes oppido & oppidanis de Aldenardo concesserat.*

Codex Feudalis Baroniae de Pamele ad annum 1622, exhibitus Gulielmo Meynaertz, Supremae & Legalis in Flandria Curiae Praetori, sub Serenissimis Principibus Alberto & Isabella Flandriae Comitibus, per *Gulielmum de Locquengien* equitem, Domicellum Aldenardae, Berum Flandriae, Dominum ac Baronem de Pamele, Toparcham item ditionis inter Marcam & Rosnam, praecipua haec continet ejusdem domini jura, quae summam hic recensbo. Inhabitat Baro vetus Castellum Aldenardense. Et quae nunc se extendit Baroniam in Paroecias de Edclaer, Leupeghem, Volkeghem, Neereenname, Weldere, Rist, Coecamere & Elst, olim major fuit. Potitur omni Iurisdictione & Iustitia. Liberam habet venationem ad omnis generis feras, aucupium, piscationem à Canasle usque ad Gaveram, cognitionem super fluvio Scaldi, si quis indebita ad piscationem adhibeat instrumenta per totius Baroniae districtum. In urbe Aldenarda intra limites Pamelensis domini, & extra eam auctoritate sua, & per diploma sigillo suo munitum constituit Praetorem magnum, praetorem parvum, satellites & alios similes Iustitiae administratores pro lubitu, ad ejusdem domini jura facta testata conservanda, eaque coram Consule & Scabinis Aldenardensibus prosequenda, sicut olim coram Iuratis Pamelensis Toparchi fieri solebat, ante concordatum 1593. Illi in Castro causas Feudales tractant in Curia illic stabilita, ad Castri carcerem captivos ducunt. Pauperes nutriuntur per collectas, quae in Ecclesia paroeciali Pamelensi fiunt. Habet Baro varia privilegia, census, telonia super Scaldi, quae praefatus codex omnia speciatim declarat. Nullam cognitionem habet Magistratus Aldenardensis in Castro, fossis & hortis Castri. Ipseque Toparchus & ejus familia, à censuris & vectigalibus urbanis exempta, prout & Castri custos, sive aedituus. Parentes ac consanguinei, iique eodem modo liberi ab omni conventionione, & Judicio Senatus Aldenardensis, tam criminali, quam civili, adeo ut in prima instantia eos omnes in Curia Flandriae convenire oporteat. Constituit & Dominus auctoritate sua, & solus in Ecclesia Paroeciali de Pamele Aedituos, pauperum Praefectos, Diaconum, Subdiaconum,

Matricularium, & alios istius divini cultus administratores. Salvo quod in actibus illis, ad quos olim Jurati vocari solebant, duo nunc Senatores Aldenardenses vocari debeant, idque in ipso Castello, vel alio loco qui Domino placebit. Habet item alia jura, quae per concordatum anni 1594 abrogata non fuere, varia item & complura Homagia, obnoxiasque Baroniae suae clientelas. Habet inferiores item Magistratus cum potestate mulctandi, & his majorem Feudorum curiam. Est & ratione suae Baroniae Advocatus Eynhamensis, eoque titulo cum Abbate illius Cœnobii multis juribus gaudet. Fundi Baroniae in variis paroeciis varii, sylva item Edelariensis oppido conspicua, & per aetatem admodum amœna. Inter Feuda autem ac dominia varia, quae ab hoc Baronatu moventur, numeratur Feudum de Hillet vel *trou d'Antoing* familiae nuper Melodunensis, à quo plura alia cum aliis Juribus minoris notae etiam Feuda dependent. Curia & dominium de Avelghem in gente nuper Baronis de la Chaux, cum dominiis & paroeciis de Waermaerde, Ooteghem, & Heestert, quod se ad alias quoque paroecias protendit. Dominium de Roucourt gentis Melodunensis, Seignoeul in Hannonia, gentis de la Croix, Nieuwerborch in S. Mariae Lierda gentis de la Jauce, & Comitum de Mastaing. Ommeleda dominium in Beveren & Gheyts apud Rollarium, Baronis de Tournebus & Praet, Jacobi Thesars nobilis ordinarii camerae Regis Francorum. De Grametz gentis de la Woestyne, & nominatim Joannis domini de Grametz, unum de antiquis Flandriae Feudis, de Imperio inclavatum in Hannonia, inter Tornacum, Lutosam, Condatum & Ticma, quod se protendit in paroecias de Grametz, Maude, Piaulx, Thieulem, & adjacentia, cui alia subsunt minoris notae. Vollandre in paroecia de Welvelghem, gentis nuper Berlaymontiae, vario jure munitum. Oigmont in Hannonia gentis de Marnix, in paroecia de Vleyne. Maldrighem apud Aldenardam, gentis Wijngaerden, Nokeren, gentium de Gras, è familia de Vichte, quod multa jura, & praerogativas habet. Patronatus de Pitthem, nuper gentis Claeshoutiae, eoque jure praesentat Episcopo curatum, providetque ceteris in ea Ecclesia beneficiis constitutis & constituendis, aliaque habet jura. Feudum vulgò *het Aldenardsehe* quod de Cruyshautem protenditur usque Peteghem juxta Donzam. Duæ tertiae duorum feudorum in Volkeghem, gentis Ketulliae, & domini de Ryhove. Altera tertia ejusdem gentis, & nominatim nuper Henrici de Ketulle, qui Adriani filius dominus fuit de Noortfache. Moventur & alia plura, quae sunt, vel fuere gentium de Voocht, S. Cenoy, Yedeghem in bost, Carondelet, Espinoy, pastorum de Aldenarda, & Abbatiae Vallis Virginum, & aliorum plurium Privatorum.

E P I S C O P A T V S

B R V G E N S I S

*Episcopatus
instituitur.*



*Diocesis
amplius.*

Bona.

Dignitas.

Um reliquis in Belgio Episcopatibus novis per Paulum Quartum Pontificem maximum anno 1559, & mox distinctius per Pium ejus nominis etiam Quartum, anno 1561, ad preces & instantiam Philippi II Hispaniarum & Indiarum Monarchæ potentissimi, Belgicarum ditionum Domini, institutus fuit. Diocesis, uti Gramajus notavit, ad 54 in longitudinem, & 25 millia passuum Italicorum in latitudinem porrecta, complectens illo ambitu oppida 14, pagos centum triginta sex, & in eis municipia 17. Sedes in Ecclesia D. Donatiani, ante collegiata, Brugis constituta fuit. Bona ejusdem dignitatis dotalia, è præpositura ejusdem Ecclesiæ, bonis Abbatia Bertiniana in urbe Brugenfi & per viciniam sitis, nec non Abbatia Thosana Ordinis Cisterciensis desumpta sunt; non tamen monasterio destructo, sed cum onere alendi Religiosos aliquot. Quod onus Reverendissimus Dominus Dionysius Christophori de consensu Capituli sui, approbante rem illam Sede Apostolica, reservata sibi certa præstatione annua cum habuisset: R. D. Bernardus Campmans, qui primus Abbatiam suam Dunensem Brugas transtulit, anno 1628, in se suscepit, unione ejusdem Thosanae Abbatia, quæ Dunensis cœnobii filia erat, cum matre sua Dunensi facta. Attributus simul Episcopatu huic in vim erectionis Canonicatus & Præbenda Ecclesiæ suæ, cum titulo perpetui & hæreditarii Flandriæ Cancellarii, quo antea Præpositus sancti Donatiani gaudebat, cum maxima per Flandriam universam auctoritate, quæ etiamnum variis in locis, cum amplissima juris dicundi potestate perseverat, in occiduo præsertim Flandrorum limite, ac nominatim Brugis, Ballioli, Furnis, Hondiscoti, Bergis S. Winoci, & in ipsa denique Insulensi urbe. Quibus in locis suos Prætores, Scabinos, ceu Ratiocinatores vernacule *Redenaers* habet. Quæ jurisdictiones immediate à supremo Flandriæ Concilio dependent in causis gravaminis, vocanturque vernacule *Het Proostsche van S. Donaes in Brugghe*. Habet potestatem statuendi in iis quæ politiæ expediunt, quoad suos subditos, quos vocant de *Proostlaeten*. Est & alia jurisdictio in civitate Brugenfi & vicinis locis, quam vocant *het Canonsche*. Vbi quatuor Canonici Cathedralis Ecclesiæ per vices singulis feriis sextis induti habitu chori jus dicunt in civilibus. Potestate penes eosdem existente in criminalibus majoris momenti cognitionem causæ committendi alteri. In causis autem civilibus ad Capitulum à Canonicis illis Turnariis provocatur, inde ad Belgica.

Concilium Flandriæ, habentque potestatem similiter statuendi in politicis quoad subditos suos, quos vocant *Canonicklaten*. Cui Privilegio nihil simile aliis in locis clerus Belgicus habet. Locus autem huic Tribunali confectus juxta aulam Episcopi, & ex opposito Cathedralis Ecclesiæ visitur, ubi & carceres habet. Utuntur communi prætore, scriba & satellitibus à Præposito, nunc Episcopo nominandis, & juramentum, quoad Canonicorum Jurisdictionem in Capitulo præstant.

Distribuitur hic Episcopatus in octo Decanatus, qui sunt sequentes:

*Distributio
in Decana-
tus.*

Decanatus Brugenfis.

| | |
|--------------------|-----------------------|
| Bruga | Coolkercke |
| Parœcia S. Andreae | S. Catharinae |
| S. Bavonis | Affenbrouck |
| S. Michaelis | S. Petri op den Dyck. |
| S. Crucis. | |

Decanatus Oudenburgerfis.

| | |
|-----------------------|------------|
| Oudenburgum | Roxem |
| Ostenda | Bekeghem |
| Parœcia S. Catharinae | Serkeghem |
| Mariekercke | Snelleghe |
| Steene | Vassenaere |
| Santvoorde | Iabbeke |
| Snaeskercke | Ettelghem. |
| Westkercke | |

Decanatus Thoraltensis.

| | |
|-----------------------|--------------|
| Thoraltum | Loppen |
| Zuevezelle | Silleghem |
| Winghene | Aertrycke |
| Poucques | Ichteghem |
| Ruddervoorde | Vlaerslo |
| Waerdamme | Werkene |
| Oostcamp | Hantfaeme |
| Lichtervelde | Cortemarcke. |
| S. Iooris ten Distele | |

Decanatus Ghistellensis.

| | |
|-----------------|-------------------|
| Ghistele | Sande |
| Zevecote | Schore |
| Moere. | S. Pieters cappel |
| Erneghem | Mammekensvere |
| Cokelare | Slype |
| Bovekercke | Lombaertzyde |
| Beerst | Middelkercke |
| Stimekenskercke | Westende |
| Keyhem | Willekenskercke |
| Leke | Leffinghe. |

Decanatus Rollariensis.

| | |
|------------|----------------|
| Rouffelaer | Eeghem |
| Rumbeke | Ghits |
| Houckene | Hoochlede |
| Cachtem | Staeden |
| Bevere | Zarne |
| Pirthem | Rousbeke |
| Hardoye | Nieuwerkercke. |
| Coolscamp | |

X

Deca-

Decanatus Ardenburgensis.

| | |
|-------------|------------------|
| Ardenburch | Watervliet |
| Lapscuere | Bernem |
| Maldegghem | Medelem |
| Aedegghem | Ooerkercke |
| S. Laureyns | Zyzele |
| S. Cruys | S. Ians in Eremo |
| Eecloo | S. Margriete |
| Lembeke | S. Catelyne. |
| Caprycke | |

Decanatus Slusanus.

| | |
|-------------------|------------------|
| Sluys | Grouda |
| S. Anne ter Muyen | Schoondycke |
| Houcke | Noortmontcapelle |
| Coxie | Nieukercke |
| Hinkewerve | Gaterneffe |
| Cadfant | Biervliet |
| Nieuwliet | Breskens |
| Wulpen | Isendycke. |
| Oostburch | |

Decanatus Dammenfis.

| | |
|----------------|-----------------------|
| Damme | Wenduyne |
| Lisseweghe | Zuwenkercke |
| Dudzele | S. Catharine by Damme |
| Meetkercke | S. Ians op den Dyck |
| Oostkercke | Heyst |
| Ramscappelle | Cnocke |
| Blanckenberghe | Westcappelle. |

Semina-
rium Epi-
scopatus
Brugensis.

Seminarium Episcopatus Brugensis habet amplam commodamque domum juxta D. Walburgis, institutam sub secundo Brugensium Episcopo *Remigio Driutio*. Dos prima & fundatio desumpta fuit e Bonis Refectionalium, ut vocant, Cathedralis Ecclesiae Brugensis, & unita insuper decem minora sacerdotia, capellanas dicunt, Ecclesiarum quarundam, quae tam extra quam intra pomeria oppidi Brugensis sita sunt. In hoc Seminarium admissi primum alumni, qui humanioribus tantum litteris studerent, nec alii ad annum usque 1611. quo per Brugensem antistitem *Carolus de Rodoan* cepit esse seminarium eorum, qui Theologicis disciplinis vacarent. Constituti itaque duo Professores ex ordine S. Dominici, qui in domo Seminarii ejusdem binas quotidie Lectiones Theologicas statis horis habuere. Iis adjuncta fuere domestica repetitio-num, casuum, ut vocant, conscientiae, lectionis, & examinis sacrae scripturae utilissima studiosis exercitia, quae ab anno 1617 habuit ejusdem Seminarii praefectus *Christianus vanden Berghe* in aede Cathedrali Canonicus, vir eruditione ac virtute conspicuus. Quae res omni laude ac favore digna ad annum usque duravit 1632. quo *Servatio Quinckero* Brugensium Antistiti placuit ob causas mihi obscuras, cursum ejus rei sistere, & cum alumnis seminarii praefectum, dato ejus rei publico instrumento, ad alia ablegare. Quibus conatibus tamen cum se via juris, suo suorumque omnium nomine, opposuisset antedictus seminarii praefectus, per sententiam Concilii Provinciae nostrae cum omnibus suis manutentus fuit, quam (cum ea lis ad altiore Mechliniae Senatum tracta esset) posterior altioris Concilii hoc anno 1635, lata sententia confirmavit. Commissa autem fuit hoc in Seminario omnium beneficiorum, quae bursas vo-

cant, collatio Brugensi Antistiti, & seminarii ejusdem curatoribus, provisores nominant, juxta generale Concilii Tridentini decretum, si tria excipias, quorum collatio fundatorum adfinibus reservata fuit. Fundavit autem duas hic bursas laudatissimus Brugensium Antistes, & vir summi candoris *Carolus de Rodoan*, totidem *Matthias Lambrechtus*; ea tamen lege, ut qui ipsis sanguine juncti essent, etiam alio in loco studere, & beneficiis hisce frui possent. Salaria professorum Ioannis Albii Cubensis Episcopi pia haecenus suppeditavit fundatio. Et quamquam ad litteras humaniores in phalis Brugensibus explicandas, una per Albium lectio instituta fuerit, non inconsulto tamen utraque jam, quae per aliquos etiam ejusdem Seminarii alumnos frequentatur, lectio per patres Dominicanos ad solas caelestes disciplinas translata est. Habet & hoc Seminarium Bibliothecam non modica bonorum auctorum suppellectile in omni pane facultate instructam.

Primus in Brugensi cathedra positus fuit *Petrus Curtius*, honorata Brugis familia natus, S. Theologiae Doctor, & in Academia Lovaniensi, in qua Rhetoricam quoque docuerat, Professor, & ibidem ad S. Petrum Plebanus, & Pastor, cum annis quinque pedum Brugensem tenuisset. anno 1567 ad meliorem vitam transivit.

Curtium secutus est *Remigius Driutius* in Castelenfis territorii pago de Volkerinchove natus, I. V. D. antea consilii Mechliniensis Adfessor, libellorum supplicum Magister, & Praepositus Collegiatae Ecclesiae B. Mariae Virginis Brugensis, prius a Rege Catholico nominatus ad Ecclesiam Leovardensem, in qua nunquam resedit. Ad Brugensem autem Ecclesiam anno 1569 translatus confirmante electionem Pio Quinto, anno 1571 Synodum Dioecesanam celebravit. Postquam vero annos 24 & menses sex singulari cum laude Episcopalem hanc dignitatem gessisset, anno 1594 ad beatam immortalem vitam emigravit.

Tertius Brugensium Episcopus fuit *Matthias Lambrechtus* e pago D. Laurentii, qui pars est territorii Maldegghemiensis, oriundus, S. Theol. Licentiatus Lovaniensis. Vir, ut paucis elogium magnum habeat, ingenio, pietate, doctrina cum praecipuis quibusque sui temporis doctoribus merito comparandus. Primum Canonicus Graduat & penitentiarius Brugensis, exin Archipresbyter, & Archidiaconus, ac demum Episcopus fuit consecratus anno 1596. annis fere sex Episcopus fuit, obiit anno 1602.

Matthiae successit *Carolus Philippus de Rodoan* Berlegemius, I. V. Licentiatus Lovanii factus, vir apprimè nobilis & prisci candoris. Ecclesiae Cathedralis Virdunensis primum Canonicus; exin Gandavenfis Ecclesiae Decanus & Middelburgensis in Zelandia Episcopus fuit; Abbas etiam commendatarius Eynhamensis, Brugensium denique Antistes; in administratione ejus Ecclesiae laudem promeritus singularem, vitam cum pedit dimisit Eynhamiae Anno 1616.

Carolus Philippum Rodoanum secutus est *Antonius Triesteus* e nobili & prisca Triesteorum apud Gandavenfes familia. Primus Brugensium

Anti-

Petrus Curtius
I. Ep.

Remigius Driutius
II. Episc.

Matthias Lambrechtus
III. Brug. Ep.

Carol. Phil. a Rodoan
IV. Brug. Episc.

Antonius Triesteus
V. Brug. Episc.

Antistitem in æde sua Cathedrali Pontificales infulas à Matthia Hovio Mechliniensi Archiepiscopo accepit, aliis alio in loco ob turbas temporum unctionem accipientibus.

*Dionysius
Christophori,
vi. VI
Brug.
Episc.*

Vocato ad Gandavensem Tiaram Antonio successit *Dionysius Christophori*, natus Antverpiæ, & Lovanienſis Theologus, vir præclaris animi dotibus præditus; Beneficiatus primum in Cathedrali Antverpiensi fuit; ex nominatione dein Academica Canonicus & Plebanus ad D. Petri Turnhoutanus. Quo munere cum per semestre functus esset, anno sæculari 1600 Romam profectus Roberto Cardinali Bellarmino à sacris aliquandiu & secretis fuit, & cum eodem Capuæ Archiepiscopum agente, resedit, ubi ex beneficio Pontificis Præbendam Canonicatum, & Scholasteriam in Ecclesia Cathedrali Brugensi accepit, unde ad suos reversus, Synodo provinciali per Matthiam Hovium indictâ, ejusdem Secretarius à patribus eligitur; qua conclusa, ab iisdem etiam Romam pro confirmatione Apostolica destinatur, quam & à Paulo Quinto impetravit, litteris ejusdem Pontificis mentionem Christophori facientibus, & Hieronymo Cardinali Pamphylio hac in parte navatam à Christophoro operam etiam laudante. Itaque jam secundo ex Vrbe reversus, Seminarii Brugenſis à præcedentibus Episcopis instituti, à Rodoanio verò restituti primus Præses & Professor constitutus fuit, cui muneri dum sedulo incumbit, Anthonio Triest ad Brugenſem Cathedram electo in Decanali dignitate successit, in comitiis Ordinum Flandriæ aliquamdiu etiam Adſessor. Ex Decano autem factus Episcopus, delitium populi, & urbis amor fuit; obiit anno 1629.

Post Dionysium Christophori positus est in Episcopali hac Cathedra *Servatius Quinckerus*, origine Brugenſis, S. Theologiæ Licentiatus, Canonicus primum & Archipresbyter; exin Ecclesiæ Cathedralis Decanus, & in Comitibus Ordinum Flandriæ per aliquot annos Adſessor, ubi magna rerum gerendarum dexteritate industriam suam probavit, prout in variis etiam magnique momenti Regularium negotiis ac difficultatibus.

*Servatius
Quinckerus,
VII Brug.
Episc.*

Nicolaus de Houdion, dictus Gibercies, Bruxellensis, ex Canonico, Officiali, Decano, ac demum Præposito Ecclesiæ Cathedralis S. Bavonis Gandavi, consecratus est Episcopus Brugenſis 26 Januarii anno 1642: obiit Lovanii dum ab aquis Spadanis reverteretur 24 Septembris 1649. Suam Ecclesiam bonorum suorum scripsit hæredem, inque urbe Brugenſi Montem Pietatis erexit.

*Nicolaus de
Houdion,
VIII Brug.
Episc.*

Carolus vanden Bosche natus Bruxellis 21 Martii 1597, educatus Namurci & Ruræmundæ sub disciplinâ parentis Viri Amplissimi Francisci vanden Bosche, dum illuc Præsidentem Concilii, hinc Geldriæ Cancellarium ageret. Profectus Romam in comitatu Amplissimi viri Philippi Maes avunculi sui, quem ad Sedem Apostolicam Agentem legarunt Ser. Principes Albertus & Isabel-la; ibi per plures annos studiis operam dedit: in Belgium reversus juris utriusque Lovanii factus Licentiatus anno 1521: mox Capellanus Aulae, Canonicus Gandavensis, ac Montensis, demum Decanus Ecclesiæ Cathedralis S. Donatiani Brugi renuntiatus 5 Junii 1630. Exinde novus Brugenſium Episcopus inauguratus 5 Junii 1651: ac postea translatus ad Episcopatum Gandavensem, cujus possessionem adiit 8 Junii 1660.

*Carolus
vanden
Bosche,
IX Brug.
Episc.*

D I T I O
FRANCONATVS,
vulgo
H E T V R Y E.



Ditio Franconatus sive *Terra Franca*, quæ quartum Flandriæ membrum constituit, ad clientelam ac societatem olim Brugenſium ſpectavit, ejuſque urbis Caſtellania quaſi tota fuit; nunc autem à tempore (vel paulo ante) Ludovici Maleani, hoc eſt 250 fere annis ab Vrbe Brugenſi penitus divulſa, & libertati unde nomen ſervat, reſtituta fuit contra ejuſdem urbis voluntatem. Quamobrem magni aliquando, præſertim ſub Philippo Bono, Brugenſium motus fuere. Aer Regionis eſt temperatiſſimus, tritici non uſque adeo ferax; at ſecale, avena, fabæ, piſa, viciæ, fagopyrum, vulgo *Boekweyt*, linum denique & cannabis, item varia optimorum fructuum genera feliciffime iſtic & copioſe proveniunt. Verum priuſquam particularem huius ditionis deſcriptionem aggrediamur, operæ precium fuerit Latinum Guicciardini interpretem audire. Solebant enim *Gandavum*, *Brugæ*, *Iperæ*, ſine alio omni concurſu, ſolæ per ſe conſtituere tertium ordinem Flandriæ. Vnde porro ob magnum illud imperium, & qua domi foriſque pollebant authoritate, potentes admodum & inſolentes facti Brugenſes, eo ſuperbiæ jam proceſſerant, ut non Gandaveniſibus modo ac Ipreniſibus aliſſque terræ Ordinibus, verum etiam iſſis Principibus, (privilegiis nempe & immunitatibus ſuis nixi) arroganter ſeſe opponerent. Fuit autem ut in urbe graſſante ſumma quadam annonæ caritate, pagi imperio ejuſ ſubjecti, qui & plurimi numero erant, & opibus admodum validi, non pecuniis minus, quam comœatu civitati ſuccurrerent; ſed non alia lege, quam ut in cauſis juridicis ſas in poſterum iſſis foret tranſire à tribunali Magiſtratus Brugenſis ad illud Præſecti arcis ſeu Caſtellani (ut vocant) per id tempus in Arce Brugenſi Principis nomine commorantis. Quum annuiſſent Brugenſes, & paulatim accreviſſent tam numero, quam authoritate, paganorum primates obtulere tandem libellum ſupplicem Philippo Alſatio Comiti, petieruntque ut de cætero ſingularem iſſis & ſeparatam iurisdictionem exercere permetteret. Comes reluctantibus fruſtra Brugenſibus, quorum viribus & audaciæ modum aliquem ponere cupiebat & frænum, occaſionem hanc ſibi oblatam lubens arripuit, & annuit poſtulationibus paganorum. Iſſi obtento hoc privilegio,

inſtituerunt poſtea bona Principis venia inſignem quendam & ampliſſimum Magiſtratum conſtantem è 27 Senatoribus (ſeu Scabini cum vulgo dicendi ſunt) ex Nobilitate eorum deligendis, & in ætatem eo munere perfuncturis. Conſtituerunt præterea, ut quotannis deligerentur quaterni Conſules, terni quidem ex illo ipſo Collegio, quartus vero ex populari illorum ordine: creato item Prætor ſeu miniſtro & executive Juſtitia. Voluerunt autem hunc Magiſtratum domicilium ſuum habere in Vrbe Brugenſi, & convocari in ipſam Arcem: (Hodie, ubicunq; libuerit, modò intra ipſorum territorium, liceat ſedem ei deligere) & in Præſidem huius Senatus electus fuit ipſe Arcis præſectus. Atque ad hoc exemplum Magiſtratus hic conſueque ſe rexit, donec Comitiffa Ioanna, emptæ Præſidis dignitate ab eo, cui tunc forte obvenerat, Ioanne Toparcho Nigellano, anno 1224, vel, ut alii volunt, decennio poſt, Franconates alienæ omni poteſtati exemiſſi, & in liberam integramque huius ditionis poſſeſſionem miſſi, colato iſſi inſuper imperio in ſuburbana quæque loca & pagos, ita ut omnis Brugenſium iurisdictione intra pomeria urbis coërceretur. Crevere deinde Franconatibus pari fere cum opibus potentiaque, meſſura etiam animi: quare nec priuſ ceſſarunt, quam ſuperata omni difficultate, & obſtaculis ſibi à tribus illis primariis terræ membris, ut fieri aſſolet, factis, obtinuerunt tandem à Burgundiæ Duce Philippo Bono circa annum 1436 (vel ut alii volunt, multo priuſ, & à Philippo Audace) authoritatem & titulum quarti in Flandria membri: ea tamen conditione (quod poſtea quoque mutatum) ut in bellis omnibus ſequerentur Brugenſium ſigna. Gaudent hodieque hac quarti membri præeminentia Franconates, & obtinent imperium longe lateque diſfuſum in omnes pagos & clientelas, Vrbi Brugenſi intra ſeptimam leucam circumjectas. Quem ſecutus Marchantius non diſpari ſententia ſcribit: Quæ terra Franca vel Vrylatorum hoc eſt Liberorum vernacule nominatur, hinc nomen illud videtur eſſe naſta, quod pretio, officiis, obſequiſque in magna annonæ caritate, tempeſtivis ac gratis, à Iurisdictione Brugenſi diſſui impetraverit, Caſtellani Brugenſis juri ac imperio laxiori & imbecilliori ſubderetur (qua in opinione Ioannes Ludovicus Vives eſt) exueritque optimi capitis Balfarti ſimileſque ſervitutes. Cui ſenſim in magnum corpus amplificatæ, Philippus Alſatius, terræ proprietarius, à Brugenſi Caſtellano rogatus, iuris formam legesque præ-

Soli fertiliſſus.

Origo Franconatus.

præscripsit, Curebrevi, hoc est, selectorum statutorum diplomate, à Ludovico Nivernio, qui & Cressius, & à Philippo Audace confirmato, ac ad illorum temporum mores accommodato: ubi cavetur, ut insidiarum lethalium auctor, quique illis hortum domumve subministrat, homicidii reus; qui auxilio fuerit (salva vita membrisque) Principis & Castellani voluntati obnoxius esto. Fur in rerum ablatarum æstimationem & in multam trium librarum Parisicarum damnas esto: prædesque duos, se deinceps abstenturum, in eam summam singulos dato: multa autem ad Comitem, Castellani quoque æqualiter accedebant. Impuberis puellæ, hujus hæredibus inconsultis, matrimonium eblanditus, bona committito. Virorum criminis peractorum pœnæ multa quoque, uxores liberosque infantes, non tenento. Idem Philippus 27 Scabinorum Magistratum illic instituit: quibus nimirum viventibus functio non adimitur, nisi aut Principem mutantibus, aut falsi convictis; ex quibus tres solummodo, Burgimagistri puta, ab Oriente, Septentrione, Occidente, Ludovici Cressii ad annum 1330 jussu denominati, per Principis vicarios ordinatos, circiter Non. Septemb. statim post Brugensem Magistratum renovatum, quotannis creantur: quarto consule ex Virilatis (qui ex Magistratu Scabinorum non sunt) primario adjuncto, qui communis dicitur, primaque est dignitatis, velut Tribunus aliquis plebis. Meminit & alterius formæ Franconatibus traditæ per Margaretam Constantinopolitanam, Meyer. lib. 9 Annal. ad ann. 1267. in hæc verba: Margareta Princeps in agro Brugensi, (quod Francum vocant) tria instituit tribunalia, Brugis, Rodenburgi & Aldenburgi, ordinemque judiciorum ac rationem litigandi tradidit. Sed tenuit ea institutio duos tantum annos. Porro terram Francam Ioanna Constantinopolitana coëmit à Ioanne Brugensi Castellano Neellæ Gallicæ dynasta: qui in tabulis venditionis Meloduni anno 1224 confectis, affirmat se Ioannæ hæreditarie vendidisse & cessisse Castellaniam Brugensem, & quicquid tenebat feudi homagii-que inde dependentis, ac pretium sibi persolutum, quod fuit viginti tria millia, quingenta quadraginta quinque libellæ, sex solidi, octo denarii Parisienses: contractui velut testibus adhibitis Ludovico VIII Galliarum Rege, Philippo ejus fratre Bononiæ Com. Garino Episc. Silvanecti, Cancellario, Matthæo Montmorency, Conestabile, aliisque proceribus. Hæc terra Franca valde ampla est, fertilis & opportuna *Amplius.* Ifaræ, Liviar, aliorum fluentorum, marisque affluxu. Includit 35 Ambachta cum appendentibus & contribuentibus. Ambachta ab Ardenburgo, Ghistella, Lestinga, Aldenburg, Oostburgo similibusque nomen sortita, & pagos 90 complexa, unius Terræ Francæ tribunalis in Brugensi urbe atque Burgo per Ludovicum Cressium anno 1323 stabiliti, judiciis decretisque parent. Appendentes, contribuentesque (sic enim vulgo appellantur) 29 pagis instructi, suis quidem singuli aliquo usque Toparchis obsequuntur; sed in publicis comitiis, consiliis, tributisque, Ambachtorum subsidarii sunt atque *Belgica.*

portarii: Appendentibus ad Terræ Francæ: Contribuentibus ad Consilii Flandriæ tribunal appellantibus. Inter quos subsidiarios spectare est, Præposituram S. Donatiani Principe viro dignam, Baronias & Dominia de Winendale, Prat, Maldeghem, & Guisæ cum Wtkercke & Hardoge, Lichtervelde, Merkem & alia. Pagis autem illis Vasallicis, Dynastiæ plusquam centenæ, templorum consorti annexæ, jurisdictione sejunguntur. Statuit Ludovicus Cressius, ut exulibus Brugenfibus, aliorumque oppidorum tuto liceret in terra Franca agere: è diverso ut Vrylati nusquam captivi detineantur, nisi prius in jus vocati convictique, quod à patre antiquatum fuerat, Ioannes Digonius indulgit, vendiditque terræ Francæ Magistratui septem Scutatorum Francorum millium, scribam tribunalis, hoc est, ejus muneris conferendi cui velit facultatem. Enimvero Philippus Bonus ejus filius, tum ut Nobilium aulae asluetorum obsequentiumque, qui ibi fere in Magistratu erant, opera ad commodum suum, publicis in comitiis uteretur, tum ut Brugenfium potentiam frangeret, constituit, ut terra Franca, quartum membrum tribus aliis adjungeretur; quum prius ad tres urbes, quasi tripolim cætera Flandriæ Teutonicæ linguæ obnoxia referretur; atque signum militare, sigillumque non secus atque aliis membris ad annum 1437 attribuit, invita sane quam maxime Bruga atque obmurmurante. Quam indignationem, orta in Mariam, Philippi neptem, Maximiliano postea enuptam, tempestate, velut vomitam patefecit, ut fistulæ diu interclusæ, aut interceptæ, turbidiores aquas ejiciunt; tum enim à tumultibus non prius abstinuit, quam impetravit, ut quarti membri prærogativa terræ Francæ adimeretur; Sed hæc Carolus V Cæsar reddidit, atque in perpetuum lege firmissima sanxit. Sicut autem Franconiæ tractus totus etiamnum est ager Brugenfis (id est Reipub. Brugenfium olim obnoxius) sic tum illius, tum Brugenfium Prætor est communis, quandoque & Castellanus Brugenfis vocatus; quanquam olim major ampliorque fuerit Castellanorum autoritas ac potentia, quam hodie sit eorum qui prætura Brugensi ac Franconatum utuntur.

Fuisse autem aliquando aliam aliquam Reip. apud Franconates formam, colligere posse videmur ex iis quæ ad annum 1330. sub Ludovico Nivernensi narrat Meyerus, de iis in hunc modum scribens: Eodem anno Franconates Ludovicus Princeps trifariam partitus est, in Septentrionales, Occidentales, & Orientales, singula constituens iis prætoriam cum Scabinis tredecim, quos annuos tantum esse voluit. Sunt enim illi jam perpetui, & ad unum aliquod prætorium Brugis constitutum omnes relati: eorum tamen adhuc Tribunalium nomina servantur, & è toto magistratu deputati semper aliqui cum suo consule, qui res illarum partium specialius curent. Porro quam omnis ille tractus Occidentalium præsertim Franconatum olim fuerit, vigente scilicet per Flandriam lanificio, populosus, ex verbis ejusdem auctoris colligitur ad annum 1383. sub Ludovico Maleano. Occidui, inquit ille, Franconates, de *Populositas.*



quibus sumus locuti, Isara amne, qui ad Neoportum mare influit, à Furnensibus determinantur, & his fere vicis, & pagis continentur: Aldenborgo, Ostenda, (quæ duo inter oppida censentur) Ghistella, Oucalaria, Brede-na, Mœra, Zerecota, Guiza, quæ Baronem habet, Slipia, Westenda, Wilraphi Ida, Lombardi Ida, quod olim oppidum, nunc fere nihil; Scora, Zantfordia, Lessinga, Steria, Zanda S. Crucis, Leka, Clayhem, Vlarelidi Colonia, ubi Heya Castellum, Viruli Trajecto, Bersta, Zarra, Wercken, Woma, Clerchem, Esna, in qua Dixmude oppidum ad confluentem Isaræ & Zarre. Notandum autem est eos vicos & pagos causa lanificii tum longe plures habuisse colonos, quam hodie habent, de-fecto jam lanificio. De eisdem mox idem auctor sub Margareta Ludovici filia ad annum 1384 in hunc modum: Interdum petitione Brugenfium ne posthac Franconates per pagos suos lanificium faciant: quæ res tandem plus ipsi oppido, quam pagis nocuit. Merito: nam universim à pagorum in vicinia posito-rum florente statu, oppidorum bona. Idem ad annum 1414. sub Ioanne Burgundione: Franconates Dux ab omni pœna liberat confiscationum, præter-quam in crimine perduellionis contra se vel ejus uxorem, aut liberos legitimos, aut ipsius Cancellarium. Actum Gandavi Kal. Octobris.

Et iterum sub Carolo Burgundione ad an-num 1468, munificentiam Franconatum com-memorans: Hoc Pascha, inquit, Dux Carolus cele-brat Brugis, & 13 Kal. Maji in ædibus Franconatum præstat, recipitque fidem. Donavit illi quadraginta Marcas argenti infecti. Magnus numerus exulum singu-lari indulgentia patriam recipiunt soli rejecti, qui propter motum aliquem, aut seditionem factam fue-rant deportati. Quantis autem conatibus, ac quo molimine sæpius tentarint Brugenfes ditionem hanc Franconatum, suæ potestati, ut aliquan-do fuerat, subicere, & hoc efficere ne quartum Flandriæ membrum censeretur, cum in omnibus Flandrorum historiis, & copiose apud Meyerum legatur, tum vel satis ex paucis his, quæ de tumul-tibus sub Philippo Bono excitatis commemorat Marchantius, colligitur: Anno 1436. Gandavenses, inquit, cum Brugenfibus quietem Reip. interpellarunt, illi quidem quod egre tolerarent, novam vestem à militia rede-untibus dari solitam, sibi à Caliso revertentibus denegari, vestemque potius à Magistratu irato offerri: Hi vero ut Slusanos, qui portas ipsis, oram ibi maritimam contra Anglos defensuris, occluserant, gentemque factiosam appellarant, ulciscerentur, & ne (Franconates) Vri-lati quartum Flandriæ membrum, uti Philippus jube-bat, constiuerent, sed ipsorum municipes & subsidiarii permanerent. Quod postremum Principis voluntati, Gan-densium suavis concessissent, nisi plebem quæ instar lacus per se quieti, immobilis est, Iacobus Messemakerus con-citasset, atque divertisset. Qui, miror, ait, cives Brugen-fes, vos Gandensium consiliis, ac Principis Imperio tantum tribuere, ut agrum ab urbe, colonos à Dominis, clientes à patronis, corpus denique à corde abstrahatis. An nescitis hoc pacto duas Civitates ex una, pro vicinis hostes, pro amicis æmulos, pro quiete turbas vos habituros? Itaque si sapitis, nec quæ natura ab initio conjunxit, usus sanxit; neque arborem à cortice, neque matrem à liberis avellatis. Sic ille vulgo obfistendi pervicaciam auxit eo gravior, quia facundus, & culpæ vel gloriæ socius aperte in cau-sam descenderat. Privilegiolorum autem quorundam Franconatibus concessorum à variis Flandriæ

Principibus meminit Petrus Oudegherstius in chronicis suis quæ Gallico sermone conscripsit. Quædam è textu auctoris non improbi huc ad-ducam. Sub Ferdinando Comite & Ioanna ait; Illud quoque Franconatus incolis benigne indul-gent, quod nullus ex eorum Consulibus possit à consulatu amoveri, seu commutari, nisi for-san alteruter ex his casibus inciderit; nimirum vel solennis, isque primus in civitatem Principis ingressus; vel ubi quispiam illorum, per legem, falsi convictus fuerit: quod conceptis hujusmo-di verbis ratum fecerunt: *Recognoscimus, quod Sca-binos officii Brugenfis amovere non possumus, nisi essent falsificati secundum legem, præterquam cum novus Domi-nus in terram venerit, ipse eos amovere poterit, & pone-re.* Qua de re etiam litteræ ex oppido Maleensi datæ anni millesimi ducentessimi, 3 Novemb. conspiciuntur. Singulis etiam in Franconatu de-gentibus, quanto tempore ibidem permanerent, eam servitutem remiserunt, quæ lingua eorum vernacula *het beste Hooft*, à Gallis autem *Præci-pui Capitis* indigetatur; concessis eapropter duabus apud D. Matthæi civitatem Patentibus. Exinde vero cum Flandriæ Comitissa in luctu & viduitate ageret, inter plurima quæ in Belgas contulit privilegia, quibus ipsorum obedientiam fidemque sibi strictius devinciret, hoc etiam Franconatus habitatoribus declaravit, quod in-posterum Consulum seu Scabinorum dicto sta-retur tanquam certissimo, non autem Officia-riorum à se constitutorum arbitrio; dummodo tamen Consules ipsi super facti veritate plenius informarentur. Hujus porro privilegii expeditæ sunt litteræ apud Maleenses, anno millesimo du-centesimo trigésimo quinto, Majo corrente. Imo & prænobilis Comes Thomas, Ioannaque Comitissa, pecuniariam relaxarunt Franconati-bus servitutem, quam quotannis Comites illic exigere sub nomine *Balsaert* consueverant; de hoc testantur litteræ mensè Ianuario conscriptæ anni millesimi ducentessimi quadragesimi, præ-sentibus etiam inibi Arnolde Audenardæ Ca-stellano, Rasso de Gavere, Guillelmo de Bethu-ne Domino de Muelebeke, Ægidio de Bralen-çon, Balduino de Bailleul, necnon & Ægidio Brugenfi Canonico. Præfati vero Comes & Comitissa ad hujusmodi sui juris in hoc domi-nio relaxationem ex eo fuere commoti, quod pauperes duntaxat prædicta servitute preme-rentur, dicatque Propheta: *Dominus requirit ab homine facere judicium, & diligere misericordiam.* Me-minit & antea Franconatum idem Auctor sub Philippo Elfatio in hæc verba: *Brugenfis etiam Castellaniæ, id est Franconatus civibus (olim enim Castellania Brugenfis omnis fere Franconatum ager fuerat) Summam Iudiciorum commisit, ut inter li-tigantes jus dicerent; hujusque concessionis Litteras expediti curavit, Keure dictas, quæ quidem varia complectuntur; illud vero præ cæteris notatu dignum; ne ullus ex Franconatu civis, ex matre spurcius sit; Verborum tenor is est qui sequitur: Quidquid mulieri contingere potest ex parentibus, hoc filio suo contingere potest. Quidquid homo filio suo fornicario dat sine conditione, hoc est, post mortem ejusdem filii, de-venire potest in parentes matris pueri: si autem à patre conditio aliqua super donatione illa fuerit, conditio obser-vanda*

vanda erit post mortem prædicti pueri. Vnde liquet Franconatus incolam posse filium nothum quibilibet suis de rebus heredem conscribere, five absolute, five sub conditione, aut alia quavis ratione. Item quicumque scurræ hospitaverit, plusquam una nocte, si in crastino abscedere noluerit, poterit eum Dominus in aquam projicere, absque fore facto. Item de furto, qui protractus fuerit, dabit illi qui suum abstulit, estimationem rerum suarum ablatarum, & Comiti & Castellano tres libras, & duos plegios statuet cognitos, quod deinceps desistet, quemlibet eorum pro tribus libris. Si ille postmodum ceciderit, & illum plegii adducere non possunt; tunc jurabunt eum adducere non posse. Quod si postmodum de furto impetitus venerit, purgabit se iudicio frigida aquæ in corpore suo tantum. Videtur autem postremus hic articulus, impune latrocinandi copiam Franconatibus facere.

Spectabat olim Brugenfis Castellania Dominum peculiarem sub titulo Castellani Brugenfis, qui recensita jam statuta necnon & privilegia à dicto Philippo Comite favorabiliter impetravit. Hæc tamen ego jura, prout expedit, nunc antiquata, & extra usum esse arbitror.

Laudat eandem Remp. dictus auctor à Politia & Magistratu sub Guidone & Margareta Constantinopolitana, hoc modo: Franconates in ipsa civitate Brugenfi commorantes aliam nobis exhibent formam regiminis; in hac quippe Magistratus extant perpetui, adeoque prudenter electi, ut nec ulla sit provincia quæ rectius laudabiliusque administraretur quam ipse Franconatus, ubi incomparabilis auctoritatis magnificentiaque Senatus cernitur, idoneis inquam regendæ non huic tantum suæ jurisdictionis provincie, sed regno omnium amplissimo, quin & præ reliquis opulentiſſimo.

Paulo post sub eodem Guidone idem auctor hæc subiungit: Præfatus Comes Guido Brugenſes inter atque Franconates quoad Bouchstorum, id est, supervenientium litium tribunal, hunc statuit ordinem; ut si forte lis inter Franconates ambos suboriatur, ad Franconates quoque iudices devolveretur iudicium; sin autem ambo cives sint, à Consulibus Brugenſibus lis definiatur; at si fuerit uterque alienigena five extraneus, id est neque ex civitate Brugenſi oriundus, neque ex Franconatu, tum demum de huiusmodi processu Brugenſes cognoscerent; itidemque si hic foraneus, ille autem in numero civium computaretur. Porro si fuerit unus quidem extraneus, alter verò Franconatus hospes, & tertius civis titulo ornatus, hospesque ille Franconatus litis initium fecerit, ad Franconatus tribunal spectabit iudicium ejusmodi; si autem civis liti causam dederit, Civitatis est jus dicere: tandem si causa fuerit ambigua, inquireret Balivus ipse, ut hac ratione litigantes coram competenti iudice compareant; ut plenius constet ex litteris anni millesimi ducentissimi octuagesimi noni. Quæ superventu similium casuum, adhuc in viridi observantia esse mihi persuadeo. Vtroque populo, uti justum, privilegiorum suorum (ad quæ concedenda animus Principum nunc frigidior) perquam tenace.

Auctor idem meminit rursus Franconatum sub Ludovico Cressiaco verbis sequentibus: Exortum inter Brugenſes atque Franconates de pannorum textura dissidium composuit; statuit

Belgica.

que posse deinceps apud Franconates pannorum texture navari operam, datis subinde litteris anni millesimi trecentissimi vigesimi secundi: Decrevit quoque quod lex Franconatus sedem in perpetuum stabilem Brugis esset habitura, ut patet ex datis anni millesimi trecentissimi vigesimi tertii.

Idem sub Philippo Audace & Margareta ejus conjuge Lodovici Maleani filia: Firmarunt, inquit, Franconatum privilegia, consuetudines & usus, quibus ante novissima dissidia potiebantur, hac tamen lege posita, quod iis uterentur, prout decet; quare & iisdem concesserunt litteras anni millesimi trecentissimi octuagesimi, junctisque aliis octuagesimi noni, & nonagesimi, initis nuper inter Franconates & Slusenſes contractibus robur addiderunt in his quæ *Keure*, id est, utrumque statutum concernunt, *Oostkeure* nimirum, & *Zuidtkeure*, anni 1399, quæ Slusenſes ad dilatanda civitatis pomeria intra illius ambitum assumpserant. Demum emanata ab eodem Duce Philippo arbitraria sententia perversam emendat Franconatum consuetudinem de cessatione legis in nonnullis casibus, providens qualiter in posterum iis occurrentibus se gerere debeant. Hactenus Oudegherſtius.

Habet in Burgo, veteri olim arce, Brugenſi ^{Prætorium} Senatus Franconatum aulam suam five prætorium, in quo toti Ditioni jus dicitur: archiva item five munimenta Reipub. servantur. Domus est splendida & variis tricliniis commodisque instructa. Visitur in hac domo imago lignea five statua Cæs. Caroli quinti, qua, aſſim dicere, magis artificiosam & elegantem Europa non ostendet. Visitur & iudicium universale à manu Pourbusii pictoris, Apellea fama & penecillo dignum. Alia denique admirandæ artis, quædam ex ligno faberrime facta. Habet & facellum domesticum, in quo per singulos dies facit sacerdos ut rem illic divinam audiat Senatus. Foris etiam ad atrium ejusdem Prætorii videre datur statuas aliquot inauratas & elegantes prophanorum quorundam apud paganos numinum, quæ symbolicis significationibus statum & munera terræ Franconatenſis insinuant. Atrium quoque in quo disceptantur causæ, magnificentum est, & in eo caminus egregius, inferius ex lydio lapide, in medio ex alabaſtro (ubi historia Susannæ à senibus sollicitatæ, ad iudicium deductæ, senum captivorum, denique occisorum) in summo statua Cæs. de qua ante. Denique, quæ nec minori admiratione digna est, conspicitur hic Geographica ingens & ampla Tabula ditionis hujus à manu ejusdem Pourbusii graphice delineata. Ad orientem quoque attigua est huic Prætorio, & nuper aucta domus illius quem Actuarium Franconatenſem nominant, qui beneficium ejusdem ditionis eam solet inhabitare. Non modo autem consulari, verum etiam Senatoria Franconatum dignitate functi sunt viri cum primis illustres & in Repub. nostra alto loco nati: quos inter anno 1469, *Gulielmus de Sta-vele* Vicecomes Furnenſis: cui sequente anno pluribus accedenti successit *Iudocus de Lalaing* Dominus de Montigny, postea Eq. Vell. aurei,

A a

Simone

Simone de Lalaing itidem Equite Vell. Aurei patre natus. Anno 1480, *Daniel de Praet* à cubiculis & consiliis Maximiliani Archiducis. Anno 1519, *Ludovicus à Flandria* Dom. de Praet & Ditionis de la Woestyne, Eq. Aur. Vell. An. 1540 *Philippus d'Ongnies* ejusdem loci Toparchus. Anno 1550 *Antonius de Sacquesbee* Dom. Dixmudæ. An. 1561 *Carolus de S. Audomaro* dictus de Moerbu, Dom. de Dranoulte. Eadem dignitate etiam functi sunt viri præstantes è familiis de Liedekercke, de Ghistelles, Halwyn, Claerhout, Bailleveul, Douxlieu, Pouques, Heule, Lichlemelde, vander Gracht, vander Vichte, Metteneye, van Boonen, Maldeghe, van Zeleghe, Wtenhove, & aliis familiis per Flandriam nostram claris. Quorum seriem videre est in fastis Magistratum Franconatum, quæ hic brevitatis causa prætermissa sunt.

Nunc ad seriem locorum transeo, quæ actò generali Flandriæ censu ad annum 1517 Princeps Carolus Ditioni Franconatum subjecta declaravit, quæque municipalium legum ac consuetudinum liber singulatum non expressit.

*Loca sub
Franconia
in compre-
hensa.*

Ambachtum Isendycanum:
Gaterneffe S. Catharinæ
S. Margaretæ S. Ioannis in eremo.
Ambachtum Oostburgense.
S. Eligii S. Bavonis
Nieukercke Schoondyck
Moerkercke Breskinflant.
Ambachtum Ardenburgense.
S. Crucis S. Laurentii
B. Virginis Besuden B. Virginis Benoorden
Coxide B. Virginis intra Slusam
Heynkewerve Heyle.
Ambachtum & Paræcia de Moerkercke.
Ambachtum de Oostkercke.
Oostkercke extra Dammum.
Lapscuere Waelscappelle.
S. Catharinæ
Ambachtum de Dudzele.
Dudzele Ramscappelle.
Coolkercke
Lisseweghe Ambachtum.
Lisseweghe Heylen Cnockem.
Ambachtum de Vutkercke.
Vutkercke S. Ioannis super Aggerem
Wendunen.
Ambachtum & Paræcia de Zurenkercke.
Ambachtum de Meetkercke.
Meetkercke S. Petri super aggerem.
Ambachtum & Paræcia de Houthave.
Ambachtum & Paræcia de Nieumunster.
Ambachtum & Paræcia de Vliesseghem.
Ambachtum & Paræcia de Clemskercke.
Ambachtum & Paræcia de Bredenehouc.
Ambachtum de Oudenborch.
In Paræcia de Oudenborch.
In Paræcia de Ettelghem.
Ambachtum Serwautermans.
Oudenburch Ettelghem Zantvoorde
Bredene S. Cateline Mariekercke.
Ambachtum de Camerlinck.
A Camerario Principum Flandriæ nomen habet, & putatur tota olim ditio ejusdem fuisse Camerarii. Quos inter Conon fuit in Aldenbur-

gense S. Petri Cœnobium munificus, ut alibi latius dicetur.

Steene Snellegheestkercke
Leffinge Willekinskercke
Slypen Mannekins verre
Middelkercke Westende.
Ambachtum de Vlaersloo.
Vlaersloo Vest Keyghem
Leecke Scorre Noortovere.
Ambachtum de Wommen.
Wommen Merckem.
Ambachtum de Eessen.
Eessen Klerckem.
Ambachtum de Zarren.
Zarren Hantsaeme.
Ambachtum & Paræcia de Bouwenkercke.
Ambachtum & Paræcia de Coukelaere.
Ambachtum & Paræcia de Techteghem.
Ambachtum & Paræcia de Yemeghem.
Ambachtum & Paræcia de Aertrycke.
Ambachtum de Ghystella.

Ghistella Moere Zande Zevekote
Houckewiete dictum Capelle Westkercke
Roxem Ettelghem Bekeghem Zerkeyghem.
Ambachtum & Paræcia de Zerkeyghem.
Ambachtum de Iabbeke.
Iabbeke Staelhille.

Ambachtum & Paræcia de Snelleghem.
Ambachtum & Paræcia de Zedelghem.
Ambachtum & Paræcia de Loppem.
Ambachtum & Paræcia de Varsenare.
Ambachtum de Straten in Paræcia S. Andreae.
Notandum pleraque horum Ambachtorum singulos suos habuisse olim Dominos ac Toparchas, sed moto aliqua in Principes bello, alia aliis modis fisco Principis, & immediato ejus Imperio subjecta fuisse.

A P P E N D I C E S.

Ambachtum de Maldeghe.
Maldeghe Ayeghem S. Laurentii.
t Nieuwe in Beerem t Walsche in Beernem.
Ambachtum Buuskins, Iongers Ambachtum in Oostcamp.
Hospites vulgò Laeten Dominii de Erckeghem.
Hospites Dominii de Rode dicti Nieuwenhove.
Dominium de Coolbrouck dictum Geersbrouck in Ruddervoorde.
Hospites de Kneffelaere.
Hospites Decani in Ruddervoorde.
Dominium de Niewen in Oedelhem.
Dominium de Niewen in Loppem.
Hospites Dominii de Tillegem.
Hospites Dominii S. Georgii ad Vrticam.
Hospites de Gentbrugge, item de Wulfsberghe.
Hospites de Coolcamp & Hardoye.
Dominatus communis in Hardoye.
Dominium de Ayshove in Hardoye.
Hospites de Ayshove in Coolcamp.
Hospites de Huelselaer in Coolcamp.
Hospites de Pauschen.
Hospites Mortaignen in Coolcamp.
Dominium de Lichtervelde & Curia de Coolcamp, Paræcia & Dominium de Lichtervelde, Coolcamp sub Lichtervelde.
Hospites Curie, & Dominii de Ruddervoorde.
Dominium de Viven. Dominium de Vrsele.
Beve-

Beveren apud Rollarium.
Dominium de Onlede in Beveren.
Dominium de Merkem.
Dominium & Hospites de Oorfcamp.
 Oorfcamp, Ruddervoorde, Waerdamme onder Oorfcamp, Bevere onder Oorfcamp, Wingere onder Oorfcamp.
Zuevezele.
Hospites Domini de Praet.
Ditio Winendaliensis.
 Parœcia de Thoraut, Werkene, Cortemarck, Handsame. *Dominium de Ogierlande, Dominium de Peerboom, Dominium de Gheys, Dominium de Haghebroeck, Dominium de Wychuyse, Noortovere, Dominium de Viverschen, Dominium de Pauschen, Dominium de Crincghe, Dominium de Marchove, Curia de Ruddervoorde in Zuevezele, Dominium de Heetwale.*
Dominium de Guyfen. Zevecote, Zande met Couckelaere, Middelkercke. In Parœcia de Iabbeke. In Parœcia de Staelhille, in Parœcia de Houthave cum Roxem.
Dominium de Zizele. Oedelhém, S. Bavonis, & S. Salvatoris, S. Crucis. *Arffenbrouck.* S. Catharinæ ad meridiem.
Oppidum & Dominium de Middelburch cum Heyle.
 Oppidum de Middelburch cum Heyle.
 In Parœcia S. Crucis. In Parœcia B. Virginis in Ardenburch.
 In Parœcia S. Bavonis. In Parœcia de Moerkercke.
Præpositale Dominium S. Donatiani.
 S. Crucis extra Brugas. Oostburghi Ambachtum in Parœcia S. Bavonis. Ardenburgi Ambachtum in D. Virginis Benoorden.
 In Parœcia de Nieuwerkercke. Oostkercke. Ambachtum in S. Catharinæ extra Dammum. *Lapschuere.*
 In Parœcia de Oostkercke & Coolkercke. In Parœcia de Waelsappelle.
 In Ambachto & parœcia de Moerskercke.
 In Ambachto & parœcia de Dudzele, in Parœcia de Ramsappelle.
 In Ambachto & parœcia de Zurenkercke.
 In Ambachto de Vutkercke, & Parœcia de Wendunen, in Parœcia de Vutkercke.
 In Ambachto & parœcia de Vliesseghem.
 In Ambachto & parœcia de Clemskercke.
 In Ambachto & parœcia de Iabbeke, in parœcia de Staelhille in Oudenburgo, in parœcia de Ettelghem, Zerkeghem.
 In Ambachto de Bredenhouck, & Scheerwautermans.
 In Scheerwautermans Ambachto in parœcia de Oudenburch.
 In Ambachto Ghistellæ in parœcia de Oudenburch, Ghistella extra Scabinatum in Roxem.
 In Ambachto Scheerwautermans in parœcia de Santvoorde. Aldaer in parœcia S. Catharinæ & Bredene.
Camerarii Ambachtum in parœcia de Weesthende.
 In parœcia de Snellegheerskercke;
 In parœcia de Lessinghe;
 In parœcia de Werkene;
 In Ambachto & parœcia de Vlaertsloo;
 In Ambachto & parœcia de Eessene;
 In Ambachto & parœcia de Snelleghem;

In parœcia de Handsame;
 In Ambachto & parœcia de Varsenaere.
Ambachtum & parœcia de Straten.
 In Ambachto Camerarii in parœcia Mannekinsberre, Sypen. In parœcia de Willekinskercke dictum *Walrauwwezyde.* In parœcia de Middelkercke, dictum Vranx Ambachtum.
Dominium Canonicale in Ambachto Ardenburgi.
 In Ambachto de Moerkercke.
Ambachtum de Oostkerck. nimirum Oostkerck, Lapschuere, & S. Catharinæ extra domum, Westcappelle.
Ambachtum de Dudzele nimirum Dudzele, Coolkercke & Ramsappelle.
Ambachtum de Lisseweghe. Heys in Lessweghe.
Ambachtum de Zurenkercke, nimirum Zurenkercke & S. Petri supra Aggerem.
Ambachtum de Vutkercke, Wendunen & Vliesseghem.
Canonicale Dominium in Honthave, Bredene, Sierwautermans, Ambachtum in Zantvoorde.
 Oudenburgum & Clemskercke. Middelkercke in Ambachto Camerarii. Zarren, Eessene, Aerdrycke, Bekeghem, S. Michaelis.
Caprica. Ambachtum Dominium, & Curia de Eccloo,
 Oppidum de Eccloo. Adeghem cum Eclonia pendens S. Laurentii. Oostecloo sub curia Ecloniana.
Lembeka five Aueschoot. Aueschoot in parœcia de Lembeke.
Dominium & parcum de Male. Slusa parœcia de Wulpen, antequam tota aquis absorpta esset.
 Habes itaque jam seriem oppidorum, parœciarum, & variorum in his Dominiorum, quæ novissimus Flandriæ census Franconatum ditioni submisit. Quia vero variis in locis hætenus, sed obiter tantum, à nobis mentio facta est census Flandriæ, universalis illius & etiamnum permanentis, quem Provinciales *Transportum* vocant: sciendum Caroli Quinti Cæsaris auctoritate, per mandatarios ipsius & quatuor membrorum, biennium illi operæ impendentes repetitum, mutatumque fuisse; & ad annum 1517 ab eodem Principe sancitum, Insulas missum fuisse, ut tabulis rationum Flandrensium infereretur. Censûs etenim ille per Ioannis Digeonii, & Flandriæ membrorum trium delegatos anno 1408 Aldenburgi, inquit Marchantius, intra mensem renovatus, multis interim locis, bellorum marisque ingluvie imminutis, auctisque mercatura vel exutis, in magnam inæqualitatem incideret ac perturbationem. Cujus Transporti usus, atque praxis hanc facilitatem cum quiete, æquilibrium cum solvendi necessitate adfert, quoties pecuniæ ab aula efflagitata, & Ordinum assensu impetrata summa coacervatur. Vt unaquæque urbs, Castellania, pagus, Dynastia, illic velut in speculo conspiciat, quantum singulis pro rata aggregare necesse sit, atque numerare. Origo verò hujus publici census, ac Transporti sub Roberto à Bethunia fuit. Cum enim Philippo Gallia Regi pacando, & eidem Roberto ad annum 1305 ex iniquissima captivitate liberando, Flandri viginti millia nummum Turonensium annua Gallis promississent; (Insula ob eam rem, Duaco & Orchiaco cum agris hypothecæ oppositis) alterum illius summæ semissem ex Gallia calculo prompta pecunia post redemerunt: alterum ex singulorum

rum oppidorum pagorumque censu annuo per ipsos statuto conflatum (decem puta millia nummum annua) in regem transportarunt, ut quam dixi hypothecam luerent, atque reciperent. At Robertus à Marigniaco Philippi Regis mandatario perquam familiari perjuris pollicitationibus (ut fieri apud illos homines solet) deceptus, anno 1312 pignoris illius redimendi facultati fertur renuntiasse, ac proprietatem hypothecæ ejusdem in Regem transcripsisse, illis decem nummum millibus annuis censitis à Rege in Robertum ipsum translatis. Vnde census ille Flandriæ Generalis, nomen transporti comparavit. Ita fere Iacobus Marchantius.

Dammum.

Dammum oppidum ab aggere seu obstaculo reprimendis aquarum decursibus nomen accepit. Opus est Batavorum, quæ gens inter aquam nata, plusculum aliis ad frenandum, domandumque ejus insolentiam posse creditur. Horum itaque pars ad annum 1179 huc delata inexplabilem reciprocantis Oceani voraginem ululante, morosoque cane in foramen cavernæ injecto, & cespitibus mox cooperto obturarunt, indeque factum, ut canis insignia structum in vallo oppidum, & distinctionis portiunculam nomini assumeret, Agger-caninus vulgo *Hontsdamme* nuncupatus. Dammum saxeo muro cives ad annum 1238 ædificiis plateatim negotiatores, privilegiis Comites exornare cœperunt. Senatus formam ad instar Brugenſium constabilitam, sanctiones de multis, & id genus reip. scita concipi visa, & publicari anno. 1241. A quo tempore per Legatos Comitum, annuatim lectis novem Patribus, Senatus innovatur, exilio calumniatores punire, & tota Flandria à portorio immunes esse, permissum. Hodie est inter munitissimas totius Belgii arces novis à Marchione Spinola propugnaculis firmata.

Oostenda.

In Franconatum quoque territorio sita est *Oostenda*, ad mare, olim piscatorum oppidum, magna ex parte munitione carens, etiamnum anno 1572, sed sex annis post mœnibus septum fuit. Portum habet etiam refluxo mari navigabilem. Huc octo immania cete appulerunt an. 1404. quorum singula erant longa pedes 74. Anno etiam 1426 captus fuit porcus marinus, terrestri simillimus, nisi quod altero tantò major esset. Anno autem 1600, Flandriæ imperium tenente Archiduce Alberto, Flandri ad inhibendas militum Batavorum incursiones, eam circumcirca vallis cinxerunt, eo tamen excursiones impedire minime potuerunt, quamvis in circuitu 17 propugnaculis circumvallata esset; inter quæ *S. Catharina*, *Isabella*, *Albertus*, *Clara*. Quare Flandri vehementer instabant, ut hæc urbs obsidione expugnaretur. Obsessa igitur fuit quinto Iulii anno 1601. Obsidionis initium terribile satis & vehemens, ipsa toto ejus decursu Martia plane & cruenta, nec post hominum memoriam ulla durabilior, adeo ut toto obsidionis tempore utrimque centum & decem millia hominum perierint. Reperti sunt in vestibis Hispani cujusdam præfecti, sive commissarii, pugillares, in quibus mortuorum numerus curiose satis annotatus; periere nempe tribuni seu militum præfecti, vulgo *Mareschalli de Campo*, novem: Chiliarchæ, qui vulgo *Colonelli*,

quindecim; castrorum Præfecti viginti novem: Duces, vulgo *Capitanei*, 565: Signiferi 322: Locumtenentes 1116: Ordinum ductores 6711: vulgares ordinum ductores 9166: Magistri equitum 600: Gregariorum militum, & cuniculariorum 54663: Nautæ 611: pueri mulieresque 119. Summa omnium fuerunt millia 72, & 126. Porro inter Oostendam & Neoportum commissum prælium illud memorabile inter Archiducem Albertum Austriacum, & Principem Mauritium, in quo utrinque cæsi occubuerunt 7 peditum & equitum millia, victoriam reportante Mauritio. Captus fuit Franciscus Mendosa Admirallus Aragoniæ, ac cum illo duces plurimi, erepta hosti signa militaria 105, quæ Hagæ suspensa tantæ rei fidem posteritati faciunt. Possident hodie Ordines Fœderati in hac Flandriæ parte oppida quædam & validas aliquot munitiones. Primo *Slusam*, vulgo *Sluys*. (*Clausula Sig-* *Slusa.* berto, ut notat Lipsius) Urbs est maritima, quinto milliari à Middelburgo Zelandorum, à Brugis tertio distans, copiosa olim & opulenta, magnique nominis, dum commercia hic florerent: sed illam tum offensiones in mercatores Oosteringos, quorum quadraginta anno 1436 oppidanorum furiis periire: tum maxime dissidia cum Brugenſibus pessumdederunt: imprimis simultates illæ ob Ioannem Namurcensem loci dynastam contra eosdem Brugenſes susceptæ, à quibus maximam cladem perpeſsa est, victa, direpta, flammisque miserum in modum fœdata. Ex quo factum, ut tandem à Principe suo fuerit vendita. Arx ad oppidi latus pulcherrime ædificata, olim per continua ædificia ipsi oppido conjuncta, quæ Brugenſes post consulto diruerunt. Variam fortunam hoc civili bello urbs fuit experta. Nam cum constans in fœdere perſtaret, à Duce Parmensi anno 1587 arctissime fuit obsessa, acriter oppugnata, & per cuniculos suffossa, adeoque mille ictibus tormentorum conquassata, quæ præſidarii fortissime sustinuerunt, donec comæatu penitus exhausto, aliisque ad defensionem necessariis deficientibus, hosti se certis conditionibus dedere cogerentur, quas non indecoras virtute sua obtinuerunt. Ab eo tempore urbs sub Regis Imperio mansit ad annum 1604, quo Princeps Arauſionensium Mauritius eam obsedit, & tertio postquam eam cinxerat mense ad deditionem inedia compulſit. Sita est urbs ad oram portus sui, semilunari pene forma, & situ loci & multis validis operibus, quæ hodierni belli consuetudo invenit, permunita. Satis ampla est, quippe quæ pene milliare ambitu complectatur, sed multis locis ædibus vacua, ita ut pascua alendis vaccis intra se habeat. Regimen politicum est penes supremum Baillivum, duos Consules, (quorum alter Scabinorum, qui septem sunt numero, Consul dicitur) & Graphiarium. Magistratus autem hi quotannis mutantur mense Septembri ab illustrib. DD. Ordinum General. deputatis, sub quorum auspiciis & Gubernatorem accepit, cui suprema cura oppidi commissa. In eodem oppido & collegium habetur, quod Franconatui jus dicit, constans Baillivo, Consule, septem Scabinis, Pensionario & Graphiario.

Non

Cadfant In-
sula.

Non procul hinc sita est Insula Cadfant, quæ pagum sibi cognominem, plures vicos, portus, & nuperis bellis excitatas munitiones habet. Multo olim major fuit, cum & Urbem haberet & pagos complures amœnos, ac divites; sed partim Oceani tempestatibus, partim ejusdem fluxu, & refluxu plus dimidia parte consumta est; Porro est ditiuncula optimi tritici imprimis ferax, & aliarum frugum generosa. In hac Insula ad Orientem visitur ditiuncula, vulgo *het lant van Breskens*, cum pago ejus nominis, & *ter Nieuwer Haven*, & alia vulgo, *Het lant vander Groede* cum vico ejusdem nominis; nec procul inde *Nieuwerkerke*, *Ormascapelle*, *Schoondyck*, & *S. Christophori*; *Wulpen* vero Oceano proximum, & *Vlissingæ* Zelandorum oppositum cernitur. Præter hæc varia sunt ad limites Cadfanti, interque Ardenburgum & Iſendycam propugnacula nuperis bellis partim à nostris Batavis, partim ab Hispanis extructa.

Ter Mui-
den.

Muda vulgo *Ter Muiyden*, est oppidum Slusæ proximum, nundinatione picis & piscium ornatum à Ludovico Cressiaco Comite; vici facies obscura modo, quæ lauto licet lætoque piscationum proventu gavisâ frequenter, nunquam tamen ob vicinorum potentiam privilegii sui capacitatem æquare, beneficia complecti, fructus potuit omnes adipisci.

Oostburg.

Oostburgum emporium Flandriæ antiquissimum, à situ castrî nomen invenit olim, opibus florebat Urbs ampla, sed ab Hunnis, Vandalisque, denique à Normannis vastata, decus perdidit; nunc in medio terreni fertilis & cincti undis reciprocantibus opportune situm est; municipes lauti, agricolæ læti. Ambachtum porro *Oostburganum* fertilitate insigni canalem habet Oceano influentem, & insulas plures, unam à pulchro aggere sic dictam, alteram rivis & aqua ductibus intercisam, novi portus celebritate claram, & à palustri solo dictis Ecclesiis insignem, imprimis autem *Breskinsant* navigantibus non ignorabili.

Arden-
burg.

Ardenburgum oppidum antiquum, & quondam Flandriæ littoralis, quum Brugæ nondum conditæ essent, metropolis. Hodie exiguum est oppidum & deforme. Templum habet *Deiparæ* Virgini sacrum, quo nullum pulchrius neque sumtuosius Flandria olim videbat; hodie tantum parietes, & marmoreæ columnæ, duæque turres supersunt. In Fœderatorum Ordinum potestatem venit anno 1604, mense Majo, à quibus egregie fuit munitum: distat Slusâ milliare unum.

Middel-
burg.

Middelburgum Ardenburgo vicinum, & tantum duobus miliaribus cum dimidio distans à Brugis: quod eodem tempore à Principe Mauritio captum cum arce sua, sed invalida. Oppidum hoc tantum mœnibus & fossa cinctum est, neque magni momenti. Situs oppidi nihilominus longe est amœnissimus, terreno circumcirca fertili, & Liviæ subvectionibus opportuno. Oecke oppidi jure, legibus, Senatu, libertate gaudet: adjacent versus Oceanum pagi *Ramschapelle*, *Heyst*, *Westcapelle* & *Cnockem*. *Iſendyckium* amplum & validum munimentum in angulo duorum concurrentium aggerum situm, & tantum freto à *Birfleto* divisum, è regione Zelandiæ:

Belgica.

Iſendyck.

quod Princeps Mauritius anno 1604, licet sexcentorum militum præsidio teneretur, & omni bellico apparatu, præsertim majoribus machinis esset instructum, octidui spatio ita compeſcuit, ut deditioe illud acciperet. Postea à Fœderatis Ordinibus ampliatur fuit, ut jam instar oppidi sit, & tot tantisque operibus permunitum, ut hostem minime metuat. Portum habet commodum, altum, & multarum navium capacem, ita ut commerciis sit aptissimum, & in emporium forte aliquando evadere possit. Sunt præterea in hoc tractu quamplurimæ munitiones, partim hostibus ereptæ, partim à nostris extructæ.

Philippina è regione Axellæ, ad aggeris cubitum, qui continentem prætexit, sita, & operibus valida. *Patientia*, inter Philippinam & Iſendicum è transverso *Birfleto* respiciens, oræ continentis incumbens. *S. Philippi & Catharinæ* munitiones aggeri, qui inter Slusas & Iſendicum jacet, impositæ, quas Princeps Mauritius anno 1604, quum Slusæ obsidium moliretur, nullo pene negotio cepit, hoste ultro ob nocturnum terrorem dilapso.

Blancoberga maritimum hujus tractus oppidulum, piscatione & propugnaculo Regio famosum; assidet huic oppido Prætorium & Dynastia *Vutkerkana*; & paullo ulterius fanum Iohannis ad Aggerem. Interque eosdem duos versus Brugam ducentes rivos Ambacta sunt à fanis *Demetry Meetkercke* & *Severini Sunkercke* nuncupata, quibus per D. Petri ad aggerem vicum, *Brugas* tenditur.

Ab altera rivi parte sita est *Lissewegha*, olim *Pagi Francorum* Abbatia Thosana nobilis.

Uterius ad Aquilonem cernitur *Ramschapelle*.

Dudzele Ecclesiam habet divo Petro sacram sub patronatu S. Donatiani Brugenſis; magnus olim ad eum locum concursus fuit ad S. Leonardum miraculis clarum, sic ut etiam porta Brugenſis, vulgò *de Speypoorte*, qua *Dudzeliam* itur, porta S. Leonardi vocaretur. Arx vero cum primis splendida eodem visitur in loco, olim à Scotis ædificata. Huic vico de *Dudzele* conterminus est alter de *Oostkercke*, pertinens ad Ambachtum de *Oostkercke*.

Vicinior Brugæ sequitur *Coolkercke*, pertinens ad Ambachtum de *Dudzele*.

Ab altero *Blancobergæ* latere Ostendam versus situs est pagus de *Wendunen*, ei conterminus est vicus *Nienmunster*.

Bredenense Ambachtum Ostendæ vicinius à latitudine collium arenariorum nomen adeptum.

Santvoorde pars est Aldenburgenſis parœciæ sub patronatu Abbatis ejusdem constituta, media fere leuca ab oppido ad Aquilonem. *Clemskercke* fanum Clementis Ambachtum est per se.

In Ambachtu Camerarii situs est pagus de *Westende*, in quo se protendit Toparchia de *Westendehove*, cum variis juribus, & emolumentis piscationis, venationis, ponte libero super fluvium de *Vlaerzele*, & his similibus, à qua movetur & alia inferioris ordinis feuda; peculium vero ejusdem Toparchiæ movetur à Castello & Dominio Ghistellano, præcipuumque est inter feuda ab eodem mota.

B b

Vlisse-

Vlissegheem, nomen suppeditavit Zelandorum colonia. Locus olim re cunicularia famam adeptus est apud prope proculque diffitos.

Houthave, portum lignorum five ligneum appellare gaudet Gramajus, atque eo nomine officium suum atque celebritatem antiquam prodere etiam asserit.

Stalbille, pagus cœnobio tertie regulæ Franciscanæ ante duo sæcula istic fundato, & ante sesqui sæculum Brugas translato non ignorabilis, à Chalybea promuscide nomen adeptus est. Eundem locum secut fossa quæ Brugis Ostendam ducit.

Ecclesia titulo virginis Matris honorata juxta Ostendam vulgo *Mariekercke*, sita est in Ambachtu *Servoutermans*.

Alia D. Catharinæ sacra ecclesia vulgo S. *Catelenen*, in eodem Ambachtu sita est.

Mannekensveer, Trajectum viruli vocat in schedis suis Gramajus; pertinet ad Ambachtum Camerarii.

Willemskercke, etiam hic pagus pertinet ad Ambachtum Camerarii.

Wilravenfyde alias *Walravenfyde*, in parœcia *Willemskercke*, pertinet ad Ambachtum Camerarii.

Steene, etiam hic pagus pertinet ad Ambachtum Camerarii.

Atque hæc omnia loca sunt Oceano Britannico obversa: versus mediterranea autem & ultra fluviolum *Ipreletum*, conspiciuntur varii, nec obscuri nominis vici, ac inprimis

Fanum superius, quod an à Gramajo *Snaeskerke* vocitetur, hæreo.

Longobardorum Ida vulgo *Lombaerdyde*. Vicus hic ignobilis, olim oppidum famoso portu nobile, nec incommodum nundinationi maritimæ, nomen invenit à Longobardis, inquit Gramajus, cum alia Barbarorum colluvie Flandrias ingressis sub annum Salutis per Deum incarnatum partæ quingentesimum. *Lombardhyde* populares vocant, egoque nonnunquam quasi Longobardorum latus, dictum putavi, donec edoctus fui de vero vocis vernaculæ Yde significato; quod licet nonnemo interpretatur rusticam tuguriorum ad piscationem maritimarum compagem, qualem videre est mille passibus à Neoporto, circa *Oostdunkerckam*, tamen ego derivari putaverim ab *Ydel*, quod vacuum sonat, & denotare loca ad littus justæ profunditatis, ad ingressus navium apta, five aptata, quomodo Neoportani hodieque ostium navale circa portum novam Ydam appellant, quod nimirum iter nautis pervium à vadis vacet, & præruptis littorum, aut fundi tuberibus careat, voce non ab simili inter Hispanos nota, qui locum profundiorum in maritimis *Illam* nuncupant. Famam olim pepererat huic oppido pelagi vicina commoditas, portus vicinitas commoda, Dominorum vigilans solertia, ita eandem minuit Dominorum remota incuria, pelagi vicinior injuria, portus obnubilata securitas. Factum enim ut tempestate anni 1116. nocte natalitiorum D. Baptistæ, totum cum littorali hac plaga Oceanus absumpserit: & sæculo fere recurrente, tantus arenarum cumulus, evomente ventis agitato pelago, *Lom-*

barsidam elatus est, ut portum pane obsepserit: & Princeps ad quem emptionis titulo oppidi Dominium pervenerat, occupatus circa plurima, singulorum non æque minutiis potis erat intendere. Hæc infortunia declinantis oppidi proclivis occasio, non tamen ita, quin Principis jus emporeticum, & nundinarum vernalium privilegia, beneficio maris ad suos reducti limites, portus ad suam redacti, exhaustis arenis, vacuitatem redintegratione potuerit respirare; sed & intervenit urbis novæ, in vicino conditus, *Noviportus*, inquam, cui & portum hæc suum vendidit, & nundinationes transcripsit (nundinis lapsu ævi obsoletis) & fortunam visa est suam transcripsisse. Extat de hac re Comitis Diploma anni 1269, dissensiones hac propter enatas compescens. Nec tamen existimandum, subitam fuisse hujus oppidi oppressionem à novercali fortunæ odio profectam, cum anno 1309, in contributionem oppidorum Flandriæ, Longobardorum Ida, five ut ibi legitur, Lombardye, pane cum Neoporto, in sequenti sæculo, id est, anno 1408, plane æqualiter contulerit: cui & Guido Comes anno 1274, vectigal portorium quod *grutam* vocant, legitur assignasse: Ludovicus Comes anno 1330, privilegia renovasse juxta formam Furnensium. Summa autem capitis diminutio ei contigit, ex quo Neoporto urbi mœnibus instructæ faventior Comes Dominium vicini hujus oppidi vendidit anno 1413. decretumque sequenti mox anno incorporati, ut verba sonant, oppidi cives à Neoportensi senatu jus justitiamque accipere debere: quod hodieque servatur, Balivo quidem peculiari hic tribunal conscedente, sed ex sententia Scabinagii per Neoportenses constituti pronunciant. Ita jacet hic nobile oppidi cadaver, & fert maximarum fata urbium Babylonis, Athenarum, Carthaginis, quibus laudi datur etiam cum jactura nominis in vicino reedificari potuisse.

Middelkerke, etiam hic pagus pertinet ad Ambachtum Camerarii.

Ambachtum *Lessinganum*, vulgò *Lessingen*, hoc etiam in tractu situm est.

Moerkerke Dominium hujus loci (quod diutissimè in familia ejus nominis nobili ac prisca fuit) per nuptias transiit ad Toparchos de Praet.

Westkerke pertinet ad Ambachtum de *Ghistella*.

Zevecote pertinet ad Ambachtum de *Ghistella*.

Bekeghem.

S. *Pieters Capelle*.

Schore pertinet ad Ambachtum de *Vlaersloo*.

Zande pertinet ad Ambachtum de *Ghistella*.

Moere pertinet ad Ambachtum de *Ghistella*.

Leke pertinet ad Ambachtum de *Vlaersloo*.

Keyem.

Eereghem.

Cokelaer. Pagus; non obstantibus temporum injuriis locus adhuc celebris est, & municipiis conferendus, arcem habet, at olim splendidiorem, sicut & Ecclesiam. Peculium fuit gentis *Montmorenciæ*, ab ea ad *Merodios*, à *Merodiis* vero ad *Gandavensem* familiam, & Comitem *Isseghemium*, qui illius modo possessor, pervenit.

Aertrycke, Prisca familiæ ab hoc loco nominatæ

ta decora, passim est invenire in fastis, aliisque Reipub. Brugenfis monumentis.

Ettelghem putatur ab Attila Hunnorum Rege, qui Aldenburgum destruxit, nomen habere; nec immerito: in veteribus enim Aldenburgensis cœnobii chartis Attilaghem nominatur. Et non aptiore olim loco castra sua contra Aldenburgum ponere potuit Tyrannus ille, quam ubi nunc pagus ille conspicitur.

Vassenaer Ambachtum & Parœcia est per se. Situm est in hoc pago splendidum prætorium Domini de Provene e familia Ghistellana.

Iabbeke.

Snelleghem Ambachtum est per se.

Loppen: habet hic arcem egregiam Dominus de Etchevele in ditioe Insulana, quam inhabitat, distat leuca magna ab urbe Brugenfi, via, quæ Tiletum, Rollarium, & Corturiacum ducit. Visitur in hoc pago Prætorium de Loo, elegantissimi opere structum, pertinens ad D. de Maestaple.

Oostcamp, in litteris Theodorici Elsatii ad annum 1152 apud Afflighem legitur; testis *Arnoldus de Oostcamp* cum *Freoldo de Cneflar* ac aliis primatibus viris. *Castellum de Gruthuyse*, ampla adhuc antiquæ magnificentiae in hoc pago vestigia ostentat.

Zedelghem fuit Dominium hujus in familia Haveskerckana.

Serkeghem Ambachtum est per se.

Roxhem olim *Rechashem* juxta mentem Meyeri.

Bovekercke.

Beerst.

Vlaertzele, alias *Vlaertslo*, Ambachtum, inquit Gramajus, quinque pagos complectens, & in eis sacra Blandiniensium peculia, & olim Hospitalarium peregrinorum, ob vicinam instituti Cisterciensis Abbatiam Werkenentem. Res mirabilis, & vires naturæ superans contigit in hac parœcia anno 1352. quo ex imprecatione mulieris parturientis femur dextrum viri conjugis sui, in uxorem duri, & iniqui imprægnatum fuit, ita ut elapso novem mensium spatio excisus illi fuerit vivus masculus, qui in baptismo à nomine patris, Apollonius, aliis Leo, appellatus fuit. Cæterum intra fines hujus parœciæ situm est Dominium & Castellum de Ter Heyden, quod ad Pamelie Baronem spectat. Proterenditur eadem Toparchia per parœciam de Bovekercke, variis juribus, & præeminentiis ornata, teneaturque à Castello Middelburgensi in Flandria; ab ipsa vero aliaminoris momenti, ac plura feuda moventur, inter quæ Ammania censetur Ambacht de Vlaersloo, protensa per parœcias de Vlaersloo, Beerst, Keyghem, Leke, Schoore, & Capelle Nortovere. Ejus Castellum quoque beneficium est curia de Vlaerslo, vulgo *het Vlaerslo hof*, à qua ingens etiam numerus movetur beneficiorum bonorum, præter fundos, molam & alia emolumenta ad præfatum Castellum spectantia.

*Ouden-
burg.*

Aldenburga, antiquissima in Flandris, & florentissima olim fuit civitas, & graves variorum hostium incursione injurias passa, multum, quin imo plurimum de antiquo splendore ac majestate sua perdidit. Vrbs antiquitatem nomine

suo declarans, Brugis priorem, Hipra potio-rem & *Castro Gand* ut nomenclaturæ ita ævo parem. Imo Aldenburgum Romanis frequentatum suspicari posses, in veteri codice legens, reperta in murorum vestigiis vasa fictilia, cum numismatibus, & scutellas ob excellentiam, auro inclusas, quales se vidisse testatur auctor chronici Aldenburgensis. Perhibent munitissimam fuisse, muro septam firmissimo, nigris & durissimis lapidibus, alibi ab Aquilone quadratis & magnis, quos ferro & plumbo infixos antiqua fundaverat manus. Nec dissimulandum, quod conformiter Bertinensi Chronico, hoc nostrum asserit, antiquitus *Metropolim Flandrarum fuisse Aldeburgum*, & caput regionis maritimæ, ubi priscos Flandriæ saltuarios prætorium habuisse, & nominatim Lidericum persuadere videtur, hodieque perseverans cataractæ appellatio *Lirinx Sluse*, id est, Liderici repagulum. Alios frequenter hic diversatos, tradit Meyerus. Latissime autem patebat tum oppidum versus mare, & paludes, sed post tertiam vastationem exigui speciem assumpsit, fortunæ suæ congruam, Hipreti fluminis allapsu, & nundinatione hiberna in Ianuario videlicet & Febuario contentum: ita ut formam olim quinquangularem, nunc rotundam videatur amasse, Cœnobium hîc est, quod ab initio fundationis suæ Abbatiali titulo insignitum. Primitus instituti erant Cluniacensis, donec Oliverio Archimandritæ circa annum 1505, florenti, visum, unionem Bursfeldicam amplecti.

Thorolto, si vera est popularium traditio, septingentis & amplius ante natalem Dominicum annis Thoroaldus Cymbrorum Rex nomen communicavit. Annales Flandriæ emporium ante mille annos celebrant, nundinasque in villa, quæ dicitur *Turaltum*, singulis annis mercatum magnum esse consuevit. Abbatia olim claruit oppidum; quæ partitione hæreditatis ad Carolum Calvum pervenisse scribitur: quo vero loco cœnobium extiterit, nemo facile dixerit, quod Barbarorum impressionibus miras perpeffum est calamitates.

Post eorum autem recessum novas beneficentia Principum vires recepit oppidum, inter mœnibus destituta vetera primum, nundinis annalibus Iunio & Iulio equorumque foro celeberrimo, ante 4. secula datis primarium, negotiatione pannaria sub Balduino Ferreo stabilita nobilitatum, libertate & legibus ab Elsatio acceptis famosum, & collegiata Apostolorum Principis per Robertum Frisium, Xenodochioque per Margaretam, Comites, instituto auctum. Adjacet *Toralto* Dynastia in Flandricis celeberrima, & arx de *Weynendaele*, seu in ipsa potius ditioe Winendaliensi situm *Toralum* est. Hæc arx à Roberto Frisio ad venationes aprorum in nemore vicino & amplissimo structa: A Balduino Securicula habitata, à Guidone Dampetra exulta fuit: demum à Ioanne Namurcensi Comite acquisita, & ad hæredes transmissa, sed postliminio Comitatus reunita, ad extremum in dotem assignata fuit filie Ducis Burgundiæ Clivenfi regulo elocata, & insigniter à Philippo Ravesteynio ornata. A Duce Saxonum nuper possessa fuit cum arce hac ditio tota Winendaliensis; nunc à Serenissimo Principe *Wolffango Wilhelmo Duce Neoburgico*.
Mo-

Moventur ab hac Dynastia feuda facile quadringenta, inter quæ aliqua sunt clarioris notæ dominia, ut Vicecomitatus, & curia Rollariensis, curia in Iseghem, Toparchiæ de Heveren apud Rollarium, Marchove, Eedwalle, Ogierlande, Haghebroucq, Wychuuse, &c. A quibus, ut & aliis feudis, alia quoque feuda moventur. Consistit autem hujus Toparchiæ peculium præcipue in arce memorata & nemore Winendaliensi, in oppidis Toralto, & Rolario in magno Tribunali Winendaliensis, in Tribunalibus Ambachti de Cortemarke, Pauschen, & Viverschen, Cleven in longa Marca & Kesselberch. Tribunal *Winendaliense* constituitur Prætor, Consule, & Scabinis duodecim, item Actuarius. Cæteris vero Magistratibus, cuique Prætor, Consul, Scabini sex, & Actuarius est. Nec ullum hic Tribunal, quod non altæ, ut vocant, mediæ, & inferioris justitiæ compos sit.

Hantfaeme.

Werken pertinet ad Parœciam de Thoraut.

Cortemarcke.

Lichter velde celeberrimus, & antiqui nominis pagus, ad quartum circiter ab urbe Bruga lapidem situs, olim Prætorio Dominorum, & arce insignis, quam belli furor dejecit, ut alias in Flandria multas. Sylvas habet & arva, in vicinia Myriceti, totius Flandriæ maximi, quod vulgo vocant *het Bulscampvelt*. Est autem Toparchia hæc feudum, quod movetur à Burgo seu Castello Brugenfi, habetque sub se alia feuda, quæ usque ad 72 numerantur, inter quæ dominium ipsum de Coofcamp. Habet altam, mediam, imamque, ut ajunt, iustitiam. constituit Scabinos septem, quibus permissum de illa re omni cognoscere, & judicare, de qua quilibet ejus ordinis Magistratus potest, qui non aliunde quam ex eo loco assumi debent. Constituit Prætozem, qui sub se constituere potest Subprætozem, Scribam & Ammannum, viarum Præfectum, annonæ Curatores, alios denique justitiæ administratores & officiales. Libera etiam Toparcho cedit venatio, aucupium, piscatio. Ad quem etiam Fiscus spectat. Ornatur & Toparchia hæc foro hebdomadario.

Zuevezele à Suevis aliqui cognominatum arbitrantur, pagus est amœnus, & in acclivi, unde prospectus amplissimus ad vicina. Familia ejus nominis inter Flandricas olim clara fuit.

Ruddervoorde.

Coofcamp vocat Coloscampum in diplomate Carolus Calvus, situmque ait in territorio Menapiorum, quod nunc Mempiscum appellant. Bina hic in Ecclesia exstant equitum familiæ de Lichtervelde monumenta.

Hardoye.

Laerdamme pertinet ad Oofcamp.

Clerckem subcensetur Ambachto Eessenensi, & ingentem sylvam habet.

Ghytze pagus hic partim se quoque in Castellaniâ Iprensi protrudit, & aliqua istic sui parte censuræ obnoxius est.

Zarne.

Eessene Prætorium hoc in loco habet Familia de Vicq.

Woumen.

Merckem. Præcipuum hujus loci ornamentum vocabo *P. Sidronium van Osche* Soc. Iesu Presbyterum, virum & candore animi eximium & politiore litteratura, aliisque artibus humanitatis cultissimum, Poëtam tersum & elegantem, & in elegiis, non ut alii, felicem. Dominium loci jam nuper Halewinorum fuit, nunc ad Merodios, & Comitum Thianensem per nuptias spectat.

Maldegheem municipium non incelebre est in ditione Franconatum, multisque nominibus commendandum, etsi non à miriceto quod habet, seu sterili & arente campo, qui vulgo dicitur *Het Maldegheemvelt*. Prætorium etiam nunc istic visitur, & arx magnifica à moderno Maldegheemensi Toparcho seu Barone *Iacobo de Noyelle* Marchione Lisbourgano ac Comite de Croyx, erecta seu instaurata, eo loco ubi Castellum vetus, priscorumque Maldegheemii dynastarum domicilium fuit. Hic celebres illi cum primis, opibusque pollentes, & auctoritate inter proceres Flandricos fuere. Toparchia vero hæc per varias familias devoluta est, nuperque connubio ad Noyelliam gentem.

Non procul à Maldegheemio ad Myricetum vicus conspicitur & Ecclesia de *Papinglo*, vetus Abbatie Bavoniane Præpositura, nunc Antistitis Gandavenfis peculium. *Eclonia* vulgo *Ecloo*, ab altiusculo Querceto veram sortita nominis rationem, linearum telarum opificiis, & frequenti mercatu, cœli temperie, soli fecunditate, trito regioque itinere ac repotiis Bruga, Antwerpian, & Gandam transeuntium, vico longitudinis & latitudinis eximie; libertate, privilegiis oppidorum, & Senatu novem Scabinorum cum Consule per Guidonem Principem anno 1304, foro à pluribus frequentato nobilis.

Caprica, pulcrum olim, ac populosum in Franconatu Brugenfi municipium, oppidi nomen ac privilegia servans, foroque gaudens hebdomadali ac nundinis annuis. Floruerunt hic olim pannifices magno numero, & fullones, meminitque in partitione quadam suorum bonorum inter liberos suos ad annum 1417, *Daniel Alaert* Capricæ dominus, jurium quorundam, quæ super iisdem opificiis possidebat, vocatque hoc oppidum, parœciam, dominium liberum de Caprycke, quod in feudum tamen possidere se fatetur à Castello Gandavenfi. Capricano oppido ad meridiem adjacet *Lembeca* pagus: Dominium de *Havescoot* hic possidetur à gente *Hauwelia*; ipse pagus immediate à Principe, conterminus oppido Capricano, & Ecloniæ vicinus partim, partim arvus sylvosus, & ad Aquilonem miricetum spectans Oost-eclonianum. Ejusdem loci Toparchiam habuit familia de *Lembeke*.

S. Godeleve vicus est ad medium fere lapidem à Ghistella, positus, nomen habens à Diva, Bertulfi domini Ghistellensis conjuge, seu ejus sancto nomini virginum dedicato cœnobio.

Ghistella à Stallo nomen urbi est, cui origo ab arce, libertas à Carolo Bono, privilegia à Guidone Dampetra, honos à Dynastis, circumvallatio prima à Nobilibus anno 1280; munitio altera à Ludovico Nivernensi ad annum 1324. fossarum eminentia à Senatu anno 1434. muro-

rum

rum alibi structio destinata, & inchoata à civibus 1511. plane ut videatur oppidum cum facultis crevisse, & unum singulis majestatis gradum conscendisse, appellatum, privilegiatum, vallatum, munitum, clausum, muratum in parte. Nuper, & modo civilium bellorum fructus sentit, horum pluribus destitutum, & Castrum duntaxat veteris elegantiae monumentum ostendens cum aedificiis, quae plura indies struuntur, amplum ante quadrifaculum fere, fossarum & valli non egenum, dynastarum commoda & augusta sedes. Sunt justitiae triplicis compotes Toparchae, & senatum formant Scabinorum, & jus venationis, curiamque feudalem habent. Habet dominium de Ghistella venationem liberam, aucupium, piscationem & cuniculorum capturam per totum *Ambachtum Ghistellani*; quod parochias decem complectitur, videlicet *Ghistelle, Zevecote, Moere, Sande, Capelle, Westkercke, Roxhem, Ettelghem, Bekem, & Zarkem*. Tenetur in clientela Burgi Brugenfis, & ab eo fiduciario etiam jure ultra 200. alia feuda tenentur, tam in Ghistellano territorio, quam aliis in locis per Flandriam sita. Primum est ipsum Ghistellae oppidum, cum ea jurisdictione & justitia, quam olim Flandriae Comites in eo habuerunt. Creat in eo Dominus praetorem, aliosque justitiae administratos, qui jura loci, & privilegia tueantur: constituit quoque per se vel deputatos suos, Consules, Scabinos & Consiliarios, quotannis, seu cum necessum erit. Habent hi cognitionem rerum criminalium & civilium, reos pellunt in exilium tam extra Ghistellam quam totum Flandriae Comitatum, multas pecuniarias imponunt in commodum dominorum de Ghistella. Habet Toparchus & partem Grutae, (species est cerevisarii vectigalis) cujus alteram Domini de Gruthuyse olim, nunc Flandriae Comes possidet. Ius impositionis ac omnia poculenta, quod ab oppidanis tamen annua recognitione redimitur. Et quanquam in Territorio Franconatum locus, quo supremo fontes afficiuntur supplicio, positus sit, libere tamen justitiam Toparchus exercere potest. Habet & Teloneum in Ghistella, & Ambachtu suo, ut olim ad Flandriae Principem spectavit, omnia denique privilegia & jura, quae iidem Principes in urbe quondam & territorio illo habuerunt. Praest idem cum plena potestate per se, vel substitutos suos rationibus audiendis omnium urbis ejusdem proventuum. Spectat ad familiam de Affaytatis Cremona oriundam. Secundum ab hoc Dominio feudum dependens est Castellum de Ghistella, cum juribus quibusdam per urbem ejusque Territorium, ut sunt bona nothorum, fiscus feudorum, quae sub principali feudo Ghistellano moventur. Tertium est, munus Sculteti Ghistellani, quoad urbem & Ambachtum, ratione cujus constituit Ammanum in Ghistella, aliumque in ejus territorio, qui partibus diem dicit coram tribunali Franconatum. Quartum est feudum in parochia de Zande, vulgo dictum *Ruyssande*. Quintum est piscatio in Parochia de *Mannekens veere in 's Camerlinckx Ambacht*.

Habet & ea piscatio jus percipiendi à quaque
Belgica

navi illac transeunte quinque solidos Parisienses ad medium Martii.

Sequuntur loca in suburbano Brugenfi ditioni Franconatus obnoxia, & primo quidem loco sese offert

Sizela, amplissima olim Jurisdictionis Dominos cognomines nacta, qui potentiae suae alas ad plurimos terrae Franciae pagos, ipsamque adeo Brugensem urbem solent extendere, & adhuc extendunt illi, qui in eorum locum venire.

Malea arx antiqua & fortis, aliquot Flandriae Principum, tum domicilio deliciisque, tum natalibus clara, nuper cum *Sizela* in Baronatum nobilem à Philippo Secundo evecta, litteris ea de re Toleti datis secunda Junii 1560. Indulfit & idem postea Princeps, ut quae familiae de Lopesgallo insignia erant, eadem hujus Baroniae forent. Habitavit in hac arce Maleana (qui Brugenis natus esse putatur) Balduinus Flandriae & Hanoniae Comes, & in Capella, ut ait, de *Malem* ad annum 1218 varia edidit rescripta. Habitavit & Comes Guido Dampetra, Ludovicus Niverensis, pater *Ludovici*, qui ab hoc natali loco cognominatus est *Maleanus*. Ad latus porro conspicitur pagus Assenbroucanus vulgo *Assenbrouck*. Olim *Astburgum*, uti placet Iacobo Cruquio. Habet hujus loci Dominus Ius nominationis ad curiam pastorem, ad Capellaniam, & custodiam, ac praeter alia jura, molagium liberum, piscationem, & aucupium.

Vltius, ut *Rabowoburgum* castrum praeteream, titulo non uno celebris est *Odegemensis* vicus. Caeterum hinc urbem respicit Dynastia nobilis Baronatus titulo dudum, cum Guyfiano & Toparchiis pluribus, ad Claerhoutanos gentem nobilissimam devoluta. Cujus si amplitudinem consideres, per 15 pagos sparsam notabis jurisdictionem: si eminentiam, privilegia venationis ubique, piscationis & aucupii etiam, curiam feudorum insignem, praetorium & olim jus nundinationis & asyli invenies.

Altera suburbani Brugenfis parte templa sunt D. Bavonis, & Michaelis, & sub hoc *Tilleghemium* castrum, quod ab Attila Hunnorum Rege nomen habere nonnulli putant. Castrum autem quod modo visitur, aedificare coepit Canonicus quidam S. Donatiani, cognomento Pinnocq, Dominus de Tilleghem, & S. Georgii ante annos amplius quadringentos. Amplum est, & Principum etiam habitationi non incongruum habitaculum, ameno cumprimis loco situm, ad medium ab urbe Bruga lapidem. Circa quod etiam lucus, & umbrosa arborum congeries; mire per aetatem jucunda. Habet altam, mediam, imamque, ut vocant, justitiam. Habet praetorem, consulem cum Scabinis septem, Scribam item, ac alios justitiae administratos. De venditis feudis Domino debetur decimus, de aliis decimus quintus nummus. Ad mille circiter terrae mensuras sese Dominium hoc protendit. Habet venationem, & aucupium, piscationem, item liberam exemptionem à vectigali cerevisiarum Gandavi ac Brugis pendito solito, quod *Grutam* vocant. Habet inter alia quoque jura macellum liberum, in quo tot instrui stalla possunt, quot Domino lubet.

EE

Vltius

Pagi in suburbano sita.



IPRENSIS
Episcopatus.

Perillulsi et Remo Dno
D. IVDOCO BOVCKAERD
IPRENSIS ECCLESIAE
EPISCOPO
Tab. hanc ejusdem Episcopatus
1662. Joh. Blaeu.

2000 Virg. Flandriae
five 2 Millaria Flandrica

Joh. Blaeu excud.

Pars quadragesima Virg. Flandriae.

Uterius versus Ipreletum progredienti occurrat Abbatia nobilis D. *Andreae*. Stratenum, vulgo *Dominium vander Straten*, huic Abbatiae adiacet, à quo familia Stratanorum, quæ quam potens & opulenta olim in Flandria fuerit, ex iis, quæ temporibus Caroli Boni contigerunt, liquet.

Sunt præterea & alia Prætoria nobilium fa-

miliarum in suburbano Brugensi, quæ tantum obiter hic designabuntur. Imprimis in Parochia S. *Ægidii* Strazeele. Item Prætorium Domini de Bloemendale splendide & pereleganter structum. Porro Prætorium Domini de Noortvelde è gente Velaria. Denique insigne prætorium gentis Bertolffia in eodem suburbano situm.



E P I S C O P A T V S I P R E N S I S.

Episcopatus
Institutio.

Odem tempore ; quo cæteri in Flandria , imò Belgica tota , novi Episcopatus, anno videlicet 1559, & eadem ob causas à Paulo IV, ad instantiam Philippi Secundi Regis Catholici Flandriæ Comitis institutus fuit Episcopatus Iprensis ; & mox sanctionibus quibusdam à Pio I V. Pauli successore anno 1565 roboratus, Episcopali Cathedra in æde D. Martini , quæ prius Canonorum Regularium Ord. S. Augustini fuerat, Ipris collocata. Diocesim secundum limites à Paulo I V assignatos, & à Pio in Decanatus octo seu Archipresbyteratus rurales divisam , suis quoque paræciis unicuique decanatu subjectis particulatim Martinus Rythovius primus Ipranæ sedis Episcopus in synodo , quam reformatandis , ut ait, moribus, & corrigendis abusibus, habuit anno 1577, distinxit. Decanatus autem illi fuerunt , ac modo sunt Bergensis , Castletensis , Furnensis , Balliolensis , Waeltenensis , Popringensis , Dixmudensis , & Neoportuensis , præter Archipresbyterum unum in Ecclesia Cathedrali constitutum , qui curam rectorum parochialium ecclesiarum , ac verbi Dei , & sacramentorum per civitatem Iprensensem habet , & sub quo parochiales Ecclesiæ S. Martini Iprensis , S. Petri, S. Iacobi, S. Nicolai, B. Mariæ de Brielle, & S. Ioannis juxta Ipras constitutæ sunt. Sunt autem sub Bergensi Decanatu hæ parochiales Ecclesiæ :

Decanatus
Bergensis.

| | |
|-------------------|---------------|
| Arembaldi templum | Killem |
| Bergæ S. Petri | Leffinchoucke |
| Bambeke | Oostcapple |
| Bissezeele | Rexpoede |
| Chocx | Teteghem |
| Dunkercke | Waerhem |
| Ghyvelde | Wildre |
| Herzele | Zoutcote |
| Arembaldi Capella | Ledringhem |
| Bergæ S. Martini | Quaetypere |
| Bierne | Steen |
| Crochte | Vxem |
| Coudekercke | Westcapple |
| Ekelsbeke | Wormhout |
| Honscote. | Zegerscapple. |

Decanatus
Castletensis.

Sub Decanatu Castletensi.

| | |
|----------------------|--------------------|
| Bavinchove | Walscapple |
| Castletum S. Nicolai | Wynezeele |
| Hardefort | Zuytpeene |
| S. Mariæ Capella | Castletum B. Mariæ |
| Ochlezeele | Hazebrouck |
| Oudezeele | Hondeghem |
| Steenvoorde | Noortpeene |
| Staple | Oxelaere. |

Belgica.

Rubrouck
S. Sylvestri Capella
Tertdeghe

Sub Decanatu Furnensi.

Adinkerke
Avencapella
Coxida
Furnis S. Walburgis
Furnis S. Nicolai
Hoghestade
Isenberghe
Leyssle
Polinchove
Steenkercke
Wulpen

Sub Decanatu Balliolensi.

Balliolum
Borre
Dranoultre
S. Ioannis Capella
Lotere
Nieukercke
Pradelles
Steenwercke

Sub Decanatu de Warneston.

Becelaere
Boefinghe
Dickebusch
Kemmele
Leghem
Morslede
Paschendaale
Warneston
Wulveghem
Zantvoorde

Sub Decanatu Poperingensi.

Bevere
Crombeke
Govaersfelde
Houtkercke
Oostvletere
Poperinghe S. Ian
Provene
Stavele
Watou
Westvletere

Sub Decanatu Dixmudensi.

Caskercke
Dixmuda
S. Iacobi Capella
Merckem
Nieucapelle
Pervise
Verus Capella
Clerckem

Sub Decanatu Neoportuensi.

Boutshoucke
S. Georgii
Neoportum
Ramscappel
D d

Wenemari Capella
Zermezeele

Decanatus
Furnensis.

Alveringhem
Bulscamp
Effridi Capella
Furnis S. Dionysii
Ghyverinchove
Houthem
Loo
Oeren
S. Richarii
Winckhem
Wulveringhem.

Dec. Bal-
liolensis.

Berthene
Caestre
Eecke
Meiris
Meternes
Nipkercke
Strazeele
Vletere.

Dec. de
Warneston.

Bixscote
Dadizeele
Gheluwe
Langhemarek
Meessene
Neerwaesten
Vormizeele
Wytsgate
Zillebeke
Zunnebeke.

Dec. Poper-
ringensis.

Boescepe
Elverdinghe
Haringhe
Oostene
Poperinghe S. Bertini
Poperinghe S. Mariæ
Reuninghelst
Vlamertinghe
Westoultre.

Dec. Dix-
mudensis.

Eeessene
Lamperneffe
Noortscote
Oostkercke
Reninghe
Woerna
Zuydscote.

Dec. Neo-
portuensis.

S. Ca-

S. Catharinæ Capella Oostdunkercke
S. Gulielmi Capella Zoutenay.

Decanorum
officium.

Est autem horum Decanorum officium, in suo cuiusque districtu Episcopali auctoritate curare, ut clerici in sortem Domini vocati, vitam & mores suos ita componant, ut nihil in ipsis nisi grave, moderatum, ac exemplare conspici possit. advigilare item, ut pastores in functione pastoralis officii, prædicatione verbi Dei, & sacramentorum administratione, debitam servant integritatem, honestatem, & reverentiam, eodem etiam, cum opus fuerit, monere, corripere, visitare, consolari, bono consilio subvenire, ac veri pastoris officium erga illos exercere. Porro ea fuit hunc Episcopatum instituendi ratio, quam in ejusmodi verba Romanus Pontifex in suo diplomate attulit: *Nuper Cathedralem Ecclesiam Morinensem certo tunc expresso modo pastoris solatio destitutam, ac sedem illius Episcopalem, & in eis omnia, & singula Episcopalia jura, & Cathedralis Ecclesiæ insignia, pro eo, quod alias per conditiones pacis inter præfatum Philippum, & claræ memoriæ Francorum Regem firmatæ, sub dictæ sedis beneplacito decretum fuerat, quod civitas Morinensis tunc solo æquata non restauraretur, sed illius Ecclesiæ, ac diœcesis præfatæ, ac beneficia, beneficiorum collationes, & proventus in duas partes dividerentur, quarum altera Franciæ, altera vero inferioris Germaniæ esset, penitus suppressimus & extinximus, & diœcesim Morinensem & omnia & singula sub ea, & in decreto prædicto comprehensa in duas partes, quarum una Franciæ, altera vero inferioris Germaniæ hujusmodi juxta dictum decretum esset. Et ulterius illam diœcesim Morinensem partem, in inferiori Germania hujusmodi existentem, cum bonis, censibus, feudis, decimis aliisque proventibus sub ea comprehensis, qui valorem annum duorum millium ducatorum auri de Camera secundum communem æstimationem constituunt, in duas alias æquales partes, & duas alias diœceses divisimus & separavimus, ac Iprensem unam; Audomarensem vero Ecclesiis ac mensis Episcopalibus reliquam, partes & diœceses subdivisas hujusmodi pro sua quaque diœcesi & parte dotis perpetuo applicavimus. Vbi vero Pontifex congruam dotem & domum, cæteraque jura & privilegia Iprensi Episcopo assignare incipit, atque Canonicatus & præbendas, item dignitates cum suis conditionibus, restrictionibus & reservationibus, ac Capellanas aliaque officia in Ecclesia Iprensi instituere aggreditur, in hunc modum pergit loqui: *Monasterium Sancti Martini seu illius ac Ecclesiæ Furnensis olim Morinensis diœcesis Præposituras etiam Principales, ac qui pro parte dicti Philippi Regis juxta conditiones hujusmodi relictæ sunt, decanatum forsan majorem nec non pœnitentiariam, cantoriam, scholasteriam, Thesaurariam nec non majores post Pontificalem dignitates, nec non quinque Canonicatus ac quinque præbendas ex pluribus aliis suppressæ Morinensis Ecclesiæ hujusmodi pro parte dicti Philippi Regis, per conditiones pacis hujusmodi inter alia etiam relictos penitus suppressimus & extinguimus. &c.* deinde Pontifex ex suppressa Morinensi ecclesia decem Canonicatus & præbendas, ac octo Capellanas ex Furnensi ecclesia etiam Canonicatus & decem præbendas (quarum una fabricæ templi postea unita est) ad Cathedralem ecclesiam Iprensem transfert, & postquam sex mino-*

res dignitates in eadem ecclesia, & decanatum constituit, duodecim alios Canonicatus & duodecim alias præbendas, pro duodecim aliis Canonicis ejusdem ecclesiæ perpetuo erigit, ac unum & unam ex decem Canonicatibus, & præbendis ex ecclesia Morinensi ad ecclesiam Iprensem translatis, mensæ Episcopali unit, annectit & incorporat, quorum ratione Episcopus Iprensis persona capitularis esse, ac vocem, auctoritatem, ac præeminentiam etiam in Capitulo supra Decanum & alios dignitates ac Canonicatus & præbendas ibidem obtinentes debeat habere. Dein Episcopali mensæ dotem assignat, videlicet bona & proventus trium ex quinque suppressis Canonicatibus & præbendis ecclesiæ Morinensis, & jus præbendæ Insulensis nuncupatæ ad Episcopum Morinensem pro tempore existentem pertinens, ac similiter omnia & singula bona suppressæ Præposituræ ecclesiæ Furnensis, ac tot ex bonis & proprietatibus monasterii, seu Præposituræ S. Martini. Singulis autem duodecim Canonicatibus & duodecim præbendis supradictis tot bona ex reliquis monasterii Martiniani proventibus adtribuit, quot pro competenti dote illorum ad æquivalentiam proventuum aliorum Canonicatum & præbendarum ecclesiæ Iprensis opus fuerit. Ad dotem dignitatum infra Episcopalem quod attinet, Decanatu medietatem proventuum Decanatus ecclesiæ Morinensis ac præbendam & domum per Decanum S. Martini haberi & possideri solitas, & tam illi, quam Archidiaconatu Flandriæ unam, Archipresbyteratu autem pœnitentiariæ, Cantoriæ, Scholasteriæ, & Thesaurariæ reliquam medietatem bonorum & proventuum, quos reliqui duo Canonicatus & præbendæ Morinenses suppressi obtinebant, in perpetuum applicat & appropriat. Nec non Episcopo Iprensi domum Monasterii seu Præposituræ S. Martini hujusmodi cum hortis & pertinentiis suis circumstantibus pro sua habitatione, illas ipsas, quas Episcopus Morinensis pro tempore existens in eisdem Iprensi ecclesia, civitate & diœcesi, prout sibi per divisiones hujusmodi contingit. Dantur etiam Episcopo Iprensi amplissima jura, privilegia & peculiares facultates per hanc Pontificiæ Bullæ clausulam. Et insuper quas Abbas seu Præpositus S. Martini Monasterii Præposituræ, & seu Præpositus ecclesiæ Furnensis hujusmodi olim quomodolibet habebant collationem, provisionem, præsentationem, electionem, institutionem, confirmationem, & quamcumque aliam dispositionem omnium & singulorum Prioratum, dignitatum & personatum, & (exceptis infra scriptis adfectis) Canonicatum & præbendarum, administrationum & officiorum, aliorumque beneficiorum Ecclesiasticorum cum cura & sine cura, sæcularium ac prædictorum & quorumvis aliorum ordinum regularium per eum & futuros præfules Iprenses, vel alium seu alios eorum nominibus liberè faciendas, etiam perpetuo reservamus, concedimus & assignamus.

Tandem ad majus ecclesiæ Iprensis decus & ornamentum, & ad obsequia in ecclesiasticis functionibus Episcopo Iprensi debite, constanterque exhibenda, Romanus Pontifex novem Cano-

Canonicatus ex ecclesia Morinensi ad Ipremsensem translatus, quibusdam conditionibus, oneribus, & prerogativis per jugem & irrefragabilem constitutionem in hunc modum afficit. Et ut ipse Episcopus Ipremsensis suam ecclesiam personis eruditis & ad Iurisdictionem inibi exercendam, cæteraque munia ecclesiastica obeunda, idoneis debite instructam, jugiterque decoratam habeat, similiter perpetuo statuimus, quod novem Canonicatus & Præbendæ ex Ecclesia Morinensi ad Ecclesiam Ipremsensem translatis hujusmodi Tribus Magistris aut Licentiatibus in Theologia, & tribus Doctoribus Decretorum, seu in eis Licentiatibus, & tribus Nobilibus ejus diocesis, etiam in Iure vel Theologia saltem gradu Licentiatibus in famosa quapiam Universitate studii generalis secundum tenorem primo dictarum litterarum promotis, ordine præmissis servato in perpetuum concedi ac assignari debeant. Et paulo inferius: ac omnes & singuli ratione suarum hujusmodi Præbendarum, consilium, & operam in negotio Ecclesiæ & religionis, cæterisque difficultatibus pro tempore emergentibus, quoties ab Episcopo suo requisiti fuerint, tam conjunctim, quam divisim præstare teneantur. Quibus etiam idem Pontifex sex minores infra Episcopalem, & Decanalem dignitates in prædicta ecclesia reservat, & adstringit, dum perpetuo decreto ita se statuere & ordinare dicit: & Archidiaconus (nisi præbenda Archidiaconatus sui annexa sit) Archipresbyter, Penitentiarius, Cantor, Scholasticus, & Thesaurarius præfati ex dictis novem graduatis ad nominationem Episcopi Ipremsensis assumi, & omnium primi post Episcopum vacaturos novem Canonicatus, & Præbendas affectos hujusmodi, ordine in dicta designatione expresse servato, consequi debeant. Ad formam verò methodumque quod attinet, qua Canonicatus Morinenses sint conferendi, subjungit Pontifex: Et ut de viris spectatæ doctrinæ & probitatis ad edificationem Ecclesiæ Dei accuratius prospiciatur: quod ipsi novem Canonicatus & novem præbendæ, hac primâ vice per Episcopum duntaxat, & deinde quoties illi futuris temporibus vacaverint, ut præfertur, ad electionem Episcopi & aliorum Graduatorum prædictorum superstitum per eos conferantur, & in ejusmodi electione suffragium Episcopi non plus juris seu momenti, quam cujusvis graduatorum habeat, nisi vocum paritate occurrente: tuncque iteratum ad hoc Episcopi suffragium, paritatem vocum hujusmodi dirimat. Expresius deinde operam & obsequia enucleat Pontifex, quæ præfati Canonici Morinenses Episcopo suo, & Ipremsensi ecclesiæ tenentur impendere, cum ait: Quodque unus ex novem Canonicis prædictis Magister seu Licentiatius in Theologia, & alter Decretorum Doctor, seu etiam Licentiatius, seniores, ratione suarum præbendarum, facultatem habeant visitandi per universam diocesim Ipremsensem prædictam, quoties ab Episcopo Ipremsensi, ceteri vero Canonici graduati prædicti, quandocunque requisiti fuerint, assistere teneantur. Ac ex reliquis senioribus Canonicis præfatis duo in Theologia, & unus in Iure Canonico graduati ut præfertur, una cum Archidiacono curam habeant examinandi promovendos ad sacros ordines, & admittendos ad curam animarum, quacunque auctoritate illi provisi fuerint, neminem nisi idoneum seseque personaliter residentiam facturum medio juramento promittentem admittendo, &c. Ex quibus omnibus, uti perspicuum evadit ac manifestum, præbendas Morinenses graduatis adfectis concessas, labore cæteras ac connexis oneribus superare: Belgica.

ita par & æquum esse, ut honore etiam cæteras ac quibusdam prerogativis anteirent. Quod non immerito consideravit summus ecclesiæ Catholicæ Episcopus Pius Quartus, dum, sicut in aliorum per Belgicam novorum Episcopatum erectione, ita & in Ipremsensi ecclesia ordinavit non sine gravissimorum virorum consilio, ut dignitates cum Episcopatibus iisdem erectæ conferri non possent, nisi uni alicui ex novem illis præbendis adfectis aliquam possidenti. Quæ sedis Apostolicæ constitutio ab anno 1559 vel circiter, inviolatè hætenus in ecclesiis Belgicis ad annum usque 1635 observata fuit. Atque hæc est erectio & forma cathedralis ecclesiæ Ipremsensis, constantis illustri triginta Canonorum Collegio: novem videlicet Morinensium, duodecim Martinianorum, ac novem Furnensium, qui triplici distincti membro proventus longè impares nunc quotannis adipiscuntur. E Martinianis autem Canonicatibus sex pastoralis animarum cura afficiuntur: unus item & alius publica sacre Theologiæ Professione oneratur. Habet & hæc ecclesia suos Sacellanos, Cantuarios, Vicarios, Musicæ præfectum, Symphoniacos, & alios chori sui, ut vocant, habituos: ut autem fuerunt olim, sic etiamnum reperiuntur non pauci hoc in Collegio viri pietate, prudentiâ, eruditione, ac nobilitate conspicui.

Cum vero novis Episcopatibus nova semina-
ria quæ Tridentini Concilii decreto sess. 23. cap. 18. de reformat. à celebrioribus ecclesiis
erigi iussa sunt, etiam in Belgio curâ & liberalitate Antistitum, & aliorum ecclesiæ præsulum sunt erecta, unde & suum Episcopatus Ipremsensis (præter id quod in Academia Duacena ab Antistite Antonio fundatum est) in ipsa urbe Ipremsi habet. Vbi certus puerorum & adolescentum numerus non solum alitur, religioseque educatur, & bonas artes discit, sed provectiores etiam in cantu, Calendario ecclesiastico, aliisque disciplinis sacris instituuntur, & Theologica studia hauriunt, in eum finem duos è Societate Iesu religiosos Sacerdotes sacre Theologiæ professores nacti, præter alium in Ecclesia Cathedrali Canonicum Lectoris titulo insignitum, & præbendâ, ut vocant, lectorali donatum; cui sacras etiam litteras interpretari, & clero præferim ejus ecclesiæ, aliisque quibuscumque celestes explicare litteras ex officio incumbit. Habet hoc seminarium provisores suos, ad quos bursas in eo fundatas, seu annua studiorum subsidia conferre; præsidem item unum, ad quem, rem curare domesticam, moribus & disciplinæ Collegii invigilare, & quotannis rationes accepti & expensi reddere, cum quæstore seminarii ad recipienda ejus bona constituto, spectat. Domum item habet hoc seminarium commodam, & Scholis publicis Soc. Iesu vicinam. Quotidiana in eo lectio sacre scripturæ, disputatio frequens, & examen, concionum piarum tyrocinia, alia denique sacre in Theologia palæstræ exercitia frequentantur. Tres potissimum de illo bene meriti Ipremsensis ecclesiæ Antistites, Martinus Ryt-hovius, Petrus Simons, & Ioannes Vischerius, inter quos eminet cæteris opulentior Petrus, cuius ea fuit in seminarium Ipremsense beneficentia, ut
E c illi

illi hæredi ex asse constituto, quod & ab aliis quidem duobus, sed minore peculio factitatum, quotannis ultra mille quingentos florenos reliquerit. Fuit & idem Antistes egregie munificus in ædem primariam, ac clerum ejus, ut pro anima ejus hic oret, & sicut Tertullianus loquitur, refrigerium interim adpostulet ei, & in prima resurrectione consortium, & offerat annuis diebus dormitionis ejus.

Martinus
Rythovius
I Ipr. nris
Episc.

Primus in Iprensi Cathedra sedit Martinus Balduini Rythovius, à Rythoven Brabanticæ Campaniæ municipio natali sic vocatus. Adolescens Lovanii Philosophiæ studiis imbutus, eidem mox præficitur. Inde ad Dillinganam apud Suevos Academicam recens excitatam evocatus, in ea aliquot annis sacras litteras explanavit. Lovanium reversus ad D. Petri Decanus, & Academiae Cancellarius constituitur. Antonio Cardinale Granvellano Archiepiscopo Mechliniensi absente, primæ Synodo provinciali Mechliniæ magna laude an. 1570 præfedit, multaque memoratu digna prudenter sanxit. Cum à Philippo Secundo Hispaniarum Rege primus Iprensibus in Flandria præsul datus esset, Concilio Tridentino anno 1562, & Colloquio Wormatiensi anno 1557 interfuit. anno vero 1567 feria tertia ante Pentecosten Synodum diocesanam Ipris celebravit, & edidit; obiit Audomaropoli anno 1583.

Petrus Simonius
II Iprens. Ep.

Petrus Simonius Tiletanus Flander, Theologus Lovaniensis, Rythovium proxime in honore & onere Episcopali secutus, à Cornelio Iansenio primo Gandavensium Episcopo vocatus fuit, ut in ecclesia Gandavensi Canonicus esset & penitentiarius, ac demum Archipresbyter. inde Cameracum & Duacum profectus, in ea Academia mansit, donec Cortracensi urbe Regi restituta, illius ecclesiæ curam Pastoralem suscepit, qua perfunctus annis quinque, secundus Iprensium Episcopus factus est. Supremum diem clausit anno 1605.

Carolus
Masius,
III Iprens.
Episc.

Carolus Masius Bruxellensis, Engelberti Masii sanctioris Consilii Præsidis, viri optimi, frater. I. V. Licentiatus, Serenissimorum Belgicæ Principum Alberti & Isabellæ Eleemosynarius, Antverpiensis ecclesiæ Decanus, Bruxellæ in natalitiis D. Ioannis Baptistæ post Petrum Simonis sacras infulas in principe æde anno 1607 accepit: demum ad Gandavensem Tiaram promotus fuit.

Ioannes Vischerius,
IV Iprens. Ep.

Ioannes Vischerius Theologus Duacensis, Patria Winocibergensis, Pastor primum & Decanus Dixmudensis, inde S. Martini Iprensis. Vir facundia clarus, quod illum præcipue ad supremum Cathedralis ecclesiæ Iprensis culmen evexit anno 1611 mens. Febr. die 6. Moritur, seminario Iprensi scripto hærede, 7. Kal. Iun. anno 1613.

Antonius
de Henmin,
V Ipr. Ep.

Antonius de Henmin, è nobili Henninianorum familia natus, per plures annos ecclesiæ D. Nicolai in oppido Iprensi parochus fuit, exin ejusdem sedis Episcopus ordine quintus. Cujus hoc inter præcipuas laudes recenferi debet, quod in Aca-

demia Duacensi amplissimum Theologorum seminarium, Henninianum vulgo appellatum, fundavit. Obiit ipse Kal. Decemb. anno 1626.

Georgius Chamberlain, Gandavi urbe Flandrorum primaria, patre Anglo, natus, ibidem in ecclesiæ Cathedrali Canonicus, Archidiaconus & Decanus fuit, postea Iprensibus infulis honoratus, aliquot annis diocesim suam summa cum prudentia moderatus, res humanas 19 Decembris anno 1634 reliquit.

Georgius
Chamberlain
VI Ipr. Episc.

Chamberlino nominatus est à Catholica sua Majestate successor in Iprensi Cathedra Cornelius Iansenius, natus Leerdami in Batavia anno Virginie partus 1585. Lovanii in Pædagogio Falconis Philosophicas disciplinas hausit, cæteris in Academica Artium Liberalium promotione antelatus, mox omni conatu in Theologica studia incumbens, post alios in illa facultate titulos magno cum Academicorum applausu acceptos, in eadem Vniversitate Doctoralem lauream accepit, ibidemque Collegio, quod Divæ Pulcheriæ vocant, Hollandico severus morum ac disciplinæ censor præfuit, regiusque in schola publica sacrarum litterarum interpret fuit. Legatus quoque in Hispaniam ab eadem Vniversitate missus, non infelice successu res istic Academicas procuravit. Exin Iprensis ecclesiæ Antistes constitutus est.

Cornelius
Iansenius
VII Ipr. Episc.

Io. Bouckaert Brugensis, Cortraci Ecclesiæ Collegiatae B. Mariæ Decanus fuit, eoque dimisso officio, in Monte-acuto Parochus factus, ut se animarum curandæ saluti melius impenderet. Quem in finem ibidem Congregationem Oratorii ad normam Romanæ S. Philippi Nerii instituit. At Cornelio Iansenio 6 Maji 1638 mortuo, in Cathedram Iprensensem suffectus est.

Io. Bouckaert,
VIII Ipr. Episc.

Ludovicus de Croy, Filius Claudii Comititis de Roeux ad easdem infulas à Rege Catholico nominatus, possessione nondum aditâ decessit anno 1647.

Ludovicus
de Croy,
IX Iprens. Episc.

Marius Ambrosius Capello, Antverpiensis, ex Ordine Prædicatorum Theologiæ Doctor à Rege ad eandem Cathedram nominatus, & ipse per bellicos tumultus possessionem nequitam capessivit, traductus postea ad Episcopatum Antverpiensem.

Marius
Ambrosius
Capello, X Ipr. Episc.

Ioannes Franciscus de Robles, Ioannis Comititis de Hanapes, Baronis de Billy filius, Protonotarius Apostolicus, Canonicus Insulensis, & Metropolitane Cameracensis Ecclesiæ, dein Collegiatae S. Petri Lovanii Præpositus, eoque nomine Academiae Cancellarius: tum Capellæ Regiæ in Belgio Capellanus, Archiducis Leopoldi Guilielmi Belgii Gubernatoris magnus Eleemosynarius, eodem præfente Archiduce Bruxellæ in Capellâ Palatii 11 Octobris anno 1654 ad Episcopatum Iprensensem inauguratus est à Francisco de Gand Episcopo Tornacensi, Carolo vanden Bossche Brugensi, Iacobo de la Torre Archiepiscopo Ephesino.

Ioannes
Franciscus
de Robles,
XI Iprens. Episc.

CASTELLANIA

IPRENSIS.



Opographia Castellaniae Iprensis (quae inter septem Occidentalis Flandriae Castellanas eminentiam, ac quendam quasi primatum habet) priusquam aggrediar, erit operae pretium singula ejusdem Castellaniae loca

hic recensere, quae postremus Provinciae census, ad annum 1517 Teneramundae editus, in ea posuit. Sunt autem sequentia:

| | |
|-------------------------------|---|
| Becelaere, Boefinge, | Roosbeke |
| Biscote, Briele, | Zonnebeke |
| S. Ians Prochie, | Hollebeke |
| S. Iacobs Prochie, | Paeschendaele |
| Nederwaesten sub Cominio, | Zillebeke |
| Nederwaesten onder den Busch, | Santvoorde |
| Gheluvelt | Houtem |
| Langemarck | Cominium pro parte Crommen Elst in Vlamertinge. |

Capitulum Insulense in Kemmel. Wytschate, Hallebast, oppidum Messinense. Camera Messinensis cum Hooflande, Dulsémont. Vormzele, Dickebusch. Vbi palus ingens Haerlants Laeten, vander Haghen. Ermentiers. Stade, Ferlingien. Morslede, Hoochlede. Gheys. Ledeghem, Rollegem, Houckene & Rumbeke. Nieukerke. Iper-ambacht: oppidum Rollariense, Rousselaer ambacht. *t Hof r' Alseghem.*

Cleven in Langemarck, Hospites domini de Caestre. quae quidem loca licet omnia iurisdictioni Castellaniae immediate non subiciantur, ideo tamen liber ille censualem enumerat, quia cum subsidia publica petuntur, in partem contributionis cum eadem Castellania venire solent.

Gubernatio Castellaniae.

Gubernatur autem haec Castellania, & in ea iurisdictioni nomine Principis Flandriae exercetur, per Praetorem qui perpetim manet, ad cuius monitionem Senatus territorii Iustitiam exercet. per Consulem item, & Senatores novem, qui quotannis novi per mandatarios ejusdem Principis constituuntur. fuit autem jus olim Castellano, five Vicecomiti Iprensi nominandi tres & novem; ut à quibusdam, ac nominatim à Marchantio atque Gramajo asseritur. In rebus autem majoris momenti, & in iis, quae subsidia Publica, ac contributiones spectant, non consilio modo

Vasalli ejus.

Vasallorum, sed suffragiis etiam opus est. sunt autem Vasalli illi, viri quidam nobiles in eadem Castellania Toparchias habentes, quales inprimis Toparchus de Becelaer, de Boefinghe, de Staden, de Roosbeke, de Coxie, de Bixscote, de Zonnebeke, de Vellenaere, de Santvoorde, de Vormizele, de Rumbeke, de Hollebeke, de Buscha, de Gruterzale, de Morslede, de Paschendale,

Belgica.

& alii quidam, ad quos pro censu habendo mittitur. Solent autem illi à Magistratu Castellaniae Ipras in domum praetoriam convocari, ubi de Rep. deliberant, & resolvunt, vel omnes junctim, vel ex iis aliqui, prout res exigere videtur, aut Magistratus ejusdem Castellaniae iudicat expedire. Vocati honoraria quoque sua percipiunt ex aere publico ejusdem Castellaniae.

Ordinarius autem juris dicundi confessus est in ea domo, quam vulgo Praetorium Castellaniae nominant, in Iprensi foro sitam, quae structura insigni aedificata exhibet Planetarum vultus concinnos admodum, & artificiose seu sculptos de duro lapide, seu de limo figulatos. in hac praetoriana domo tabulae publicae seu munimenta servantur ejusdem Castellaniae. Habet & illa praetorium antiquius, & in fundo ac iurisdictione Castellaniae situm non procul ab aede Dominicana. olim habitaculum fuit Principum aliquot Flandriae, ut ex annalibus Meyeri, & aliis liquet. Salam nominant, cujus suprema per omnem fere Castellaniam, ejusque pagos, nomine Comitatus iurisdictioni varie se protendit, & jus habet aucupii, cum aliis quibusdam. in qua modo praetores Castellaniae commorari ex indulgentia Principis solent: est enim propria Principis domus, & è fisco principis, five regio censu conservatur. In ea reorum fit examen; carcerem enim Castellaniae complectitur, sicut & armamentarium habet in ejusdem territorii usum, cum res exigit; ameno loco sita est, fossisque latis in orbem cingitur.

Domus Praetoria.









Sala, seu Praetorium antiquum.

Iprensis Vicecomitatus primum est feudum, quod ab hac Sala movetur.

Boefingen pagus ad primum ab Ipra lapidem situs, quousque via silicibus strata ducit. Turrim habet Ecclesia cum primis elegantem, & ante quatuor saecula structam, ut Epigraphae cacumini ejus inscripta docet. Libera hic concessa fuit antiquitus Gilda sub nomine S. Georgii à Comite Flandriae, familiae Bellanae loco potienti, ob rem ab ea praclare gestam in conflictu aliquo. Habetque societatem cum iis, quae magnis itidem privilegiis institutae sunt in Elverdingh, Langemarcke & Stavele, quibus inter alia permittum, ut sagittas ferro acuminatas ejaculari possint. Pagus est autem arvus & pascuus, quem secut fluvius Ipra veniens, qui repagulis & transporis quibusdam (ut ajunt) hic continetur. Fuit autem Toparchia hujus loci in variis olim familiis, ac primum ejus cognomento à qua in gentem Bellanam migravit, ab his ad gentiles de Bride, deficiente haerede masculino à Dixmudenfi quoque familia per nuptias, ad gentiles Halwynos devoluta est. E qua gente à Witthemis ad Bergenses super Zomam Toparchos, & ab his ad Cusancium Baronem de Beauvois; qui eam vendidit Adolfo de Trompes Equiti. Et censetur hujus

F f

loci



loci Toparchus inter Vafallos Castellaniæ antiquissimus. gaudet liberâ per totam parœciam venatione & aucupio. Potitur alta, media, imaque iustitia. Habet Prætorem & Scabinos septem, Ammannum iustitiæ administrum: Iura venditionum in fundis allodialibus: jus fisci concessum per Ioannem Burgundiæ Ducem. Locus hic autem Castro quondam insigni ac valido etiam ornatus fuit, & obsessum aliquando sex millibus armatorum prædictum castrum,ustumque cum Ecclesia. Quin nuper etiam durantibus in occidua Flandria turbis, ab Iprensibus dejectum, quod nunc Toparchus in dies magnis impendiis instaurat.

In parœcia Brielenfi, inter viam Boefinganam & Elverdinganam, medio ab urbe milliari sita est Toparchia *Virlinchoria*, pascuis & pratis abundans, Ipretis, quercetis, & populetis bene confita, pomariis & hortis amœna. Cujus modernus Dominus *Philippus Albertus à Quaetjonck* eam à patre suo *Bernardo* Equite aurato jure hæreditario accepit. Hic veteri Castello primis Flandriæ tumultibus exusto, prætorium ibidem aliud editiore & salubriore forte loco in minori non procul insula, quod à tribus partibus aqua cingitur, extruxit. Fuit autem ea Toparchia pluribus sæculis in ea familia, quæ vetustate sua, quam terris, ac Dominiis per progenitores acquisitis, commendatior est.

Brielle. Ecclesia in suburbano Deiparæ Virgini sacra fuit, jussu aliquorum, quia in conspectu mœnium posita munitioni urbis obsistere videbatur, destructa, agrum habet uberem, pascuum & arvum, qui oneribus Castellaniæ obnoxius est, licet parœciæ pars ab illis exempta sit, sub jurisdictione Scabinagii Iprensis, ut vocant, sita sit.

Parœcia S. Ioannis olim ad Aquilonem urbis in agro suburbano sita, & contributionibus Castellaniæ Iprensis obnoxia, cujus ædes intra veteres fossas Ipræ fuit, & attiguum habuit cœnobium Carmelitarum, unde religiosi illi apud Iprenses, *fratres S. Ioannis* in hanc usque diem appellantur. Per Belgicorum autem tumultuum injurias Ecclesia hæc funditus deleta fuit, sic ut vestigium loci vix modò appareat.

Parœcia S. Iacobi suburbanum habet itidem agrum Castellaniæ contribuentem, Ecclesia licet mœnibus septa sit. Pascua item opima ad viam, qua Zinnebeka in urbem venit, & ad veteres urbis fossas molæ aliquot visuntur oleaginæ, unde propatulus in urbem eandem despectus.

Becelaria vulgo *Becelaer*, pagus duabus fere ab Ipra leucis situs ad viam, quæ ab hac urbe Corturicum ducit, magna sui parte saltuosus, & arvus colliculos suos etiam habet, & valles per æstatem amœnas. Possidet eum modo vir illustris, *Franciscus vander Woestyne*, Dominus quoque de Flechmel, Pottrie, Lueghens, Caridon, Maete, & aliis in locis, eques. Ecclesiam habet egregiam, cum splendida turri. Porro ad temporalem hujus loci Toparchiam quod attinet, vix aliam in Iprensi Territorio potiorē invenias; per universum enim pagi ambitum, quem illa complectitur, nullus alius quocunque titulo Toparchus est, parvo limite excepto,

quem Sala, ut ajunt, & Castellania Iprensis occupat. Habet autem eadem Toparchia curias feudales binas. Primam vocant, *t Hof der groote Vierfchaer*, alteram *t Hof der Oostvierfchare*. Potiturque alta, media, ac ima iustitia. mulctas recipit sexaginta librarum Parisiensium, cum omnimoda Iurisdictione: Prætorem habet & Scabinos septem, aliosque Iustitiæ administratos; proventus etiam varios annuatim & uberes. Fiduciario autem jure tenetur immediate à Flandriæ Principe, sub ejus Curia seu Sala Iprensi, habetque sub se alia feuda ac Dominia paris fere potentia, ut sunt *Sciervelde*, *Langen*, *Navegeer*, *Hesfelse* & alia. Sigillo quoque utitur ad causas, ad rerum possessiones, ad alios denique actus judiciales agnito & antiquo, præter alia Toparchi jura ac privilegia. Pro singulari autem hujus loci ornamento erit Prætorium splendidum, ac viro Principe dignum.

Gheluvelt pagus in edito situs ad alterum fere ab Iprana urbe lapidem. habet sylvas & myricetam, terramque arvam. Toparchia loci potitur familia de Voocht.

Hoochlede à situ nomen habere videtur, quasi *Hooghe gheleeghen*. nam in alto positus quaquaversum longissimos præbet aspectus. pagus est arvus maxima sui parte.

Houckene, pagus ad tertium ab urbe Ipra lapidem situs.

Rumbeke, prætorium hic habet non invenustum Baro de Vcclem è Gentilibus de *Thiennes*.

Vormisele pagus est ad medium ab urbe Ipra lapidem situs, iterque silice stratum, quo Warnestonium, Querciacum, & Insulas itur, interfecat, pascuus & arvus silvis etiam ac lucis confitus, mireque per æstatem amœnus. Toparchia nunc est illustris viri *Ludovici Lopesgallo* Baronis Maleani, à patre & avo proveniens, qui commodum istuc etiam habet prætorium, altaque, media, & ima potitur iustitia, Scabinos habens septem, & alios iustitiæ administratos, cum Prætore, aucupio, & venatione. Visuntur & illic vivaria, & piscosi lacus, præcipue circa prætorium Toparchi ac cœnobium; pomaria itidem, aliaque fructifera arboreta, hortique, quos natura, & ars ornavit.

Langemarke amplissimus in ditione Iprensi pagus, & quo vix tota Flandria majorem habet, quippe qui supra quatuor millia jugerum terræ complectatur, variis distinguitur Comarchiis. Præter ædem curialem, quatuor aliæ sunt ædificulæ sacræ ad quatuor quasi pagi angulos constitutæ, & æquali fere mediæ leucæ distantia sejunctæ ab invicem. Prima inter eas *Maria ter Poele*, five ad paludem, cujus loci Toparchia potitur *Christianus Boudins*, vir nobilis: & secunda Sancti Iuliani quondam Hospitale sub duce Cliviæ: Tertia Sancti Eligii sub dominio Marchionis de Lisbourg: Quarta denique, quæ quondam fuit Abbatia in honorem vinculorum S. Petri Kalendis Augusti celeberrimum, pendens ab Abbatia Corbieni in Gallia, nunc ad Abbatem spectat Aquicinctinum. sita est autem in magna sylva regis dicta *het Busch van Outhulst*, ubi præter villam rusticam nihil restat.

Insitum & huic pago *Dominium Cliviense*, vulgo *het*

bet Cleeffche Langemarcke, quod in gente Maldeghe-
mia fuisse lib. 4. Flandr. Occident. innuit Gra-
majus. Floruisse autem in hoc quondam pago
etiam lanificium, colligitur ex iis, quæ Meyer.
lib. 12. Ann. commemorat sub Ludovico Niver-
nensi ad an. 1345.

Bixscote, pagus ad secundum fere situs ab Ipra
lapidem, via quæ Dixmudam ducit, pascuus &
arvus, & plantariis arborum fecundus. Per hie-
mem tecta aquis prata habet, ubi circumquaque
ingens vis anatum sylvestrium sapore præcele-
lenti. Porro intra limites parœciæ de *Bixschote* se
partitur *Baronatus de Coucy*, possessus nuper à
Claerhoutiis, ac modo ab illustri Marchione de
Lisbourg.

Morslede tribus fere leucis distat ab oppido
Iprensi, totidem à Corturiacensi, & loco editio-
re, unde patulus in circuitum prospectus. Habet
quoque Prætorium Toparchus è gentilibus De-
spieres. Porro insitum huic pago est dominium
de *Watermeulen*. quod fuit jam pridem gentis
Hoymiliæ, nunc De Vicq, & habet alia feuda,
quæ ab hoc moventur. Iusticiamque, ut vocant,
altam, mediam, & imam, Scabinos septem,
& alios iustitiæ administratos.

Paschendelee, pagus in edito situs, sylvofus, &
arvus; ædem habet divo Audomaro sacram.
Quoad dominium loci, jam dudum fuit illud in
familia *vander Gracht*.

Rolleghem, non parœcia, sed dominium parœ-
ciis aliquot insitum, cum ædícula, ubi res divina
quandoque peragitur, nunc possessum à Topar-
cho de *Morslede*, cum variis juribus. Ab hoc
autem loco nominata floruit antiqua nobilisque
familia.

Zonnebeka, in antiquis rescriptis *Zinnebeka* voca-
tur, & *Sinnebecce*. Pagus est ad secundum ferme
ab Ipra lapidem, arvus & saltuosus, habet & pa-
scua ac vivaria. Institutum est inibi cœnobium
Canonicorum Regularium Ordinis S. August.
Domum hic juxta cœnobium non incommo-
dam habet Toparchus è nobili claraque familia
de *Voocht*; Dominium quoque cum juribus multis
atque præminentibus.

Hollebeke pagus est justæ magnitudinis, ad pri-
mum & amplius ab Ipra lapidem situs, inter syl-
vas & myriceta, fontibus quoque beatus. Hæc
autem Toparchia de *Hollebeque*, in fide Comi-
tatum Flandriæ sub Iprensi Sala constituta, quæ se
cum egregiis juribus in parœcias de *Santvoorde*,
Houtem, & *Zillebeke* protendit, ad familiam
Brabanticam perantiquam & illustrem de *Gly-
mes* devenit. Habuit porro prætorium anti-
quum, splendidumque *Hollebeka*, Toparcha-
rum sedem, quod nunc injuria bellorum col-
lapsum, & amœno loco inter arboreta, hortos,
pomaria, prata situm, non restauravit modo,
sed undique è fundamentis erutum, opere splen-
dido magis & augusto, novum ædificavit *Winan-
dus de Glymes*.

Ultra *Hollebecam* ad secundum fere ab Ipra
lapidem sita est Parochia de *Houthem*, uberiore
gleba ad viam, quæ Cominio recta Ipras ducit.
Dominium loci temporale causa Toparchiæ Co-
miniensis spectat ad Chimacensem è *Ligniaca*
& *Croia*, *Egmondanaque* familia Principem.

Belgica.

Neerwaesten, pagus ad Legiam situs secundo ab
Ipra lapide, pascuus & arvus, Gallice *Bafwaerne-
ston* appellatus, per æstatem ad purissimum illud
flumen, quod leni fluit agmine, & illimi unda
ridet. Dominium hoc in pago situm de *la Busche*.
A quo nominata familia etiam antiqua fuit. Do-
minium autem ejus nominis jam possidetur à fa-
milia de *Masiet* nobili cumprimis & antiqua.
Movetur autem à Toparchia de *Oosthove* apud
Nipkerckam. habet altam, mediam, ac imam
iusticiam, cum banco septem Scabinorum, au-
cupio ac venatione.

Cominium pro parte, contributionibus hujus Ca-
stellaniæ etiam obnoxium est, sed nunc quoad
limites aliqua inter hanc & Insulensem Castella-
niam controversia esse videtur, quam judicium ad
id constitutorum arbitrio dirimendam relinquo.

Dominium capituli Insulensis in Kemmele, subsidia-
rium quoque est, & contribuit in Castellania
Iprensi, ut liber censualis demonstrat.

Wyschaete, pagus amplæ magnitudinis, in edito
situs, ad primum ab Ipra lapidem juxta iter
Warnestoniense, in clivos hinc inde assurgens,
sylvas habet & arva per æstatem amœna, ob
prospectum ad vicina patentem.

Ledechem; pagus *Dadizeliæ* adjacet non infœ-
cundus.

Nieuwerkerke, pagus partim hujus Castellaniæ,
partim in ditione Franconatum situs, juxta Rolla-
rium in diœcesi Brugensi, vulgo *Oost-Nieuwerkerke*,
ante trecentos annos ædícula tantum ibi fuit
sub parœcia Rollariensi, ob copiosam vero in-
diesque crescentem istic plebem ecclesiæ parœ-
cialis titulum ac prerogativam acquisivit, con-
dita præcipue collatio populi istic agentis ære.

Staden, pagus est ad tertium fere ab Ipra lapi-
dem situs, via quæ Thoraltum, & Brugas du-
cit, partim in monte, partim in vallibus, & ac-
clivi, terras præcipue habet arabiles, & viren-
tia prata. In hoc pago situm Dominium de *Vel-
lenaer*, possessum hodie per Toparchum è fami-
lia de *Lichtervelde*, eo titulo hæreditarium Iprensi
Castellaniæ Vassallum. quod & se protendit in
Hoochlede. habet Toparchus Prætozem, Am-
manum, scabinos, mulctam, & alia jura: in
ejus fide alia sunt 28. feuda in *Hoochlede*, *Staden*,
Clerckem, *Eessene*, *Zarne*, *Woumene*, aliisque locis
sita. Prætorium hic habet Marchio *Lisburga-
nus* splendidum atque jucundum, quod ad om-
nem usum incolentibus commoda præbet hos-
pitia, amœnoque loco situm est cum vicino luco,
atque aliis arboretis in lineam dispositis. To-
parchia loci ab antiquo & primitus in familia
ejus nominis fuit.

Roosbeke, celebris hic cum primis est locus ve-
neratione Virginis Matris: Dominium pagi nunc
ad *Noyellios* pervenit.

Zillebeke, media distat ab oppido Iprensi leuca,
pagus amœnus, saltus habens ac sylvas, arva
quoque ac stagnum ingens ceu vivarium, quod
sicut à *Dickabusca*, per torrentem labitur in fos-
sam urbis, & inde per tubos subterraneos plum-
beos, aquam non insalubrem civibus submini-
strat, locus est antiquitate sua commendabilis,
in quo domum habet non inelegantem Topar-
chus de *Honschote* ex familia de *Cerf* & *Mas-*

G g

fiet,

fiet, quam restauravit vel incepit *Petrus de Cerf* ante paucos annos. Toparchia loci fiduciario jure tenetur à Sala Iprensi.

Santvoorde, pagus in alto, & ad myriceta situs, arvus & saltuosus, cujus ecclesia titulum habet S. Bartholomæi. Varia insita huic loco Dominia, ut sunt Sala Regiæ Iprensis, de Cominio, de Hollebeka, *het Hoofthof* in Viroviaco. Porro Dominium pagi præcipuum nuper gentis *de la Vichte* fuit, nunc *de Velaere*, quæ commodum ibidem, elegansque suum habet pratorium.

Rosfelaere.

Oppidum Rollarium in pratis, vocitatum est, ob amœnissimam prata, quibus non tam adjacet, quam interjacet, in ipso quasi Flandriæ medullio, tribus ab Ipra, quatuor à Cortraco & Dixmuda fere milliariis, loco & aëre saluberrimo; in circuitu habet viridaria, lucos, prata, & agros frugum pæne omnium feraces. Locum hunc pervetustum esse, varia cœnobiorum rescRIPTa indicant. Mercatum habet hebdomadarium, quo lineæ telæ maximo numero olim solebant distrahi. Per fluvium enim Manderam juxtim ortum, qui per Isèghemum, Anglomonasterium, & Wacquenium fluens, in Legiam labitur, subventiones Legiæ consequitur. Est itaque vetusti nominis oppidum, & urbis habens privilegia Rollarium, cum quo & sub cujus ditione in solitis & extra ordinem petitis per Flandriæ Principem subsidii contribuunt Ambactum Rollariense, Claven in Longomarka, & Curia Isèghemiensis, vulgo *het Hof tot Isèghem*, habet prætorem, qui oppidi Toparchum, habet Scultetum, qui vicecomitem repræsentat, Scabinos septem; quorum primus consul, seu Burgimagister audit, Pensionarium item, seu oppidi Syndicum & actuarium. habet hic Magistratus compotem omnis justitiæ auctoritatem, tam in criminalibus, quam civilibus causis. Ejus autem Dominio jam potitur Serenissimus Princeps Wolfgangus Wilhelmus Palatinus Rheni, utriusque Bavariæ ac Neoburgicus Dux.

Dickebusch, pagus est protensæ magnitudinis, & antiquus. Plantariis arborum, pomariisque amœnis consitus est, & præcipue arvus. habet & stagnum ingens ad primum fere ab Ipralapidem, è quo per torrentem aqua labitur, & per subterraneos tubos plumbeos dispergitur per eandem urbem. Insitum eidem pago dominium de *Hallebast* cum pratorio non inelegante, à gentilibus de *Wouters* nunc possessum, quod per vicinam Flamertiniam quoque se extendit, & alta, media, imaque, ut ajunt, justitia potitur, & Scabinos habet septem, cum Præto, & aliis justitiæ ministris.

Crommenhelst in Flamertinga, in subsidium quoque

venit ad onera publica Castellaniæ Iprensi. Possessum nuper, & etiamnum à familia prænobili & antiqua de *Ketulle*.

Dominium de Leger, quanquam per Flamertiniam parociam se protendat, census tamen Flandriæ contributioni Castellaniæ Iprensis illud obnoxium facit; tenetur autem in fide ac clientela domini de Vlamertinghe, variis instructum jurbus, ut ejus habet Catalogus, & possidet illud modo vir Nob. *Petrus Immelotius* Toparchus etiam *de Bampoele*, & nunc etiam Vlamertinij.

Varia recenset Misseniaci nomina Gramajus; ex Roberti Frisonis rescritto vocat *villam Misenis*. ex Meyero *Mescinas*, ex Marchantio *Meesenam*, ex Oliverio Marcano *Meschinam*, sed quod illi præ cæteris arridet, è Sanctologo Morinensi ad tertiam Iulii, ubi memoria Sidronii Martyris huc translata, *Misseniacum*. Etymon ortum est à nundinis, non tam celebritate, quam antiquitate commendatis, & inter quatuor Campaniæ Gallicanæ Principes olim relatis. Has enim *Missen* sive *Missas* nostri vocant, vocabulo à Romanis mutuato, eo quod toto ex imperio merces venum mitterentur, & mittantur. Fuerunt autem etiam ante oppidum aut Cœnobium hæ de quibus ago nundinæ *in foresto Sartano* (sic enim dicebatur) pone arcem novam Comitum, quæ sita fuit haud dubie circa aggerem agrumque *Slotlant*, id est, arcis terra nuncupatum, quingentis à cœnobio passibus. Oppidi exordia, libertatem, leges, non altius quam à Balduino Insulano; limites non latius quam instituta Alexandri Pontificis permissu obeunt amburbalia; totum enim illo gyro conclusum spatium civitatis nomine habetur, & intraneo Senatui obtemperat. Dominatus oppidi & parvo circuitu terreni donatione Adelæ Comitum spectat ad virginum Vestalium ibi Antistitem, quæ ex more Iprensium & Guidonis Comitum decreto, Rempubicam & justitiam administrat, per magnum puta Balivum, porti Balivum & Scultetum perpetuos, Scabinos septem annuales, archangeli Michaelis festo recurrente solitos innovari. Cives textura laneorum pannorum tantum olim quæstum fecere, ut in subsidii Provinciæ, rogandaque pecunia nonnunquam paria Furnensibus fecerint, mercatusque ad quartamdecimam Octobris tantâ soleret advenarum frequentia proficere, ut legatur anno 1528 unis nundinis teruncium in singulos pannos venditioni expositos expensum, ascendisse ad 646 florenos. nunc pannifices illi in Britanniam, & alio profugi locum tristiore, & mercimoniis vastum reliquere. Hebdomadale etiam forum diebus Iovis, & Saturni frequentatum minus ob vicinam Ipreti nundinationem.

Castro
Cœnobium
confer.

CASTELLANIA

CORTURIACENSIS.

*Castrum
Corturiacense.*



Orturiacum agri amplitudine pagos 67 complectente, in Comitatu Franco-Flandrico, situs ad utramque Lizæ & Manderæ ripam opportunitate, ante alia Flandriæ, dignitate, confes-
lu, authoritate, & titulo, post Metropoles five quatuor membra primas omnium suffragiis obtinens, antiquitatis etiam laudem habet. Meyerus Iperium secutus, B. Rhenanus annalium fidem allegans, Molanus cap. 9. militiæ sacræ ubi de Pipino secundo, conformiter tradunt, Suevos Flandrorum populos & Menapios à Normannis Cortraci hibernantibus ad internecionem deletos, uti in Historiis Francorum memoria proditum est. Vnde colligas Barbaros hibernantes locum aut munitum occupasse, aut occupatum munivisse. Illis porro dilapsis Balduinum juniorem five Barbatum, ut vult Oudergestius, five Arnulphum Comites, certum est Arcem Cortracensem restaurasse, illam à Balduino Constantinopolitano Collegio 12. Canonico-
rum ornatam; etsi Meyerus videatur innuere destructam fuisse cum capitulum fundaretur, referens, loco ubi vetus Castrum fuerat, Ecclesiam instructam. Hujus locum & amplitudinem, codex censualis Capituli satis ostendit, & sententia Tornaci pronunciata anno 1451, Maji 28. hæc narrans Ioannem Isegemium ante 20 annos defunctum sibi comparasse domum Villa Cortracensi loco antea Ouden Casteel dicto, qui nunc onser Vrouwen-straet dicitur; ille juxta quem anno 1398, Dux Burgundiæ molam habebat aquaticam, domos late ultra forum designans, omnes ratione Dominii fundi in Castro à Comitibus ecclesiæ transcripti solidos aliquot pendentes. Structuræ porro veteris nihil reliquum superesse præter portam nunc Canonico-
rum, olim Castri dictam, & rudera ingentia subinde fodientibus sub terra obvia, tantaque firmitate compacta, ut vix ulla arte possint separari. Dominium fundi Canonico-
rum attributum, omnimodum intellige anno 1411, cum Ioannes Burgundio illud abdicavit, Canonico-
rum in vicem remittentibus 800 mensuras avenæ mollis, quas Honts vocant, olim sibi à Ioanna Comitissa relictas. Aliquale autem jam inde à prima fundatione acquisitum, cujus ratione fossarum & portæ Castri jus ad se spectare contendentes, aliquamdiu cum Senatu sunt altercati, controversia anno 1358 decisa. Serviebat olim hoc Castrum habitationi Comitum, qui etiam portiore ejus parte sacris usibus applicata, Cortraco interim deletati, Domum prætoriam ibi suam habuerunt. Vltius habet Castrum supradictum Pares suos, homines, id est Vafallos suos, & Curiam Belgica.

feudorum insignem, Castellum etiam five Vice-Comitem olim hereditarium; ut modo inter meliora Comitatus oppida merito censeatur. In meridionali parte Flandriæ Teutonice situm, & Gallica-
nam respiciens, forma ovali à septentrione, ad meridiem nonnihil in clivum surgens. Liza abluitur ex adverso Castri in duos divisa alveos, altero urbem, altero mœnia perlabente, ea commoditate, ut navigia rectis malis transmittantur, qui in egressu oppidi reunitus suburbia fecat.

Castrum ab occidente forma quadrata, fossis præaltis, egressu duplice, decem sublimibus è vivo lapide cœlo minatur turribus. Civitas interior fossis, aggere, & muro latericio una cum 27 turribus, & 2 è cespice propugnaculis, opportuna ad quosvis insultus eludendos. Portas habet quinque, totidem latioribus respondentes plateis, ad forum grata mundicie conspicuum ducentibus. Ad septentrionem & orientem duo habet præurbia adæquantia magnitudine & munitione oppidum, utrumque duabus firmissimis portis patens: alterum Trans-Lizanum aggere perpetuo, 5. propugnaculis & fossa aquis scatente munitur. Alterum Vltrabecanum flumine duntaxat divisum tribus propugnaculis, aggere & fossa similibus clauditur. Vtrumque è propinquo respicit prata amœnissima, æstivis diebus lineorum pannorum Soli expositorum dealbationi servientia.

Quo loco Castellum vetus Corturiacense fuerit, & quibus conclusum limitibus, inquit Gramajus, & cujus auctoritatis Vicecomites habuerit, in Corturiacensibus meis docui: hic tantum additurus insignem feudorum nobilium copiam, ab eodem moveri, & vulgo subcenseri magis, quam plenâ jurisdictione subesse quatuor oppida, & pagos complures, qui solent ad quinque Præfecturas, five Virgas, ut loquuntur, referri, Harlebecanam puta, Tiletanam, Donsanam, Meninensem, & tredecim Parœciarum, quas ex ordine describemus. Cæterum cum singulæ hæ præfecturæ, imo singula fere Dominia suos habeant Senatores, Balivos, & officiatos, tum vero maxime unum est Generale Collegium in oppido, constans Hooft punctis quatuor, à capitum censione nomen adeptis, & scabinis septem; ad quos querelæ, & controversiæ omnium tota Castellania subditorum circa collationes subsidiarias, & alia id genus onera deferuntur. Et solent annuatim in hoc Collegium assumi ad Scabinatum Prætores, Consilarii, five Graphiarii dynastiarum, aut oppidorum, aut alii prudentia magis valentes: ad Hooftpuncteratum autem fere viri nobiles, & clientes fiduciarii, aut Pares castri Corturiacensis. Quo tempore porro hæc Reip. norma sit
H h intro-

Vrbis descriptio.

Castellania divisio.

Magistratus.



Generoso et illustri viro
D. PHILIPPO TRIEST, Equiti Ord. S. Iacobi
Summo Urbis et Castellaniæ Corturiacensis Pratori:
Nobilis item et Amplis. Dominis
D. FLORENTIO DE GRIBOVAL, Equiti, Toparchæ de Sweveghem etc.
D. CAROLO DE SCHIETERE Equiti, Toparchæ de Maellstaple.
D. IOANNI DV FOREST Toparchæ de Heuverie.
D. GVILIELMO DE VVLDER, Domino de Duderseele.
Prudentibusque viris ac liberis ejusdem Castellaniæ Scabinis
Michaeli de Bels. Gulielmo Tutens.
Judoeco Verbiest. Judoeco van Rekendale.
Petro de Cock. Natali de Kimppe.
Jacobo le Mayear. D.D. Ant. Sanderus.

PARS CASTELLANIÆ



Pares.

introducenda, necdum scire potui, sed suspicari tantum, abrogata aut imminuta Parium Castri auctoritate circa peculium Castellaniae pro hereditariis hos annales substitutos. Patreatus seu *Pairies* Urbis & Castellaniae Corturiacensis sunt duodecim. Quorum primus est ipse Flandriae Comes jure Castelli sui Corturiacensis; sequuntur Menina, Viroviacum, Isseghem, Gracht, Thombes, Coyghem, Dadizele, Huele, Roosbeke, Dominium d'Estampes, dictum Viri, la Grute Curiae Tiletenis. Oppida vero quae Corturiacensis Castellania nunc complectitur, sunt, *Harlebeca*, sub qua pagi, vel aliqui minores pagi vici, Bavinchove, Bevere, Deerlyck, Desselgem, Engelmunster, Hulst, Keurne, Moude, Sweveghem, Vichte, Vive S. Eligii, Wareghem.

Oppida.

Tiletum sub quo Arseele, S. Baefs Vive, Denterghem, Canighem, Eeghem, Gotthem, Merkeghem, Muelebeque, Oesselghem, Pitthem, Pouques, Roesbeque, Ruyslede, Wacquen, Wilbeque, Winghene, Wouterghem, Zuevezele, Catthem.

Donsa, sub qua numerantur Astene, Grammene, (nisi forte jam Tiletum subcenseatur) Machelen, Olfene, Peteghem, Zulte. alia denique in his sita feuda atque Dominia. De quibus postea. Oteghem, Eestert.

Menina, cui subcenseantur, Bisseghem, Emelghem, Guleghem, Baronatus Heulæ, Gheluwe. Item Dadizele oppidi privilegiis gaudens, Lendele, Isseghem titulo Comitatus illustre, Morfele, Wevelghem, Abbatia monialium Ordinis Cisterciensis nobile.

Harlebec-

Tredecim denique Paræcie, quæ sunt, Dottingnies, Coyghem, Pons Despiere, Mouscron, Herseaux, Lungue, Reckem, Lauwe, Aelbeke, Rodelghem, Bellighem, Marke, Corturiacum.

Hallebecam vocabant antiqui in rescriptis suis Principes, Hallebeccam scriptores aliquot, utriusque à torrente Gaurebecani rivuli elice: & circa urbem, quam mediam secat, Lizæ permixto. Elegerant quidem veterissimi Flandrorum Forestarii palatii sui sedem apud Insulam, sed pater Liederici secundi Harlebeccam transtulit, unde hic cognomen à natali solo est sortitus Harlebecani. Occasio autem translationis unica, situs loci in Comitatus sui medio, ad flumen Legiam sive Lizam, qui ejus ævo divisio alveo traductum Insulam facere cepit. Et imminebat veteri ripæ Castrum, sive Regia Comitatus, unde in hodiernum diem jus piscandi in veteri Liza servat Castellanus Harlebecensis. In veteribus privilegiorum restauratorum chartis semper annotant Principes, Harlebecam totius comitatus Flandrici oppidum esse antiquissimum: Comitatus intellige veteris intra Schaldim & Legiam. Senatus Vibicus, qui fuit ab omni hominum & scriptorum memoria celeberrimus, constat Præposito, Consule & sex Scabinis, præsidente illo in civilibus Camera & pacificatoriis, hoc in criminalibus aliisque. Et cum tota fere Flandria observemus immutatam Senatus faciem, abrogatos Præpositos, imminutam auctoritatem ob demerita rebellionum, aut alias causas, sola Harlebeca fidei tenax, & Principi suo devotissima, etiam cum fortunarum suarum dispendio antiquum obtinet.

Inprimis itaque notandum intra primum ab oppido lapidem rusticos omnes molendino Principis obnoxios esse; agros, & prædia diversis in pagis plurima existere ad spicam annariam Comitatus pertinentia; propriumque ob id una cum prædiis nulli particulari Domino obnoxios, tribunal in oppido sortita esse, quod tempore Burgundicorum Principum statutis & consuetudinibus formatum, alias Scabinagium Comitatus, alias novum video indigetatur, & Senatum annalem renovantibus Principum mandataris Consule & sex scabinis constantem accipere. Habere etiam ab antiquo Quæstorem & Ammannum hereditarium, quorum hoc ab omni scriptorum memoria fuit Vicecomitum Harlebecensium, illud dudum gentis Walliæ, dein Mortaviæ, & nuper Ioannis Iacquelot Magni Balivi Harlebecensis.

VIRGA
HARLEBE-
CANA.

Inprimis itaque in pomerio oppidi Harlebecensis Dominium est *Hallenfe*, à nundinariis veteris loco nuncupatum, Scabinatu & dominiis duodecim non carens, sed nec sacello, domoque prætoria, & fundamentis castri per bella Gandensia sub Maleano diruti.

Simile superiori feudum est *Overacker* Senatu & subalternis septem constans; effosque nuper alta sub humo rudera ingenti mole monstrant castrum, quod antiquitus, ut opinor, fuit familiae *Wterxwaene*.

Venetienfe Dominium Senatus, & feudorum quatuor campos, à Iacobo Scaecio obtentum, Legato ad Venetos nomine Brugenium, quod reperio anno 1442. ejusdem nominis & familiae Nobilem Gerardo Ghistellano transcribere, in cujus stirpe hæsit, & dominis Beveræ Desselgemique titulum honoris dedit, usque ad annum 1461. Et observare liceat infinita hoc tractu loca esse in clivum aggesta, & fossis aqua etiam ductili aut pluviali munita, certissimo nobilium in vicino palatii agentium indicio.

Terleca (quod molliuscule nunc *Deerlicke* pronunciant) fuit primitus Dominium ejus loci in familia ei cognomine, feudum Castello Cortracensi obnoxium.

Francx insuper dominium homines 12 & Scabinos 7. complectens: *Winghena* denique & *Busfelt* octo feudis dominantia.

Sequuntur ad fines Aldenardensis Præfecturæ, (in qua & faciunt partem) *Vichte* nobilissimæ gentis cognomentum.

Oeteghem domo prætoriæ & *Courverburgo* hospitalis Cortraceni feudo per Philippum Audacem Burgundiæ Ducem donato non ignorabile. Sicut *Heestert* Baronis de Huele ex Lidekerckii dominio, & *Dienstvelt* Danantiorum dominio celebrata. Fanum item Dionysii, Slavathia Toparchia, dudum fisco Principis addicta notum.

Adjacet porro his vicinum in agrum Aldenardensem procurrentibus paræciis *Mouda*, vulgo *Mouwe*, gentilium de *Baronaige* dynastia, perelegante prætorio, foro, & nundinis oppidorum more exornata.

Introrsum autem in mediterraneis conspicitur à Suevorum proculdubio habitatione nomen sortitus pagus de *Sweveghem* Ecclesiam habens titulo Capellæ de *Sweveghem* donatam Canonicis

Harle-

Harlebecanis à Balduino Comite & fundatore eorum, Castrum item cum ampla jurisdictione & feudorum curia ad illustrem familiam *Halewyniorum* quondam, nunc ad *Gribovallios* spectans.

Dessèlgem, & *Beveren*, adjacentes sibi mutuo pagi sunt, & uterque de Blandiniensis Abbatiæ peculio.

Deerlycke, proximo ad Harlebecam situ, una ferè leuca ad viam Aldenardensem jacet; pagus est antiquus. Duæ hic *Vivie*, una *S. Eligii*, quam *Vivium Castellum* vocat Malebrancus, altera *S. Baronis*, utraque ad Legiam fluvium, utraque amœna, aquis irrigua, & per æstatem pascuis florida. Quod autem attinet ad *Viviam S. Eligii*, à ducentis & amplius annis Vicecomitatu ejus & dominio potita fuit familia *vander Heede*. Ille porro Vicecomitatus cum à gentilibus ejus familiæ divenditus esset, ad eandem postea rediit. Tenetur autem ille Vicecomitatus à Castello Anglomonasteriensi, habetque justitiam altam, mediam, & imam, prætorem, scabinosque septem, jus Telonæ, liberam piscationem in flumine Legia, cum præ eminentiis aliis, ac redditibus annuis multis, quos parœciæ in vicinia sitæ suppeditant: ab hoc quoque feudo alia minoris momenti tenentur.

Non procul à Capella B. Virginis ad vallem vulgo *Ten Dale*, ad meridiem jacet *Waregemium*, pagus præcelsa turre acuta, & insigni Ecclesia conspicuus. Hujus Toparchia ad Baronem Anglomonasteriensem spectat, ubi amplius beneficio dicti Baronis possederunt *Potegemium* prætorio instructum, & *Nieuwenhoviam*, olim familiares de la *Vichte*. nunc è familia *du Chastel* Blangervalli dominus.

Ultra Lizam ad extremum non ultimæ notæ supersunt dominia *Oyghen*, à nullo dependens Toparchia. *Cuerne* pagus ad medium à Corturiaco lapidem situs loco amœno; & juxta Legiam qui vel adfluit, vel eum secut, peculium est cessione regia *Familie de Tollenaer* nobilis apud Flandros & antiquæ. Superest in parœcia de *Cuerne* dominium aliud *Nieuwenhuysse* appellatum, scabinatu & novem feudis nobile.

Superest *Anglomonasterium*, vulgo *Inghelmunster* Baronatus, qui antiquitatis merito, majestatis titulo, situs gratia, rerum gestarum magnitudine, inter primi subsellii dynastias famam meretur. Sive enim terræ genium, agris tam arvis, quam pascuis florentem, nec sylvulæ oblectamento, nec fluvii Manderæ in Lizam se effundentis, & per eum Scaldim, & cum hoc Oceanum petentis commoditate destitutum consideres, sive sedem in Flandriæ pæne medietullio tutam, nec minus utilem inspicias, sive Baronum late patentem per pagos viginti tres jurisdictionem, cum triplice justitia, venatione maxima, aucupio & piscatione non infelici, & privilegiis amplissimis intuearis: sive arcem æstimes, fossis altitudine & latitudine insigni, structuraque foris tam munita, ut hostilem exercitum semper expectare, sapius contemnere, oppugnationem & tormenta semel ferre ausa fuerit, armis etiam intus nunc, præsidio nuper tam insigniter instructa, ut eludendis insidiantium conatibus par esse possit: aulæo interim, sacello, turribus, antemœnians pennariis in qua-

Belgica.

dro sic disposita, ut maximi Principum sufficere possit diversorio; prout aliquando suffecit. Omnia, inquam, hæc magnifica; quæ tamen minima sunt antiquitatum portio, laudisque, quam historiarum & archivorum monumenta suppeditant, vix umbra. Possidetur autem à familia *Edelbeer von Plotbo*.

Tiletum, vulgo *Tielt*, non obscuri nominis in Flandria oppidum, Toparchum habet temporalem, ipsum Provinciæ Principem. Porro oppidum ipsum ambitu suo trecenta terræ bonaria comprehendit, extra vero illud parœcia ipsa ad bis mille octingenta terræ bonaria protenditur. Situm est in Flandriæ propemodum umbilico, aëre cum primis salubri. Nundinas habet annuas mensè Septembri. Forum item hebdomadarium, ad quod non infrequens incolarum in vicinia positorum concursus. Distat Gandavo sex, Brugâ totidem, à Corturiaco verò quatuor milliariibus. Porro ad extremum intra limites, & extra oppidum, quemadmodum etiam in singulis pagis, diversissima sunt Dominia, quemadmodum dynastia curiæ Tiletanæ, vulgo *Tielt ten Hove*, feudum Castri Corturiacensis. Sunt & Dominia de *Tomme & Haghe* olim dominorum de Poucques; nunc emptione Comitis de Wacquen, *Willecom* olim familiæ de *Hofstade*, nunc ex successione materna familiæ *van Bracle*. *Elst & Lembeca* olim familiæ *vanden Heede*; nunc ex successione *Gulielmi Wits* in Concilio Flandriæ Præsidis. Fuerunt in parochia Tiletana olim plures nobilium domus, seu arces: sed omnes furore plebis Gandensis sub Ludovico Maleano fuerunt funditus destructæ.

Situm est etiam in Tileto Dominium prisce Districtus
Tiletanus. nominis, *vander Mersch* appellatum, quod à Curia Tiletana movetur; Curia vero Tiletana feudum nobile est & antiquum, in clientela Principis positum, à familia *Gruthusia*, quondam possessum fuit, tenuerunt illud quoque dynastæ Gaverani ceu Egmondani, alia dein serie ad Gaveragium Comitem Ioannis Richardoti Præsidis nominatissimi filium *Gulielmum* pervenit. Continetur & Dominium de *Clærhout* sub curia Tiletana in fide ac clientela Comitis Flandriæ & Castello ejus Corturiacensi possidetur.

Portio hæc Castellaniæ Corturiacensis, quæ Districtus Tiletanus dicitur, ab Harlebecano tribunali diversum accepit Balivum, ex quo oppidum ipsum Tiletanum privilegiis Harlebecensibus per Comites est donatum. Complectitur autem pagos, qui sequuntur:

Ruyssede Hospitalario equitum Melitenis per Balduinum Comitem assignatis prædiis instructa, dominia continet *Maelstapele & Audegoet*.

Wacquen, est amœnum, & incolarum frequentia celebre municipium, quod opportuno fluvio- li Manderæ Lizam argenti decursu irrigatur. Habet prata, lucos, & arborum plantaria, aspectu jucunda, agros omni fruge fecundos. Arcem quoque splendidam ac domum. Nundinas diebus Martis habet hoc municipium unaquaque hebdomade, ad quas concursus non infrequens à Tileto, *Iseghemio*, *Cortraco*, *Anglomonasterio*, totaque illa vicinia. Distat Cortraco tribus, Gandavo quinque plus minus milliari-

li

bus.

bus. Fuit autem dynastia hujus loci, ut in aliis Flandriæ fere omnibus contigit, possessa à familiis variis, nunc vero pertinet ad familiam de Burgundia.

Muelebeke, ad Deveram torrentem Manderæ elicem late patens, Dominos habuit jam dudum è gentilibus de Beer utriusque justitiæ compotes, & prætorium non contemnendum possidentes.

Pitthem, antiquitate sua nobilis pagus, nec sacris minus, quam profanis titulis clarus; dignitatem enim Baroniam, & amplissima privilegia obtinuerunt Claerhoutii nobilissimæ gentis propago; à quibus ad Noyelliam stirpem devenit, in qua possidetur hodie.

Zuevezele, à Suevis indubie nomen retinuit, præfatis Flandriæ habitatoribus, quos fere Normannica rabies, iis ob cladem alibi acceptam admodum infesta, excidit. Celebris pagus est in Territorio Corturiacensi. Habuit vero pagus de Zuevezele eisdem olim dominos cum Wingena vicina.

Winghene, pagus est amplissimæ magnitudinis; quanquam non ubique gleba sit uberior, nobilis etiam titulo Baroniam, quem modo possidet familia de *Haveskercke*. Præter varios census annuos & jura proventus, habet hæc Toparchia, quæ à curia Tiletana movetur, triplicem justitiam.

Intra limites *Winghenenses* situm est non obscuri nominis dominium, vulgo de *Poelvoorde* vocatum; movetur à Castello Corturiacensi feudum sub virga Tiletana. hodieque possidet illud vir nobilis Petrus Adornius, qui & prætorium suum hic habet & jurisdictionem, ad bis mille terrenarum mensuras se protendentem.

Intra limites etiam parocciæ de Winghene, & extra eos se protendit dominium ac feudum de *Bulscamp*, vulgo *Wildenburch*, quod sub virga Tiletana movetur à Castello seu curia feudali Corturiacensi, possessum à ducentis & amplius annis à nobili familia *Wytstorum*; maximo Flandriæ adjacet myriceto, quod *Bulscampvelt* appellatur, habet circumcirca sylvas, ac vivaria carpionibus alendis cumprimis opportuna. Locus solitudine sua placet, ac quamvis sterilius, frugifer tamen reddi poterit, si, qui vincit omnia, improbus accedat labor, & humana industria. Potitur triplice justitia præfatum dominium.

Edeghem, à ducentis & amplius annis fuit in familia nobili de *Griffperre*, quæ cum primis apud Corturiacenses clara fuit. Ante turbas non in elegante prætorio ornatum fuit, quod nuper Toparchus instauravit.

Caneghem, in pago Menapisco situm fuit. Ad sexcenta terræ bonaria protenditur.

Pouques, Dominium titulo Baronatus celebre, & cognomentum gentis olim nobilissimæ: duo hic autem sunt in vulgo observata, alterum in re sacra, alterum in publica; cum enim pagus hic late patens rivulo, seu torrente cingatur, & viarum ambages solerent olim esse impeditiores, potestatem factam ajunt domino circa Principis familiam occupato, agros passim incidendi, iterque rectum Gandam, Brugas, Cortracum ducendi. Vnde in hodiernum diem remanet nomen viarum *Poucquensium*. Similiter cum in pagi

medio decrevissent incolæ parocciam edificare, saxa cæmentaque ajunt noctu divinitus translata in eum locum, ubi postea, nutui divino acquiescentes, ecclesiam struxerunt, choris lateralibus non ita pridem per Baronem adjectis. Et remanet priori loco vocabulum *Kerkvelt*, id est, agri templaris. Fuisse autem hic olim arcem fortem, atque munitam, patet è variis Flandrorum historiis.

Aerzele, pagus in edito & amœno loco situs, unde prospectus in vicina patet, dono Gruthusiorum pridem Bodelonenfis Abbatiam peculium. qui tamen alteram domini partem reservantes, eam Comiti Egmondano obligaverant, recentiori memoria vindicatam per Richardotum præfidem, & possessam à præfidis filio Lembecano Barone; ad nongenta vero terræ bonaria amplitudo pagi se extendit.

Gotthem, nescio quid Gothicum nomine redollet, castrum illic à Gothis excitatum circa annum 484 contra Vandalos Gandavum tenentes, ait Adolphus Pamelius Gotheni Dominus: quadringenta hic pagus bonaria complectitur.

Oeselghem, trecenta terræ bonaria conficit: vetus Gruteriorum dynastia fuit, nunc Lanckhalsiorum.

Roosbeke, circa Tiletum ad Manderam pagus nongenta complectitur terræ bonaria.

Wouterghem, dominio temporali potitur Flandriæ Comes. Pagus universim ad trecenta quadraginta terræ bonaria protenditur. In eo dominium seu curia de *Ryckagen*, quæ movetur à Castello de Nivelles.

Wilsbeque, pagus amœnus, non procul à Legia situs, sub dominatu temporali Baronis Anglomonasteriensis. Continet 400 terræ bonaria; prætorium illic visitur non inelegans Domini de la Douvie.

Vivia S. Bavonis, alius à *Vivia S. Eligii*, pagus etiam ad Legiam situs, loco cumprimis per ætatem amœno: 500 continet bonaria, etiam sub dominatu Baronis Anglomonasteriensis.

Markeghem, Wacquenio adjacet, pagus etiam amœnitate loci commendabilis: possidetur hodie à filio Domini Baronis de *Iumogne*. Situm hic dominium de *le Høye*. Quo nomine antiqua floruit apud Flandros familia.

Donsa, hoc oppidum olim vocabatur etymo mihi hætenus ignoto, nunc *Deinsa*. In diplomate autem Theodorici Elfatii Comitis, præcipui, quod arbitror, Donzanarum libertatum propagatoris, disertis verbis Castrum & Villa Donza nominatur, additurque ob demerita Bertulphi Stratensis, Præpositi D. Donatiani, & Castellani de Petengehem, villam ejus de Petengehem omni honore privatam, ejusque privilegia Donzam translata, ut sit deinceps particula villæ de Donza, quæ fuerat domina fluminis & campi: Datum an. 1152. Ex eoque tempore, quicquid intra libertatem Castri Petengehemensis fuerat, jurisdictioni Donzanæ accessit, remanetque in hodiernum diem unum utriusque loci Scabinagium, & Tribunal. Anno 1316 defuit dominos peculiares habere, & cœpit Comitibus Flandrorum subjici. Robertus enim Bethunius quinque millibus librarum Parisicarum illud emerat à Waleramo Luxem-

Luxemburgico Ligniati Comite, ejusque uxore Guyotta Castellana Insulensi, hac usufructui suo dotali coram ecclesiæ Officiali solenniter renuntiante. Et mos invaluit inde, quotannis septemviros cum Quæstore, à Legatis Principum creari, ad juris Iustitiæque administrationem. Erat porro oppidum perelegans, trecentis facile domibus habitatum, cum in luctuosa hac Belgicæ laceratione, sæpius occupatum, spoliatum, incensum, & tantum non solo est æquatum. Nec integrum facile caput attollere deinceps, etsi animo contra adversitates magno nitantur, publica privataque pristino nitori restituere. 1625 Rex Catholicus Philippus Quartus ob præclara herois illius in Remp. merita, donavit illud domino Didaco de Mexia, & in titulum Marchionatus sublimavit. Quem titulo emptionis jam possidet Baro de Duffele ex familia Merodiorum.

*Distriktus
Donzanius.*

Ad districtum, sive, ut nunc loquimur, Virgam Donzanam spectant pagi sex, qui fuerant antiquitus clientelares & subsidiarii arcis Petengemianæ, præter Grammetum Translizanum. Habebat quidem Donza, à quatuor sæculis obnoxios sibi pagos aliquot, ad sinistram fluminis ripam, hodieque conspicuos, sed nescio quo fato aut bellorum vicissitudine hi transierint in jus Tiletanorum, à quorum curia, hodieque gentiles de Beer, dominium prætoriumque suum Grammenfem videntur relevare.

Primum Gandavo venientibus occurrit *Astene*, pascuis & aquarum defluxibus gaudens, nec sylvula, erica, aut virgultis carens.

Wallebeke, dominium juxta *Astene* situm, possessum nuper fuit à Toparcho Trunchinienfi è gente Cottrellia, ad quem jure connubiali devenerat. Prætorium habet non contemnendum, & plantaria arborum peramœna, ad aquilonem ejus loci fuit *Legia*, ultra illum adjacentibus pratis & Castello Oydonck splendido, ad Baronem Nevelanum spectante.

Peteghem forenfem, vulgò *Buyten*, à Balivo Senatuum accipiens, & in agros fertiles latè se extendens, ubi decimas, amplaque latifundia possident Cœnobitæ Trunchinienses dono Philippi Elsatii Comitis. Pagus vero ad trecenta bonaria terræ protenditur, quæ secundum usitatam Flandris meriendi rationem, nongentas mensuras conficiunt: unaquæque autem mensura tres lineas, singulæ autem lineæ centum virgas, & unaquæque virga pedes quatuordecim conficit. Locus hic venientibus Cortraco Gandavum hospitia grata, & lassis in via quietem præbere solet.

Machelen, in sacris paret hospitalariis Aldenardensibus: in foro nuper Middelburgensem Frentziaci Baronem ex Merodiis agnovit, à qua familia transiit in Vilanam à Gandavo.

Ossene, pagus ad quartum ab urbe Gandavo lapidem situs, arcem habet, & plantaria, & loca venationi cumprimis idonea, in liberum Alodium à Lanckhalsiis Flandriæ nobilibus dudum possessus.

Zulte, Castellum habet, & ante illud plantaria longe exquisitissima. Pagus sexcenta terræ bonaria complectitur.

Grammene, Hujus loci Dominio temporali po-

titur Baro de Poucques: amplitudo pagi patet ad ducenta quinquaginta bonaria. In eo feudum Gentis *Gruteriæ* vulgò *bet Hof ter Wiericx*, quod à Domino de Grammene teneri solebat, nunc à Toparcho de Lendele è familia Beriana.

Collimitium, hic bilinguis Flandriæ Liza medio, & pontem sublicium excipiente, quo aurigæ currus mercibus onustos dirigere fueti, quod *Meenen* nobis, minare Romanis dicitur, videntur loco nomen communicasse. *Legia*, sive *Leia*, vel *Lisa* pleno tumidior alveo gy-rabundus duo oppidi latera alluit, peculiari quodam fundi gemio ad cerevisiæ præstantissimæ coctionem accommodus; quod experiuntur illi, qui littus oppido proximum habitantes, eodemque è flumine aquam haurientes, diversi interim ab urbano saporis potum conficiunt. Et hinc factum, ut præcipua circa coctoriam hanc civium extiterit opulentia, & opera, expetito tota Flandria, Artesia, Hannoniaque à gulonibus hoc liquore: & Principes prudentium patrumfamilias ad instar, singulis membris sua velut munia, & emolumenta partituri, hanc plebejæ negotiationis velut summam Meniniis confirmarunt, potestate facta liberè cerevisias quocunque inferendi, nec (quod aliæ Comitatus urbes pendunt, ratione cerevisiarum) foras effendarum molagium exsolvendi anno 1590, & postea.

Fluminis benignitati terra nequaquam cedit, caponum impinguatione solita commendari, quo respicit distichon è popinis transcriptum:

*Quos sitis atque fames cruciat, properate Meninas,
Qui capiat capus est, Cereris vis, quæ capiat.*

Textrina etiam, & imprimis stapula filariorum hic esse solet copioso quæstu. Cum autem oppidum hoc cum 13 pagis vicinis unam Cortracensis Castellaniæ virgam faciat, & in, & cum ea conferat, pagos interest subungere:

Quorum primarius tituli merito *Isegemium*, castro, nundinis, halla, pannificii celebritate, fluvii commoditate, municipum industria, terreni fecunditate, curia feudali nobile. Et solet olim inter Barones & Pares castri Cortracensis dynasta hujus loci confidere: ecclesia etiamnum elegans præambulo horario olim insigni, pronao fornicibus non carente. Hujus Comitatus Dominus est è familia Villani à Gandavo.

Heule, Iseghemio succedit Baronatus titulo nobilis, qui agri & Iurisdictionis amplitudine intra limites oppidi Viroviacensis latè procurrit, ratione dominii de *Westhoven*; patriciatu Castri Corturiacensis, & dominorum titulis etiam inclaruit; Baronatus autem hic prætorio ornatus eleganti tandem devolutus est ad Lidekerkios, à quibus hodie possidetur.

Dadizele, memoratissimus per Flandriam in Castellania Corturiacensi locus est, etiam privilegio Principum, & antiquorum diplomatum appellatione, oppidi prærogativam consecutus. Suis etiam olim vallis cinctus fuit, habuitque domum Senatoriam, ac portas tres, quibus claudabatur, magna incolarum frequentia, & opificum officinis ac diversoriis instructus; cum enim via regia situs sit, duobus ab Ipra milliaribus cum dimidio, totidemque à Cortraco, quæ ab oc-

ciduo

*Meenina
vulgo
Meenen.*

*Distriktus
Meninensis.*

ciduo Flandriæ tractu Cortracum, Gandavum, Antwerpiam, Bruxellas ac Mechliniam ducit, & nunc, & olim magis hospitibus excipiendis, adventantibus refocillandis, idonea loca habuit. à meridie ad unam leucam adjacet illi Menina, castro etiam ornatur, quod ad Toparchum spectat, Ecclesiæ vicino, & dominio peramplæ jurisdictionis, quod ad annum 1364 fuit in familia Rassegghemiorum: Toparchus quoque de Dadizele par est Castelli Corturiacensis. Ad Toparchiam autem loci quod attinet, feudum est antiquum ac nobile, quod à Castello Corturiacensi, & Flandriæ Comite movetur, ipsumque sub se varias habet clientelas, ac feuda alia.

Lendeledede, spectat hujus dominium ad familiam *de Beer* in Flandris nobilem & vetustam.

Tempelmar, & *Cathem*.

Gheluwe, in hoc pago situm dominium de *Thrioles*.

Morsele grandi leuca distat à Corturiaco, campos habet patentes & amœnos, arcem quoque perantiquam, at nunc semidirutam: nobilis olim familiæ *vander Grachtiorum* residentia fuit.

Guleghem.

Emelghem, dominio hujus loci potitur Comes *Issegghemius* è familia Gandavenfi.

Tredicim parœcie.

Regiuncula, sive Virga tredecim parœciarum inter Legiæ & Scaldis defluxum latè patens, complectitur inprimis agrum suburbanum parœciæ Corturiacensis, Abbatia & hæreditate Groningana Cisterciensis instituti, & variis tam latifundiis quam dominatibus ornatum. Notandum venationem & aucupium ad Principis vicarium magnum, Corturiacensem prætorem & Castellani hunc pertinere.

Ad ripas Legiæ visitur, longo tractu Halewinium usque, *Marca* ob fundatam Cisterciensis instituti Abbatiam anno 1238 per Ioannam & Agnetem filias Walteri Rodeburgici, sed anno 1285 in præurbium Cortracense translatam, nobilis.

Lauwa, distans vix una à Corturiaco leuca ad Legiam fluvium, in familia ejusdem olim nominis Dynastia fuit, quæ à Lauwiis ad Ghistellanos, ab his ad Halewinios, ab Halewyniis denique ad Croyos pervenit.

Rollegemium quoque & *Reckenium* pronuper

Halewyniorum, in propinquo splendide dominantium fuit. nunc hoc *Henminiorum de la Vallee*.

Introrsum hic in Mediterraneis est *Aelbecæ* Dominium *Vlienderbecanorum*.

Cæterum eminet hoc tractu, & Castro, & pascuis & Ecclesiâ *Moscronium*, belli tempore præsidio militari instructum, & munitum satis. Erat quidem antiquitus alio loco arx munitissima in medio Sylvæ, quam adhuc hodie, *Bois de la Chastelenie* vocant, forma quadrata, fossis duplicibus, & propugnaculo sylvis dominante, sacelloque (translato in modernum Castrum) non carens, cujus fundamenta & rudera hodie conspiciuntur, possidetur à familia *Lidekerkana*.

Adjacet *Moscronio* *Herseaux*, olim illustris familiæ de Corturiaco avita possessio, cum insigni feudorum copia ad Bernagios devoluta; nuper per nuptias *Margareta de Bernaige* possidebatur à *Federico de Marselaer* equite, Viro Consulari *Bruxellensi*, stemmate & literis nobili. Habent & particulares aliquot Toparchi suas hic dominationes, ut *Moscroniensem*, *Lespinnettam*, *Oultreprezam*, *Blandiniensem*, *Buyfam*, alias alii.

Ottinacum, vulgo *Ottigny*, in hoc etiam tractu conspicitur.

Versus Scaldim *Spira* jacet, Baronatus titulo, à familia *Ogniaca* possidetur.

Bellegghemium, rudera veteris Castri monstrat & Prætorium, antiquamque S. Amandi Ecclesiam, olim *Costeriorum*, nuper *Hertoghiorum*, Dominatio.

Coyghem gentilium de *Esclaibes* Toparchia, ante *Gaesbece* *Hornanorum naturalium*, hoc titulo Patrium Castri Corturiacensis. Antiquitus autem Corturiacensium fuit. qui servato quidem symbolo suæ originis, cognomentum hoc à Dominio induerunt, & inter Patricios Corturiacensis oppidi claruerunt. Præter dominium autem principale, amplo proventu, & plantariis arborum, patronatuque Ecclesiæ D. Bartholomæo inscriptæ & feudis triginta octo ornatum: habent suas ibidem curias Baro de *Pecques* & Dominus de *Scardauwe*. Atque hæc quidem sunt tredecim parœciæ nulli oppido subjacentes; etsi lubenter crederem, olim Viroviaco subcensitas fuisse, eo maximè, quod inter Pares Castri Corturiacensis, Dynasta Viroviaci nominetur.

FLANDRIÆ

TEUTONICÆ

PARS OCCIDENTALIOR.



Termini.

Duynderka.

Gravelinga.

Landria Occidentalis pars est Flandriæ Teutonicæ, ita dicta, ad differentiam Flandriæ Orientalioris. Illius limites à Septentrione sunt littora maris Flandrici, ab Occidente Galliæ & Artesiæ pars: ab Oriente Flandria Orientalis, à Meridie Flandria Gallicana. Qua parte litoralis est, & Oceano obijcitur, Duynkerkam & Grevelingam habet, in mediterraneis urbes sunt, oppida, & pagi nobiliores, *Ipra*, *Winociberga*, *Vurna*, *Borburgum*, *Caletum*, *Mesena*, *Menena*, aliaque loca. *Duynderka* condita est circa annum 966, à Comite Balduino, Arnulphi filio. Distat Gravelinga tribus, & Caletio sex, Neoportu vero quinque, Brugis duodecim leucis. A templo *Dunorum*, qui arenacei colles vocantur, nomen acquisivit, portum habet faucibus angustis, & objectis pulvillis, ceu areolis, navibus formidolosum. Celebris nuperis bellis erat urbs piratica, quam in Fœderatorum naves Galliam, Angliam ac Mare mediterraneum, etiam Septentrionales regiones petentes, exercebant. Templum habet, edita turri insigne, ex qua candicantes Angliæ circa Douvram montes, cœlo sereno, clare conspiciuntur: tum altare amplum, altum, ex marmore variegato, lapide Lydio, & alabastrite constructum. Est & hic cœnobium Franciscanum sexus utriusvis, Xenodochiumque. In ipso littore arcem proximis annis extruxit Archidux, ad tutelam navium, quæ littora inter & maris brevia stationem fidam ac securam inveniunt. Portum obsidere solebant navibus pluribus bellicis Fœderati, ut hostilium navium excursum impediunt, sed irritum sapius conatu, Duynkerkanis nocte intempesta ac interluniorum tempore, ac ventorum captata opportunitate elabentibus. Quare sola Zelandorum ac Batavorum miseria ac damnis crevit, viguitque: nunc belli jure Angliæ Regis dicto paret. *Gravelinga* mari imminet, adjacetque flumini Agnionæ, medio fere itinere inter Caletum & Duynkerkam: fuit olim urbs quantivis precii, & portu amplissimo famosa, sed destructa non semel dirutaque à Normannis. Condita creditur à Theodorico Alfatio circa annum 1160, in pago D. Willebrordi, firmataque à Carolo V anno 1528 arce valida, & Flandriæ impendio, propugnaculis perpetuoque præsidio munita. Portum jam habet angustum prolixumque, in quem Agniona fluvius oppidum fere lambens exoneratur, Belgica.

vulgo *Aa*, aliis *Romera*, qui in pago Rumillyo agri Boloniensis tenuiter ortus per Vressecum, Fasquumque repens, perluit fossas arcis Rentyæ, & Falcobergam: semperque torrentium societate augescens, & Arkas, & S. Audomari fenum ingrediens, in mare ad Gravelingam exit. Auxit hujus loci celebritatem insignis conflictus anno 1558, quo Thermus Galliæ Mareschalcus, exercitusque legatus, auspiciis Philippi potentissimi regis, diligentia & fortitudine Lamoralli Egmondani Comitis victus captusque fuit. Distat Duynkerka & Caletio pari fere trium leucarum spacio, ab Alosto plusquam triginta milliaribus. *Ipera*, ex quorundam scriptorum sententia, nomen sumserunt ab Hyperboro, celebri quodam militum Duce, ex Anglia oriundo; sed rectius ii censent, qui ab Iperi flumine urbem interluente nomen profectum existimant. Primus oppidi conditor, ut tradit Massæus, Balduinus fuit, Arnulphi Comitis filius, circa annum salutis 960. Dissidet Brugis novem, Gandavo circiter tredecim leucis, estque oppidum non tam mœnibus aliisve ab arte munitionibus quam situ & loco firmissimum, ut quod non una de causâ castris locandis sit iniquum, & agre queat obsideri; cætera lautum, pulchrum, & amœnum, & sic satis etiam opulentum, ædificia ejus proba satis, etsi ob lignea frontispicia parum splendida. Templum, cœnobiumque habet veneranda, & primarium quidem D. Martino sacrum, ac destinatum Cathedræ Episcopali. Iactatur vulgo fundum hujus oppidi esse ex plumbo, idque ob multitudinem inibi tuborum, seu fistularum plumbo ductilium, fluvialibus aliisque aquis per singulas fere domos, & opportuna quæque urbis loca dispensandis. Forum, quod vulgo vocant, *de Heerenplaetse*, Iperis longe amplissimum ac mirabile, ita ut nulli in Belgio foro cedat. In eo sunt *Hale*, quas vocant, id est receptaculum illud lanificum, vetus sane & pulchrum ædificium. Texitur Iperis ingens vis pannorum ex lana, item subserica, vulgo *Saje* & *sajetta*, aliaque id genus merces, unde vigent hic sic satis mercimonia, & præsertim in anniversario illo, & quadragesimali urbis mercatu. Præter solenne & ordinarium Magistratus urbani tribunal, est & illud quod *Curiam Iperensem*, vulgo *de Sale van Iperen* vocant, cujus Iurisdictionem agnoscunt septem *Castellania*, quarum unica illa, quam Castetanam appellant, quatuor & viginti, ut minimum, sub se habet fora, seu conventus juridicos. *Ipera* tertium Flandriæ membrum constituunt, & Vicecomitatus dignitate illustres sunt. Magna est hujus urbis iuridictio, magnumque imperium. Ager ei circumjectus

Ipera.

K k

totius



Winoci-
Berga.

totius Flandriæ Teutonicæ præstantissimus, fertilissimusque, incolæ denique probi, civiles, & pacis magis, quam belli amantes. *Winoci-Berga*, five *Berga S. Winoci*, nomen habet à prænobili quodam cœnobio, in honorem D. Winoci Angli, apud istos defuncti, à Balduino Barbato, vel ut alii volunt, Balduino Insulano, in monte quodam exstructo, & in oppidum tandem converso. Distat *Duynkerka* uno milliari, Iperis vero septem milliarium intervallo. Habet Vicecomitatum & *Castellaniam*, ut vocant, plurimis pagis imperantem. Ager oppido circumjectus mirifice fertilis. Texuntur & hic multi satis panni. Verum vastata bellis Flandria hæc opificia una cum opificibus magnam partem in Hollandiam transinigravere. Anno 1558 misere afflicta fuit, Gallis eam deprædantibus, & exurentibus. Celebris est *Burggraviatu*, annuis mense Octobri nundinis frequentatissimis, illustrique olim ingressu & conventu *Eduardi Terti*, Anglorum regis, ejusque uxoris ac filiae *Isabellæ*, anno 1346, ubi hanc *Ludovico Malano* ambitiose, sed frustra despondit. Aperuere hic ludum literarium, maximamque lucubrationum suarum partem hic composuere viri doctissimi, *Iohannes Despauterius*, *Paulus Leopardus*, *Petrus Curtius*, editis doctrinæ monumentis noti. *Castellania* ejus fecunda est pecoris, butyrique lapidissimi, frugum, arborumque tam pomiferarum, quam lignationi aptarum copiosa parens. Pagos continet triginta tres, interque eos *Houtkerckam*, *Wormhoutum*, *Herzelam*, cum *Eclesbeca*, *Honschota*. Inter *Voxemum* & *Houthemum* pagos lacus est ab æstu maris natus, quem *Mouram* vocant, qui in magnum & parvum distinguitur, ac septem milliaria ambitu complexus piscium est copiosissimus. *Vurna* distat *Duynkercka* quatuor, *Dixmuda* tribus leucis, oppidum satis concinnum, & Vicecomitatus dignitate conspicuum. Perluitur aquagio ab Oriente in Occidentem, turribus ac repagulis clatratis aditum, exitumque hinc inde tuentibus: cui ædes assident cum conclavi, quod *Delphini* dicitur, in quibus *Rex Ludovicus Vndecimus*, cum *Delphinatium* adhuc princeps apud *Philippum Bonum* aleretur, vixit. *Burburgum* *Grevelinga* unius milliariis spacio abit. Oppidulum sane amœnum in ditione Ducis *Vindocinensis*. A Gallis aliquando rapinis, cæde, flammis vastatum fuit, postea restauratum. Ejus *Castellania* pa-

Castellania
ejus.

Vurna.

Burbur-
gum.Castellania
ejus.

gos quatuordecim continet, in iisque *Cranewicum*, *Loonum*, *Drinchamum*, *Holkis*. Quod vero oppidum *Flandri Casselæ*, Latine scribentes *Castellatum* vocant, id antiquis dictum fuit *Castellum*. Insidet autem præalto monti, & *Winociberga*, Morinoque pari fere quatuor leucarum intervallo abjungitur. Fuit olim & ipsum oppidum valde potens; sed, ut rerum eunt vices, in gravissimas sæpe calamitates incidit, ut prorsus vilis ac humilis ejus fuerit conditio. A Gallis direptum anno 1329, & 1385, postea ab incolis fuit instauratum, ita tamen ut ruinæ murorum veterem miseriam ac fortunam testentur. *Castellania* ejus pagos quinquaginta duos comprehendit, in quibus censetur, *Harveskerka*, *Watenum*, *Steenvorda*, *Mourbeca* & *Runschura*, *Noortberkina*, *Plesietum*, *Vletera*, *Peena*, *Bollesela*. Cujus peculiarrem delineationem & descriptionem inferius exhibeo. *Messina* Iperis & *Bella* æquali duarum leucarum intervallo abjungitur, oppidum satis lautum, lanificii studiis victitans, optimo, amplissimoque feminarum cœnobio nobile, cujus Antistes femina, temporali & Ecclesiastica fungitur potestate. Nominis originem ex antiqua traditione referunt ad tres puellas, quas vernacule *Meissen* nuncupamus, eximia pietate & castimonia ibidem celebres, sub Balduino *Lilano*. Huic natales debet *Iacobus Cruquius* literarum humaniorum *Brugæ* professor, qui *Commentarios* in *Horatium* scripsit. *Menena* est ad flumen *Lisam*, urbecula sane mediocris, fossa & versatili contra subitos hostium incursus ponte firmata, imo & extra ordinem postea validis propugnaculis munita. Confici & hic solebant plurimi variorum generum panni, qui in varias Europæ partes distrahebantur. *Hondiscota* triangulari adspectu intuetur *Winocibergam*, *Vurnam* & *Loam*, quibus omnibus pari fere duorum milliariis spacio dissidet. *Mardica* est locus maritimus, medio inter *Duynkerkam* & *Gravelingam* itinere. *Poperinga* Iperis quidem duabus, *Casteto* vero tribus leucis abjungitur. *Bella* distat *Poperinga* duarum, Iperis trium leucarum itinere, ubi natus *Mejerus* historiographus *Flandriæ*. *Comminium* adsidet *Lisæ*, pagus arce satis egregia conspicuus. *Viroviacum*, *Flandrice Warwyck*, medio est inter *Messinam* *Menenamque* itinere. *Castellanas* pagorum & toparchiarum descriptiones breviusculas ordine exhibebimus.

Castellatum.

Castellania
ejus.

Menena.

Hondiscota.

Mardica.

Poperinga.

Bella.

Comminium.

Viroviacum.

CASTELLANIA

CASLETENSIS.



Minariaco, quod vulgo Stegriam nuncupamus, Castellania hæc, sive Territorium & Ambachtum alio nomine Casletanum, in longum se protendit usque Watanum, & nobilissimam Flandriæ portionem complectitur.

Soli qualitas.

Ditio tota amœna est & aprica, collibus exurgens, vallibus irrigua, præ cæteris etiam locis Flandriæ oppidis ac Castellis instructa, nobiliumque virorum ab omni ævo habitatione, ac frequentia celebris. De ea sic Meyerus: *Ejus, inquit, (nempe Castelli Morinorum antiqui, quod Casletum) late patent fines, ac Iurisdicção vicis ac pagis celebris. Ager omnis cum primis optimi fertilis tritici, equis, armentis, gregibus locuples, lino abundans, nemoribus atque arbutis suavisimis confusus, torrentibus ac rivulis letus, haud paucis amœnus pascuis, variisque pomorum generibus plenus. Mera profecto Tempe, etiam Thessaliæ delitias (ita totus ille tractus cum lustrantibus arridet) superantia.*

Incole.

Populus humanus, hospitalis, cultus, pulcher, pius, dives, ferox, strenuus, fortisque pro patria, parcus, providus, sollicitus, industrius, catus. Ita Meyerus. Latius olim ditio ista patuit: Sub Castellianorum item Imperio, inquit præfatus auctor, fuisse credimus omnem oram maritimam, ubi nunc Burburgus, Gravelinga, Bergiacum, Dunkerka, cum Mardycciaco veteri portu ruinis collapsa, ortis non procul novis portibus Dunkerka & Gravelinga. Nunc vero Territorium hoc, extra oppida, & Toparchias, divisum in octo tribunalia, vulgo Vierſchaeren / (in quibus etsi aliquorum locorum quidam Domini audiunt, absolutum tamen jus Toparchiæ non habent, sed id Principi debetur;) quæ singula in civilibus causis suos agnoscentia scabinos, in criminalibus curiam feudalem Castelli reverentur. Qua de re, sicut & de cætera Iurisdicção & auctoritate amplissimâ ejusdem curiæ Casletanæ, quæ per viros plerunque nobilissimos administratur, liber legum municipalium per Flandriæ Principem approbatarum, copiosè tractat.

Castellanie divisio.

Porro hoc apud Casletanos in more jam positum, (constitutione Principum Alberti & Isabellæ ad annum 1610.) ut quotannis antequam Magistratus innovetur; per eum, qui nunc officio fungitur, Magistratum designentur viginti quatuor, quatuordecim videlicet viri nobiles, aliique decem honoratæ & ingenuæ conditionis homines, è quibus omnibus seligit ipse Princeps duodecim, septem videlicet nobiles & alios quinque inferioris sortis, eosque arcis ac ditio- nis Casletanæ constituit Iudices. Cum alto justiciario à Principe item constituto, ex iis semper locis, quæ alta justiciâ potiuntur, ut sunt Moer- Belgica.

Magistratus.

beque, Thienes, Steegers, Boeseghem, Watene, Nieuwerleer, Ochtizele, Haveskerke. Qui hoc veteri titulo insigniuntur; Baillivus, Nobiles Vasalli, ac homines feudales Castelli, & curiæ de Casleto.

Vt pleraque Flandriæ oppida & Castella aliaque celebriora loca suos olim Castellanos habuere, viros maximæ auctoritatis, & à Principe primos, aliquà etiam hæreditarios atque perpetuos, ita etiam Casletum, non illi tantum oppido, sed & ditioni toti, sub Flandriæ tamen Comite, imperitantes. Non modicam porro huic Castellaniæ partem adjunxit Guido Dampetra Flandriæ Comes, cum ad annum 1286 omnem illam portionem Castellaniæ Audomarensis, quam sub limitibus Flandria complectebatur, quæque in fide ac clientela Flandrorum Comitum erat, emit ab illustri equite Waltero à S. Audomaro Domino de Moerbeke: accesserunt enim hinc ditioni, cum juribus ac emolumentis suis Tribunalia vulgo Vierſchaeren, de Steenvoort, de Aesbrouck, de Stapels, de Ruyschuere, de Broxele, de Segerscappel, de Mauronti villa, cum liberis quibusdam allodiis in Blaringhem, ubi Walterus tertia parte multarum, & aliis quibusdam proventibus fortuito natis gaudebat. Pretium emptionis hujus ipse Comes super Teloneo Casletensi annuè securum reddidit; illoque summam non præbente, alia sui Comitatus bona solutioni obnoxia esse voluit.

Loca autem quæ universum Castellaniæ huic subiecta recenset innovatus sub Carolo Principe, ad annum 1517, in urbe Teneramunda Provincialis census; nominantur:

Oppidum Casletum. De quade Stræete.

Hospites Comitris in Oudezele, Hospites fratrum de Peene.

Hospites Comitris in Hillewaertscapelle, vulgo Silve- stercappel.

Hillewaertscapelle cum Dominio Hornano in eadem parocia S. Mariæ Capelle. Hospites Comitris, Hospites Sancti Petri.

Hospites Domini de Caestre.

Oxelare, Ryssle. Zuytpeene. Hospites Comitris.

Hospites Præpositi Brugensis.

Hospites Comitris in Peene, Hospites familiæ de Halemyn in Peene, & Ochtizele benoorden Peene. Hospites Præpositi de Watene, Hospites Abbatissæ in Burburch & Sancti Wael in Ochtizele.

Ochtizele. Hospites domini de Peene, Hospites familiæ de Zuytpeene.

Wenemaerscapelle, nunc Blaeucappel, Hospites Comitris, Hospites Præpositi Watenensis.


Arneke Cassel Ambacht.

Zermizele Hospites Comitris, & Præpositura Brugensis.

Hardefort. Steenvoorde Hospites de Rivelde, Harinchove, Ekelsbeke & Laurentiorum.

Steenvorde, Hospites familiæ olim vanden Brycke Toparchi

DITIO CASLETANA IN COMITATU FLANDRIÆ vulgo Cassel Ambacht.



parchi de Steenvoorde, cum Dominio Abbatia Mesinensis
quæ olim contribuere solebant cum Haesbroeck, Hondeghem
& Waelscappelle.

Westoutre Cassel Ambacht.

Winezele, Godewaerts Velde.

Boescepe Cassel Ambacht.

Hazebrouck cum Hospitibus Domini de Waelscappelle in
eadem Paræcia hospites Abbatis S. Bertini. Hospites item
familie de la Tour Domini de Briaerde. Tenantia de
Haesbrouck.

Hondeghem. Waelscappelle hospites Comitum, Hospites fa-
milie à S. Odomaro Domini de Waelscappelle, Hospitales
Domini de Caestre & Cornhuyse.

Ebbeghem, Zerkle, Staple, Bavinchove. Bavinga-
hova Malebranco in tabula Morinorum.

Lederzele Hospites Comitum. Hospites familie olim de
Ongnies, Hospites Præpositura S. Audomari, Bonigain,
Moerkinne, & Nieuwerleedt.

Volkerinchove hospites Comitum, Hospites Præpositi Wa-
tenensis.

Rubrouck Hospites Comitum, hospites Præpositi Brugen-
sis, hospites Præpositi Watenensis. Sagittarii Andomaren-
ses hospites D. de Peene, hospites familie olim Paulina
in Rubrouck.

Zegerscappelle, Bollizele, Hospites Comitum, hospites Præ-
positi Brugenfis.

Buyschuere, Tannay in Buyschuere.

Watene, Wulverdinghe, Markinghem hospites familie
olim de Ongnies.

Terdeghem, Hospites de Montigny, item familie quon-
dam de Overbeke, & van Hove.

Vleterne, Hospites S. Ioannis olim ad muros Teroane
Strazele, Borre, Pradeels, Noortberkin hospites Do-
mini de Berkin, hospites de Plesiet, hospites de Coude-
schuere, hospites de Oudenhoove, hospites olim Hectoris
vanden Schage. Tenantia in eadem paræcia hospites de
Droogenhaute, hospites de Mollegem, in antiquiore censu
vocati hospites Salamonis.

Zuudberkin Stegers, hospites Domini de Steegers.
Hospites familie de Waterleet in Steegers, & de Tar-
welande.

Haveskercke, Moerbeke, Tenantia in Moerbeke.

Thiennes, Steenbeke, Tenantia in Steenbeke.

Boeseghem met Wydebrouck, Blarighem, hospites Domini
de Crevecœur, hospites de Oudefort in Blarighem. Linde.

Oppidum, Mauronti villa, vulgo Merregem. Sart in
paræcia de Merregem, Robertmez in eadem Paræcia.
Hactenus liber censualis.

In editissimo Flandriæ Occidentalis monte
positum Casletum, amoenissimæ, & uberrimæ
regiunculæ caput est; quam si videas, Tempe, &
aprica Thessalia non immerito vocitabis. Arx
antiqua, & huic monti imposita. præcipuum
olim munimen, ac propugnaculum Flandriæ
fuit, contra Gallos præsertim, ac alios Provin-
ciæ hostes. Vnde nomen retinent Casletenses,
dicunturque Teutonicè *Voorvechters*: nam primas
Flandrorum acies sæpe duxerunt, & Gallia Re-
gem cum exercitu profligarunt, & frequentes
Gallorum impetus primi sustinuerunt. Magna, &
potens admodum urbs indubiè aliquando futu-
ra erat, si vicissim ipsa, graves ac frequentes Mar-
tis, & Vulcani injurias passa non fuisset. ac no-
vissime quidem ipso D. Hieronymi festo ad an-
num 1631 magnam partem fortuito igne con-
flagravit; è cineribus tamen illis amplior jam

resurgit urbs ista, atque formosior. Castellum
autem vel à Romanis conditum, vel antea per
ipso Morinos tutandis limitibus suis exstructum
& à Romanis occupatum, præsidis suis fir-
matum, à Julio Cæsare præsertim, qui victos à se
Belgarum populos, Morinos præcipue hic agen-
tes, in officio hac ratione continere poterat.

Primum Tribunalium ab urbe nominis ca-
piens differentiam, paræcias undecim (quas pro-
priè *Cassel Ambacht* vocant) complectitur. Qua-
rum prima ad medium diem in crepidine mon-
tis occurrit, *Oxelaria*, Castri veteris fundamen-
ta ostentans, & latifundia Abbatia Bertinensis,
aut verius Arkenfis Comitatus, ad præfatos Ber-
tinenses spectantis. Toparchia hæc partim mo-
vetur à curia feudali Casletana, partim à Dyna-
sta de Moerbeke. Proxima Oxelariæ sunt fana
Mariæ vulgo *Mariécappel*, & Silvestri vulgo *Silve-
stercappel*, olim *Weinaertscappel*. Partim Principis
nunc, partim gentis Hornanæ, in hoc etiam tra-
ctu potentis, & opulentæ, peculia.

Non procul hinc visitur Terdeghemium, vul-
go *Terdeghem*. Possessum olim dominium hoc as-
ferit Gramajus à gentilibus de Ballioeul. Nunc
ab Hanneroniis in fide ac clientela curiæ feudalis
Casletanæ. Proprium hujus Toparchiæ de Ter-
deghem peculium consistit in centum & quatuor-
decim terræ mensuris, cujus auctoritas non so-
lum intra paræciæ hujus limites, sed procurrens
ultra Steenvordiam, extendit se non solum in
paræciam de Winezele, sed in pagum etiam de
Noort-Berquin ad tres leucas à Terdeghemio;
olim arcem habuit, & juxta vivarium cum mola
aquatica, quæ bellis initio sæculi decimiquinti
perierunt. Habet tamen modernus Toparchus
prætorium aliud juxta ædem paræciæ situm,
elegans ac opportunum. Intra limites paræciæ de
Terdeghem protendit se quoque dominium de
Moebeke gentis Immelotiæ, quod nominatim nu-
per possidebatur à Georgio Immelot equite, move-
turque à curia & Castello Casletensi. Iustitiam
administat in eo prætor cum scabinis quinque,
Scriba, & satellite. Fundus Domini Principalis ad
trecentas, ut ajunt, terræ mensuras se extendit,
habetque sub se alia minoris nominis feuda, duo
item dominia, quorum primum dicitur *vander
Scaghen*, alterum *de Montignii*, peculium toparchi
Terdeghemienfis, quæ omnia variis modis ob-
noxia sunt toparchiæ huic de Moebeke, & an-
nue sua onera pendunt, & cum in iis aliquid ad
alios emptione transiit, jura debita persolvit.

Ad *Arneken* jam venio, pagum hunc primo la-
pide à Casleto distantem via Broucburgenfi La-
tine *Renticam* vocant. Hic amœnitatem, & agros
uberes, cæteraque naturæ beneficia spectare est.
Pluribus nunc pagus hic paret domicellis, &
inter alios Canonicis S. Petri apud Casletum do-
minis ditionis Angestanæ, imò Comitibus Arne-
kanis. Habet hic prætorium suum *Ioannes Lau-
rentius Dominus de Palfart*.

Hardifort à munitione Harduini Comitum Pala-
tini sub Carolo Principe, hic olim pagus nuncu-
patus fuit, agrum habet fertilem, & nunc etiam
domicilium demonstrat, ac dominium de *Lac-
quoy* ad gentem spectans de Briarde.

Oudezele nomen à veteribus Saliis comminisci-
tur

Casletum
urbs.

tur hic Gramajus, & Semiis, nescio quibus argumentis inductus. Dictus locus de *Oudezele* familiam habuit sibi cognominem, à qua transiit ad gentem de *Plateel*, & ab his ad Briardios: à Briardiis emerunt eum Monachi Gulielmitæ; sed ante nuperos motus cum vendidissent *Agidio de Courte-wyle* præfecto Neoportuensi, ejusque filia *Francisca* nuptui data esset *Claudio d'Ausque*, tandem ad *Ioannem* Claudii filium, virum manu strenuum devenit. Ecclesiæ de *Oudezele* patronatum habet Abbatissa de *Blendecques*.

Zermezele, Personatus quondam fuit ecclesiæ Morinensis, & nunc illius hæredum.

Peene, vetus illustris familiæ de *Halewyn* dynastia, quæ eo, quod domini à Gallorum regibus ad Marchionalem & Ducalem evecti sint dignitatem, Marchionatus titulo ornata habetur. Castrum pro modulo veteris ævi etiam splendidum habet ac munitum, aucupiumque ac venationem non incommodam.

Zuytpeene, ad differentiam alterius pagi, qui huic ad aquilonem positus. Peculium olim gentis hujus nominis ab Audomarenfibus Castellanis ortæ, à quibus per connubium venit ad *Iacobum* de *Maffiet*, Dominum de *la Busche*.

Wenemaerscappel, pagus ab Heroë fundatore dictus, ut *Gramajo* placet.

Quadefstrate, nomen habere videtur à viarum difficultate, hybernis tempestatibus vix accessum præbente. Ab hoc loco sive Dominio familia olim fuit cognomen habens.

Godevaertsvelde, *Godsvelde* per syncopen vocant. Castellum hic visitur domini de *Wames* dicti d'*Assignies*, cujus ex parte locus ipse peculium. Loco nomen esse arbitrantur quidam à *Godoaldo* quodam Duce Cattorum, qui prælium hic commisit, *Godoalsvelt*.

Eecke, pagus hic ex parte ad Casletanos spectat, ad Belliolanos alioquin pertinens.

Westoutre, pro parte etiam ditionis Casletanæ, aliàs ad Belliolanos spectans. Prætorium habet, quod cum Toparchia modo possidet Familia de *Polinchove*.

Winezele, pagus est amœnus, protensæque magnitudinis, ac venationi commodus, patentes enim habet campos, ac colles atque declivia. Ad Toparchiam autem de *Winzele* quod attinet, possidet illam modo familia de *Averoult*, cujus merita in *Remp. Flandriæ* magna, & decora plurima sunt. Illustria cumprimis fuere eidem genti cum aliis familiis connubia. In quibus conjugium cum filia Ducis *Britanniæ* antiquum & eminens, unde *Armorica Britannia* insignibus scutum *Gentis de Averoult* etiam decoratur. Intra limites parochiæ de *Winezele* situm est Dominium de *Cornbuijse*, habetque prætorem ac scabinos, justitiæ mediæ ac imæ compotes, ac possidetur modo à familia ejusdem nominis de *Cornbuijse*, qui non procul inde in *Oudezele* splendidam domum habet.

Boescepe, pagus in acclivi montium situs loco peramœno.

Vleteren, partim etiam ditionis Balliolanæ pagus, possidetur à familia *Vignacourtiorum* nobilissima.

Secundum
Tribunal.

Secundum Tribunal ad ortum *Steenvoordiam* Belgica.

continet, nobilem & oppidi instar dynastiam, gentilium *van Belle* pronuper, nunc de *Viesville* nobilissimæ gentis. Intra cujus ambitum Prioratus est, aut melius appendix commendariæ *Castrensis* equitum *Melitenfium* titulo *S. Laurentii*, & *Hospitalarium* à virginibus religiosis procuratum.

Intra limites *Steenvordia* situm est nobile, priscumque dominium familiæ de *Courte-wyle*, vulgo *Oudenhoven*. Distat hæc toparchia quadrante milliaris ab ecclesia de *Steenvoorde*, extenditque se late per parœcias de *Steenvoorde*, *Wattou* & *Godsvelde*, limitanea viæ regiæ, quæ de *Poperinga* *Audomaropolim*, & *Ipras* ducit, non procul à sylva de *Beauvoorde*. Præcipuum toparchiæ peculium consistit in centum & quinquaginta mensuris terræ, quæ prata, pascua, arva & sylvas complectitur, habetque clientelas fiduciarias, & feuda non pauca. Porro intra limites ejusdem *Steenvordia* situm dominium de *Eekebeke* gentis *Hondegemia*. quod in fide ac clientela tenetur Comitibus *Flandriæ* sub ejus curia feudali *Belliolana*. Habet Scabinos quinque, & Iustitiam, ut vocant, mediam, & imam, cum proventus annuis.

Sub tertio *Casletanæ* ditionis tribunali constituitur *Hondeghemium*, Latine *Canis villam* vocant, Gallice *Kienville*, Teutonicè *Hondeghem*. quæ gentis à *Casleto* dictæ olim, dominatio fuit. Agrum habet fertilem, & pascua læta. Fuit autem dominium hujus loci primitus in familia ejusdem nominis de *Hondeghem*, postea in familia *Iprensi*, à quibus partim in familiam *S. Aldegundis*, & ab hac dotalitio jure transiit ad *Rentiacos*, à quibus emptione illud partim etiam nuper possedit vir Nobilis *Philippus de Orofco* eques, supremus *Bergensium* prætor.

Situm in *Hondigemio* Dominium de *Briarde*, quod possidetur modo à familia de *la Tour*. Sub hoc etiam tertio Tribunali constituitur *Waloncapella* vulgo *Walscappel*, quæ prætorium monstrat Domini de *Euchoute* gentis de *la Bourre*.

Complectitur & tertium hoc ditionis *Casletanæ* tribunal suburbanum *Hazebroucanum*, ab *Hazebrouca* celebri municipio denominatum. Est autem *Hazebrouca* pulcrum ac populosum in occidua *Flandria* municipium, jura & privilegia ac nomen oppidi habens, cum jurisdictione propria ac singulari. Situm est in loco fere palustri. Famam textrina linearum telarum, & pannificio, olim opes commoditate rivi effossi, & in Legiam ducti per *Niepensse* nemus accepit. Præter omnia oppidorum privilegia, gaudet Senatu septemvirali, lege peculiari, mensura & nundinatione propria: Collegiis sagittariorum & Rhetorum populo per opificia, diviso, nisi bellis civilibus afflictum fuisset optimo cuius non injuria comparandum.

Tangit *Hazebrouca* sylvam *Niepenssem* totius *Flandriæ* maximam, atque amœnissimam. in hac *Niepa* & *Borra* torrentes *Lizam* augentes piscationi, prata agrique adjacentes aucupio, nemus autem hoc venationi insignem præbet commoditatem. Arx ibi regia, ampla, & valida; ubi domicilium suum habet quæstor regius. Arx proventus habet opulentos, quam coluerunt, &

M m

ædi-

Tertium
Tribunal.

Hazebrouck.

Sylva Niepensis.

ædificiis adornarunt, Robertus Casletanus, Mathildis Philippi Elsatii, & Isabella Philippi Boni viduæ, ac primi opus est fossatum exterius, cum turri antiqua, sicut successorum alia, quæ circa arcem, & in ea Iolentidis à Flandria Comitissæ Barenfis opus est Horologium, Campana annum præferente. Castellanus huic loco datur à Principe, sive Gubernator, idemque totius territorii censetur Venator, & nomine Comitum interest rationum redditioni, & jure supremo Quæsturam obtinet totius sylvæ appendices quinque habentis: Mottam videlicet castro instructam, Niepam sacello reclusorio, Pradelam, Borram, & S. Mauronti villam, vulgo *Merregghem*. Præfuerunt autem nomine Principis huic Castro, ac sylvæ Niepenfi varii Proceres, tam Belgæ, quam Burgundi.

Pradelles, Dominio de Pradelles olim potita fuit familia ejusdem nominis, ut videre est in archivis Cameræ Insulensis; nunc eo potitur è familia *de Ghistelles Dominus de Zwylande*.

Borra, Patet ex iis fuisse ab hoc loco dictam nobilem olim familiam.

Vleteren, Ornatur castro, gentis Vignacourtia itidem dominio. à familia autem *du Boys* sive *van Houte* putatur ædificatum, quod inibi visitur, Castellum forte, ac munitum: Pagus habet arva & prata magnam partem ad Toparchum spectantia, & juxta montem Cattorum, juxta quem fontes. Tribus distat à Casleto leucis, ab Ipra quatuor, ab Hazebrouca duabus, à Balliolo totidem.

Zuytberkin, pagus Plissiaci prætorio, nec uno loco ornatus Gribovalliorum latifundiis, qui nuper tamen cum Baronatu Haveskerkano accessit Comitatu Minariacensi, vulgo *Steegers*. Ab hoc pago nomen adepta floruit nuper familia Berquinorum.

Noortberkin, fors idem cum eo quod in rescriptis Teroanensibus vocatur *Vetusberquinum*.

Volckerinchove.

Atque hæc quidem sunt illa Tribunalia, quæ ut nullo mediante Flandriæ Principem summæ Jurisdictionis compotem agnoscunt, sic alia suis Toparchis, qui Vasalli sunt Principis, parent. Majores autem inter illos sunt Iusticiarii, ac primi Principis Vasalli, Comes, olim dominus de Steegers sive Minariacensis, qui & Baro de Haveskercke; alter dominus de Waten; Comes item de Moerbeke, nunc Marchio. dominus de Ochtizele, qui nunc Toparchus de Staple, è familia de Massiet. Denique dominus de Thiennes. Cætera ad Valvassinos spectant, qui omnes in casu reformationis judiciorum civilium ac feudalium in curia feudali Casletana fortiuntur. Superest ut de aliis quibusdam hac in Castellania locis, aliquid etiam in medium proferamus, in iis primum occurrit

Ochtizele.

Moerbeke, ad occidentem sylvæ Niepenfis conspicitur, sacris ac profanis titulis illustris toparchia, ædificiis ac munitionibus, castro splendido & eleganti instructa. Iuxta hoc horti, plantaria, aliæque delitiæ, ac loci ornamenta, privilegiis, prætorio suorum toparcharum, ac generosa stirpe, captoque in acie apud Pictones

Ioanne Gallorum Rege, Anglis victoribus insignis. Antiqua hereditas est illustris familiæ à S. Audomaro. ad Comitatus vero apicem à Philippo II, ad Marchionatus autem à Philippo IV Rege evecta est, ab hac S. Audomari familia jure successionis ad Montmorancios devenit. Ager hic lætus est omnium fructuum genere, inprimis cerasorum exuberans, pascuis etiam laudatus, adeo ut coagulum lactis, ut vocant, Moerbecani palato sapidissimum, vasis inclusum, non in vicinas provincias modo, sed in ipsam etiam deferatur Hispaniam. Sunt, qui pago huic à Morinis nomen indant, *Moerbeka*, quasi *Morinorumbeka*; neque sine causa: cum, ubi nunc Tervana, Aria, Bononia, vel Gessoriacum navale, Iccius portus, Audomari fanum, Ardea, Gravelinga, Castellum Morinorum, hoc est Casletum, cæteraque his contermina loca, olim Morini occuparint.

Haveskercke, veterem Baronatum inter Casletana dominia vocat Marchantius. Pagus est ad Legiam situs, clari nominis & amœnus.

Maurontivilla, in ditione Casletana eam pono, *Merville*. quia alias eidem subcenseri solebat; nunc avulsa, nescio an suo bono, privatum quid in Flandria oneribus tribuit, vulgo *Merregghem* vocant, Gallice *Merville*. Olim *Menderghem* & *Menregghem* quoque dicebatur: Municipium vero locum hunc vocant, quia libertatem, Senatum, nundinas, forum, leges, & pannificii quætuosam nundinationem habet, hinc sylvæ, illinc Legiæ commoditatibus gaudens, & è vicino aspiens *Belliprati* Abbatiam virginalem Ord. Cisterciensis inter Gorgæ Legiæque decursus. Ecclesiam parochialem divo Petro sacram condidit D. Maurontus, & variis beneficiis auxit. Totum enim territorii Mervillense, cujus erat Toparcha, assignavit in dotem monasterii sub titulo S. Petri à se ædificati, cujus Ecclesia modo est parochialis. Monasterium autem mutatum in Collegium Canonicorum titulo S. Amati in oppido Duacensi.

Strazele, pagus, Comarchum habuit nuper Ludovicum Boddens. Nunc *Conradum* ejus filium Patricium Consularem Brugis habet. Fuit ab hoc etiam loco nominata apud Flandros nobilis olim familia.

Thienes, versus Legiam, & ad medium diem Sylvæ Niepenfis situs est pagus, & clari quoque nominis Toparchia, cujus dominium olim habuit familia illa Ariensis, quæ ex Cominiis venit.

Steenbeke, Nobilis & antiqua apud Casletanos toparchia, castrum habet, nuper *Marchionis de Bonniwet*, ex gente de Cordes, & Crevecœur, & late se extendit, amœnoque situ, & ampla jurisdictione. Quam nunc possidet Comes de *Rexem* ex familia de *Linden*. Castrum vero inhabitat Dominus de *Zwylande* ex familia de *Ghistelles*, circa quod amœnæ plantationes arborum, & horti, non procul ab Ecclesia, quæ turrim plumbo tectam habet. Pagus campos patentes & arvos, in quo etiam dominium de *Groenendaele* & *Berkin*, etiam in Thiennes sese protendens, familiæ nunc de *Breemeersch*. Fuisse autem perantiquam & nobilem ab hoc loco familiam, varia nos Principum ac cœnobiorum rescripta docent. Et inprimis signat

4. Casleti tribunal.

5. Casleti tribunal.

6. Casleti tribunal.

7. Casleti tribunal.

8. Tribunal.

signat litteras Philippi Elfatii, ad annum 1170, *Simon de Steenbeka*.

Boefinghem, Abbatia S. Petri in monte Blandinio juxta Gandavum hæreditas, ac peculium ab Arnulfo Marchione Flandrorum cum *Banno* & *Camba* donatum, aut restitutum. Pagus est ad primum fere ab Aria lapidem situs, campos habet patentes, & acclives, unde latissimus & amœnus in Artesiam prospectus. Sed hæc de toparchiis quibusdam, monente situ earum, quasi extra ordinem dixisse sat habens, ad Tribunalia Casletensia redeo.

4. Casleti tribunal.

Quartum itaque Tribunal hujus ditionis, constituit *Stapele*, quæ stabulationis mercium, ut loquitur Gramajus, referre videtur memoriam: nuper hanc & *Bavinchoviam* suis adscripsit titulis *Dionysius de Masiel*, Eques, V. N. Ad toparchiam hujus loci quod attinet, fuit etiam in Gente nominis ejusdem.

Bavinchove, ab antiquo possessore, ut Gramajo videtur, nomen habens. Dominium fuit, teste Espinojo, familiae quondam ejusdem nominis, postea in Gentem de Briarde succedens. Notandum vero & huic loco memorabile, quod illic castra sua præcipue fixerat, & hospitium habebat Francorum Rex, cum ad annum 1071 à Roberto Frisone superatus fuit.

5. Casleti tribunal.

Quintum Tribunal sola facit Ruyschuria, vulgo *Ruyschuere*, nuper dominio & castro familiae Moerbekanae, nunc Montmorantiae clara. Habet in vicinia Abbatiam virginum Ordinis Cisterciensis, quam Desertum vocant, vulgo *Woe-styne*, à Claro Marisco dependentem. Cæterum Ruyschuere quasi *Rutschuere*, & alia quædam his similia deducit à *Ruthenis* (quos maritima præsertim Flandriae incoluisse olim non ambigitur) Adolphus Pamelius in manu. sua Flandriae Comitum Genealogia. Castellum hic prævalidum & forte, olim contra Francos munitum.

6. Casleti tribunal.

Sextum efficiunt Tribunal *Zerle*. Pagus in rescriptis Teroannensibus *Sarcus* vocatur, & personatus fuit olim Episcopi, & Ecclesia ad præsentationem personæ loci spectat.

Ebbelghem, dominium & feudum, quod tenetur à Castello sive Curia Casletana per ducentos & amplius annos: à veteri & illustri stirpe de *Steenbeke* possessum fuit, cum aliis latifundiis ac dominiis in eadem Castellania, & juxta sitis, ut sunt *Pradelles*, dominium & Castellum de *Pane*, *Nielles* in *Steenbeke*, & alia.

Linden, à *Tilia* nomen, etiam in rescriptis Teroannensibus, aliisque diplomatis indutus, pagus est ad novam fossam situs. ejus dominium in gente ejusdem appellationis etiam olim fuit. Vt in plerisque Flandriae locis contigit. Potitur eo Toparchus, qui nuper D. *Franciscus de Mamez*, Iprensis Ecclesiae Canonicus, hic alta, media, imaque justitia, Magistratumque ibi cum septem scabinis constituit, prætorem item & alios justitiæ administratos. Ad eundem spectat Toparchia de *Balques* in eodem pago sita. Neque procul inde ad fossam eandem & Legiæ alveum conspicitur pagus de *Wintere*.

7. Casleti tribunal.

Septimum conficit Tribunal *Fanum Sigeri*, vulgo *Zegerscappel*.

8. Tribunal.

Octavum conficiunt Tribunal vulgo de *West-*

vierſcaere, pagi de *Rubrouck*, *Broxele*, *Volckerichove*, & *Lederzeele*.

Bollezele, Pagus nundinis annalibus circa Iulii mensē frequentatus: apud Bollezele cis paucos annos ab agricola fodiente repertus fuit cantharus ex alba terra, ingens, ore angusto, in quo duo millia numismatum includebantur, cum effigie, ac inscriptione posthumi in Gallia Cæsaris, à Lolliano devicti atque cæsi.

Blareghem, habet hoc in pago proventus annuos & decimam Collegium Morinensium Canonico-rum ad Iprensē ecclesiam partim translatus.

Oubenfort, Prætorium Vignacurtiorum, nominatum domini de Fontaines.

Minariacum non esse Vicum, qui hodierno die *Mervilla* dicitur, sed eo in loco fuisse, ubi nunc ex una parte *Lisæ* est Comitatus Stegrensis, ex altera finis *Atrebatensis* ad pontem *Lisæ*, qui nunc dicitur pons Stegrensis, notavit *Hadrianus Scriecquius* Senator Iprensis. Ad locum vero pontemque Stegrensem omnia sic concurrunt, ut non super sit dubitandi argumentum. Cum autem omnia hujus ævi rescripta conformiter *Eteram* vocent, annon *Minariacum*, quod à Romanis in Latinam terminationem detortum, haud dubie *Myn-ryck*, id est, regnum meum, sive mea terra, quomodo *Cortryck*, *Sam-ryck*, *Weruryck* appellantur, significat, lapsu temporis in Latinæ originis vocem *meam terram*, & denique *Me-terram*, & tandem *Eterram* apud Doctos abierit, & inde ad vulgum pervenerit. Castellum à Dominis in supercilio *Lisæ* extructum est, non illo quidem loco, ubi hodiernum visitur, sed altero juxta Urbem, ubi ædificiorum fundamenta subinde eruuntur. Præter Arcem autem fuisse etiam oppidum ornatu, armisque suis instructum, etsi verosimile sit, centum conjecturis persuadentibus; tamen clades bellorum, quæ *Lisanum* hunc tractum sæpiusculæ affligerunt, effecerunt, ut ante annum 1383, quo per Anglos *Eterra* tanta quanta erat in cineres redacta est, nihil litterarum repererim; & imo cogar ab illo anno hodiernæ Urbis mendicare cunabula. Bellis Gallicis, post annum millesimum, quadringentesimum, cum domo *Burgundica* gliscentibus, solo æquatum per *Teroannenses*, deinceps non surrexit, dominis in interiora secedere malentibus, & florentis oppidi *Eterrensis* non dissimili commoditate delectatis. Itaque extructum Castrum hoc magnificum, validumque in crepidine fluminis, area, turribus, cœnaculorum & cubiculorum serie splendidum. *Nicolai* vero *Montmorancii* domini de *Vendegies* de consilio Status, & Præfecti arario Principum Archiducum Belgii, meritis effectum est, ut anno 1611, *Eterra* in Comitatus dignitatem sit erecta.

Stegers Comitatus & oppidum.

Clarus Mariscus, vulgo *Clairmaretz*, celebre & antiquum Ordinis Cisterciensis *ἀσκητήριον*, (quantum de situ loci, an in Flandria videlicet, vel Artesiæ solo positum sit, controversia adhuc inter Ordines utriusque Provinciae, & sub Iudice lis agitur) ad Castellaniā tamen Casletensem à *Iacobo Marchantio* in Flandriae descriptione aliisque quibusdam reducitur. Cœnobium istud à paludibus, quibus undique cingitur, nomen induit.

induit. Porro in eodem Monasterio perpulchrum est videre templum quadringentos pedes in longum, & octingentos infra calaturam lapideam altum, tribus vitreorum ordinibus, centum septuaginta fenestris perlucidum, viginti altaribus ornatum, quale vix aliud in toto Ordine invenitur; insigne Stephani Anglorum Regis unum, à quo non discordat refectoryum & dormitorium.

Watanum fuisse promontorium portus Iccii, eleganter & erudite, in suo Iulii Cæsaris portu Iccio ostendit Ioannes Iacobus Chiffetius. Guicciardinus multa inibi antiquitatis monumenta effodi annotavit; ibique olim creditur fuisse pharus ex adverso alterius in monte Dubrensi positæ, cuius rudera admodum attenuata supersunt. Vatenum montem undequaque prisca æstuaria ambiebant, & exinde aura serena Britannia clare conspicitur. Meyero præbet assensum Gramajus, additque per Romanos redactis in potestatem Batavis, sive reductis, ductam hanc esse Coloniam; nec vana fide, ut opinatur, aut conjectura. Illos enim, inquit idem, grandia patriare & pati, superba, & ætatem, si non æternitatem serenitæ exstruere opera fuetos, uti his locis habitasse ex historiarum collatione, itinerum militarium delineatione, repertorum præcedenti sæculo numismatum inspectione, clarum evadit: ita nulli dubium esse potest cavernas, & cuniculos subterraneos montis, cui monasterium insidet, viarum item occultos meatus, & maxime spectabiles Castri veteris ruinas & fundamenta inspicienti. Mons est, quem dixi, in extremis Casletensium finibus, qua Corum spectant, alto vertice, ejus radices legit fluvijs Enula, in quo Toparchis Watanensibus jus esse constituendi duodecim cygnorum paria anno millesimo tricentesimo nonagesimo septimo pronuntiavit Philippus filius Regis Franciæ, Flandriæ Comes literis ad 6 Octobris datis. Cœnobium autem in eo auctorem agnoscit Robertum Frisium Flandriæ Comi-

tem. Cœnobium ædificiis satis magnificum fuit, & Theodorici Elfatii tumulo eleganti honoratum. Ædificia jam ejus cum parte proventuum Patribus Societatis Iesu Natione Anglis, & in Belgium aliasque Europæ regiones Catholicæ Religionis causâ profugis assignata sunt. Illi hoc loco residentes, ut possunt, etiam in Flandria rem Catholicam juvant, ac pubem inprimis per varia Watano vicina loca, catechesi Christiana imbuunt. Toparchia porro municipii hujus à duobus sæculis fuit gentilius de Eechoute. Ex quo tempore hæsit Watanum Oigniaco conjunctum, & cum eodem transiit ad illustrissimam gentem Merodiam, ac possedit illud nuper Philippus Comes Middelburgensis, ex peregrinatione Hierosolymitana Eques sancti Sepulcri; à quo cum filius ejus unicus improles obiisset, per filiæ nati majoris nuptias transiit id Iseghemios Comitibus è stirpe Gandavenfi. Cæterum municipii hujus libertas prima à Roberto Comite, altera à Philippo provenit. Leges & Senatus, Reipublicæ forma, à Dominis triplicis justitiæ & aliorum jurium compotibus. Nundinas annales, cum nundinatione hebdomadali Carolus Quintus confirmavit. Contubernia terna militaria Ioannes Oigniacus formari, aut confirmari probavit. Cameras Rhetorum alter eodem nomine sub annum millesimum quingentesimum primum, Pannificii decreta & immunitatem Philippus Dux corroboravit. Iurisdictio ampla est, & ditio grata varietate montium, collum, agrorum, pascuorum, sylvularum, fluminis in Oceanum ducentis, molis adtractoriæ, qua naves ultra aggerem sive repagulum sistendo fluminis decursui factum transportantur, piscatione, aucupio, etiam venatione. Quæ omnia eo dynastis sunt promptiora, quo major etiam extra Watanum, ratione Dominiorum de Merkeghem Wulverghem, Haveskercke, & Ammania de Noortvierschaere, eorum se extendit dominatio.

CASTELLANIA FURNENSIS.



Furna pulcrum & antiquum in occiduo Flandriæ tractu oppidum, suas per æstatem in vicinia habet amœnitates, inter meridiem præsertim, & occidentem, ubi prata, & juxta nemus; hieme accessu difficilis, aëre etiam duriusculo est. Olim mari vicina, quam ob rem & hodie Vicecomes Furnensis inter littorales Flandriæ Castellanos primatum obtinet. Stagnum (infidæ repulsi Oceani reliquæ) urbi vicinum est, quod eam sua beat commoditate, terræ quam aëri gratius, aquagium suppeditans urbem interfluens, haud procul oppido se rivo permiscens, hinc Neoportum inde Duynkerkam tendenti. Vicecomes secundam post Principem hic dignitatem obtinet, qui Castellaniæ toti quam sago tam toga præest: Lidekerkii & Staveli proceres hanc possederunt, nunc Hornani potiuntur. Ioannes Dux anno 1410 Castellaniæ gubernandæ 19 constituit Senatores perpetuos cum duobus Consulibus, sed annuatim mutandis. Mutata porro hæc norma decreto anni 1481, cum pro voluntate etiam Senatores destitui, aut continuari posse sancitum. Quod licet certis intervallis violatum, perseverasse tamen censendum est, usque ad unionem, de qua paulo post. Succedit Balivi munus, & dignitas, qui tam urbi, quam territorio etiam nunc præest. Eam anno 1391, in actis Concordiæ per Francorum Legatos iuste vocari Magnum Balivum invenio; præter quem porti Balivus est more alibi recepto. Olim à Principe solebat, nunc autem à dicto Magno Balivo constituitur. Senatores quondam duodecim, cum totidem e plebe juratis ab antiquo erant. His Ludovicus Comes abrogatis, illorum numerum ad novem reduxit. Sed per tumultum immutata hæc Senatus facies reductis sex Consiliariis. A tribus sæculis præerant omnibus duo Consules, & communis alter, legis alter dicebatur, quos à Senatu quotannis legi solitos, docet Ioannis Ducis rescriptum anno 1411. mansit hæc tota ratio usque ad annum 1583, id est, primum reductæ per Parmensem civitatis, cum agi cœptum, & triennio sequenti unionis Castellaniæ cum oppido negotium, constituto mixtim ex civibus, & ruri agentibus Senatu viginti virorum, cum duobus Consulibus.

Castellania vero Furnensis flos & fumen Flandriæ nominetur; cui si pascuorum ubertate, & cæteris naturæ bonis, provincia tota responderet: vel ipso Cæsare Carolo V iudice, immensis terrarum tractibus Indicisque gazis sola Flandria conferri posset. De hoc universum territorio vere dicitur
Belgica.

cetur: nihil illa plaga viridius. Pascuorum utilitas eam frugibus abstulit, (quanquam & in pluribus locis non infœcundus, neque sationi inidoneus ager sit) at vix alibi felicius in gramina terrarum luxuries. privatorum quoque fundos, de more patrio, perpetuæ fossæ, & pleræque in marginibus arbores sepiunt. De ejus Magistratibus & politica gubernatione, uti nos ante, quædam etiam Gramajus in descriptione oppidi attulit, qui & eandem Castellaniam terreni amplitudine & cultu, (pagos enim 42 complectitur) incolarum majestate & opulentia, (in censu enim Flandrico, quanquam variationem aliquam his temporibus census ille exigat, cum Cortracensibus Furnenses paria faciunt, aliisque Castellaniis anteferuntur) situs commoditate (Oceano enim alluitur, & fluviorum aliquot gaudet opportuno incurfu) totius Flandriæ Francicæ, id est totius excepta Imperiali Transcaldana, primariam nec immerito facit. Illa præter Eversamii & Roesbrugii asceteria, Abbatiam complexa fuit Dunensem, quæ ob causas nuper Brugas translata (sicut & Roesbruganum cœnobium Ipras) aliqua adhuc istic sui vestigia, & religiosæ familiæ partem bono jure reliquit. Produxit Castellania Furnensis viros plures virtute ac eruditione celebres, interque alios *Adrianum vander Burch* Ic. Ultrajecti, & post Flandriæ præsidem, filiis, *Ioanne Mechliniensis* Senatus, & mox Sanctioris Concilii Præfide, & *Lamberto Ultrajecti* ad D. Mariæ Decano nobilitatum. Produxit *Ioannem de Wilde* Ic. Senatus Furnensis Consiliarium; *Carolus Rotcasium*, *Ioannem Boudinium*: si urbem conjungas, *Petrum Martardum* Præmonstratensis Ordinis Poëtam; *Petrum Wagenerum* ejusdem instituti, nuper edita S. Norberti vita Lyrica clarum; *Paulum Leopardum* Philologum doctissimum; *Ioannem de la Salle*, Theologum & Poëtam. Egit is Curionem in Tiel-donck Brabantia, ceu Mechliniensis ditionis municipio, & scripsit hætenus metro confutationem *Ioannæ Papissæ*; *De laudibus item B. Virginis, ac juribus ejus & privilegiis*, de meritis denique bonorum operum, purgatorio, & traditionibus. De quibus suis locis plura. Cæterum cum antiquitus incolæ hujus Castellaniæ, sicut & aliorum locorum, Principi sic obligarentur, ut ejus fere arbitrium pro lege esset: paulatim quædam loca cœnobiis, quædam clientibus in beneficium data, quædam etiam exempta à communi servitute, veluti sunt emancipata, & sub Comitibus dominos, aut Comitibus vicarios cœperunt agnoscere, & ab eis jus petere, justitiam expectare. Quod ut commodius fieret, separata jurisdictione Vasallorum Francorum & liberorum, & Comitibus, anno 1240, Thomas & Ioanna Comites, suos illos pagos, & eorum habitatores à servitute liberatos, voluerunt legem & Senatum habere, præscribentes eo fine statuta (quæ *Keuren*
N n non

non à curâ , sed à delectu mulctarum vocant) & Scabinos , quos *Keuriers* , postea *Keurbeers* vocarunt , etsi nunc *Landhouders* , Consules præsertim , velut terræ conservatores malunt appellari. Auxit postea has constitutiones Ludovicus Comes anno 1332 Balfartum remittens , & concedens passim , vallis ad sex pedes altis , fossisque ad quadraginta pedes latis ædes contra quasvis injurias muniendi facultatem , definiensque anno 1323 , *Ke les Francqs* , & *Vasalleries demeureoient francs* , & *quictes de tous cousts , frais , dons , chevanches* , & *d'autre chose touchant la keure*. Itaque in aliis Principum precariis , in ditione Furnensi octo parochiæ liberæ , cum suis appendiciis , quas fissuras vocant , subsidiariæ sunt , penduntque non minus , quam quadrantem indictionum solvendarum à Castellania , & habent suum quæque tribunal.

*Dominium
Vrbis &
Castellanie.*

Castellaniæ Furnensis Dominus hodie est Rex Catholicus , tanquam Flandriæ Comes proprius , supremusque Dominus oppidi & Castellaniæ Furnensis , quæ quadraginta duas parœcias completitur , quæ in Ammanias triginta octo dividuntur , supra parœcias octo ejusdem Castellaniæ , quæ cum aliis suis angulis , ramis , atque dominiis , aliisque minoris notæ toparchiis , quæ tanquam ad vasallos hujus Castellaniæ pertinent , cum eadem Castellania contribuant , & subsidia publica luunt. Iisdem porro ammaniis discernitur per sequentes parœcias partitum :

Sub Tribunali Aquilonis, vulgo *Noortvierschare*.

| | |
|--------------------------|----------------------|
| Oostdunkercke | Ilsenberge |
| Ramscappelle cum parœcia | Wulverghem |
| S. Georgii | Houthem |
| Peruyse | Bulscamp |
| Eggewaertscappelle | Adinkercke |
| Auencappelle | Bewesterpoort |
| Steenkercke | Sanctæ Walburgis cum |
| Lenfele | Cauxyde. |

Wulpen met de prochie van Boytshoucke Beosterpoort cum 's Heer Willem Cappelle.

Sub Tribunali ad meridiem, vulgo *Zuutvierschare*.

| | |
|-----------------|------------------------|
| Haringen | Valkeravenkinderkerck |
| Prouene | Rellemscappelle (ke |
| Stavele | Lampernesse |
| Crombeke | Zoutenay |
| Westvleteren | Alveringhem cum Do- |
| Oostvleteren | minio S. Audomari , |
| Zeninghe | quod etiam se exten- |
| Beveren | dit in parœcias de |
| Ghiverinchove | Lampernesse , Polin- |
| Hoghestade | chove , S. Rycquiers , |
| Polinchove | & urbem de Loo. |
| Loo | S. Rycquiers |
| Casckinkercke | Oerem |
| Stuvekinskercke | Vinchem. |

Octo autem illæ Parœciæ cum fissuris ac Dominiis , quæ pars sunt hujus Castellaniæ , & cum ea contribuant , vocantur ,

| | |
|--------------------------|---------------------|
| Elverdinghe | Zuytsote |
| Vlamertinghe | Reningelst |
| Watou | Lokere |
| Noortscote cum Poef- | Oestene |
| sele, ait liber Flandriæ | 't Vrye van Ryffele |
| censorius. | Nieucapelle |

Swynlandt in variis se parœciis extendens
't Vrye Decani & Capituli sancti Audomari in Alveringhem

't Hofland Capituli Casletensis , quod se extendit in Oost & Coppennolle in parœcia S. Ioannis apud Poperingam ,

Dominium Templariorum , dominium de Diephezele cœnobii Eversamenensis in Crombeke. Liberum item allodium Dominiæ olim de Ronny in Crombeke. Dominium de Courthove. 't Vryelaetscip in Reninghe , 't Hoflant ibidem.

Senatus autem hujus Castellaniæ quotannis innovatur per deputatos Principis , fiuntque Consules duo , & Scabini viginti , penes quos administratio legum , juris , ac iustitiæ spectat per omnem jurisdictionis suæ limitem , tam in criminalibus quam civilibus causis ; penes eosdem potestas est condendi statuta tam antedictæ iurisdictioni , quam politiæ convenientia , sub multis ac pœnis congruentibus , quas mutare , augere , minuire , ut res exigit , pro lubitu suo possunt. Penes eundem Magistratum potestas creandi & assumendi , iterumque exauetorandi Consiliarios suos , Scribas , clericos Camerae ostiarios , nuntios , & alios , quorum consilio & obsequiis utuntur. Possunt & augere , eorumque numerum imminuere , prout Reip. expedire judicaverint , eorum item salaria & emolumenta. Præter alia multa ac notabilia jura ejusdem Magistratus , quæ consuetudinum liber fusius uberiusque declarat. Quotannis etiam omnes urbis ac Castellaniæ Furnensis rationes per Consules præfatos exhibentur ante nominatis Principis Commissariis , dum per eos Magistratum innovari contingit. Inter Tribunalia parœciarum liberarum primum occurrit

Watou , quod nomen habere à Batavis credit Gramajus , pagus est in tota Flandria amplissimus , & nescio an aliquis eo per circuitum major. Præter alia naturæ bona , habet amœnissima plantaria arborum , quas *Yepen* vocant sermone vernaculo. Illæ tota ditione , & ab Atrebatibus usque , ad varios usus expetuntur , at nusquam felicius quam hoc in solo crescunt. Habet Tribunal & Curiam , quæ privilegiis ac juribus suis gaudet ; & dynastia olim eisdem cum Dixmunda dominos habere solita fuit , ab his autem & ante eos in variis familiis fuit , ac novissime in gente *de la Viefville* , à qua per nuptias partim transiit ad Ideghemiam. Toparchi summa gaudent jurisdictione , habentque aucupium , venationem , olores , & alia his similia jura , quæ summis à Principe locorum dominis competere solent. Fuerunt autem illi quondam numerati inter quatuor Casletanæ ditionis duellorum ac præliorum arbitros , vulgo *Crychwaenders*. Ob quod fortasse munus in hodiernum diem Toparchus de Watou Casletum usque rectum ac liberum iter habet , seu pedes illud , seu eques transire velit. Eum vero locum nuper titulo Comitatus possedit vir generosus ac illustri stirpe natus dominus *Ioannes de Yedeghem* , eques ordinis S. Iacobi , Baro de Busbeque , Dominus de Wuse , Bost , Meere , Belle ,

Belle, Courtewyle, & aliis in locis: qui locum hunc splendido etiam, ac cum primis augusto ædificio, non sine impensis Principe viro dignis exornavit. Fuit autem hæc Dynastia ad titulum Comitatus evecta sub moderni Comitis *Ioannis de Yedeghem* parente *Carolo de Yedeghem*, viro præstanti virtute, deque Iprensium cumprimis Republica optime merito. Situm est etiam in *Watova Dominium de Doria*. Priscum & ibi dominium ac luculentum, quod à cognomine gentis *Cortewylie* appellatur, seu ipsum potius illi genti cognomentum dedit, cum amplis proventibus ac juribus, quæ possidentur modo à Comite *Watovano*. Habuit olim prætorium & domum lata fossa cinctam, juxta quam nuper quercus aliquot sunt visæ, densitate ac crassitie tam notandâ, ut similes totâ Flandriâ videri non possint. Ab hoc loco quoque amœnissimus ad montana prospectus, ad Oromanfacos veteres, ad Cattorum montes, ad Castellum Morinorum.

Elverdinga ad primum ab Ipra lapidem pagus in Flandria antiquus; memoratur enim à *Meyero* in annalibus ad annum 804 *Laudo ab Elverdingem*, cum *Testardo Boefingano*, *Vgone à Longamarchia*, & aliis viris potentibus, quos nonnulli prædonum duces dixerunt. Hunc dominio loci potitum fuisse, non vane conjicias. Fuit autem ante duo sæcula & amplius, diuque post, hujus loci dynastia Gentilium à Flandria naturalium Comitis, inter quos eluxit circa annum domini 1544 *Ludovicus à Flandria Prati & Woestynæ* dominus, eques aurei velleris, ac scriptis etiam editis clarus. Eadem porro Toparchia ad Flandriæ Principes postea relapsa nuper oppignoratione devenit ad Dominum *Adrianum vander Burcht*. In hac quoque parœcia Præpositus de *Vormizella*, & equites Melitenses dono *Gertrudis Comitissæ* suis potiuntur juribus. & visitur Castri veteris (quod Principis aulam hodieque vocant) vestigium duplici fossa & aquis cinctum, unde conjicere licet, olim habitatum à Principe locum fuisse. Variis porro gaudet immunitatibus etiamnum ac privilegiis hujus loci Toparcha, moveturque feudum à Camera legali Flandriæ.

Non procul hinc situs ad orientalem plagam partim pagus de *Boefinga*, & *Noortscote* ab *Adela Comitissa* Abbatissæ *Messinensis* assignatus; pascua habet latissima & arborum uberem glebam. In eodem tractu visitur pagus de *Zuytscore*, (quod ad meridiem alterius situs est, cum eodem ejusdem fere præstantiæ, arvus & pascuus) eadem *Adela Comitissa*, *Balduini Insulensis* uxor, pagum hunc *Messinensis* Abbatissæ peculium esse voluit. *Reningelst* peculium gentis *Cortewylie* fuit, ac pronuper *Longoballiorum*, ab illis ad *Bultelios* venit. Quam ampla sit autem hujus Toparchiæ jurisdictio, vel inde patet, quod præter Senatuum pagi, alia duo Tribunalia Castelli, quod majus ac minus appellant, completatur; neque minoris momenti Dominium de la *Clyte*, quod cum omni justitia potitur; habet insuper facile centum & viginti feuda, quæ in ipsius fide, & clientela tenentur.

Woestene, pagus ultra *Elverdingam* media leuca situs, arvis ac sylvis confusus, eundem modo cum ea Dominum habet. Sunt illæ itaque sex Belgica.

de octo libertati vendicatis parœciis. Illis porro adjunguntur dominia quadam peculiari etiam quadam libertate fruëntia, Capituli *Insulensis* in *Casckercka* & in vicino novæ *Capellæ*, parochia nuper ad gentem *Montmorenciacam* spectante. Item Ecclesiæ nuper, *Audomarenensis* in *Alvergem*, *Castletensis* in *Westvleteren*, *Elzendamum* in *Oostvleteren* Abbatissæ *Messinensis*, *Crombeka* ad gentem *Hornanam* *Gaesbeciam* nuper spectans, *Swynlandia* ad Baronem *Anglo-monasterii*, *Coppernollia* ad Baronem nuper de *Croifilles*, denique *Renningen* ad gentem à *Gandavo* *Isengemiam*, eodemque in vico *Hoflandia* ad *Octavianum* nuper le *Clêrcq* prætorem *Neoportuensem* pertinens, prout *Templariorum* Dominia in *Westvleteren*, & *Everfamienfium* in antedicta *Crombeca*.

Lokeren, cognominis olim familiæ toparchia. Hæreditas hæc porro de *Lokeren* devoluta est ad familiam *Betuniensem*. A qua venit ad *Honde-Scotanos*, denique ad *Hornanos*, nisi quæ se extendit *Jurisdicção* domini de *Canigem* cum prætorio domini de *Wâterleet* apud *Minoriacum*. Pagus est protensæ magnitudinis, montes habet sylvis confitos, & campos patentes mirè per æstatem amœnos.

Vlamertinga, pagus ad primum ab Ipra lapidem situs, via silicibus strata, qua *Poperingam*, & ad alias plures civitates itur. Amœnus ac populosus, pascuus & arvus. Nunc ad cæteros hujus Castellaniæ pagos transéo, qui ad tribunalia vulgo de *Vierscharen* ante nominata referuntur.

In iis, qui meridionale agnoscunt tribunal, sunt *Beoosterpoort*, & *Bewesterpoort*. Sequitur mox *Oostdunkercke*, ita dictus quod ad orientem oppidi *Dunkeckani* situs sit. In quo prætorium elegantis formæ visitur Domini de *Crequy*. *Oyenkercke* ab aliis nomen habet *Adinkercke*.

Ramscappel.

S. Walburgis limès ad *Furnam* situs; in qua feudum vulgo den *Tourreul*, quod à *Furnensi* Burgo movetur, possessum modo à *Georgio Masin*.

S. Nicolaes à *D. Nicolao* nomen adeptus.

Wulpen.

Leysele. Pagus est non procul ab *Hondiscota* situs.

Houthem, pagus obsessis per *Margaretam* Principem *Blavotinis* famam adeptus.

Isenberg, mons *Isidis* à *Meyero* in poematis vocatur. Antiquitatem magnam habet. Fuit hoc in loco & etiamnum perseverat *Gilda* rhetorum vernaculorum.

Bulscamp, *Bulsi* campum vocat *Gramajus*. Inclaruit prælio inter *Isengrinos*, & rusticam multitudinem olim commisso.

Wulveringhem, *Wolphardi* domicilium ab eodem *Gramajo* vocitatum, & situs amœnitate, & opportunitate non contemnendum. spectant hic etiam pagi aliquot abs templis præcipue nominati. *Casckinskercke*: *Stevinskercke*: quem eundem quoque locum arbitror esse cum *Steenkercke*. Circa eundem tractum *Volkeravekinskercke*, & *Rellemscappel*, quod idem cum *Ramscappel*.

S. Catharina Cappella, sita est in dominio de *Bercla* spectante ad Dominos *Canonicos S. Petri Castletensis*.

Soutenay, locus ab omni hominum frequentatione remotissimus.

Wilhelmi Capella, sita est in loco non minus solitario.

Boytshoucke, sacra est D. Audomaro. Creditur olim obnoxia fuisse maris huc usque reciprocantis aestuariis; quare dictam volunt Boytshoucke, quasi navigiorum parvorum, sive scapharum quasi angulum. Non possumus plura de minutis hisce locis dare.

S. Georgii Ecclesiae, Parœciæ antiquissimæ jus obtinet, etsi ejus maxima & præcipua pars ad aquilonem vergens, hodie vocetur *Nieuulandt*, sive nova terra, ob bonam ejus partem ab Oceano ante absorptam, & modo oppositis aggeribus ab ejus inundationibus ac injuriis vindicatam. Toparchia spectat ad Abbatissam, quæ monialibus Benedictinis apud Broucburgum præficitur, quæ hic præter luculentos proventus, quos in annum percipit, Magistratum rerum civilium arbitrum creat, causis criminalibus Furnensi tribunali reservatis.

S. Richiers, non inamœnus hoc in territorio pagus, ab Ecclesiæ patrono nomen habet; cura vero pastoralis Eversamienfi cœnobio unita est, ad eamque Præpositus ejus loci aliquem è suis religiosum nominat. Quæ nunc sunt in vicina Loanundina, annales hic etiam olim fuisse putantur. Apud D. Richarium non inamœnas habet ædes N. Zanneka vir nobili loco natus, quas circumcirca cingit arboretum de quercubus aspectu jucundum.

Lampernesse, cui ab Oceani aestuariis olim asserito loco Græcum nomen *λαμπερή νήσος*, quod splendidam fertilemque Insulam sonat, permanere Gramajo placet, vocari in diplomate Dagoberti Regis *Lampas* putat Ioannes Malebrancus; palmam fert inter omnes hujus Castellaniæ pagos, atque adeo Flandriæ totius. Estque pascuis maxime opimus, & phasianorum, anserum, cygnorum, anatum ferorum, ex borealibus terris huc advolantium fecunditate celebris.

Oerne, ad primum ab oppido Furnensi lapidem situs pagus.

Vinckem, Ecclesiam habet antiquitate spectabilem.

Renigen, Toparchia nunc possidetur à familia Gandavensi Villana.

Alverghem, antiquis *Adelfringabem*, Locus est amplitudine templi, dominio, sed nuper, Canonorum Audomarensium, prædiis & natali solo Iacobi Marchantii Patris, qui doctis commentariis Flandriam illustravit, & filii, qui Iurisprudentia, facundia, & munere Senatoris Brabantiae inclauit, nobilis. Dominium quod istic Canonici Audomarenses habuerunt, ante annos aliquot vendidere. Illud se in vicina quoque loca protendebat. Egregium juxta illam domicilium visitur viri nobilis nuper *Francisci de Wychuys*. Visitur & ibidem prætorium non ignobile Toparchi de Beau-voorde.

Beveren, pagus amœnitate eximius, ab una sui parte, qua meridiem spectat, prata habet cum primis jucunda. Visitur & illic arx admodum elegantis structuræ. Iuxta illam arborum plantaria visu jucundissima, & in ordinem concinnum

disposita, quibus per universam Flandriam nihil par. Arx cincta fossis, juxta horti & pomaria, quidquid denique oculos & mentem oblectare possit. Horreum & istic est, quo in tota etiam hac provincia nullum capacius.

Geverinchove, quam Geverici curiam Gramajus vocat, familiam ejus nominis olim non incelebrem apud nostrates produxit.

Stavele, Illustris familiæ è Ducibus Britanniae descendens, & nuptiis Vicecomitatum Furnensem, Dynastias Minariaci & Haveskerckæ consecutæ, aliquando hæreditas & habitatio; à quibus ad Hornanos devenit, & possidetur hodie ab Illustrissimo viro Lamoraldo de Hornes Vicecomite Furnensi, & ejusdem insigni ornatur prætorio, qui (præter antiqua jura, quæ istic habet) alia nuper etiam à Rege Catholico acquisivit, oppignoratiâ ratione, sicut & in Crombeke & Beveren.

Præpositura Eversamienfis Cœnobium est Canonorum regularium Ordinis S. Augustini, quo vix ullum elegantius & amœniore loco situm Flandria adspicit: limitibus pagi de Stavele continetur. habet in circuitu prata, & ab omni fere parte fluentia, hortos & plantaria mire jucunda, & in lineam disposita, quibus addo sylvas & lucos.

Crombeke, dominiis Vicecomitum Furnensium non caret, in eoque ampla jura possident præfules Eversamienfes.

Hoochstaede, personatus Ecclesiæ Eversamienfis curam eidem cœnobio incorporatam habens. Pagus maxima sui parte arvus est, & ab altiore situ, si vicina respicias, nomen habere videtur.

Haringen, Districtu parœciæ suæ complectitur vicum qui pons Rosardus dicitur, vulgo *Roefbrugge*. Vicus hic est habitatione & frequentia populi celebris. secatur eum fluviolus juxta ortus à torrentibus per declivia montium lapsis, prataque habet amœnitate & ubertate præstantia. Fuit olim hujus loci Toparchia in familia Betunienfi, à qua transit ad Castellanos Insulenses, inde ad gentem de *Huchin*. Possederunt & eam postea *Quiretii*, nunc ad illustrem virum *Wolfgangum nobilem à Plotto* Saxonem spectat cum amplis juribus.

Oostvleteren, Hoc in loco, sicut & in *Westvleteren* dominia sita sunt, per alios etiam se pagos extendentia, nuper gentiliū de Ognies, nunc ad Islegemii Comitis stirpem devoluta, cujus etiamnum prætorium visitur non inelegans. Berkinium Capituli Cassletensis. Swilandia Baronis de Ingelmunster. Coppernollia Baronis nuper Croisilles, nunc Islegemii Comitis antedicti. Templum equitum Melitensium, sive prædia ab hæredibus templariorum modo possessa.

Provene.

Polinchove.

Westvleteren, pagus ad prata Eversamienfia situs, pascuis etiam & arvus, ad occidentem quoque saltuosus, & sylvis confusus.

Loa oppidum pratis, pascuis, agris etiam cingitur, & torrenti duntaxat incumbit lato, sive Iperleto, illinc versus Neoportum, Dixmudam, Furnas, & dinoclesiam nomen Loanum retinente: & imo amplius portum habuit olim apud Lombardidam angulo nomen retinente: & coloniam egit olim in vicinos agros, ubi hodieq; montis & templi

Soli.

Qualitas.

Diviso.

pli Loani superest pagus, notior eo, quod istic comprimantur & veneant casei præcipuæ notæ & celebritatis, Parmensibusq; lautitiæ gloriam cedere dedignant. Vnde loci hujus antiqua celebritas queat æstimari, sicut etiam è viis regiis militaribus tribus Vna insigni latitudine & rectitudine Minariacum versus, quæ nomen servat in hodiernum diem. Altera versus Caletum, & portum Iccium, & mare, pridem à Comitibus Flandriæ, obstructa. Tertia Gandam versus, in historiis sæpiusculè nominata. Quanta autem fuerit oppidum celebritate ante tria sæcula, quivis observet, qui Comitatus titulum habuisse, Advocatiam principalem, Telonium, Stalla, creditiorem, censuram, expeditionem, mansionarios S. Petri, jus gladii, & monetæ, cæteraque regalia. Castrum autem, opus Castrense, suburbium, villæ Castellani sive Vicecomitem, Scabinos, generalem veritatem, bannum, le-

gem, muros, justitiam, mercatum, bannum panis & vini, forum, communitatem, Senatum perpetuum, ministros Comitum, placita, Castrum, & domum Comitum, Burgenfes, reformatum sub Atrebatensi, Senatum habuisse cum ampla immunitate. Comitatum & Telonium oppidi, cunctumque ibi jus suum sæculare, exceptis gladio & moneta, dederat cœnobio Canonorum Philippus Roberti Frisonis filius anno 1093, Philippus Comes Loanus Comitatum suum attribuit monasterio D. Petri recens ibi instituto. Nunc partitum Princeps, & nunc Abbas, mitra etiam ornatus Præpositus, oppido dominantur, etsi ille meri imperii exercitio potior. Vterque Balivum habet, & consulem & Scabinos annales constituit, hic quatuor, ille quinque, junctim utriusque domini incolis jus justitiamque administrantes.

CASTELLANIA BELLIOLANA.



Soli.

Qualitas.

Divisio.

Belleris medius fidius, quod oportet: si, quibus in tota Græcia nihil olim fuit amœn-ius, ridentibus Thessaliæ campis, omnem hunc Bellanæ Castellaniæ tractum contuleris. In eo pares celebratis Amonia nemoribus invenies saltus, in eo lucos, fontes, & rivos, prata florida, & arva ad omnem frugem, cum aprico gramine montes, neque præruptos illos, sed quos omni parte possis accedere, & quos fecunditas etiam commendat, denique cætera naturæ ornamenta sicut intueri. De Aquitania scripsit olim Salvianus, quod illic omnis admodum regio, aut intertexta vineis, aut florulenta pratis, aut distincta culturis, aut consita pomis, aut amœnata lucis, aut irrigata fontibus, aut interfusa fluminibus, aut crinita mesibus fuit. Poterit id non impari ratione de ditioe Bellana pronuntiari, ubi, sicut de Aquitanis loquitur, si bellorum eos non concuteret diuturna calamitas, si non cum cæteris provinciis gravi tributorum onere pressi ad pacem, frustra & per tot annorum curricula suspirassent, vere possesores ac domini terræ illius, non tam soli istius portionem, quam paradisi videantur possidere imaginem. Adeo non uber solum fecunditatis, sed quæ præponi interdum fecunditati solent, jucunditatis, voluptatis, pulcritudinis hic per omnem pagorum ambitum videmus. De reliquo, Castellania hæc, sive ditio, tam ubere amœnoque agro beata, tribunalibus quibusdam, parœciisque ac districtibus representatur. Eorum quæ sequuntur, primo tria Principis sunt peculia, Ambachtus videlicet Belliolanus, in parœcia Belliolana sita extra oppidum. In parœcia de S. Joannis Capella, in districtu ad Principem spectante, in parœcia de Berten cum asseclis denique, Meteren & Meris. Cætera particularium dynastarum sunt peculia, districtus nimirum ac dominium præposituræ S. Donatiani Brugenfis, Nieuwerkerke, Steenwercke cum asseclis, Nipkercke cum asseclis, Dranoulre, Eecke, Cae-

stre, districtus & dominium Commendarie Melitenfis, olim Templariorum, Westoutre, districtus de Vlerinchove, Eerten, denique districtus ac dominium de Angest in Arneken.

Ad eos quod spectat, qui Ballioli dynastia possediti sunt, sciendum inprimis, quod illam, quoad vixit, possederit Guido Namurcensis, dono cognominis patris Flandriæ comitis, an. 1287, ejus morte sine liberis Flandriæ reunitam. Quomodo antea Margareta Constantinopolitana, idem Joanni ex Joanne Dampetræo nepoti dederat, in solum bis mille librarum Parisicarum parti in ratam hæreditatis maternæ assignatarum annuatim, sed à patruo Guidone redemptum. Nec ab alio quopiam liquet oppidum territoriumque Belliolanum possessum fuisse, nisi à vetustissima, & dudum, saltem quod ad primogenitos, intermortua gente Balliolana. Hos Balliolanos in diplomatibus signasse de Bellea, & dominatos hisce locis fuisse, plura asserunt documenta. Cœnobis certe Bertinensi & Clari Marisci donaverunt illi prædia & decimas, sita in allodiis suis terræ de Bellea. Quod nisi dicamus, inquit Gramajus, non video unde Castellaniæ hinc inter Iprensem & Casletanam inconcinne procurrenti, nullaque proportionem aut commoditate utrisque pagis se inferenti, inventa aut designata fuisset jurisdictio; eo magis, quod Castellania ipsa feudum olim Dynastæ Moerbecani exstiterit, permutatione inter Walterum de Revenges Mourbecanum, & Guidonem Comitem inita, ad Flandriæ Principes devoluta. Quomodo autem Guido Dampetræus è Borbonica familia Flandriæ Comes, Ballioli dominus factus sit, narrat Oudegerstius annal. cap. 127. Cæterum in Ambacht de Balliolo sub Parœcia Balliolana, sita sunt varia dominia à nobilibus viris, aliisque possessa, inter quæ mihi cognita Bellekin, Hagadorne, Walhove, dominium item ac territorium de Niepe, quod fuit olim gentis ejusdem nominis, & ab illa per nuptias devolutum ad familiam van Houte, ab hac vero successive ad gentiles de Courtemyle & Bulteel. Gaudet jurisdictione meri & mixti imperii, & à Balliolo

liolo distat per medium milliare. Ejus hodie possessor est *Michaël Stephanus Bulceel*, Michaëlis patritii consularis Iprensis filius, vir raræ virtutis, prudentiæ ac eruditionis. Homagium debet Curiaë Balliolanæ tanquam Comitum Flandriæ, habetque à se dependentia varia feuda. Iurisdic-tio & auctoritas Magistratus urbis & castellanæ Balliolanæ quanta sit, videri potest in Libro Consuetudinum, per Regem Flandriæ Comitem approbatarum, anno 1632.

*Belgium
vulgo Belle.*

Belgium Bellam seu ut antiquis Belgiorum, à Colones Belgis qui deinde se Morinos vocarunt conditum fuisse constanter tradunt autores, à Normannis vastatum, ab Arnulpho Flandriæ Marchione restauratum, & sub Roberto Frisio mœnibus cinctum urbis formam accepit, fidem faciunt rudera ingentia & Castri, unde Castellani dignitas, omnibus notus locus. Varias belli ab Anglis, Gallis, Iprensibus, & ignis perpeffum est calamitates, Libertatem & jura municipalia Carolus Cæsar renovavit, senatus formam, & Reipub. normam præscripsit. Cæterum Castellani dignitas hæreditaria in variis ac illustribus olim familiis fuit, ac nuper in Gente Liedeker-kana, ac Baronis de Heule. Plebs oppidi textura tincturaque pannorum laneorum rem facit non viliter, & quamvis tanto miseriarum pondere nuper pressa, tamen sic satis animose habitat, & damna refarcit. Floret autem imprimis hoc in oppido mercatus filorum lineorum, quæ candi-dissima magna copia in Angliam & alias orbis provincias magno cum incolarum quæstu eunt.

Versus Casletum, seu Morinorum castellum, conspicitur pagus non incelebris, à Castris no-men adeptus, ut Gramajo placet, *Caestre*. In hac parœcia Ordo S. Ioannis Hierosolymitani, nunc Equitum Melitenfium, domum habet, & varia prædia. Visitur & ejusdem Ordinis ædícula, in qua rem divinam peragit sacerdos. Cæterum pagus est late patens, ac populosus, agroque pascuo imprimis commendatus. Possidet illum hodie è gente Thiennensi *Baro de Vcclem*, idem-que Dominus de Rumbek, juxta Rollarium.

Bertenum, vulgo *Berten*, proximus huic adjacet pagus, peculium quoque partim familiæ *de Then-nes*. Amæni hic circumquaque visuntur montes, nec prærupti, nec infæcundi.

Eeck, partim Bellanæ, partim Casletanæ di-tionis pagus, castro eleganti olim instructa fuit, venatione ac piscinis grata, gentis Bellanæ pe-culium ad nupera usque tempora. Habet autem Eeck pagus nomen ab arbore quadam cava, in qua latuit S. Vulmarus abbas, & hunc templi sui patronum studiosè veneratur, putatque se ostendere posse locum, ubi quercus illa olim stetit.

Meteren, ex alia parte Belliorum respicit, pa-gus sæpe in veteribus rescriptis *Meteris* appel-latus.

Meris, *Merens* seu *Mernes*, vocatur in archivis Teroanensibus, *Mariscum* appellat Gramajus. Solum olim Comitem agnovit, nisi qua parte ex ejusdem Principis munificentia intercurrit Iu-risdictio Præpositi Casletani. In quo uti & in Me-teren, hoc peculiare, & è veterum servitiorum norma, ut municeps ibi, & ex eo etiam in aliis

tèrris nati, liber sit à censu capitis Principi de-bito; nec integrum sit ulli cedere juri suo, aut in alterius oppidi, aut domini jus concedere, nisi prius exsoluta omnium bonorum decima.

Sequitur non incelebre municipium *Neocle-sia*, vulgo *Nieukercke*. Dynastia modo Comitum Egmondani. Ante vastationem anni 1582, tem-plo, turrique egregia instructa, foroque nun-dinatione hebdomadali privilegiata decorato, macello insuper, strato, vicis, varioque opi-ficum mechanicorum genere, Curia Scabino-rum septem, tribunal & leges continente. Le-gibus sigillo ad causas, mensuraque granorum propriis, collegiis sagittariorum ternis, sclopo, arcuque tam aëreo, quam chalybeo certantium. Nec populi minor fama fuit ob pannificii celebritatem. Sed hæc omnia civilis belli flamma absumpsit; & periissent, nisi animos Neoclesia-ni habuissent malis majores, & contra fortunam nitentes. Ecce anno 1608, novæ Curiaë seu Hal-læ jacta fundamenta, ecce turrim è ruinis exsur-gere; Templi curialis choros tres, cum crucia-to opere ad latus restitui, texturam pannorum levioris lanæ interstinctorum, quos *Bayen* vocant, reduci, & laudem invenire apud externos, & imo privilegiorum deperditorum fatali isto igne vin-dicationi & augmentationi cives intendere, au-spiciis Caroli nuper Comitum Egmondani, qui inter alia Dynastiam hanc ex domo Luxembur-gica adhæreditavit.

In confinio Neoclesiaë situs est clari nominis pagus, neque dispar nomine à superiore *Nipker-ka*, quasi Nipensem dicas Ecclesia. Hic pagus ac dominium *de Nipkercke*, ante annum 1242 Co-mitum Flandriæ patrimonium fuit, à *Margareta* ejusdem Flandriæ & Hannoniæ Comitissa, pro se & habitatione sua electum, donec eodem an-no eadem ipsa *Margareta* veterem prioratum Be-nedictinum eo donatum, ac dotatum voluit, simul etiam jurisdictione omnimoda, ac omni-bus Dominicalibus Iuribus, Privilegiisque prin-cipalibus, quibus ipsa, & prædecessores Comi-tes illud possederant, cessis; soli Pontifici sum-mo, & Abbati majoris Monasterii Turonensis in spiritualibus, solique salvæguardiæ suæ, ut ait, in temporalibus illud subjiciens. Olim autem *Prior de Nipkercke* patronatum, & jus nominatio-nis (quod cum aliis iuribus jam transiit in ejus-dem loci Toparchum) ad curam pastorem ha-bebat, omnem denique tam in temporalibus, quam spiritualibus in eadem ecclesia jurisdic-tionem. Erat porro hujus loci dominium feudum immediatè dependens à Comitatu & Camera legali Flandriæ, nuper autem ad instantiam To-parchi Philippi de Vicq Canonici, & Cantoris in æde Cathedrali Iprensi, sub Curia Balliolana, ratione cujus, hujus loci Toparchus, Vassallus est Belliolanus, & omnem habet justitiam, ac curiam feudalem, constituit prætorem, ejusque vicarios, ac satellites. Habet tribunal septem Scabinorum, quorum auctoritas etiam se exten-dit in *Formelles*, *Steenwercke*, ac Belliorum. Est au-tem intra ambitum ejusdem parœciæ situm, do-minium *de Oosthove* & *Warnave*, quod à tribus jam fere sæculis, continua ferie fuit in familia *de Vicq*, *de Rikassès*. A Toparchia porro *de Oosthove* ante nomi-

nominata, moventur alia quædam dominia ac feuda, ac imprimis dominium *de la Busche en Neerwæsten*. Movetur & à Toparchia de Oosthove, dominium *de Bertolf*, in parœcia de Belle situm. In eadem item parœcia situm dominium *de Galey*; aliud item quod appellant *het Buysche Goet*, in eadem parœcia, ibidemque dominium *de Proye*. Tenetur & ab Oosthovia dominium *de Boyken* in Steenwercke, aliud denique quod *Savelput* nominant, in parœcia *de Nieuwercke*, præter alia feuda, aliosque census ac decimas eidem Toparchiæ adtributas.

Non procul à Nipkercka non incelebris etiam visitur pagus, quem à faxeo opere sive mole vocant *Steenwercke*. Dynastia nuper fuit *Roberti d'Estourniel*, qui vicinæ Zouterstediæ Baro, eo-que titulo hæreditarius Flandriæ Marefcalcus fuit. Hic genere, virtute ac fama inclytus, ju-

risdictionis amplitudine, & proventu his in locis non mediocri gaudebat.

Vleninchove, nuper Caroli de Claerhout, qui Hardoia fuit & aliis in locis Toparchus, peculium, nunc ad hæredes ejus devolutum. Hujus terræ portio, quæ parœcialem Ecclesiam non habet, partim in Boescepam, partim in West-outram vicinas parœcias se protendit.

S. Ioannis Capella, vulgo *S. Ians Capelle*, ad medium à Balliolo lapidem in vallibus sita, & mire per æstatem amœna, per quam de Locræ in Meternam venit.

Dranoultre, pagus ad primum à Balliolo lapidem situs, loco, quo jucundior non optes, à Dominis præcipue familiæ Audomarenfis, qui illum diutissime possederunt, celebritate sua innotuit.



CASTELLANIA BERGENSIS, ET BROVCKBVRGENSIS.

Soli qualitas.

Distributio
Castellanie.

Habet Castellania Bergensis solum fœcundum pecoris, & butyri sapidissimi, caseorumque Batavicis vix cedentium, frugum item arborumque tam pomiferarum, quam lignationi aptarum. Gaudet etiam insigni navigationum compendio, & fluviorum Agnionæ, Colmæ, Pienæ, Lederæ, Oceanique commoditatibus. Cæterum omnis aquarum derivatio, quam conductum vocant, in tria dividitur Aquagia, Orientale nimirum, Australe, & Occiduum. Hoc à quatuor primariis, uti sic dicam ostiis, undas Oceano immittentibus, dictum. Habueruntque pridem tres obices, seu repagula, (quorum occidentale vehementiâ maris, huic viam præbentibus Dunkerkanis, anno 1579 disiectum est) & præficiuntur Aquæ Comites, vulgo *Water-Graven*, & Curatores aggerum, & ab eis dependentium tres, à magno Balivo, Vicecomite & Senatu Bergensi, qui & die Iovis hebdomadæ Paschalis, rationes audiunt, advocatis, & in consilii communionem admissis majoribus singulorum Aquagiorum membris, qui sunt Prælati, Nobiles, Respub. aut etiam Privati, habentes intra limites cujusque latifundia, aut hæreditates. Complectitur porro tota hæc ditio pagos triginta tres, ritu fere Furnensium, divisos in 26 pagos Curie seu Keuræ obnoxios, & septem alios, quos Vassallagia, id est, Toparchias nominant, legibus suis utentes, & Toparchis suis parentes, in Oneribus tantum indictionum publicarum Bergensibus auxiliares; quæ sunt: Præpositura Brugensis, Pitgam, Houtkercke, Ecclesbeque, Ledringem, Hontscote, Zuytcote, cum dominiis aliquot aliis, quæ in pagis, ubi sita sunt, adnotabo. Pagos autem ipsos, ne quispiam se alteri postpositum jure queratur, serie Alphabeti servata mox describam. Operæ pretium tamen prius fuerit, omnia ea loca, quæ Ditioni Bergensium per librum Flandriæ censualem adnumerantur, huc adducere, ac pauca, quæ ad auctoritatem ac jurisdictionem Urbis & Castellaniæ ejusdem pertinent, etiam in medium adferre. Sunt igitur loca hæc ex ordine, quem census observat:

Loca subiecta.

Ghivelde.
Zoudtcote.
Vpem.
Hontscote.

Killem.
Rexpoele cum S. Nicolai Capella.
Waerhem.

Hoymile.
Westcaple.
Bambeke.
Herzele.
Wormholt.
Quaet-Iper.
Socx.
Crochte.
Wildre.
Steene.
Biene.
Broukercke.
Groot Zinten.

Cleyn Zinten.
Spiickere.
Arenboudscaple.
Arenboutcaple Capelle.
Coudekercke.
Teteghem.
Liffrinckhoucke.
Pitgam.
Ekelsbeke.
Ledringhem.
Houtkercke.

Annumerantur & his locis Præposituræ quædam. Videlicet Præpositura S. Donatiani in Ammania de Hondscote, Præpositura in Waerhemperfele, Vinchouck, Bissezele, Præpositura de Teteghem; Præpositura de Ghivelde; Præpositura de Lokre in Looberghe, cum Præpositura S. Donatiani in eodem loco.

Apud Belgas vero (ut & apud Gallos ac Germanos) pleraque oppida illustriora suos olim Castellanos habuerunt, quos Franci hodie Vice-Comites, *Viscomtes*, Germani Burchgraviis, *Burchgraven* nuncupant. Hi vice Comitum oppidis seu burgis præerant, publicorum carcerum curam gerebant, & sua tribunalia ad jus dicendum, itemque portoria, seu vectigalia sibi propria habebant, alia denique munia alta & honorata post Principem exercebant. De quibus fusius in libro de Castellanis Insulensibus, Florentius vander Haer vir sagax & eruditus disseruit. Tales autem in Brabantia fuerunt Castellani, ait Miræus in notitia Ecclesiarum, Bruxellenses, Antverpienses, Heldomenses, Furenses, Genapienses, & Grimbergani. In Flandria, Gandenses, Brugenses, Iprenses, Tornacenses, Insulenses, Duacenses, Armentarienses, Balliolani, Broucburgenses, Cortracenses, Dixmudani, Furnenses, Winocibergenses, Aloftani, Aldeburgenses, Harlebecani, Neoportuenses, Orchiacenses, Roslarienses, & alii. In Artesia, Atrebatenses, Audomarenenses, Arienenses, Lenenses, Bapalmenenses, Hesdinienenses. In Hannonia, Montenses, Valentinianenses. In Geldria, Noviomagenenses. In Hollandia, Leydenses, Heufdani, Gertrudibergenses. In Ultrajectina ditione Ultrajectini, Montfortenses. Item Limburgenses, Zelandienses, Cameracenses, Teroanenses, Lingenses, Mont-Ioenenses, & alii alibi. Ab istis Castellanis, ab Advocatis item Ecclesiarum Belgicarum, nobiles ac vetustæ familiæ nostrates plurimæ suas origines deducunt.

Origine.

Bergæ
S. Winoci.

Originem nominis Berga S. Winoci, cum prius Groenenberga, five Mons Viridis diceretur, accersit à monte *Granoberga* olim suburbano, sed jam annis ab hinc centum & quinquaginta mœnibus incluso: cui imposita fuit, & sancto Winoco Britanno dedicata, Abbatia Benedictina virilis è Wormholt prius, dein ex templo Bergæ Martiniano huc translata per Balduinum Pulcrobarbum: Proventibus, & Toparchiis cum primis opulenta: cujus Cœnobiarcha secundum inter Abbates Flandriæ locum obtinet. Præbet certe mons ille, de quo agimus, jucundum oculis spectaculum, unico, ut sic dicam, obtutu

*Prata representans & agros & pascua, ridens,
Dum videt infanum timidis sub clauibus aquor,
Vicinosque Lacus.*

Exiguo etenim loci intervallo, id est, unius miliaris, separatur à mari, minore à lacu quondam Moera, majore à Sylvis. Ab ipsis fere incunabulis oppidum hoc, insignes tulit calamitates.

Comes Flandriæ, partim regaliu suorum, partim advocatiæ majoris, Cœnobiatorum Wormholtani, & Bergensis titulo est hujus urbis dominus, cui fiduciaris cliens fuit oppidi & Castellaniæ ratione, cum vicinis Robertus Cassetanus, indeque Iolantis ejus filia Barenfi regulo nupta, jus aliquod in utramque partem arrogavit, sed frustra, Ludovico Maleano persententiam anni 1350, mense Augusto, declarante, Roberto non proprietatis, sed hypothecæ jus fuisse: unde redditum corpori Flandrico, hoc membrum deinceps non est separatum. Successit igitur Vicecomitis dignitas, quæ à gente Stavela ad Hornanam, ab hac ad Remigium de Hallut, anno 1367 devoluta, eo vendente ad Longinos pervenit, nunc ad illustrem virum Philippum de Orofio equitem. Illa inter alia emolumenta trientem mulctarum percipit, & feudis præest compluribus. Curia porro feudorum Comitum, & Tribunal Vassalicum in prætorio esse solet ad montis crepidinem, cui à vadibus nomen. Senatus forma pæne est eadem cum Furnensi, fuitque antiquitus, id est, post leges & solennia oppidi, per Guidonem, an. 1297 confirmata. Septemdecim Scabini constituuntur quotannis cum Consule, quorum sex è civibus, reliqui ex agro. Balivi eadem, quæ Furnis, est ratio, nisi quod dignitatem augere videatur communis huic & Vicecomiti præfectura. Porro ad viliorum Bergis plebeculam quod attinet, nundinationibus illa marinis, & rerum è pascuis luculenter provenientium, potissimum valet. Nundinas his aliisque mercibus, cum immunitate novem dierum circa solennitatem D. Lucæ concessit Comes; præter quas aliis intervallis fora habent frequentata, licet non privilegiata quatuor, incidentia in medium Augusti, tertium Novembris, octavam Paschæ, & postridie Palmarum.

Sequuntur pagi Castellaniæ Bergensis ordine Alphabetico dispositi.

Aernouts-cappel, Arnoldi Fanum, Vicus est arvus, pratis tamen intermixtus, opimo solo præditus, una fere leuca ab urbe Bergarum distans.

Aernouts-cappelle, Arenbaldi Capella. Vicus est partim pascuus, partim arvus, media leuca distans ab oppido Bergensi.

Belgica.

Bambeke, nobilem Curiam, vulgo *Ingelschhof*, limite suo comprehendit pronuper dominorum de Nieuwerleet, nuper dotali titulo Præfecti Audomarenfis Domini de Souatré, viri prudentia ac generis nobilitate clari. Ante annos vero centum Moerbecanorum dotali titulo à Drincami Ecclesia sancto Audomaro inscripta est.

Bierne, Duas partes decimæ de Bierne concedit Winocibergensibus cœnobitis Carolus Bonus ad annum 1121, cujus rei diploma recitat Miræus. In hac Parœcia videre est Prætorium non inelegans Domini de *Bavelaer*.

Brouckercke, Fanum palustre Gramajo.

Bissezeel, ultra Pienam situs pagus, cum *Lobergemio*, aliisque minoribus, Toparchia dono Caroli Comitum ad Ecclesiam D. Donatiani spectans. Quæ ut Comitatum antiquitus habuisse creditur, ita Vicecomitem hodieque habet sui beneficii clientem è gente Vossia.

Coudekercke, pagus medio situs itinere inter Dunkerckam & Bergam.

Crochte.

Socx (sunt qui *Cochiam* nominent) vicus est, media ab oppido Bergensi leuca distans, in monticulos & clivos assurgit, & arva habet non infœcunda.

Ekelsbeque, municipium ad secundum à Berga lapidem situm, titulum Baronatus habet; agros fertiles, arcem egregiam, forum hebdomadariu feria tertia recurrens, & alia oppidorum propria. Dynastia fuit olim familiæ Gistellaniæ, à qua pervenit ad *Valentinum de Pardieu* equitem. Porro Toparchus de Ekelsbeque, inter Vassallos Castellaniæ Bergensis censetur.

Houtkercke, Vassallus est Castellaniæ hujus loci Toparchus; non ab altitudine inquit Gramajus, sed à veteri lignea Ecclesiæ per D. Amatam dedicata fabrica nuncupatum est hoc municipium. Nundinas Festo assumptæ Virginis in cœlum, cum libero mercatu habere solebat. Potitur eo stirps Hornana cum illustri Comitum titulo, per Cæsarem Carolum, ob ejusdem gentis magna in Remp. merita instituto, nec contemnenda Iurisdictione.

Ghiervelde, Ægidii campus, quasi *Gillis veldt*, Gramajo vocatur. Gaudet peculiariter Amanno Principis Vicario, Iustitiæ administro.

Ledringhem, Vassallus. Ad occasum Bambekæ inter Pienam, & ejus elicem Lederam, pluribus ab ortu suo pagis nomen communicantem, Vicecomitatu nobilis est pagus.

Leffrinsboucke, pagus est hujus maxima ex parte arvus, paucaque admodum prata habens.

Kiellem. Pagus maxima ex parte arvus est.

Hoymille.

Herzele, Annuas in Julio nundinas impetravit memoria calamitatum bellis Gallicis toleratarum, quas Cæsar Carolus etiam confirmavit. A residentia dominorum Canonicorum puta, & Episcopi quondam Morinensis eam nuncupatum vult Gramajus.

Oostcappel, Castro satis eleganti & munito, ac dominio Toparchorum de Ricourt innotuit, cujus Iurisdictionem anno 1502, Philippus Archidux, concessit Dionysio Moerbecano Consiliario ac cubiculario suo. Pagus magnam partem

Q9

arvus

arvus est, duabus circiter leucis & media ab oppido Bergensi distans.

Pitgam, vasallus. Celebris ad Colmam fluvium sita Toparchia, nuper domini *de Werp*, qui Praefectus ad Trajectum Mosae regius fuit. Habuit arcem nunc vetustate ac bellis dirutam. Intra limites porro hujus parochialis alter est dominatus de Helfelt, nuper in familia de Boddens.

Quaet-Iper, Pagus est clari per omnem eum tractum nominis. *Rexpoele*.

Spieckere, ultra Colmam versus mare & Dunderckam, villa agrestis praetoria olim fuit, vico nomen servans, & vulgo sic nominata, & varii circa eam à sanctis sacellis appellati pagi.

Steene. Vicus ad primum fere lapidem à Berga situs est.

Grootfenten & Cleyfenten, sanctum majus ac minus vocat Gramajus, & veneratione ligni salutiferi olim celeberrimum, & peregrinis notum fuisse asserit, unde ob celebritatem oppidi vicini, & portus Mardicensis, frequenter debuisse templorum structuram succedere, idem narrat.

Tetighem. Non à Thetyde vicina, sed à Theodorico milite olim nuncupatus locus est, uti Gramajo placet.

Vxem. Vdonis vocat domicilium Gramajus, pagus est ad lacum situs, qui ab altera parte Furnensis territorii pagum attingit Houthem. Fuit autem lacus ille ab aestu maris natus, quam Mouram vocant, in magnam parvamque distinctus, ac septem milliaria in ambitu complexus, pisciumque copiosissimus, sed uliginem fundi, cœnumque, ut ait Marchantius, in cœna sapientium, & navigabilis, subindeque per tempestates periculosus. Hunc nuper Principum indulto Venceslaus Cobergius, vir industrius, at non sine magnis difficultatibus, exsiccavit. Ab hoc, & minoribus aliis, olim indubie in hoc tractu populi, Morini dicti sunt. Pagus est maximam partem pascuus, ad primum à Berga lapidem.

Waerhem, ad palustrem circa Hondiscotam Rivulum pagus hic situs est.

Westcappel. Praetorium hic habet dominus de Ricourt, & Valbacon è gente Flaminia. Domini autem nunc Ricourtiorum jurisdictionem ad annum 1502 concessit Philippus Archidux *Dionysio Moerbecano*, consiliario ac cubiculario suo. In Templo vitreas hic cernis fenestras, iis picturis exornatas, ut toto vix Belgio elegantiores videre possis, unius saeculi ætatem ferunt. Mansit autem hujus loci ecclesia per nuperos Belgicæ tumultus intacta, ope castelli ecclesiæ vicini, eandem protegentis.

Wylra vulgò *Wyldere*.

Wormhout. municipium castellaniam Bergensis amplum, antiquum & celebre. Legem habet atque tribunal proprium, nundinas Feriis Pentecostalibus, etsi nunc obsoletas, Toparchum, Abbatem Winocibergensem, imo Comitem. Comitatus enim fertur dono primorum Flandriæ Comitum, & merito D. Winoci, qui primam istic cellulam sibi, sociisque Cœnobium de consilio sancti Bertini construxit.

Zuytcote. Castellania vasallus est huius loci Toparchus, & locus olim portu nobilis, & civium

gaudens privilegiis, feudum alias castri Audomarenfis ex primæva institutione. Pagus ad secundum à Berga lapidem situs, arvus maximam partem, & littori maris vicinus.

Hondesbote, situs opportunitate, jurisdictionis amplitudine, aliisque opportunitatibus naturæ beneficio dotatum. Ut enim præteream communem cum aliis urbibus fluminis Colmæ commoditatem, ad Flandriæ potiora oppida viam sternentis, vicinum habet lacum, in cujus notabilem partem & sacrae & politicæ jurisdictionis suæ alas extendit, per quem immediate nescius mari uti frui possit nundinatione, nec desunt in propinquo sylvæ, nec agri, tam arvi quam pascui. Iam vero antiquitus aliquid honorum supra pagos habuisse, id est, Telonium, jura piscationis, extrinsecum & tribunal, ex regeſtis ecclesiæ Brugensis licet observare, quæ dominatum habet flumine separatum, communione tamen parochialis, & cura pauperum non diversam. Verum enimvero omnibus hiſce privilegiis excidisse videtur in factione Ifengrinorum, qui & Nigekenbæ adulatione aucta dicti, & Blavotinorum existente horum Duce, unaque Furnensium contra Bergenses supradicto Waltero. Ex quo tempore cœpit instar aliorum vicus iste Bergensi castellaniam & tribunali in solidum subjacere; & hinc est quod reperias inter archiva cœnobii Trinitariorum varias donationes factas à Ioanna & Margareta Comitibus cœnobio de Claro Vivario tunc nuncupato in litteris annorum 1243, 45, 62, & alibi, quas haud dubie Comites non erant facturæ, nisi rerum hic potirentur, cum nulla (prout fieri consuevit) dominorum loci fiat mentio. Cæterum meminit Iperius in chronico paulo post anno 1300. quendam Galterum coemisse villam de Hondeschote, & in dominium erexisse, posteris loci nomen in cognomentum familiæ mutantibus, qui cœpit exinde famam habere ex opera inprimis manualia cum an. 1323, privilegium obtinuit lanificii, confirmatum ejusdem sæculi anno 73, per Ludovicum Comitem potestate facta, plumbetis, sigillisque propriis pannos, sive saeyas notandi ab una, & insignia Flandriæ adjiciendi ab altera partibus, definiendo nuper Senatus & politicæ formandæ rationem, ita ut Balivus cum Scabinis 9. annalibus statueret aestimatores, sive censores Sayettarum sex, sine strepitu Iudicii, res sui styli decidentes, multasque delicto infligentes, totidem etiam confarcinatores, & pari numero censores annonæ & præfectos pauperum, & integrum sit prioribus de consilio notabilium opificii quævis statuta, multas, ordinationes concipere & publicare.

Dominus Hondiscotæ triplicis justitiæ compos est, curiam habere solet duplicibus aquis cinctam, fundamentis adhuc fossisque juxta forum extantibus, & platea aulæ, fossarum altera Valli nomen retinente. Format item pro arbitrato senatum fere biennalem, delegans perpetuum prætorem, qui Vicarium habet subprætorem. Collegio qui præest, Primus scabinus vocatur. Adſistunt Graphiarii duo, tribunalis alter, alter pupillorum, & habent Curiam non inelegantem anno 1557 erectam.

CASTELLANIA BOVRBURGENSIS.



Castellania Broucburgensis cum quavis alia per hanc Provinciam sita, certat agrorum ubertate. Magistratum habet cum Broucburgo communem. Loca, quæ liber censu-
lis Flandriæ illi attribuit, sunt primum in Curia,
vulgo *op de keure*,

De Prochie ende Winckele van Loon.

De Prochie ende Winckele van kraeyewijck.

De Prochie ende Winckele van S. Ioris, cum parte Parochiæ S. Nicolai.

De Prochie, Ammanscip, ende Limite van Drincham.

De Prochie ende Ammanscip van S. Pietersbrouck.

Haftenus loca Curia, nunc ad Vassalagia venio.

Dominium & Iurisdictio de Zinneghem, in quo comprehenditur districtus de Cappelbrouck, de Watene, de Markeghem, de Millain, Toparchi de Hoflande.

Dominium Abbatis de Hafnon, in Parœcia de S. Pietersbrouck, contribuens cum Cappelbrouck.

Dominium de Holcke, & districtus in Cappelbrouck, Markeghem, & Bullezele, spectans ad Præpositum Watenensem.

Dominium vanden Gheere in Markeghem, spectabat eo tempore, quo census agebatur, ad Toparchum de Mastaing.

Dominium de Hoflande in Millain, spectabat eodem tempore ad Claudium de la Viefville.

Dominium de Ravesberghe in Parœcia de Millain.

Dominium de Ravesberghe in Ammania de Calfvlecke, intra limites Parœciæ de Cappelbrouck.

Dominium de Ravesberghe, in Ammania de Gheersmaervelt in Parœcia de Boberghe, Erighem, & Markeghem.

Hospites Domini de Ravesberghe in Markeghem, contribuentes cum Ammania præfata de Gheersmaervelt.

Dominium de Sburchgravenbrouck in Millain & Marckeghem, spectans ad Cœnobium divæ Virginis juxta Broucburgum, nunc intra oppidum.

Dominium & Tribunal de Plantgate in Bullezele, spectans ad Ecclesiam B. Virginis, & Cœnobium de Broucburgo.

Dominium & Tribunal vander Brouck in Millain, Marckeghem, & Looberghe, spectans ad Cœnobium B. Virginis in Broucburgo.

Dominium & Iurisdictio de Cappelbrouck, spectans ad Canonicos Arientes, quod dicitur *van Thienen*.

Dominium de Ravesberghe, quod se diffundit per quatuor Ammanias, sub Parœciis de Markeghem, Millain, Cappelbrouck, Erighem, & Looberghe. Ita prædictus Flandriæ Cen-

Belgica.

fus, Castellaniam Broucburgensem partitus est Broucburgi, ad ann. 1517. die Novembris 29. per *Iacobum Halewynium*, & alios ad hoc per Principem commissos. Cæterum huic Castellaniæ & urbi præfuit nomine Principis ab anno 1552 ad annum 1572. Dominus *de Caestre* è familia Thienensi. Successit *Iacobus Salet* Burgundus, vir Regi fidus ac strenuus.

Oppidum Bourburgum antiquitate, privilegiis, & rebus præclare gestis, ac toleratis cum primis nobile, ab agro palustri nomen habet, admodum amœno tamen per æstatem loco situm est, & in planitie, quæ ut undique agros habet totius Flandriæ maxime fecundos, omnibusque satis idoneos, ita & montes juxta Watanum. Patrimonium, & omne urbis dominium, ad solos Flandriæ Comites pertinuit, sed cum Robertus Flandriæ Comes, vulgo dictus à Betunia, duos reliquisset filios, Ludovicum Nivernensem, qui postea Flandriæ Comes fuit, & Robertum natu minorem, quem Casletanum appellarunt, Roberto hæreditatis partitione inter alia cessit Broucburgus, cum Castellania, Dunkercka, & Warnestonum, sub unius feudi clientela & Homagio. Hic Robertus à Flandria dictus, filium quoque habuit Robertum, qui se Barensem nominavit. Hujus filia Ioanna Ludovico Luxemburgensi Comiti Sanpaulino Franciæ Conestabili juncta fuit, à quibus luculenta hæc hæreditas, inconsulto olim à corpore Comitatus Flandriæ avulsa, transiit ad Vindocinenses Bourbonios, & ab ipso modo Gallorum Rege possideretur. Cives Broucburgenses probi, ac antiqui candoris; in vestibus ac conviviis prisca illis moderatio, luxus in cæteris minor: egregie modo contra Gallicos & aliorum hostium incurfus munitum est, ac militari præsidio instructum. Portas publicas habet duas ad meridiem, & Eurum, alteram item, quam Aquaticam vocant, quæ ad Aquilonem erat, sub Carolo Cæsare V, obstructa fuit. Dies hebdomadario mercatui constituti sunt Martis & Veneris, illo etiam, & Sabbatho jus dicitur. Nundinæ annales bis hic celebrantur ad divi Ioannis Baptistæ natalem, & exaltationem S. Crucis, circa quam diem solenni etiam supplicatione recolitur miraculum, quod anno 1383 in æde parœciali contigit. Flumen urbem secut, quod Bergam versus & Audomarpolim fluit, alia etiam fossa, quæ navigationi à decennio idonea facta est, fluit in A fluvium, cujus pars media, sive alveus ad Flandricum litem vergens, ad Castellaniam Broucburgensem spectat. In oppido eodem Gildæ sunt, sive Sodalitia Divis Georgio, Barbaræ, & Sebastiano sacra.

Habuit Broucburgus, ut alia pleraque vetusta Flandrorum oppida, suos olim Castellanos, erantque illi præcipui post Principem Iustitiæ administri, & Principis quasi Vicarii, etiam militiæ

R r

Duces,

Duces; quo munus, ut primo ad certos annos, vel ad vitam unius datum, ita postea multis in locis ad posteros transire, & hæreditarium esse cœpit. Fuit autem hæc dignitas olim in familia Burburgenfi, Comitum dein Gifnensium, è Gandavenfi gente.

Pagorum Castellania occurrit primus è Gravelinga venienti, nec procul inde situs, S. Georgii, vulgo S. Ioris. Ejus Ecclesia condita fertur ab Anglis, gente olim in excitandis Deo Basilicis, ac Templis, religiosa admodum & magnifica.

Craeywijck, hujus etiam ditiunculæ pagus visitur. In quo domum habet non inelegantem dominus *Eugenius Macmahon* Hibernus, illi nomen *Malenburch*.

Loon, itidem hujus ditiunculæ Parœcia est, in eaque situm dominium de *Plancques*, quod in fide ac clientela tenetur Regis Gallorum, sub Curia Broucburgenfi.

S. *Pietersbrouck*; In quo ad flumen A habet prætorium nobilis, & antiqua familia de *Weez*, quæ ex Gifnensibus dynastis originem ducit, unde de *Gifnes* dicta. Circa hunc tractum in Parœcia videlicet S. Nicolai, qua parte spectat ad Castellaniam Burburgensem, omni videlicet illa parte, quæ sita est cis flumen de A, visitur non inelegans prætorium nomine *Brouck*, quod alia à se quædam moventia feuda habet, & possidebatur nuper à *Gulielmo Page*.

Looberge, ut in libro censuali Flandriæ notatur, quoad dominium ac tribunal *vander Brouck*, ad hanc spectat Castellaniam. quodque à Cœnobio B. Mariæ Virginis in Broucburgo, olim juxta urbem, sito possidetur, etiam in *Markeghem* ac *Millain* se extendit. Sita autem est Ecclesia sub dominio S. Donatiani in territorio Bergensi. Domus item Domini de *Boddengien*, pratis & arboretis per circuitum amœna ab arte & natura, vulgo *bet Hof van Roosendale*. Habet hic liberum etiam allodium, & ædes non inconspicuas fossa munitas, *Jacobus de Immeloort* patritius Iprensis.

Drincham, clari nominis pagus est, & ab eodem familia hujus nominis apud Flandros antiquis

etiam temporibus floruit. Ad annum 1172, *Wilhelmus de Drincham* signat litteras *Balduini Castellani de Brobruch*: post multos exin annos per Ludovicum Flandriæ Comitem, toparchia hujus loci in partem hæreditatis donata fuit filio notho ejusdem Principis. à cujus stirpe accessit ad familiam Ghistellanam: possidebat autem illam cum insigni prætorio nuper *N. Cuperius*. Pagus est situs via, qua Broucburgo Castellum Morinorum itur. ibidem videre est insigne etiam modò prætorium, quo splendidius nullum habet Castellania Broucburgenfis. Toparchi sedes est, & habitatio.

Holcke, tertius Castellaniæ Broucburgenfis Vassallus, Comitatus etiam titulo insignis est, locusque perantiquus.

Capellebrouck, secundus Castellaniæ vassallus est; donatum fuit hujus loci dominium à Philippo Elsatio Flandrorum Comite Canonicis Arienfib, quo etiamnum potiuntur cum omni iustitia, in eoque loco varia habent prædia ac census: Trajectum item de *Waetene*, sub eodem contribuit dominium de *Gheer*, ad Baronem de *Ekelsbeke* pertinens, cum Trajecto de *Linck*.

Ravesberge, primus Castellaniæ Vassallus est & Baronia, spectans ad Baronem de *Bovignies*, cujus Iurisdicção se extendit ad Parochias de *Markeghem*, *Capellebrouck*, *Millain*, & aliò.

Sinneghem, ab hoc cognomen adepta, in hanc usque diem perseverat nobilis & antiqua familia de *Sinneghem*. cujus etiam Toparchus, etsi Vassallus sit Castellaniæ ordine quartus, majore tamen iustitia non potitur. Ad Comitem de *Roeux* modo spectat, extenditque se in parœciis de *Millain*, *Capellebrouck*, & aliis. Censum autem cum illo pendit dominium, vulgo de *Mevrauwven*, quod est Abbatia Broucburgenfis, item *Burchgravenbrouck*.

Erighem & Millain. In priore situm est feudum de *Nieuulandt*, in clientela Curia Broucburgenfis, quam vernacule nominant *bet Ghyselhuys*, ad Ducem Havriacum pertinens. In posteriore Prætorium habet Dominus de *Belliencourt*, è familia de *Sinneghem*. Hæc sunt quæ de hoc territorio intelligere potui.

Flandria
partes
Francie
Proprie
ria,
Imperii

Curia
natus
curia

Curia
natus
curia
loftm

F L A N D R I A

I M P E R I A L I S,

E T

P R O P R I E T A R I A.

*Flandria
partes tres;
Francica,
Proprieta-
ria,
Imperialis.*



*Cur Domi-
natus di-
catur.*

*Cur Impe-
rialis olim.
Termini.
Cur Bra-
cantum A-
lostum.*

*Urbis lan-
des.*

Belgica.

Diu fuit olim Flandria ratione Domini in eam partem quæ *Francorum* erat, in *Imperialem*; quæ Cæsaribus obstringebatur, & denique in *Proprietariam*, quæ præter Flandriæ Principem non agnoscebat. Quæ *Francorum* erat, in Teutonicam, quam absolute Flandriam vocant, & Gallicam, quam Gallo-Flandriam appellamus, Liza fluvio, & idiomate sejungitur, Comitatus titulo gaudens. *Proprietaria*, nec Gallorum Regi, nec Cæsari fidem jurabat, sed Flandriæ Principi: continetque *Dendermundam*, *Gheersbergam*, *Bornhemam*, cum illarum agris. *Imperialis* vero Flandria *Alostanos*, *Wafios*, cum quatuor *Ambactis* *Transcaldiaque* complectitur, quam vulgo *Dominatum* vocant; tum quod antiquitus distinctis dominis, ut *Wafia* *Hollandis*, *Alostana* privatim suis Comitibus parebant, quatuor *Ambacta* *Ultrajectino* *Præsuli*, si vera sunt illius *Sedis* *archiva*, *beneficium* debebant: tum quod supremæ cognitionis auctoritate, mero in omnibus imperio Flandriæ *Comites* ibi pollerent, unde *Ludovicus* *Malensis* Flandriæ *Comitem* *Dominum*que sese inscribebat. *Imperialis* dicitur, eo quod supremam olim agnoverit *Imperatorum* potestatem. Regio est exigua satis, *Scaldi* & *Tenera* fluviis clausa, *Brabantiaque* *Ducatu* *confinalis*. Audiebat hæc olim *Bracantum*, à *Bracanto* arce, diruta à *Comite* *Balduino* *Pio*. Hodie dicitur *Comitatus* *Alostanus*, ab urbe *Alosto*, ditionis metropoli. *Alostum* vernacule & per contractionem *Aelst* vocatur, forte ob hanc causam, quod in orientali Flandria sita sit urbs, quasi *Al-ooft*. Condita perhibetur à *Gothis*, eo præsertim loco, ubi nunc mons *Placentiæ*, pone templum *xenodochiumque*, anno 489, ea tempestate, qua *Vandali*, *Gothi*, *Aleman*, aliæque feræ nationes, terras *Pyræneo*, *Oceano*, *Rhenoque* *tenu* *rapinis* inundarunt. Derivat hunc *Comitatum* quidam existimant, ex *Comitibus* *Castelli* *novi* *Gandensis*, ab *Orthone* *Primo* *Cæsare*, anno 948 ædificati, cui deinde à *Gandavo* *cognomen* fuit. Nam illius arcis *Orthonia* *præsidibus* *terra* *Brachantia*, quæ post *Alostana* *audiit*, cum quatuor *Ambactis* assignabatur, ut *stipendia* *alimoniamque* *præsidariis* *mililibus* *illinc* *providere*; quam auctoritatem in *Dominatum* *verterunt* *Cæsarum* *beneficio* *Alostani* *Comites*. Decoratur *Alostum* *Burggravia*

tu, *Tenera* fluvio, *monetæ* olim *cutendæ* *officinis*, per *Guydum* *Comitem* *Gandavum* *translati*: *lupuli* *mercato* *celebri*: *aulæorum* *artificiosa* *textrina*: *nundinis* *mensis* *Octobri* *annuis*: *Collegio* *Canonicorum* *D. Gaugerici*, ex *Haltro*, *pago* *vicino*, huc *transducto*: *cœnobiiis* *Gulielmico* & *Carmelitico* *virilibus*, *finitimaque* *Abbatia* *Rostenia* *Bernardina* *fœminea*, fundata anno 1228. *Cives* hic *fruuntur* *iisdem*, quibus *quatuor* *membra*, *privilegiis*, & *permittuntur* *alterius* *territorii* *corpus* *amplecti* *absque* *bonorum* *suorum* *decumatione*. *Obsessa* à *Gandensibus* *adversus* *Principem* *suum* *insurgentibus*, *obsidionem* *fortiter* *repulit* anno 1453. quo *facinore*, *cladem*, quam antea ab *iisdem* *passa* *fuerat* 1380, egregie *vindicavit*. *Illustribus* *Maximiliani* *Austrii* *Regis* *Romanorum* *Belgicæ* *Legatorum* *comitiis* anno 1483 *frequentabatur*, ubi *Margarita* *ejus* *filia* *Carolo* *Octavo* *Galliæ* *Regi* *dēponſata* *fuit*, atque *missa*, non tam ex *Patris*, quam *Gandensium* *arbitrio*. *Distat* *Alostum* *Gandavo* *quinque*, *Bruxella* *quatuor*, *Mechlinia* *sex* *milliaribus*. *Ager* *Alostanus* *optimi* *frumenti* *ferax* *est*, præsertim *secalici*. *Scal-*

Ager Alostanus.

Pagi.

Nienovia.

Continetur hoc *Comitatu* *Nienovia*. *Liber* *centualis* *Flandriæ* *Nienoven*, vulgus *Nienhoven*, quasi *Nienevæ* *villam* *nuncupat*. *Exiguum* *est* *oppidum*, *Alosto* *distans* *milliaribus* *duobus*, *distinctaque* *ab* *eo* *iurisdictione* *conspicuum*. *Com-*

S f

men-



FLANDRIÆ
Partes duæ.
quarum altera
PROPRIETARIA,
altera
IMPERIALIS
vulgo dicitur.

HA No:
LIE PARS.
Nobis Steven Præfatus Viro
D. IACOBO WHITS
Exercitus Ordinum Belgicæ
Federatæ Ephoro, et Concilii
militaris Præfidi ac præfidi
riorum militum in urbe Am
steldamensi Præfeto.
Viro de patria ac Reip. huius
salute præclaro merito, et
indies merenti. D.D.
Gulph. et Joh. Blacau

Milliarica Germanica
magna
Huius tabulæ Mensuræ
2
1
2

mendatur à Teneræ appulsu, ab Abbacia D. Corneli, ordinis Præmonstratensis, anno 1137 fundata per Gerardum Connestablium, virum nobilissimum: à nundinis itidem mense Septembri annuis, & arce, Ludovici Malensis tempestate à Gandensibus diruta. Fuit olim Henrici à Flandria castrense peculium. Iam pertinet ad familiam Egmondanam, cum territorio tenuis spatii, in quo Tempelmaria est. Celebris est scriptore Ioanne Despauterio, Flandriæ Prisciano, Grammaticorum coryphæo.

Quæ vox
Ambacti.

Præter Comitatum Alostanum, adjunguntur Imperiali Flandriæ quatuor illi pagi, sive potius unus pagus in quatuor regiones divisus, quos vulgo *de vier Ambachten* vocant: regiuncula *Wafia*, & pagi quidam agrique ultra Scaldim, Teutonice *'t landt van Overschelde*. Sunt autem quatuor ipsi Ambacti, *Hulsti*, *Axele*, *Affenedæ*, *Bouchautæ* nominibus insignia. *Hulsto* conveniunt 12, *Axelæ* 7, totidem *Affenedæ*, *Bouchautæ* quatuor. Ambacti vox oritur ex vocibus *Ampt*, contracte *Am*, quod munus publicum significat, & *Acht*, in æstimatione habeo, ut *Ambachtus* sit & collegium voluntarium, dignum cui obediatur; & is, qui in tale collegium cooptatur, sive ruri, sive in urbe, ita, ut illicitum sit cuiquam extra jus illarum sodalitatium exercere artificia, artesque mechanicas. Sic Iulius Cæsar: *Alterum inquit, genus in Galliis equitum hanc unam gratiam potentiamque novit, si quamplurimos circum se Ambactos clientesque habeat*. Porro terra quatuor Ambactorum triginta, ut dixi, pagos continens, tritici bonitate & candore, pascuorum ubertate, elicibus, appulsuque maris, *Lacu*, *Sassi* statione, & Abbatiis *Oostecloa* & *Dorisela*, commendatur. Inter illos pagos est *Honteneffa*. Ambactus *Hulsti* quatuor Ambactorum primarius est. Oppidum *Burggraviatu* superbit, elicibusque vicini, maris. Celebre est obsidione Archiducis Alberti à quo expugnatum & Fœderatis Ordinibus ereptum est. Iacet natales Corneli *Ianssenii* Theologiae Doctoris *Lovanienfis*, & primi *Gandavenfis* Episcopi. Distat *Teneramunda* quinque, *Gandavo* septem miliaribus. Metropolis est *Wafia*, regiuncula fertilissima.

Hulstium.

Axele.

Axella, in eadem provincia *Wafia*, unius quatuor Ambactorum, ut vocant, caput, uno & dimidio milliari *Hulsta* distat, quatuor aut paulo longius *Gandavo*. Oppidum est mediocre, quod superioribus seculis magnas vices sustinuit, ob *Gandavensium* vicinitatem; qui quum locum hunc ante nullis mœnibus clausum munivissent, urbs anno 1452 à Philippo Boni militibus, qui tum *Gandavenses* oppugnabant, capta, direpta & flammis deformata fuit, quia *Gandavo* clam commeatus & suppetias misisse accusabatur: sed postea incolarum & accolarum impensis fuit restituta, & utcunque mœnibus septa, ita ut magis adversus subitos incursus, quam obsidionem hostilem tuta esset. Hanc Illustrissimus *Araufionensium* Princeps *Mauritius*, cum Philippo *Sieneio*, adhuc pene adolescens, & necdum summæ præfecturæ in provinciis Fœderatis, abdicato *Leicestrio*, admotus, (sed paulo post *Hollandiæ* *Zelandiæ*que Præfectus factus) anno 1586 astu intercepit, 16 Iulii, milite per molem la-

pideam, quæ in fossa aquas sustinet & dirimit, in oppidum transcendente. Hispanus in ea quatuor omnino vexilla in præsidio collocaverat. major terror, quam cædes fuit; munimenta quoque, quæ in vicino locata erant, eodem impetu capta: & ut oppidi securitati consuleretur, vicini aggeres perfossi, & fluctus marini in campos longe lateque immissi. post illa urbs, Belgis tam opportuna, etiam vallis & propugnaculis permuniri cœpit; ut jam cuius obsidioni tolerandæ par esse videatur. Superioribus annis aliquot arva, quæ Belgæ consulto merferant, rursus fluctibus ducto aggere erepta, annitente imprimis Peronio illius Præfecto; qui astus, quum urbs caperetur inventor & actor fuerat.

Terneusium, haud vulgare municipium *Flandriæ*, quod jam olim *Balivum* suum, *Scabinos* & alios iustitiæ ministros habuit, ab Illustr. D. D. Ordinibus confœderati Belgii primum muniri cœpit, & præsidio adversus Hispanum instrui. natura ipsa & situ munitissimum est, quippe pene in medio terrarum situm, quas fluctus singulis duodecim horis opplent; unde accessus ad id difficillimus est.

Terneusium.

Rupelmunda itidem in *Wafia* est, nomen sumens à flumine *Rupela*, quod ex adverso in Scaldim aquas suas exonerat. Iacet ad lævam Scaldis ripam, ex opposito ostii *Rupelæ*. Arx est miræ antiquitatis, cujus crebra in *Flandrorum* annalibus mentio fit. Arci adjacet pulcher & sic satis amplus pagus, cui natales suos debet *Gerardus Mercator*, Cosmographus celeberrimus.

Rupelmunda.

In hoc tractu est etiam propugnaculum illud vulgo dictum *'t Veer*, ad sinistram Scaldis oram. Pervium est, & liberum fluminis trajectum in urbem *Antverpiam* præstat. Causæ hujus munitio- nis ab *Arebergio* factæ, sunt hæ: Anno 1592, 18 Ian. locus hic *'t Veer* à milite quodam præfidiario utriusque propugnaculi *Lillo* & *Liefkenshoeck*, occupatus, & milite intus resistente trucidato, omnibus, quæ huc è castello *Antverpiano* propter rebellem militem transportata fuerant, inter quæ arca margaritis plena, spoliatus fuit. Sequenti vero anno *Batavi* miles triremi impositus, noctu navem prætoriam, in Scaldi quiescentem prope *'t Veer*, invasit, prædamque inde avectam septem aliis juxta navibus divitem ad *Zelandiæ* oram exposuit; & plura similia.

Atqui hæcenus de ea *Flandriæ* parte actum, quæ Imperatoribus Sacri Imperii fidem jurare solebat. Continet autem hæc eadem tabella *Flandriam Proprietariam*, quæ soli *Flandriæ Principi* jurabat. Ad hanc pertinent *Teneramunda*, *Gheersberga*, *Bornhemium*.

Flandria Proprietaria.

Est autem *Teneramunda* hinc pratorum & fluminum amœnitate læta, inde arborum ubertate dives, sita ad limites *Brabantia* *Flandriæ*que, ad meridionalem Scaldæ plagam, in solo Imperii sive Romano, ut *Dintherus* vocat: quod & situs demonstrat, & omnes Scriptores fatentur; eâ loci opportunitate, ut vix major esse queat. Est enim præstantissimis, nobilissimisque Belgicæ urbibus cincta. Intra sextum milliare habet *Antverpiam* & *Mechliniam*, intra quintum *Gandavum*, *Bruxellas*, *Hulstium*, & denique intra secundum *Alostum*: ad quæ omnia non terrâ solum


Teneramunda.

solum commoda via patet; sed & aquis merces ultro citroque transvehuntur. Esse vero non Feudum Imperii, sed Alodium, vel ex divisione Flandriæ apparet: quæ quum dividatur, ut jam ante dixi, in Comitatum, Imperialem, & Proprietariam, & proprietariæ nomine Teneramonda censetur; nominis indicio liquet neminem superiorem agnoscere hujus oppidi dominum: nec Gallo debere fidem ut Comitatum; nec Imperatori, ut Imperialem: Gallici Iuris numquam fuisse palam est: Imperatori si deberet, nihil opus haberet tertio hoc divisionis membro: Inter Imperiales enim censeretur, non proprietarias. Et ut omittam illud proprietatis nomen, quum variæ fuerint controversiæ inter Imperatores & Comites Flandriæ, ob non præstitam fidem ratione terrarum Imperialium, nulla fuit umquam contentio de supremo in Teneramondam dominio. Existimandum vero, etsi non ab Imperatore, imperia-

liter tamen hanc ditionem possideri, & dono quondam Imperatoris, Alodium privati juris factam: Quando autem ab Imperii clientela defecerit, incertum est. Manuscriptus quidam de Flandriæ Codex, vocat Teneramondam Francum Alodium, & Resortum quidem in Flandria debere; non esse tamen Flandriæ Feudum.

Gerardomontium Flandri vocant *Geertsberghe*, Galli corrupte *Grandmond*. Situm est ad eundem Teneram, & Aldenarda dumtaxat tribus, Teneramunda vero quinque leucis abjunctum, per exiguum quidem, sed amœnum valde oppidulum. Conditum fertur à Balduino Montensi, Comite Flandriæ, anno 1068, quo tempore de illustri quodam Dynasta, ut ajunt, Gerardo, viatoriam reportaverat, cui recens oppidum fecit cognomine. Gerardomontensis fuit Marcus Nævianus vir insigniter doctus, & complurium operum scriptor.

T E R R I T O R I U M T E N E R Æ M O N D E N S E .



Habet ditio Teneramondensis ad ortum Brabantiam: ubi etiam à ditione Bornhemia Scaldis dividit, ut ad Septentrionem à Wafia Durma. Ad occasum finitima est huic Castellania Gandensis, inde Aloftana ditio: quæ etiam Meridianum latus claudit. Mediam fere Scaldis secatur. Tenera etiam qui urbi nomen dedit, per Comitatum Aloftensem huc delapsus, aliquam partem rigat. Unde præter ingentem commoditatem, summa etiam terris ubertas. Ager cum omnis generis frumenti est ferax, tum etiam canabis, & præ tota Flandria, imo Belgica lini abundans: quod ex adfatis, dissitisque locis, hebdomadatim hinc mercatores petunt. Prata irrigua & lata gramine. Sylvæ neque multæ, neque magnæ; lignorum tamen affatim ex contermina Brabantia advehitur. Pagos universim habet sedecim; quorum cis Scaldim siti sunt hi: *Opwijk*, *Wetere*, *Bella ad Scaldim*, *Bella ad Teneram*, *S. Gillis cum Swiveke*, *Basferode*, & *Lebbeke*. Ultra vero in latere Flandrico: *Zelee*, *Hamme*, *Vuytberghen*, *Overmeere*, *Berlaere*, *Calckene*, *Laerne*, *Grimberghe*, & *Moerseke*. Ex his omnibus octo tantum censentur Tribunalia Principis, Teneramondæ Domini adnumeratis etiam iis, quæ annos aliquot pignori data fiduciario jure possidentur. Sunt autem hæc: *Zelee*, *Hamme*, *Wetere*, *Opwijk*, & *Lebbeke*; *Bella ad Teneram*, cum *S. Gillis* & *Swiveke*, *Grimberge*, *Berlaere*, *Basferode*. Cætera loca à Dynastæ clientibus hæreditario jure tenentur.

Pagi in hoc territorio vel immediate Domino Teneramondæ parent, & duo Dominia fiduciario jure possidentur. Omnium agmen ducit *Zelee* amplitudine; continet enim 2500 terræ bonaria, fertilitate, divitiis, cæterisque longe præcellens, numero etiam incolarum tanto, ut cum multis non minimis oppidis queat comparari. Ad Belgica.

Septentrionem Durma irrigatur, ad meridiem Scalda, sed non tanto spatio. Illic lætissima habet prata, hic nulla: præter alios fructus, maximus hic est lini proventus, quod per totum annum varie distrahitur; plurimum tamen nundinatione anniversali, quæ magna celebritate quotannis celebratur ipso D. Michaelis.

Sequitur *Hamme*, in limite ditionis ad Durmam flumen, insignis pagus. Habet ejus dominus præter constitutionem Majoris, Messarii, Scabinorum, aliorumque munerum, Ius aucupii & venationis: altam vero justitiam, relevia feudorum, jus decimarum, in venditionibus optimum cathallum, & multas, quæ tres libras excedunt, cum imperio in Vassallos, aliisque regalibus, Princeps sibi reservavit. In templo Divi Petri humanum os visitur, in Durma flumine olim inventum, quod femoris esse palam est; tantæ magnitudinis, ut si cum aliis conferras, in duplum excedat. continet enim in longitudinem quatuor pedes, & sesquipollicem; in ambitu vero qua angustissimum, tredecim pollices.

Circa fines hujus pagi vicus est, cui à Templi nomine *S. Annæ* nomen. Incolæ Hammenses censentur: parentque eidem Domino, & eorum semper aliquis inter Scabinos ejus pagi.

Wetere, in colle media inter Gandavum & *Wetere*. Teneramondam via: unde lætissimus quaquaversum prospectus, vel in ipsam Gandam latissime extenditur, etiam ultra flumen; ubi complectitur *Eertburam*, procurritque ad usque *Loekeren*, *Walfiæ* pagum. Inibi visitur vetus illud prætorium *vander Most*, Flandris finitimisque populariter notum; quod ab antiqua gente *vander Most*, nomen habet. Ut *Hamme* Durma, ita *Wetere* Scalde ditatur. & ad mille octingenta bonaria pagi amplitudo se protendit.

Sequitur *Opwijk*, quod alioquin tertio fere loco numeratur. Hic termini Brabantiae, & hujus

T t

jus

jus ditionis concurrunt, eo loco qui dicitur *den Merchtenſſchen Caeter*, id est, Merchtenenſis planities.

Lebbeke.

Hic vicina est *Lebbeke*.

Denderbelle.

Non procul inde *Bella* est ad *Teneram*: unde etiam vulgo *Denderbelle*, id est *Tenera Bella* dicitur. Visuntur hic parietinae antiquae arcis ad fluminis ripam, quam Incolae affirmant multis aetatibus demolitam in ruinis jacuisse. Est autem dicta Arx Dominium & Feudum, quod à *Teneramondæ* Domino tenetur. Cujus ratione licet possessori majorem statuere, qui cum Feudatariis haereditat & exhaereditat, quoad ea quae dicto dominio subsunt. Olim fuit in familia de *Masseme*: Post *Masminios* fuit gentis *Vyterſwaenen*, nunc *Yedeghemii* potiuntur.

Sant Gilles.

Propius urbem pagus est, qui *S. Egidii* dicitur: olim vero *Swyveka* & *Swevika* vocabatur.

Grimbergen.

Alia parte ultra *Scaldis* vicina est *Grimberga*, ab incultis montibus nomen habens. *Grim* enim prisca lingua tetrum, ferum, torvum, & incultum notat. Et quidem habet hic pagus incultos aliquot colles, sed aliorum locorum fertilitas, quam vicinus *Scaldis* affundit, facile hoc soli vitium compensat.

Berlaere.

Grimbergæ quoad inculta dissimile non est *Berlaere*, ubertate tamen fructuum longe impar. Locus est natura munitissimus: Nam praeterquam quod multis partibus, praesertim meridiem versus colles tuentur; habet insuper à latere, fronte & tergo *Scaldis*, cujus alluvia intra aggerem ad Incolas spectare, nuper à Principe definitum: quae autem extra aggerem & nunc sunt, & in posterum *Scaldis* adjiciet; ab Archiducum *Quaestore Carolo de Steelandt*, emptione sui juris fecerunt. Alterum vero latus longo tractu palustria tegunt; in quibus sparsim locus est naturae miraculo memorabilis, praeter accolae paucis notus. Hujus ea natura est, ut cum quotannis omnem circumquaque paludem aquae tegant; licet aequae declivis, semper tamen emineat; neque ab hominum memoria umquam mersus sit; sed semper supra quamvis undarum altitudinem surrexerit, caetera frugifer, & salubris; sive spongiosa terrae cavitas id efficiat, sive intus levis materiae abundantia mergi vetet, sive occulta aliqua ratio in causa, non definitio. Eodem pago, ea regione, quae collibus adjacet, ad australe templi latus, ingentes lacus visuntur: qui etiam, non acclivi modo situ, & variorum piscium abundantia mirandi sunt; sed insuper, quod aestate, ubi hic illic aliqua tepet, alibi glaciale ingressis affundat frigus: sive scaturigo aliqua id effecit; sive occulta naturae vis, incertum.

Basfode.

Supereſt *Basfode*. Etenim id nomen latius se diffundit, quam *Teneramondæ* Dominus mediate vel immediate possidet. Complectitur enim varia loca ad ripam *Scaldæ*, contiguos omnia limitibus; quae distinctionis causa alia insuper nomina adſciſcunt; nempe *Basfode*, *Vlaſſenbroeck*, *Sancti Vyſmari* *Baefrode*, *Sancti Amandi* *Baefrode*, & *Sanctae Mariae*, sive *Mariekercke* *Baefrode*. An olim haec omnia unica *Basfode* appellatione comprehensa sint, & dein cum ad commoditatem populi varia templa structa sunt, à templi nomine nomen acceperint, incertum; etsi verisimile.

Suum tribunal habet: penderque à *Teneramondæ* dominio, qui Majorem illic statuit, & septem Scabinos: Hoc tribunal *Basfodii externum tribunal* vocant; ad distinctionem sui tribunalis, quod *internum* dicitur. Veteres autem memoriae *Tribunal Regium* illud indigetant; quia Regi *Teneramondæ* Domino immediate suberat.

Basfode vero *sancti Vyſmari* postquam diu conjunctum cum *Moerſe* dominio possessa esset; tandem etiam seorsum domini titulum accepit, & in externam familiam commigravit.

Mariekercke *Basfode* vero extra limites *Teneramondensis* domini sita, ditioni *Bornehemiae* subcenſetur; At vero paullo amplius juris in *S. Amandi* *Basfodam* Domino *Teneramondensi* esse, non hinc solum liquet, quod tertiam partem multarum, & optimi cathalli hic habet, quam debent omnes, exceptis civibus *Aloſtenſibus*, & *Gerardimontanis*, sed etiam quod olim *Robertus* primogenitus *Guidonis* *Flandriae* Comitum, ut Dominus *Teneramondæ* cum Abbate *S. Amandi*, & *Leonio* Domino de *A*, milite, itidem dominis, praescribit hujus pagi cultoribus statuta de multis & poenis. Habet dominus omnem iustitiam civilem & criminalem, omnis generis, cum omni jure quod competit Dominis habentibus altam iustitiam. Et inter caetera recipit tertiam partem multarum, & optimi cathalli ab omnibus incolis, exceptis civibus *Aloſtenſibus*, & *Gerardimontanis*; alterum trientem *Teneramondæ* Domino deberi jam dixi. Tertium caput *Grimbergæ* Dominus. Incolae ejus loci sunt immunes à vectigalibus, impositionibus, & militia; cuius immunitatis gratia sunt devincti Dominis *Teneramondæ* & *Grimbergæ* singulis annis in unum diem mittere viginti quinque viros ad fodiendas urbis fossas: *Antverpianis* itidem, ad fodiendum veterem rivum ejus urbis dictum de *Burchtgracht*, (id est *Burgi* fossam) eaque ratione, sunt liberi à telonio, ubi *Teneramondani* & *Grimbergenſes*, & ubi subditi *Marchionatus* *Antverpiensis* fruuntur ea libertate, exceptis Civibus *Aloſtenſibus* & *Gerardimontanis*.

Novus Burgus vicus magis est in suburbio quam pagus: nullum enim hic Tribunal, aut Scabini. Itaque oppido accenſetur, & iisdem utitur privilegiis. Locus est munitioni opportunus, inter paludes, quae à nomine vetusti facelli, cujus nunc nihil praeter locum ostenditur, *D. Odulphi* paludes dicuntur, & duo flumina, *Scaldam* & *Teneram*: habuitque non antiquitus solum, sed etiam nuperrimo bello arcem, quae tamen excisa est.

Pagi, qui à Domini subditis, in clientela haereditario jure possidentur, habent singula sua sibi Tribunalia, ubi Domini per Praetores, Majores, & Scabinos, quos ad lubitum statuunt & destituunt, iustitiam exercent civilem & criminalem. Varias insuper habent clientelas; dein piscationem, aucupia, venationem, cygnos: praeterea redditus pecuniarios, & aliarum rerum Optimum insuper cathallum eorum, qui iis locis moriuntur, sive Indigenae sunt, sive Inquilini, sive Peregrini, nisi aut natalibus, aut inscriptione *Teneramondæ* civitatem sint adepti. Praeter haec certa emolumenta, cum arborum possessor mutatur

mutatur, aut emptione, aut mutatione, morte etiam, si feudalia bona sint: Confiscationem adhuc, & nothorum bona, eaque quæ incerto possessore aut relicta sunt, aut in ripas ejecta: Ius item arrestandi, captivandi, dimittendi: Quæ omnibus fere communia, semel hic ob oculos pono; ne sæpius iterando Lectori molestiam pariam, & fastidium, sunt autem hæc: Cis Scaldim, *Schelle-Belle*: trans Scaldim vero *Moerseke*, *Vytberge*, *Overmeere*, *Calckene*, & *Laere*.

Schellebella, quasi *Scheldebella* dicitur; Latine *Bella ad Scaldim*, in cujus crepidine sita est, ad discrimen alterius *Belle*, quæ eadem ratione *Teneræ Bella* dicitur. Habuit olim insigne ad Scaldim Prætorium, sed eo per nuperi belli turbas exciso, novo eoque ampliore ædificio exornatur. Forum habet spatiosum, celeberrimum annali nundinatione, equorum præsertim. In hoc pago, loco qui *Tuschenbeke* dicitur, Cœnobium est Virginalis, cum Præpositura Præmonstratensis; olim in *Cerscamp Aloftanæ* ditionis pago, ab Swani Aloftensis vidua fundatum anno 1138. Cæterum quem locum Cœnobio suo ea vidua legerat, posteritas mutavit, hac præsertim ratione, quod ita circumquaque serpentes omnia infesta redderent, ut ne altaria quidem ab hoc malo essent tuta. Obit adhuc Præpositus, quem ab Abbate Troncinensi accipiunt, Pastorale munus in *Cercamp* ne omnino primæ institutionis memoria abolita videatur. Appendix *Scheldebelle* est *Wansle*. Ante duo sæcula vero & amplius, triens *Schellebelle*, cum *Eertbrugge* (quæ certa Regio est hujus pagi, suis etiam privilegiis & immunitatibus ornata) erat penes familiam *van Belle*.

Ultra Scaldim prima *Moerseca* occurrit, intra primum ab urbe lapidem sic sita, ut potissimam sui partem alluvioni debeat. Hanc longo ambitu Scalda munit: cujus etiam hic antiquus alveus visitur, qui aggeribus excluso amne utilem piscationem ministrat. Non procul à ripa antiquæ molis rudera visuntur, cujus rei, aut temporis, vulgo incertum. Incolæ arcem fuisse existimant, ut alibi multæ circa fluminum ripas. didici, vetus *Moerseca* Dynastarum domicilium fuisse. Duplex hic est Scabinorum ordo, quorum prior cum Prætoze agrorum, arborum, & universim pagi res curat: alter cum Sculteto ea quæ ad paludes & prata spectant. Est in hujus domini finibus celeberrima statio navium eo loco, qui *drie Goten*, id est *tres Canales* appellatur. Inter quadraginta Feuda, quæ hujus Domini beneficio possidentur, clientelam *Moerseca* Comarcho debet *Basseroda* S. Vrsimari Dominus, ratione ejus domini, quod à *Moerseca* dependet. Iunctum id à prima origine *Moerseca* existimem, quia illius est Feudum, & aut partitione hæreditaria, aut aliàs divulsus. Est autem *Basseroda* sita ad Scaldim, intra primum ab urbe lapidem, habetque celeberrimam stationem navium, quæ indies ultro, citroque Antverpiam commeant, statis ad æstum temporibus. Hujus agrum ita Scaldis suo fluxu & refluxu detexit, ut ab uno anno, vix credibile terræ spatium gurgite hauserit; quod ad oppositos *Moerseca* aggeres allisum, multa pratorum jugera illi pago adjecit. Templum habet divo Vrsimaro sacrum, amœnissimo ad flumen situ.

Præter *Basseroda* aliud insuper dominium *Moerseca* complectitur, quod *Castelle* vocant: cujus titulo conjunctum cum *Moersicano* Domini antiquitus usi.

Sequuntur pagi duo, *Vytbergen* & *Overmeere*, quorum ille à vicinis *Berlaræ* montibus, aut tumulis potius nomen habet, ut si dicas *Extra Montes*. hic vero à situ ultra lacum, qui *Vytbergæ*: unde etiam inibi plateæ nomen, *de Meerstraet*, id est, *Lacus platea*. Prior ille pagus est ad Scaldim, qui fluvius prata quotannis inundans, magnam herbis & pecoris adfert ubertatem. Alter in vicina. Illius titulum Dominus præfert ob antiquitatem. in *Overmeere* ædes toparchæ: præter ædificii antiquitatem, loci amplitudinem, villæ commoditatem, amœnissimæ sunt vivariis, arboretis, hortis.

Hic contiguum est *Calckene*, Gandavo & *Teneræmonda* æqualiter distans, cujus extrema longo tractu Scaldis beat: ex quo navigabilis rivus, cum commodissima statione manu ductus est anno 1540. Oppidulum hic olim stetit, ut vetus inter incolas narratio est, eo vico qui *Rot* dicitur, opportuno ad Scaldim loco: ejusque rei argumentum, varia sparsim fundamenta, quæ adhuc indies eruuntur. Dein plura hic antiquitus fuere Prætoria, & ex iis potissima duo, in vicis *Raveschoot* & *Gavere*: atque ibi quidem *Flandriæ* Comites domum venatoriam, hic vero priscam gentem de *Calckene* domicilium habuit.

Extremus ditionis *Teneræmondanæ* locus est *Laerne*; ad limites *Castellaniæ* *Gandensis*, & ditionis *Oudenburgicæ*; qui & ipse uberrimo Scaldis amne ditatur. Arcem habet vetustam, cujus varie *Annales* meminerunt.

Præter Majores & Scabinos dictorum locorum, qui vel mediate, vel immediate *Teneræmondæ* domino parent; universim insuper dictis pagis, & quodcunque est territorii *Teneræmondani* præfunt Septemviri, ex domini pagis electi, quos Scabinos Capitales vocant: habentque nunc ut Scabini urbani, Syndicum, Quæstorem ararii, & Scribam. Horum est homines territorii, & privilegia universim, & singulatim tueri; rem numariam curare; assensu Principis tributa indicere; partitiones singulis pagis transmittere; & de his quotannis coram Domini delegatis rationem dare. Præterea si quid olim in materia civili controversi, & dubii, in judicando Scabinos dictorum tribunalium morabatur, ad hos deferri solitum, ut sententiam suam exprimentes, eam nomine scabinorum pro tribunali, ubi causæ ventilabatur, pronunciari mandarent: idque vocant, ut jam dixi, ad Caput ire, & sententiam capitalem. Duravit autem ea consuetudo capitalis sententiæ, ad nuperos usque *Belgicæ* tumultus, ex quo in defuetudinem abiit. Hos existisse, & insuper quod de capitali sententia dixi, usitatum fuisse, vel ante Roberti Advocati tempora, id est, circa annum 1200, satis liquet ex ejus conventionione cum Capitulo *Cameracensi*; ubi hæc sunt verba: *Et sciendum quod dicti Scabini de Odenghem, pro enquesta questionum de hereditate, & cathallo, debent ire ad Scabinos terræ de Tenremonda, ad quos usque nunc iverunt; pro enquesta vero aliarum querelarum, & forefactorum, ibunt ad Scabinos de Tenremonda,*

Scabini Capitales sive majores, & eorum munus.

monda, vel alibi infra dominium terræ de Tenremonda, prout Ecclesiæ Cameracensi videbitur expedire. Itaque ævo priores videntur septemviris Wasiæ, quos demum anno 1241, à Ioanna Comite Flandriæ, & Thoma Sabauda ejus marito, institutos constat. Eos video conventum & confessum habuisse in arce, sive domo Teneræmondana: Quod palam facit transactio Roberti Guidonis primogeniti, cum Canonicis Teneræmondæ; super multis in Moorle, Wiese, & Gheverghem; ubi hæc verba: *In omnibus forefactis, & infracturis, in locis prædictis evenientibus, super terris & tenemento dictorum Canonicorum; in quibus Dominus Teneræmondensis participat, judicare debent dicti Scabini secundum legem & statuta Hominum Domini Teneræmondensis; & ad eos venire, si opus fuerit, ad enquestam: in reliquis vero in quibus Dominus Teneræmondensis non participat; ad Scabinos Capitales terræ Teneræmondensis, in domum de Teneræmonda, veniant ad enquestam, & secundum eorum legem, & statuta judicent de eisdem.* Vbi illud etiam notandum est; legem & statuta eos habuisse, quæ penitus intercederunt.

Quantum
ad Flan-
driæ expen-
sis d'io hæc
conferat.

Nunc ut tamquam è tabella Lector videat, Teneræmondæ, ejusque territorii opes, & amplitudinem; operæ pretium facturus videor, si cujusque pagi terræ utilis dimensionem hic subjungam, ut facta est anno 1552. & insuper ex censu sive transporto Flandriæ, ut vocant, quantum ad communia Flandriæ tributa, ab hac dynastia conferatur. Et quidem quoad oppidum, id in centum libras, quas omnis Flandria confert, solvit decem solidos, id est, ex ducentis libris unam. Territorium vero viginti novem solidos: eaque ratione, in mille libras, quatuordecim libras, & decem solidos: fitque partitio hunc in modum, quæ à dictis Scabinis Capitalibus ad singula loca transmittitur.

Zele continet 1903 bonaria, dodrantem & 24 decempedas: solvit duas libras, & unum solidum.

Hamme continet 1439 bonaria, dodrantem & 22 decempedas: solvit libram & septem solidos.

Opwijk continet 1113 bonaria, quadrantem, & 56 decempedas: solvit libram & octo solidos.

Wiberge & Overmere 983 bonaria, dodrantem, & 46 decempedas: solvit octodecim solidos.

Berlaere continet 9034 bonaria, dodrantem, & 106 decempedas: solvit sexdecim solidos.

S. Gillis, Belle, & Swireke, continent 601 bonaria, & quadrantem, solvunt simul unam libram.

Wettere cum *Lichtervelde* continet 1273 bonaria.

Schellebelle cum *Wansle* 570 bonaria, quadrantem, & 64 decempedas: solvunt simul cum *Wettere* duas libras & duos solidos.

Laerne continet 940 bonaria: solvit cum *Lichtervelde* quindecim solidos.

Calckene continet 1071 bonaria: solvit unam libram, & duos solidos.

Grimberghen continet 545 bonaria, & semi, & centum decempedas: solvit duodecim solidos.

Moerseke continet 381 bonaria, & semi, & centum decempedas: solvit novem solidos.

Baseroede & Vlaffenbroeck continent 468 bonaria, & sedecim decempedas: solvunt sedecim solidos.

Lebbeke continet 951 bonaria, quadrantem,

& 72 decempedas: solvit unam libram, & quatuor solidos.

Summa hujus partitionis, ut ante dixi, continet quatuordecim libras, & decem solidos, in singulas mille libras; Territorii autem amplitudo 13 millia bonariorum complectitur, & insuper 193 bonaria: dodrantem & octo decempedas.

Prædicta autem partitio ita decreta est, sub Carolo V Cæsare. Fuerat quidem ante conscriptus hujusmodi census sub Roberto Betunio, & multo post sub Ioanne Burgundo Ardenburgi: sed cum uno & amplius sæculo, magna mutatio locorum facta esset, aliis locis bello vel inundatione minutis, aliis contra auctis, eaque ratione illa distributio ad inæqualitatem recidisset, novoque ad id opus esset æquilibrium; missi Teneræmondam à Carolo Cæsare *Guilelmus de Wael* Eques, *Hansbecæ* & *Axpoelæ* Dominus: *Petrus vanden Houte*, & *Adrianus Rokeghem*: qui quanta fieri potuit accuratatione, modum Iustitiæ distributivæ servantes, novum Flandriæ censum condidere, qui adhuc est in usu, & erit: donec ob dictas causas nova iterum erit opus partitione. Hujusmodi autem censum *Transportum* vocant, quod cum Roberto Bethunio ex iniquissimo carcere redimendo, Flandri Regi Philippo Pulchro viginti millia nummum Turonensium (*Meyerus* triginta millia dicit) promississent, datis pignori Insulis, Duaco & Orciaco; ejusque summæ semissem præsentanea pecunia redemissent, reliquum pro opibus singularum urbium, pagorumque in Regem transportarunt. Quam tamen pecuniam falsis hostium pollicitationibus adductus, ad se Robertus retraxit: relicto Regi pignore, & renunciata redimendi facultate. Quam Galli perfidiam, utraque egregie gens luit: neque ulla umquam solida pax coit, donec hæreditate materna Ludovicus Maleanus dictas urbes recepit.

Præter ea quæ diximus loca, insuper territorii Teneræmondensis censentur alia tria, quæ quidem non æque ac superiora huic Dominio subsunt, cum jam diu facta Ecclesiastici Iuris amortisata dicantur; Feudo tamen tenentur ab hujus dynastiæ curia, & quamvis cum cætera ditione in censu Flandriæ non contribuant; suum tamen onus pendunt cum hoc oppido; idque certa proportionem, sunt autem *Appels*, & *Odenghem*, *Eeghen*: contiguus omnia limitibus inter Teneram & Scaldim.

Et quidem quod ad *Appels* attinet, id nomen habet à *S. Appollonia*, quæ nostra lingua (ut & Apollonius) *Appels* dicitur: ad cujus memoriam celeberrima hic quotannis peregrinatio; quia cum primis creditur averruncare dolores dentium. Omnem hunc pagum, excepta hæreditate Domini Teneræmondensis, & servis quos ibidem habebat, legavit *Margareta Domicella de Tenermonde*; Roberti Betuniæ & Teneræmondæ Domini matertera, Abbatissæ Swivecanæ Ordinis Cisterciensis; cum omni jurisdictione, civili & criminali. Quæ donatio ut rata foret, curavit eam confirmari.

In finibus hujus pagi trajectus est ultra Scaldim, qui à Canonicis Teneræmondanis in clientela Principis possidetur. Cæterum alluviones ad Incolas spectare, sub annuo censu, nuper à Prin-

Principe definitum; non solum cis flumen, sed etiam ultra, eo loco, qui dicitur *bet Eylandt*, id est *Insula*, quam Scaldis novum quærens alveum, à cætero pagi corpore avulsit.

Sequitur *Odenghem*, quod nunc vulgo *Oudeghem*, & *Auweghem* dicunt; id partim est alodium Ecclesiæ Cameracensis, partim vero nostræ Curia Feudum. quatenus alodium, datum est illi Ecclesiæ à Gerardo Secundo, trigesimo tertio Cameracensium Præsule. Quod reliquum est Feudum Curia Teneræmondensis, id Canonici pretio suum fecere, cum ante esset Elisabethæ de Blauwere, uxoris Reginaldi Boccaert. Est autem Feudum hoc dominium, quod complectitur circiter sexaginta clientelas, & alia insuper triginta quatuor hominia; sed quæ non stant iudicio tribunalis hujus domini. Sunt autem ea sparsim sita variis in pagis, *Mespelaere*, *Nieukercke*, *Everghem*, & *Leeuwe*, in ditione Aloftana.

Præter *Appels* & *Oudeghem*, de quibus dixi, Teneræmondæ insuper accensetur *Eeghene*, quod dynastarum dono jamdiu ad Abbatiam Affligemensensem translatum est; habeturque Feudum quod Teneræmondæ Domini beneficio possidentur. Suum Tribunal habet; sed in Ecclesiasticis subcensetur *Wichlina*, pago ditionis Aloftana.

Superfunt *Wiese*, *Moorsele*, *Gheverghem*: quæ loca partim familiæ Teneræmondanæ, nunc etiam, quatenus Canonicis subsunt, Teneræmondæ Dominio annumerantur; solentque ut reliqua, ad dictos Septemviros sive Scabinos, Capitales Territorii, ad inquestam ire, ut ex variis, quæ supersunt, sententiis liquet. Sciendum inter Teneræmondæ & Aloftum esse, ultra Teneram.

Et quidem quod ad *Wiesam* attinet, ea in priscis diplomatibus *Winsia* appellatur. Est autem partim alodium, quod dono Ringoti & Adelwidis Dynastarum Teneræmondæ, ab hujus oppidi Canonicis possidetur; continetque tertiam totius pagi, estque à vectigalibus, impositionibus, aliisque hujusmodi oneribus immune, ad militares tamen expensas Præsidi Teneræmondani cum hoc oppido contribuit. Reliquum vero Feudum est, quod à Comitatu Aloftensi tenetur. Spectabat autem nuper ad nobilem gentem de Yedeghem; nunc Pontificio consensu permuta-

tione per Ioannem de Yedeghem Wiefiæ Dominum, cum Canonicis facta; alodium hoc eidem Feudo connexum est, aut connectendum putatur.

Sequitur *Moorsele*, partim ditionis Aloftanae ut dixi, partim Alodium; quod itidem Canonici Teneræmondenses, veterum præbendarum ut vocant, possident, dono dictorum dynastarum Ringoti & Adelwidis. Complectitur autem pagi duos trientes: habentque ibidem Majorem, & septem Scabinos: quorum tres ex Wiefia delinguntur, ceteri hinc. Hi justitiam exercent civilem, & criminalem, iis locis qui Canonicis, ut Dominis, sunt obnoxii. Criminales tamen sententias Prætor Teneræmondanus exsequitur. quatenus autem hi ditionem habent, eatenus immunitas viget, qua Wiefiæ incolæ, Canonicorum subditi gaudent. Reliquum Alofto subcensetur.

Porro *Gheverghem* etiam Alodium est, *Moorsele* contiguum: in quod ex dictorum Ringoti & Adelwidis dono, soli Canonici nostri jus habent.

Tria hæc alodia, quæ dixi, cum prædicti Canonici jam ad annos 153, libere, ut ajunt, possedissent; tandem Robertus Guidonis primogenitus, paululum eorum jus restrinxit: ut patet ex contractu, qui ea de re & usu & scripto superest, cujus etiam verba hic citat Lindanus, de anno 1264, Feria quinta post B. Mariæ Magdalena mense Julio. Hanc etiam conventionem approbavit Roberti & Canonicorum rogatu, Episcopus Cameracensis: & nuper etiam Philippus II Austriacus: nominatim illum articulum de immunitate, ab exercitu & chevalcia. Sed ejus diplomata ne cui in posterum fraudi sit, visum hic errorem detegere, qui illorum vitio irrepsit, qui Regi supplicarunt. Nam cum dono Remigii sive Ringoti Calvi, Moorselam Canonici adepti sint, ut jam monui, & supra liquido constat, ex Odardi Præsulis diplomate; ejus tamen donationis auctorem Robertum Comitem per ignorantiam faciunt. At vero conformiter ultimo illi dictæ conventionis articulo, & 27 cum Capitulo Cameracensi, horum pagorum incolæ cum aliis nonnullis, comparuerunt coram Senatu Teneræmondano.

B O R N H E M B A R O N A T V S, E T C A S T E L L A N I A.



Ornhemium titulo Baronatus nobile Dominium, una est Ditionum illarum in Flandria, quas Castellanas vocant; tali-que nomine insignitur in libro Edictorum, in quo census Flandriæ positus, ad 14 Aprilis anni 1517. unde in hanc usque diem auctoritate gaudet, & prerogativis, quæ aliis per Flandriam Castellaniis concessæ sunt. Et declaratum id sententia Consilii Regii Mechliniensis ad 15 Julii anni 1633 contra inquilinos pagi de Hinghene, qui se eximere nitebantur. Est autem Bornehemium ea

Belgica.

ditio, quæ, sicut Teneræmunda & Gerardimontium, constituit tertium illud in divisione Flandriæ membrum, censenturque juris proprii, aut, ut Meyerus ait, *Optimo jure prædia, ac nulli obligata*. Quod, quoad Bornhemium, de priscis Dominis Flandriæ Comitibus intellige: qui ejus ratione neque Cæsari, neque Gallo fuere clientes; alioquin de hodiernis secus est: nam postquam ad Flandriæ Comites semel devenit; ea lege divulsus est, uti in eorum clientela possideretur. Limites habet ad ortum *Rupellam* fluviolum, qui illud fere peninsulam facit; (amnis est Nethæ & Diliæ, inquit Lindanus, qui juncti eo loco, qui vulgo

Vu

Tonghs-

Limites.



Tonghsken, id nomen adsciscunt: forte à curvato, erucarum more, fluxu & flexu. Nam & subtimidus est Rupella, & multos exiguo spatio meandros habet: & nos erucas, quæ simili incessu, Ruypen vocamus) ad meridiem limitanea habet dominia Depuers & Oppuers in Brabantia Ducatu sita, & pagum S. Amandi, rivulum item dictum Coninxbeke (id est, Regis Torrentem;) ad septentrionem Scaldi cingitur, ad occasum item, & pago S. Amandi. Complectitur autem intra domini sui limites, Bornehemum, Hingene, Haesdoncq, Wintam, Eycke, Luypeghe, & S. Mariae Baesfrodam, dictam Mariekercke; nam quod ad dominium de Opdorp spectat, quanquam ejusdem Castellaniae membrum sit, situ tamen disjungitur, estque limitaneum teris de Malderen, Buggenhout & S. Amandi. Quatuor in ea ditione sunt Parochiales Ecclesiae, Bornhemum, quæ sacra D. Ludgero; Mariekercke, quæ titulum habet Virginis Matris, sub Patronatu Capituli S. Jacobi Lovaniensis; Hingene, cujus dominio temporali potitur è gente nunc Scetzia, Baro de Hoboke, & Ecclesiae quæ titulo S. Stephani protomartyris insignitur, Patronatu Mechliniensis Archiepiscopi, ut Affligemii Abbas, Haesdoncq; hæ Parochiales: aliis duabus, videlicet Opdorp & Eycke, per Sacellanos deservitur.

Parochiales
Ecclesiae 4.

4 Tribuna-
lia.

Quatuor itidem sunt in hac ditione juri dicundo constituta Tribunalia, quæ omni justitia potiuntur. In Bornhemo videlicet, Hingene, Mariekercke, & Opdorp; inter quæ Principem obtinet locum, tribunal Bornehemense, ubi & Iustitiae administer Magnum se Prætozem indiget, adjunctoque sibi Bornehemensi Senatu, secundum veterem Flandriae calculum, partitur onera tam solita, quam insolita, ut militum hospitia, & alia, quæ in hac ditione nasci solent. Intra limites municipii Bornehemensis existat Prioratus

ordinis S. Benedicti Ecclesiae Paroeciali unitus, qui per vetustos Bornehemii Dominos olim erectus, fuit primum Abbatia Canonorum Regularium, quorum cum res fractæ bellis, & alia temporum injuria pæne dilapsæ essent, uniri Cœnobio Affligemiensi cupierunt, atque ita in Prioratum ordinis Benedictini præfata Abbatia conversa fuit, & in hodiernam usque diem sic perseverat. In ea Abbatia, conditor Wenemarus Castellanus Gandensis ipse humatus fertur, ejusque id monumentum fuisse (res hæc certo non niritur fundamento, quanquam asserat Lindanus) quod ante sacra hæc bella spectabatur circa Cryptam, ad septentrionale templi latus; Lindanus ait ex collectaneis Gailardi, qui etiam Felcardum Castellatum Gandensem, Wenemari avum, hujus Abbatiae conditorem existimat. Ejusdem gentis alterum ibidem sepulcrum visitur cum antiqua effigie, armata lorica, casside, clypeo, in quo, familiae Castellanorum ritu, (quod cum Escarbunculo Armorum Reguli vocant) insignia, & gladio in manu, cujus mucro sursum erectus, saxo adhuc inscriptum legitur; Sigerus Castellanus. Gandensem Castellatum nemo fuisse dubitet, tum quod hoc dominium stirpis olim Gandaviae, tum quod Gandensibus Castellanis peculiaris ille scribendi mos fuerit. Cæterum Priori huic, & Religiosis jus nominandi Pastores tam in Bornhem, quam Hingene & Haesdoncq, licet competere videatur, hujus tamen juris possessione excidisse, quoad Hingene & Haesdoncq videntur, ubi, præter oblationes, Priori Bornehemensi cedentes, solemnibus Festis, nihil habent.

Ad ripam veteris Scaldæ, qui istac præterlabi solebat, Arx visitur fortis & antiqua, cum turri mediam

mediam aream occupante, quæ cum ad Ripam fluminis illic structa censeretur ad munendum locum, merito antiquitatis ultimæ opus esse credemus, cum cætera quæ adhærent recentiora sint. Constat etiam diplomate ad annum 1223, à Toparcho Bornhemensi aquaticam molam erectam, ad locum vulgo Cortlandes, quod fieri aliter non potuit, nisi fluvio istac præterlabente. cujus etiamnum reliquæ vetus Scaldæ appellantur, quæ ad leucam grandem se protendunt, sub dominio Baronis constitutæ, piscatione & anatum captura felices.

Bornhemi incolis olim dedit privilegium Guido Flandriæ Comes, quod ex Colomensis familia Bornhemium nunc possidentis, Archivis descriptum publici juris fecit Lindanus.

Leges etiam, & libertatem, quas aliquot ante annis Mariekerckæ incolis Hugo de Gandavo Castellanus Gandensis dedit, antiquitatis interesset, nisi hic darem. Sunt autem hæc:

In nomine Sanctæ, & Individuæ Trinitatis, salutem in perpetuum. Quoniam fragilis est hominis vita, & labilis memoria, & ea quæ in mundo sunt, citius ab humanis sensibus evanescent; necessarium est, ut quæ ad posterorum notitiam pervenire debent, studio solerti scripto commendarentur. Eapropter ego Hugo Gandensis Castellanus, uxorque mea Oda, filiusque meus Hugo primogenitus, notum facimus omnibus tam præsentibus quam futuris, præsens scriptum inspecturis, quod villam de Basferode S. Mariæ, liberam sub hac forma constituimus:

Ut inhabitantes, villam liberam mensuras quinquaginta pedum latitudinis, & centum pedum longitudinis habeant: & singule mensuræ, singulis annis duos solidos Flandrenses, & duos capones, nobis & successoribus nostris solvant.

Concessimus etiam eis, ut habeant viginti bonaria palustris fundi, ad opus ignis, hoc modo: quod de quinquaginta jugalibus vehiculis, nobis duos solidos Flandrenses solvere teneantur. Et si quis plura vehicula receperit; magis solvet: & qui minus; minus.

Si quis vero inventus fuerit superflue plures turbas (id est cespices) sibi attrahere; sub forefacto quinque solidorum Flandrensium erit. Et si cui vendiderit; viginti solidorum prænotati numismatis nobis reus tenebitur.

Si quis etiam Burgenfium forefecerit in tantum, quod coram Iudicibus & Scabinis comparere minime ausus fuerit; nobis decem libras Flandrensis monetæ persolvat: & insuper alienabitur à villa libera per annum; nec redire in eandem, nisi de consensu Castellani & Scabinorum, ei licebit.

Si quis Burgenfis, alterius sanguinem fuderit; nobis trium librarum Flandrensium reus tenebitur.

Si quis alterum percusserit sine sanguinis effusione; nobis viginti solidos Flandrenses, & de conviciis & opprobriis quinque solidos persolvat.

Si quis extraneus quoque, prædictorum modo, in Burgenfem, infra libertatem liberæ villæ excesserit; duplici pœna punietur.

Constituimus etiam quod Burgenfis ejus dictæ villæ, nec Castellano, nec successoribus suis, nisi in propria terra, & infra Teutonicam Linguam, debeat assistere.

Si vero Castellanus, vel successor ejus, in communi exercitu captus fuerit; Burgenfes consilio Scabinorum in liberationem ipsius, manum auxiliatricem, & ad militiam filii sui primogeniti, & ad desponsationem filie primogenitæ, eis debent porrigere.

Et si contigerit quod aliquis extraneus dictam villam

residendi causa introierit; intra annum se & sua introducet; & nulli alias respondere tenebitur.

Et si quis Burgenfium utriusque sexus obierit infra libertatem; proximus extraneus non habet apponere in domum suam, nisi in eadem libertate manserit: & hoc Castellani & Scabinorum fiat consilio.

Constituimus etiam de thelonio: quod si quis extraneus vendiderit equum vel equam, vel extraneus emerit infra terminum libertatis; venditor dabit duos denarios, & emptor duos; & si quis extraneorum vendiderit aut emerit vacuum pecus, quod supra decem solidos valeat; emptor dabit duos denarios, & venditor unum. Nec aliquis Burgenfium solvet thelonium qui cumque infra ambitum libertatis novæ villæ emerit, vel vendiderit.

Insuper servi Castellani in villa libera permanentes, libertate villæ prænominatæ privabuntur.

Constituimus etiam pro bono pacis: quod ubi Castellanus pro alieno excessu decem libras acceperit; ille qui injuriam passus est, quinquaginta solidos recipiet; & ubi Castellanus tres libras acceperit, injuriato quindecim solidi persolventur; & ubi Castellanus viginti solidos acceperit, quinque solidi Flandrensis monetæ, injuriato tribuuntur.

Si vero contigerit, quod aliquis extraneus ad inhabitandum liberam villam advolaverit; Castellano duos solidos, & Officiali suo quatuor denarios, & singulis Scabinis duos denarios, & hos Flandrenses persolvat.

Injuriatus etiam Burgenfis, si queri neglexerit, idem patietur, quod injurias.

Censum quidem liberæ villæ tenentur Burgenfes in festo S. Andree solvere; quod si in eadem die non solverint: cum fore factu duorum solidorum Flandrensium persolvent.

Et si quis Burgenfis alias detentus fuerit, sive justè, sive injustè; Comburchenses sui tenentur ipsum liberare tali conditione; ut si justè fuerit detentus, liberare debent detentum sumptu ipsius: & si injustè; cum sumptu liberæ villæ revocabitur.

Et notandum: quod quidquid pagine præsentis forma non continetur; Scabinorum judicio relinquimus terminandum.

Ut igitur præscripta rata permaneant, & inconversa, & ab omni exactione liberrima: sigillorum nostrorum appensione, sub jurejurando roboravimus. Actum anno Domini 1528, mense Martio.

Eodem in pago Asylum est, quo se fontes in dies recipiunt, ob inviolatam loci immunitatem.

Consentiunt Historiographi Flandriæ Ottomem Imperatorem, cum is Imperii limites contra Francos munire vellet, Gandavi ad ripam legiæ arcem excitasse, quam ad discrimen veteris Castri Ganda, seu illius quod antea quoque à Balduino Ferreo conditum erat, Castellum novum appellarunt. Arcis illius præfectura primatibus viris commissa fuit, qui Comites nominati sunt, quorum sub potestate & jure posita quatuor officia cum oppidis suis, Assenedæ, Bocholt, Axela, & Hulsto, adjuncta Wafia, & ditione Alostana; præcipue, ut annonam inde miles præfidiarius habere posset. Hujus rei præcisum memorare initium non exiguus labor sit: Constat hoc tamen è primis Comitibus illis Wychmannum ad 961 Christi annum vixisse, & Lutgardem Arnulphi Flandriæ Comitis, seu Marchionis filiam, conjugem habuisse. Hunc è Bilingia nobilissima Saxonum familia oriundum fuisse, non pauci arbitrantur. Secuti Wychmannum alii Comites pari auctoritate & imperio,

Domini
Bornhemenses.

rio, donec à Flandriæ Principibus ea Arx Cæsari-
bus erepta fuit, in qua cum alii præfecti titulo
Castellani positi essent, Comites in Alostanam
ditionem secessere. Primus autem è Castellanis
fuit Lambertus, qui à Balduino Barbato Flan-
driæ Comite, qui ope præcipue hujus Lamberti
arcem novam ab Henrico II, Imperatore, ceperat
circa annum 1007, id munus hæreditario jure
posteris etiam suis cessurum accepit. An autem
veteres Gandæ Comites, ditionem hanc Born-
hemensem cum aliis dominiis suis supra memo-
ratis habuerint, hætenus non liquet, sicut nec
per titulos certos aliave authentica hætenus do-
cumenta constat, è Comitum illorum stirpe hunc
Lambertum fuisse: quanquam à non paucis id as-
feratur. Probabile tamen id omnino cum Gan-
davenfi Castello, parte Wasiæ, & quatuor
Officiorum, Bornehemienſe Castellum Lam-
berto donatum fuisse. *Wenemarus* enim quartus
Castellanus Gandavenſis, fundator Abbatiae
Canonicorum Regularium de Bornhem, voluit
ab his duos sæculares Presbyteros in Haesdoneq,
& unum in Bornhem constitui, prout, inquit,
avus ejus Folcardus, Lamberti, ut putatur, fi-
lius, & in Castellania Gandensi successor jussit.


Ab hoc itaque Lamberto, ad annum 1007
Castellano Gandavenſi constituto, series Topar-
chorum Bornehemienſium ducitur, de qua vi-
dendus *Andreas du Chesne* Gallus Turonensis, qui
de Gandavenſi stirpe, volumen, singulari studio
ac labore contextum, edidit.

Porro *Margareta Palæologa*, *Marchio Montisferra-*
tensis, & *Duciſſa Mantua*, anno 1567 mortua, cum
partitione quadam in vivis facta, dominium de
Bornhem reliquisset *Isabella Gonzaga* filia suæ,
eamque rem approbasset Dux Nivernensis ejus
filius, anno 1569, *Isabella* eadem possessio-
nem ejusdem domini adivit, eodemque ad an-
num 1582 potita fuit, uxor (*Alfonsum* nominat
Lindanus) *Marchionis Piscaræ*, & *del Vasto*. cujus
filius natu major *Alfonſus Felix Davalus de Aquio*,
Marchio itidem de *Piscara* & *Vasto*, in paterna bo-
na succedens, dominium hoc vendidit Domino
Petro Coloma, supremo rationum militarium in ex-
ercitu Belgico Regis Catholici Præfecto, Domino
de *Bobadilla*. Hic uxorem habuit *Ioannam l'Escuyer*
Roberti filiam *Vicecomitem de Doullens*, *Dominam de*
Brestel, *Tena*, *Alesnes*, *Seroux*, & *Morienſart*, ac liberos
plures; multa quoque beneficia contulit Ditioni
de Bornhem, signanter erecta super funda-
mentis antiqui repaguli è Regione Tamisiae ca-
taracta nova, per quam Domino permittente,
& non aliter, navigia egredi & ingredi possunt;
quæ res magna tam Castro Bornehemienſi,
quam terris aliis ad veterem Scaldam sitis, com-
moda adfert. Huic ad annum 1621 defuncto,
successit filius natu minor, Dominus *Alexander Co-*
loma, qui sobole nulla relicta, etiam anno 1625
pluribus additis est, in Toparchia ac Baronatu
successorem modo habens *Petrum Coloma*, virum
animis ac virtute præstantem. Porro cujus an-
tea mentionem fecimus, *Opdorp* pagus, vel potius
vicus est, quasi Flandriæ *Teneremundanae* laci-

nia, qua ab S. Amando & Basserodia pagos
Brabantiae, Malderen, Hippelo, & Buggenhou-
tum spectat. Qui in Opdorp nascuntur, aut mo-
riuntur, hi in Ecclesia de Malderen baptisantur &
sepeliuntur, quæ iis Parochialis est, adeoque in-
colæ Opdorpiani dicuntur vivi Flandri, & mortui
Brabanti. Hi etiam incolæ fruuntur immunitate
omnium publicorum onerum, & exactio-
num, quæ personas, res, aut jumenta inhabitantium
spectant, idque jure antiquissimæ possessionis at-
que etiam diplomatis, quod privilegii instar Co-
mes Flandriæ, Domino de Grimberges, & hæ-
redibus anno 1258 indulſit, & largitus est. Ex-
emplar hic subjicio. *Guido Comes Flandriæ universis*
presentes litteras inspecturis salutem. Noverit universi-
tas vestra, quod nos dilecto & fideli nostro Wilhelmo de
Grimberges Domino de Asche, & hæredibus suis post
ipsum pro fideli suo servitio, quod nobis multotiens impen-
dit, dedimus in augmentum fædi sui, quod de nobis tenet,
quidquid habemus apud Hupdorpe, tam in hominibus,
quam hospitibus, redditibus, decimis, sive aliis quibus-
cunque rebus, cum omni justitia alta, & bassa, libere à
nobis & nostris hæredibus, Comitibus Flandriæ tenendum
in perpetuum & habendum. In cujus rei testimonium
presentes litteras nostro sigillo fecimus roborari. Datum
apud Warneston anno Domini 1258 die Jovis post diem
Pentecostes, mense Majo. Hoc itaque privilegio lo-
cique situ, quasi inter Flandros, Brabantosque
medii, Opdorpiani publicanorum molestiis, ex-
actionibusque sese hætenus subdlexerunt. Perſu-
gium quoque casu delinquentibus aut alieno ære
oppressis, Opdorp semper tutum exſtitit, habi-
tumque est: celebre etiam emporium habens,
in quod omnis generis mercimonia, & magna
copia equi 3. Kal. Julii undiquaque libere infe-
runtur. Toparchia hæc Opdorp Castellum quod-
dam, ceu domum prætoriam habet, à Marselariis
ibi constructum, sacellum quoque. Exſtat
& alterum in eodem pago de Malderen Castel-
lum, aquis pariter & duplici fossa atque agmine
circundatum, dictum Curia de Marselaer; sive locus
à nobili gente nomen, sive hæc ipsa à loco ap-
pellationem mutuarit. Trecentis certe & amplius
annis, hæc plaga & curia eo nomine innotuit
antiquis eorum sæculorum codicibus clara, ce-
lebrisque. & Marselarii cum Grimberganis affi-
nitatem contracta, totidem sæculis toparchiam
hanc de Opdorp, utrumque etiam Castellum
possederunt. Verum ut turbulenta superioris ævi
tempora in possessiones, & familias multas sævie-
runt: ita etiam prædicta curiarum altera de Mar-
selaer in Malderen venum exposita, per Marchan-
tium Brabantiae Consiliarium empra possidetur.
Ipsam vero toparchiam de Opdorp, quam pre-
tio, litigioque quæſierant Liefveldiani, anno 1628,
novis pactis in familiam suam reduxit vir nobilis
ac eruditus Federicus de Marselaer Eques, Dominus
de Percq, Elewijt, S. Huberti, Herſeaux, Oyc-
ke, Loppem, Nederockersſele, Gerardi de Marſe-
laer Equitis (qui Gulielmi de Grimberges, Domi-
ni de Asche filiam, Elifabetham conjugem ha-
buit) in septimo gradu nepos.

TERRITORIUM GERARDIMONTENSE.

113



Erritorium Gerardimontense quadraginta quinque pagis constat, qui omnes exemplo civitatis sunt Imperialis soli, & olim, uti reliquus Comitatus Aloftani tractus, nomine *Brachanti*, *Brachati*, *Burban- ti*, *Brachbanti*, & *Brachbancis* comprehenduntur; quod ultimum vocabulum in vita S. Levini, hujusce ditionis non minus, quam Gandensium Apostoli, per Monachum Gerardimontensem à ducentis retro annis conscripta, me legisse memini in hunc sensum: *Sanctus Levinus Brachbancisiam, hoc est ditionem Aloftanam (cujus non est infima portio Gerardimontense territorium) ingressus, summo opere admiratus fuit amoenissimam terram, spatiosam, & nimis delectabilem, & benignitate Dei exuberantem, lacte & melle, & diversarum frugum, arborumque fertilitate, omniumque bonorum abundantia assatim affluentem, incolaeque personali forma micantes, cultu vestimentorum compositos, loquela, & morum gravitate honestos, magnanimos viros, egregios praeliatores, regali militia idoneos, & omni exercitatione studiorum suorum huic seculo dignos.*

Brachatum seu Brachantum in agro Aloftano (unde Brabantiae Ducatus nomen accepit juxta Petri Louwy ad Molanum notas) esse videtur Brakela ditionis nostrae pagus. Siquidem scriptores in Brakela natum S. Lietbertum, Cameracensem Episcopum, vocant Brabantinum. Meyerus ad annum 1077, loquitur in hunc sensum: Obiit Lietbertus Episcopus Cameracensis caelo postea ob pietatem donatus. hunc Flandrum stirpe fuisse tradunt, eo quod ab nobilitate Brachatenfi duceret originem, Brachatum seu Brachantum esse Brakele in agro Aloftensi. Ejus opus est caenobium S. Sepulchri Cameraci, absolvit & caenobium D. Andree Apostoli, Regulares instituit monachos ad D. Auberti, & in monte D. Eligii.

*Boulariae
Baronatus.*

Boularia illustris Flandriae Imperialis Baronatus juxta vetus denombrementum in duodecim pagos, Boulariam superiorem, & inferiorem, *Onkersele*, *Waerbeke*, *Goefferdighem*, *Nieuwenhove*, *Aspelare*, *Nederhasselt*, *Tedegehem*, *Deefdinghen*, *Vluersseghem*, *Smerlibbe*, jurisdictionis suae alas extendit. quos ultra Flandriae census annumerat, non sunt proprii Baronatus, sed vel ipsius Baronis ex alio titulo, vel ab eo moventur in feudum. Tota Baronia solo amœna est, caelo læta, ubere gleba dives, fecunda pascuis, Tenera fluvio irrigua, silvis decora, incolarum numero prægna, qui dominorum auspicia secuti non semel illustre in religionem & Principem fidei testimonium reddiderunt. Dynastarum summa semper auctoritas fuit, quos domini beneficio Marchantius recenset tutores fuisse solitos juniorum Flandriae Comitum, quos parentum mors præmatura pupillos fecerat, atque pro ætate imperio administrando impares. Sunt domini fluxus Tenerae, quatenus Gerardimontem non permeat, ejusque continentem, ut nostri censent: qua ratione, aliisque,

Belgica.

tot pertinaces inter *Boulariae* Dominos & Gerardimontenses ab omni tempore controversiae ad ferrum, & ignem nonnunquam progressae. Quartum urforum Flandriae ingenii Gothici signum in bellum Domini Boularienses efferunt, unde tribuni militares à plerisque dicti, atque *Baverones*, quos *Barones* vernacule *Baenderheeren* seu *Bandæ* dominos scriptores vocant. Procopius Bandonphoros Romæ ait nominari. Unde *Banderi* ditionis sive Baronia obligata erat ad sequendum illud signum, quod Dux Bandæ jusserat. Boularia penes varias familias fuit: principio penes Gentem de *Boulare* cognominem. Nicolao Boulariensi Equite, *Idæ de Rœulx*, Hannoniae Comitum Balduini Animosi ex Arnulpho fratre neptis, marito, sine prole mascula defuncto, Alceidis de Boulario Abbatiae de *Beaupré* fundatrix, Boulariam ad aliam familiam devolvit ter nupta, viris ex familiis de *Trasegnies*, *Gavere*, & *Wauryn* illustribus. Omnium vero diutissime Baronatus penes stirpem *Liedekerkanam* sive *Gavriam* fuit, illustrem atque potentem, à qua ad *Reynghaerts* viros transiit, à *Reynghaerts* viros ad *Bochoutanos* abiit Baronia, Equites Brabantos, *Bruxellæ* Vicecomites. A Maria Bochautia Boulariae Domina, pervenit Boularia ad Nassovios Adolphi Caesaris posteror. Tandem Philippus Guilielmus Nassovius, Auracæ Princeps, Boulariam venditione cessit Francisco Bernardino de *Cassina*.

Ut vero de duodecim Baronatus pagis aliquid dicamus: omnium metrocomia est *Boularia*, quæ superior nominatur inter *Acriniam* & Gerardimontem, opimo pastore, noto titulo sanctæ Aldegundis, sub patrocinio Abbatiae S. Sepulchri. Boulariam inferiorem peculiari honore domicilii, & præsentiæ dignantur dynastæ, ubi ambitiosum habent domicilium, quod veteri arce diruta restauravit Franciscus Bernardinus de *Cassina*, aquis cinctum, quas præterlabens Tenera subministrat. Hortus illi adjacet pereleganter excitatus, ut *Dædalii* ingenii opus esse dicas. Ut *Goefferdighem* superiori Boulare affine est, sic *Onkersele* est attigua inferiori. Habet in ea prætorium, cujus Balivus major, & Scabini Gerardimonte caput petunt. In via Bruxellensi similiter stant *Nieuwenhove* & *Waerbeka* retro *Raespaeliam*. Illa eo latere quo *Sandbergam* respicit nemus habet. *Angherellum* alias dictum ab *Eechautiis* Angherellæ dominis, penes quos superioribus sæculis nemoris hujus possessio fuit. *Nederhasselt* asyli jure celebratur. Nec contemnendi nominis pagi sunt *Vloeseghem* & *Smerlibbe*, magno Boulariae Prætoris utrobique Vicarium ponente. *Aspelare* in via Aloftensi quemadmodum incolarum numero superioribus præit, ita pulchrius est illis municipium. *Tedegehem* amœnissimum fluvii transitu, pascuorum commoditate, *Belliprati*, atque *Raespalia* affinitate municipium, via Ninoviensi, ultra bis mille passus in unam propemodum planitiem se extendit. frumentum profert bonitate præ reliquis

X x

terri-

territorii, & abundantia exteris notum, ac eo nomine à Scriptoribus, nominatim à Gramajo, commendatum. Domum hic habet atque prætorium cum Meyero & Scabinis Gens *Tedeghemia*.

Deeftinga.

Feuda Baronatus.

A pagis Baronatui propriis, ad alios trans-eamus, quos Flandriæ Censui Boulariæ accen-set, qui à Barone moventur in feudum, suis-que seorsim dominis parent Baronis vasallis. Sunt autem *Sandberga*, *Oultra*, *Paricke*, *Vphasselt*, *Hoomberghe* & *Escha S. Levini*. *Sandberga* situ ad Tene-ram peramœno, præter pascua, silvas, vivaria, fertiles agros, castrum habet aquis munitum. Spectat *Sandberga* modo ad Gentiles de *Lalaing*, olim fuit procerum *vander Aa*, *Oultre*, *Liekerke*, *Eng-hien*, & ante eos nobilium cognominum. Penes familias *vander Aa* & *Eng-hien* similiter *Oultra* fuit. Prætozem, Proprætozem, Meyerum, & Scabi-nos habet. *Vphasselt*, Latine olim *Haslutum*, ma-gnum est municipium nobilissimæ stirpis *van Hasselt*, urbis Gerardimontis patritiæ cognomen-tum. subjacet illi *Moumenbrouck*, olim *Moorenbroeck*, cum Majore, & Scabinis, quod è gente *Wallia* jam pridem in *Steelandiam*, (dum in familiam *du Faing* Baronis de *Iamoigne*) migravit.

Oomberga est nobilissimæ *Dammanorum* fami-liæ peculium, *Gandavi* Consularis, *Meyeri*, *Mar-chantii*, *Guicciardini*, aliorumque Historicorum paginis commendatæ. *Parika* vel *Paricla*. Varia suo ambitu complectitur dominia, ut *Hombrouck*. Aliud in *Paricla* dominium est *Herimez*, cum Balivo, & Scabinis, gentis olim *Lewerghemia*.

Etiam *Esche* Sancti *Levini* in Boulariensis fide possidetur, beati *Levini* Scotiæ Archiepiscopi, *Gandensium* ac *Alostanorum* Apostoli martyrio famosum. Inter inferiorem Boulariam & *Yede-ghemium* gratissimo ad Teneram situ jacet *Schen-delbeka*, pagus quidem Boulariæ minimè subalter-nus, sed Boulariensi dynastæ proprius in clien-tela Comitum *Alostani*.

Schornacen-sis Barona-tus.

Subsidiarius alter Baronatus, qui Gerardimon-tio accensetur, est *Schornacum*, Gallicè *Escornaix*, Flandricè *Schoorisse*, primum familiæ cognominis, deinde Procerum Gavriorum peculium. Quorum virtuti, splendori nobilitatis adjectæ, *Schornacum* acceptam à Ludovico Maleano Flandriæ Comite ann. 1378. Aldenardæ Baroniæ dignitatem debet. Maleanus enim eo anno præter equestrem bal-theum etiam Baronis titulum Arnulpho de Ga-vere toparchæ de *Schoorisse* & Domino de *Croisilles* conferendum omnino censuit, propter insignem Aldenardæ contra Gandenses navatam operam. Hodie *Schornacum* est illustris familiæ de *Lalaing*. Et vetus Baronum denombrementum ei annu-merat pagos septem, *Schornacum* nempe Barona-tus caput & possessorum primæ stirpis cogno-mentum, ubi Hospitale visitur pauperum infirmo-rum, anno 1420 à Schoorissæ Domino fundatum, & pluribus bonis dotatum, atque ab Episcopo Cameracensi confirmatum, cui Moniales regulæ Cisterciensis olim quatuor, nunc septem præfunt, sub cura, aliisque regalæ juribus magni Balivi, & Scabinorum, quibus fas est Monialibus proven-tum perperam administrantibus curatorem ejus constituere. Scornaci natus fuit *Matthæus* ille montis *S. Martini* Canonicus, postea anno 1190

quintus Abbas *Ninovenfis*, prædicator, sciens, religiosus, ut refert Catalogus Abbatum *Nino-venfium*.

Materne, cujus aliquando Domina fuit sanctissi-ma virgo *Amelberga*.

Reliqui pagi sunt *Seghelssem*, Sancti *Cornelii*, *Hoo-renbeka*, *Roosbeke*, *Boucle Sancti Blasii*, & *Weldene*. Totidemque numerat census Flandricus, verum excluso *Weldene*, in ejus locum substituit *Hooren-beke S. Mariæ*, & pagum *Weldene* inter pagos di-verforum vasallorum constituit. Baronis denom-bremento fidem habere præstat, quod in archi-vis *Petræ* Comitum *Alostani* sive Curie feudalis speciale denombrementum alias reperit sit Dominii *Hoorenbecæ* Sanctæ *Mariæ*, quo *Schorna-censis* Dominus agnoscit se hoc Dominium seor-sim à *Schornaco* in fide *Alostani* Principis possi-dere. Horum pagorum plerisque sunt alia Domi-nia, ut *Roosbecæ* Dominium quondam *Lummenio-rum*, *Schornaci Ryst* *Quessnoytiorum* peculium, *Ma-terne* possessiones *Priorissæ* *Nosocomii Aldenar-densis*, habentes Majorem & Scabinos super realibus jus dicentes. Variis locis caput petere pagi Baronatus solent, *Seghelssem*, *Loby*, *Boucla San-cti Blasii*, *Roosbecæ*, illa *Velcica*, *Schornacum Materna*, ista autem *Alosti*.

Præter Boulariæ, *Schornacique* Baronias subsidio adhuc urbi sunt pagi triginta sex, in quibus *Steen-busa* Principatus olim potentissimæ gentis *Gruthu-se* & *Hasselt ter Vryen*, ab omni Comitum *Flandriæ* & *Alostani* censu & Iurisdictione immunes, *Elst*, *Edelaere*, *Leupegghem*, *Volkeghem*, *Etichove*, *Meldene*, *Nieuwerkerke*, *Pamela* Baroni proprii, *Quaresmont*, *Orroir* & *Sulseka* Lignæ Principis, *Marke*, & *Kerckem* ex fa-milia de *Limmene* in *Adorniam* translati, *Amongies*, & *Roosenaken* *Montmorenciacorum* Procerum, Sanctæ *Mariæ Lierda* antiquo titulo Comitatus, & *Hemelveerdighem* spectabili arce temploque Domi-nici præcursoris patrocinio & miraculis nobili, qua ratione magna populi frequentia visitatur. Iam utrumque dominium est *Mastaingnæ* Comi-tis, olim *Masminiorum* Procerum, ex qua gente *Robertus* aurei velleris Eques magnus fuit cul-tor *Carthusiæ ten Bossche* juxta *Hemelveerdighem* in *Lierda* Sancti *Martini*, qui pagus cum *Mumminx-Swallenne* est ex iis qui 's *Graven* proprie vocantur, estque Gerardimonti contributarius.

Iam residuos territorii nostri pagos enumere-mus, ut Sancti *Dionysii Bouclam*, gentis *Borlutia* *Gandavi* patritiæ.

Viana & *Mourbeka* municipia *Egmondanæ* gen-tis sunt. Illud antiquo castro & insigni (cujus mo-do rudera tantum supersunt) asyli jure, annuisque mense Septemb. postridie divi *Michaelis* Ar-changeli nundinis *Grisearumque S. Francisci* monasterio celebratur. Hoc vicinum est *Raespai-læ* silvæ peramœnæ, atque amplæ, cujus fontem purissimum *Cl. Daniel Heinsius* carmine *Elegia-co* lib. 5, eleg. 7. laudavit.

Agmen claudat dominiorum nostri territorii *Hundelghemum*, quod cum *Hunneghemio* nostro *Hun-nicum* quid olere videtur. Est gentis *Rymiorum* nobilis, & antiquæ, quam ex *Saxonia* oriundam ferunt, & primum inde venisse *Balduinum Rym*, postquam ea gens à *Carolo Magno* victa, huc il-luc vitandis rebellionibus sparsa est.

T E R-

N

Territorium Ninovenf.

C aliquot
ta: al
aliquos
ria feu
ctus di
wyck u
feu Rik
Prin
toratus
obnox
ferè c
cident
majus
forte
struat
onerib
num
quæ
Tit

Herlinck-borua.

Ridders-boven.

Tempel-mars.

Dominium de Rotz-lac.

Baronatus de Weder-gract.

setur
Gram
fican
tiquis
Eo
plum
Insula
cense
pli-M
fidu
& V
semu
conf
D
hosc
Kesh
na.
hinc
null
Dev
Duc
ditu
Cor
ven
cum
cul
por
min

TERRITORIUM
N I N I V E N S E.Territorium
Ninivense.

Civitas Ninivensis nullum habet territorium, in quo aliquam jurisdictionem exerceat, præter agrum suburbanum, in quo aliquot villæ domusque rusticanæ sunt constitutæ: aliquos tamen pagos subsidiarios habet; aliquos obnoxios jure fiduciario, sive ratione curiæ feudorum. Ager suburbanus in varios tractus divisus est. Inter quos recensetur Nederwyck urbi contiguus; Riedeve, seu Riede-hove, seu Rihove, Baeckergem, Schoore, Puybroeck.

Herlinck-
hoven.

Primus pagus qui jure fiduciario ratione prætoratus civilis sive majoratus civitati Ninivensi obnoxius, est Herlingi-curia, seu Herlinckhovia, ferè contigua mœnibus Ninivensibus versus occidentem. Huic nomen deducit Baptista Gramajus ab Herlingo, uno ex Gothorum ducibus: & forte non male; si Ninive à Gothis condita adstruatur. Ninivensibus in sufferendis militum oneribus suppetias debet; nihil aliud: dominum & prætorem criminalem agnoscit eundem quæ Ninive.

Ridders-
hoven.

Titulo fiduciario & subsidiario Ninivæ accensetur *Ridders-hoven*. Curiam equestrem appellat Gramajus. Estque intra limites Toparchiæ Vellicanæ, Romanæ antiquitatis, à numismatis antiquis ibidem repertis celebratæ.

Tempel-
mars.

Eodem titulo censetur *Tempel-mars* seu Templum Martis in tractu Insulensi inter Siclium & Insulas. Cui titulo sub fiduciario seu feudali accensetur Vendovilla seu Vindorum-villa. Templi-Martii toparchus est D. Ligniacensis. In subsidium militum contribuunt Templum-Martium & Vindorum-villa trientem, & curia equestri semunciam, ut docent antiquæ Ninivensium constitutiones lingua Flandrica conscriptæ.

Dominium
de Rotze-
laer.

Dominium de Rotzelaer (quod complectitur hosce pagos, Hauthenium, Nunckerxken, seu Kesken & Vleckgemiam) est in ditione Aloftana. Spectavit olim ad Barones de Rotzelaer (ut hinc forte Dominio nomen, cum intra fines ejus nullus locus sit Rotzelaer vocatus) in Brabantia. Devolutum est postmodum illud dominium ad Duces Brabantiae, & per Ioannem Ducem venditum fuit Henrico filio Guidonis Dampetræ, Comiti de Loo seu Laude, domino etiam Ninivensi, ad annum 1331. Quo sine liberis defuncto cum alia ejus hæreditate Dominium hoc ad peculia Comitatus Flandriæ accessit. Ab eo tempore Balivi Ninivenses etiam istius domini administrationem habuerunt.

Baronatus
de Weder-
graet.

Dominium de *Wedergraet* seu *Contrecueur* quan-

dam habuit dependentiam olim cum oppido Ninivensi ratione subjectionis feudalis, quam habebat Windica-Teneræ, unus è potissimis ditionis Aloftanæ & territorii de Wedergraet pagus. Complectitur pagos hosce, Windicam-Teneræ, Alodium sive Neygen, Apelteram cum Eychemio, & Polarium. Dominium illud possedit olim Osto de Wedergraet, eques. Dominium hoc de Wedergraet nomen sortitum videtur à Castro dicto de Wedergraet, quod in colliculo ad Teneram prope Apelteram ædificatum jam plane dirutum est.

Pagus alius vicinus Ninivæ ad Eurum *Okegemium* dictus, anno 1399 pertinebat ad dominium Ninivensem, & huic etiamnum quandam servitutem debet prætor civilis, sive major pagi, in deducendis ad locum supplicii reis. Dominus præterea Ninivensis confert dictum Majoris officium. Pagus hic valde exiguus est, ad Teneram situs, lupuli ferax optimi. Hactenus peculium Comitatus fuit in ditione Aloftana. Intra limites pagi Okegemensis jacet dominium de Idevoede.

Rotnacum oppidum ultra Scaldim in Brachbanto duobus ab Aldenarda, quatuor à Gerardimontio situm milliaribus, vicinos habet montes sylvosos, quorum aspectu oculi per æstatem mire pascuntur. *Ronse* vernaculis, *Renesse* Gallis, *Rotnacum* Latinis, & per syncopen *Rotnacum* nuncupatur. Peculium est Comitatus Nassovii, qui prætorium istuc excitavit totius, ausim dicere, Belgicæ splendidissimum. Famam olim opesque peperit, tanto pannificii, & aliorum artificiorum quæstu, ut in generali Flandriæ censu, cuncta oppida, præterquam tres Flandriæ matrices, collatione antecederat. Interjacet Rotnaco & Lessiniæ sylva Pödsbergia ingens atque luculenta. Celebritatem etiam ac frequentiam sibi miram conciliavit templo collegioque Canonicorum, cum Præposito D. Hermetis Martyris, ejurandis energumenis famigerato.

Lessinia &
Flobek.

Flobeca ac Lessinia, Flandriæ & Aldenarden- si territorio antiquitus contributæ, ob controversias de iisdem inter Principes Flandrorum & Hannonium minimè raro ortas, positæ sunt velut in medium, ac terræ controversæ dictæ, & Principi applicitæ Senatui. Est autem Lessinia sive Flandriæ, sive Hannoniæ, sive neutrius oppidum Provinciæ, dissitum ab Angiano leucis fere quatuor, à Montibus sex, ab Atho duabus, interluit ipsum fluvius Tenera. cæterum arx Flobekana, quæ fortis & valida olim fuit, bellorum ac temporum injuriis dejecta, ob eam præcipuè causam non restauratur, ne sicut olim jurgiis, ac contentionibus causam præbuit, ita fors modo inter utramque provinciam aliquas pariat difficultates.

DITIO AC COMITATUS ALOSTANVS.



DITIO hæc ab altera Scaldis ripa, quæ nunc etiam Flandriæ Imperialis nomine censetur, Brabantiam versus, & Hannoniam se protendit, & à Gandavo, Aldenarda, Teneramunda ab Oriente extensa, ejusdem fluminis dextrum latus legens, in Occidentem ad montem S. Trinitatis Tornaco vicinum usque porrigitur, Scaldi & Teneræ veluti Mesopotamia, & interamnibus interjacens, & ultra hunc quoque fluvium Brabantiam versus quingentis eoque amplius passibus jurisdictionis suæ alas expandens. Excelsa montibus regio, vallibus amœna, fontibus irrigua, sapidissimi frumenti ferax, præsertim secaliceæ, neque cæterarum frugum indiga; etiam lupuli salicetarii, cujus in coquenda cerevisiæ præcipuus usus est, juxta oppidum præsertim ditionis caput, abundans, ob cujus celebrem mercatum idem frequentari solet. Proprios olim Comites habuit, etiam in fide Flandrorum, & à Flandris, beneficio partim Ecclesiæ Cameracensis, partim Ducis Lotharingiæ, partim immediate Imperii, possessa fuit. Hujus itaque Comitatus occasione Flandriæ Comites, sacri Imperii Principes appellabantur, erantque in numero quatuor Imperii Comitum Militarium, & Ecclesiæ Cameracensis perpetui protectores à Cæsaribus constituti. Derivatum hunc Comitatum quidam existimant ex Comitibus Castellani Gandensis (sic enim dicebantur) ab Othone Primo Cæsare ad Gandavum anno 948 ædificati, & à splendida Germanica familia, cui deinde à Gandavo cognomen fuit, mansitque, administrati. Nam illius arcis Ottonianæ præsidibus terra Brachantia, quæ post Alostana audiit, cum quatuor ambactis assignabatur, ut stipendia alimoniamque præsidariis militibus inde providerent: quam auctoritatem in dominatum verterunt Cæsarum beneficio Alostani Comites dehinc nuncupati. Certe Annales Flandriæ mentionem faciunt Wichmanni Comitum novi Castellani Gandensis, quem Otthoni Cæsari reluctantem Misachus Slavus anno 967 interfecit: atque Theodorici Alostani Comitum: cujus ex filio nepotem Theodoricum cognomento Gandavensem ad Frisios ulciscendos, qui patrem ejus interemerant, anno 1018 abiisse, Sigebertus auctor est. Pagos sub se fertur habere centum & septuaginta duos, quos illi, inquit Marchantius, vulgaris calculus magis, quam censualis Flandriæ Catalogus adscribit. Summum prætorem habet à Principe impositum, cui quinque prætores alii, per ditionem hanc quinque dynastiis

Præpositi, seu Reip. gerundæ præsides adsident, cum opus est, in urbe Alosto convenientes. Hanc dignitatem, viri illustres, & è præstantibus familiis nati gessere complures, nec alii ferè quiquam. E Montmorenciaca præsertim gente præfuere huic muneri non pauci, sicut & ex Villana familia Gandavenfi: eamque nuper gessit è gente Croya Claudius Comes de Roeux, nulli Procerum Belgicorum secundus. Habuit & olim prætor Alostanus jus in Lessiniam & Flobecam, quæ duo loca nec Hannoniis jam adherent, nec Flandris, eorum tamen ratione stipendium etiamnum annuum percipit, quod in rationes regias transit, eo quod (ut aliqui volunt) à curia feudali Alostana quondam moverentur; quamquam qui Aldenardæ Toparchus, eorum etiam locorum aliquando Dominus fuerit, & ipsa feuda ab Aldenardenfi Baronatu penderent. Quinque dynastias hoc ordine censent, Rode, Gavere, Sotteghem, Boulaere, Scoorisse. Præter pagos aliquot alios, & parœcias, quas *diversche Prochie* vocant, & ex quibus parvæ quasi Castellaniæ utriusque oppidi Alosti, & Gerardimontii conflantur; Bornhemium quoque olim, & adjacentem regiunculam ut S. Amandi, & alia, nunc avulsa, diversis hisce parœciis adhæsisse, Alostani asserunt. Seriem Prætorum recenset Espinotus; qui consulendus.

Loca ditionis Alostanæ, novissimus Flandriæ Comes sic enumerat:

Alostum, Gerardimontium, Imperialis Flandriæ Metropoles.

Ditio Rodensis, vulgò *t Lant van Rode*.

| | |
|-------------------------|--------------|
| Scelde Rode | Baleghem |
| Botelare | Mortele |
| Ghendbrughe | Oosterzele |
| Munte | Berleghem |
| Melle | Melsene |
| Gonterode | Ghysele |
| Sceldewindeke | Baveghem |
| Possessores Terræ vulgò | Lettelhautem |
| <i>den Teerlinck</i> | Vlierzele. |

| | |
|---|---------------------|
| Lanscautere | |
| Ditio Sotteghemensis, vulgò <i>t Lant van Sotteghem</i> . | |
| Zotteghem | hove & Leene |
| Eerteghem | S. Marien Oudenhove |
| Strype | Borft |
| S. Georix Oudenhove | Migelbeke |
| Grootverdegheem | Velfeke. |
| Grotenberge, Wassen- | |

Ditio Gaverensis, vulgò *t Lant van Gavere*.

| | |
|-------------|---------------|
| Gavere | Paulathem |
| Semmer zake | Marielathem |
| Vurste | Meyleghem |
| Wassene | Ermelghem |
| Bayeghem | Nederzwalmen. |
| Dickelverme | |

Ditio

Ditio Boulariensis, vulgò *'t Lant van Boulaere*.

| | |
|-------------------------|--------------------|
| Onkerzele | Aspelaere |
| Overvoelaere | Nederhasselt |
| Deefstinghe | Santberghe |
| Scendelbeke | Oultre |
| Yeghem | Paricle |
| Waertbeke & Nieuwenhove | Vphasselt |
| Vloeseghem | Oomberghe |
| Smerribbe | S. Lievens Hefche. |

Ditio Scornacensis, vulgò *'t Lant van Scoorisse*.

| | |
|------------------------|-------------------------------------|
| Schoorisse | Weldene. Non in censu numeratus hic |
| Materne | pagus, quanquam seorsim à Scornaco |
| Zegelfem | olim in fide Aloftani |
| S. Marien Hoorenbeke | Principis à Domino |
| S. Cornelis Hoorenbeke | Scornacensi possessus sit. |
| Roosbeke | |
| S. Blasius Boucle | |

Diversæ Parœciæ, vulgò *diversche Prochien*.

| | |
|---|---|
| Aeyeghem & Vlackem | Rosenake |
| Raeflegem & Borstbeke | Appeltren & Eychem sub Baronatu de Wedergraet |
| Bost, Bambrugghe, Zonneghem & Cotherm | Dickele |
| Scheerscamp | Edelaer |
| Denderhautem | Eenam & Neder-Eenam |
| Herpe | Grymegem |
| Ermboedeghem, Welleyderghem & ter Alphene | Hundelghem |
| Grondegem & Otterghem | Luepegem |
| Ghysegem | Mourbeke |
| Helderghem | S. Marie Lierde |
| Hilleghem | Opbrakele |
| Hardeffem | Sententelins |
| Lede | Volkeghem |
| Lemberghe | Voorde |
| Liedekercke | Denderwindeke sub Baronatu de Wedergraet |
| Meere | Nederbrakele |
| Massene vanden Westren | Berchem |
| Morsele alias Mansele | Erichove |
| Okeghem | Marcke & Berchem |
| Woubrechghem | Steenhuys |
| Amognies | Neyghene sub Baronatu de Wedergraet |
| Orroir | Hemelverdighem |
| S. Denys Boucle | Leeuwerghem |
| Elst | Liefferinghe |
| Hofftade | S. Martens Liere |
| Hallertkerxkem | Muenicx Zwalmen |
| Herzele | Pollaer sub Baronata de Wedergraet |
| Ympe | Viane |
| Leeuwe | Weldene sub ditioe |
| Lombeke | Scornacensi censendus. |
| S. Lievens Hauten | Wileghem |
| Meerelbeke | Ronse |
| Mespelaere | Salardinghem |
| Oordeghem & Smettelede | Zulzeke & Quarmon |
| Wychlen | Meldene |
| Wiese | Nukercke. |

Supereft nunc, ut de singulis, aut maiore parte Belgica.

eorum aliquid, aut de præcipuis saltem ditionibus in medium adferamus.

Inter ditiones Aloftanas prima occurrit Rodensis, vulgò *het Landt van Rode*. Quem antiquum Flandriæ Baronatum, & Principum litteris assertum cupit Espinojus. In ditione autem hac Rodensi secundum ordinem in censu Flandrico servatum primus occurrit pagus de *Scelderode*, ita dictus, quod ad Scaldim fluvium situs sit.

In Aloftana quoque ditione situm non ignobile dominium de *Oyenberghe*.

A curia feudali Aloftana in ejus quoque ditione situm tenetur Dominium de *Poppenrode*. In eadem ditiuncula Toparchiæ sunt aliæ non paucae, quarum omnium potestas & onera Catalogis principalium feudorum, quæ immediate à Burgo Aloftensi tenentur, particulatim inserta sunt. Sunt præterea & *Botelaere*, & *Gentbrugghe*.

Mella dominium hic habet temporale, causa Toparchiæ suæ Rodensis, *Franciscus de Rodrigues Debora*. Protendit se ultra Scaldim parœcia, amœno cum primis loco sita. In ipso pago ædificia non parum venusta variorum dominorum sunt. Visitur & aquatica mola juxta molam granariam super torrentem posita, quæ cuprum & æs cudit, raro per totam Flandriam exemplo. Exstant & vestigia prætorii hodie Comitibus Iseghemiensis, quod olim inhabitavit Sigerus Cortracensis, famosus ille & Flandricos inter magnates potens, cui ad castrum Rupelmondæ cervix jussu Comitibus fuit præcisa. Ab illo Prætorio subterranea via fuisse fertur ad vicinum Principis Castellum nomine *Vauleghem* in parœcia de *Wettere* situm.

Munte ad secundum fere à Gandavo lapidem situs est pagus.

Gonterodia.

Sceldewindeka, quod ad Scaldim jaceat.

Sequitur hic *Balegemium* & *Lanscoutere*.

In Baleghemio situm est prætorium & Toparchia de *Bortele*. Visitur & in eodem pago Sylva amœna Marchionis de Lede è Bettiorum familia, editiore & patente loco sita, prætorium item ejusdem, quod splendidum olim fuit, vulgò *Eesseghem*, vel ipsis rudibus suis conspicuum.

Baveghem, his vicinus est pagus, cujus Temporalem habet Toparchiam, & insuper Ecclesiæ patronatum Gandavensis Episcopus.

Morsele. In Morsela cernitur sylva Domini de *Wassenhout* in alto posita.

Oosterziele, temporale Dominium ad Baronem Rodensem spectat, Ecclesiæ vero patronatus ad Præsulem Eynhamensem.


Berlegem, Familiæ Rodoniæ nunc est peculium. *Melfene*, & *Lettelhoutem*.

Ghysele, Toparchia ad Antistitem Gandavensem spectans.

Inter Aloftenses secunda nominatur Ditio Sotteghemiensis, vulgò *het Landt van Sotteghem*, à *Sotteghemiensis*. ditionis hujus Capite: quod municipium est egregium, frequenti populo habitatum, quamquam non una vice sat graviter à Vulcano tactum, & Marte. Arcem habet egregiam, domicilium nuper Comitum aliquot Egmondæ. Locus hic licet olim habuerit alia, eadem tamen nunc insignia habet cum familia Angiana.

Y y

Muni-



Illustrissimo Domino
D. P R E T O R I
Cæterisque Amplissimis ac Nobilissimis
M A G I S T R A T I B V S
Comitatus et Ditionis Alostane
Prudentissimis Equissimisque
I M P E R I A L I S F L A N D R I Æ
M O D E R A T O R I B V S
Geographicam hanc eiusdem Ditionis
Tabulam honoris et oblationis ergo
D. D.
Antonius Sanderus Gandavensis.

NOVA ET ACCVRATA
COMITATVS ET DITIONIS
A L O S T A N Æ
in Flandria Imperiali
T A B V L A .
Een Vlaemsche myle van 1000 Roeden

- O Lande behoorende onder desst.
- A te het land van Rode.
- B te land van Gaverre.
- C te land van Zottegem.
- D te land van Brouere.
- E te land van Schorisse.

Sotteghem.

Municipium vero est quarto ab urbe Ganda lapide, situm amœno loco, & populosum. Miserabilem in modum direptum incensumque fuit ad annum 1452 sub Philippo Bono, à Stampano & Burgundiæ notho, uti narrat Meyerus sub eodem Principe. attritum vero nuperis tumultibus nunc respirat. Visitur in eo prætorium Comitis Egmondani splendidum. Varia in eo quoque constituta sunt juri dicundo tribunalia. Primum est oppidi, quod cum Ammanno septem habet Scabinos, quorum prior titulo Consul insignitur, alta gaudens, & media, imaque Iurisdictione. Secundum vocitatur *het Eygendom*. Habet etiam Scabinos septem, eorumque Iurisdictione se extendit ad parœcias vulgo *Sotteghem buyten met Wijnbuyse, Ertveteghem, Strijpen, S. Gauge-rici Oudenhove, Godtverdeghe, & Grootenberge*. Tertium denique, quod vocatur *het Landt van Sotteghem*, & complectitur pagum de *Veltzike*, in quo duo constituta sunt tribunalia, unum eorum, qui vocantur *Poortsepenen*, & alterum eorum, qui *Lantsepenen*. Summus autem prætor *Sotteghemien- sis* toti præest ditioni, *S. Marien Oudenhove, Migelbeke, Borst*.

Geiteghem, Strijpe, S. Goorix Oudenhove, Grootverdeghe, Grootenberghe, Wassenhove, Leene, Borst, Migelbeke.

Marien Oudenhove, cujus pagi Toparchiam supremam possidet Comes Egmondanus, à terra Sotteghemienfi dependentem. In eodem pago existit dominium de *Silaers* cum arce satis comoda: censeturque unum inter quinque præcipua feuda terræ Sotteghemienfis. Non procul autem ab hoc Castello de *Lilaers* fluit rivus originem suam habens ex superiore Brakela. qui pagus cum sit montosus, multos habet fontes, unde dictus rivus promanat. in hoc autem pago prope dictam arcem incipit habere nomen de *Swalme*, sicque fluens versus *Swalme Monachorum* vulgo *Muncx-Swalme*, tandem citato cursu labitur in Scaldin apud *Swalme* omnium Sanctorum. Ab eo autem Castello ad Scaldin usque super præfatum fluviolum sex visuntur molæ aquaticæ, in quarum aliquibus etiam nuper papyrus confici solebat. Sunt & varii in *Marien Oudenhove* monticuli, & fontes amœni. Distatque locus à Gandavo quinque, ab Alosto quatuor, à Ninive Flandrorum tribus, totidem ab Aldenarda, à Gerardimontio autem una leuca cum media.

Veltzike. Locum hunc à Castris Ciceronis appellatum, consentiunt ad unum penè omnes qui de Flandria scribere, quasi dicas *et Velt*, quod exercitum significat, *van Cic.*, id est, Ciceronis. Videtur, inquit Marchantius in Alosto, ex ratione vocis, situs, itinerisque à Cæsare positi, sonare Veltica Castra Ciceronis: familiare enim Elandris est, quærere dictionis brevitatem, concisione vocum. Porro quintum Ciceronem Iulii Cæsaris legatum in Nervii fuisse, palam est, non minus, quam situm Velticæ esse aptissimum Castris collocandis, propter fontium, pascuorum, agrorumque ubertatem, & commoditatem lignationis. In eadem sententia est Gramajus, in antiquitatibus item Belgicis Marcus Varnewicus. Qui plurimâ Romanæ antiquitatis monumenta ex hoc, & vicino agro indies erui scribunt.

Tertia inter regiunculas Alostanas occurrit ditio Gaverensis, vulgo *het Lant van Gaver*. Titulum Principatus habet, quem suis inserit Comes Egmondanus. Parœcia ad Scaldim sita est, Arx item vetusta; & clade Gandavensium, sub Philippo Bono nobilis: Dominium loci per annos plures, quam Nestoris, in familia nobilissima ejusdem nominis fuit. Tandem ad Gentem de *Laval* Stirpis Montmorenciæ devenit, per nuptias Beatricis de Gavera. Hoc cum Lavalliorum familia multis etiam annis tenuisset, Guido Comes de *Laval* cum pluribus aliis terris vendidit Iacobo de *Luxembourg* Domino de Frennes anno 1515. in cujus favorem à Carolo Cæsare Gavera titulum Comitatus ad annum 1519; à Philippo vero Secundo ejus filio Principatus accepit, in favorem Ioannis Comitis Egmondani, qui Franciscum de *Luxembourg*, sororem natu majorem Domini de Frennes, Gaveræ Hæredem, matrimonio sibi junxerat.

Zemmerzake, Vruste, Waffene, Bayghem, Paulathem, Marielathem, Meyleghem, Nederzwalmen, nihil peculiare præbent scribendum.

Quarta censetur inter regiunculas Alostenfes, Ditio Boulariensis, vulgo *het Landt van Boulaere*, in qua sunt pagi

Onckerzele, Overboelaere, de Ainghe, Yeghem, Waertbeke, Nieuwenhove, Vloeseghem, Smeribbe, Paricle.

Scendelbeke, pagus quidem Boulariæ minimè subalternus, sed Boulariensi dynastæ proprius, in clientela Comitis Alostani.

Aspelaer.

Zandberge.

Oultre. Fuit hæc Espinojo teste primitus sic appellata familia ab illustri gente *van Aa*, quæ per Brabantiam & Flandriam olim possessionibus variis locuples fuit. Dominium autem *van Aa* juxta Bruxellam in municipio de Anderlecht situm est, quo etiam Anderlecht gens eadem potita fuit, sicut & juribus multis in ipsa urbe Bruxella, & tota Gaesbecana ditione.

Vphasselt. Arcem olim habuit egregiam, sed bellorum injuria eam destruxit.

S. Lievens Heesche. Hic cæsus B. Gandavensium Apostolus Levinus, & in Holthem postea tumultus. Locus amœnus, & fontibus irriguus est; quin seniorum traditione asseritur, B. Livini tempore fontem hic, eo loco miraculose natum, ubi is baculum fixerat.

Zegelssem S. Marien Horenbeke, S. Cornelis Horenbeke, Roosbeke, S. Blasii Boucke.

Hactenus de pagis ac villis, quæ sub ditionis Alostanæ regiunculis quinque, vulgo *de vijf Roeden van het Landt van Aelst*, ponuntur, aliqua in medium adtulimus, nunc ad diversas parœcias transimus, eas ordine illò tractaturi, quem liber Flandriæ censualis observavit.

Aeyeghem & Vlackem.

Rasseghem. Possidetur hic locus jam titulo Baronatus ab Illustri familia Vilani à Gandavo, paterna hæreditatis peculium. Borstbeke, Bost, gentis nunc Ideghemiæ peculium est. *Bambrughe*, Sonneghem, Cotthem, Sheerscamp, Den-derhoven.

Herpe, Pagus via regia Gandavum Alosto venien-

Ditio Gaverensis.

Ditio Boulariensis.

Diverse Parœcie in ditione Alostanæ, vulgo diverse Parœcie.

nientibus situs, in clivos hinc inde assurgens pascuus & arvus.

Reliqui sunt Ermbodeghem, Welleyderghem, ter Alphene, Grondegghem, Otterghem, Ghysegghem, Hofstade, Herdegghem, Halterkerkem, Hilleghem, Leeuwe, Meere, Mespelaere, Morfele alias Maufele, Amognies, Rosenake, Ornie, Appeltrem, Fychem, Dickele, Elst, Smettelede, Ockegghem, Woubrechtghem, Nedereenam, Neyghene, Grymegghem. nec non

Hardeffem, quod multo tempore peculium fuit familiae Wterzwaene, postea uxorio jure transiit in gentem de *Cottreau*, nunc Baronatus titulo beneficio Alberti Archiducis insignitum.

Lede, Baronia per Albertum Pium Belgarum Principem instituta. Nunc Marchionatus titulo honorata per Philippum Quartum Regem Catholicum, ob merita videlicet ac virtutem Marchionis Ledani est familia *Bettica*. Pagus est situs editiore loco, & unde aspectus quaquaversum amoenus.

Lemberghe, Toparchia hujus loci ad Baronem de Rodes spectat.

Lombeke, habet Burchgravium, teste Marchantio, & Vicecomitatus etiam vocatur ab Espinojo: fuitque possessus longo tempore per familiam Gaverensem, & Margareta de Gaver, Arnulfi filia, cum dominio de Lydekercke & aliis, attulit eum in dotem Ioanni Vilani à Gandavo, à qua Gandavensium familia praefatum dominium per nuptias filiae haereditis etiam ante recesserat.

Lidekerca, illustris & vetusta Toparchia, peculium est familiae nunc de *Hemlin Lietard*, in qua Comes de Bossu illam possidet titulo Baronis. Vetustam habet arcem ad Tenerae ripam, & olim conobium, quod aliò nunc translatum.

Merlebeke, Toparchia ad gentem spectat Triestiam.

Masseme, pagus clari nominis, ad proceres nunc spectat familiae Gandavensis, ac nominatim ad Comitem in ea Iseghemium. Splendidum habuit olim praetorium, cujus adhuc vestigia visuntur.

Westrem, Peculium familiae Gandavensis, pari fere distantia ad iter regium ab Alosto & Gandavo situm. Pagus maximam partem arvus est, ut ceteri fere Alostani.

S. Denys Boucle, à patrono Ecclesiae nomen habet, ut alia solent loca Sanctorum titulis insignita. Peculium nunc gentis Borlutiae, olim veterem ejus nominis familiam etiam habuit.

Oordeghem, Pagus amoenus & in editiore loco situs, jam dudum Gandavensis familiae peculium.

Wychelen, Advocati de Wichelen fuere gentiles Vuterzwane, Toga & armis clari.

Wiese, Peculium gentis Ideghemiae. Olim *Winisia* vocabatur, & in litteris Roberti à Betunia ad

annum millesimum ducentesium sexagesimum quartum *Wienfe*.

Edelaer, non immerito mihi nobilis esse pagus poterit, vel ob sacellum Deiparae Virgini sacrum à Ceraso, vulgo *onse lieve Vrouwe van Kerffelaer* dictum, quod hoc in loco situm. Distat ad mediam fere leucam ab Aldenarda, sylvam habens mirè amoenam, in vicinia Baronis Pamelensis, in acclivio montis oppidanis conspicuam.

Eynham, Locus est antiquitate & dignitate memorabilis, ad Scaldim juxta Aldenardam situs. Fuit vero olim Eynham oppidum, & castrum munitissimum, sedesque Principalis Regni Lotharici seu Provinciae Brabantensis. Et in Eenamensis coenobii vicinia rudera quaedam supersunt, & veteris sacelli parietinae, quod vulgo *sacellum Lotharicii* vocant, ut & ipsum locum *Lothryck*, id est, Lotharii regnum: ab arce credo, aut praetorio ibidem per Lotharium structo: quae res suspicionem meam confirmavit, non quidem ducatum Eenhamam fuisse, quod alibi nusquam exstat, sed praeter aliis amatum hunc Principibus locum & primariam ditionis Lotharingicae fuisse sedem, & inde Eenhamensem hunc titulum pro tota ditione poni. Sita est Eenamia primo fere ad Aldenardam lapide, habens ad orientem & meridiem sylvas & montes perquam jucundos, ad occidentem & aquilonem flumen & prata mirum etiam amoenitate sua placentia: neque fontes defunt, & ager arvus, ecclesia parochialis D. Laurentio, ad cujus festa annales etiam istae sunt nundinae. Saepius locus hic per bella ruinas & calamitates passus est.

Steenhuysse, titulum Principatus habet, qui olim ad gentem Gruthusiam spectavit, & nuptiis transiit ad familiam de la Baulme Comitum de S. Amour. Exulum ac reorum asylum est, multis juribus ac privilegiis exornatum.

Hemelverdighem. Ut pleraque ditionis Alostanæ loca nobilibus olim suis familiis floruerunt, ita nec sua huic loco defuit.

Hundelghem. Toparchia loci diutine fuit in familia Rymiorum.

Leeuwerghem. Helene, Leuxegghem, Liefferinghe, Moerbeke, S. Mariae Lierda.

S. Martini Lierda. Mevincxsmalmen, op Brakele, Sententelins, Volkeghem, Weldene, Voorde, Wileghem, Denderwindeken, Salardighem, Meldene, Quaremont, Marcke, Nukerke, Sulfeske, Etichove, Pollaer.

Viane. Non Baronatum modo locum hunc, sed Comitatum etiam nominat Espinojus, & antiquis id diplomatis probari posse asserit.

Brakele, vulgo *Neder Brakele*. Ab hoc loco Brachantum, à Brachanto Brabantiam appellatam volunt.

Berchem pagus ad Scaldim altero ab Aldenarda lapide situs.

QVATERN A FLANDRIÆ A M B A C T A.



Mbacta hæc, alius officia, alius opificia, vulgus *de vier Ambachten* appellat, nec aliud ea voce significatur, quam tractus ille omnis, olim sub Ultrajectensi Præsule constitutus, qui triginta per Flandriam pagos universim complectitur; in quatuor verò Regiones distinguitur, ad quatuor capita, sive oppida, quorum duo mœnibus cincta, Hulstium, & Axella, duo mœnibus carent, Bochotha videlicet & Asseneda, respicientes. Ager quatuor Ambactorum tritici, & quidem optimi candidissimique feracissimus est, pascuorumque ubertate, elicibus, appulsuque maris, lacu, & Sassi statione commendatur, à præcipuo Ambactorum ordiar.

*Ambactum
Hulstense.*

Ambactum Hulstense, nisi Oceani irrum-
pentis vehementia incredibile dispendium pare-
ret, soli fecunditate (ager enim admodum ge-
nerosus, & optimi tritici ferax est) ditionis am-
plitudine, dignitatis eminentia primas obtinet.
Nunc annorum 1506, 1570. & alias, inundatio-
ne melior agri portio sub undis absconditur,
olim fortassis per otium pacis recuperanda. Pa-
gos nihilominus interest annotare, & in iis Cœ-
nobiorum amplissima latifundia. Et Cambro-
nenses in primis apud Hannones Cœnobitæ
Prioratum habent in *Stoppeldijck*, & Iustitiam in
Abbatis valle, vulgò *Abtsdael*, ex munificentia
præcipuè Castellorum Gandensium. Dunen-
ses Curiam Monachorum, vulgò *het Hof ten Sande*
in Hontenessa, quæ in amplum se extendit, tria
enim millia & 500 terræ mensuras continet, sub
Dominio Flandriæ Principis, & Patronatu quoad
Ecclesiam Domini de Heule, quæ titulum
S. Martini habet: agros arva & pascua apud *Ossene-
nesse* dono Comitum Flandriæ, qui Toparchi,
patronatum Ecclesiæ habente Heulæ Domino.
Baudeloenses, qui Gandavum migrarunt, ha-
bent hospitalitatem in Wendelzea, decimas in
Pauwelspolder, qui 100 continet mensuras, & Ec-
clesiam habet D. Gerulpho sacram, & Patro-
num, Trunchinii Abbatem. Sacellum in Lan-
swæda, Deiparæ Virgini sacrum, & olim mira-
culis clarum, quorum venerationi anno 1495
annalem supplicationem instituit Traiectinus
Antistes. Doustani, vulgò *Ter Doest*, Cisterci-
ensis ordinis apud Brugas olim Cœnobium, nunc
Episcopatus unicum, apud Clingam. Trunchi-
nenses apud *Heinsdijck*, ubi pagus 1800 mensu-
ras continet, Ecclesiam D. Catharinæ sacram ha-
bet, ejusque Patronum Abbatem Trunchinien-
sem, sub Dominio Comitum Flandriæ: do-
mus Melitenfium apud *Groude*: Capitulum Cor-
tracenfe apud Franconis aggerem, vulgò *Vranx-*

dal, latè dominantur. Et notandum Ioannem
Guidonis Flandriæ Principis filium, Namurci
Regulum, Polderum, inde Namurcensis nomen
indutum, vulgò *den Polder van Namen*, cum vicin-
is 1500 terræ jugeris, olim ab Oceano oppres-
sis recuperasse, & adjacere aut potius hoc Am-
bactio concludi nobilissima Dominia de *Maelstede*,
& fani Ioannis ad Lapidem, vulgò *S. Ians Steene*,
quorum illud familiæ *vander Gracht* dudum, hoc
à quinque retro sæculis fuit Vicecomitum Gan-
davenfium, & mansit in stirpe Gandavenfi in
hodiernum diem obediens Comiti Isegemio, ex
eadem familia, & nunc ejus fratri Gulielmo,
cum titulo Baronis, & Domini de Weldere.
continebat 3000 mensuras terræ, nunc aliquam
ejus partem fors Oceanus texit. Habet nundinas
annales, mercatum equorum celebrem, privile-
gia & dominium Francum, item decimationem,
quæ anno 1262, Baudelonensibus attributa &
confirmata. Potens hoc in tractu, & antiqua
Maelstediorum familia olim fuit. In ea Wulfar-
dus Dominus de *Maelstede*, & Gerardus ejus filius,
ad annum 1248, fidem præstant Margaretae Flan-
drorum Comiti. Ad annum 1280 Ioannes de
Maelstede jure peculiari possidet omnes molas &
vivaria territorii Hulstani, ut in Archivis legitur
Rupelmundanis.

Axele vulgò, Axla Malebranco, Axela Vre-
dio, per quam sicut & per Hulstam Malebrancus
ab Ordborg viam militarem ducit usque Ando-
verpos. Secundum inter Ambacta Flandriæ lo-
cum tenet, & caput olim agri fertilis fuit, &
pars Flandriæ continentis. At tota nunc vel ma-
ri, vel marinis æstuariis clausa, quod tamen,
inquit Gramajus, seu veterem, seu hodiernum
Axellæ situm inspicias, commodè debet intelli-
gi. Quamvis enim lacus Moeræ ad orientem
æstivum Ambactum Axellense contingat, tamen
oppidum non nisi eminus respicit mediis intercur-
rentibus agris pagorum de *Bedostenvliede*, ubi Ec-
clesia D. Martino sacra, patronum habet Topar-
chum de *Heule & Zuytdorpe*. Quamvis etiam ab-
sorpta potiori parte Westdorpæ, & Dominatus
Stelandici, Oceanus videatur pomœrium suum
extendisse, tamen ubi anno 813 (paulo serius à
Christi natali, ut mox videbitur) Gobertus Dy-
nasta non contentus 33 pagis Bertinianos locu-
pletasse, Cœnobium S. Salvatoris legitur dedi-
casse, ne sic quidem oppido censendus est impen-
dere, quod directiore fluxu Aquagii ad portum,
cui à figura adunca nasi, vulgò *Ter Neusen* nomen
est, in mare defert mercimonia, & naves suas,
ex privilegio Guidonis Comitum. Abbacia porro
à planitie sepibus vestita nomen adepta, vulgò
Ter Haegen, titulo domus Gaudii anno 1230 cœ-
pit. Et reperio ob maris insolentiam, & pericu-
li metum religiosi oblatum ab Iutta *van Bryen*,
fundum intra litem Parochiæ Meckelbecanæ
struen-

*Axele
Ambach-
tum.*

*Assene
Amba-
tum.*

struendo Cœnobio prætulisse, & augente domum, ac instante Margareta Principe anno 1278. ad priorem in suburbano Axellenfi locum revertisse, ibidemque hæsisse, donec per martiales nimbos Oceani inclementiores pulsæ, Gandam profugæ, Cœnobium istuc adornarunt. Nundinæ autem à Carolo Cæsare V confirmatæ, insigni mercium maritimarum adfluentia olim fuerunt decoratæ, ita ut stapula piscium, vulgo Axella vocaretur. Ambactum vero, præter nominatos ante pagos continet, (ut prætereantur Ertinga sub aquis, & Vrendica inter fanum Wilhelmi, vulgo *Willemskercke*, juxta easdem latentes,) Notenam Petri van Houte Præfecti rerum maritimarum sub Philippo Audace patriam, *Andijck* etiam & *Saemslacht*, à salmonibus, ut apparet, nuncupatum, Castro veteri sub Philippo Duce anno 1452, & nuperis turbis multum læso, spectabile & commendaria Melitenfium nunc, olim Templariorum Priore anno 1282. quod reperi certa latifundia data à Gerardo de Maelftede Equite militibus S. Templi, ad opus Templi de *Saemslacht*. Fuit Dominium in familia ejusdem nominis nobili & vetusta, transiitque ad gentem *vanden Scoutete*. Civilium bellorum fluctus anno 1452, etiam Axella percepit: quum à Gandensibus munita, à Philippo Boni Gandenses oppugnantis militibus direpta fuit, atque incensa, quia Gandavi inopiam clanculum juvare insimulabatur: incolarum & accolarum impensis post restituta, nuperis Bellis vallis ac præsidio tam armata, ut contra fortes etiam adversantium insultus se tueri possit. Fuit olim cognomentum, & ex parte Castrensæ peculium illustris profapia, jam pridem in gentem *vander Gracht*, quæ Patronatum Ecclesiæ possidebat, & Liekerkanam transcriptæ. Possedit & illam pluribus annis familia Ghistellana.

Affeneda Ambachtum.

Hafnethe à Malebranco in tabula, *Asnethe* à Vredio in Chronico Msc. sancti Bavonis *Asneise* appellatur. Huic Comitatus (nempe Castri Gandensis, cujus primus Comes ab Ottone ad annum 949 constitutus fuit Wichmannus) quatuor villæ cum appendiciis *Asneis*, *Bocholt*, *Axla*, *Hulsta*, cum tota *Wasia* subjectæ fuerunt, inquit chronicon. Hæ villæ quatuor ministeria seu Ambacta vulgo vocantur, quæ sub *Ultrajectina* diœcesi fuerunt usque ad annum 1559, quo multiplicatis in Belgio Episcopatibus, sub diœcesi Gandensi sunt collocata. *Affeneda* septem pagorum caput est, arce veteri spectabilis, alioque prætorio, quod istuc excitavit Andreas Andreas quæstor Cæsareus, Eques, constititque per ea tempora nonaginta millibus florenorum, cum tamen summus operarum præfectus non nisi tres asses in singulos dies lucraretur. Habet & rivum sive canalem opportunum, qui hinc ad Philippinam, inde ad *Sassli* Gandensis arcem ducit. E propinquo etiam absorptas æquore terras respicit, quæ aliqua sui parte tamen auspiciis Serenissimorum Belgicæ Principum Alberti & Isabellæ ab injuriis Oceani vindicata sunt, & ab hoc Principum beneficio nomen habent. Oppidi gaudet privilegiis, etiam hebdomadaria nundinatione, & annua, lanificio etiam floruit, & negotiatione maritima, habuit & hospitalarium. Ecclesia ejus ad annum 1142 ere-

Belgica.

cta est, titulo S. Crucis. Pagos complectitur ad utramque ripam aquæductus novi Gandensis inter rivos ex nemore *Waerscotano* & *Axella* fluentes in paludem, vulgo *het Moerwatere*. Inter illos primus occurrit *Wachtbeke*, pagus lætus & populosus, juxtaque Ecclesiam D. Catharinæ Virgini & Martyri sacram, municipii instar egregia serie domorum consitus, eum honoratior Ambacti *Affenedani* Incolæ inhabitare solent. Ecclesia patronum habet *Isēghemii* Comitem, at temporali ejus Dominio, prout & totius Ambacti gaudet Flandriæ Princeps.

Eertvelde, pagus saltuosus & arvus est, cujus temporali partim Dominio potitur Vicecomes Gandavensis; idem patronatum Ecclesiæ habet, quam titulus Virginis Matris nobilitat. Locus mille quingentas terræ mensuras complectitur. Intra ambitum hujus Parochiæ Sacellum, vulgo *de Stoupa*, Virginis ejusdem honori dedicatum est.

Clusen, locus hic æstate admodum amœnus est, & flumine irriguus, fossaque utili, quæ in *Sassli* fluentum sese exonerans ad pontem longum ingentem lignorum copiam Gandavum vehit, Dominio temporali potitur partim Flandriæ Comes, partim Abbas *Eynhamensis* ad *Aldenardam*, qui Prætozem istuc & Magistratum constituit. Habet & idem Abbas Ecclesiæ patronatum, quæ titulo etiam Virginis Matris insignita est.

Winckele ab austro adjacet pago de *Wachtbeke*, à septentrione attingit fossam quæ Gandavo *Sassum* ducit, ab ortu fluentum aliud, quod præta *Moerbecana* secatur, ab occidente agros *Zelzatenos*, Dominum agnoscit Flandriæ Comitem. Ecclesia S. Crucis Patronum habet *Isēghemii* Dynastam, è familia Gandavensi.

Zelzaten pingues habet agros, nuperis bellis tutandis limitibus varia hic propugnacula præfidiis Regiis instructa. Ejus Ecclesia Virgini Catharinæ & Martyri sacra est, sub patronatu Comitis *Isēghemii*, & Principis Flandriæ dominatu.

Bocholta, vulgo *Bochout*, (Malebranco *Bocholt*, Vredio *Bocholtum*) vel *Bochauta* (ut scribit Codex *Bavonensis*) villa, civem habuit Ioannem *Sifidevindium* Monachum *Dunensem*, apud suos, juxta Thomæ Abbatis *Dunensis* tumulum, sepultum. De quo Meyerus in *Annalibus* ad annum 1312. Theologus fuit *Parisiensis* litteratura insignis. Prætorio, legibus, immunitate, portu, nundinis, & Senatu oppidorum instar olim instructa. A Sylva fagina nomen accepit, & communicavit terreno in longum ab æstuario absorptis aliquot pagis mirifice aucto, & hinc à Philippi Regis nomine munitionem; inde à Pyro vicum nominatum, vulgo *Peerboom*, habente, ad sylvam usque *Waerscotanam* tendenti. Quo tractu agger aquarum, vulgo *Waterdijck*, est, eundem cum vicinis aliquot pagis & polderis vindicem, & cedente Principe Dominum adeptus Ieronimum Laurinum Equitem, *Ærarii* apud Belgas Regii Thesaurarium & Consiliarium, Oeconomumque Regis Philippi ante annos amplius centum. Nec enim contentus pagos aggeris & fluenti aquarum asseruisse, acquisitos insuper dono Ducis anno 1497. Poldros Ambacti *Isēdicani* oppositos pago S. Ioannis in eremo, Poldro *Georgiano* inter portum *Bochouta-*

Bocholta Ambachtum.

A a a

num,

num, & occidentalia Biervlietam à Baenstis Guidone, Consiliario & libellorum supplicum magistro; & Paulo nuper Senatus Præsidente redemit, aliaque ab aliis comparavit, & Oceano exclusationi & pascuis accommodavit, feliciter sane, donec ingenti damno idem anno 1570, & alias aggeres superans bonam exaggeratorum prædiorum partem resorpsit, quibus demum restaurandis per hæc Alcedonia gnaviter incumbitur, ut tum scribebat Gramajus. habebat Bocholta Dominum temporalem Flandriæ Comitem, Ecclesia S. Crucis Patronum Baronem de Nevele. Ambacto Bocholtano subsunt, inprimis *Bassevelde* pagus ad quartum ab urbe Ganda lapidem situs, sylvosus & arvus, jactare etiam solens, inquit Gramajus, Cisterciensis instituti virile diversorium. Habuit ab antiquo familiam sibi cognominem, & in ea memoratur Theodoricus de *Basse*

sevelde, qui cum aliis nobilibus Flandriæ, ad Bella sacra secutus est Philippum Elsatium Flandriæ Comitem. Pagus de *Bassevelde* Dominum nunc habet temporalem Flandriæ Comitem, Patronum Ecclesia Antistitem Gandavensem, & titulum Virginis Matris. Pagi amplitudo ad quinque millia mensurarum terræ se protendit, ex quibus multa sylvosa, aliaque non ex uberrimis.

Subest & *Oosteecloo*, pagus sylvis confitus, & myricetum habens, olim item Abbatiam virginalem ordinis Cisterciensis, Gandavo nunc insitam, antiqua fuit illa, & de cujus primæva institutione non satis constat. Dominio de *Oosteecloo* potitur Flandriæ Comes. Pagus nongenta terræ bonaria, ut vocant, complectitur, sed in iis non pauca vix ad frugem idonea, nisi multo labore subigas. Ecclesia titulum S. Crucis habet, & patronum Antistitem Gandavensem.



W A S I A,

vulgò

HET LANDT VAN WAES.



Situs.

Nomen.

Antiquitas.

Indoles incolarum.

Domini.

Nobilissima Comitatus nisi Dominatum hic vocare velis) Flandriæ portio, ad Aquilonem ejusdem Provinciæ sita Wasia. Clauditur tota fluminibus Scaldi, Durma, & oppido Hulsto. Etymon habere videtur à *Wase*,

quod cœnum sive limum Teutonicè significat. est enim magnam partem ditio ferè limosa, aggeribusque, (sed olim magis fuit,) contra inundationes Oceani & Fluminum munita. Scribeus, Becanus, Emmanuel Sueyro, & alii quos hi secuti sunt, his in locis, ac in vicina populos constituunt, quos Cæsar libro quarto & quinto de bello Gallico nominat Levacos, qui cum Pleumosiis, Grudiis & Gondunis, inter clientes Nerviorum erant, nomenque derivant à Leeg & Wack, alii Leege-wake, forte Leege-Walie, mutato W nostrate in V, more Latinis ac Gallis familiari, ut & hodie nomen idem Vassii, vel Wasii, truncato Lee, quo Flandris nihil communius, agnoscamus. Quidquid sit, supervacuum foret, ex historiis velle ostendere, hanc Flandriæ partem admodum inter alias antiquam esse, cultamque in primis & habitatam, cum id situs ejus sufficienter doceat. Nam tota ferè celebri illo flumine Scaldi cingitur; vicinasque habet urbes aliquot potentes & antiquas, etiam arces: ut sunt Gandavum, Antverpia, Teneramunda, Hulstium, Axela, Castella de Rupelmonde, Bevera, Saftinga, quod ultimum inundatione periit. Cum itaque primæ ditionum inhabitationes ex commoditate fluminum, ac protectione vicinarum arcium oriri soleant, imo plurimæ arces urbibus suis originem dederint, (ut patet ex antiquis nominibus castri Gandæ, castri Andoverpis, & similibus) dubitari nequit, hanc etiam regiunculam antiquis urbibus castellisque cœvam, ab omni antiquitate plurimum cultam fuisse. Præ reliquo Flandriæ solo incolas habet industrios & sagaces, comes, & humanos, probitati & antiquæ fidei addictos, in re rustica gnavos, in mercatu solertes, Principibus suis fidos; quanquam præ cæteris gravissima belli onera, ob continuum in visceribus suis militem, senserint. Comitum olim Hollandiæ Castrense peculium fuit, Cæsarum puta beneficio. Ab aliquot enim sæculis, dividitur Flandria in Comitatum, Dominatum, & Proprium. Comitatus à Dominatu Scalde discernitur, subjiciturque Comitatus Regno, Dominatus Imperio. Quatuor tamen officia, Wasia,

Belgica.

agerque cui Transscaldano nomen, cum parte agri Teneramundensis, licet Ciscaldana sint, Dominatui contribuuntur, & paruerunt antiquitus Imperio. Quanquam illa ferè omnia Princeps Hollandiæ in clientela Comitum Flandrorum diutissimè possederit, uti mox è Meyero videbimus. Ditionem verò hanc Forestum Wasiam vocat Ludovicus Germaniæ Rex, in donatione ejus, quam facit Theodorico Comiti, ad annum Dominicæ Incarnationis 868. cujus ad eundem annum meminit Aubertus Miræus in annalibus Belgicis, & diploma (quanquam illi non satis certum) recitat cap. xxxiii. in donationum piarum codice. Cæterum Ianus Douza lib. 5. annalium Hollandiæ suspicatur, hunc Theodoricum Comitem, ad quem ista Ludovici Germaniæ Regis liberalitas pertinuerit, fuisse avum Theodorici Primi Hollandiæ Comitis, & patrem Gerolfi, qui ejusdem Theodorici primi pater fuerit. Atque id quidem ex Reginone colligi posse videtur, qui anno 885 Gerolfum & Gardolfum, Frisonum Comites, à Godefrido Normannorum Rege Legatos ad Imperatorem missos, & anno 898 Eberhardum Ducem, à Walgario seu Walgero Frisone Gerolfi filio, in venatione per fraudem trucidatum fuisse, scribit. Quem eundem esse cum Walgero Theodorici I, Hollandiæ Comitis fratre, idem Douza censet. Theodoricus autem Gerolfi pater, nisi conjectura me fallit, fuit Ludovico Balbo Caroli Calvi filio cubicularius: ipsique idem Balbus comitatum Augustodunensem, super premis tabulis anno 879 legavit, ut apud Aimonium lib. 5. cap. 39. legitur. Ita ferè Miræus in notis ad idem diploma. Arnulfus autem magnus Flandriæ Comes ad annum 937, in diplomate quo varia confert prædia Blandinienfibus sub Transnaro Noviomenfi ac Tornacensi episcopo, sic loquitur. In Pago etiam Wasa, super fluvio Scalda villam nuncupatam Temseca, in qua diu corpus beatæ Virginis requievit Amelbergæ, &c. Quomodo autem sub Hollandis posita Wasia ad Flandros redierit, narrat Meyerus libro quinto annalium sub Theodorico Elfatio, ad annum 1168. Florentius, inquit, Comes Hollandiæ, quem Brugis captivum aservari ostendimus, custodia est dimissus, paxque inter eum & Flandrum his legibus composita, ut obsides, quos Flandrus habebat de Insulis inter Scalden & Edinseam, remaneant Brugis, quamdiu Flandrus voluerit. Ut nullum certamen aut duellum usquam fiat propter dictas Insulas, nisi in urbe Brugiensi. Ut omnes proventus & emolumenta ac bona quæque Fisco addicta in iisdem Insulis, Comites inter se dividant.

B b b



dant. Vt exules & homicidæ Hollandiæ, in Flandriam non habant refugium. Vt neuter Comitum in prædictis Insulis ullas exstruat munitiones. Si Comes Hollandiæ contraeat huic paci, quidquid in Flandri clientela terrarum possidet, committeret, donec injuriam ac damna refarciat. Item si quis mercator Flandrus in Hollandia spoliatur, oppidum aut ager in quo spoliatus fuerit, damnum præstabit arbitrio sex virorum. Vt mercatores Flandri tota Hollandia à vectigalibus sint immunes. Si quid sub umbra vectigalis aut tributis illis ablatum fuerit, Comes Hollandiæ reddere teneatur. Vt mercator Flandrus transiens per Hollandiam, de omnibus, quæ exigentur ab eo, debitis, solo juramento se possit purgare, ne remoretur ejus iter. Si ultra juramentum mercator impediatur, teneaturve, Comes Hollandiæ damna ejus, & impensas luat. Actum Brugis in præpositura sancti Donatiani, Feria tertia post Reminiscere, anno 1157. Ita enim tempus annotatur in tabulis. Verum haud ita multo post, quia Florentius hanc pacem non servavit, abstulit illi Philippus omnia, quæ habuit in dictis Insulis. Abstulit præterea illi terram Wasiam, quam tenebant Comites Hollandiæ in fide ac clientela Comitum Flandriæ. Hæc omnia sui fecit juris, ac Flandrico adjecit imperio.

Narrat & idem auctor lib. x. annalium, sub Guidone Dampetra, cum an. 1280, Rodolphus Cæsar per sententiam declarasset Imperialem, Alostanos, Wasiam, quatuor Officia, Insulasque Zealandicas ad Fiscum rediisse, eo quod de iis Guido non præstitisset in tempore juramentum, attribuisseque Cæsar omnes eas ditiones Ioanni Avenienfi Comiti Hannoniæ, quamvis de iisdem terris Guido nomine matris anno 62 in urbe Gandavo jurasset in verba Cæsaris Richardi: quod Guido, sentiens, se maxima gravatum injuria, Romanum appellavit Pont., defunctoque post annos aliquot Cæsare Rodolpho, Alberto Cæsari se apud Aquasgrani jurejurando devinxerit, revocata sententia Rodulphi. Hactenus ita Meyerus. Cæterum hanc Wasia ditionem longo tempore etiam fuisse sub Alostanis Comitibus, è familia Gandavensi, videre est apud Andream du Chesne, lib. 4. de eadem familia. Vti verò nuperis bellis, ita prioribus sæculis ab eadem Martis inclementia, varias passa est hæc ditio calamitates, ac ruinas. Memorabilis autem ea clades fuit, quæ sub Philippo Burgundione, ad an. 1452, Wasia contigit. Cum enim, (licet ad xvi Kal. Julias ejusdem anni, feliciter contra Gandavenses apud Wazeliæ Wasia pagum, *Bazele* vocant, pugnasset) antedictus Princeps filium in ea pugna suum, Cornelium clarissimum virum, omnique nobilitati charissimum, ut ait Meyerus, amisisset, incensâ prius, quo magna pars Gandavensium fugerat, Wasiam per Picardos, ita enim Gandavenses eos nominabant, qui signa Principis sequebantur, Princeps Philippus, propter amissum præstantissimum filium, gravi dolore adfectus, ut illum ulcisceretur, xi Kal. Julii Wasiam ingreditur: Cum eo Venensis & Alnetanus Procurator Hollandiæ cum tribus millibus Hollando-

rum, quorum maxima pars balistarii, pagos, & munitiones ferè omnes, absque ulla misericordia incendit, omnesque tandem ad unum devissit, nisi magno accurrissent numero agricolæ inermes, supplices, nudis calcibus, veniam & misericordiam magnis vocibus flagitantes: quorum Dux motus precibus, incendia sisti jussit. Ad Moerbekam multi utrimque interfecti, sed plures longè à Gandensibus, totusque pagus exustus: virorum duo millia juxta Engerranum ceciderunt. Refert Tornacensis, quaterna amplius millia villarum seu habitationum, eâ expeditione fuisse consumpta. Totâ hebdomadâ Philippum ei fuisse negotio intentum, singulique diebus sub Solis occasum in arcem Rupelmondam fortem ac tutam se recepisse, milite in agris relicto. Et paulo post idem auctor; Miseriam, inquit, & calamitatem, quam tunc passa est Orientalis Flandria, nemo explicare posset. Non oppressa tamen, at sensim pristino flori restituta hæc provinciæ portio, cum ipsa Wasia exsurrexit. Wasia solum alibi pingue ac opimum est, alibi sterile, aridumque, sed quod industria ac improbo labore gentis, mirum in modum emendatur. Præcipuus in ea lini proventus est, & juxta maritima & æstuarium optimi frumenti, quale passim per quaterna Officia, vulgò, *de vier Ambachten*, crescit. Linum magna ditioni illi parit compendia. In qua recursus est etiam per omnem ferè septimanæ diem nundinationum hebdomalium. Hoc enim die, nempe Mercurii, apud Lokeram, altero, nempe Iovis ad D. Nicolai, nunc in Tamisia, alias, nimirum Sabbatho in Stekene, die Martis apud Beveram, dein & Rupelmondam, & aliis in locis hebdomadarius ille mercatus exercetur. In consuetudine plurimorum hoc etiam positum est, ut qui negotiationis causa locum hunc hodie frequentavit, ad alium postredie ejusdem rei gratia sese conferat. unde quaestus municipum, & mutua lucra. Magna etiam huic ditioni utilitas, à fluminum eam pertranseuntium comodo cursu, à Durma præsertim ac Scaldi. Fluvius est Durma, qui ad *Winkele* pagum exoritur, & ad *Temsecam* in Scaldin exoneratur, quo ditio hæc non minus quam ipso Scaldi alluitur, & lacum habet.

Ditio Wasia complectitur hodierna die sequentes pagos, *S. Nicolai, Lokeren, Waesmunster, Stekene, S. Egidii, Bazele, Morbeke, Nieuwerkerke, Vracene, Sinai, Belzele, S. Pauli, Melcene, Thielroode, Elverzele, Kemske, Dackenam, & Haesdonck*. quod totum, Curia Wasia, vulgò *de Keure*, appellatur, nec alios particulares Toparchas habet, præter Flandriæ Comitem, nec sub jurisdictione alicujus oppidi positum est. Sub eadem insuper Wasia ditione comprehenduntur sequentes pagi ac toparchiæ, videlicet, diriuncula Beverana, vulgò *het Landt van Beveren*, complexa pagum *de Beveren, Verrebrouck, Kieldrecht*, & partem in *Haesdonck*, aliisque quibusdam parœciis. Complectitur etiam Wasia Tamisiam, vulgò *Temsche, Exaerde, Kruijbeke, Zwijndrecht, & Burcht*. Et quamquam dominus de Beveren alique toparchi, per suos prætores, homines feudales, aliosque jurisdictionis administratos, in suis quisque dominiis justis-

Calamitates.

Soli quatuor.

Fluvius.

Pagi.

Prius.

Ma-
nus.

Justitiam exerceant, tam criminalem quam civilem, in politica tamen gubernatione, ac partitione onerum, ac subsidiorum, quæ à Principe petuntur, subjiciuntur summo Prætori, aliisque Scabinis hujus ditionis, ut ejus circulo circumscripti. *Rupelmonda* solius Principis agnoscit imperium. Consentit huic etiam divisioni liber Flandriæ censualis, qui pagis quibusdam dominia quædam connectit, ut *Cauweburch*, *Pumbeke*, *Paddeschoot*, *Aerscoot*, asserens, cum tota Flandriæ provincia centum pendit, à Wasianis tribui libras duas, solidos octodecim, ac denarios duos obolares. Ejus incolis an. 1531, sanctione Caroli Quinti Cæsaris, permixtæ sunt in linea transversali patruorum, avunculorum, amitarum, & materterarum successiones, cum antea mos patrius à latere excluderet universas. Ditio hæc pars est Flandriæ illius, quam scriptores nominant Imperialem; & quanquam, ut ante vidimus, diversis temporibus ac titulis possessa fuerit à Comitibus Hollandiæ, in fide tamen ac clientela Comitum Flandriæ illam tenuerunt. Prima ejus ab hoc Comitatu avulsio facta est anno 1062, cum Balduinus Pius Flandriæ Comes, Roberto Frisoni filio suo secundo-genito, in manus venienti cum Gertrude filia Florentii, Comitis Hollandiæ, in dotem dedit, inter cætera dominia, ditionem Wasia. Quæ iterum anno 1070, Flandrico Comitatu restituta est, iterum postea ad Hollandos rediens. sed cum anno 1165 Florentius Hollandiæ Comes, cum suis confederatis, irruptionem in Flandriam Armeniterias usque fecisset, ibique acriter pugnatum esset, Duce Philippo Theodorici Elstii, qui propter decrepitam ætatem rebus gerendis parum idoneus videbatur, filio: captus est Florentius, & ad annum usque 1167 Brugis in custodia detentus. Vbi eodem anno inter Principes convenit, ea conditione, ut si pacta Florentius non servaret; omnia ea perderet, quæ in clientela Comitum Flandriæ possidebat. Pactis itaque non stante Florentio, ademit ei Philippus Wasiam, & Comitatu Flandrico univit. Quanquam multis annis post Hollandiæ Comites non destiterint jus in eam ditionem prætere. Cui tandem Wilhelmus Hollandiæ Comes, pace inter illum & Comitem Ludovicum Nivernensem pacta, ad annum 1323 irrevocabiler renuntiavit. Honorarunt illam ditionem Flandriæ Principes multis privilegiis, cumque dudum ea incertis legibus, & ex nutu ferè præsidum illius administrata fuisset, Thomas Sabaudus, & Ioanna Constantinopolitana, Flandriæ Comites, an. 1241 certam illi legum formulam tradiderunt, perpetuò tenendam, quam Latinum diploma *Chore* vocat, Teutonice, *de Keure van Waes*: Quæ statuit pro supremo ejus provinciæ Magistratu, Prætozem unum summum, & Scabinos septem, quos principales nominat, qui semel electi, tota vita functionem illam tenent: ad quos, Magistratus minores, ceu paræciarum inferiores Scabini, recurrunt in dubiis causarum ac litium controversiis, aliisque politicis negotiis; à quibus etiam ad principales Scabinos appellatur. Collegium hoc nobilibus plerumque ac præstantibus viris constat. Ea con-

Belgica.

stitutio porrò confirmata fuit per Guidonem & Robertum Flandriæ Comites ad annum 1277, & ampliata. Per ea autem privilegia judicabat hoc collegium Scabinorum per arrestum, adeò ut ab illorum sententia provocatio non daretur, neque reformari posset extra eam ditionem: quo in usu manserunt ad annum Christi 1452. Cum autem per ea tempora Gandavenfes in Philippum Bonum arma sumpfissent, iisque adhærent Wasiani, qui & annonam ac comestum Gandavenfibus suppeditabant, Philippus in Wasiam Carolo Carolesii Comite ejus filio Duce irruptione facta, incensis illic ad quater mille prædiis eos in ordinem redegit. At mox apud Lokeram veniam à Principe consecuti, ac confirmationem legum ac privilegiorum adepti sunt: Excepto nihilominus, ut Principis diploma loquitur, quod Consules supremi, seu Scabini, feudalesque supremæ Curia Viri sententiarum provocationibus subjacent, possentque illorum sententiæ emendari & conciliari, quotiescunque litigantes ipsi suas deponerent querelas apud nos, scilicet coram Curia nostræ in Flandriæ partibus institutæ Senatoribus; quos quidem hujuscemodi litibus componendis committimus; quamquam in datis Comiti Thomæ jam defuncto litteris, nulla prorsus extet mentio prædictæ recognitionis ac emendationis; neque ullus prædictorum Consulū supremorum, illarum tenore litterarum, ex Wasia finibus possit educi. Cæterum collegium hoc quod ab antiquo multis illustres viros ac equites habuit, secundum institutionis suæ formam unoquoque bimestri convenire solet in paræcia S. Nicolai, quæ primatum hac in ditione gerit, & ubi prætorium Wasia totius existit, ad litium ac controversiarum omnium decisionem, toties denique, quoties id Reip. status exigit. Porrò ad annum usque 1518, stetit in foro S. Nicolai Tilia, sub qua ad summi Prætoris monita, civiles controversias Scabini dirimebant de plano, & sub dio, pro simplicitate illius ævi, & litium paucitate. Sub eadem Tilia Sacramentum dicere solebant olim Flandriæ Comites pro ditione illa, ac vicissim fidem jurabant officiarum ac magistratus ejusdem. Nominatim id autem præstitere Philippus Bonus, Carolus Bellicofus, ac Philippus Pulcher, cujus rei exstant monumenta. Porrò justitiam criminalem in hac ditione exercent illi, qui in constitutione politiæ Wasianæ vocantur Homines Comitum, vulgò *'s Graven Mannen van den Hove van Waes*, qui feuda videlicet aliqua in eadem ditione possident, quæ à Wasiana curia dependent. Ex iis autem numero multis constituitur collegium quotannis septem hominum feudalium, qui ad requisitionem supremi prætoris, criminalem rem tractant, & ad D. Nicolai exequentur. Ad soli qualitates quod attinet, mediam ubertatis lineam tenet; ubi minus fecundum, ut ante tetigi, labore & industria incolarum emendatur, neque ulli per Flandriam loco in peritia rei rusticæ coloni Wasiani cedunt. Præcipuus lini proventus est, quod ubertim hic crescit, & nusquam melius, & magnâ copiâ quaquaversum divenditur. Vnicus ferè hujus terræ partus, si frumentum fortè ac filiginem excipias, his illisque

C c c

locis

Justitia Criminalis.

Soli qualitas.

locis natam. Ab antiquo in armis exercitati sunt, utpote finitimi Brabantis, ac Zelandis, cum quibus aliquando rixandum, belligerandumque fuit. Hodierna porro ditionis militia, nuper novem millibus armatorum constabat, præter mille alios majoribus sclopiis instructos, quos Voluntarios vocant, qui quanquam Sacramento obligentur, stipendia tamen non percipiunt, nisi cum actu ad aggeres, aliosque terræ limites, excubant. In quam rem continuò parati esse debent, utpote vel minimâ occasione impendendi. De Foris Wasiæ aliquid antè diximus: Hic addo, præcipuum esse ad D. Nicolai, nec aliud totâ forte Belgicâ celebrius, quod ruri habetur. Illud frequentant undequaque venientes exteri mercatores, & è vicinia plurimi, ob lini ac frumenti mercatum præcipuè. Hæc parœcia in medietate ditionis sita est, eoque loco, qui commodè per circuitum adiri possit. Incolas habet frequentes. Eminent & inter Wasiæ parœcias Lokeren, & Waesmunster, super Durmam posita, Tamisia ad Scaldin, Bevera, & Stekene, de quibus mox particulatim. Præter castella Rupelmondæ & Beveræ, arcemque Tamisien sem splendidam, visuntur in ditione Wasiæ prætoria virorum nobilium. In Bazele Baronis de Wissekercke, & Domini de Logenhage; in Tamisia prætorium de Couderburch, apud S. Nicolaum domus Domini de Paddefchoot & domini de Walburch; apud Exaerde prætorium Toparchi. In Moerbeke domus de Wulpsdonck. In Waesmunster prætorium de Ponterave. In Beveren domus de Sisele, domus de Welle, quam nunc inhabitat dominus Ioannes del Plano, Prætor Beveranus; In Thielrode, prætorium de Appelsvoorde. Ad sanctum Paulum, domus de Voorde. In Kemseke, domus de Voorhaute. Ad sanctum Egidium, domus de Cluse. In Burcht, prætorium Toparchi. Ante civiles Belgarum motus, visebatur etiam in hac ditione Monasterium de Bodelo, ordinis Cisterciensis, in parœcia de Sinai; sed iniquitate temporum cum eo loco dirutum esset, Gandavi nunc exsurrexit. In eo olim Archiva Wasiæ servabantur; eratque Abbas Carthophylax eorundem, ac privilegiorum custos.

Wasiæ municipia & pagi.

S. Nicolai parœcia, vulgo S. Nicolaes, municipium, ut antea intelleximus, elegans, ac populosum, ab Ecclesiæ patrono S. Nicolao nomen habet. Forum habet annuum in festo ejusdem Divi, præter hebdomadis nundinas unaquaque feria quinta. Ejus amplitudo ad quater mille mensuras terræ se protendit. Inter Wasiæ loca primatum quendam habet, illicque Wasiæ prætorium, & ordinarius Senatorum conventus. In eo juramentum ditioni præstare solebant huic, & inaugurari Flandriæ Principes, Wasiæ domini. Id ibi præstitit Philippus Archidux, ad annum 1497, septima Iunii, ut archiva docent, & vitrum ab eo Principe Ecclesiæ donatum. Idem præstitere Carolus Bellicosus, & Philippus ejus pater.

Solent autem huc convenire Senatores ad jus dicendum unoquoque trimestri, aliisque, cum necessitas exigit, conveniunt & homines Comitum, Feudales dicti, ad criminalem præci-

puè justitiam exercendam. Fori privilegium ac libertas, donata fuit huic loco per Maxamilianum Cæsarem, ad annum 1513. Nundinæ annuæ in Festo Divi Nicolai, mense Decembri, immunitatem habent ab eodem Maxamiliano.

Wasiæ monasterium, vulgò Waesmunster, Pagus est habitatione virorum nobilium cumprimis per Wasiæ celebris. Irrigatur fluvio Durma, habet etiam pascua amœna, & opima; at qua septentrionem respicit, loca sterilia & arenosa, in monticulos assurgentia. Temporale loci dominium habet Flandriæ Comes. Iuxta Ecclesiæ domorum congeries cernitur, quarum non pauca magnificæ & elegantes. A quibusdā, nec immeritò, aula Wasiæ, locus hic appellari solet. Cœnobium quod hic cernitur, fœminini sexus, & ordinis est Canoniarum Regularium, congregationis Victorinæ, sub regula divi Augustini, quod ob nuperas turbas, in oppido Teneramunda aliquamdiu fuit.

Cæterum in hoc pago de Waesmunster situm est dominium de Ponterave & Rye, perantiquum, quod movetur à Curia feudali Wasiæ. Habet hæc Toparchia piscationem in Durma à pago de Lokeren usque Tamisiam.

Bevera Wasiæ, Pagus amplitudine sua & jurisdictione spectabilis, arcem habet Toparchiæ annexam, præter cæteras in Wasiæ conspicuam, Dominium hujus loci splendidum ac potens in variis olim familiis fuit, ac diutissimè in Dixmudana: In Beveren quoque habet amœno loco situm prætorium è Triestiorum familia Baro de Auweghem.

Tamisia, vulgò Temsche, municipium ad Scaldæ ripas situm, elegantia & amœno prospectu nulli secundum. Arcem hic habet splendidam & prætorium insigne Viri Illustris. Dominus Alexander Bournonvilleus, Eques Aurei Velleris, Dux Bournonvillæ, Comes Henniæ, Lietardi, Vicecomes Barlini, Baro Ranchi, Curia, & Divisionis, etiam hujus loci Toparchus.

Sinai, in cujus districtu olim Abbatia Bodeloana fuit, ingentis est amplitudinis pagus, quater enim mille terræ mensuras continet.

Stekene, municipium olim populosum ac luculenta domorum serie adornatum, oppidique vultum præ se ferens; gaudet loci dominio temporali Flandriæ Comes. Nundinas habet hebdomadales, quæ frequentia celebres esse solebant; annales item, veteris in eum locum favoris Principum nostrorum testes. Fossa hinc Hulstium & Gandavum ducit, navigationi & mercibus vehendis commoda, favore provincialium nuper admodum promota.

Aesdonck, pagus recto versus Antverpiam itinere situs est. In eo partem domini sibi vendicat modo Dux Arscotanus, ratione Toparchiæ Beverensis, quæ huc se extendit. Quæ tamen vocatur Curia Aesdoncana sub Principe est, & Wasiæ Magistratus Iurisdictione, ubi & cum Zottegemio censum pendit. Pagi vero amplitudo ad mille octingentas terræ mensuras protenditur.

Burcht, pagus edito amœnoque loco situs ad Scaldin, unde secundo flumine mediæ horulæ spatio Antverpiam navigatur. Locus ultra sex-

centas terræ mensuras non protenditur. Ab hoc etiam pago Antverpiam versus super aggerem, quasi in Wasiæ cubito est celebre caput per Scaldin Trajectionis, oppositum Antverpiæ, cui *het Veer* vulgare nomen, derivatum à *Varen*, quod agi moverique denotat. Locus enim propugnaculo, ac militari præsidio munitus est, & à Burchto huc usque via filicibus strata, mercibus Antverpiam advehendis, & avehendis idonea. Arx dicta *Kraeyen-hof*, sub Iurisdictione Burchtana, visitur, ad Toparchiam pertinens, habetque duplicem carcerem, criminalem, & civilem, sive pecuniariis debitis obnoxium.

Rupelmunda: Celebre & antiqui nominis in Wasiæ municipium ad Rupelæ ostia situm Scaldi se immiscens; dominio temporali ejus loci potitur Flandriæ Comes, qui arcem hic habet splendidam & perverustam, & in ea carceres fontibus horridos, quales in Vilvordia Castello Brabantia Princeps, plectendæ nobilitati præfertim, in Principem, aut Remp., aut aliàs peccanti destinatos. Habet autem nomen *Rupelmonda*, à fluvio Rupela ante memorato. qui ex Brabantia, in ejus aggerem oppositum undas, Netha Diliaque auctas, valide exspuit, & se Scaldi adfundit. Arcem illam, de qua ante, robustam & spectabilem, à Margareta Secunda erectam, (est tamen multo vetustior,) ostendat veterum Flandriæ diplomatum ac indultorum principium Gazophylacium. Quæ, ut ante etiam dixi, juvenum afortorum, ne insanabiles evadant, famosa custodia, & procerum olim perduellionis suspectorum carcer fuit. Multi in eo adfecti extremo supplicio fuere, etiam occulto, & intra carceris ipsius penetralia, nihil tale expectantes, viri claro loco nati. Fuit nuperis annis *Rupelmonda* per tempus aliquod sub potestate Ordinum Fœderatorum, sed virtute Alexandri Farnesi, Parmæ & Placentiæ Ducis, Belgicæ Præfecti, ad annum 1583 Regi Catholico restituta fuit.

Bassele, edito & amœno loco situs, prætorium habet splendidum. A meridie Scaldim habet; qui magna istac majestate Antverpiam labitur. Dominus vero temporalis Flandriæ Comes. Amplitudo quater mille mensuras complectitur.

Lokeren, amplissimus per totam Flandriam pagus: duo enim millia & octoginta, ut vocant, terræ bonaria continet, hebdomadario foro nobilis. Dominum nunc habet Flandriæ Comitem, Ecclesiæ Patronum Episcopum Gandavensem. Secat Lokeram Durma fluvius, navigationi aptissimus, nisi fortè per æstivos dies aridiores, alveo minus profundo sit. Pagus duabus ferè leucis à Teneremunda, tribus à Gandavo distat. Mercatus hebdomadarius non minus hic, quam ad D. Nicolai, frequentia advenarum celebris est, magnaque vis lini etiam istic divenditur, inque vicinas ac dissitas regiones transportatur.

Exaerde, non obscuri nominis, & amplæ potestatis dominium, nunc spectat ad virum prudentia ac virtutibus clarum, & nobilem, Philippum Lanckhals.

Belcele, Bella-cella dicitur in diplomate Tornacensi, pagus est in meditullio ferè Wasiæ situs.

Amplitudo pagi ad ter mille mensuras terræ se protendit. Toparchum non alium agnoscit quam Flandriæ Comitem. Inserit se tamen huic etiam loco, prout & Wasiomonasterio, & S. Nicolai, dominium de *Paddeschoot*, quod in fide ac clientela Toparchi Beverensis modo possidetur à familia de *Hertoge*, quod altam, mediam, imamque justitiam, venationem, ac alias præeminentias habet. Intra limites hujus parocciæ situm est quoque dominium de *Voorde*.

Kemseke, complectitur hic pagus bis mille terræ mensuras. Temporalis ejus dominatu potitur Flandriæ Comes.

Tilroo, pagus una sui parte Scaldi attiguus, cujus amplitudo mille terrarum mensuras complectitur, dominio verò loci Flandriæ Princeps.

Dackenam, non amplius, at fœcundus, Durmaque fluvio undique irriguus pagus; dominum habet temporalem, Flandriæ Comitem; Lokeræ vicinus est, & nongentas terræ mensuras complectitur, magna sui parte pascuus.

Vracene.

Moerbeke, in quo pago multa prædia possidet ecclesia Gandavensis, vicinos plerisque amplitudine superat. Duo enim millia, ac ducenta terræ jugera complectitur, maximam etiam partem pascuus, & Toparchia Flandriæ Comitis, prætorioque non ignobili antistitis Gandavensis clarus.

Nieuwerkerke. Dominium temporale Comitis est Flandriæ. Ad mille autem & sexcentas terræ mensuras pagi magnitudo protenditur.

Melfene, pascuus non minima sui parte pagus est, & dominio potitur temporali Flandriæ Princeps.

Elverzele, Eundem Flandriæ Comitem agnoscit Dominum; mille mensuras terræ complectitur.


Crubeke, ad ripam Scaldis edito loco situs, prospectui latè per Brabantiam patet. Dominium temporale Flandriæ Comitis est. Bis mille ducentas terræ mensuras continet.

S. Egidii, vulgò *S. Gillis*, non infimi nominis in Wasiæ pagus, à S. Egidio, cui Ecclesia inscripta est, nomen habet; Dominumque, ut cætera ferè omnia per Wasiæ loca, Flandriæ Comitem. Amplitudo ejus ad ter mille ducentas terræ mensuras se extendit. Locus in Wasiæ celebris est, quam nonnulla etiam Wasiæ Nobilitatis pars inhabitat.

Kildrecht, ab hoc non procul sita sunt *Calloo*, opimis proventibus dotatam curam pastorem habens, terraque nuper aquis educta, miræque fœcunditatis, quam *den Doel* nominant, ab hac fluminis Scaldis parte, ubi circumcirca in aggeribus conspiciere datur varia à regis contra hostem Batavum, ac vicissim ab illis contra regios excitata propugnacula, milite præfidiario instructa, quæ quia Wasiæ adjacent, pars ejus ditionis censerì possint.

Swindrecht, Dominium temporale nuper habuit D. Ioannes van Hove, Patricius Antverpiensis, oppignorationis titulo, sed nunc refusa pecunia, cum Burchtana Toparchia ad Præpotentes Flandriæ Ordines rediit. Ejus amplitudo quatuor millia mensurarum terræ complectitur.

Verrebrouck, juxta æstuarium situs, Toparchia ad Flandriæ Principem spectat.



dum sub imperium Regis. Magnis in ea juribus, latifundiisque potitur Vedaftinus apud Atrebat-tes Archimandrita. Nec Germana tamen Ar-tesia pars, neque Flandriae cenfetur, fed medio quodam inter utramque loco per fe fubfiftit, Flandrico tamen folo magis infita adfitaque ab omni parte, habet à Septentrione flumen Legiam & Teutones Flandros, ab ortu & meri-die Flandrogallos five Walones, ab occidente verò, oppidum parœciamque de Gorga, extra tamen ditionem hanc fita. Atrebatum jurisdi-ctioni fubditur, non Flandriae Concilio, quod eft Gandavi ftabilitum. Ob eam verò caufam hic Geographicis Flandriae noftræ descriptioni-bus illam conjungo, quia in vicino fita eft.

G A L-

GALLO-FLANDRIA.



Fvm Flandriæ tractum, quem strictiori vocabulo Comitatum vocant, quemque in generali totius Flandriæ descriptione Comitatum Alostensem, Tornacesium & Hannones ad ortum, ad Meridiem eosdem Hannones & Artesios, versus Occasum Artesios, Caletes, & Oceani Germanici partem, ad septentrionem idem Germanicum Mare, Zelandiam, & Quatuor Officia, conterminos habere diximus, eum inquam tractum jam ab olim divisere idiomatica, & Lisa Fluvius ab montibus Artesiæ progrediens, & longo ac sinuoso meatu Gandavum usque Flandricas urbes camposque interfecans. Inter Oceanum & eum amnem quæ porriguntur, nobilissimam & maximam Comitatus Flandriæ partem efficiunt, hæcque ab iis incolitur quibus Teutonice loqui natura concessit. Ad dexteram Lisæ quæ confident, partimque Scarpo, partim Scaldi clauduntur; vel hos etiam inter fluvios procurunt, alteram constituunt hujus ditionis partem. Hujus partis vero incolas varius dividit sermo. Qui versus Orientem jam inde à Meninis & Halewino, conterminis locis, inter angustias fluminum Gandavum usque procurunt, etiam Teutonicam linguam sonant: contra qui versus Meridiem & Occasum à dictis finibus latius diducuntur, paucis ad Lisam sedentibus exceptis, Gallico idiomate sensa animi exprimunt. Hæc ditio quamvis cum altera Flandriæ Comitatus parte collata, prorsus angustis limitibus contineatur: per se tamen neque modica est, neque suis laudibus caret.

Termini.

Fluvii.

Soli qualitas.

Sylvæ.

Hoc igitur Gallicum Flandriæ membrum ab Oriente Flandris Teutonicis & Tornacesio præcingitur: ad Meridiem Hannones & Artesios habet; ad Occasum iisdem Artesiis jungitur; inde versus Aquilonem & Ortum Teutonicos late Flandros aspicit, ab his magnam partem benigno & fecundo cursu Lisa disjungit; Deulla interfecat; Scaldis & Scarpo partim circumeunt, partim interluunt, commodi omnes, & ferendis navibus idonei, ideoque ad fertilitatem & opulentiam vario meatu, & deportatione mercium opportuni. Irrigatum his fluminibus Gallo-Flandriæ solum ubique fertile est: minus tamen ea pars fecunda, quæ versus Artesiam tendit. Cælum istic satis molle, ac plerisque locis ad fertilitatem & voluptatem obsequens. Pauci protuberant colles, iique nec lapidibus infesti nec frugum expertes. Pabulensis eorum præcipuus agro fertili, pingui caseo, altitudine, quamquam is partem maximam Artesiæ sublit.

Plerumque solum nemoribus est confitum, unde struendis ædificiis & ignibus fovendis, magna lignorum copia suppeditat, nec minorem venantibus oblectationem. Præ cæteris nomen habent

Belgica.

Flinense, Rayssium, Martianense, ac Cysonio vicinum. Quibus ea partibus desunt, villicorum industria & labor subveniunt, hortos, arva, viasque cædis arboribus cingunt, ut plerique pagi & agri sylvarum speciem aspicientibus præbeant. In hortis, quæ panguntur, varii generis fructus arbores ferunt, vel patriæ vel exoticæ. Quas prætendunt hortis, itineribus, agris, pratibusque, infrugiferæ omnes: ac præsertim ulmi, salices, alni, utriusque generis populi, & interdum ilices, quercus, fraxini, quarum aliæ structionibus sunt, aliæ focis idoneæ.

Arbores.

Vbi coluntur arva, omnis generis frumenta, linum, cannabum, legumina, & aptas inficiendis colore pannis herbas, proferunt abunde. Quæ fluminibus terræ madent, ex multis & lectissimis pascuis sunt nobiles: ibique multa equorum & boum armenta passim conspiciuntur, ac ingens anserum alitur copia.

Arborum fructus.

Pascua.

Cæterum viscera regionis neque marmoribus, neque metallis turgescunt: solo lapide candido mollique juxta Insulam tument, cujus opportunior sit usus, fundamentis profunde jaciendis, quam struendis domorum vel templorum parietibus; juxta Tornacum cæruleo, qui licet fin-di soleat, candido tamen illo Insulensi est durior.

Fossilia.

Univerfus hic tractus tres potissimum urbes, Insulam, Duacum, Orciam; oppida quatuor, Armenteriam, Cominium, Basseam & Lannoyam comprehendit. Pagos vicosve circiter centum & septuaginta, nobilium arces plurimas, aut prætoria & aliquot in agris monasteria complectitur: opes ubique multæ sunt, seu soli fertilitas, sive hominum labor & industria, sive res aliunde advectæ conferant. Paucos videas pagos aut vicos ubi minus quadringentis mortalibus numeres, qui pueritiam exuerint, in plurimis horum mille censeas, in multis mille quingentos; in quibusdam bis mille aut plures etiam reperias. Horum pars aliqua in agrorum cultum incumbit: in lanificium vel linificium alii, sive domi neant, sive telas & pannos varii generis radio percurrant; nusquam in agris & oppidis otio locus conceditur.

Urbes & oppida.

Pagi.

Opes.

Populositas.

Occupationes.

Incolas hujus regionis Gallos fuisse, Romanorum testantur libri; his casis vel pulsas regionem obtinere Germani, Nervii nominati: Romani postea hunc tractum armis subegerunt, dein Franci advenere, tractumque hunc occupaverunt, sed mox à Romanis expulsi sunt, tandem Maximianus Imp. Francis huc revertendi potestatem fecit, ut vacuas factas incolis ditiones obtinerent. Verum extremis prope Imperii Rom. Principibus Belgæ Romanum à cervicibus jugum excussere; hi Francos Genebaldo Duce irrum-pentes in societatem connubiorum & soli receperunt. Hos postmodum Aëtius & Majorianus eo loco ubi nunc vetus Hesduinum, magna clade afficiunt. Verum Clodius Francorum Rex vindictæ cupidine instigatus, Cameracenses, Nervios

Incolæ.

D d d

& Mo-

Domini.

& Morinos subegit captis eorum oppidis & castris, qui supererant, Romanis. Fatis absumto Clodio Merovæus regnum Francicum hisce in partibus stabilivit. Varii hic dominati Domini, donec succedentibus postea temporibus, cum in alios atque alios præcipua membra devolverentur, tandem in Flandriæ Comitem convenere, ut sub eo corpus integrum coalesceret. Et usque ad tempora Philippi Pulchri Francorum Regis penes hos Principes ita fuit imperium Gallo-Flandriæ, ut quamvis Philippus Augustus Francorum Rex Insulam & Duacum armis ceperit & aliquamdiu tenuerit, nihil tamen is circa dominium & gubernationem immutaverit. Tum enim Flandriam neque mores, neque jura, neque regimen, neque possessio dividebat. Verum postquam Pulcher captis Guidone Flandriæ Comite & Roberto Bethunio ejus filio, omnes hujus pulcherrimi tractus locos in suam vel armis, vel astu potestatem pertraxerat, tum denique dolis Enguerrandi Mariginii tantum Flandria vulnus accepit, uti pulcherrimum ejus membrum principio amputaretur, dein solo fere vocabulo Flandriæ rursus coalesceret. Vti membrum istud corpori suo restitueret, post alios Flandriæ Principes, multis laboribus Comes Ludovicus Maleanus perfecit, cum ea lege Margaretam filiam suam unicam, & omnium ditionum heredem Philippo Valesio Audaci Burgundiæ Duci per nuptias conjungeret. Verum tametsi ob id matrimonium hæc ditio Flandriæ Comitatus rursus annectatur, & cum ea unum Comitatus & Provinciæ corpus efficiat; eam tamen multa quadantenus distinguunt, quibus eam obnoxiam Franci effecerant; Ordines nimirum, Census, Iurisdictio, Comitatus, Gubernator: quæ omnia seorsim obtinet. Caterum hoc tempore totus Gallo-Flandriæ tractus Comiti Flandriæ adeo subiectus est, ut non modo supremum in eum obtineat imperium, & ab nullo eum Principe Clientelari beneficio vendicet sibi: sed ipsa etiam Tripolis, pagi quidam, multa loca juraque in peculium ejus dominicum cesserint: in alia pecuniam ad subsidium vel ordinarium, vel extra ordinem petendi capiendique jure polleat. Cætera vero, sive oppida sive pagi castraque, nullos Principum, Nobilium, Antistitum, Ecclesiasticorum, ac civium dominos agnoscunt, iisque divitias ingentes comparant: ut fere incredibile sit quantum tribuat opum hæc regio vel privatis locorum possessoribus, vel Flandriæ Comiti; sive suam cogat ipse pecuniam, sive Comitatus Ordinum concessam accipiat.

Gubernator Gallo-Flandriæ.

Ante tempora Philippi Pulchri Franciæ Regis nullus Flandriæ Gubernator imponi solebat: quod pulchrum autumabant Flandri ab nullo quam suo regi, flectique Principe. Primus dictus Philippus, postquam Gallo-Flandriam fraudibus adjutus Mariginii sibi subdidisset, qui suo nomine eam regeret, ibique jus diceret populo, aliquem misit: qui mos ad hæc usque tempora invaluit, ut vir aliquis magno genere natus & virtute bellica, prudentiaque conspicuus Gallo-Flandriæ præficiatur: ad munus Gubernatoris autem ea omnia pertinent, quæ securitatem regionis, vel jus in eam Principis, vel etiam justi-

tiam administrandam spectant: ad cognoscendum de litibus & criminibus duo habet tribunalia, alterum Insulæ, & Duaci alterum. Insulæ præcipue in eos agit qui muros extra vel in suburbis, vel in pagis confident. Duos habet qui absentis, vel occupationibus distenti vices supplent vicarios: Horum alter in urbe frequentius agit, alter pagos circumvolat, (unde & Volantis nomen ei à vulgo impositum.) Duo præterea Legum periti Iudici adsident, quos Adseffores, vel Consiliarios vocant: est & Fisci Advocatus & Procurator, & Scriba unus. Quod est Duaci Gubernatoris Tribunal, eorum est litibus causisque comparatum, qui agrum Duacensem & Orchiensem incolunt: duplicem habet Gubernatoris vicarium, Advocatum unum, itemque Procuratorem, & Graphiarium.

Gubernatoris Tribunal Insulæ.

Duaci.

Præter Gubernatorem, rebus trepidis & quantiente vicinas regiones bello etiam quandoque tribus Gallo-Flandriæ urbibus imponebatur Generalis Capitaneus, sed hæc præfectura cum præcedenti ita coaluit, ut idem semper sit Gubernator & Generalis Capitaneus Gallo-Flandriæ.

Capitaneus trium urbium Gallo-Flandriæ.

Supremus hujus ditionis Baillivus idem est qui Gubernator. Præter hunc tres alii conspiciuntur insigni potestate pollentes. Insulensis, Duacensis & Orchienensis: hi per omnes agros iis urbibus obnoxios, à quibus appellationem fortuntur, potestatem porrigunt.

Baillivus supremus.

Baillivi.

Inter ceteros & Magistratus & ministros vel Comitatus vel Reipub. non paucos habet præpositos Gallo-Flandria, ita nuncupatos, vel quod aliis præponantur, vel quod publico præficiantur muneri. Horum unus in totam incumbit regionem; in urbes singulas oppidave alii.

Præpositi Gallo-Flandriæ.

Qui totius ditionis curam sustinet, Præpositus Mareschalli appellatur; munus ejus est regionem frequenter obire, locos omnes latronibus, exulibus, & criminum reis tergere. Quos prehenderit, eos Insulam deducit, ibique sceleribus compertos adjudicat. Habet aliquot pro tribunali secum adsidentes Consiliarios; ex quorum sententia ipse decernit, & reos capite plectit.

Præpositus Mareschalli.

Eminet inter Urbium Præpositos Insulensis; Primum inter Senatores semper occupat locum, quod Comitatus Flandriæ personam sustineat; intra urbis moenia in criminis suspectos, juris interverfos, edicta contemnentes animadvertit.

Præpositus Insulensis.

Prior & aliter.

Duacum duos habet Præpositos: Horum alter in potissimam urbis partem, quæ dextram fluminis obtinet, incumbit; is Flandriæ Comitatus personam sustinet, eademque fere potestate, qua Insulensis utitur; officium à nobilissimis administratum. In alteram urbis partem alter Præpositus curam porrigit, & præcipua pollet auctoritate per obnoxium D. Albinæ Dynastiæ oppidi tractum, quæ ad eundem spectat Comitatum.

Præpositi Duacenses.

Armenteriæ, Lannoyæ & Cysonii non parva, ut præcedentes, præditi potestate sunt præpositi; neque deest suus quoque Halewino.

Reliqui Præpositi.

Ordines sive Status Gallo-Flandriæ à Flandriæ Teutonicæ Ordinibus, ut in generali descriptione monuimus, diversi Insulæ, quando necessitas exigit, conveniunt; constant ex Ecclesiasticis, Nobilibus, & urbium legatis. Cum generalia & maxima Insulæ Comitatus habentur, Primus Ordo Eccle-

Ordines sive Status Gallo-Flandriæ.

Eccle-

Ordinum Insulensium Conventus hebdomadalis.

Iste.

Ecclesiasticorum Abbates Quatuor, Præpositos & Decanos Canonicorum aliquot includit cum Canonicis Capituli nomine. Alter Nobilium; Castellani Insulensem, Baronem Cysonianum, Toparchas Wauringium & Cominam, aut quatuor eorum Baillivos: Dein Marchionem unum Robacensem, Comites aliquot, & plurimos primæ notæ Comarchos exhibet. Tertius totum Insulensem Magistratum, ab Duaco & Orchiaco legatos complectitur. Sed raro maximus hic Conventus agitur: Quot hebdomadis quatuor supra nominati Baillivi, ac de Senatu Insulensi Major Lateralium, ut vocant, Scabinorum prior, Pensionarius maximus & urbis Procurator, Insulensis ditionis, Ordinum nomine Insulæ certis diebus cum Scriba uno & Quæstoribus duobus conveniunt, ut de vectigalibus, & rebus aliis ad hos Ordines spectantibus agitent.

Ordinum
Insulensium
Conventus
hebdomada-
lis.

Isle.

Insulas Galli vocant *l'Isle*, idque ob hanc causam quod sita olim hæc civitas, instar insulæ, inter medios lacus, qui temporum successu exaruerunt, & mox aggesta terra sordibusque repleti sunt. Alii nomen derivant à pluvialis insulis, quæ exstiterint quondam in aquis urbi circumfluis. Alluit vero urbem, qua parte castrum est, perexiguus amnis, qui ad Lendum ortus, Septentrionem versus decurrit, & ad Dufelmundam pagum sese in Lisam exonerat. Condidit Insulas Balduinus Barbarus Comes, cujus filio etiam Balduino Pio, eo quod in hoc oppido esset natus, Insulani nomen tum est inditum: qui muris fossisque, arce, aula, quam *Salam* vocant, templo, collegioque Canonicorum D. Petri luculentissimo, anno 1066 exornavit. Nundinas mense Augusto habet annuas. Nobilissimus hic Conventus anno 1433 agebatur: in quo Renatus Andegavi, Lotharingiæ, Barique Princeps, qui se utriusque Siciliæ Regem scribebat, Carolusque Borbonii Dux, cum Gall. Cancellario, ad Philippum Bonum accessere: ditionemque Castellanam pro captivitate Renati redimenda; filiisque ejus vadibus recuperandis in Philippum perpetuo transtulerunt. Scholam instituendæ in literis Græcis Latinisque adolescentiæ, Ioannes Silvius, alique non sine fama fructuque Lisæ habuere, à Magistratu stipendiati. Monstrantur hic reliquiæ quædam veteris castri, quod vulgo appellant *du Buck*, quod domicilium fuit primorum illorum Procerum, qui à Regibus Galliæ destinabantur ad Flandriæ præfecturam, & initio Saltuarii dicebantur; exque humili illo loco tandem ad supremas quasque dignitates evecti sunt. Direpta misere & cremata fuit hæc urbs bello, quod Ferdinandus Flandrorum Comes gessit cum Galliæ Rege Philippo Secundo, & filio ejus Principe Ludovico, patre D. Ludovici: posteaque paulatim instaurata, capta iterum mutilataque est horrendis illis & Flandriæ perniciosissimis bellis inter Philippum Quartum Franciæ Regem, & Guidonem Dampetram Comitem. Hodie tam magnitudine, quam copiosis mercimoniis, Nobilium domiciliis, populi que multitudine opulenta est atque celebris. Ex Liza per Deulam fluvium, muros arcemque urbis præterlegentem, Lisæque ad Deulemon-

Belgica.

dam incurrentem, magnas opportunitates affecta est, ut jam post Amstelodamum Antverpiamque, inter præcipua Belgii emporia censeatur. Sedem hic fixit Camera Rationum similis Bruxellensi, nisi quod major sit Insulensis istius autoritas, major pecuniarum dispensatio, denique major longe prærogativa. Subsunt enim ei multo plures provinciæ; tota scilicet Flandria, Artesia, Hannonia, Valentianæ, Tornacum, Tornacesium, & Dominium Mechliniense; quæ omnes accepti expensique rationes huic Collegio reddunt. Instituit omnium primus hunc Insulensem Magistratum Philippus Burgundus, cognomento Audax, voluitque penes eundem esse & juris subditis suis dicendi administrandique potestatem, & rationum sacri Principis patrimonii recensendarum jus. Postea divisus est in partes, ita quidem ut litium decidendarum inter subditos jus esset penes Senatum provincialem Gandavensem, Insulani vero relinqueretur autoritas cognoscendi de patrimonio & redditibus Principis.

Camera Rationum Insulensis.

Castellania Insulensis distinguitur in regiunculas quinque, quæ vernaculo nomine vocantur *Caremban*, *Pevele*, *Melanthois*, *Ferrain* & *Weppes*. Præter has subcensetur etiam Castellaniæ huic diuicula Trans-Scaldana & Comitatus qui duodecim pagos complectitur, in universum autem tota ditio centum triginta septem; frugum populique fertilissimos, atque rubiæ, quam garanciam vulgus tinctorum vocat, herbarum, lanis coriisque tingendis, ne color deflorescat necessariarum. Tota est Nobilium Toparchiis plena, beneficium recognoscentibus à Sala Lilana, antiquo Comitum palatio, feudorum apice. Alti in ea vero sunt Iusticiarii, ut vocant, *Falempin*, *Cisoing*, *Warrain*, *Comines*. Dominia & tituli eminentioris notæ, *Halewijn*, *Robaix*, *Lannoy*, *Anapes*, *Busbeque*, *Ognies*, *Habourdin*, *Landas*, *Herlies*, *Bovignii*, *Watines*, *Croix*, *Noyelles*, *Wambrechies*, *Hem*, & alia his non minora.

Castellania Insulensis.

Ferraina Castellaniæ Insulensis, regiuncula vulgo *Quartier de Ferrain*; Cortracum versus partim ad Boream, partim ad Ortum protenditur, ac præsertim Lisæ, Duplæ, & Marquæ fluminibus adjacet: ad Lisam sita sunt Cominium, Busbeca & Halewinium, locis admodum opportunis, seu fluvii admodum navigabilis commoditatem, seu solum, calumque aspicias. Duplæ assident Marquetta, Wambrechisium, Quesnoya, Deulemonda. Hemum, Wasquehalium, Marqua & Bonduæpars Marquæ aquis irrigatur. Cætera hujus tractus eos inter fluvios porriguntur Lannoyam usque.

Ferraina Regiuncula.

Inter Warnestonum & Viroviacum tribus ab Insula miliaribus stat Cominium elegans, at muris nudum oppidum, arce eximia per Ioannem Dynastam anno 1385, ad splendorem & defensionem ædificata, conspicuum. Liza fluvius affluit: Genti Cominæ, ex qua Philippus non sat laudatus Historicus, dein Halewinia, nunc Cro-

Comines.

Halwinum Menenis Flandriæ Teutonicæ oppido in dextera Lisæ margine, loco valde amœno & fertili opponitur, & tumulo modice assurgit quarto fere ab Insula, secundo à Cortraco lapide,

Halewyn.

E e e

lapide, à Cominio paulo amplius altera leuca. Celeberrimum fuit olim municipium, & nunc quoque aliquam præ se fert oppidi speciem. Castro spectabili ornatum.

Busbeca.

Halewinum inter & Viroviacum Busbecqua Lisa objacet, arce quondam nunc Baronia titulo nobilis, Castri pars inferior etiam nunc porticu & aliis ædificiis consistit visenda, editiorem & munitiorem flamma corripit: ex hoc loco originem duxit Augerius Gissenius Busbequius Ferdinandi I Cæsaris, ad Ottomannum Imperatorem Legatus, vir omni laudum genere cumulandus.

Hemum.

Hemum, pagus nobilis magnusque ad Marquæ aquas confidet, pascuis multis abundat, arcem & magnificam & firmam habet.

Wasquehal.

Abest inde propius Wasquehalium, agro pingui & lanificio pagus laudabilis. Non multum inde ad cognominem fluvium Marqua distat; situs in Bareulio, pagus eleganti templo & insigni populi multitudine; ejus pars agrorum cultui, pars lanificio dat operam, conspicuus. Marquæ proxima est Bondua, quam frequentes textrinae pannorum celebrem faciunt, maximam eorum vim conficit, quos estamettas nuncupant, ob industriam opificum, & lanae bonitatem præcipua semper laude & pretio. Arcem habet magis vetustam quam elegantem.

Marquette.

Marquette Deullæ fluminis margini incumbit, Insula vix mille passus abjuncta; non multum pagus hic agri complectitur paucasque numerat aedes. Aquarum ei copiam insignem res evehendi, avehendive opportunitatem, pascuorum virorem & amoenitatem Deullæ amnis & in eum influens Marqua procurant: præcipuam verò huic pago famam ciet Abbatia virginum, quæ ad extimos ejus limites magnis & variis ædificiis affurgit, multumque soli partim aquis Deullæ, partim murorum ambitu claudit. Qua Deulla ulterius profluit sequitur Wambrecium populo frequenti & solo ob pinguedinem & fertilitatem laudato præditum, ad ornatum facit Comarchi prætorium eleganter structum commodumque nobilis familiæ sedi. Interjecto leuca spatio ejusdem Deullæ ripis Quesnoya, vel Quercetum celebris ob viam Insula Ipras ducentem locus incumbit, arce egregia instructus. Qua vero Deulla Querceto delapsus leni ostio Lisam ingreditur ibique cum aquis nomen amittit Deullemonda objacet, arce non contemnenda conspicua, cæterum commodi plusculum Deullemondæ Deulla procurat, tum per aquas rerum variarum vectione, tum pascuorum ubertate latissima.

Turquoin.

Turquoinium tribus ab Insula leucis distans præ cæteris adium & populi frequentia se jactat, oppido quam pago similis: non multo inde Novavilla cernitur; juxta assurgit Roncka clivo ad viam Menensem posita. Ad eum quoque tractum pertinet Mouvaeltium, cui pariter ac cæteris tribus pagis jam nominatis partim textrinae pannorum ac telarum, partim soli fecunditas ad colligendas opes faciunt. Vicinum Turquoinio est Waterloum in extremis Gallo-Flandriæ finibus, abest inde medio Miliori Lannoyam versus Lyfa visendus ob elegan-

Neufville.

Ronck.

Mouvaelt.

Waterlos.

Lys les

Lannoye.

tiam templi pagus. In Doffemerea regiuncula jacet Templeuvium pagus sanè nobilis; etenim populi frequentia, insigni templo, & arce Doffemerea clarum nomen adipiscitur.

*Templeuve
en Doffemer.*

Crux arce eleganti & indito ab Archiduce Alberto Comitatus titulo superbit, ad Noyellanos spectat ejus dominium. Sequitur Ronbaia vetus & multis rebus nobilis pagus, Marchionatus dignitas, castrum vetus, populi multitudo, pannorum textura, oppidi forma, decoris opumque multum ei conciliant.

Croix.

Ronbaix.

Ferraina regiōi contermina est Pabulensis, Lannoyam inter Tornacum & Marquam fluvium; latius vero patet hoc territorium, quam ut Insulensis Castellaniæ finibus constringatur, Ejus sunt partes Orchiacum, Martiana, Divi Amandi sive Elnonense oppidum, & alia pleraque loca prorsus ab Insulensium finibus sejuncta. Fuitque jam ante annos octingentos hujus regionis caput Orchiacum & hodie monasterii Amandini Antistes intra Pabulanam ditionem Comes appellatur.

*Quartier de
Pevele.*

In ea parte Pabulensis regionis, quæ Insulano subjacet nomini, sunt Cherenum, & Gruysonium prætoris ornata, & pascuis læta interlabente fluvio Marqua, cui pons Cherensis impositus quem vulgo, *Pont a Trefsin* vocitant, frequenti commeantium vel Insulam vel Tornacum multitudine hominum celebris. Visitur in eodem tractu Camphinium Cysoniensis monasterii prædium. Non procul inde stat Esplechinium pagus arce sat eleganti commodaque conspicuus. Habet etiam hæc regiuncula Hovardria, cui arx ornamentum haud exiguum, & nemus opes ac voluptatem conciliat; est & Cobrieuvum soli bonitate, cœli clementia, & Commendatoris Melitensis villa & domo conspicuum, ut & Templeuvium arborum amplitudine, ingenio terræ, ac multitudine populi insigne. Bovina vel Pons Bovinus quod hic Marqua ponte jungatur, pratis ad equorum, boum & anserum pastionem optimis abundat: & cruenta quondam Francos inter Flandrosque pugna, quam Gallo-Flandria maximam vidit, memorabilis; accidit prædicta pugna anno Domini nostri 1214. inter Philippum Augustum Franciæ Regem ab una, & Othonem Romanorum Imperatorem cum Ferrando Flandriæ Comite ab adversa parte maxima cum Imperialium & Flandrorum strage.

Cherens.

Gruyson.

Pont a Trefsin.

Camphin.

Esplechin.

Hovardrie.

Cobrien.

Templeuve.

Pont a Bovines.

Iuxta Bovinas, Cysonium est vicus magnus & insignis, quique Baronia obtinet decus; inter quatuor præcipuas totius Flandriæ Baronias, quibus vexilla gestantes urfos appingunt, numeratur, principemque obtinet locum. Ejus Baronia titulo ac censibus qui potitur, quatuor Insulanæ ditionis nobilium vel Baronum secundus est, qui suprema exercendæ pollent justitiæ potestate, ideoque principem in Comitibus Ordinum occupant locum nobilitatis. Ornamenti Cysonio plurimum conciliat opulentum, & conditum ab octingentis ferme annis Monasterium, ubi primum Canonici Seculares florere, nunc Canonici Regulares confident D. Augustini legibus obstricti.

Cyson.

In Pabulensi quoque tractu Nomainum alto satis

Nomain.

*Geneych.
Emvelin.
Angemont.
Mons en Pevele.*

*Le Quartier de Melanbois.
Anaypes.*

Anstang.

Peronne.

Frein.

Los.

Nostre Dame de Grace.

Esquelmes.

*Wazemmes.
Fiers.*

Saingin.

Ronchin.

Seclin.

Le Quartier de Cambault.

Nomaing.

fatis loco situm & patenti visitur, quatuor leucis Tornaco distans, late ejus ager protenditur, solo satis benigno, vicus ipse multa hominum est celebris frequentia; in eo regulus arcem habet vetustam. sunt quoque hic Genaya arce & hortis cultissimis conspicua, & Ennevelinum pagus, & villa Aigremontia. Mons denique Pabulanus in hoc tractu spectatur, caseorum copia & memorabili Gallos inter Flandrosque anno 1304. pugna, dein pago insigni ejusdem nominis agrorum latitudine & fertilitate cognitus: maxima tamen ejus pars ad Comitatum Artesiae pertinet, solaque fere Vincuriæ toparchia Insulensi paret nomini.

Le Quartier de Melanthe.

Pabulanæ regioni Melanthesium jungitur, aluentibus hinc Marqua, inde Deulla Insulam usque, in eo sita inprimis. Annappium nobilis pagus, & Comitatus titulo insignis, arcem habet elegantem quæ Comiti suo perjucundam præbet habitationem. Anstainium juxta Gruy-sonium jacet Marquæ aquis irriguus, è terræ visceribus illic fons scaturit, cui nomen à S. Laurentio inditum peregrinis admodum gratus, qui martyrem istum venerabundi lancem istam avide bibunt, quærendo morbis remedio. Pero-

Anstain.

na ad eundem Marquæ amnem sita est, visitur in ea Toparchæ arx pulcre satis ac firmiter constructa, ob fluvium Marquam pascuis abundat. Fretinium habet etiam hic tractus, cui castrum decori, magno prata emolumento, boum equorumque armentis & innumeris anseribus alendis opportuna. Ad Deullam jacent Laus, hunc pagum præter nemus, pascua, fluvii commoda, & soli pinguedinem duo præsertim celebrant Cisterciensis Ordinis Monasterium vetustate, ædificiis, & disciplina nobile, & sacellum B. Mariæ virginis de Gratia, quo nihil in hac regione celebrius, accurrentibus undique nimirum per singulos dies auxilii poscendi & venerationis gratia multis hominibus. Esquelmia Laudi adjacet quam ornat inprimis sacellum Deiparæ virginis nomine dedicatum, cui jam ante quadringentos annos propter ejusdem imaginem, & variam ab ea perceptam opem conciliata veneratio est.

*Peronne.**Los.**Nostre Dame de Grace.**Esquelmes.**Wazemmes.**Saingin.**Ronchin.**Sectin.**Le Quartier de Carembault.*

Inter Esquelmiam & Insulam Wazennæ cernuntur. Proximum vero Anappio Flersium est, Templo insigni turre è candido lapide conspicuo. Visendum inde plusquam leucæ spatio abest Sainghinium, quod eleganti & alta turri, vastis nobilibus, aliquot nobilium ædibus, & magno incolarum numero laudem meretur. Haud multum inde distat Ronchinium, reliquiis ac cultu S. Rictudis Martianensium Monachorum, ad quos pertinet, nobilis locus.

Siclinium urbis nomen & privilegia à Ioanna Flandriæ Principe & Ferrandi conjugæ accepit, ut iisdem juribus frueretur ac lege, quibus Insula. Muri aut valla nunquam hoc municipium cinxerunt; præclarum Siclinio splendorem S. Piaton Nerviorum Apostolus & Martyr attulit; juxta dicti Sancti sepulchrum in crypta sub odeo Cathedralis Ecclesiæ fons visitur ab eodem sancto denominatus, quem variis morbis remedia adferre ferunt.

Carembaultius terræ tractus insequitur, pagorum seu virorum numero minor, propemo-

dum par soli bonitate, cæli clementia, & partem magnam campis patentibus commendabilis. Hic Pons Wendinius in extrema Gallo-Flandria vicus est, is sublicio ponte Deullam jungit perpetuo meatu nobilis in Arthesiam & Franciam abeuntium, aut Insulam inde carpentium iter. Qua respicit Arthesiam, ingens ac multis stagnans aquis palus ei objicitur, uno tantum eoque non admodum patenti aggere itineris gratia interposito. Siclinium proxime sita est Gondecuria pagus antiquitate conspicuus. Phalempinium memoratur ob Monasterium à Canonis Regularibus infessum, angustum quidem id habet ædificium, at insigni bibliotheca, & pretiosis templi ornamentis est laudabile, dominium Phalempinii ad Castellatum Insulensem pertinet.

A Carembaultio, Melanthesio & Ferraino

Weppefius ager oppidò magnus & minime macer Deulla fluvio distinguitur, cum ab altera parte ambiunt Lisa & Arthesia. Hic ad Deullæ ripas confidet Waurinium vetus & nobilis pagus. Ob flumen pascuis abundat. Templum ejus Turrisque satis elegantia. Visitur istic quoque opere veteri castrum olim reguli sedes. Ex agrorum cultu, pascuorum commodo, & lanificio indigenæ, quorum vis magna est, opes colligunt. Ipsi loco ingens dignitas obvenit ab officio, splendore, potentia Comarchi unius è Quatuor-viris nobilibus Ordines Insulensis Castellaniæ ducentibus, is olim Flandriæ modo Dapifer, modo Seneschallus tracto in hæreditatem officio appellari solebat. Ad eundem fluvium Santæ confident, ibi pascua pecori præbent paludes, arva latam satis segetem. Inest ei veteris arx operis, quam Toparchæ quondam incolere, quanquam ea minus eorum splendori respondeat. Vrelenghehemum, olim quidem oppidi jure donatum fuit, verum modo, culpane indigenarum, an injuria, ea exutum est potestate.

luxta Lisam porriguntur Arquingehemum, Armenteria & Houplinia. Arquingehemo pingue solum, pascua, idem amnis ad opes & voluptatem facit: ad decus templum turri & nobili ære campano insigne: ad securitatem impositum fluvio castrum, à loco & opera munitum, ad Egmondanos vero ejus pertinet dominium. Armenteria tres ab Insula leucas dissidet oppidum mediocre, quodque terrei tantum vallant aggeres, & tenui aqua ambiunt fossæ, aëre gaudet temperatissimo, & mercimoniis ob opportunitatem Lisæ eam influentis efflorescit, Egmondanorum Principum quoque est ditio. Armenteria abest paulo minus mille passibus Houplinia

ad dextram Lisæ ripam sita, pascuis abundat, veteris operis arce conspicua. Ad fines Artesiæ, consistit oppidum Bassæ vetustissimum, egregieque fossis, mœnibusque munitum, incolæ omnes lanæ linoque operam navant, spectat autem ad Harlyæ Comitum gentis Stavelæ. A Bassæ non multum abest dicta Herlyæ Comitatus dignitate florens. Cetera agri Wepesensis loca sunt Illies, Marquillies, Beaucamp, Radinghehem, Tournes, Rosimbos, & Coupignies dynastia insignis, & non exiguo terræ tractu conspicua. Englos, L'homme & Lamberfart.

Trans-

*Pont a Wendin.**Gondecourt Phalempin.**Le Quartier de weppes.**Waurin.**Santes.**Vrelenghehem.**Arquingehem.**Armentiers.**Houplines.**La Bassée.**Herly.*

Transcal-
diana Regio.

Transcaldianam Insulensis Castellaniae Regionem octo pagi sat nobiles constituunt, quorum è numero Caveraines & Pottesa castellis conspicui: Pottesa quoque Baroniae titulo insignitur.

Comitatus.

Comitatus nomine multa censentur cis eundem fluvium Gallo-Flandriae loca, quae sparsim dictis in regiunculis, alibi alia jacent. Eorum praecipua sunt Lesennia & Templemartium, quibus tumentia terrae viscera opes faciunt effosso lapide albo, struendis aedificiis opportuno. Templemartium antiquitatis gloria superbit, cum id jam ante Iulii Caesaris tempora à fano Martis ibi extructo nomen mutuassee, multi existiment. Boutilleria insignis est vicus, Carthusiano cœnobio, quod primas in Belgio sibi vendicat, conspicuus: sunt & la Royere & Blandaing.

*Lexem.**Temple-*
*maris.**Boutillerie.**Libera im-*
peria.

Quaedam praeterea intra fines Insulensis Castellaniae loca sunt, quorum pars numeratis regiunculis quadantenus accensa, pars etiam iis non subjacet, & quod vel Imperii quibusdam Iuribus sint obnoxia, vel quoad jurisdictionem ab Imperiali Flandriae Curia dependeant, olimque Nobilibus viris Scaldim ultra in terris Imperii Lothariensis habitantibus parebant, Imperialium nomine, & quod vectigalibus minime obstringerentur, Libera dicta sunt Imperia, semperque in fines eorum perfugientibus asylum praebere, nisi criminis enormitas arceret. Tria praesertim hic eminent, Lannoya, Haubourdinium, & Raimbaucuria. Lannoya bis mille & quingentis passibus ab urbe Insulensi distat, Tornaco tribus mille passibus disjungitur; quadrangulari ferè forma muro & fossa cingitur, planoque jacet loco. Fiunt hic ingenti numero sayæ, aliaque id generis merces: Arx egregia urbi adjacet in quadrum late patens, extrorsum prominentibus in angulis quatuor turribus. Ab hoc oppido nomen sumpsit nobilissima gens Lannoya, quae viros militari fortitudine, regendi prudentia, & plerisque aliis virtutibus claros, nec non plures quam quævis alia aureo Vellere conspicuos protulit Equites, ut & Neapolitani Regni Proreges, nec non Sulmonis Principes; à Lanojis Dominium ejus ad Egmondanos, ab his ad Nassavios, dein ad Middelburgi Flandriae Urbis Comitem, nunc per ejus filiam Isègemii Comitis uxorem Gandavensi familiae insertum, & devolutum est. Haubourdinium versus occasum Insulae propinquum est, quod libertate olim maxima gaudebat, soli regulo subiectum; sed postquam Hovardriae Dominus per emtionem id sibi comparavit à Francia Rege, & Belgarum Principi subjecit, Vice-comitatus titulum praefert. Aedium frequentia, optimorum plurimis pannorum textrinis, & influxu Deulle capaciora navigia multis mercibus vehendis idonei, celebratur. Haud procul inde est Emerinum quod Vice-Comitatus titulum quoque obtinet. & in extremis hujus Castellaniae finibus est Raimbacuria, castro eleganti, & nemore decora.

Haubour-
*din.**Emerin.**Raimba-*
*curia.**Dauay.*

Secunda Gallo-Flandriae urbium est Duacum, Lilla circiter septem, Gandavo octodecim, Cameraco quinque, Atrebatu sex, Tornaco octo miliaribus distitum. Vocabulo magis quam situ, refert Advaticos, à Caesare inter Eburones, Ner-

viosque, & à Ptolemæo ultra Tabudam, qui Scaldis est in Tungrorum finibus collocatos. Ceterum urbs est laeta & valida, fontium copia, & domorum quantumvis veterum elegantia & splendore conspicua: templis item pulcherrimis exornata; inter quae maxime eminet illud D. Virginis; aedes mirè antiqua, ut quae condita sit regnante in Galliis Clodovæo, id est, anno circiter 500. Illustri nomine est propter Scarpum fluvium interlabentem, & ex bina scaturigine Artesiensis salientem: ejusque in Scaldim demum affusi subvectiones, ob amplitudinem, munitiones naturae artisque, propter domicilia vetusta, nundinas Septembri annuas, necnon rerum variarum ex agris affluxum, & Gymnasium omnibus disciplinis dicatum. Fundator ejus fuit anno 1562 Philippus Caroli Quinti Caesaris filius, qui evocatis honestis stipendiis Lovanio Professoribus, ac erectis collegiis literariis, doctrinarum studia egregie promovit.

Ager ille qui nomini paret Duaceno, & Castellania vocabulo nominatur, pingui & fecundo gaudet solo, partem pleramque Scarpo irrigante. Viginti quinque continet pagos, vicose, quorum aliqui & hominum multitudine nobiles sunt, & terrae fructibus magnas possidentibus opes faciunt. Paullo amplius milliari Duaco abest Rayssium pagus, qui magnam partem vel in silvis latet, vel paludi adjacet, sparsis aedibus. Pars melior ejus parochiae stat vicus ad pontem, qui Scarpum jungit, & Rayssianus tracto ab ipso nomine vocatur. Veteris arx operis istic videtur fluvio imminens. Proximum est S. Leonardi Sacellum multo mortalium affluxu nobile, & anathematibus compedum, ferrearum manicarum, è ferro cerave tibiæ, subalarium fulcrorum innumeris, perceptæ opis indicibus. In hoc eodem tractu spectatur Estréesium, tam soli bonitate, quam reguli arce commendabile, à multis vero sæculis ad familiam Oigniesiam pertinet. Propius Orchiacum Wastinia consistit, quae insignem munitamque & turribus assurgentem habet arcem: ejus ad nobilissimam Montemorencyorum familiam spectat Dominium. Est in eodem agro Landastum, vetustate, solo & arce laudabile; jam tum potens erat ea familia cui cognomen opesque conciliavit, cum millesimus & centesimus Christi voveretur annus. In eodem tractu cernitur Beuvrium, quod nunc vicus tantum est, verum olim municipii jus, oppidique habebat speciem, cujus antiquitates subinde heic effossæ fidem faciunt. Sunt hic quoque Bovignium, insigni arce toparchæ sede conspicuum; Eraque, & Montignium veteri arce nobile, & Baroniae titulo. In Duacensis urbis conspectu jacet Sinum cognomine Nobile, magnam partem aquis palustribus solum ejus madet, ideoque paucis in locis ad cultum & frumentorum sationem habile. Pagum hunc diu Abbatia virginum ex praescripto S. Augustini viventium nobilitavit, cui cognomen olim Belli loci situs ipse comparavit, nunc autem Duacum translata est. Sunt praeterea Absconsium in edito clivo, qua Valencenas itur Duaco prominens: & Schussa loco plano & multis aquis obnoxio sita. Sequuntur Martianæ, quae Oppidi forma, non nomine

Castellania
*Duacensis.**Rayss.**Pont à*
*Rayss.**Estrées.**Wastines.**Landast.**Beuvri.**Bovigny.**Era.**Montigny.**Sin le Noble.**Abscons.*
*l'Ecluse.**Marchien-*
*nes.**Orchies.*

Marchien-
nes.

mine se jactant, antiquitate spectabile Scarpo fluvio, muris lateritiis, monasterii septis hoc municipium clauditur, & aliquot portis distinguitur. Fluminis opportunitas, & silvæ, cui à municipio nomen, vicinia commodum ei conferunt maximum, & cœnobium Benedictini nominis, quod templi mole & multis aliis ædificiis & rebus laudem meretur & ingens decus.

Orchies.

Orchiacum cum Insulis & Duaco Tripolim Gallo-Flandriæ constituit, ab urbe Duacensi quatuor, ab Tornacensi toridem, ab Insulensi quinque distat miliaribus; quondam magna, & opibus pollens, nunc quasi nidulus tot inter amplissimas urbes confidet. Olim Comitatus seu tractus Pabulani caput fuit, gratumque Ludovici Imperatoris, Guydonis Dampetræi, & aliorum Princi-

pum maximorum, domicilium: nunc postquam multæ clades bellorum & ignis attrivere, angustis solum clauditur muris. Suburbia ædium multitudine vel æquant, vel superant urbem. Magna hic copia fit eorum pannorum, quos holosericum imitantes trippas vocant. Insidens tumulo castrum nec muris cingitur, neque præstat elegantia, ex sola vetustate sedequæ Baillivi, & Tribunali Comitatus Flandriæ, cui is præsidet, famam accipit. Castello Orchiacensi tres pagi subjacent, ubi Auchiacum, Coutichium, & Flina, magnificum Cisterciensis Ordinis Monasterium, quod magnitudine & varietate ædificiorum, nec non monialium copia, omnes in Belgio ejus nominis antecedit.

Auchy.
Corstiche,
Flines.

T O R N A C V M

E T

T O R N A C E S I V M.



Astellania Tornacensis, quæ *Tornacesium*, & Tornacense Balivagium vulgo nuncupatur, pagos, quos Flandriæ pagis annumeramus, amplectitur circiter sexaginta, præter 7 Hannoniæ inclusos, situs commoditate, semen-

tis fœnore pascuisque commendabiles: in iisque *Lesdainum*, *Pecquum*, *Estainburgum*, *Markanum*, *Calionum*. Ad quam etiam Castellaniam spectant *Mortaigna* cum novem, & *Santamandium* cum octo pagis, ita dictum à Sancto Amando, qui ibi nonagenarius vixit, sepultusque est. Subest opulentissimæ illic Abbatæ virili Benedictinæ. Ex quo cœnobio prodiit anno 880 Hugbaldus, qui scripsit vitas multorum Sanctorum hominum, librumque epistolarum, atque ad Carolum Calvum Imperatorem carmen 136 versus prolixum, & operosum, nec genio prorsus carens: in quo voces omnes prima litera à C incipiunt hoc modo:

Carmina clarifone Calvis cantata Camœne, &c.

Tornacum & universa ejus ditio cohæret cum latere Flandriæ Gallicanæ, & Hannoniæ terræ confinis. Oppidum tantæ vetustatis, ut conditum scribant sexcentis & quadraginta annis ante natum humani generis Servatorem. De nomine, satis habeo dicere, quod in obscuro sit ejus ratio: quodque variæ super eo & portentosæ scriptorum opiniones. Sunt enim qui conditum velint à milite Tulli Hostilii, tertii Romanorum Regis, deque nomine ejus Hostiliam dictum: sed destructum postea, iterumque mox instauratum; in memoriam Dæ Minervæ, corrupto nonnihil & mutilato vocabulo, Nerviam appellari coepisse. Primis autem Neronum temporibus renovatum rursus à quodam ejus Tribuno, cui Torno cognomen, ac de nomine sui illius instauratoris *Tornacum* denique nominatum. Alii rursus pro indubitato tradunt, circa

Belgica.

tempora Iulii Cæsaris Nerviam audivisse, fuisseque metropolim Nerviorum, populorum qui maxime feri inter Gallos tunc haberentur, quique ad flumen Sabin cum ipsomet Cæsare congressi, magno & Romanorum periculo, & suorum strage, ita strenue & constanter pugnarunt, ut cum Cæsari dederentur, è sexcentis ad tres Senatores, ex hominum millibus sexaginta, vix ad quingentos, qui arma ferre possent, sese redactos esse dicerent. Petrus denique Appianus *Tornacum* interpretatur Ptolemæi *Baganum*. Sed quidquid scribant aut commententur, illud sane verissimum, de antiquis locorum hujus terræ vocabulis, nihil veri aut certi adferri posse: idque non tantum penuria quadam scriptorum, sed creberrimis quoque omnium rerum mutationibus, inde potissimum ortis, quod paterent hæc loca & exposita essent non diluviis modo & inundationibus, verum etiam bellis, & incursionibus Barbarorum, Hunnorum puta & Vandalorum, Danorum, Gothorum, Normannorum, & Germanorum, qui miserrime sapius ea depopulati sunt, & extrema quæque perpeti coegerunt. Quare nec mirum cuiquam videri debet, quod tam densa hic passim obscuritas: sed acquiescendum potius iis quæ adsunt, nec sophistice nimis & curiose in hæc talia inquirendum. Positum est ad Scaldim, & Orchisam quidem duntaxat quatuor, Duaco vero octo circiter leucis abjungitur. Oppidum sane pulcherrimum, amplum, opulentum, & contra hostiles incurfus munitissimum. Arcem ostentat insignem, ædes amplas & commodas, templa, cœnobio, & id genus structuras ad miraculum pulchras. Episcopatum habet longe lateque diffusum, adeo canæ & reverendæ antiquitatis, ut primum Præsulem jactet Eleutherium, creatum à Papa Felice Tertio, circa annum Christi 494. Direpta fuit non semel hæc urbs bellis cum Gallis, Anglis, Flandrisque gestis. Gallis postremo eam eripuit Carolus V Imperator, missio ad urbem

F f f

bem


bem exercitu sub Henrico Nassovio, qui eam vi armisque subactam cum Flandria rursus conjunxit; ita tamen, ut disjunctum maneret membrum, audiretque ditio Tornacensis & Tornacesii, & in agros pagosque circumjectos retineret imperium.

Mortaigne.

Mortania, magni aliàs nominis, ad Scaldim in ditioe Tornacesii civitas, diruta sæpe fuit per bella inter Gallos & Flandros gesta, sic ut pagi tandem conditionem formamque induerit, amplissima quidem arce conspicua, sed quam, capto Tornaco, dirui jussit Carolus

Quintus Imperator, relicto duntaxat pago tribus circiter leucis urbe abjuncto.

In eadem ditioe Tornacesii est & Fanum Divi Amandi, perinsignis equidem pagus, portis fossisque in oppidi morem clausus, & ad Scaldim eundem positus, eo adeo loci ubi Sabis id flumen influit, & quarta ab urbe leuca. Abbatiam habet, quæ, si opes & amplitudinem spectes, nulli Flandricorum cœnobiorum cedit. Abbas tam temporalis, ut vocant, quam ecclesiasticus loci & amplissimi ejus territorii Dominus.



A R T E S I A
C O M I T A T V S,
vulgo
A R T H O I S.



Artesia magna ex parte
complectitur ejus gen-
tis tractum, quem A-
trebates tenuere, ab A-
trebato ita dicti, ejus-
dem ditionis metropo-
li, quam Galli quidem
vulgo *Arras*, Itali autem
Arazzo, Flandri deni-
que *Atrecht* appellant.

Hæc terminos varie olim mutavit, & pro variis
illis ac reciprocis inter Galliam, & hanc Belgi-
cam motibus, modo latior ampliorque, modo
contractior iterum atque angustior facta est.

Termini.

Termini hodie sunt, à Septentrione Flandria,
(à qua discreta est fluvio *Lyfa*,) & nova fossa,
ad Austrum & Occasum Picardia, ad Ortum
Flandria, Hannonia & ager Cameracensis.
*Soli Quali-
tas.* Regio peramœna est, ut quæ cœlum experia-
tur admodum clemens & temperatum; etiam
feracissima omnium rerum, vino excepto, cu-
jus causa est non tam soli vitium, quam incuria
ac negligentia incolarum; tum quod regio Gal-
liæ vicina, bellorum periculis nimis exposita sit.
Profert genus tritici laudatissimum, idque ea
copia ac luxuria, ut affatim vicinis quoque pro-
vinciis Flandriæ Teutonicæ ac Brabantia sub-
ministrat, adeoque harum regionum horreum
esse censetur.

Oppida.

Numerat Artesia oppida duodecim muris
clausa, si accenseas *Rentæjum*, arcis magis,
quam oppidi nomen tuens. Pagi sunt octingen-
ti quinquaginta & quatuor, inter quos superio-
ribus & nuperis bellis plurimi miserè afflictî va-
stati fuerunt à Gallis, qui etiam *Atrebatum*,
aliaque oppida ceperunt.

Castellania.

Castellania in ea novem, *Atrebatensis*, *Audoma-
rensis*, *Morinensis*, *Ariensis*, *Hesdinensis*, *Lentien-
sis*, *Bapalmen-
sis*, *Aveniensis*, *Bredenardensis*, & *Anguiacen-
sis*.
Abbatia item complures, Cœnobîa aliaque id
genus collegia. Oppidorum primaria *Atrebatum*,
Fanum D. Audomari, *Bethuna*, *Aria*, *Bapalma*: reli-
qua minora, *Hesdinium*, *Rentæjum*, *Fanum S. Pauli*,
Perna, *Lilertium*, *Bassæa* & *Lendium*. Sunt deinde
oppida pridem diruta *Teruanna* & verus *Hes-
dinium*. Ordines hujus provinciæ tribus mem-
bris constant, Antistitibus nempe, Nobilibus,
& primariis urbibus. Antistites qui primum Or-
dinum membrum constituunt, sunt Episcopi A-
trebatensis, & Fani D. Audomari, Præpositi Be-
thunensis & Ariensis, viginti Abbates, nec non
decem Canonicorum capitula. Nobilium mem-
Belgica.

bro accensentur Princeps *Espinojæ*, Marchio
Rentiacus, Comites *S. Pauli*, *Faliquenbergæ*,
Harlii, *Buquoyæ*, *Henninii*, *Arques*, *Blangisii*,
S. Aldegundis, *Bruay*, *Bailleuxii*, & *Noyelles*.
Præterea quatuor Castellanos præcipui, *Atre-
baten-
sis*, Fani D. Audomari, *Bapalmen-
sis*, & *Lentien-
sis*, nec non 97 Familia natalibus illustres.
Tertium membrum complectitur urbes Regias
septem, *Atrebatum*, *Fanum D. Audomari*, *Be-
thunam*, *Ariam*, *Hesdinium*, *Lendium* & *Bapal-
mam*; ut & *Fanum D. Pauli*, *Pernam* & *Lilertium*
ad alios spectantes; nec non pagos seu municipia
aliquot urbium privilegiis gaudentia, quæ sunt,
Arques, *Aubigni*, *Avennes*, *Auchy*, *Beaurenis*, *Blangy en*
Ternois, *Buquoy*, *Carvin*, *Caumont*, *Chocques*, *Dou-
rier*, *Fauquenberge*, *Fresin*, *Fleurbay*, *Frevene*, *Frages*,
Georgue, *Hennin*, *Lietard*, *Heuchin*, *Houdain*, *Labroye*,
Lisbourg, *Oisy*, *Pas*, *Richebourg*, *Tornehem*, *Ventie*,
Vitry.

Atrebatum, *Arras*, ad *Scarpam* fluvium situm est, *Atrebatum*.
speciemque refert duarum urbium, quarum al-
teram vocant *La Cité*, estque juris Episcopalis,
alteram *La Ville*, estque juris Principalis. Illa mi-
nor est, sed amœna, propugnaculis fossisque mu-
nita, habetque templum cathedrale, sacrum
B. Virgini. Præterea Bibliothecam manuscripto-
rum librorum omnis generis, sed potissimum
Theologici. Primus hujus Ecclesiæ Præsul D. Ve-
dastus fuit, institutus à Sancto Remigio Archie-
piscopo Rhemenfi, ann. 531; sed adjuncta est
deinde *Atrebatensis* Ecclesia *Cameracensi*, &
duo illi Episcopatus in unum conflati, ita ut emi-
nentiore illa dignitate diutiuscule civitas ista ca-
ruerit. Sed cum stetissent postea *Cameracenses*
à partibus Imperatoris *Henrici IV*, *Urbanus Se-
cundus*, vindicando ex parte ac puniendo huic
delicto, civitatem *Atrebatensem* in Episcopa-
lem pristinam dignitatem restituit, & Episco-
pum ei dedit *Lambertum* Archidiaconum *Mo-
rinensem*, anno 1095. Præsulem sub initia Bel-
gicorum motuum habuit *Antonium Perreno-
tum*, postea Cardinalem *Granvellanum*, virum
magnæ olim apud *Carolus V*, Imperatorem
dignitatis. Cui successit *Franciscus Richardo-
tus Burgundus*, quem excepit *Gulielmus Mou-
lartius*. Est autem Episcopus *Atrebatensis* & po-
liticus simul, & ecclesiasticus Dominus civita-
tis, cui non jura minus & leges, quam Magi-
stratus attribuit; superiorem tamen agnoscens
Artesia Comitum, penes quem est ipsius ele-
ctio, sicuti confirmatio penes Romanum Pon-
tificem. Gaudet Episcopatus hic annuo qua-
tuor,

G g g



tuor, quinque, vel sex millium scutatorum censu, pro uberiore videlicet, vel parciore fectis proventu. Adservatur in dicta aede B. Virginis magna imprimis religione, & miris gemmarum divitiis involutum, ceu dignissimum quoddam cimelium, certum genus mannae, lanæ propemodum speciem referentis: quam pluifse in hac regione suo ipsius aëvo in epistolis narrasse scribitur D. Hieronymus. Ea populo magna solennitate palam exhibetur spectanda, maxime cum post longos cœli ardores ac agrorum siccitates pluviam implorant agricolæ. Altera pars Atrebatum *La Ville* dicta, amplissima est, & tum situ, tum opere, muris scilicet, propugnaculis, ac latis profundisque fossis, etiam aquæ expertibus, usque adeo communita, ut non nisi diutina aliqua obsidione frangi & expugnari posse credatur. Vias habet admodum latas: forum spatiosissimum & eximie pulchrum. Habet item augustissimam illam & opulentissimam Abbatiam D. Vedasti, qua non alia in universo Belgio ditior: cujus annui redditus vicena fere millia scutatorum excedunt. Habet denique Atrebatum & alia quædam spectanda templorum ædificia, & percommodas civium domos, quarum singulis sua sunt hypogæa pavimentata, & insolita quadam profunditate conspicua, quæ consilio ita facta prædicantur, ut postulante belli necessitate, se cum familia omni in ea actutum recipere possent, & à tormentorum hostilium ictibus immunes præstare. Natales huic debet bellicosissimus ille & fortissimus Comius, quem in commentariis suis tantopere commendat Cæsar. Item magnus ille Franciscus Balduinus Iurisconsultus excellens, & complurium in utroque Iure voluminum scriptor, cujus Parisiis monumentum in aede Maturini est tale: *Cujaci, Balduinus hic jacet. Hoc tecum reputa & vale. Mortuis vobis Iurisprudentiam gravis corripit sopor. Franc. Bald. Iurif. ob. anno æt. LIV, XI Novemb. à partu Virginis MD LXIII. Papirius Massonus Balduini auditor P.* In eadem civitate natus vir clarissimus Carolus Clusius, eruditionis omnis atque elegantiae decus, qui post regiones plurimas peragratas in Batavico Athenæo senex obiit, manumque extremam imposuit dignis immortalitate operibus.

Fanum D. Audomari.

Fanum D. Audomari, vulgo S. Omer, nomen habet à D. Audomaro, Constantiæ apud Germanos nato, & Episcopo Morinensi. Prius vocatum fuit *Sithium*, teste Mejero. Oppidum est Galliæ limitaneum, adjacetque flumini Aginoni: firmitum idem munitumque, ut nihil supra, & ædificiis publicis privatisque concinnum, inter quæ potissimum eminet insigne illud Abbatis D. Bertini palatium: civibus denique satis frequens, & *Castellania* ac jurisdictione in agros & pagos circumjectos conspicuum. Est & ad fanum S. Audomari peramœnus quidam & vastus memorandusque lacus, è perennibus undique confluentibus aquis collectus, & in Aginonem tandem prorumpens. Huic innatant ruscula aliquot insularia, pratorum speciem obtinentia, gramino-fa, & arbusculis obsita. innatant autem eo modo, ut fune ex arbuscularum aliqua religato, totam terræ massam quocunque visum est, pertrahas: neque ruscula illa tamen ita exigua, quin

Lacus memorandus.

& vaccas aliquot singula, & alterius generis pecudes gramina depascentes admittant: rem profecto non veram minus, quam admirandam narro. Nam & pisces ingenti copia tam hibernis quam æstivis mensibus; frigori simul & calori cavendo sub has insulas se recipiunt. Sita est ad eundem hunc lacum inter alia ædificia, perampla quædam & nobilis Abbatia, quam vulgo appellant *Clermaretis*, instituti D. Bernardi, à quo & conditam tradunt.

Bethunia distat Aria quinque leucis, oppidum non vile, munitum, & in quo maxima copia premitur laudatissimus incolis caseus, qui per totum Belgium, imo & extra illud distrahitur. Iurisdictione ejus una cum ditione Teneræmundana obvenit Guidoni Dampetræ, Comiti Flandriæ, ex dote uxoris Machtildis, Danielis, vel ut alii volunt, Roberti, Advocati (is enim tunc titulus) Atrebatensis filiæ. *Ariam* Lifa fluvius interluit, oppidum validum satis, ac non veteri tantum arce, sed & aliis ædificiis satis spectabile, Teruanna duabus leucis remotum.

Bapalma distat Atrebato sex milliariibus, estque oppidum exiguum quidem, sed idem situ imprimis firmum, arcem habens munitissimam, & late satis diffusum in agros circumjectos imperium.

Rentejum castrum est, bono & amplo pago adjunctum, ad ripam ignobilis rivuli, Marchionatus titulo clarum: locus sane firmissimus, quem ut expugnaret anno 1554 Galliarum Rex, nullis non viribus usus est, sed cum suppetias laturus occurreret Cæsar, ad prælium illico ventum est, ut spe sua frustrati discesserint Galli. Anno vero 1638 ab iisdem capta est.

Fuit quoque hic *Hesdinum vetus*, quod non incommode dici potest novum illud peperisse. Positum erat vetus Hesdinum ad flumen Gancham, quatuor à Fano S. Pauli leucis, oppidum luculentum, valida arce tutum, & insigni in agros vicinos jurisdictione spectabile; denique sedes olim & habitatio Flandriæ & Artesiæ Principum. Anno 1553 à Cæsarianis ductu Ducis Sabaudia expugnatum, destrui Cæsar una cum oppido iussit. Edificatum hinc anno proximo novum *Hesdino-Fertum*, quod oppidum opportuno prorsus & mirabili situ adjacet Ganchæ, munitum valde, ita ut inter tutissima Belgii propugnacula habeatur.

Fanum S. Pauli, veteris & illustis Comitatus dignitate, ac luculenta admodum ditione conspicuum ad familiam de Longueville spectat. *Perna* prædicti Comitatus membrum, S. Paulo quinque leucarum spatio diffidet. *Lillertium* inter Ariam & Bethuniam pari fere trium leucarum intercapedine ab utraque disjungitur. *Bassæa* Lendio abest duabus leucis. *Lendium*, vulgo *Lens*, Atrebato quatuor leucis recedit.

Tertio ab Atrebato milliari, ad flumen Lifam, antiquissima fuit Morinorum metropolis, quam Ptolemæus & Antoninus vocant *Teruannam*, vulgus hodie *Terouenne*. Vrbs patrum memoria celebratissima, & sedes Episcopalis, quæ post arctissimam obsidionem anno 1553, ab Imperatore Carolo V, victa & solo æquata est, Episcopali territorio cum Henrico II, Galliarum Rege diviso,

Flumin.

Lifa.

Aa.

Hesdinum vetus.

Fanum S. Pauli.

Teruanna.

diviso, ut pars altera cederet Bononiensi Episcopo, pars altera Iprensi & Audomaropolitano. Haud procul inde ingens est canalis, quem fossam novam indigetant. Eum alii humana putant industria effossum tempore Balduini Comitis, sive adversus hostium excursiones, sive ad confinia Flandriæ & Artesiæ distinguenda. Alii finem esse existimant maris interclusi. Certe Morinos etiam Oceano vicinos fuisse agnovit Virgilius, quum eos hominum extremos esse dixit. Atqui nunc Teruana octo miliaribus à mari discreta est. Præterea ex fundo fossæ novæ sæpe numero educuntur partes anchorarum, aliaque ferramenta nautica, certissima argumenta vicini olim & alluentis Oceani. Sunt præterea inter pagos Artesiæ memorandi quidam & non incelebres loci, privilegiis simul & anniversariis nundinis decorati: quales præsertim *Avenna*, quam Comitibus vulgo appellant; *Aschicurtium*, *Fanum S. Venantii*, *Currerium* denique, Lendio pene contiguum.

Flumina. Fluvii qui in Artesia nascuntur præcipui sunt *Lisa*, *Aa*, & *Scarpa*.

Lisa. *Lisa* verò oritur ad Lisburgum pagum, cui nomen suum impertit, haud procul ab Terouenna: & Ariam opidum prætervectus, Armenarium, Virovicum, Menenium alluit: hinc Cortracum fere medium scindit, & Deinsum præterlapsus, Gandavum decurrit, ubi in Scaldim effunditur.

Aa. *Agino*, vulgo *Aa*, vel *Ha*, nascitur prope Terouanam, in finibus Morinorum, & arrepto in Caurum cursu, prætervehitur Fanum S. Audomari,

unde porro Gravelingam contendit, ubi non procul ab eo loco, in quo magnum illud inter Gallos ac Burgundos, anno Christi 1558, commissum est prælium, in Oceanum influit.

Scarpa duplicem habet in Artesia fontem; *Scarpa*. quorum major ex monte Sancti Eligii, alter ex loco illi finitimo profluit: quibus mox concurrentibus, Atrebatum jam integer pervenit. Hinc ad Boream versus Duacum, mox Laleinium & Marcenas interfuit; unde Hennonium porro decurrens, in exitu ipso Mortaniæ, Scaldi se immiscet.

Porro Artesiorum sermo Gallicus est, sed corruptus. Ditio olim fuit Flandrorum. Totam Balduino Arduennati dotis loco dedit Carolus Calvus, quum is Iuditham uxorem duceret. Postea Philippus Alsatus, quum neptem suam Isabellam locaret Philippo, Ludovici VII Galliarum Regis filio, dotem ei dedit Flandriam Occiduam, hoc est, tractum eum, qui est à nova fossa usque in Picardiam. Eum Philippus anno 1298 fecit Comitatem, deditque filio suo Ludovico, qui primus Artesiæ Comes fuit, postea Galliarum Rex & pater Ludovici Sancti. Anno vero 1332 Ludovicus Maleanus Comes Flandriæ, post matris obitum factus est Comes Artesiæ; atque ita rursus uterque Comitatus conjunctus fuit. Obitu autem Caroli Audacis Burgundiæ Ducis, Ludovicus XI Galliarum Rex iterum Artesia potitus, quæ postremum pacto & fœdere Caroli VIII, Galliarum Regis, & Maximiliani Imperatoris, cessit Philippo Austriaco Maximiliani F. patri Caroli V, anno 1493.



[Faint, illegible text, likely bleed-through from the reverse side of the page.]



Nomen.

Termini.

Qualitas
regionis.

Hodierna
divisio.

H A N N O N I A

C O M I T A T V S.

Nomen.



Termini.

Qualitas
regionis.

Hannonia Nerviorum olim sedes fuit, quorum caput hodie dicitur Tornacum. Sæpius hæc regio mutavit nomen. Initio dicta est Albania & Pannonia, postea Saltus Carbonarius, post usque ad Theodosii & Honorii Imp. tempora Comitatus seu terra Nerviorum, inde inferior Picardia, postremum Hannonia, vernacule *Heinault* vel *Henegouwe*, à fluvio *Haine*, sive *Hene*, & antiqua voce Germanica *Gow*, quæ regionem vel pagum significat. Habet à Septentrione Brabantiam & Flandriam, ab Austro Campaniam & Picardiam; ab Ortu Namurcenses & Leodienses; ab Occasu Scaldim cum Flandriæ & Artesiæ parte. Longa est universa regio 20 mill. lata 16. Aëre fruitur suavi & sereno, agro fertili, variisque fluminibus irriguo, Scaldi, Sambre, Tenera, Haina, à quo tota Provincia nomen mutuata est, Albula, Nigra & aliis minoris notæ. Silvas habet & nemora admodum jucunda. Præcipua vero sunt, *Mormault* & *S. Amandi*. Abundat etiam lacubus, stagnis, fontibus, pratis, pascuis, segete, pomariis, aliisque ad vitæ usum rebus necessariis. Habet & metalla ferri optimi & plumbi. Præterea lapicidinas variorum marmorum, atque etiam duri filicis, quem Ovidius indicem vocat: & *λιθωνδεκων*. Urbes in Hannonia, fossa, valloque munitæ, sunt 24: *Mons, Valenciennes, Bouchain, Quesnoy, Condé, Landresy, Avesnes, Chimay, Marienburch, Philippeville, Beaumont, Maubeuge, Bavays, Bins, Reux, Soigny, Braine le Comte, Engien, Halle, Lessine, Cheure, Aix, S. Gislain, & Leuze*. Pagi 950, quorum plerique omnes pulcri, amœni, opulenti. Principatus hic tres sunt, *Chimay, Ligne, & Barbançon*. Comitatus sexdecim. Baronatus 22. Abbatia 26. Pares 12. Vnus Mareschallus; unus Seneschallus: unus magnus Venator. Sunt & aliæ dignitates, quas omnes referre, operosum foret.

Hodierna
divisio.

Dividitur Hannonia in 14 partes, quarum quædam Præfecturarum, aliæ Castellaniarum, & Baillivatuum gaudent dignitate, omnesque & urbes & pagos totius provinciæ comprehendunt. Prima est Præfectura Montensis, quæ complectitur civitates quatuor, *Montem, Soignies, Saint Ghislain, & le Roeux*: pagos nonaginta unum, quorum spectabiliores sunt; *Havré, Boussu, Pomerœul, Lens, Baudour, Herchies, &c.* Sequitur Præfectura Valenceniana, complectens pagos triginta tres, inter quos sunt *Werchin, Beuvrage, Frasne sur l'Escaut, Cressin, Triët, Courouble, &c.* Castellania Bouchainensis, præter *Bouchain* municipium, & *Pecquencourt*, comprehendit pagos sexaginta tres, *Lalain, Walers, Hasspres, Denain, Mastain, Belgica.*

Hafnon: Præfectura Quercetensis, sive du *Quesnoy*, comprehendit pagos quadraginta octo, *Berlaymont, Maroilles, Hausi, Villers, Forest la Chaucie &c.* Sub Præfectura Bavacensi octodecim sunt pagi, utpote *la Longueville, Aymeries, Houdain, Merquingies, Taisnières, Hon, &c.* Præfectura Malobodiensis seu de *Maubeuge*, præter *Malobodium, & Landrecies*, continet septuaginta & unum pagos, quorum præcipui *Barbançon, Solre-Le-Château, Trelon, Ieumont, Liesies, Coussolre &c.* Oppidulum & Paria Avesnensis continet pagos triginta tres, *Ramonnerie, Dompierre, Prisse, Hautmont, Givry, Cartignies*. Comitatus du *Beaumont* undecim complectitur pagos, *Beaufort, Solre-Saint-Gery, Froidchappelle, Ranse, Sivry, Grand-rieu, &c.* Principatus Chimacensis pagos triginta unum, *Momegnies, Salles, Macon, Seloigne, Forges, Bailieures, &c.* Præfectura Binchienensis pagos continet quinquaginta unum, *Merbes-le-château, Solre-sur-Sambre, Estines & Bray, Courcelles, Andrelues, Haucin, &c.* In Castellania de *Braine le Comte* undecim sunt pagi, *Escaussines, Braine-le-Château, Saintes, Feluy, Estainkerque, Quenaste &c.* In Castellania Atheni præter *Athum, Condæum, & Leuze* civitates, pagi sunt centum viginti duo, *Antoing, Perwez, Brugelette, Accre, Gomerage, Silly, &c.* Baillivatui d'Engbien sunt pagi octodecim, *Herinnes, Castres, Houe, Marque, Bassily, Tholebergs*. Territorium Lessiniæ in se continet cum oppido Lessinia pagos sex, *Flobecq, Ellezelles, Wocqs, Ogy &c.*

Montes urbs est primaria, cui nomen factum non solum à monte, seu colle, super quo ædificata est, sed & à reverentia & honore sanctorum aliquot hominum, qui in avium istum & solitarium locum secedentes, anachoreticam ibi vitam vixere. Interluit urbem fluvius Trulla, qui è pluribus rivulis derivatus præcipuum fontem habet ad pagum Grandrengam. Fluit autem continuo fere trium leucarum spatio versus Occidentem: atque inde, in exitu hujus urbis, Hainam fluvium influit. Oppidum situ & opere munitissimum est: ut quod inundari undique possit, & aquis cingi: ac præter situs ipsius firmitatem, non tantum robusti operis muro, sed & triplici admodum lata fossa, tum & arce perveteri, decoratur. Amplum insuper, & egregiis cum publicis tum privatis ædificiis ornatum, fontium denique limpidissimorum aquis luxurians. Dives idem & mercimoniis, varioque opificiorum genere, ac præsertim *Sajarum*, quas vocant, texturis opulentissimum. Sedem hic habet concilium Regium, ad quod provocat totus Hannonia Comitatus, Valentianis modo exceptis. Sententias hic Senatus fert decretorias, à quibus Mechliniam aut alio provocatio non est. Constabat olim ex iudicibus ex primaria nobilitate desumptis Paribus, Prælati, Baronibus, Equitibus, & cæteris Feuda possidentibus, unde & co-

Montium
descriptio.



gnomine Curiae Nobilis appellari solet; sed anno 1611 Archiduces Albertus & Isabella animadvertentes crebras nobilium Curiae hujus etiam nunc Iudicum, occupationes, administrationi Iustitiae obesse; ut ea meliori & faciliori administraretur negotio, Curiam supremam constituerunt, quae 15 constaret Senatoribus: supremo sc. Hannoniae Ballivio, tanquam Principis in civilibus & criminalibus causis vicario; binis Senatoribus Ecclesiasticis, binis Equitibus ex antiquissima nobilitate desumptis, quique Ordinum Hannoniae conventui interveniendi privilegio gaudent, & decem denique Senatoribus togatis; quos iidem Principes anno 1617 ad numerum octonarium reduxerunt. Spectatur in hac urbe nobilissimum illud collegium Canoniarum, conditum ab illustri muliere Diva Gualtrude, Duce Lotharingiae, qui Ducatus tunc temporis continebat Hannoniam, Brabantiam, Cameracensium, Hasbaniam, Arduennam, & ad Rhenum usque extendebatur. Carolus Magnus Imperator Montes non tantum Hannoniae Comitatus metropolim esse voluit, sed in memoriam maxime gloriamque sanctissimorum, qui hic vixere, virorum, & feminarum, singulari eam urbem Comitatus dignitate exornavit: sic ut aliquandiu peculiares habuerint dominos, qui titulum inscribebant Comitum Montensium, sed intermissum illum Hannoniae tandem resumerunt, orti, sed per lineam femininam, ut vocant, ex clarissimo sanguine dicti Caroli Magni.

Athum.

Comitatus
Burbantus.

Oppidum *Athum* in confessu Statuum Hannoniae primum est post Montes metropolim, à qua Flandriam versus quinque miliaribus distat, arcemque habet. Appennagium est primogeniti Comitatus Hannoniae, nominaturque Comitatus Burbantus, qui Comitatus continens civitates Condem, Leuze, Lessiniam, Athum cum aliis locis vicinis, Hannoniae junctus est anno 1050; Situm est Athum ad fluvium Tenaram navigabilem, per quem Antverpiam usque & ultra itur. Olim arx praesidio Comitatus tenebatur contra Flandros. Mercimoniis celebre est, praecipue subtilium & albarum telarum, quas vulgo Hollandicas vocant, & aliarum, quae mittuntur in Galliam, Hispaniam, Germaniamque: caerulearum insuper, quae distrahuntur in terra Leodiensi, Trajecti ad Mosam, Limburgi, & in locis vicinis. In pagis Atheniensi jurisdictioni subditis diversi fiunt panni, qui ad oppidum portantur, ut diversis coloribus imbuantur. Bubalarum adhuc pellium magnum hic est commercium, quae etiam per totum hunc districtum venduntur. Athum proprium habet Gubernatorem, Senatum & Tribunal, quibus viginti sex, partim oppida, partim pagi, parent. Hac jurisdictio Castellania Athenensis vocatur, extenditurque ad portas Tornacenses, & inde usque in Flandriam.

Bouchain.

Comitatus
Ostervand.

Bouchain municipium est situm ad ripam Scaldis inter Cameracum & Valencenas, exstructum à Pipino, in memoriam nobilis victoriae, quam hoc loco retulit ab exercitu Theodorici Gothorum Regis, ac proinde hanc voluit esse metropolim Comitatus Ostervand, qui ab Ostrogothis nomen habet. Porro hic Comitatus olim erat primogeniti filii Comitatus Hannoniae

appennagium, junctus Hannoniae anno 1050. Idem aliquando fuit sub Familia Zelandica Borsaliorum. Nam cum Franco de Borsalia uxorem duceret Iacobam Comitissam Hollandiae, Philippus Bonus Franconi hunc Comitatum adquisivit.

Quercetum, *Quetsnoy*, oppidulum est, tertio lapide à Valencena, mercimoniis nobilitatum. Olim sedes fuit & dotalitium Comitissarum Hannoniae, sed postquam potiti ea sunt Duces Burgundiae, fuffectum ei est Binchium.

Condatum, *Condé*, ad dexteram Scaldis ripam est, altero à Valentianis milliari, oppidulum satis lautum, & exigua arce conspicuum.

Landrecy ad fluvium Sambram, oppidulum minutum quidem, sed & idem munitissimum, ac famosum mirabili illa obsidione Caroli V, Imperatoris, anno 1543. Restituit tandem Rex Galliae, pace anno sequenti facta, Illustrissimo Duci Arschotano, cui haereditario jure debebatur, sed permutavit cum Duce bonis aequisque legibus idem Carolus Quintus.

Avesnes posita est ad torrentem Hepram, oppidulum non contemnendum, munitum, & Comitatus dignitate spectabile. Erat vero & ista nuper in ditione Ducis Arschotani, qui accepto aequivalente pretio permutavit eam cum Rege Catholico: quoniam enim in confiniis Galliae erat, potentiore opus habebat Principe, qui securam praestaret ab hostili omni incurfu.

Chimacum, *Chimay*, in nemore situm est, ad fluvium Blancam. Dòmos habet mediocri pulcritudine: tum & regiam Principis hortis ac Labyrintho amoenam. Principatus gaudet dignitate, cujus titulum inter ceteros suos inscribit Dux Arschotanus. Fuit equidem misere nimis multatum, ac destructum saepe, ultimis istis cum Gallorum rege bellis, sed instauratum rursus, sic ut multo quam ante sit pulcrius & adversus hostiles insultus munitius.

Mariaburgo nomen dedit à suo nomine Maria Regina Hungariae, quae jubente Carolo V, Imperatore, condendum curavit, paulo postquam Dominus Longovallius & Martinus Rossemius exercitum ducentes Gallicum, relicta Brabantia Lutzenburgum petierunt, anno 1542. Situm est inter duos torrentes, Blancam nempe, à quo teli tantum jactu, & Nigram, à quo semileuca distat, oppidum situ & opere munitissimum, valido admodum muro, ac pulcerrimis quatuor propugnaculis terribile, quae & quadrangulum illud & magis inexpugnabile efficiunt. Capta tamen à Gallis anno 1554, quo tempore Philippus ad excursions Gallorum cohibendas, aliam urbem exstruxit sesquimillari à Mariaburgo, dixitque eam Philippopolim, *Philippeville*, quae & ipsa, situ, opere, muris, propugnaculis opportune dispositis, validissima adversus hostem censetur.

Bellemontium, *Beaumont*, situm est in ameno colle, unde & nomen accepit. Perexiguum quidem, sed amenum, & valde pulcrum oppidulum. Dynastam agnoscit Arschotanum. Attribuebatur olim secundogenitis Comitum Hannoniae, unde & Comitatus titulo gaudet.

Malobodium, vulgo *Maubeuge*, Montibus quatuor fere leucarum spatio distidet. Interluit oppidum

Bavais.

Binche.

Hannonia
Principes.

Mariaburgum.

Philippeville.

Beaumont.

Maubeuge.

pidum Sambra, commodus transferendis mercibus, quæ laneæ hic potissimum sunt. Habet nobilissimum Canoniarum collegium, institutum à Diva Aldegundi, quæ & celebre illud templum condidit, cui ab ipsa postea factum est nomen.

Bavais. *Bavacum*, vulgo *Bavais Walonne*, ad discrimen cognominis oppidi *Bavais Picarde*. Illud sane perexiguum est oppidum, etsi quidam Hannoniensium rerum scriptores velint, fuisse magni nominis ac momenti urbem, & quidem *Belgium* dictum, unde Belgicæ nostræ vocabulum fluxerit.

Binche. *Binchium*, vulgo *Binche*, oppidum antiquum factis, & civibus olim frequens, sed continuis hisce bellis ita misere attritum, ut incolarum plerique Montes migrarint. Donaverat hoc Mariæ Reginae Hungariæ Carolus Quintus, quo tempore ipsa Belgicæ præerat, quare palatiis, hortisque ad omnem amœnitatem factis exornaverat. Reliquorum oppidulorum descriptiones apud Guicciardinum vide.

Notandum insuper, contineri terræ Hannoniæ finibus Tuinum atque Covinum, oppida Leodicensi Episcopatu subdita. Sicuti Vallocuriam quoque, oppidum istac terra quidem contentum, sed Namurcensi tamen Comitatu accessitum.

Hannoniæ Principes. Primus Principum, qui Hannoniæ præfuerunt, fuit Albericus Clodii Francorum Regis filius, hunc sequutus est filius ejus Walbertus I. circa an. 490, quem Clotarius Francorum Rex deposuit, præficiens Hannoniæ Walbertum II. filium Primi secundogenitum, cui anno 562 fati functo successit filius Walbertus III; qui monachi indutus cucullum, filium reliquit successorem Walbertum IV, plenum virtutibus Principem, qui que sanctorum Catalogo inscriptus est: is supremum diem obiit anno 634. successit filia primogenita sancta Waldetrudis nupta Madelgario seu S. Vincentio Principi Vasconi, hæc monasterium ingressa, Principatum renuntiavit in favorem cognatæ S. Ayæ nuptæ S. Hydulpho Comiti, cui religionem ingressa successit jure testamentario ejus ex sorore Clotildi nepos, Albericus cognomento Pupillus, qui anno 694 vitam cum morte commutavit. Gualterius I. obiit anno 748; filius ejus & successor Gualterius II. Princeps bellator egregius, Pipini Regis Franciæ partes secutus moritur anno 779: eum excepit Gualterius III: qui pro Carolo Magno contra Saxones fortiter dimicans cæsus occubuit anno 800, relinquens ex Simathildi Bavaricæ Ducis filias tres, quarum major Renata Alboni Lotharii Ducis Mosellani filio nupta est: Albon I, è capite uxoris Comes Hannoniæ, Imperatoris Ludovici Boni contra filios ejus semper secutus partes, obiit anno 834. Successit filius ejus Albon II, qui subitanea morte ex humanis ereptus anno 860, filiam Albradam reliquit heredem. Raginerius I. Longicollis Albradæ maritus dux & miles fortissimus, strenue contra Flandros, Caroli Calvi Franciæ R. contra Balduinum Ferreum Iudithæ Francicæ raptorem amplectens partes, dein contra Normannos Hannoniæ invasores infeliciter bellavit: à Suendibaldo Lotharingiæ Rege, Hannoniæ Comitatu expulsus; à Ludovico verò Germaniæ Rege post occisum Suendibaldum restitutus est, mortuus anno 913. filios reliquit tres, quorum secundogenitus Raginerius II, pariter ut Pater dictus Longicollis, ei successit in Comitatu Hannoniensi, qui cum continua cum vicinis gereret bella, subditos oneribus impositis vexaret, bona Ecclesiastica sibi vindicavit, donec querentibus apud Othonem Cæsarem Hannoniæ Ordinibus, Raginerius ab Hugone Cæsaris fratre Comitatu Hannoniensi privatus fuerit anno 959, qui Hannoniæ Garnerium & Rinaldum fratres præposuit, quos Raginerius & Lambertus Raginerii II. filii, prælio prope Binchium commisso trucidarunt: hosce Imperator ipse rursus Hannonia expulit, Comitemque instituit Gothofredum, Captivum cognomine, Comitem Verdunensem. Is cum à Lothario Francorum Rege captus esset, Comitatum Hannoniensem Raginerio III restituit; ei anno 1002 defuncto successit filius Raginerius IV, qui unica relicta filia decessit anno 1036. Richildis Raginerii filia nupsit primò Hermannò Thuringiæ Marchioni, post Balduino Montano Flandriæ Comiti; ex qua filios peperit Arnulphum Infelicem Flandriæ & Balduinum Hannoniæ Comitem; moritur Richildis anno. 1086. Balduinus Hierosolymitanus ejus filius in Comitatu Hannoniensi matri Richildi successit, Flandriam pacto Roberto patruo relinquens in expeditione Terræ sanctæ anno 1098, ab infidelibus occisus est. Balduinus Tertius admodum juvenis patrem excepit, moritur anno 1133; successorem relinquens Balduinum IV, Edificatorem cognomine, qui, postquam Iolenda mater per an. 6. Hannoniam gubernasset, Comitatus habenas regere incepit anno 1140. Flandriam bello impetiit, sed à Theodorico Alsatio Flandriæ Comite prælio superatus, filium suum Balduinum V. Margaretæ Theodorici Alsatiæ filia jungens pacem fecit, obiit anno 1171. Balduinus V, contra Gothofredum Brabantia Ducem, dein contra Henricum Cæcum Namurcensem, post contra utrosque conjunctos feliciter debellavit. Philippo Alsatio in expeditione Terræ sanctæ defuncto, jure consanguinitatis in Flandriæ Comitatu successit, obiit Princeps optimus & illustris rebus gestis anno 1195. Possedit Hannoniam, Flandriam & Namurcum: eo defuncto Balduinus Constantinopolitanus cognomine, Hannoniæ & Flandriæ imperavit, qui in Orientem contra infideles profectus devicta Constantinopoli, Imperator Constantinopolitanus creatus, à Bulgaris tandem in prælio captus, crudelissime occisus est anno 1204. Successit Ioanna Constantinopolitana defuncta sine liberis anno 1244. Hanc excepit Margareta nupta primis nuptiis Bocharo Avenensi, secundis Gulielmo Dampetræo, è Bocharo peperit Ioannem Avenensem, cujus filius Ioannes itidem nominatus Margaretæ in Hannoniæ Comitatu successit, fratri uterino Guydoni Dampetræo Flandriæ Comitatu relicto. Cæteros Hannoniæ Comites in Hollandiæ Comitum videas serie.

Belgica.

K k k

V A.

VALENCENA.

Valencena.

Valencena, seu, ut quidam volunt, Valentiana ab ejus nominis Imperatore, ut auctor est Sigebertus Gemblacensis (qui etiam refert an. 1271, Carolum Magnum Imperatorem eo loco totius Galliae Comitata celebrasse) ad Scaldim sita est, planitie peramœna, eoque tuta ab hoste. In ea est armamentarium ad belli usum instructissimum. Templum duo, unum sacrum B. Virgini, structura antiqua, cujus columnæ ex marmore & lapide porphyretico: alterum B. Ioannis, recentius, opus Pipini, qui pater Caroli Magni fuit: Cœnobium plura, unum præ cæteris nobile Franciscanorum, quo Comites Hannoniæ & Domini Valencenæ seorsim sepeliuntur. Curia amplissima cum horologio celeberrimo, opus Guillelmi Boni, Comitis Hannoniæ, Hollandiæ, & Zelandiæ. Porro Respublica hæc tanta prudentia constituta, & tam bonis legibus ornata est, ut Noribergenses ad ejus exemplum celeberrimam suam rempubl. voluerint componere, missis ad hanc rem aliquot viris prudentibus, quod & Romanos fecisse accepimus in Republica Atheniensi. Proinde non est mirum, si ex tam præclara politia orti fuerint

eives per universum orbem virtute celebres. Inter quos primas tenent Henricus VII, Imperator, Dux Lutzenburgicus: Maria filia unica & hæres Caroli Audacis, avia Caroli V: Ioannes Froissardus, Historicus nobilissimus, qui etiam hoc ipsum initio operis sui testatus est. Porro hæc Respublica initio Comitatus fuit, habuitque Comites suos proprios & singulares, quorum ultimus Garnerius, qui eam vendidit Reinero Comiti Hannoniensi, & Lamberto Comiti Lovaniensi fratribus. An. 973 Lambertus improlis obiit. Reineri filia Richildis nupsit Comiti Flandriæ Balduino, paruitque ex eo Valencena Flandriæ: non tamen ut pars, sed ut disparata Respublica, proprias habens leges & consuetudines. Postremum ad Duces Burgundiæ & Domum Austriacam devolutum est imperium. Non habetur tamen ut oppidum Hannoniæ, sed tanquam in ejusdem fundo positum. Vnde etiam proprios habet Præpositum, Senatum, leges, forum juridicum & tribunal. Similiter quando Comitatus Hannoniæ imponuntur nummorum exactiones, nihil tanquam ejus membrum contribuit, sed ut juris sui ditio. Oppidum est magnum, amœnum & prædives. Vno milliari à Valencena est Abbatia *Vicoigne*, refertissima optimorum & antiquissimorum librorum.

*Olim Comitatus.**Situs.**Qualitas.**Vibes.**Namurcum.*

NAMVR-

N A M V R C V M C O M I T A T V S.



Situs.

Namurci Comitatus per-
exiguus atque angustis
finibus inter Braban-
tiam, Hannoniam, Lu-
ceburgum & Episcopa-
tum Leodiensem con-
tinetur. Longitudo e-
nim ejus ab Oriente
Occidentem versus
sumta ab abbazia Sori-
liana usque ad amnem Pieton Hannoniam à Na-
murco separantem, est leucarum Brabanticarum
duodecim, latitudo vero à Meridie Septentrio-
nem versus est decem leucarum Brabanticarum.
Incolas habet frequentissimos, bene moratos &
fideles, arte etiam militari probe exornatos; Aë-
rem salubrem, temperatum; flumina piscosa,
inter quæ primas obtinent Mosa & Sambra. Sil-
væ hic plurimæ, feris & volatilibus, in fructum
pariter ac voluptatem, plenæ, quarum cæteras
magnitudine longe præcellit Marlania. Planities
tritici aliarumque frugum eximie fertilis. Mon-
tes, quibus regio abundat, præter utiles illas &
amœniore silvas, ac scaturientes undique lim-
pidissimarum aquarum fontes, plurimas habent
ferri, quasdam etiam plumbi venas, plurimas
etiam varii generis lapidum, inter quos eminet
maxime subnigrum marmor, item rufum quod-
dam albo intermixtum, cui Iaspidi nomen est.
Neque ita pridem coeperunt effodi saxa illa ad
ignem idonea, quæ Lithantracas nominare pos-
sumus. Eruitur insuper copiosissime optimum ge-
nus nitri. Verum eximia illa tot aquarum & flu-
minum, totque nemorum & lignorum oppor-
tunitas, purgando, coquendo, & ad perfectio-
nem conducendo, imo in chalybem acuendo,
ac de loco porro in locum transferendo ferro in-
serviens, & conatus simul & sumtus ita faciles
reddunt, minuuntque, ut nunquam non & quæ-
ratur & inveniat; nunquam non sedulo indu-
strieque laboretur: idque tot & tantis fornaci-
bus, officinis ac instrumentis, præsertim in Mar-
lania, ut versari tibi videaris in ipsis Vulcani ac
Cyclopum fabricis.

Urbes.

Urbes in hoc Comitatu muro cinctæ sunt
quatuor: *Namurcum*, *Bovina*, *Carlomontium*, & *Val-
lencourtium*. Pagi 182. Abbatia quamplurimæ.
Reipublicæ administratio est penes Ecclesiasti-
cos, Nobilitatem, & urbium Capita, qui status
est optimatum.

Namur-
cum.

Namurcum, urbs est primaria. quam ob cau-
sam novus ei Episcopatus est impositus. Origo
nominis satis obscura est. Auctores enim qui-
dam graves scribunt, à se, an ex aliis, nescio, ab
Naino, Gentilium Deo, appellatum: eum in
montis vertice, ad cujus radices sita est, habi-
tasse, & cultum fuisse, omnibus ad eum opis au-
xiliique gratia concurrentibus, responsa dare
Belgica.

consuësse: post vero Christi adventum (Mater-
no prima hic fidei Christianæ fundamenta col-
locante) obmutuisse. Alii hanc urbem à Roma-
nis, tanquam inexpugnabilem rupem exstru-
tam esse referunt. Ipsos *Novum Murum* nomi-
nasse, unde postea Namurci, sive, ut alii volunt,
Namuræ appellatio orta sit. Mavult maximus
Lipsius cum schedis vetustioribus scribi *Namu-
rum*, quam *Namurcum*, & originem ait liquere. dici
enim nostra lingua, quasi *Propinquum murum*, *Na-
Muur*. Sita est inter duos montes ad lævam Mo-
sæ ripam. Ad Occidentem Sambra Namurcense
oppidum alluens, id duas in partes interfecat. Mo-
sa pertransit, exituque dein suo in eam sese re-
gurgitat. Abest Lovanio octo miliaribus, Leo-
dio decem, undecim Bruxella. Pulchra est &
amœna, & arce, loco sublimi, conspicua. In
hac præclarum est Canoniorum Collegium,
foundatione ac sumtibus Comitatus olim institu-
tum. Sunt & aliæ duæ in civitate ipsa Canoni-
corum collegiata Societates. Altera in Ecclesia
D. Albino sacra, quæ Pauli IV Pontificis ma-
ximi auctoritate, Hispaniarum Rege Catholico
petente, in Cathedralis est evecta, cujus pri-
mus omnium antistes designatus confirmatus-
que est Reverendiss. D. Antonius Havetius. Al-
tera Canoniorum Ecclesia est B. Mariæ virgini
nuncupata, idque, uti annales perhibent, D. Ma-
terni, primi Tungrorum Apostoli, auspiciis. Mo-
nasteria etiam hic aliqua sunt, utriusque sexus,
inter quæ principem fere locum obtinet, Fra-
trum instituti D. Francisci, cœnobium, non
modo sumtuosa & celebri structura, sed doctri-
na ac pietate eximiis viris celeberrimum. Multa
sunt insuper in ipso Comitatu cœnobia splendi-
da, Namurcensium Comitum olim pietate con-
structa, & opimis donata redditibus, inter quæ
excellit illud Præmonstratensium apud Floref-
fiam. In hac urbe sedes est Concilii Regii, à quo
appellatio est ad Curiam Mechliniensem. Est &
sedes Episcopi. Cives armis adfuerunt. Galli-
cus iis sermo, sed corruptus. Mercatores & opi-
fices pauci. Nobilium magna turba, sed qui no-
thi sunt illustrium Principum, vel è nothis o-
riundi.

Tertio milliari à Namurco dives est pagus
Andennas, in quo vetustissimum Collegium Ca-
nonicarum nobilium fœminarum, exstructum in-
stitutumque à Begga filia Pipini veteris, à qua
primum creduntur dictæ vestales *Beggina*. Ex hac
Begga Pipini posteriores, Carolus Martellus &
Carolus Magnus originem suam traxere.

Alterum porro Canoniarum nobilium mo-
nasterium, Andennensi adsimile, exstat ad Sa-
bim flumen, juxta pagum *Monstier*, altero à Na-
murco lapide.

Visuntur insuper Dinantum & Namurcum in-
ter, in monte vulgo *Polyache* dicto, parietinæ
LII quæ-



quædam & rudera veteris oppidi *Chevremont*, hoc est *Montis Caprarum*, quod destructum fuit per intestina bella cum Leodicensibus gesta, nec refurgere hætenus potuit.

Bovigne.

Quarto milliari à Namurco sunt *Bovina*, *Bovigne*, oppidum exiguum, quod bellorum injuriis jam aliquoties vastatum, postremum vero ab Henrico Secundo Galliarum Rege anno 1554 magna parte destructum est. Id ex eo tempore civium industria restitui & instaurari coepit. *Caro-*

Charl. mont.

lomontium, *Charlemont*, arcis fere effigiem præ se fert, propugnaculis suis bene munita. Distat Marienburgum tribus, Namurco septem milliariibus. Situm peropportune in monte ad lævam Mosæ ripam, circa nobilem illum locum, quem vulgo vocant *Givet*. Nomen habet à Carolo V Imperatore, qui coercendis hoc tractu Gallis, Marienburgum tunc tenentibus, exstrui jussit, anno 1555. *Valencourtium*, *Walcourt*, oppidulum tenue est, sed pulcherrimos undique agros adspiciens. *Dava* pagus est ad Mosam flumen, quæ Bovinas itur, arce validus, amplæque jurisdictionis, ita ut titulo gaudeat Vicecomitatus. Sunt præterea in pagorum catalogo varia loca non amplitudine minus quam amœnitate spectanda, qualis est *Floreu*, *Viseia*, & *Samsonia*.

Valencourtium.

Pagi.

Regimen.

Ditio Namurcensis sæpenumero mutavit suos dominos. Eorum autem qui Marchionum titulo dominati sunt usque ad annum 1005, nomina & series recta vetustatis caligine ignoratur. Primus cujus nomen & memoria ad hæc nostra pervenit tempora, est Albertus Comes Namurcensis, qui Ermengardam Caroli Ducis Lotharingiæ filiam in uxorem duxit circa annum 1005. Dein in Genealogia Ducum Lotharingiæ circa annum 1044. positus reperitur Albertus Secundus prioris filius, & Tertii Alberti pater. Tertium secutus est Godefridus Comes Namurcensis, Ermesindæ Lutzenbergensis maritus, qui obiit circa annum 1115. Hunc secutus est Henricus Cæcus cognomine, ad quem Lutzenbergensis quoque Comitatus hæreditate devolutus est, huic sine prole mascula defuncto successit vi patris (Ermesindæ Cæci filiæ Theobaldo Barrensi nupta exclusâ) Balduinus Flandriæ & Hannoniæ Comes, Cæci ex sorore nepos. Huic successit Philippus filius secundogenitus, ex ultima voluntate patris, ea conditione, ut Philippus ditio-

nem hanc (à Cæsare jam Marchionatus titulo decoratam) à Balduino fratre Flandriæ & Hannoniæ Comite, Balduinus vero ab ipso Cæsare in clientelam acciperet. Philippo primo Marchione una cum filio puero demortuo Marchionatus Iolandæ, Henrici Imperatoris Constantinopolitani sorori, & Petri Auxerrani itidem Imperatoris uxori cessit; hujus filii Robertus Imperii Orientis, Philippus vero Namurco præfuit; Post obitum Philippi Henricus Lutzenburgensis nomine matris, vel uxoris (ut alii malunt) Margaretæ Gerardi Lutzenburgensis Comitis Barenfis filiarum Marchionatum Namurcensem occupavit, verumtamen post quinque elapsos annos Balduinus Imperator Roberti filius ultimusque hujus stirpis à Græcia redux, auxiliante Ludovico Franciæ rege Namurcensem ditionem recuperavit, sed Thomas Sabaudia Ducis frater Ioannæ Constantinopolitanæ maritus breve post tempus ei de Namurco litem movit; Post obitum vero Ioannæ Guilielmus Rom. Rex, Hollandiæ Comes Flandris succensus, Margaretam Nigram terris Romani Imperii feudalibus privavit, Ioanni Avenensi Margaretæ filio Namurcensem tribuens ditionem anno 1252. Anno vero insequenti Balduinus Byzantinus Imperator necessitate urgente Comitatum Blancæ Ludovici Franciæ Regis matri vendidit, quæ misericordia mota eum dono Marthæ Balduini uxori, Ioannis regis Hierosolymitani filiarum dedit. Novem post annis Henricus Lutzenburgensis Henrici VII Imperatoris avus, Namurcum occupavit. At Margarita Constantinopolitana in Comitatum sibi majus jus vindicans, urbem & in ea Henricum circumposita cinxit obsidione, donec lites hæ per matrimonium Guydi Dampetræi Margaretæ filii, cum Isabella Henrici Lutzenburgensis filiarum sopirentur. Hoc modo Comitatus hic ad Guydum devolutus est, ei successit filius Ioannes, eum excepit Robertus, post Guilielmus Namurco præfuit. Tandem Comitatus Namurcensis jure hæreditatis ad Mariam Guydi ultimi Comitis Blesensis uxori pervenit, cujus hæres Ioannes vel Theodoricus eum Philippo Bono Burgundiæ Duci vendidit, annuos proventus donec viveret sibi reservans: à Ducibus Burgundiæ postmodum ad Austriacos devolutus est.

*Regimen
majorum.*

Nomen.

*Mechlinia
civitas.*

M E C H L I N I A

D O M I N I V M.



Regimen
majorum.

Agna Dominia Inferioris Belgii sunt Frisia, Groninga, Transsalandria, Ultrajectum & MECHLINIA. Fuit olim Mechlinia, ut remotiora omittamus, sub ditione Illustrissimæ gentis Bartholdiæ, quæ cum legitimis destitueretur heredibus, post varias tandem contentiones & bella, alter urbis semissis obvenit Episcopo Leodicensi, alter Comiti Gelriæ. Hi quam possederunt plurimos annos urbem, anno 1333 vendiderunt Ludovico Nivernensi Comiti Flandriæ, pretio trecentorum millium vel circiter scutorum, una cum juribus ac prætensionibus omnibus. Hæc res magnarum litium materiam præbuit, nolente videlicet Ludovico Nivernensi agnoscere Brabantia Ducem feudi istius patronum, etsi habitum ante, ut ferebatur, pro tali à prioribus urbis Dynastis. Tandem post longas dissertationes rixæque, initum fuit matrimonium inter Ludovicum Maleanum, & Margaretam Ioannis Tertii Ducis Brabantia filiam natu secundam. Etsi autem ne sic quidem omnino contendendi esset finis, tamen eopse matrimonio factum est, ut ditiones Domus Brabantia, cum iis quæ Flandricæ essent, coaluerint. At Philippus Bonus Mechliniam à cæteris ditionibus separavit, voluitque distinctum esse à cæteris dominium. Tale vero in hunc usque diem perseverat. De nominis origine nihil certi constat. Narrat in Itinerario Abrahamus Ortelius extitisse olim ad sacellum Divi Rumoldi, medio inter Antverpiam atque Bruxellam itinere, diversoria quædam, ubi diverterent viatores, apud Michaëlem quendam, Brabantis *Machiel*: qui cum celebraretur passim & inclaresceret, loco postea fecerit nomen, & urbi ibidem constructæ.

Nomen.

Mechlinia
civitas.


Est autem oppidum antiquum, & inter Belgii præcipuas civitates, situ admodum peropportuno, & mira cœli temperie, nec non aliis multis in usum humanum commoditatibus insigne. Transiit urbem fluvius Dilia, qui amplius satis, marino aestu ad leucæ spatium Mechliniam superante, valde intumescit, usque adeo, ut in complures ramos & veluti alveos dividatur, pluribus intra urbem pontibus stratus, & satis multas in ea efficiens insulas, templorumque & domuum privatarum distinctas commode areas. In mediotullio fere Brabantia sita est, & triangulari aspectu Antverpiam, Lovanium, Bruxellamque videt, à quibus pari fere quatuor milliarium intervallo abest. Distincta tamen & singularis est ditione. Quare & matres plurimæ partui vicinæ, ut liberi amplissimis Brabantia privilegiis fruantur,

Belgica.

Mechliniense territorium deserunt, & brevissimo sese itinere, pariendi causa, in Brabantia confinia conferunt. Vrbs non solum elegans est & pulchra ædificiorum splendore ac platearum nitore, sed & munita valide. Accedit ad robur, quod circumfundi undique aquæ possint. Distinguitur in septem paræcias, sumptuosas magnificisque templis insignes. Primaria ac cathedralis Divo Rumuldo dicata est, ædem habens eximia magnitudinis, etsi nondum perfectam. Turris ejus conspicua est altitudinis, unde plurimæ undique civitates, pagi, & amœnissimi agri conspici possint. Selectæ in ea & sonoræ campanæ, quæ dulcissimo concentu horis præludunt. Præter illas, habet Mechlinia alia plurima tam virorum, quam feminarum cœnobîa, præcipuumque illud D. Francisci, cui elegantia, capacitate, & amplitudine nullum in universo Belgio præstare creditur. Habet & Divæ Claræ, amplum quoque & nitidum, nec ulli Ordinis ejus cœnobio cedens. Videre hic est cœnobium Pitzenburgense, nobilissimi ordinis Equitum Teutonicorum. Sunt & palatia hic multa & domus publicæ pulchriores, necnon horti & viridaria, non amœna minus, quam spatiosa. Etsi vero gravissimo tristissimoque casu attrita valde afflictæque fuerit, tamen hodie in pristinum statum rediisse visa est. Casus hic fuit: Septimo Idus Augusti, anno 1549, exorta horrenda tempestate, cœlo delapsum fulmen turrim fecit, haud procul ab ea porta, quam arenariam vocant. In hac turri repositi erant bis mille & amplius cadi tormentarii pulveris, quibus accensis disjecta fuit turris funditus, ita ut ne vestigium quidem superfuerit. Eadem flamma urbis fossas, etsi & latas & profundas, per sexcentos & amplius passus exsiccavit, piscesque arsos & semicoctos quaquaversum sparsit. Dirutæ ædes vicinæ, etiam illæ, quæ 300 passibus aberant. Qui vero per aëra volitabant lapides, procellæ instar ac nimbi, maxima ubique damna dabant. Eodem casu c c & ultra hominum extincti, 10 c circiter mutilati. Fuitque tam ingens fragor, ut Antverpiam usque & Bruxellam veluti continuo terræmotu perciperetur.

Præter minora quædam & subalterna, septemdecim maxime numerantur collegia, sive sodalitates artificum, quibus & ad Senatum accedere, & deliberationibus ejus intervenire jus & facultas est. Excellunt in hoc ordine pistores, cetarii, tinctori, coriarii, zythephæ, sive coctores cerevisiæ & laniones. Quorum omnium tantum est pretium & existimatio, ut è singulis horum collegiis singuli elegantur quotannis Scabini. Constituunt quippe Magistratum supremum sex Scabini nobiles & totidem artifices. Amplissimum vero est collegium Coriariorum, ut quod oppidanorum fere quadrantem facit,

M m m suas



Pagi literis A. B. notati, et in agro Brabantino siti, dupliciter sunt differentia, nam Wispelaar, Noortmeerbeek, et Nombreeck, in libris Senatus Mechliniensis em consulant et Cancellarium Brabantie appellant: Episcopalis vero Vicus pagi Doornensis, et pagus Naecht, pro libitu, ad Senatum Mechliniensem aut Brabantie Cancellarium provocant. Reliqui, A. Signati, sunt quidem in terra Mechliniensi, tenentur tamen a Brabantia, sed proprios habent officiales, et Feudorum Vicarium.

suas habens seorsim habitationes, capacissimas illas, variis aquæ vivæ canalibus aliisque ad operas istas necessariis luculenter instructas. Sodales ipsi compluribus, iisque insignibus privilegiis donati sunt; inter cætera autem venandi, & aucupandi potestate. Conficitur in hac urbe maxima pannorum, tenuissimi præstantissimi-que fli vis. Quæ tanta olim fuit, ut supra ter mille lanariorum officinæ numeratæ hic fuerint. Quo rerum successu insolentiores, eo proruperunt vesaniæ, ut arma in reliquos cives sumserint, & cum iis manus conseruerint. Desiderati hac pugna lanariorum complures, & privilegiis suis magna ex parte mulctata Sodalitas. Etsi autem exinde non parum huius collegii auctoritati decesserit, eo tamen hodie est loco, ut magnum vulgo & primarium oppidi sodalitium audiat. Etiam lintea hic texuntur, ejus probitatis & precii, ut non facile usquam præstantiora invenias. Conficiuntur & omnis generis tincturæ. Conflantur ahenæ machinæ, tanta & dexteritate simul & bonitate, quanta alibi usquam terrarum: campanæ iridem, aliaque ex ære adfabre facta. Est & hic Principis armamentarium, in quo machinæ bellicæ aliaque militiæ impedimenta asservantur. Celebris est Mechlinia natalibus Ioannis Gocchii, & Ioannis de Arundine, item Nicassii Woerdani, qui etsi à tertio inde ætatis anno amisisset oculorum usum, eos tamen in literis fecit progressus, ut, narrante Trithemio, Iuris utriusque Doctor creatus fuerit, & cum in Lovaniensi tum in Colonienfi Athenæo summa cum laude docuerit. Mechliniæ quoque natus fuit Christophorus Longolius, vir ob raram & exquisitam doctrinam, aliasque non paucas virtutes, per omnem Europam clarus. Hæc etiam Rembertum Dodonæum dedit, Medicum & Mathematicum eximium, & scriptis Botanicis clarum. Frequens hic Nobilitas, majorque quam alibi familiarum eminentium numerus. Educati hic Principes maximi, Philippus Primus Hispaniarum Rex, & Carolus ejus filius, postmodum Imperator: quia iis temporibus ordinaria illic & solennis aula Burgundicæ fuit sedes. Obiit hic Margareta Caroli amita, Belgicæ Gubernatrix.

*Privilegia
Mechliniensium.*

Duobus potissimum gaudet privilegiis. Prius est, quod immunes sint ejus cives per universam Belgicam à vectigalibus, & oneribus quibus mercimonia gravari solent. Posterius est, quod bona ipsorum, ut vocant, immobilia, non solum in Brabantia, sed per omnes insuper provincias ab iis subsidiis libera sint, quæ Principi subministrari consuevere. Vtrumque à Carolo Audace impetraverunt, ob officia ipsi præstita.

*Ordines.
Parlamentum.*

Ordines hujus Domini constant duobus membris, Magistratu & populo. Sedem habet in hac urbe Magnum Concilium Regium, ab eodem Carolo institutum, anno Christi 1473. Constabat olim xxxv personis, incluso Principe, inde Cancellario, duobus Præsidibus, quatuor Equitibus, sex supplicum libellorum magistris, octo Senatoribus Ecclesiasticis, & duodecim Doctoribus, sive Licentiatibus, ut vocant, secularibus. Hodie constat uno duntaxat Præside, sedecim Senatoribus, duobus Graphariis, octo

Secretariis, & aliquot minorum gentium administris. Provocant ad hoc Concilium Mechliniense, præter Mechliniam, Flandria omnis, Artesia, ditio Namurcensis, Lucenburgenfis, Valentianensis: Equites item Aurei Velleris, prima, uti loquuntur, instantia coram hujus Concilii tribunali citantur. Suntque decreta ejus peremptoria, nec ullatenus retractantur, nisi quod *Revisio* permessa sit.

Sub ipsa urbe, qua Antverpiam itur, amplissimum quoddam & memoratu dignum occurrit cœnobium, arcis pæne ad formam constructum, & muris late diffusis circumdatum. In hoc ædes est pulcherrima, D. Alexio Ordinis Præfidi sacra. Degunt hic ut plurimum, mille quingentæ, nonnunquam mille sexcentæ virgines sacra, unius ejusdemque omnes professionis, ut refert Guicciardinus.

*Cœnobium
monialium.*

Duabus Mechlinia leucis, sub ejusdem urbis dominio, situs est pagus amplissimus, Heistium, vertici montis impositus, una cum septem minorum gentium viculis, quorum alii ad montis radices, alii circum eum visuntur, Heistioque subjiciuntur. Hujus luculenta quoque est ditio, iisdem cum Mechliniæ urbe privilegiis fruens.

Heistium.

Mechlinia in novam Archiepiscopalem Sedem erigitur à Paulo IV Pontifice 1559 cum titulo Primatis Belgicæ Provinciæ, qui competit Remensi Metropolitano in Galliis, detracta Episcopali Sedi Cameracensi, cui in Ecclesiasticis suberat, idque cum aliis Episcopatibus novis Belgicæ, auctore Cardinale Granvellano, ei subiectis Suffraganeis diocesisibus,

*Mechlinia
Archiepiscopus.*

Antverpiensi, Iprensi,
Brugensi, Ruremondensi, &
Gandensi, Buscoducensi.

Abbatia autem reperiuntur in diocesi:

Afflighemensis, Ordinis Benedicti. *Afflinghem.*

Bigardensis, *Bigarden*, Ord. Bened.

Cortemberga, *feminar.* Ord. Bened.

Grandimontis, *Grammont*, O. B.

Eynhamensis, *Einham*, O. B.

Vlinderbeck, O. B.

Averbodii, *Everbeur*, O. P.

Dielegem, O. P.

Grimberga, *Grimberg*, O. P.

S. Gertrudis, *Lovani*, O. P.

Heliemensis, *Heliehem*, O. P.

Minove & de Parco, O. P.

Præfuere vero huic Ecclesiæ sequentes Præsules:

Antonius Perrenot, Cardinalis de Grandvelle, Carolo V sponte Imperio se abdicante, atque à Belgis in Hispaniam secedente, Attrebatum Antistes jam factus, exinde virtutis merito à Pio IV Purpuratorum cœtui adscriptus, primus Mechliniensium Archiepiscopus declaratur 1559. Rebus in Belgio constitutis cum Philippus II patris excessu in Hispaniam revocaretur, Margareta Austriae Belgarum Gubernatrici sorori regias vires subiturae publicarum curarum comes datur. Exorto deinde civili bello apud Belgas, invidiæ cedens in Burgundiam se contulit, indeque mox à Rege in Hispaniam evocatus, perpetuo ei carus, honoribus auctus est; Neapolitanis enim Prorex præfuit, in Hispaniam revocatus dum in Lusitaniam expediuntionem Philippus scepisset, eam

*Archiepi-
scopi Mech-
liniensis:
1.
A. Perrenot
Grand-
velle.*

I I.
Joannes
Hauchin.

III.
Guilelmus
Alanus.

IV.
Levinus
Torreus.

Ma
Ho

eam æquabili jure administravit; Demum Archiepiscopus Bisonticensis creatus, septuagenario major fato concessit Mantuæ Curpetanorum 1585.

I I.
Joannes Hauchin.

Joannes Hauchin, ex Decano Beatae Gudulae Bruxellensis resignatione Antonii euectus ad hanc Cathedram 9 Calend. Febr. 1582. Inter vivos esse desit 5 Januarii, 1589; humatus in Ecclesia S. Rumoldi.

III.
Guilelmus Alanus.

Guilelmus Alanus, Cardinalis tituli S. Martini in Montibus, natione Anglus, patria Lancastrensis, Oxoniae bonis literis operam impendit, Duaci in Belgio lauream adeptus est in alma facultate Theologica, Regius ibidem Professor, postea Canonicus Cameracensis & Remensis assumptus: dein Remis à Sixto V Papa Romam evocatus anno 1587 Aug. 7. Id. Cardinalis Presbyter creatus est, deinde mortuo Carafa Cardinale Bibliothecarius Apostolicus declaratur, ad reformationem sacrorum Bibliorum, sub Sixto inceptam. Postremo Machliniensis Antistes electus, Archiepiscopatus tamen possessionem non habuit. Romae etenim omni virtutum genere excultus, praeclaris ingenii doctrinaeque monumentis clarus, quae partim Anglice, partim Latine conscripta reliquit, terrestres exuvias reliquit die Dominica 16 Octob. 1594, ibidem in Ecclesia S. Trinitatis nationis Anglicae sepultus.

IV.
Levinus Torrentius.

Levinus Torrentius, ortu Gandavenfis, Lovanii Philosophiae operam dedit & Iurisprudentiae, post in Italiam profectus Romae annos aliquos substitit, & in illo Orbis theatro à doctis hominibus cultus est, Morono, Sirleto, Borromaeo Cardinalibus, Ant. Augustino, Manutio, Gambara, Vrsino, ceterisque. In Belgium reversus Archidiaconus Brabantiae factus apud Leodienses, & Ernesti Bavari Principis Vicarius creatus, ob legationes praeclare obitas à Philippo II Antistes Antverpiensis eligitur, postea tertius Machliniensium Archiepiscopus designatur. Vir fuit antiquitatis inprimis studiosus, prisca Iuris peritissimus indagator, doctrina ad miraculum usque excultus, qui Historiam Romanam mire illustravit luculentâ expositione in Suetonium & Horatium: cujus nomen etiam apud posteros celebratur, ob lyrici carminis excellentiam, Lyricorum Princeps post Horatium etiam ab Italis salutat, quae ad extremam aetatem mirâ ubertate profudit & Pio V Pontifici inscripsit. Bruxellae decessit VI. Kal. Majas 1595. Vixit annos 70. in aede Cathedrali B. Virginis conditus tumulo marmoreo cum effigie.

V.
Matthias Hovius.

Matthias Hovius, Machliniensis, Theologiae Licentiatus, primum ad B. Petrum in patriâ Pastor & eloquii sacri præco excelluit. Inde ex majoris Ecclesiae Archidiacono & Sede vacante Vicario Generali in Archiepiscopum consecratur 1596. Principibus gratus; nam & cum iis de Republicâ varia negotia tractavit, & pro Ecclesiasticâ disciplinâ Concilio provinciali in suâ Metropoli celebrato mense Martio 1607, in ejus auspiciis luculentam orationem habuit de abusibus Cleri & Ecclesiae tollendis; biennio post statuta Synodalia ab eo edita publicavit. Postquam verò Archiepiscopatum administrasset annis 25, fato concessit 1620. Kal. Julii 3. in cœnobio Afflin-

Belgica.

ghemenfi; sepultus in Ecclesia Metropolitana.

Jacobus Boonen, spectatae tum eruditionis, tum probitatis vir, scientiis Theologicis optimè imbutus, Doctor Lovanii renuntiatur, inde Episcopus Gandavenfis, necnon Abbas Afflighemensis, prudentiâque conspicuus, multis in rebus maximi momenti strenuè se gessit, & fortitudinem animi in omnibus non mediocrem demonstravit. Demum ex Coadjutore Matthiae Hovii creatur Archiepiscopus 1620. insequenti anno exequiis Archiducis Alberti de Austria interest. Advocavit autem è Galliis Franciscum Bourgoing Oratorii D. I. dignissimum Praepositum Generalem, cum aliis Congregationis Sacerdotibus, ut Clericorum moribus ad pietatem informandis vacarent; primam domum constituit ipsâ Isabellâ favente in Monteacuto seu Aspero-colle, quo è loco plures in civitates Belgii, procurante ipso Boonenfi, & adlaborante Bourgoingo Congregatio Oratorii foeliciter disseminata est. An. 1633 Kal. Novemb. Isabellâ constituitur testamenti executor cum Episcopo Gandavenfi.

VI.
Jacobus Boonen.

Andreas Creusen Trajecti ad Mosam natus, Romae altioribus scientiis excellenter eruditus, inde Viennam evocatus, & Doctor Theologiae creatus, sacra in Cæsareo exercitu Vicarius Generalis curavit, ac varias legationes obivit: dein Canonicatu in Metropolitanâ Cameracensi à Ferdinando II Imp. donatus, ac postea Archiepiscopi Vicarius Generalis constitutus est, Romanique Concilii Provincialis nomine missus; demum Ruræmundensi Ecclesiae Antistes datus 1651, 5 Junii; Anno 1657 ad Archiepiscopatum Mechliniensem translatus.

VII.
Andreas Creusen.

A E R S C H O T D U C A T U S.

Itum est Arschotum ad fluviolum Demeram, Lovanio juxta & Diesthemio pari trium leucarum intervallo abjunctum. Mechlinia quatuor, & prægrandibus quidem, leucis distat; Lira itidem quatuor. Erat autem hoc oppidum & cætera ejus ditio olim Marchionatus. Sed ornatum postea fuit dignitate Ducali ab Carolo V Imperatore, idque Dominorum magis, & opum quas in Hannonia possident, quam ditionis ipsius adspectu. Etsi mediocre tamen est oppidum, & antiquus admodum Baronatus, ut vocant, seu Dynastia. Dynastas agnoscit Principes Illustrissimæ Gentis Croiæ, ortæ primum è Gallia. Proderunt autem ex ea stirpe plurimi sane heroës: sed clarissimus omnium fuit Guilielmus, Dominus Cerviæ. Qui usque dum moreretur, summa cum auctoritate, direxit Imperatorem jam dictum: unde & opibus simul & potentia Croiorum luculentum accessit augmentum, idque cum aliis hujus tractus Provinciis, tum præsertim in terra Hannonia.

Porro amplissimus iste Ducatus Domino gloriatur impræsentiarum illustrissimo Philippo Francisco, Philippi Arschotani Ducis, Croyensis, &c. atque Elisabethæ de Barlaymont filio, Duce quoque Arembergensi, Arschotano, & Croyensi, Principe Porceano & Rebecensi,

N n n

Mar-

Marchione Moncornetensi, Comite Senigemen-
fi, Engienensi Domino, &c. qui Magdalenam
de Borgia Ducis Gandiæ filiam celebratissimo,
honoratissimoque sibi matrimonio copulavit.

Loci hujus Toparchæ Principi suo obstricti
sunt; contra Princeps ipsis vicissim devinctus est,
iisdem fere legibus & conditionibus, quas in
aliis locis feudatarius, sive cliens, & patronus,
seu Dominus feudi, reciproce inter sese obser-
vant. Itaque pacis juxta & belli temporibus
Princeps eos habet in clientela, & cum in ur-
bium regionumque regimine, tum in militari-
bus quoque præfecturis, uti solet eorum opera:
quam ipsi contra pari alacritate & fide Principi
suo libenter præstant. Iam quod ad ipsa domi-

nia, vel, si mavis, toparchias, & Dominorum
in eas jus & imperium pertinet: omnia prorsus
alicujus nominis oppida, arces, & pagi, jurisdi-
ctioni eorum subjecta, ob varia quibus gaudent
privilegia, suis ut plurimum legibus, suisque mo-
ribus vivunt, politiam & reliqua eo spectantia
ipsi per se administrando. Vnde non aliud fere
Toparchis in loca sibi subjecta præminentia
jus, neque subditi aliter iis obstricti, quam Ant-
verpiam supra diximus Principi suo esse obno-
xiam. Ita quidem ut illi nec vectigalibus hosce,
nec alio quovis modo, nisi sponte consentien-
tes, & accedente Regis permisso, possint grava-
re, sed patrimoniis suis & consuetis redditibus ac-
quiescere debeant.



GELRIÆ TETRARCHIA RVRÆMONDANA.



Gelria omnis dividitur in partes quatuor, Neomagiensem, Ruræmondanam, Zutphenicam & Arnhemensem, à quatuor præcipuis Civitatibus sic denominatas; earum autem tres, prior & duæ posteriores belli sorte sibi libertatem asseruere, Fœderatorumque Ordinum accensentur Reipublicæ; sola Ruræmondana pars Hispaniarum Regis agnoscit imperium, ejus dicto ad hæc usque tempora obediens. Eamque ob causam Tetrarchiam Ruræmondanam à cæteris avellere, heicque interdictiones Regi subiectas ponere visum est. Complectitur vero urbes, & oppida muris circumdata, Ruræmondam, Venloam, Gelriam, Stralam, Wachtendoncam & Herculanum: Municipia tria, quæ & ipsa velut oppidula Montfurtum, Echtam, & Neostadium. Territoria autem tum dictarum quinque urbium, tum præfecturarum Kesseliæ, Middellariæ, & Crieckenbeeckii. Minores autem præfecturas hereditarias, Vierfen, Horst, Lenth, Well, Afferden, Blyenbeeck, Walbeeck, Aerlen, Gribenforst, Blitterswijck, Mirloo, Elmpt, Steffensweert, Hillenrade, Swalmen, Assel & Geisteren.

*Soli qualitas.
Ruræmondana.*

Solum Tetrarchiæ hujus humile & paludosum, sed fertile, & omnium ad victum humanum spectantium admodum ferax. Ruræmonda Metropolis, quæque nomen huic tractui communicat, urbs opibus, amœnitate & ædificiis tam publicis, quam privatis præstans, Mosæ fluvio celeberrimo adjacet, qui hic loci Swalmam & Roeram minoris notæ fluvios benigno recipit alveo. Episcopum, sed angustis limitibus circumscriptum, jam ab initio belli Belgici Philippus Secundus Hispaniarum Rex introduxit. Fœdorum & Rationum Curia, nec non Regis vicarius, Cancellarius & Senatores, ad quos inferiora Iudicium appellant subsellia, hic domicilium fixerunt. Porro varias belli & ignis Ruræmonda experta vices, sæpius capta & recepta, victorum insolentiam passa est, tandem anno Domini nostri 1637, in potestatem Regis Hispaniæ à Ferdinando Cardinali Infante reducta est. Non procul hinc ad Roeram visitur Odiliæ, sive S. Petri Mons, ubi Reverendorum Wironis, Plechelmi, & Otheri, qui primi sanctissima Iesu Christi dogmata hisce Populis prædicarunt, monstrantur domicilia. Sita est ad Mosæ flumen, quæ Ruram ex Iuliacis labentem ad se recipit. Vnde & urbi nomen natum, ut Ruræ amnis, veluti os sive ostium sit vocitatum: id enim *Monda* nostratibus notat. cujusmodi appellationis etiam alia plura apud Germanos Belgasque occurrunt, ut *Angermunda*, Belgica.

Dortmunda, Teneramunda, Tramunda, Orlemunda, Egmonda aliaque innumera. Ex vectigali, quod hic dependunt præternavigantes, ingens pecuniæ vis quotannis in ærarium Ducis solet referri. Obtenet propemodum Gelriæ ad Orientem extremum terminum; iterque in Eburones, Namurcenses adeoque universam Galliam parantibus, veluti carceres aperit. Vrbs amœna, dives, spatiosa, ædificiis etiam sacris, prophanis, publicis ac privatis excellens; sedes hoc tempore Episcopi, quem Ruremundensem vocamus. Ipsa Tetrarchiæ hujus, quæ à Neomagenfi altera habetur, caput est, sub se urbanas paganasque præfecturas continens. Templum habet primarium dicatum S. Spiritui: Præter monasteria alia, Carthusianum nominatur, quod duobus scriptoribus suo ævo doctissimis valde fuit nobilitatum. Eorum ut & operum, quæ posteritati reliquerunt, meminit prolixè Trithemius.

Ruremundæ quæ subsunt oppida & præfectura, primo inter ea loco censetur *Venloa*. Ea tertio circiter lapide Ruremundâ distans, ejusdem Mosæ amnis ripæ apposita est, rei frumentariæ mercaturâ, nautarumque, qui flumen illud navigant, accessu celebris ac frequens. Brabantiam etiam Hollandique & alii in vicinio populi magno eodem numero ad mercatum rerum, quæ apud Eburones in lapidicinis ærariisque ac carbonariis officinis admirabili naturæ partu effodiuntur, solent confluere. Vrbs hæc Margaretam, Caroli Cæsaris amitam, dum ea, impubere nepote, res Belgii administraret, ab obsidione sui rejecit. Carolum ipsum victoriis florentem, anno 1543, cumque exercitu valido adventantem, ingressu eo usque arcuit, dum sibi reliquisque Gelriæ urbibus pacem æquissimis conditionibus (quæ victores magis quam victos sequi solent) obtinuissent. Nomen habere à vocibus *veen* & *loo*, pascua depressa ac humilia indicantibus, res ipsa loqui videatur. Urbis privilegia accepit anno demum 1343, dante ea *Reinaldo* Gelriæ primo Duce; quod in rebus ac vita ejus refertur inferius ad annum jam dictum.

Gelra Nyrsâ fluvio intra fossas recepto, multo quam Venloa contractioribus mœnibus circumscribitur. Arcem habet antiquissimam, præfectorum olim Gelriæ sedem: Quam sicuti & urbem paludes circumjectæ munitissimam præstant. Præter alia vetustatis insignia vel eo nomine commendanda, quod Gelrici vocabuli auspiciu fecerit.

Secundum à Gelra locum obtinet situs & præfecturæ ordine *Stralenum*. Quod vel maxime nobilitat Iohannes à Stralen, cujus inter viros virtute ac literis illustres meminit accuratè similiter Trithemius. Est illud præfecturæ etiam nomine insigne, sed nullos sub se magnopere pagos habet. Proximè situs reperitur vicus *t Sant* dictus, qui

O o o



qui fuerit fortè, cujus in Itinerario suo meminit Antoninus, *Sablones* sive *Sabulones* Latine dicti, ut ariolantur nonnulli.

Wachtendonck.

Ab eo *Wachtendonckium* milliari & semi distat, Nyrfaeque fluento appositum, duobus à Gelra miliaribus removeretur. Hujus praefectura, vulgò *het Droft-ampt van Wachtendonck*, habetur inter praefecturas urbanas, quarum alibi meminimus.

Erckelensia.

Huic proxima est *Erckelensia*, cujus praefectura dicitur *de Voochdye van Erckelens*. Hæc esse Herculis castra, Ammiano Marcellino & aliis celebrata, plures coniectant; quamvis alii ad *Arckelam* trahant, inter *Vahalim* & *Leccam* Lingamque fluvios, sed perperam. Circumcincta autem est *Erckelensium* civitas Ducatu Iuliacensi, sed juris Gelrici: sicuti & *Neostadium*, quod inter urbes hujus tractus etiam ponitur. Alibi inter praefecturas, ejusdem tetrarchiae, paganas *Kesselanam* recensuimus. Qui pagus hodie insignis est, Ruremondâ distans uno circiter lapide, arcem habens egregiè munitam. Olim oppidum, aut clari nominis municipium fuisse ex eo liquet, quod Ptolemæus *Castellum* appellet *Menapiorum*. Hodie Mosæ adsitum est, ubi & Ammianus agnovisse videtur, oppidum nominans verbis istis: *Julianus, retento milite, circumvallare disposuit Castel-*

Neostadium.

Kessel.

lum oppidum, quod Mosæ fluvius præterlambit: Hujus praefectura hodie dicitur het Droftampt van Kessel. Est præterea in superiori hoc tractu silva amœnissima, quæ vulgò *Echterwalt* dicitur: alii eam minus accuratè ad tetrarchiam Arnhemensem referunt. Ita verò appellata est ab arce & pago principali *Echt*, qui spectat ad praefecturam Montfortiam: cujus etiam obiter in divisione totius Ducatus superius mentionem injecimus. Arcem, quæ est Montfortia, primus condidit Othonis III, Gelriae Comititis, frater Henricus, Leodiensium Praeful, circa annum 1251: sed anno demum 1267 ad colophonem est perducta, comportatis eo rudibus munimentis Vicensis, quod idem *Henricus* bello adversus Brabantos intra Trajectum Mosæ eversum solo æquaverat. Et sunt in hoc tractu adhuc duæ paganae praefecturae, *Krieckenbekia* & *Middelaria*. Esse autem *Middelariam*, quam vocat Antonini Itinerarium *Medadacum*, vocis sonus & loci situs arguunt; quamvis alii, & in his Cluverius, nullo certo indicio, ad *Sualetum* Gelriae vicum retulerit. Sunt postremò loca hæc aliquot, quibus proprii & sui sunt Dynastæ: Quorum alia ad dextram, alia ad sinistram Mosæ sunt sita. Fuit & arx hæc prævalida, cujus in historia mentio, *Puderoyen* nuncupata.

Echterwalt silva.

Montfortia.

Krieckenbekia & Middelaria.

Stupenda aliquot rerum effusiones.

In Belgio.

Fossa Eugenia.

Locus. Finis.



FOSSA S. MARIAE,

Quæ &

EUGENIANA

dicta, Rhenum Mosamque inter duci

cœpta anno 1628.



Strupenda
aliquot ve-
terum effo-
siones.

In Belgio.

Fossa Eugeni-
ana.

Locus.
Fini.

Inter miranda ac stu-
penda Veterum opera,
maxime efferri solent,
Athos mons, factus à
Xerxe navigabilis: Isth-
mus Peloponnesiacus à
multis perfodi cœptus,
nec absolutus: Alpes ab
Hannibale aceto divi-
sæ; Lucrinus lacus un-

decim annis à triginta hominum millibus exci-
catus: Luculliana villa, in quam exciso monte
Euripus admittebatur. In Belgio hoc nostro ma-
gni atque immensi operis Fossas olim duxere
Romani. En Fossam Drusianam, quæ autore
Druso Germanico Rhenum cum Nabalia, jam
Isala dicitur, commisit, passibus x mille, à pago
Iseloort, Dusburgum usque. En alteram illam
Corbulonis, quam inter Rhenum Mosamque
spatio xxiii M. P. uti est apud Tacitum An-
nal. 2, produxit, qua incerta Oceani vitarentur.
Celebris quoque est fossa Civilis, in quam Rhe-
num effudit, uti hac ratione duplex vallum, si-
ve duplicem fossam adversus Gallia continen-
tem, unde Romanorum vim atque arma me-
tuebat, haberet, & Vahalin scilicet, hunc no-
vum Rheni alveum. At hoc nostro tempore si-
mile quiddam molita fuit Archidux Isabella, quæ
ingenti spatio fossam ducere aggressa est, ut
Mosam cum Rheno committeret, idque eo lo-
co ubi Rhenus adhuc unus est, Venloam ac
Berckam inter, per Gelria & Colonienfis Ter-
ritorii agros. Et spes erat, si hæcenus bene pro-
cederet negotium, eam ipsam fossam è Mosâ in
Demeram, & ex hoc in Scaldim usque ducendi,
ut ferrum, æs, ligna, & quæ alia Germanicum
fert solum, Batavorum commodis intercepta in
Brabantiam navigarent. Eadem limes interji-
ciebatur, ne Batavorum eques, ut antehac sæ-
pe, Belgarum extrema quateret, quin & Ger-
mania agros cis Rhenum sitos in pabulum præ-
damque verteret. Admonuerat & Mansfeldii
transitus, qui Bergarum ad Zomam obsidium
intercisus jam commeatibus grave, nondum ta-
men ut desperaretur, abrumpere cœgerat: ac
non ita dudum paria consilia apud Gallos & Bri-
tannos sermonibus jactata, præcludendum ex-
ternis ad hostem auxiliis saltem terrestre iter.
Nam quod rumores addiderant, posse ex Rhe-
no, ubi nondum bicornis est, aquas in Mosam
deduci, ac sic flumina in quæ ille se dividit, præ-

Belgica.

cipua Batavorum munimenta, vadis pervia fie-
ri, situs locorum mire inæqualis adeo refellit, ut
ad implendam fossam aqua ex Nirsia paulum
absito amne, & quicquid circum humescit, col-
ligi, tribusque septis retineri adversus siccitatem
debuerit.

Operi tanto se accingere cœpere Hispanien-
ses 21 Sept. anno MDCXXVI, ducta fossa qua-
tuordecim pedes lata, & pari altitudine, longa
milliaria horaria decem. Ad tutelam vero & se-
curitatem operantium exstructa castella mino-
ra xxiv, præter alios receptus, minorisque mo-
lis turres. Et quidem Comes Herenbergensis
omnium primus nomine potentissimi Hispania-
rum Regis, ut & Serenissimæ Belgarum Princi-
pis Isabellæ, & Marchionis Spinolæ, ter pala ter-
ram egressit, maximisque cœptis prælusit, cui or-
dine successit Comes Isenburgicus, & reliqui
post copiarum præfecti, militumque gregario-
rum turba. Fœderati, Princepsque Auranisæ hoc
maxime suæ curæ esse arbitrati, ut opus cœptum
interpellarent, mense Junio anni sequentis con-
vocato ex limitaneis locis, Arnheмо puto, Dus-
burgo, Zutphania, Daventria, Swolla, Gravia,
Heulda, Gertrudisbergia, Bergopzomio, equi-
te, nec non quadringentis & ultra sclopetariis,
legiones aliquot in agro Neomagenfi cœgerunt
sub moderamine Stakenbroeckii. Quæ com-
meatu aliquot dierum instructæ, & tormentis
minoribus quatuor, non segni itinere Fossæ lo-
cum petiere, alteroque insultu Castellum ma-
jus occupaverunt, trucidatis quadraginta, ca-
ptisque centum præfidiariis militibus, dirutis hic
illic catacæctis, molis aquariis, subversisque ag-
geribus, exustis lignis, stipitibusque ad opus il-
lud necessariis, abducentes quoque tormentum
æneum Mansfeldio ab hoste ereptum, quin &
subrutis aliquot receptuum castellis, domum re-
versæ sunt, contentæ documentum dedisse in-
feliciter ab hoste cœpti moliminis. Nec tamen
hac rerum suarum calamitate & minus felicibus
auspiciis deterriti Hispanienses ab opere destite-
re, verum novis animis redintegrarunt opus, cui
jam fossorum tria millia aut amplius adhibeban-
tur. Quare Ordines affixo passim per agros Gel-
riae edicto summa incommoda denunciarunt,
quotquot operam suam ad istam rem confer-
rent, militumque arbitrio operantes omnes per-
miserunt. Quas minas veluti terriculamenta ni-
hil illi morati perrexere. Sub finem mensis Junii
eo venere lustratum operas ipsa Archidux Isa-
bella,

Initia operis
ab Ordini-
bus aliquo-
ties turbata.

P p p

bella, Cardinalis de Queva, & Marchio Spino-
la, comitantibus equitum turmis triginta & sclo-
petariis bis mille. Mense Augusto centurio Wol-
fius collectis hinc inde sclopetariis mille impe-
tum fecit in Castellum regium, & interfectis
quotquot se dedere nollent, injectoque in tugu-
ria fossorum igne, abductis captivis quadragin-
ta, & tormentis bellicis duobus, altera jam vi-
ce triumphabundi abiere. Intermissis aliquam-
diu operis, iterum easdem repetere cœperunt
Berckam Gelramque inter, mense Ianuario, an-
no 1628. Iamque eo perducta erat Fossa, ut ali-
quem sui usum promittere videretur. Quam-
obrem tertio turbatus labor ab incurfante Or-
dinum equitatu. Ex eo, & præcipue post ca-
ptam Vesaliam & in ulteriore Rheni ripa Buri-
chium, cum nostrorum excursionibus pateret
Fossa, intermissus labor, irritusque magna mo-
lientium conatus in fumum abiit, ut jam & hic
Belgæ Isthmum perfodere voluisse veteri pro-
verbio dici possint. Dicta autem fossa ista fuit
Eugeniana, quia Isabellæ Eugeniæ auspiciis res
cœpta. Et ne Numen abesset grandi incepto,
appellata alio nomine Fossa S. Mariæ.

Cum autem Fossa hæc tres urbes exhibeat si-
bi vicinas, quarum duæ illam terminant, Berka
& Venloa, una media est Geldra, non abs re
fuerit pauca de iis dixisse.

Berka in ripa Rheni Gallica sita est, oppidum
non magnitudine sua, sed belli studiis clarum:
Dum enim modo Hispanis, modo Ordinibus
Fœderatis parere cogitur, & exercitus obsidio-
nemque utriusque partis perfert, fama belli Bel-
gici passim inclaruit.

Geldra mediocri quoque, sed valide satis mu-
nitum oppidum, universo Ducatui nomen fecit.
Distat Strala leucis duabus minoribus. Hinc

oriundus fuit Gerardus Matthysius vir doctrina
clarissimus, ac magnus Aristorelicus; fuit indi-
dem & Guilielmus Veldius, ordinis D. Augusti-
ni, eruditus ac venerabilis vir, ut ex variis ejus
scriptis hodieque extantibus constat, quem ta-
men Trithemius vult fuisse Venloniensem.

Venlona sita est ad dexteram ripam Mosæ, & *Venlona*.
Strala sesqui leuca tantum abjuncta, oppidum
adversus bellicos insultus probe munitum. In
hoc, anno 1543, dedit se Carolo V, Impera-
tori Cliviæ & Iuliaci Dux Ioannes Guilielmus,
subsecuta inter utrumque pactione. Anno 1632
in potestatem Ordinum Fœderatorum venit,
ductu Frederici Henrici Arausionensium Princi-
pis, &c. sed obsidione recepit Cardinalis Ferdi-
nandus 1637.

Nec longe à Fossa occurrunt *Strala* & *Wachten-
doncka*. Hæc à nostris aliquando stratagemate
capta, jam denuo juris Hispaniensis. Imminet
fluvio Niersiæ, vulgo de *Niers*. Etiam *Meursa* oc-
currit, Comitatus titulo insignitum oppidum,
munimine maxime clarum. Vixit hic per annos
triginta & ultra virgo celebris, Eva Vlieghe di-
cta, quæ tot annorum inedia credebatur tu-
lisse & absque nutritione vitam incolumis, licet
macilentior, traxisse. Verum cum morbo lon-
giore lectulo esset affixa, jamque cibum posce-
re, nec egesta abscondere posset, deprehensum,
illam hæcenus non solum patriæ suæ civibus,
Comitibusque Meursiæ, verum etiam toti orbi
imposuisse, cui jam persuasum erat, miraculo
rem tantam accidisse. In carcerem compacta à
Magistratu fuit, moxque iterum dimissa, quod
muliebris fraus ac impostura venia digna judica-
retur. Urbis Comitatusque Dominium jam ad
Nassovios spectat, at quidem inpræsentiarum
ad Guilielmum Henricum, Principem Auriacum.

*Urbes Fos-
sam termi-
nantes.*

Berka.

Geldra.

Qualitas.

Termini.

Nomen.

*Camera-
cum urbs.*

*An Came-
racum sit
Cæsaris Sa-
marobrina.*

C A M E R A C V M

E T

C A M E R A C E S I V M.

Qualitas.



Ameracesium quamvis arctis limitibus inclusum, nihilominus inter meliores & fertiliores Belgii Provincias haud postremum locum sibi vindicat: quibusdam enim in locis in colles vineis consertos assurgit, alibi pascua gratum

armentis præbent pabulum: hic sylvæ feris sca- tent; illic solum mira fertilitate frumentum, & præcipue linum optimum producit, ex quo incolæ carbasa Cameracensia per totum orbem decantata, magno cum lucro conficiunt, atque distrahunt. Nec deficiunt latomiae unde lapides candidissimi, ornandis ædificiis templisque aptissimi, vulgo *Pierres d'Avesnes* dicti, eruuntur; nec minorem lapidum græcorum copiam ædificiis domibusve extruendis benignum elargitur solum. Terminatur ditio hæc à Meridie Picardia, ab Occidente Artesia, à Septentrione Gallo-Flandria, & ab Oriente Hannonia. Fluvius rigatur Scaldi, Scaldiola, & Sella. Nomen vero à Cameraco Metropoli sua consequuta est.

Termini.

Nomen.

Cameracum urbs.

An Cameracum sit Cæsaris Samarobrina.

Cameracum Galliae Belgicae inter Sequanam & Rhenum urbs, arce & mœniorum ambitu adeo munita est, ut una ex primariis istius Provinciae urbibus habeatur. Ad quam magnificentiam priusquam nostris temporibus excreveret, maximas difficultates, & varios fortunæ casus experta fuit. Et id quidem ea occasione, quod nobilissimæ Belgarum Provinciae, multis retro seculis, semper in summo precio sint habitæ: eaque de causa Principes, Reges, populi que plurimi de earum principatu & dominio obtinendo, summis conatibus contenderunt. Sitûs etiam opportunitas Gallum illexit, ut huic potissimum insidiaretur. Vetus Samarobrina putatur, ubi Cæsar totius Romani exercitus nervum, obsides civitatum, literasque publicas, frumenta & res cariores, tanquam in firmo tutoque loco collocare solebat. Goropius Becanus, in artificiosis conjecturis, quas in suis Originum libris explicat, communi multorum sententiæ, ut solet, reluctatur, existimantium Cameracum esse Cæsaris & veterum Samarobrinarum, cum à Bellovaco plus, quam triplo amplius absit, quam viginti millibus passuum. Hactenus sane Bellovacum, viginti quinque, id est totidem millibus passuum, quot Cæsar annotavit, ab Ambiano est remotum, ita ut nihil dubitem (ait Becanus) Ambianum Samarobrinarum Ambianorum esse. Qui contrariam opinionem defendunt, non ineptum sententiæ suæ defensorem Hubertum Leodium allegant. Quo-

Belgica.

niam (inquit ille) audiam quam plurimos, de Samarobrina, subdubitare & vereri, ne non sit Imperialis illa, & vere amœna civitas, quam Cameracum hodie dicunt, errare eos vehementer, & nullum aliud oppidum esse confirmandum est. Primum non me movet Ptolemæus, qui Samarobrinarum civitatem Ambianorum facit: nam etsi civitas Ambianorum Samarobrina fuerit, non propterea sequitur, Samarobrinarum esse Ambianum oppidum, Gallice Amiens. Potuerunt enim Ambiani alia quoque habuisse oppida, quorum Ptolemæus non meminerit, nihilominus tamen Ambiani, id est, *Amiens*, non usque adeo tum magnum oppidum, uti nunc est, ut veteres muri docent. Sic etiam idem Ptolemæus civitatem Rhemorum Durocotorum, & Cæsaromagus Bellovacorum appellat. Cum ea tempestate & Rhemi & Bellovaci, sicut hodie, oppida erant & gentis caput. Item, Sueffones, & gentis & oppidi nomen est. Habuerunt autem sub se Sueffones duodecim oppida, ut libro secundo scribit Cæsar, quorum Bibrax unum, hodie *Braine*, quatuor mill. Gallicis à Sueffonibus, Comitatus titulo decoratum; & item Noviodunum, *Noyon*. Bellovacorum vero Bratuspantium erat oppidum. Quare nihil agunt, qui Samarobrinarum Ambianos esse putant. Cum autem Cæsar esset Samarobrinarum, id est, Cameraci, ut nunc vocant, & certior esset factus de oppugnatione castrorum Ciceronis in Nervii, misit nuncium statim in Bellovacos ad M. Crassum, cuius hyberna aberant ab eo millia passuum viginti quinque. Vbi notandum, Bellovacorum urbem paulo amplius distare à Samarobrina, sed hyberna Crassi, non in ipsa urbe Bellovacorum, sed in eorum finibus aliqua parte fuisse, ita, ut dimensio non obstat. Alterum nuncium etiam in Æstus ad C. Fabium misit, ut in Attrebatium fines legionem adduceret, quâ sibi iter faciendum sciebat. Erant Æstui, qui circa oppidum Aet habitant, quod superiores Germani Aes vocant. Fabius autem ut imperatum erat, non ita multum moratus in itinere, cum legione occurrit, quod omnino faciendum ex Æstui in Attrebates ire volenti. Ad Labienum item ut veniret in fines Nerviorum scripserat, si reipublicæ causa & commodo facere posset. M. Crassum Samarobrinarum præfecit. Post liberatum Ciceronem legiones circa Samarobrinarum retinuit. Et profecto commodiorem locum habere non poterat. Neque enim putet quisquam urbem Cameracensem novam esse, aut intra paucos annos in tantam amplitudinem excrevisse. Est certe nobilis illa Samarobrina, de qua ad Trebatium scribit Cicero: Vna collocutio nostra pluri erit, quam omnes Samarobrinarum. Et

Q q q

in

in alia Epistola : O præclara castra ! quid tu fecisses, si te Tarentum, & non Samarobrinam misisses. Et quodnam amplius dubium esse poterit, quum nomen ipsum indicet, quod quærimus. *Cambray* Galli, Itali vero *Samberey* dicunt; vide quam facile Samarobrinam inde fecerint. Si ex Amiens faciunt Ambianos, ex Beauvais Bellovacos, quid vetat, ex Samberey Samarobrinam fieri ?

Sicm.

Est autem situm Cameracum sub longitudinis quidem grad. 21, min. 16. latitudinis vero grad. 50. min. 18, ad Scaldim flumen, quod mediam fere urbem interluit. Distat Valentianis septem leucarum intervallo. Edificia publica privataque habet egregia, templa & monasteria ad miraculum pulcra. Sed inter omnia eminet antiquissimum illud & sumptuosissimum templum Deiparæ Virginis, Archiepiscopali sede præcellens, cujus quidem amplissima Dioecesis longe lateque extenditur. Civitas opulenta, potens, & negotiatoribus, merciumque varii generis opificibus frequentissima. Conficiuntur hic quotannis sexaginta ut minimum tenuissimi carbasi millia, quorum telæ singulæ quadragenis fere florenis æstimantur; sic ut vicies quater centena millia florenorum excurrat ratio.

Dioecesis
late patet.

Cameraco subest Castellania, cum amplissimo territorio, quod vulgariter *Cambresis*, Latine scribentibus *Cameracensium* dicitur, ubi complures sunt pagi, & magni momenti loca, nominatim vero sexta ab urbe leuca celebratissimum illud castrum *Cameracense*, in quo pax inita inter Christianos Principes. Oriundus est ex hac arce Michael Esnæus, Dominus Betencurtius, vir natalibus clarus, & literis, præsertim Poëticis. Gaudet vero Cameracum perantiquo Episcopatu, ut quem inde à Vandalorum temporibus administratum comperimus à Diogene martyre, præfule omni virtutum genere ornatissimo. Anno deinde 595 tenuit eum Beatus Gaugericus, magnus ille & venerandus antistes, ordine quintus, quem & alii aliquot præstantissimi viri in hoc tanto dignitatis gradu secuti sunt, qualis præsertim Petrus Aliacensis, præful longe doctissimus, qui ob raras virtutes Lutetiæ primum factus est ejus Ecclesiæ Cancellarius. Hinc ad urbis hujus Episcopatum, atque inde porro ad Cardinalitiam dignitatem ascendit. Archiepiscopatum fecit Pontifex petente Philippo II Hispaniarum rege, in gratiam Maximiliani Bergensis, primi Archiepiscopi. Sunt autem Archiepiscopi temporales simul & Ecclesiastici urbis & territorii Cameracensis Domini, sic ut in titulis se nuncupent, Archiepiscopos & Duces Cameracenses, Principes Sacri Romani Imperii, Comites Cameracensium. Post cædem S. Diogenis Episcopi, fidemque Christianam à Wandalis, Alanis aliisque Barbaris fere conculcatam, primus Cameracensi Ecclesiæ præfectus à S. Remigio Episcopus fuit S. Vedastus, qui Ecclesiam D. Petri nunc S. Auberti primorum Episcoporum sedem restituit, Canonicosque sæculares inibi instituit circa annum 530. Hunc ordine sequuti sunt, S. Dominicus, S. Vedulphus, S. Gery circa annum 594. S. Bertholdus, 633. S. Adelbertus. S. Albertus, qui obiit 675. S. Vindicianus obiit 712. Hildebertus, 715. Hunaldus, 717. S. Hadulphus, 719. Turon vel Trawardus,

Archiepi-
scopus.Episcopo-
rum
Series.

752. Gothofredus, 770. Albericus, 790. Hildoardus, 816. Alicarius, 830. S. Theodoricus, 863. S. Iohannes, 878. S. Rotardus, 886. Dodilo Guinenensis, 895. Stephanus Elfatius, 921. Fulbertus Ducis Brabantiae filius. Berengarius. Engeramus Oisyacus, 960. Ausbertus, 964. Wibaldus Lievinus è Crepacorii Dynastis oriundus, 968. Thiedon Veromanduenensis, 976. Rotardus, 994. Herluinus I. Cameracensis Comes; obiit anno 1011. Gerardus Ligniacus, 1049. S. Liebertus, 1076. Gerardus de Ponthieu, 1092. Post ejus mortem Atrebatenses ab Urbano II Episcopum peculiarem obtinuerunt. Gerardo successit Manasses, huic Gualterius, anno 1097; Odardus Ruscinonensis anno 1113. Burchardus du Roeux. Nicolaus Claret, 1167. Petrus Sabaudus; Robertus Flandriae Cancellarius, 1171. Alardus Coucyacus, 1178. Rogerius de Wavrin; obiit anno 1191. Iohannes, 1193. Nicolaus Lentienfis. Hugo, 1196. Petrus Corbiensis; obiit Archiepiscopus Senonensis anno 1222; ei successerat in Episcopatu Cameracensi Iohannes Bethuniensis anno 1203. Gothofredus Fontensis à Condato dictus 1234. Guido Laudunensis. Nicolaus Fontensis; obiit 1275. Engueramus Cresfiacus. Guillelmus Hannoniensis, obiit in peregrinatione Hierosolimæ, 1296. Guido de Colomeda, Italus. Philippus Marigniacus, Iohannis Archiepiscopi Rothomagensis frater, obiit Archiepiscopus Senonensis 1325. Petrus de Mirepoix obiit Episcopus Badalocensis circa annum 1334. Guido Bononiensis, (Roberti Comitis Bononiensis & Averniæ, & Mariæ Flandrensis filius) obiit Cardinalis & Archiepiscopus Lugdunensis anno 1373. Gulielmus Aufsonensis, filius Iohannis Comitis Avennensis, fundator Collegii Cameracensis sive regii Parisiis, obiit Episcopus Authunensis; Guido de Ventadour, moritur Episcopus Vibienfis anno 1351. Iohannes Aufsonensis frater Comitis Hannoniæ. Petrus Andreas, obiit anno 1368. Robertus Genevensis, qui postmodum ad supremi Pontificatus dignitatem erectus, Clementis VII nomen assumpsit. Gerardus Dainvillæus obiit 1378. Iohannes Cerclais 1389. Andreas Lucemburgicus (B. Petri, Cardinalis & Metensium Episcopi frater) obiit 1396. Petrus d'Ally, Cardinalis & Magnus Franciæ Eleemosynarius, flagellum Hæreticorum, & Gallorum aquila nominatus, moritur anno 1425: Iohannes de Gavre, 1438. Iohannes Burgundus filius notus Iohannis Burgundiæ Ducis, obiit anno 1479. Henricus Bergensis, Ordinis Equitum Aurei Velleris Cancellarius, obiit anno 1502. Iacobus Croïacus, primus ab Imperatore Maximiliano Cameraci Dux creatus est, obiit anno 1512. Guillelmus Croïacus. Robertus Croïacus, frater præcedentis, obiit anno 1556. Maximilianus Bergensis ad instantiam Philippi II, Hispaniarum Regis, primus Cameraci Archiepiscopus renunciatus est anno 1562, obiit anno 1570. Ludovicus Berlaymontius obiit 1596. Iohannes Sarrazinus (primum Abbas S. Vedasti Atrebatensis,) 1598. Guillelmus Bergensis, primum Episcopus Antverpiensis, obiit anno 1609. Franciscus Richardot, primum Episcopus Atrebatensis, eodem electionis suæ anno supremum clausit diem.

Fran-

Archiepi-
scopi.


Franciscus Buissere Episcopus Namurcensis, obiit Archiepiscopus Cameracensis anno 1615. Henricus Franciscus vander Burgh primus Episcopus Gandensis obiit anno 164. . . Iosephus de Bergagne, Legatus S. Catholicae Majestatis Monasterii ad Pacis tractatus, obiit 1651; Gaspar Nemius extincto Bergagnio ex Antverpiensi Episcopo ad Cameracenses insulas promotus est anno 1652.

Domini.

Fuit hoc omnium Galliae Belgicae oppidorum primum, quod, exercitu eo traducto, occupavit anno 445 Clodius Capillatus, Francorum Princeps, longo tempore postquam illud exussissent Dani, una cum templo & monasterio Divi Gaurgerici. Instauratum coaluit cum Comitatu Hannoniae, sed avulsam hinc rursus una cum suo statu ac territorio Cameracensi, liberisque Imperii urbibus accensum ab Imperatoribus Germanis. Expugnatum etiam fuit a fortissimo illo Balduino Pio, Comite Flandriae, bello, quod ipse & Lotharingiae Dux Godefridus gessere cum Imperatore Henrico Tertio: sed Caesari, pace facta, restitutum. Tandem vero ab Imperatore Henrico Quinto in tutelam haereditariam attributum Roberto Hierosolymitano, Comiti Flandriae, Principique Alostano, primo hujus Domini protectori; quam dignitatem propriam postea fecit Comitibus Flandriae, Theodori Elstii tempore, id est anno circiter 1146, Imperator Fredericus, ejus nominis Primus. Quibus omnibus non obstantibus, vindicarunt sibi perpetuo Galli nescio quodnam jus & imperium in hunc ipsum Statum, quem & pluries occuparunt, & fortissime saepe defenderunt, praesertim regnante Philippo Sexto, cujus tempore premebatur Cameracum duobus potentissimis exercitibus, alte-

ro Ludovici Bavari Imperatoris, altero vero Eduardi Tertii, Regis Anglorum: qui etsi adversus Gallos confederati, urbem tamen subigere nequiverunt. Durarunt haec inter Imperatores & Gallos bella, variis ultro citroque successibus, per continuas aliquot aetates. Olim vero dissidentibus inter se & asperrima bella gerentibus Maximiliano Romanorum, & Ludovico Vndecimo Galliarum regibus, cives Cameracenses male a Gallis habiti, praesidiarium Galli militem urbe expulerunt, admissis in ejus locum Caesarianis, quod exemplum secuti sunt Bochanenses. Quin & Quercetum id temporis, aliaque finitima loca, editis passim egregiis fortitudinis suae documentis, Caesar Gallis eripuit. Vivebant autem, quamvis sub Flandrorum essent tutela ac protectione, Cameracenses, juxta veteres suas leges & privilegia, neque per bella inter Burgundos & Gallos quidquam patiebantur incommodi, sed adibantur potius ab utrisque, & comiter amiceque tractabantur. Ita ut saepius in hac urbe actum inter utrosque fuerit, & peractum de pace, nominatim vero de illa, quae Venetorum damno inita fuit anno 1508, deque altera anno 1526 Florentinorum malo stabilita. Verum Carolus Quintus male metuens sibi a consiliis Gallorum, Landreciae ab ipsis anno 1543 habitis, statim ut ii discescerant, cum exercitus parte urbem intravit, & quo tutam praestaret ab omni hostili insultu, ditionesque Belgicas roboraret, exstrui jussit arcem munitissimam, ipsa urbe ceteroqui intacta, neque pristino illius statu ullatenus immutato. Obortis in Belgio bellis civilibus eam occupavit Dux Alenconius. Sed non diu post ad Dominum suum rediit Hispaniarum regem.





GELDRIA

HOLLANDIA


BELGICA
FOEDERATA,
QVÆ EST
EUROPÆ
LIBER DECIMVS.




ZVTPHANIA.




WESTFRISIA.




TRANSISALANIA.




TRAIECTVM.




ZEELANDIA.



FRISIA.



GRONINGA & OMLANDIA.



B E L G I C A F O E D E R A T A.



Belgica quæ à fœdere Trajectino Fœderata passim dicitur; & quandoque libera, quod sibi armis libertatem asseruerit, septem Regionibus completitur, Geldriam cum Zutphaniâ, Hollandiam, Zelandiam, Trajectum, Frisiam, Transisalaniem & Groningam cum Omlandis; numero Hispanicis ditionibus impares; sed opibus, potentia & situs mercimoniorumque opportunitate longe superiores. Hasce cum mihi describendas assumerem, antequam ad singulorum delineationes transeam, breviter Reipublicæ per totum Orbem celeberrimæ, Ordinem & regimen ob oculos ponere institui; non ingratum fore lectoribus existimans, leges & instituta cognoscere, quibus nixa ad tantum dignitatis potentiaque apicem ascenderit: Geographicis, & quæ de singularum opibus, & regimine prædicanda sunt, ad particulares descriptiones reservatis. Belli quoque occasiones, progressum, finem libens prætereo, cum in eo describendo viri doctissimi omnium fere nationum & linguarum defudaverint. Cum itaque Belgis decretum esset Rubiconem transilire, belloque pro immunitatibus suisque privilegiis, ipsisque aris & focis decertare; Gelri & Zutphanienſes populi cum Hollandis, Zelandis, Ultrajectinis, Frisiis, iisque finitimis inter Amasim & Lavicam fluvios Groninga & Omlandis, arcto fœderis vinculo sese invicem obstringere decreverunt: In eum ergo finem dictarum Regionum Ordines, & ex urbibus nonnullis vicinarum ditionum Legati, Ultrajecti anno 1579 convenerunt, fœdusque illud famosissimum, quod à loco Ultrajectinum dicitur, certis legibus firmatum sanciverunt, ut hostium dissociandi, distrahendique regiones unitas conatus illuderent; ac melius, quoscumque libertatem earum oppugnantes junctis viribus repellerent. Fœderis capita & articuli hi sunt.

I. Geldria, Hollandia, & cæteræ ditiones æterno fœdere ita sibi invicem illigantur, ac si una omnium ditio foret: A Fœderatis sive testamento, sive codicillis, sive donationibus, sive cessionibus, venditionibus, contractibus, pactis, matrimonii Principum, aut aliâ aliquâ ratione æternum non divelluntur.

II. Singularia tantum privilegia, singularesque libertates, immunitates, jura, statuta, consuetudines à Majoribus accepta, cuncta integra & illibata singule ditiones sibi conservant, in iis conservandis tuendisque aliæ alias quavis ope adversus quosvis juvant: Sin autem harum rerum causa controversiæ quedam litesque inter has & istas ditiones exorta sint, aut exoriantur, ex ordinaria Iudicum sententia, vel quorundam arbitrio, aut amico contractu deciduntur, sopiuntur: Quamdiu decise Belgica Fœderata.

ille aut sopita non fuerint, nulla ditio alteri ditioni noxam aut damnum inferat.

III. Eadem ditiones invicem sese adversus quamvis vim ab Hispanicis, aut eorum nomine ab aliis inferendam bonis ac sanguinis impensis juvare tenentur. Quicquid singulis ditionibus evenierit, omnes ad se pertinere arbitrentur.

IV. Eadem ditiones adversus quoscumque, sive indigenas sive externos Principes Dominosve, hostilia quocumque tandem nomine, & ob singulares controversias, singulasque tantum ditiones spectantes, inferentes, invicem se optima fide defendere constrictæ sunt, iis copiis tantisque opibus, quanta plurimum Fœderatorum consensu requiri videbuntur.

V. Quo eadem ditiones, urbes & membra hujus fœderis adversus vim omnem & irruptiones hostium tutiores sint, limitaneæ civitates, aliæque, ubi id consultum videbitur, communibus opibus, ex communi Fœderatorum arbitrio & consensu muniuntur, sumtusque in eam rem sufficiunt singulares illæ ditiones, quarum urbes arcesque muniendæ videbuntur. Sin verò consultum videbitur novas arces, novaque militiæ opera alia exstruere, aut vetera demoliri, eorumve formam mutare, omnes fœderatæ ditiones pariter impensas præstanto.

VI. Quò autem opes idoneæ præfatis aliisque belli sumptibus sufficiant, ad earundem ditionum defensionem, in singulis eadem formâ, iisdemque legibus vectigalia cuiusvis vini, cerevisiæ, frumenti, salis, panni, serici, majorum jumentorum, confitorum agrorum, pascuorum, mercium in publicis libris expendendarum nomine, communi consilio & consensu exiguntur. Regalia, quæ ad Hispaniarum Regem, hætenus Ditionum harum Dominum pertinuerunt, si opus, in eundem usum convertuntur. As ex præfatis vectigalibus collectum, in usum & defensionem communis causæ tantum destinatur. Eadem vectigalia, prout minor aut major necessitas flagitabit, ex communi consilio minuuntur aut augentur.


VII. Limitaneæ Civitates, quævis militum præsidia ex Fœderatorum jussu accipere & admittere tenentur, stipendia illis, communibus omnium sumptibus persolvuntur. Et quo earundem Urbium securitati magis provisum sit, præsidarii illi milites, eorumque præfecti fidelitatis juramentum non modò generatim omnibus Fœderatis, sed etiam illarum Urbium Magistratibus singulatim dicuntur. Quò, ne oneri civibus iudem milites sint, discipline militaris accuratissimæ quàm primum conduntur leges. Præsidarius miles à vectigalibus solvendis immunis non esto. Civibus hospitii nomine, quod militibus præbituri sunt, certa pecuniæ summa ex fœderatorum ærario persolvitur.

VIII. Quotquot ætatis annum 18 attigere, & sexagesimum nondum emensi sunt, post exactum à condito hoc fœdere mensem unum in omnibus Fœderatorum ditionibus lustrantur, eorumque nomina & numerus Supremo Fœderatorum Consessui exhibentur; quemcumque autem illorum usum esse voluerint, Fœderati ex communi consensu statuunt.

IX. Non nisi ex communi omnium assensu, & omnibus pariter probantibus, nemine refragante, pax, bellum,



M A R E
G E R M A N I -
C U M .



aut inducie ineuntor, vectigalia, aut tributa indicuntor. Res ceterae ad executionem & administrationem huius foederis spectantes, plurium inter Foederatos suffragiis ineuntor, aguntor & executioni mandantor. Si tamen belli aut pacis, aliarumve majorum rerum nomine inter se convenire haud possint Foederati, arbitrio, donec aliud statutum fuerit, Gubernatorum singularum ditionum res controversae submittuntor: eorum arbitrium sequi fas omnes esto.

X. Singulae praedictarum ditionum confederationem, ligam aut unionem cum vicinis aliisque exteris Principibus aut populis incundi propria auctoritate, sine omnium Foederatorum consensu potestatem non habento.

XI. Si qui vicini Principes, Domini aut populi huic etiam foederi velint illigari, ad id ex communi consensu admittuntor.

XII. Eandem monetam probanto omnes, & eandem omnes improbanto. Quod monetariam rem spectat, de ea ex omnium consensu leges quam primum promulgantor, easque omnes sequuntor.

XIII. Quod publicum Religionis exercitium permittendum, vel non permittendum iis, qui a Reformata diversi sunt, spectat, singulae ditiones de eo pro arbitrio ex usu suo statuunt; interim libertatem Religionis conscientiaeque cuiusvis indulgere omnes tenentor; neminem ejus causa persequuntor, aut negotium facessunt.

XIV. Si quae, quod non faxit Deus, inter quasdam ex ditionibus foederatis controversiae extiterint, ceterae ditiones, quas controversiae illae non spectabunt, pacis publicae causa eas ex jure aequo & bono decidendi potestatem habento. Sin vero omnes generatim ditiones oblatae controversiae spectaverint, ditionum singularum Gubernatores, eodem, quo supra dictum est, modo sententiam pronunciantor.

Decisio ejusmodi controversiarum ultra mensem non differatur; & quia interest huius imprimis Reipublicae, concordēs inter se agere has ditiones, ac idcirco ejusmodi lites non trahi aut proferri post sententiam, sive ab aliis ditionibus, sive a Gubernatoribus latam, appellationi, exceptioni, revisioni, nullitati locus non esto.

XV. Eadem ditiones, urbes & membra, ne exteris Principibus, populisve belli Foederatis inferendi occasione praebeant, ante omnia caveant. Idcirco cum exteris aequè ac indigenis ex jure aequo & bono, & eodem modo agunt. Si quae ditio hanc legem infregerit, quovis pacto eam ad observationem ejus compellere, ceterorum Foederatorum muneris, curae ac potestatis esto.

XVI. Singularum ditionum Ordines aut Praefecti aliarum ditionum, quae huic foederi se dederunt, dabunt, subditos ultroque citroque commeantes, aliis aut majoribus oneribus, quam cives domesticos, non premunt.

XVII. Quò autem communis Foederatorum Reipublicae administratio rectè instituatur, & consilia publica optime ineantur, omnium Foederatorum nomine Plenipotentarii quidam constituuntor. Illi statum diem & locum conventui Ordinum singularum ditionum indicunt. Gravamina sive capita, de quibus agendum erit, in tempore ad eos transmittunt: si quae tamen ejusmodi sint, quae haecenus regi & clam haberi expediat, ipsis majoribus omnium Foederatorum Comitibus & conventui servantor. Vocatæ & monitæ in hunc modum singulae ditiones legatos suos idonea instructos auctoritate, ad indictum diem & locum Comitibus, aut Conventui Foederatorum omnium mittunt. In his Comitibus plurium sententiae, paucorum suffragiis preferuntor, iis exceptis majoribus rebus, de quibus modo dictum est. Quod si ditiones quaedam lega-

tos suos idonea instructos auctoritate ad indictum diem & locum mittere neglexerint, nihilominus reliquarum Legati, qui praesentes se sistunt, quid agendum consulendumve videbitur, consulunt, decernunt, & decreta haud aliter, ac si omnes Comitibus interfuissent, mandant. Sin vero res ejusmodi veniant in deliberationem, quae moram pati posse videbuntur, iterum atque tertio Ordines ditionum, quarum Legati abfuerunt, monentor, & Legati evocantor; quibus vero integrum non erit ad ea Comitibus Legatos suos amandare, scripto sententiam suam complecti, eamque transmittere liceto.

XVIII. Si quae talia singularum ditionum Ordines cognoverint existimaverintque, de quibus omnium Foederatorum consilia exquiri debeant ac expendi, eorum indicium Plenipotentariis, quibus evocandorum Ordinum potestas est, faciunt: Plenipotentarii autem eo nomine omnium foederatorum Conventum indicunt.

XIX. Si de mente aut interpretatione harum legum controversiae quid obortum sit, aut in ea obscurum, sententia plurium ex Foederatis ipsarum legum sententia & mens censetor.

XX. Si novas vero leges addere, aut receptas mutare, vel augere pro occasione necessarium fuerit, de iis ex omnium suffragio & consensu statuunt.

XXI. Has leges omnes sanctè observant, in eam rem solenni juramento se obstringunt. Si quid in contrarium aut directe aut indirecte factum fuerit, nullum atque irritum censetor; eorumque qui contravenerint, & contravenire perstiterint, bona, urbes, arces, agros, ceteris invadere licitum & justum erit. Si denique beneficio juris quid his legibus adversum sit, praesertim illius, quo statuitur generalem renunciationem locum non habere, nisi specialis praecesserit, singuli Foederati renunciant.

Haec sunt illae leges, quae initium huic Reipublicae fecere; ita hodie omnes accuratissime adhuc observantur, nisi quod articulum decimum tertium, continentem ea quae religionem spectant, Generales Foederati Belgii Ordines Anno 1583: ita determinarunt & immutarunt:

Quandoquidem articulorum quorundam amplificatio, deductio & mutatio Unioni Ultrajectinae concessa erat, cum provinciarum securitas & salus illam requirere viderentur: Ordines penitus decimum tertium articulum introspicientes, communi consensu statuerunt: nullam religionem aut ejusdem exercitium admittere in posterum, quam quae publice in septem Foederatis Provinciis docetur, nempe Reformata. Si tamen quaedam provinciae, membra aut urbes religionis Pontificiae huic foederi accedere vellent, iis religionis libertas integra servaretur: modo reliquis ejusdem foederis articulis subscriberent.

Hoc modo, quas dixi gentes, in leges Trajectini foederis sacramentum dixerunt, & in unum quodammodo Reipublicae corpus coalescerunt. Vnaquaeque tamen Ditio suo in districtu suprema, nullique obnoxia libertate fruitur; penesque Ordines cujusque, omnium quantivis momenti, quae dicti foederis lege, vel peculiari post Ditionum consensu ad communem omnium cognitionem delata non fuerunt; pro libitu libere, nulla ceterarum ditionum praevia cognitione seu consensu, constituendi ac decernendi unicuique earum est potestas; adeo ut in iis ipsis rebus, quae in communi omnium ditionum consensu tractari solent, nullum uni earum in alterius vocem sententiamve jus competat, soloque sententiarum numero decernitur; quo facto nihil-

hilominus unicuique earum liberum est, eâ ipsa de re, suo in districtu constituere, quod e re sua visum fuerit.

*Ordines
Generales.*

Fœderis totius regimen est penes Ordines Generales, supremumque eorum Confessum; constat hic Delegatis septem Ditionum, qui cum liberis mandatis mittuntur ut supremæ curæ immineant; sed ubi quid gravius obvenit novæque dignum, suæ quisque patriæ Ordines consulere tenetur. Hic Confessus solus audit exterorum Principum legatos ad Fœderatos missos; & vicissim legatos ad externos mittit; Bellum suis gerit auspiciis, & majoris momenti negotia militaria administrat; ideoque ei militare sacramentum dicitur: delegatos suos exercitus Ductori adjungit, sine quorum consilio nihil majoris momenti Duci aggredi fas est; cæteraque omnia procurat, quæ aut ex fœderis formula, aut per specialia mandata ei, tanquam omnes Ditiones simul referenti, specialiter sunt commissæ. Titulo autem gaudent Ordines Generales Illustrium & Præpotentum, *Doorluchtige, Hooge ende Mogende*. Cæterum illud in primis notandum est, Ordines Generales, qui referunt Ordines earum Ditionum, à quibus delegati sunt, nihil statuere posse ultra ea, ad quæ peragenda mandata accepere; atque si forte nova quædam emergant negotia, novis ad ea mandatis ab iis, qui delegandi jure fruuntur, instrui debere; ideoque leges & edicta eorum nullam vim obtinent, nisi quatenus ipsis singularum Ditionum Ordinibus placuerint: atque hanc ob rem edicta hæc & leges ad Ordines ditionum quæ publicentur missæ, non per imperii, sed supplicationis modum potius dirigi solent. Numerus in hoc Confessu delegatorum indefinitus est, ast suffragia non per capita, sed provincias colliguntur; & unicuique Ditionum per suos delegatos præsentem unum idemque jus competit, quamvis & viribus & dignitate inter se haud parum discrepent, atque earum nonnullæ in onera communis Reipublicæ multo majorem, quam aliæ summam conferant. Præses vero hujus amplissimi Confessus singulis hebdomadis mutatur, Ditionibus ordine per suos legatos succedentibus: hic colligit omnium suffragia, iisque auditis & breviter repetitis, secundum majorem sententiarum numerum concludit, nisi forte, ob negotii gravitatem, delegatis, Ordines Ditionum suarum consulere visum fuerit. Conclusum Graphiarius in scriptum redigit, Præses subscribit, & post eum dictus Graphiarius.

*Magnum
Consilium.*

Si vero negotia sint graviora, quibusque expediendis ordinarii assessores sufficere non videntur, omnium Provinciarum Fœderatarum peculiari consensu & indictu Hagæ Comitibus convenit extra ordinem Magnum Consilium, vulgo *de Groote Vergaderingh*; rarissime tamen id accidere solet, nec nisi gravitate negotiorum id exigente: ad hoc autem singulæ Ditiones, postquam in Comitibus peculiaribus capita ea omnia, de quibus deliberabitur, discussissent, spectabilem aliquem delegatorum numerum, certis definitisque mandatis instructum mittunt. Et quamvis augustissimus amplissimisque hic delegatorum Confessus ipsis Ordinibus Generalibus

Belgica Fœderata.

superior censeretur jure merito queat, (cum & Legati exterorum Principum alias ab Ordinibus Generalibus admitti soliti, ab eo audiantur) non tamen ab eorum arbitrio negotiorum omnium pendet expeditio; nam delegati Consilium hocce constituentes sæpissime necesse habent, vel ad eos à quibus delegati sunt scribere, vel etiam excurrere ut in amplioribus conventibus, comitiisque certi quid definiatur. Ratio præsidendi eadem, quæ in Confessu Ordinum Generalium observatur.

Consilium Status, quod vulgo *den Raedt van Staten* vocant, Ordinum Generalium Confessu antiquius est. olim omnia ea peragebat, quorum cura nunc penes Ordines Generales; quibus constitutis nihilominus, ob negotiorum frequentiam, ut subsidio sit continuatum est; & de iisdem pene negotiis quoque cognoscit, sed fere minoribus, & præsertim de tributariis, militaribus, iis quæ ditiones, urbes, ac propugnacula armis subacta, spectant, cæterisque ejus generis. Constituitur quoque ex singularum Ditionum delegatis, è Geldria duobus, ex Hollandia tribus, ex Zelandia duobus, ex Frisia totidem, ex tribus vero reliquis Ditionibus Vltrajectina, Transilvanica & Groninga-Omlandica singulis. Hi per vices viritim præsident, suffragia vero non per Ditiones, sed capita colliguntur, majorque in concludendo spectatur numerus. Nonnunquam negotia quædam ab Ordinibus Generalibus iis per delegationem committuntur; nonnunquam quoque in talibus negotiis versantur, de quibus antequam decretum condant, ad Ordines Generales referre solent; atque tum decretum Ordinum jussu, quod expresse præ se fert, promulgatur. Ordinario itaque per se solum hocce Concilium congregatur; sed & quoque extra ordinem coit & convenit una cum superiori Ordinum Generalium Collegio.

Adfident huic Collegio ordinario more congregato, voto tamen deliberativo tantum, non definitivo gaudentes, supremus rationum Magister, vulgo *Rekenmeester* & Quæstor generalis, vulgo *Ontfanger Generael*; quorum ille omnem pecuniarum, & sumtuum publicorum rationem in numerato habet, pecuniam tamen non tractat; hic pecuniam omnem, à singulis Ditionibus arario debitam tractat, exigit, jussu Senatus, aut Ordinum Generalium in publicos usus erogat, & de eadem rationes reddit.

In subsidium quoque Ordinibus Generalibus electi sunt nonnulli qui totius Reipublicæ nomine res maritimas tractarent; hi cum in portubus potius quam alibi muneris sedem habere debeant, non unum, sed diversa Consilia in tribus potissimum maritimis Ditionibus constituunt, Hollandia nempe, Zelandia & Frisia; in Hollandia, tria sunt, Amstelædamense, Rotterædamense & Hornanum. Vnum in Zelandia, Middelburgense, unum etiam in Frisia, Harlingense. Singulorum septem constant Senatoribus, è singulorum provinciarum membris electi, ab Ordinibus Generalibus vero delegantur & sacramento adiguntur; Eorum autem quatuor ex ea Ditione eliguntur, in qua Collegium est, reliqui tres ex cæteris ditionibus accedunt. Additur iis Secretarius

*Consilia
Maritima
sive Archi-
thalassica.*

rius unus, & fisco maritimo Praefectus, quoties vero res postulat, ex singulis his Consiliis delegati Hagæ conveniunt, ibi cum Ordinibus Generalibus de maris & commerciorum præstanda securitate agunt. Munus vero horum Consiliorum est idonea classe ad hoc parata omnique apparatu bellico probe instructa, navigationem securam marisque liberum usum reddere, & Ditionum flumina tutari; commeatus quoque publicos negotiatoribus aliisque præstare; controversias omnes causa rei maritimæ inter nautas, sociosque navales, & mercatores exortas decidere, &c. Consiliis hisce proprium est ærarium, quod Nauticum, vulgo *het Schippers-Comtoir* vocant, in hoc deferuntur nummi, quos pro tutela navium suarum, ac mercium persolvunt mercatores, & vulgo *Convoy-gelden* dicuntur; illa quoque portoria, quæ pro importandis, & exportandis mercibus, in singulis portubus penduntur, vulgo *haven-gelden*; vectigalia denique, quæ mercium in agrum hostilem devehendarum nomine solvuntur, vulgo *Licent-gelden*. Hinc accepti expensive rationes horum Consiliorum Legati Ordinum Generalium Commissariis singulis trimestribus reddere tenentur.

*Camera
Rationum.*

Recipiendis, asservandis, ac ex decreto Ordinum Generalium distribuendis proventibus, opibus, ærique fœnebri Reipub. à privatis credito, exceptis his qui ex singularum provinciarum canone resultant, præpositus est particularis Senatus, qui vulgo *de Kamer van Rekeningen der Generaliteyt* dicitur, constans ex septem Senatoribus, five singularum Ditionum legatis.

Gubernator.

Sub Maximiliano I & Carolo V Imperatoribus, qui sæpius ob majoris momenti negotia à Belgio abesse cogebantur, Gubernatores Belgicæ tum generales, qui universo Belgio, tum speciales, qui singularum, aut trium quatuorve vicinarum Ditionum curam gererent, constituti sunt; initio vero belli civilis, Guilielmus Princeps Auriacus, Hollandiæ, Zelandiæ & Trajecto præerat, eique & juris & armorum cura in dictis Ditionibus incumberebat: quam potestatem usque ad mortem, maxima cum auctoritate, sub Ordinibus quoque obtinuit: eo demortuo in earundem Ditionum regimine successit filius Mauritius; hunc Fridericus Henricus frater excepit, patrem vero vita defunctum Guilielmus II secutus est. Gubernatoris munus vero admodum magnificum, utpote cui hæc supremæ fere potestatis signa attributa fuerunt; indulgentiam capitalis criminis concedere; Curis judicialibus Ditionum præsidere; Magistratus fere ubique five pro suo arbitrio absolute, five ex numero certo nominatorum, singulos eligendo constituere; in suis propriisque causis ad externos Principes Respublicasve legatos mittere; imo Legatos ab exteris ad Ordines Generales missos singulatim atque privatim audire; publicarum ac privatarum controversiarum majorum, inter Ditiones plures, vel inter certarum Ditionum Ordinum membra, vel etiam inter Ordines & quosdam ex subditis exortarum, arbitrium agere. Postquam vero anno 1650 Guilielmus II ex hac vita commigravit, Hollandiæ & Vltrajecti Ordines, alium in defuncti locum Gu-

bernatores eligere superfederunt, omnia prædicta potestatis signa à se profecta rursus assumptes; civitates vero singulæ Magistratuum electionem sibi vindicarunt. Frisia, Groninga & Omlandica Regio, Guilielmum Fridericum Nassavium Gubernatorem agnoscunt; Zeelandia & Transisalanæ ditio Guilielmum Henricum Principem Auriacum Guilielmi II filium elegerunt. Præterea supremi terra marique Imperatoris munus ab initio Reipublicæ apud eisdem Auriacos Principes stetit, quod plane diversum est à Gubernatoris dignitate; cum hic universis omnium Ditionum copiis præesset; ille in nonnullis Ditionum tantum Gubernatoris munere fungeretur; prout una alterave illum regimini præfecisset; sed jam ab anno 1650 nullus ab Ordinibus in locum defuncti Guilielmi assumptus est.

*Imperator
terra marique.*

Ditionum Fœderatarum imperium, extra ipsas septem liberas Ditiones, finitimos limites ubique fere transgreditur; urbes tamen eæ quæ post fœdus iustum accessere, armisque acquisitæ fuerunt, simul in fœdere non censentur; sed quemadmodum Provinciæ apud Romanos olim, ita apud Fœderatas Ditiones habentur. In Brabantia finitima, quæ Hispanici juris est, Sylvam Ducis, ejusque territorium sane amplissimum, quartamque totius Ducatus partem constituens Fœderati possident, quemadmodum & Bredam, Bergas ad Zomam, Mosæ Trajectum, Graviam, Steenbergam, Eindoviam, & Helmontium, pagosque quamplurimos. Hæ civitates armis Batavorum paulatim Regi ademptæ, non ita pridem in supremi regiminis societatem admitti enixe petere aggressæ fuerunt, sed irrito conatu, ob impensarum tempore reductionis factarum, magnitudinem; tum etiam ob imparitatem oneribus sufferendis pro communis fœderis defensione; dein concordia quoque servandæ gratia, cui pluribus in jus suffragii ad missis male consuleretur. Tribunal justitiæ habent hæ Civitates peculiare, vulgo *den Raet van Brabant* dictum, Hagæ Comitum sedem habens, instar supremi judicis ad quem ultima solet esse provocatio. Constat id septem Senatoribus, Graphiario, Fiscii Advocato, & Procuratore Generali; cognoscitque non solum de causis ratione appellationis, aut reformationis ad illud delapsis, verum etiam coram eo omnia feuda Brabantica revelantur, causæque feudales discutiuntur. In Flandria præterea Fœderatarum Reipublica agrum Wasiæ fere totum, Insulam Cadzandicam, Slusam, Hulstamque urbes, municipia, propugnacula, pagosque admodum magno numero possidet. Hisce quoque peculiare est Tribunal Medioburgi in Zeelandia, vulgo *den Raet van Vlaenderen*. Pari ratione ac Brabanticum tam negotiis Feudalibus, quam reliquis causis appellationis causa ad illud devolutis vacans. Ad hoc autem tribunal pertinent præter Præsidem & septem Senatores, Advocatus fiscii, Feudorum Superintendens, Procurator Generalis, & Graphiarius. Drentia quoque quamvis suum sibi Gubernatorem eligendi jus habeat, & more reliquarum Ditionum ad ferenda onera ordinaria concurrat, & quoque tribunal supremum, à quo ulterior non datur provocatio, nec non delegatos Ordines ærario & justitiæ præpositos habeat;

*Subditorum
Reipub. regimen.*

*Consilium
Brabanticum.*

*Consilium
Flandricum.*

Drentia.

*Societates
Indiæ
utriusque.*

beat; hætenus tamen delegatos suos in confes-
 fu Ordinum Generalium non habuit, quod ini-
 tio nomen suum fœderi non dederit, & à vicinis
 Ditionibus semper deinde distincta manserit. Ci-
 vitates quoque non pauca in alieno solo sitæ, ar-
 morum vi aut occupatione sub ditionem Fœde-
 ratorum redactæ sunt; integra tamen manent
 omnia Dominis, imperium, privilegium, jurisdi-
 ctio, & siquid ejus generis; præsidio militari tan-
 tum Fœderati suo muniunt: ejusmodi sunt in Fri-
 sia Orientali, Emda, in Imperiî Germanici solo
 Emrica, & Reesla, Vesalia & Orfoya in Clivenfi
 Ducatu; Electoris Colonienfis Rhenoherca. Quin-
 imo & ultra Garamantas & Indos auspiciis Ordi-
 num Generalium prolatum est imperium; adeo ut
 plura amplissima ditissimaque regna sub suam re-
 degerint potestatem; idque hac occasione. Rex
 Hispaniæ Indias utraq; possidens, cum commercia
 & navigationem Fœderatorum in Hispaniam
 prohibuisset, mercatores nonnulli Batavi Indias
 Orientales lucri causa adnavigare instituerunt,
 sed cum auri cupido plures ad suscipiendum ne-
 gotium exstimularet, eorumque vires divisæ pro-
 pullandis Hispanorum, navigationem hanc impe-
 dire volentium, conatibus impares existerent; con-
 siliisq; non communicatis eosdem portus iisdem
 sapissime mercibus instructi peterent; Ordines
 Generales Societatem quandam instituerunt, quæ
 ad certum annorum spatium sola privilegio navi-
 gandi in Orientales Indias gauderet legibus, limi-
 tibusque antea præscriptis. In hanc certam pecu-
 niæ summam conferre tum unicuique permissum,
 iisque datum Participantium nomen, iis vero qui
 contulerunt ultra sex florenorum millia, vel in
 West-Frisia, ultra tria, datum nomen, quo Capi-
 ta Participantium nominarentur vulgo *Hooftpar-
 ticipanten*. Ex hisce, exclusis cæteris eliguntur So-
 cietatis Curatores, ejus rebus curandis cum ma-
 xima autoritate præpositi, vulgo *Bewinthebbers*.
 Illorum nominatio ad Capita Participantium
 spectat, electio vero alibi penes Ditionis Ordines,
 alibi penes Magistratum Urbicum est. Curato-
 res hi in singulis provinciis certo in loco & navi-
 gationi opportuno conventus suos habent, qui
 Camera appellatur, Amstelædamensis constat
 viginti Curatoribus, Zeelandica duodecim, ad
 Mosam quatuordecim, West-Frisica totidem. Si
 vero necessitas, resve arduæ & extra ordinem
 oblata id exigant, extraordinarius aliquis & su-
 premus conventus instituitur, ad quem singulæ
 Camera suos mittunt legatos; constat autem
 Collegio septendecim virorum ex Amstelæda-
 mensi octo, Middelburgenfi quatuor, & ex cæ-
 teris singulis aut binis. Dicitur autem hic Con-
 sessus *de Vergadering van de Seventiene*. Atque hæc
 quidem domi regiminis forma. Batavia vero, id
 Imperiî in India caput, & Batavorum colonia,
 sedem habet Supremus Indiæ Hollandicæ Gu-
 bernator, eadem potestate pollens, qua in Fœ-
 derato Belgio supremus Gubernur & Exerci-
 tum Dux, triennio circumscribitur hujus digni-
 tas; Præterea ibidem instituti sunt duo supre-
 mi Senatus, in quorum altero res publicæ Sena-
 tus, quæ pacem, bella, fœdera ac commercia spe-
 ctant præsentem supremo Gubernatore tractantur;
 altero ipsum est Iustitiæ tribunal, in quo causæ

privatorum, lites aliaque ejusmodi expediuntur.
 In singulis vero provinciis, insulis ac ditionibus
 societati parentibus, sunt duo quasi supremi Ma-
 gistratus, quorum alter præest militiæ, alter iis
 curandis gerendisq; quæ spectant commercio-
 rum rationem; additi dein sunt Censores iis qui
 Commercia tractant, qui ad omnia quæ gerun-
 tur attendunt, eaque annotata singulis trimestri-
 bus ad supremum Gubernatorem, ac Senatum
 mittunt, ex quibus omnibus iidem Senatores
 conficiendum curant unâ scripturâ totum socie-
 tatis statum, ex qua in Belgium transmissa Cura-
 tores domi degentes continuo intelligunt, quo-
 modo se illud imperiî sui corpus habeat. Indiæ
 Occidentalis Societatis regimen domi ad eun-
 dem plane modum se habet, quo Societas Indiæ
 Orientalis, nisi quod supremo & extraordinario
 hujus novendecim Curatorum ex Cameris dele-
 gatorum confessu, vulgo *de Vergaderinge van de Ne-
 gentiene*, semper præsideant Ordinum Genera-
 lium Legati, idque ideo potissimum, quod ipsa
 Fœderatorum Respublica haud contemnendam
 pecuniæ summam ad hujus Societatis constitu-
 tionem contulerit; cætera omnia fere eodem
 modo, ac apud Orientalem Societatem diri-
 guntur.

Opes vero, quibus Respublica Fœderatorum
 sustentatur, diversis in proventibus consistunt, &
 ex iis solent colligi; Primo singulæ Fœderata-
 rum Ditionum quotannis canonem quendam,
 quem Quotam vulgo vocant, præstare tenentur,
 majorem minoremve, prout majores minores-
 ve singularum ditionum deprehenduntur opes;
 & prout alia atque alia Reipublicæ necessitas fla-
 gitat; iniquum enim videretur, si secundum
 Trajectini fœderis decretum Ditiones in confe-
 rendo censu eundem tributorum & vectigalium
 observarent modum. Hollandia itaque omnium
 longe opulentissima, ubi cunctis fœderatis ditio-
 nibus centum millia florenorum in commune
 conferenda sunt, quinquaginta & septem flore-
 norum millia confert; Frisia autem undecim, ac
 Zelandia novem millia; ita ut dictæ tres ditio-
 nes septuaginta septem florenorum millia con-
 ferant; cæteræ quatuor quod reliquum est,
 nempe viginti tria ex tributis, vectigalibus, aut
 aliis ejusmodi colligunt, & conferunt. Ingens
 quoque pecuniæ vis ex iis vectigalibus provenit,
 quæ penduntur mercium nomine, quæ in ho-
 stilem agrum tempore belli transvehuntur, no-
 minant vulgo ea *Licenten*: hisce exigendis in om-
 nibus portibus & civitatibus fœderatorum con-
 stituti sunt singulares publicani, quos vulgo *Li-
 centmeesters*, ac *Cherchers* vocant; qui etiam ne arma,
 aliaque id generis lege prohibita ad hostes eve-
 hantur prospiciunt; hæ autem evehendi licentiæ
 subinde in hisce, aliisve mercibus pro Fœderato-
 rum utilitate ubi libitum fuerit tolluntur. Prædæ
 militaris quoque portio à privatis Reipublicæ de-
 bita, non contemnendam confert summam, item
 tributa quæ limitaneæ civitates & hostibus ere-
 ptæ, vini, cerevisiæ, salis, ædium nec non fundo-
 rum nomine præstant. Præterea è canone annuo,
 quem pagi circa Fœderatorum & hostium limi-
 tes positi, contributionum, uti vocant, nomine
 solvebant, magna proveniebat nummorum co-
 pia:

Imperator
terra mari-
que.

Societates
Indiæ
utriusque.

Subditorum
Reipub. re-
gimen.

Consilium
Brabantia-
cum.

Consilium
Flandria-
cum.

Drentia.

pia : hisce autem recipiendis in præcipuis Fœderatorum civitatibus limitaneis quæstores & æraria erant constituta. Præterea magna ex litteris salvi Conductus, vulgo *Paspoorten* dictis, pecuniæ colligebatur vis; hæ privatis, nullis vero in aliqua militari vel togatâ dignitate apud hostes constitutis concedebantur triginta florenorum pretio, sex solummodo mensium spatio præscripto, quo ex ditionibus Regis Hispaniæ in Fœderatorum regiones, & viceversa, rerum privatarum gratia commeari licebat. Accedebat quoque æs illud, quod Principes Fœderati, Angliæ scilicet & Galliæ imprimis Reges, durante bello Hispanico pendere solebant. Dein Reipublicæ maxima pecuniæ summa est credita à privatis, ea lege ut iis volentibus fors cum usuris reddatur; usuræ autem nomine Respublica pro annuo centum florenorum usu quatuor florenos persolvit. Hisce pecuniis distribuendis, exceptis iis, quæ ex annuo canone proveniunt, ut supra memoravi, præest Camera rationum.

*Vestigalia
& tributa.*

Atque hi sunt redditus, quibus Fœderatorum opes ad conservandam Rempublicam consistunt; sed ii soli fere, qui in commune ærarium extrinsecus ac aliunde colliguntur; sunt vero præter hos vectigalia & tributa, quæ intrinsecus ordinarie quædam, alia extra ordinem, quæque subinde urgente necessitate colliguntur. Extraordinaria primo id tributa sunt quod singulorum capitum nomine pendebatur, quod ob querelas civium semel tantum exactum est. Dein quod caminorum nomine solvitur. Tertio quod à singulis omnium opum ac possessionum, in universam pariter æstimatorum nomine, ac ducentesima appellari solet, tribuitur. Ordinaria tributa sunt, quæ semel recepta, semper exiguntur; hujusmodi sunt, vectigal ædium, servorum ancillarumve, vehiculorum & navium, agrorum, venditorum bonorum immobilium; papyri publico Ordinum Hollandiæ sigillo signatæ, mulcta temere litigantium, vectigal salis, cerevisiæ, vini, aceti, olei, butyri, frumenti, fructuum, bestiarum, piscium, candelarum, cespitum, carbonum, ligni,

tabaci, saponis, picis, mercium duriorum, plumbi, lapidum coctorum, pannorum, aliæque plurimæ vectigalium & tributorum species; quæ omnia hic recitare mihi molestum, lectori tædiosum foret.

Vires Reipublicæ Fœderatæ potissimum consistunt in munitissimis invictisque civitatibus, arcibus & castellis, artis bellicæ miraculis, quibus tota Belgica Fœderata, ubi fluminum aquarumque tutamina desunt, veluti propugnaculis firmissimis undique cingitur. Ejusmodi munimenta fere posita sunt in omnibus imperii hujus limitibus, ubi hostium irruptiones metuendæ erant, non tantum in propria Fœderatorum ditione, sed etiam extra eorum limites in ipso Imperii Germanici fundo. Dein excellentissima & optime disposita armatura terrestri, non minus ditionibus Fœderatis præsidio & munimento est. Miles vero vel patrius est, vel externus & advena; Germanus imprimis, Gallus, Anglus & Scotus, in Centurias, turmasque divisus, longo usu artem militarem probissime edoctus. In Classe quoque validissima, nec non nautis classiarioque milite instructissima, magna Fœderatorum consistit fiducia.

Religionem Batavi publice profitentur eam, quæ Reformata passim nominari solet; neque quisquam ad publica Reipublicæ promoveatur munia, nisi qui eam amplectatur. Tolerantur tamen, præsertim in Hollandia, Catholici, alique cuicumque fere sectæ addicti, quamvis ecclesias in publico nullas, privatim equidem habeant. Iudæi quoque Amstelædami, quod potentissimum apud Hollandos emporium est, Synagogam publice frequentant: nulla denique apud Fœderatos conscientis hominum ingeritur vis, nulla simulandi necessitas.

Atque hæc quidem, quæ Reipublicæ celeberrimæ administrationem concernunt, prosequutus, & sempiternam eidem vovens felicitatem ad ditionum singularum descriptiones me conferam, ea narraturus, quæ mihi de earum situ, qualitate, opibus, & regiminis ratione comperta sunt.

*Vires Rei-
pub. Fœde-
ratæ.*

Religio.

G E L D R I A D V C A T V S.



Nominis origo.

Fines.

Partes Gelriae una cum Zutphania.

Prima Tetrarchia, Neomagensis.

Eldria extrema fere versus Boream Belgicae regio ad utramque Rheni ripam, Gallicam & Germanicam sita est, uti & Clivia. Certa veterum Sicambrorum sedes, quos Augustus in Germania agentes traduxit in Galliam, teste Suetonio, atque in proximis Rheno agris collocavit. In hoc tractu fuisse Gelduba creditur, quae Tacito commemoratur lib. 4 Histor. Quae Gelriae nomen putatur creasse. Sunt tamen, qui opinentur Gelriae nomen esse ab arce Gelre, quam Wicardus à Ponthe una cum fratre Lupoldo aedificasse fertur. Porro Gelriae Ducatus & Zutphaniae Comitatus jam ab annis quingentis in unam velut rempublicam coaluere: ita ut utraque uno nomine jam communiter Gelria dicatur. Habent tamen limites & fines suos distinctos. Gelriae fines sunt, à Septentrione Trans-Isalania, quae & magnam illius partem claudit ab Aquilone, Isala amne intermedio: ad Orientem Zutphaniensis Comitatus, eodem amne dirimente: ad Eurum Clivia: ad Meridiem Brabantia, à qua Mosâ flumine dividitur: ad Occasum primo Hollandia, dein Trajectina diocesis, denique mare internum Australe, quod de Zuyderzee vocant. Mediam fere Rhenus interfecat, utroque alveo, tum qui Rheni nomen servat, tum qui Vahalus vocatur. Quamobrem variis partibus quasi sparsa jacet. Zutphaniensis Comitatus ad Occasum Isala à Gelria dividitur, ad Meridiem Cliviam habet & Rhenum: reliquis partibus fere Westphalia terminatur.

Dividuntur simul junctae in quatuor partes, quas Tetrarchias licet appellare: Neomagensis, Ruremundanam, Zutphaniensem, atque Arnhemiensem: quarum Ordines aut in Comitibus majoribus, à Praefecto, vel Senatu Provinciali evocati, toti reip. in commune consulunt: aut separatim in suis quique Tetrarchiis, indicente & praesidente primariae urbis Senatu, deliberant. Singulae autem hae Tetrarchiae subdividuntur in urbana, paganaque territoria, & in praefecturas hereditarias. Neomagensis Tetrarchia, quae in Comitibus majoribus semper primum locum & suffragium obtinuit, urbes complectitur tres, Neomagum, Thielam, Bommelum. Quibus olim annuerantur, Gravia, Leerdamum, Bura, oppida sub Egmondano Principe avulsa, pagus item Gente in superiore Batavia (quem Carolus Princeps an. ccccvi Henrico à Gent in clientelam concessit) suffragium quondam inter oppida obtinuit. Municipales praefecturae principes fere sunt istae: Regnum Neomagensis: Batavia, vulgo Betow, superior & inferior: Bommeli in-

Belgica Foederata.

fula: Thielae insula: Praefectura inter Mosam & Vahalim: Praefectura Beesda & Renoy. In quibus praefecturis plurimae sunt Equitum vetustae arces, multaeque villarum praefecturae hereditariae: videlicet, Persingen, Vbbergen, Groesbeec, Dordendael, Batenborgh, Horssum, Luer, Oyen, Die-den, &c.

Secunda Tetrarchia est Ruremundana; cujus caput Ruremunda. Minora oppida sunt Gelre, Venloun, Stralena, Wachtendoncum, Montfortium, & Herculana. Praefecturae municipales octo, sub quibus & urbanae nonnullae: Kessel, Gelre, Montfort, Kriekenbeec, Stralen, Wachtendonck, Erkelens, Middelaer. Minores & hereditariae sunt: Vierfen, Horst, Lenth, Well, Afferden, Blienbeec, Walbeec, Aerlen, Gribenfoorst, Blitterswick, Mirloo, Elmpt, Stiefensweert, Hillebrode, Swalmen, Assell, Geisteren.

Tertia Tetrarchia est Zutphaniensis; cujus primaria urbs est Zutphania. Oppida minora muris cineta, quae suffragium in Comitibus habent, sunt quatuor: Doesburgum, Doetecum, Lochemum, Grolla. Territorium municipale distinguitur in quatuor Praefecturas, ac totidem Baronias. Praefecturae sunt; Satrapia Zutphaniensis, Praetura Zutphaniensis, Richteramp van Doesburgh, & Satrapia Bredefortana. Baroniae sunt, Berghe, (quae & ipsa Comitatus titulo insignis, sub qua & oppidum 'sHeerenbergh) Bronckhorst, Baerwisch. Domino in Anholt cum Monasteriensibus hodieque controversia est, utrum hereditariae praefecturae in Borkelo atque Anholt huic Tetrarchiae accenseri debeant.

Quarta Tetrarchia est Arnhemienfis; cujus primaria urbs est Arenacum. Oppida minora sunt quatuor: Harderwyckum, Elburgum, Wageningen, Hattemum. Praefecturae majores duae sunt: Velavia, & Velaviae fimbria. Minores totidem, Oldebroeck & Neybroeck. Praefecturae Villarum hereditariae cum imperio criminali itidem duae, Dorenweert, Rosendaal: totidemque cum imperio civili, Scherpenzeel & Heurvelaken.

Provincia haec aëre ut plurimum fruitur puro ac salubri: solo est fertili, & frugum omnis generis feraci: nec non pascuis diviti: unde ingentes pecorum greges alit, & armenta quoque è Dania & Frisia petita saginat. Non tamen ubique eadem soli felicitas, aut fecunditas. Nam magna pars Velaviae sabuletis, erycetis, silvis & collibus effœtis horret, vastaque eremo incultior, cespitum fodinis quam sementi faciendae longe aptior est: eadem tamen ad margines (Velaviae fimbriam ac crepidinem vocant) ubi Isala & Rheno alluitur, amplissima & latissima habet prata. Zutphania quoque admodum fertili est solo, sed quibusdam locis paludoso, (unde & quidam nomen ipsi impositum opinantur) sed graminis optimi feraci.

Gelria, cum superiore Batavia regione quatuor cele-



Flumina.

celeberrimis fluviis irrigatur, *Mosa* nempe Galliae Belgicae amne, ac tribus Rheno ostiis: *Vahali*, qui Bataviam Insulam à parte Meridiana perfluit: *Lecca*, qui veteris Rheni appellationem servat, & *Isala* alias *Flevo* quoque dicta. De *Mosa* in Generali Descriptione diximus. *Vahalis Wael* hodie dicitur. Pars illa Rheni est quae juxta telonium Lobeci appellatione notum ad laevam se flecit, & Neomagus urbem copiosam & praepotentem praetexit, urbisque moenia arcemque navalem radit. Longo inde agmine Tielam pergit: istinc anfractuoso meatu Bomeliam ad laevam relinquit: deinde non procul Woricomia Mosam accipit, mox apud Goricomium, Lingae amnis, incredibili lenitate segnis, incremento auctus, Merouae nomen accipit, à Merovaeorum arce: quam ubi praeterierit, Durdrechtum praelabitur: demum receptis Lecca & Isala Rheni brachiis, Iselmondam praeterfluens, sub Rotterodamo, Mosa appellari incipit, ubi recedentibus latius terris, vasto jam ore Sciedamum & Vlaeringam ad dextrum latus relinquit, deinde Geervlietum oppidum, & Brielam à lava praeterlabitur, ibique mox Oceano miscetur. *Lecca*, *Fossa Corbulonis* veteribus, quam Tacitus scribit à Domitio Corbulone à Rheno ad Mosam trium & viginti millium spatio, aut, ut Dion tradit, longam ad millia passuum xxi productam. Hodie *Leck* vocatur: fluvijs ex Rheno descendens, quondam rivulus tenuis è fonte suo Rheno aquas trahens, elicit potius cognomento tunc dicendus (nec enim aliud vox ipsa sonat) ac nunc revera è rivo flumen factus, genitorem suum aquarum pabulo (ut loquar) intervertit & ad se transtulit, ac super illum animos extulit, navium patiens, praeter illo arido & exucco. Sic alveum Rheno suffusus, Trajectoque injurijs Lecca, Culenburgum praeverhitur: exinde Vianam praeterlabitur: postea decurrit Schoonhoviam: demum in Merwam amnem, priusquam Mosae nomen induat, se effundit: habetque in longitudine plus minus octo milliaria nostratia. *Isala Flevum* Plinio, Rheno ostium, quod Ptolemaeo *Orientalis* cognominatur, *Yssel* vulgo. Id verò Druso Neroni acceptum ferri debet, qui fossam novi & immani operis continuam militari opere fecit, cui Drusianae nomen fuit, teste Tacito. Ea fossa supra Arenacum incipiens continuat ad duo aut tria milliaria, Rhenumque novi Isalae nomine donatum deducit praeter Doesburgum. Vbi Isalam veterem, cujus in Westphalia fontes sunt, & in cujus nomen hic adoptatus est, accipit: inde Bronchorstum praeterlabens, Zutphaniam urbem lustrat. Hinc Daventriam petit amnis cursus. Atque haec quae diximus iv oppida Isala ad dextram relinquit, quae sequuntur duo ad laevam situm habent, inter quae primo loco Hattemum occurrit, natura loci atque opere munitum oppidum: inde Campi sunt, celebris urbs: hanc praeterlapsus & insulas aliquot emensus, in maris sinum effunditur, qui hodie de *Zuyder Zee* dicitur. nunc raptus à mari post admissum Vidrum, Nigrae aquae cognomento appellatum, quod soli ingenium quale sit, nigrore testetur, nimirum palustre & cespitem bituminosorum parens, relinquit ad laevam exiguas insulas Enslam & Or-

cam, piscatorum sedes, quas priusquam adeat, nautae trudibus & contis aestate, quando mare illud malacia & tranquillitas tenet, explorant, deprehenduntque non alte viam silicibus stratum. Praeter haec & alia quaedam ignobiliora flumina eam perluunt, cujusmodi sunt, *Worm*, *Roer*, *Sualm*, *Isala vetus*, *Berkel*, *Niers*, & *Aa*. Ad Septentrionem respicit Sinum illum maris quem hodie *Zuyder Zee*, velut Australe Fretum, quod in Meridiem vergat, nuncupamus: ubi sicut Hollandia, patente gremio accommodat se commercio Orbis.

Gelriam post tempora Caroli Magni rexere, ^{Regimen} ^{vetus.} primum haereditarii Advocati, five Tutores deinde Comites, hinc Principes: tandem Ordines, 1476 regimen arripuerunt. Sed defuncto Carolo Audace, unica tantum filia Maria superstiti, quae Maximiliano Austriaco nupsit, Ordines Gelriae Carolum Egmondanum Adolphi F. Arnoldi N. è Gallia revocatum anno 1492, in Gelriae Ducem & Zutphaniae Comitem inaugurarunt. Huic super Provinciae jure, ab Imperatore Carolo V, Philippi Burgundi F. Maximiliani & Mariae nepote, controversia fuit mota: quae tandem inter eos per tractatum Goricomiae anno 1529, & tractatum Graviae anno 36, transacta est, ea conditione, ut, si Carolus Egmondanus sine legitima sobole decederet, haec ditio ad Carolum Caesarem ex vetere jure reverteretur. Sed ipso adhuc superstiti ac consentiente, Gulielmus Clivensium Princeps ab Ordinibus ascitus & inauguratus fuit. Carolo deinde Egmondano anno 1539, Kal. Augusti sine legitimis liberis vita functo, orta est contentio inter Caesarem, Lotharingae Principem, Caroli ex sorore nepotem, ac Clivensem. Allegabat Caesar venditiones, cessiones, renunciationes, atque investituras sibi suisque majoribus factas: insuper si quid in hanc ditionem Guilielmo Gerardi Principis filio juris competisset, sibi atque Imperio id commissum, primum quidem ob non desideratam investiturae renovationem, deinde quia sine prole mascula vel agnatis, filia duntaxat relicta, Guilielmus decessisset. Lotharingus à Carolo haereditariam in hanc ditionem successionem sibi delatam asseribat, idque jus ex conventibus quibusdam juvare nitebatur. Clivensis contra scripto in Comitibus Francofurtensibus exhibito per Legatos explicabat, quo jure Gelriam possideret, se tanquam verum & legitimum haeredem, matre Maria Guilielmi filia sua jura sibi cedente, ditionis possessore Carolo Principe atque Ordinibus volentibus ac consentientibus, nec vi, nec clam, nec precario possidere coepisse. Repetebat suorum majorum jura, investituram ab Imperatore Sigismundo post obitum Reinholdi Adolpho Principi concessam, subjectionis eidem sacramentum ab Ordinibus praestitum, sententiam ab Imperatore atque Imperii Ordinibus pro Adolpho adversus Arnoldum ditionis occupatorem prolatam. Ab Adolpho sine liberis mortuo in Gerhardum fratris f. ab hoc in filium Guilielmum: atque inde in illius filiam unicam Mariam suam matrem, successionis jura derivabat. Verum Clivensi frustra orante, ut Imperii Ordines apud Caesarem intercederent, suam-

Ordines
Gelriae.Hodie
nam regi-
men.

suamque ipsi causam commendarent, Cæsar magnis copiis ex Italia descendens eo Clivensem adduxit, ut in castris ad Venloam, supplex à se veniam peteret, & quicquid in Gelriam ac Zutphaniam juris prætendebat, renunciaret, subditisque fidem sibi datam remitteret. Atque hinc Cæsar, ejusque filius Philippus Hispan. Rex per Propriuncipes Gelriam gubernarunt, ad annum usque 1580, quo provincia hæc solius Propriuncipis ac Senatus Provincialis, Ordinum suffragiis electi, atque ipsorum Ordinum imperium cœpit agnoscere.

Ordines
Gelrie.

Ad Ordines quod attinet, tribus illi membris constabant, Baronibus, Equitibus ac ministerialibus paganis Principis, denique civitatibus atque oppidis. Sub Principibus semper primi inter illos fuere Barones quatuor, videlicet Bronchorsticus, Bergensis, Barenfis, & Wiffius. Alterum membrum constituerunt Principis equites, ac ministeriales pagani, quorum olim non ita definitus erat numerus, quippe qui pro temporum ratione atque arbitrio Principum solebat mutari, augeri, minuique. Deinde autem certæ eorum familiæ in hoc ordine recenseri cœperunt. Tandem etiam isti ordini adscriptæ sunt aliæ aliquot optimatum urbanorum atque extraneorum familiæ. Tertium membrum civitates atque oppida constituunt. Ex his componitur Respublica Gelrorum: in qua singuli communi Principis imperio Ordinumque in suis partibus cognitioni subditi fuere, & ipse Ordinum Princeps publicis legibus ac jure obnoxius fuit. Ut universi Reip. unius speciem ex uno atque optimatibus mixtam exhiberent. Quatuor primariae civitates, olim præcipuæ dignationis & auctoritatis, ac veluti arces & columna fuere tuendæ libertatis publicæ, instarque tribunorum plebis suo patrocínio reliqua oppida ac agrarios, contra Principum attentata & injurias, defendebant.

Hodie
nem regi-
men.

Hodie supremum totius Provinciæ regimen est penes Ordines, qui nunc è duabus classibus tantum constant, Nobilibus nimirum, qui veteri consuetudine jus suffragii habent, & consuetum jusjurandum de tuenda libertate præstare non abnuunt: & Urbium Deputatis. Hos autem convocandi, cum opus est, Propriuncipi ac Senatui Provinciali jus est. Atque in his deliberatur de iis quæ rem publicam atque universorum jus spectant, videlicet de pace, de bello, de tributo in communes belli sumptus aliasve necessitates imponendo, de fœderibus, de focis, de monetæ regimine, de alienatione & obsignatione Iurisdictionum, urbium, arcium, reddituum ac prædiorum Reipublicæ: de legibus ac reliquo jure publico, & cæteris hujusmodi rebus, proponente semper ac præconsultente Senatu. Eligitur in iisdem comitiis Propriuncipis ac Cancellarius. Pro reliquis autem primariis in Republica functionibus, item jurisdictionum, reddituum ac vectigalium procuracionibus, sicubi vacare cœperint, bini in Comitibus nominati Senatus electioni offeruntur. Pro varietate autem controversiarum varia quoque constituta fuere judicia atque imperia, Ecclesiasticum videlicet & Provinciale: item ordinaria in urbibus, oppidis ac pagis, clientelaria, aggerum, fluminum, domi-

Belgica Fœderata.

nicorum atque adscriptitiorum colonorum. Ecclesiasticam habuere Iurisdictionem Colonienfis Archiepiscopus in Vrbe atque Imperio Neomagenfis: Trajectensis in reliquis Neomagenfis Tetrarchiæ partibus, ut & in Tetrarchia Arnhemienfi: Leodienfis in Tetrarchia Ruremundana: Monasterienfis in Zutphanico Comitatu. His jus fuit cognoscendi de legatis piis, de matrimoniis, de beneficiorum Ecclesiasticorum, Præbendarum ac Sacerdotiorum jure. In reliquis causis Romani Pontificis atque Episcoporum imperia, comminationes ac fulmina semper insuperhabita fuere. Hinc illud in diplomate Arnoldi Ducis dato anno 1100 cccxxxii his verbis: *Wy beloven alle banne ende ladinghe uyt onsen lande te keeren, gelijck onse voor-Vaderen dat oock gedaen ende uytgekeert hebben.* Hodie omnes istæ causæ ad Curiam Provinciale spectant. Huic præesse solet Princeps, vel Propriuncipis ac Cancellarius. Hisce olim à Principe, hodie à singularum Tetrarchiarum nominatione, ac Propriuncipis & reliqui Senatus electione, duodecim plus minus adjunguntur Senatores legum ac morum periti. Senatui adjunctus est Fiscus patronus, quem Principis vel Reipublicæ Tutorem vocant. Huic Fiscalium, dominicalium imperii, Iurisdictiones ac limitum cura commissa est. Ejus officium est de jure Reipublicæ inquirere, agendo ac defendendo Reipublicæ patrocinari: Prætoribus, Quæstoribus, Publicanis, ac jus à Principe vel Republica habentibus consulere, atque in jure adesse: delictorum graviorum suspectos extra ordinem ex Curia decreto reos peragere. Ad Provinciale consilium spectat decisio controversiarum super jure prædiorum adscriptitiorum ac dominicalium, super iis quæ Princeps vel Respublica pro suis possidet: super injuriis verbo, vel scripto ibidem alicui illatis, super jure Ecclesiasticorum beneficiorum, sive Principem, sive alium agnoscant patronum: atque etiam super militarum beneficiorum possessione: super controversiis matrimoniorum: super salariis ac sumptibus Advocatorum, vel Procuratorum ex litibus ibidem ventilatis. Huc quoque spectant cognitiones super interpretatione ac jure principalium privilegiorum, vel contractuum, si non inferiorum illa confessuum cognitionibus speciatim fuerint submissa. Item si controversatur inter communitates, urbes vel pagos diversarum Iurisdictionum; atque etiam si duo contendant de possessione imperii alicujus hæreditarii. Item hujus Senatus imploratur auxilium, sicubi in Provincia jus evidenter seu notorie negetur, vel malitiose protrahatur, vel jurisdictionis vacet: Item si nulliter adversus leges patrias à Prætoribus actum, vel in confessibus pronuntiatum dicatur. Item si qui de tributorum vel censuum iniquo gravamine, per censitorum gratiam vel errorem sibi illato, conquerantur. Hic adversus publico munere fungentes super excessu, delicto, vel concussionem accusationes instituuntur. Hic super Paganorum criminibus inquisitiones atque executiones decernuntur, nisi alibi, ex privilegio vel consuetudine, inferioribus confessibus cognitiones istorum criminum fuerint reservatæ: quo tamen casu sententias ibidem conceptas Prætores non aliter quam Senatu jubente, executioni

B

cutioni

cutioni mandant. Hic & III-Virorum Rationalium acta omnia decisioni ac reformationi subiecta sunt, sicubi in patrimonii publici administratione, vel in Prætorum, Quæstorum, vel Publicanorum rationibus dispungendis Reipublicæ vel privatis præjudicatum dicatur. In hoc quoque Senatu Proprinceps, Cancellarius, Senatores, III-Viri Rationales, reliquique Curia Subditi seu Suppositi, si personaliter ex contractu vel delicto conveniantur, forum fortiuntur. Hic quoque Senatus ejusve Legati præfunt cognitionibus Provocationum in Comitatu Zutphanienfi, Batavia superiore, oppido Tielensi, ac Velavia: judicat denique de quibuscunque controversiis ex prorogatione partium, delictorum ubicunque in provincia patratorum gratiam facit Senatus atque abolitionem concedit. Atque hæc de causis Principis ejusque Consilii cognitioni reservatis. Advocare autem causas ab ordinariis judiciis Principibus nunquam licuit, utpote solemni juramento obligatis: *Dat sy een yeder Stadt recht, Landrecht, Dijckrecht, Waterrecht, Thuisrecht ende Latenrecht, souden laten wedervaren.* In omni autem judicio sive ordinario in urbibus ac pagis, sive extraordinario, sunt Præsides, sive Satrapæ, sive Prætores, & præterea alibi ordinarii ac jurati, alibi injurati litium disceptatores. Hi sola cognitione sententiaque contenti, ab imperio omnino alieni sunt: illi imperio contenti, cognitionibus abstinere: adeo ut nullibi præterquam in Senatu Provinciali Principem repræsentante, cognitio cum imperio in iisdem personis concurrat. Non habuere itaque Principes in jura potestatem, sed edictorum formulis devincti fuere, à quibus recedere vel latum unguem religio fuit. Sunt præter ordinarias jurisdictiones in Superiore atque Inferiore Batavia, inter Mosam & Vahalim, in insulis Bomelii ac Tielæ, in marginibus Velaviæ, atque alibi Aggerum Præfecti & curatores jurati, quos promiscuum vulgus *Dijckgravijs*, ceu aggerum Comites & *Heimrados*, quasi domesticos consultores vocat, his aggerum muniendorum ac conservandorum, adversus maris ac fluminum exastuantium inundationem, cura commissa est: hi ex perpetuis Principum Edictis, quum res poscit, obequitantes aggeres, aquæ ductus ac cataraclas perlustrant: si quid dissipatum, convulsam, concussum vel obturatum sit, instant, omnibus instaurandis incumbunt, multas indicunt, prædia neglectis aggeribus obnoxia evincunt, ac publica licitatione ab omni reliquo clientelari, censuali vel hypothecæ onere libera ac penitus purgata minimum exigenti addicunt. Suntque hæc aggerum muniendorum jura in multis admodum rigida atque exorbitantia, idque ob publicam securitatem; quamvis non desint qui conquerantur eorum jurium observatione atque acceptione, sive per rationum ignorantiam, sive consulto, à vero cum subditorum perniciæ sæpe aberrari. Est & Censualis Jurisdictio, qua plerique prædii solario jure vectigalis possessorem ad ejus professionem censuumque cessorum præstationem sibi faciendam adigunt, ex parium istius Curia cognitione ac decreto. Circa provocationes non eadem lege utuntur per universam

Provinciam. A plerisque urbibus nulla datur provocatio: Neomagensium sententiæ Aquisgrani reformantur. In Comitatu Zutphanienfi nova lege inductum est (aliter enim fuit ante annum *MDCCXIV*) ut ab inferioribus præfecturarum judiciis ad juridicos confessus superiores provocare liceat. In singulis præter ea paganis territoriis provocatio est, sed minime ad eisdem. Conventus pro sententiis territorii Zutphanienfis reformandis habentur Zutphanii: in territorio Arenacensi conventus in eam rem habentur ad Silvam dictam *Engellander Holt*, sub dio. In Tetrarchia Ruremundensi ac Neomagensi singulæ pene paganae Præfecturæ seorsim in hanc rem suos habent Conventus. Alibi præest Senatus, atque adsunt Urbium Legati, quos alii non admittunt. Alibi omnes qui ex ordine Equestri in præfecturis prædia possident, etiam extranei, ad suffragia admittuntur; alibi Indigenæ tantum; alibi solummodo ipsorum Delegati. Est ubi provocatur ad urbium Scabinos: alibi frequentiores in hanc rem habentur Conventus, alibi rariores, atque adeo vix bini intra hominum memoriam. Ex hac ditione ad Imperatoriam Curiam nullam esse admittendam provocationem, obtinuit ab Imperatore Henrico Reinaldus Gelriæ Comes, anno *MDCCCX*. Atque hæc de judiciorum ratione. Fiscī atque ararii cura publicæve pecuniæ administratio, alia est Provincialis; alia particularis in singulis Tetrarchiis: Prætores multas, Quæstores prædiales Fiscī redditus ac census: Publicani vectigalia cogunt, rerum rationes apud III-Viros rationales reddunt, ac reliqua in arcam Quæstoris generalis inferunt. Redituum Ecclesiasticorum procuratio provincialis ab anno *MDCCXII* per III-viros rationales repudiata, ad Tetrarchias devoluta est, ubi & indictiones & oblationes separatim agitantur per Tetrarchiarum Rationales, quos *Deputatos* vulgo vocant, quorum administratio annua est: apud quos Ecclesiasticorum reddituum indictionum, atque oblationum coactores rationibus reddendis obnoxii sunt. In legibus ac moribus ista fere habent Gelri memoratu digna: Liberi majorennēs peculium suum citra parentum assensum vendendi ac donandi jus habent. Asperrima illa Romanis legibus descripta servitutis conditio, hic numquam recepta fuit. Sunt variæ colonorum servilium conditiones, vulgo *Hoff horige*, *Eigenhorige*, *Volshuldige*, *Vrieluden*, glebæ ac prædiis quorum partes censentur adscripti, quibus uberiores rem comparare permissum; quam tamen post ipsorum mortem detondere domini queant. Extra causam matrimonii nullus est liberos legitimandi modus. Hic Romani juris adoptiones, arrogationes, emancipationes, penitus ignorantur. Est inter conjuges (si non aliud in tabulis antenuptialibus fuerit conventum) omnium bonorum communio: hæreditatum, legatorum, donatorum aut quacunque ratione alteri acquisitorum communicatur proprietas & possessio. Dotium jura nulla sunt; ære alieno viri mulier tenetur, ac nomen faciente viro, perinde in eam transfunditur obligatio, atque si suam quoque ipsa fidem obstrinxisset. Cum marito sese obligans non juvatur Senatus-

*Leges ac
Mores qui-
dam.*

Indoles.

Comites.

rus-Consulto Vellejano; non habet in mariti bonis tacitam hypothecam. Donare conjux conjugi inter vivos non potest: mortis causa quibusdam locis potest, modò fiat reciproce. Reliqui autem nisi inter vivos, atque irrevocabiliter donare non possunt, neque res soli, neque bonorum universitas Testamentis, fideicommissis vel legatis transferuntur. Non itaque hic atteruntur subditorum bona litibus de Testamentorum internis vel externis vitiis, vel suorum hæredum de inofficioso Testamento; ac præteritorum liberorum non emancipatorum querelis; unde passim alibi patronis forensibus est opima messis. Ex conventionibus antenuptialibus haud secus, quam ab intestato, successiones bonorum transferuntur: legem ibi semel dictam is de cujus actum fuit successione, solus mutare nequit. Mulieres sine authore non habent in judicio standi personam. Ius dicitur secundum mores atque Edicta, quæ Principes, ex subditorum in qua præfectura desiderio ac consensu, per formulam contractus promulgare solent.

Indoles.

Gens Gelrorum tum ab indole, tum Principum suorum continuis fere bellis exercitata, apertissima est ad militiam, unde superioribus seculis equitatus imprimis Gelricus magna apud externos ubique fama fuit. Quæ majorum gloria non tantum in posteris non extincta, sed potius aucta videtur. Licet enim Carolus V, Imperator, Principatum nuper adeptum in familia sua firmaturus, eorum bellica ministeria insuper habuit, ne armis assueti assidue novis rebus studerent: tamen postquam arma cum ceteris Provinciis pro libertate conjunxerunt, nihil de veteri virtute bellica remisere: insuperque humanitatis atque literarum studia summa industria conjunxerunt. Nobilitas copiosa & majorum imaginibus illustris, verum opibus minus polens, ob frequentiam. Plebs industria satis & comis, moribus ad Germanos nonnihil accedentibus, utpote à veteribus Sicambris orta.

S E R I E S

COMITVM & DVCV M

GELDRIÆ & ZVTPHANIÆ.

Comites.

OTTO Comes Nassavius anno 1079 ab Henrico IV Imperatore, Francofurti ad Moenum Comitibus Gelriæ ac Zutphanæ titulum & investituram obtinuit, ducta primùm Adelheida, filia atque unica hærede Wichardi Comitibus à Ponte, postremi Gelriæ tutoris, deinde Sophia filia Wichmanni Comitibus Zutphanæ. Obiit anno 1107.

Gerardus Ottonis filius duxit in uxorem Hedwigin, sive Hadewinim, Florentii II, Comitibus Hollandiæ filiam, obiit anno 1131.

Henricus Gerhardi filius duxit in uxorem Seinaram, Godefridi III, Brabantæ Ducis filiam, quæ illi dotis nomine Velaviam attulit. obiit anno 1162.

Gerardus II, Henrici filius, obiit sine liberis anno 1180.

Otto II, Gerardi frater, duxit in uxorem Ri-

chardam Comitibus Iuliacensis filiam, obiit anno 1202.

Gerardus III, Ottonis fil. duxit in uxorem Philippam Comitibus Fani S. Pauli fil. obiit anno 1271.

Otto III, *Claudus* dictus, Arenacum, Ruræmondam, Harderwicum, Bommeliæ & Wagingam primus muris cinxit. Neomagum, maximamque Bataviæ partem à Gulielmo Hollandiæ Comite coemptam Gelriæ junxit. obiit anno 1271.

Reinoldus Ottonis fil. dictus *Bellicosus*, obiit in carcere à filio suo captus, anno 1325.

Reinoldus II, Reinoldi fil. primus Ducis titulum à Ludovico Bavaro Imper. accepit in Comitibus Francofurtensibus anno 1339.

Reinoldus III, Reinoldi prioris filius. hic cum annos 14 imperasset, dissidium ac detestabile bellum inter ipsum & fratrem Eduardum natum minorem est exortum, in quo Eduardus superior evasit, fratremque post varia prælia cepit, victumque in carcere annos decem detinuit. Eduardo sine liberis extincto, non tamen civilis discordia sopita est, partibus diversis Margaretam & Mariam defuncti sorores acerrime foventibus. Margareta improlis decessit: Reinoldus etiam obiit sine liberis anno 1371.

Gulielmus, Mariæ, quæ Gulielmo IV, Comiti Iuliacensi, nupserat, filius, duxit in uxorem Catharinam, Alberti Bavariæ Ducis & Hollandiæ Comitibus filiam, obiit sine liberis anno 1402.

Reinoldus IV, Gulielmi frater, Dux Iuliacensis & Gelriæ, obiit anno 1423.

Arnoldus Egmondanus, Mariæ, è filia Maria, quæ Ioanni Dynastæ Egmondano nupserat, nepos. Hic filio, ut successione indigno, excluso, Carolo Burgundiæ Duci Ducatum suum cessit, cessionem approbante Frederico Imperatore, anno 1473, obiit anno 1474.

Adolphus, Arnoldi filius, detruso in carcerem patre, Principatum invasit. Periit in bello anno 1473.

Carolus Burgundus, hoc titulo, atque armis Gelriæ possessionem consecutus, eam tenuit ad annum 1476, quo ad Nancejum quinto Ianuarii occubuit.

Maria Caroli filia, Maximiliani Austriaci uxor, Ducatum à Gelris, ab ipsa statim deficientibus, vix obtinuit: nam Adolpho cæso, Gelri Catharinæ illius sorori administrationem Ducatus tradiderunt: quæ prudenter aliquot annis illum administravit; donec Carolus adolefceret.

Carolus Egmondanus, Adolphi fil. Arnoldi nepos, ab Ordinibus Gelriæ è Gallia evocatus, Gelriæ Dux & Zutphanæ Comes inauguratus. obiit sine liberis anno 1539.

Gulielmus Dux Iuliaci, Cliviæ & Bergensis, ex Ioanne Duce Cliviæ & Maria Wilhelmi Ducis Iuliacensis filia natus, ab Ordinibus Gelriæ vivo adhuc Carolo Egmondano ascitus atque inauguratus, cessit Carolo V, anno 1543.

Carolus V, Imperator, & ipso resignante anno 1555,

Philippus II, Hispaniarum rex. Sub quo Gelria ceteris provinciis Fœderatis anno 1580 sese adiunxit. Demùm à Philippo IV, pace iacta, libera sui iuris agnita.

G E L.

GELRIÆ TETRARCHIA NEOMAGENSIS.



Fines.

Diviso.

Regnum
Neomagen-
se.Præfectura
Bataviae su-
perioris.Præf. Ba-
tav: Infe-
rioris.Mosivaha-
lia.Insula Ti-
lensis.

Etrarchia Neomagen-
sis partim in Gallico,
partim in Germaniæ
solo sita, ad Orientem
Cliviæ Ducatu termi-
natur, ad Septentrio-
nes à Rheno fluvio à
Velavia separatur, ad
Meridiem Mosa eam
à Brabantia dividit;
sed Occidentem versus late protensa Vltra-
jectense dominium & Hollandiam attingit. Divi-
ditur in Regnum Neomagensè, vulgo *Rijk van*
Nymegen, & quatuor Præfecturas, Bataviam Supe-
riorem & Inferiorem, Mosivahalia vulgo *Maes*
en Wael, Tilensem & Bommelensem Insulas, una
cum Beesda & Renoy.

Regnum Neomagensè regitur à suo Burggra-
vio & Iudice, terminatur vero ad Septentrionem
Vahali fluvio & Scabinatu Neomagensi; ad
Orientem Clivia, ad Meridiem Mosivahalia. Com-
plectitur pagos & Præaturas, Groesbeeck, Maurick,
Hoemen, Malden, Ewijck, Wichem, arce spectabili &
elegantem conspicuum, Boeningen, aliosque.

Præfectura Bataviæ superioris omne id com-
prehendit, quod Schenkianam arcem & Novum
aggerem interjacet; pagos habet, Herwen, Aert,
Dorenborg, Angeren, ubi cerasorum optimorum in-
gens crescit copia; Bemmel, Reessen, Doornick, Leut,
Elst, qui Ecclesiam habet pulcherrima turri, &
Canonicorum Capitulo conspicuam, & in qua
S. Willebrordus ejus conditor, una cum S. Were-
frido sepultus quiescit; Elden, Oosterholt, Valburgh,
Hervelt, Andelst, Setten, Randwijck, Driel, Hetteren;
& in ipso insulæ principio, ubi Rhenus sese in
duo extendit brachia, Arcem Schenkianam, na-
tura & opere totius Belgicæ munitissimam, à
Martino Schenkio anno 1580 inchoatam, & ab
Ordinibus Fœderatis dein mirum in modum mun-
nitam; quam Fœderatæ Belgicæ clavem & prop-
ugnaculum appellaris.

Præfectura Bataviæ inferioris sese à novo ag-
gere usque ad Tilensem Insulam & Comitatum
Burensem extendit; sub ea sunt Pagi & parochiæ
sequentes: Doywaert, parochiarum hujus tractus
antiquissima: Isendoorn, toparchia Vyghiorum,
Kesteren olim Castra Herculis, Echtelt, Maurick, Rijs-
wijck, Soelen, Ochten, Avefaet, Lyenden, Ingen & Ra-
veswaey.

Mosivahalia proprie sic dicta continet quid-
quid inter Regnum Neomagensè & Insulam
Voorn dictam jacet: in ea visuntur pagi Drumel,
Wamel, Alfen, Leeuwen, Maesbommel, Puffelick, Druy-
ten, Aefferden, Burgharen & Asselt superior & infe-
rior.

In Tilensi insula sunt pagi; Hemert, Varick, Opy-
nen, Hesel, Nerynen, Meteren, Est, Thuyt, Haesten,
Herswynen, Veuren, Geldermalsen, Deyl, Gellekom, Rue-
men & Wadenoyen.

In Bommelensi Insula sunt Heel, olim officina *Insula Bom-*
monetaria conspicuus pagus; Zuylichem, Constan-
tini Huygenii viri Clarissimi Toparchia; Aelst,
Nyewael, Gameren, Delwijnen, Kerckwijck, Bruykom,
Dryel, Rossem, & Herwaerden.

Præfecturam Beesdensè, & Renoyæ consti-
tuunt cognomines pagi: extenduntur vero ultra
Lingam versus Comitatus Burensem & Culen-
burgensem: in hisce præfecturis est Abbatia
olim celebratissima Mariæ Werda, sed nunc col-
lapsa, & à belli injuriis in ruinas redacta.

Præter hosce pagos in Tetrarchia Neomagen-
si plurimæ sunt dynastie alta justitia prædita,
nec non Nobilium arces, quarum præcipuæ hæ
sunt: Persingen, Vbbergen, Groesbeeck, Doddendaël, Ba-
tenburgh, Horssum, Luyt, Oyen, Diden, Balgoy, Gent,
Hemert, Bylant, Millingen, Pannerden, Meynerswijck,
Rossem, Linden, Oudeweert, Mors, Wolfsweerd, Iuder-
mitte, Dalem, Pouderoye, Neder Hemert, Ameroy, Aelst,
& Hedel, &c.

Neomagum, prima totius Geldriæ Civitas, &
hujus Tetrarchiæ metropolis, Vahalæ ripæ ad-
situm, urbs hodieque amœna est, opibus & po-
pulo adfluens. Intus habet Heforum montem,
Heselerbergh vulgo. Est & Hefi sive Hesi ejusdem por-
ta, de Heesen-poort dicta, ubi ea inscriptio, *Hucusque*
ius Stavriæ; & altera, *Hic pes Romani Imperii*, omnibus
conspicienda patet. Est & area extra mœnia, quæ
vulgo *den Roomschen voet*, *pes Romanus* indigitatur.
Cujusmodi, aliaque, indicia omnia indubitata sunt,
Romanos assidua hic olim stativa hibernaque ha-
buisse. Quæ autem oppidum Clivensem spectat di-
tionem quæ est contermina, in arduum collem
assurgit: cui arx imposita antiqui operis, ex qua
jucundissimus in urbem subjectam amnemque
præterlabentem ac loca vicina despectus patet.
Est præterea amplitudine sua ædiumque magnifi-
centia, tum mercatu, præ cæteris Gelriæ urbibus
celebris, inque annos singulos fortunam publice
privatimque adaugens; & variis validisque cir-
cumquaque munitionibus adversus hostium in-
sultus cincta, tum & annis superioribus commo-
dissimam nacta navium stationem: præterquam
quod anno millesimo sexcentesimo octavo, à Va-
hali fluente, qua in urbem trajectus est, Arenam
versus ad Rhenum prope usque Arenaci
mœnia præterfluentem, per vicos superioris Ba-
taviæ Lente, Elst & Elden, urbis utriusque impen-
diis fossa sit ducta, cataractis eum in modum in-
structa, ut per eam naves & cymbæ commeare,
oneraque & sarcinas graviores ultro citroque
transportare quam commodissime queant. De
quo eodem opere, aut simili hic fossa ducenda,
agitatur etiam olim tempore Imperatoris Hen-
rici VII, & ejus de eo rescriptum haberi com-
perior. Est extra oppidum lucus, olim *Nemus*
Imperiale seu Neomagensè, cujus non semel in Histo-
ria mentio occurrit: Id densis arbutis frutici-
busque,

busque oblitum, per Gelriæ exinde Cliviæque Duces excisum, fere nunc ubique pervium est. In eo lignandi pecoraque, ac suum præsertim greges, ad pastum emittendi præcipuum penes Neomagenes jus fuisse, ex codicillis ea de re antiquitus confectis, inque castro Hoemenfi, ut testatur Berchemius, servatis, intelligere est.

Antiquissima ejus mentio in Tabula exstat Itineraria, quam Peutingerianam vocant: Eam namque Tabulam ad tempora Constantini, qui annum circiter Christi trecentesium imperio Romano præfuit, referendam alii commonstrant. Quamvis interea etiam Tacito notum & indicatum sub vocabulo *Oppidi Batavorum* fuerit. Sequentibus seculis Francorum Regum, & ipsius Caroli Magni Imperatoris, hic palatium stetit, qui eum Imperatorem tria ait regnis suis primaria palatia constituisse, *Noviomagum, Aquisgranum & Divodurum* sive *Theodonis villam, Dietsen* vulgo. Fredericum quoque Barbarossam circa annum 1155 arcis, quæ vulgo *Valckenhoff* dicitur, cum *Vahalenhoff* potius, à flumine cui imminet, fortasse dicenda, quæque varie à Normannis Danisque fuerat divastata, reparatorem egisse, ingens saxum, quod è sepulchreto Divi Stephani ante annos complures erutum, loqui videtur; Ita enim habet:

*Anno milleno postquam salus est data seculo
Centeno juncto, quinquageno quoque quinto
Cæsar in urbe situs, Fredericus pacis amicus
Lapsus, confractus, vetus in nihil ante redactus,
Arte, nitore pari, reparavit opus Novemagi:
Iulius in primo tamen extitit ejus origo,
Impar pacifico reparatori Frederico.*

Postea in tantum crevit, ut jure totius Gelriæ prima sit habita. Quod ad ecclesiastica, agnovisse olim non quidem Trajectensem, sed Colonensem præfulem, indicare videntur vetustiora hac super re monumenta.

Insignis est cathedralis Ecclesiæ, quæ protomartyri Stephano sacra est, chorus, ut vocant, sepultura illustri Catharinæ Borboniæ, quæ conjux fuit Adolphi Egmondani, Gelriæ Ducis VII, mater Caroli I, Ducis VIII. Haud procul inde eodem in choro adjacet Georgius Schenckius, sine tamen mausolei honore, virtuti ejus ac factis egregiis bello superiori haud immerito debiti. Templum ipsum eminet præcipue capacitate, altitudine, structuræ elegantia atque arte, tum & columnarum ordine ac symmetria. Ei proxime est adstita urbis schola, quæ haud minori quam templum opere atque artificio elaborata, statuis aliisque ornamentis exterius conspicua est. Est & Curia nobili & polito opere, habetque in frontispicio Imperatorum quorundam statuas; eorum præcipue, quorum largitione & beneficentia crevit Respublica. Sunt & alia templa, ædesque tum sacræ tum prophanæ, magnæ molis magnique artificii. Vrbs ipsa jus semper habuit, & hodie etiamnum retinet, cudendæ monetæ.

Ingenia olim incolarum tractandis armis bellicisque gerendis supra modum dedita, postmodum etiam distrahendis mercimoniis se tradidere: & artes denique ingenuas cœperunt colere. Flagrantissima ipsorum in Principes, Egmondæ Belgica Federata.

no sanguine ortos, fuisse studia, innumeræ calamitates cladesque, quibus diversis temporibus sunt mactati, indicio fuerint. Singulæ enim domus singula fere capita, dum jus eorundem Principum pro virili adserere conantur, amiserunt.

A Neomago *Tiela* quatuor circiter miliaribus *Tiela.* distans, oppidum est in dextra Vahalis ripa situm, facie oblonga Vahalique prætextum: habens suburbium in boream obversum, *Sandvici* vocabulo, quod propugnaculi vicem præstat, opere & natura longe munitissimum. Hoc olim arcta obsidione ab exercitu Cæsareo Caroli ejus nominis V, circumdatum, inanes ejus conatus facile contempsit, & pericula exivit, non sine honoratæ militiæ exemplo gloriaque, ut fusc docet historia. Et exhibet hodieque ejus rei egregium documentum inscriptio, quæ legitur apposita frontispicio portæ Burenfis, cujus hiversus sunt:

*Aspice qui transis hanc portam, mœnia, turres,
Tormentis, jaculis quam lacerata feris?
Fortius exurgam Batavorum gentis asylum,
Pro quibus ut vici, prælia dura mihi.*

Vrbs ipsa intra mœnium complexum id tantum incommodi experitur, quod plateæ nomen haud servantes ob angustias & crebra diverticula civitatem minus perflabilem, & morbis idcirco ab aëris contagio venientibus obnoxiam faciant; Est hoc oppidum multorum opinione antiquius, utpote cujus meminit Gemblacensis circa annum à Christo nato ccccl, sed in melioris notæ codicibus; Vulgaria enim exemplaria perperam *Tiela* præferunt. Dignitatem & decus satis loquitur, quod ex sententia quorundam caput olim ac metropolis fuerit Comitatus Testerbantiæ. Res gestæ oppidanorum præcipue illustres sunt ex commemoratione eorum quæ contigerunt circa annum cto ccc lxxxi & sequentes; quibus temporibus maximum semper momentum attulisse memorantur ad victoriam iis, in quorum tum fide atque obsequio agebant. Et est præcipue memorabilis, quam tentasse, sed frustra, Imperatorem Carolum jam diximus, arctissima obsidio. Natus hic Tilamque exornat Iohannes Posselius, Theologiæ apud Colonenses olim Doctor, & cujus diligentia ac beneficio debetur Tomus IV. operum divi Augustini.

Hac felicior *Bomelia*, quæ ut non multo majore *Bomelia.* quam *Tiela* spatio circumscripta est, ita, ob decentem platearum cum ordinem tum amplitudinem, cælum liberius puriusque admittit. Hæc insulæ, cui nomen dedit, caput est. Reperioque in antiquis codicillis vulgo & populariter olim *Saltbommel*, sive *Salinarum Bomelium* vocitam, idque ad differentiam *Bomeliæ*, quæ in vicino est, *Maesbommel* dictæ. Situm habet ob Vahalis præsertim fluentum, quod urbem læva alluit, commodissimum. Tum & munitiones ac propugnacula, quibus per ambitum circumcingitur, eam quodammodo inexpugnabilem efficiunt. Primos tamen urbi muros ac privilegia dedit Otho Nassavius in Ordine Comitum Gelriæ septimus, circa annum cto cccxxix. Reliqua belli hujus tempore adversus vim vicini hostis, illi perpetuo imminentis, adjecta sunt. Quibus accedunt & alia duo validissima propugnacula haud



Muni-
cium S. m-
andree.

Vorenium.

urbe procul in eadem insula: Quorum illud *Sant-Andreanum* vocant, exstructum ab Andrea Austrio Cardinale, Mosaque ac Vahali cinctum: hoc ab insula Vorensi *Vorenium*, vel ab ipso conditore Principe Mauritio Nassovio *Nassovicum* dicitur, situm inter insulam Tielensem Bomeliamque, & territorium Mosa-Vahalium, Mosâ similiter Vahalique circumdatum. *Santandreeanum*, quod hosti ereptum aliquot jam annis Ordinum Fœderatorum imperio subjacet, in agro Rossemio est collocatum, ubi & fanum hodieque visitur superbo sepulchro *Martinii Rossemii*, nobilissimi exercituum ductoris, quem ut Achillem Gelricum, aut alterum Hannibalem sua ætas extimuit, celebre. Intra urbem templum est operis vetustate lucisque infusæ copia admodum insigne, sibique per omnia simile ac uniforme, utpote quod ab uno eodemque architecto, eodemque tempore, nulla propemodum operis parte interrupta, & cœptum & absolutum fuit. Arcem, quæ plerumque urbibus specie servitutis imponitur, anno 1537 oppidani à fundamentis dirutam subverterunt; quorum jam olim etiam virtus & hisce quoque in bellis spectata celebrataque habetur.

Ager urbi aditus in planitiem sternitur, qui ubi aratris excolitur, segetem lætissimam producit; ubi vero est pascuus, maximum ex eo rei pecuariæ quæstum cives faciunt. Ei primum in hanc lucem ortum debet, præter Henricum Bomelium, qui de bello Trajectensium cum Gelris vicinisque populis historiam contexuit, etiam Elbertus Leoninus, Gelriæ quondam Cancellarius. Cujus Consilia, aliæque in publicum editæ lucubrationes, ut hodie adhuc omnibus, qui Juris studia sequuntur, usui sunt; ita ipse dum viveret, & ad clavum reipublicæ federet, singulari prudentia ac moderatione præditus, veteres illos Juris Interpretes Papinianum aut Trebonianum in memoriam sui ævi exemplo suo revocavit.

Comitatus
Burenfis.

Cæterum cum in Geldrico solo, & quidem

Neomagensi in Tetrarchia siti sint Burenfis & Culenburgeris Comitatus, piaculum fuerit eos hic præterire. Est itaque Bura oppidum Tila, Batavoduro & Culenburgo pari fere unius leucæ intervallo dissitum, arce egregia & sat munita, in qua Adolphus Gelrus patrem Arnoldum captivum detinuit, spectabile; & Comitatus titulo, & dignitate insigne, ad Principes Auriacos successionis jure devolutum. Complectitur præterea Comitatus hicce præter oppidum pagos aliquot, quorum præcipuus *Boesichem*, nundinis equorum & arce, domicilio Dominorum Culenburgeris olim insignis, qui matrimonii jure in Burenfium Dominorum possessionem transiit. Cæteri sunt *Tricht*, *Buyren-Malgen*, *Sermond* & *Ast*. In Comitatum vero erectum est hoc Dominium à Maximiliano Cæsare anno 1491, in gratiam Frederici Yselsteini Burenfium Domini; hujus è filio Florentio natus est Maximilianus, cujus filiam Annam Egmondanæ domum ducens Guilielmus Nassavius, Princeps Auriacus, Comitatum Burensem simul in familiam Illustrissimam Nassavio-Auriam intulit.

Cuylenburgum oppidum, & cognominis Comitatus caput, ad Leckam situm est, pari fere Bommelia, Viana, Batavoduro & Bura intervallo, arce eximia, Comitum domicilio & sede, superbiens, Comitatus titulum adeptum est à Carolo V, Imperatore, in favorem domini sui Florentii Pallantii. Ei successit Filius Florentius II. quo sine liberis mortuo, Comitatum adeptus est Philippus Theodorus, Comes Waldecie & Piermontii ejus cognatus, cujus filius Walramus Comitum tertius hodie Comitatum possidet. Inter varia vero oppidi privilegia & immunitates, jus asyli, quod in eo quivis criminum alibi commissorum rei adipiscuntur, non minimum est; præter oppidum vero, Comitatus quatuor alios pagos complectitur, qui sunt, *Suyrding*, *Sydervelt*, *Goberding* & *Reddishem*.

Comitatus
Culenburgeris.

9

ZUTPHANIA

COMITATUS,

SIVE

GELDRIÆ TETRARCHIA

ZUTPHANIENSIS.



Termini.

Nomen.

*Zutphania
Vrb.*

Templum.

*Collegium
Canonicorum.*

Tertio ordine est Zutphaniensis Tetrarchia & Comitatus, per matrimonium Ottonis Nassavii Gelriæ conjunctus, cujus non solum membrum censetur, sed etiam inter septendecim Belgicæ peculiarium Provinciarum con-stituit. Habet ab Ortus Westphaliæ fines, ab Aquilone Trans-Isalaniam, à meridie Cliviam; qua in occidentem vergit à Velavia separatur flumine ac fossa Drusi. Nomen habere à pascuis declivioribus, quæ *venen* nostratibus vocantur, & *Zudt*, quod austrum notat, quasi locum dicas ad pascua & paludes australiores positum, nullum sit dubium; præsertim cum boream versus urbi adjacere Latifundium constet, quod *Noortveen* hodieque vocant. Quam autem fallantur, qui ad *Vsipetes* nominis originationem referendam putarunt, hinc liquet: Et Pontus quoque Heuterus, qui *Suet-veen* dictum comminiscitur, quasi *dulce pascuum*, cum id refellat manifestum alterum illud, de quo jam indicatum, latifundium versus Aquilonem *Noort-veen* dictum. Vrbis ipsa populosa est, dives, nec situ minus quam arte munitissima. Eam Berkela fluviolus transit, seque in Isalam exonerat. Qua urbem interluit, mediam veluti secat, ac pontibus vicissim duobus jungit; unde hæc pars hodieque adhuc nova, illa vetus civitas appellatur. Versat & idem amnis molendina aliquot intra oppidi complexum. Abest Arnhemio quatuor, Drusiburgo uno & semi, Neomago sex miliaribus. Ecclesia summa *D. Walpurgi* sacra est, elegans, sumptuosa, pervetustæ structuræ & artificii. Turrim habuit altissimam, quæ bis de cælo fulmine tacta conflagravit, indicantibus id, atque annum 1446 & 1600 præferentibus, quæ turris ejusdem foribus superadditæ utrimque sunt, inscriptionibus. Templum hoc Canonicorum collegio nobile est & Præpositura, cujus ea olim dignitas fuit, ut eam subinde Comites administrarent. Hoc collegium à quo & quando sit institutum, haud satis constat. Verisimile interim est auctorem ejus existisse Othonem Nassovium ejus nominis primum, Gelriæ ac Zutphaniæ Comitum. Vtpote cujus monumentum, ut & conjugis ipsius (quæ est fere omnium sententia) hodieque adhuc in medio templi duabus elevatio-


ribus tumbis ostenditur. Visitur præterea in eadem æde baptisterium ex ære fabrefactum; quod ob structuræ elegantiam suique amplitudinem, tum & materiæ præstantiam, oculos transeuntium tenet, cunctisque admirationi est. Ad partem templi orientalem Bibliotheca est publica, varietate librorum mediocriter instructa: cui auctarium quotidie accedit ex Senatus amplissimi liberalitate. Ei antiquitus Schola fuit vicina, quam exinde Senatus transtulit ad monasterium Prædicatorum, in medietate circiter urbis situm.

Inter alia præterea urbis ædificia reliquiæ habentur, seu rudera potius domus cujusdam Prætorii, quæ, ut existimatur, vetustissima Comitum Zutphaniæ sedes fuit. Unde & hodieque locus ille prope portam piscatoriam, *op des Gra-venhoff*, vulgo vocatur. Ab eodem haud procul alta quædam turris visitur, quæ portæ vicem aliquando obtinuisse putatur, in formam altissimæ pyramidis quadrilatera: Est ex coctis lateribus fabricata, populariter ab inhabitatore quondam ejus *Droogenaps-toorn* appellant, egegum adhuc urbis ornamentum: unde & longus ac liber in agros vicinos datur prospectus. Prope templum, de quo supra dictum, Curia spectatur ampli ac magnifici operis. Cui contiguum est Collegium Deputatorum totius Comitatus. Nec omittenda Prætoria domus Generosi Comitis Bronckhorstii, annos ante plures in usum ejus familiæ exædificata. Est & ænopolium vetusti operis speciem præferens.

Quod ad reipublicæ administrationem attinet, ea præcipue aristocratica est. Celebraturque per Consules & Scabinos *xii* numero: Qui pro veteri more ac jure sine alterius alicujus superioris voto sibi quotannis in festo Petri ad cathedram collegas unanimi omnium suffragio designant; novos adsciscunt, aut in locum demortuorum pro re nata alios substituunt. Dignitas hæc perpetua illis est, nisi quis eam ultro abdicare velit, aut ob enorme aliquod crimen à Collegis removeatur. Omnes hi jus simul dicunt; causas autem forenses secundum statuta ac jus consuetudinarium dijudicant, nec ab illorum sententia de re judicata ad alia fora fit appellatio. Iuxta idem hoc jus consuetudinarium Zutphaniense, præter urbes ejusdem hujus Comitatus, quas minores vocant, etiam aliæ extra Comitatum, in Velavia & Clivia sitæ, civibus suis jus dicunt.

D

Quod



Notarum Explicatio

- Steden Oppida
- Forten. Fortificatio
- Dorpen. Pagi
- Edelhuyzen. Nobilium aedes
- Clousters. Monasteria
- Buertschappen. Vice
- Watermolens. Molendina
- Wintmolens

1. Aere itineris.
Scala van een Vre guens.



Quod si autem graviores lites & controversiæ juridicæ incident, quibus se illæ extricare nequeant, eas ad hanc rempublicam tanquam ad aulam quandam communem, solennibus ceremoniis interpositis, deferunt (*ter hofart* vocant) discutiendas: Quas magistratus tum ex suo jure municipali dijudicat, & judicatas, pro auctoritate judiciali in perpetuum ratas remittit. Tantæ celebritatis fuisse antiquitus hoc dicasterium reperio, ut etiam ex oris remotissimis hinc expetita consultationes fuerint. Habet item urbs inter alia privilegia vetera unum de non evocando ad curias externas, ab Arnolde Egmondano Gelriæ Duce primo concessum, & ab aliis deinceps confirmatum. Hoc privilegio gaudet, quoties de gravioribus negotiis Comitatum concernentibus, quæstio est: Tum enim Magistratus Comitum, Baronum, Nobilium conventum indicit; Deputatos ex minoribus oppidis convocat, & literis datis, ut se ad certum hic diem fiant, invitat. In hoc conventu Iudices pro tempore præfident, actionemque moderantur proponendo vota que colligendo, quæ omnia à Civitatis Secretario excipiuntur, & in Chartophylacio custodiuntur. Alias privilegium, cujus in historia fit mentio, de non evocando Spiram, ab Imperatore Henrico II indultum, non tantum Comitatum & urbem Zutphaniam, sed Gelriam universam respicit. Controversiæ hæc quoque feudales juxta jus feudale Zutphanienſe, non minus quam lex Salica, apud externas etiam gentes celebre, dijudicantur, sub dio & in loco ad id designato sub quercu juxta rudera veteris domus prætoriæ, cujus superius injecta mentio. Inque rei hujus perpetuam memoriam adſervatur adhuc sella, cui solet insidere iudex jus dicturus. Habet insuper oppidum jus cudendi monetam, cujus testimonium præbent nummi Zutphanienſes, qui multorum adhuc manibus teruntur, ut & depensum illud annuum, quod quotannis, pro cessatione à cudenda moneta, ab Ordinibus Generalibus solvitur, & in publicas Provinciarum rationes, relatum habetur. Fines ac jurisdictio urbis se etiam ultra Ifalam versus Velaviam protendunt. Pertinetque huc, qui est ultra Ifalam veterem & Emporæ pontem, proximus districtus.

Antiquitas.

Antiquitatem ejus ex eo æstimare est, quod ab ipsa Comitatus totus nominetur, ac eum titulum ac dignitatem obtinuerit, cum Gelriæ Ducatus præfecturæ adhuc titulo insigniretur. Refert Berchemius, antiquissimis & ante conditam Zutphaniam ipsam collegiumque Zutphanienſe temporibus, appellatos Zutphaniam principes Comites de Zelhem, verbis quæ ita habent: *Pristinis temporibus Comites Zutphanienſes ante adificationem civitatis & collegij Zutphanienſis Comites de Zelhem dicebantur; de quorum genere quidam dictus Baldericus Comes instituit castrum Zelhem inter Niel & Meer Duffliæ: de cujus prosapia certos Comites de Zelhem, videlicet Theodoricum Comitem ejusque fratres Alardum & Gerhardum, cum eorum posteritate sexus utriusque, cui-dam antiquissimo Missali ecclesiæ de Meer in eorum memoriam vidi inscriptos. Dictus vero Comes Baldericus, Comes de Zelhem, tandem dejecto dicto suo castro de Zelhem, cum ipsius lapidibus erexit monasterium mona-*

chorum Ordinis Sancti Benedicti, nunc vero Canoniorum secularium, Zeslicenſis, quod amplissimis fundavit & donavit redditibus. Sicque Duffliæ cum Zeslicâ ditione Comitatus Zutphanienſis fuisse videntur: licet nunc Duffliæ ad Gelriæ, & Zeslica ad Cliviam accesserint Principatus.

Loca in Zutphanienſi Comitatu sita non minus naturæ aut genii sunt: alia enim Baroniæ audiunt, aliæ civitates, quædam Præfecturæ habentur, nonnulla æstimantur dominia. Inter Baroniæ prima est Bronckhorstia, ac primum in tertia hac Gelriæ Tetrarchia occupat locum, Comitatus titulo insignis, quamvis in Comitibus Baro tantum ejus appelletur Dominus, sita est ad dextram Ifalæ ripam, unico Zutphaniam milliari distans. Possidetur hodie ab Othone Comite Limburgensi, Domino in Styrum.

Loca.

Baroniæ.

Alteras sibi partes vindicat Baronia Bergensis, quæ itidem Comitatus titulo insignis; non contemnendum terræ tractum continet: primaria Comitatus est *s'Herenbergæ*, Civitas Deutecomio distans sesqui milliari in loco admodum amœno, montibus, pratis, & sylva undique cincto sita, arcem habet spectandam, Comitum suorum sedem & domicilium; præterea pagos & baptisteria, vulgo *Kerspelen*, complectitur, *Gendringen, Esten, Zedden, Netterden Diddam, Westervoort, & Dieren*. Comites Bergenses illustri prosapia oriundi (ex Henrico enim Ottonis Naslavii primi Gelriæ & Zutphaniam Comitatus filio secundo genito, Domino Bergensi, & nobilissima Leckiorum Dynastarum Bredanorum familia descendunt) in Historiis Belgicis sæpius memorantur, præsertim Guilielmus, ejusque filii Hermannus & Fredericus, ambo aurei velleris Equites, hic, Frisiæ, Artesiæ, Flandriæ, post Geldriæ, nomine regio, Gubernator, qui in nuperis bellis civilibus egregiam & fidelem Regi Hispaniarum præstarunt opem. Henricus eorum frater & in Comitatu successor, Hispanici exercitus non semel Dux, in Ordinum Foederatorum post partes transiit. Hodie possidetur Comitatus ab Alberto Comite Bergensi, Marchione Bergæ ad Zomam &c.

Tertius locus debetur Baroniæ Barenſi, *van Baer en Lathem*, quæ in amœnis pratis & pascuis ad initium Ifalæ sita est, possidetur hodie à Domino de Anholt.

Quarta est Baronia Wiſſenſis, in qua est Burgum, oppidum ad Ifalam veterem situm, portis fossisque præditum, sed moenibus carens; possidetur hæc Baronia conjunctim pro indiviso, ratione jurisdictionis à Comitibus Bergensi & Limburgensi, & complectitur præter dictum oppidum, baptisteria *Sillewold & Verſſeveld*. Baroniis succedunt civitates, quarum metropolis est *Zutphanium*, de quo jam memoravimus. Post Zutphaniam minores sunt *Doesburgum, Dorechomium, Lochemum, Grolla*. Bredevordia quamvis in Comitatu sita, non tamen ad Comitatus civitates, sed præfecturas refertur, ut inde patebit. His accenseri insuper solent, utpote ejusdem Comitatus districtu contentæ, quamvis, ut jam ostensum, dynastas suos seorsim agnoscentes; *Bronckhorstium, Burgum, & s'Heerenbergæ*. Minorum igitur civitatum *Doesburgum* contra dicitur pro *Drusiburgo*. Extitit enim conditor ejus *Drusus*, Augusti privignus, postquam opere militari

Civitates.

Minores Civitates.

Doesburgum.

litari
mine
nunc
Tac
clafis
Scher
meatu
fam
precat
placat
rum j
flumen
etian
Neq
adve
ut a
quæ
lept
ret,
lieba
Ger
deq
bis j
chem
de
qui
maj
adj
est.
rib
dep
qu
fue
la
per
pra
qu
pa
pig
mo
vu
Ha
ru

Duteco-
mum.

Lochemum.

Grolla.

Bredevor-
dia.

Præfectura.

litari ad duo circiter milliaria fossam de suo nomine *Drusianam* ex Rheno in *Isalam*, quæ vetus nunc dicitur, duxisset. Meminit ejus præclare Tacitus secundo *Annalium*, ubi inquit: *Iamque classis advenerat (ad principium agri Batavi, ubi nunc Schenkianum propugnaculum) cum præmissis commeatu, & distributis in legiones ac socios navibus, Fossam cui Drusianæ nomen, ingressus (Germanicus) precatusque Drusum patrem, ut se eadem ausum, libens placatusque exemplo ac memoria consiliorum atque operum juraret: lacus inde & Oceanum usque ad Amisiam flumen secunda navigatione pervehitur.* Ex quibus etiam fossæ ejus ducendæ causa adferri potest. Neque enim in id solum ducta Druso fuerit, ut adversus Germanos munimentum esset, sed etiam ut averteret vim & impetum aquarum novo aquæductu, tum præcipue ut classem ea via in septentrionalem Oceanum Amasumque deduceret, ad expeditionem, quam in Cheruscos moliebatur: Ejusque vestigiis insistens exinde filius Germanicus, eadem via Oceanum borealem, indeque Amisiam cum classe ingressus est, ut verbis jam ostensum Taciti. *Deutecomium* sive *Deutechemum* veteri *Isalæ* adsitum, primo statim lapide supra *Doesburgum* est collocatum. Muro quidem cingitur lateritio duplici, sed ad vim majorem invalido. *Lochemum* Berckelæ fluviolo adjacens, *Zutphanio* fere duobus milliariis abest. Ab eo vicissim *Grolla* duobus similiter milliariis remota, nomen habet à loci viriditate ac depreffione, quasi *Groenloo* dicas; nec enim aliter quam Gronlo in publicis instrumentis indigitari fœvit: populariter autem & per synæresin *Grol-la* dicitur. *Bredervordia*, ut loci situ, ita additis nuper propugnaculis, firmoque imposito præsidio prævalida est. Habet arcem atque oppidum, ad quæ non nisi duplici per paludem aditu accessus patet. Dominum agnoscit Principem *Nassovium* pignoratitium, vulgo *Pandt-Heer* dicimus.

Præfectura. Post civitates *Præfecturas* posui: inter quas primo censenda loco, quæ ipsius est Comitatus, vulgo *het Landt-Drostampt des Graefschaps Zutphen*. Hæc *Præfectura* in duo dividitur tribunalia; quorum unum *Dotinchemi* sedem habet, alterum

Dusburgi. Tribunali quidem *Dotinchemenfi* subsunt baptisteria, vulgo *Kerspelen*, ut sunt *Ruerloe*, *Hengel*, *Zelhem*, *Hummel*, *Deutechem*: *Dusburgico* vero parat illud, quod vernaculè *Steenre*. Ab hac secundum locum tenet præfectura *Zutphanienfis*, *het Scholtampt van Zutphen*: Ei subjacent *Warnsfelt*, *Wichmont*, *Vorden*, *Almen*, *Gorssel*. Tertia præfectura est *Bredervordia*, *het Drostampt van Bredervoort*. Hæc subdividitur in munimentum, quod vulgo *het Vest van Bredervoort*; & pagos, quorum nomina *Wenterfwyck*, *Alten*, *Dinxperloe*. Quarta est præfectura *Doesburgensis*, *het Richterampt van Doesburgh*: cujus jurisdictionem agnoscunt *Angerlo*, *Drempt* & *Keppel*. Quamvis alii dominio hoc esse exemptum, ac proprium habere dynastam volunt. Quintum & postremum obtinet locum *Præfectura Lochemiensis*, *het Scholt-ampt van Lochem*, cui circulus subest, quem *Wervoldium* vocant, *den kringh van Werwolde*.

Iam quæ ultimo loco dixi *Dominia*, sunt *Borke-lo*, *Anholtium* & *Wissenfe*. Quorum *Anholtium* vult esse feudum Imperii, neque alium præter Cæsarem agnoscere superiorem: *Gelri* contra asseverant. *Dominium Wissenfe*, vulgo *de Hoogheyt Wijch*, pro indiviso ratione jurisdictionis duobus parens Dominis, scilicet Comitibus *Bergensibus* & *Limburgensibus*, à Præfectis vel Prætoribus duobus gubernatur: qui vulgo *Drossaerts*. Ius illi dicunt tribus baptisteriis (*Karspelen* vulgo) *ter Borcht*, *Silvelt* & *Varsevelt*. Horum *Borcht* sive *Burgum* oppidulum seu potius municipium est, habens Magistratum & Scabinos. Satrapia denique *Bredervordana* in eodem hoc *Zutphanienfi* Comitatu, *Bredervorda* præcipue oppido clara est, utpote vallo & fossis adversus hostium insultum egregie hoc tempore communito. Hoc, ut dictum, non ad Comitatus civitates, sed præfecturas solum spectat. Olim quod ibi fuit monasterium *Nazareth* dictum, id primitus à fratribus cœnobii *Windeshemenfis* *Trans-Isalanæ* ditionis extrui est cœptum; cum ii scilicet Pontificis Romani interdicto, ob *Suederum Culenburgium*, Præsulem *Trajectensem* premerentur.

V E L A V I A

Constituens Geldriae Tetrarchiam

ARNHEMIENSEM.



Nomen.

Termini.

Qualitas.

Sylvæ.

Flumina.

Elavia, à socia Germaniarum tellure violenter per Drusi fossam avulsa, non minimam Geldriae constituit portionem, & quartam ordine Tetrarchiam: de nominis origine inter sese differunt, varieque sentiunt autores. Quidam

Bataviae vicinæ respectu, quæ optima & præstantia habet latifundia, Velaviam quasi *Vaelouwe*, quod lingua veteri agrum gilvum colore, & incultum significat, dici existimant; nonnulli quasi *Veelouwe*, ut multitudo quidem intelligeretur latifundiorum, sed Bataviae comparando minus præstantium. Tertiū à locis palustribus, quibus hinc inde abundat Velavia, quasi Venaviam dictam, augurati sunt. Contigit vero Velavia ad Orientem Zutphaniae Comitatum flumenque Isalam: qua Boreas spirat Trans-Isalaniam, à septentrione Austrinum mare sive Flevis lacum; ab occasu Vltrajectina est ditio & paludes Rhenenses. Magnam ejus partem Brabanto parentem in dotem acceptam Gelrici juris fecit Henricus Nassavius I, Geldriae Comes III, Sinaerdâ Gothofredi Lotharingia Ducis filiâ in uxorem ductâ. Gerhardus vero patris Henrici successor & filius Velaviam in feudum ab Henrico I, Duce Brabantia, quam idem Dux ab Episcopo Vltrajectenſi in feudum tenuit, hinc exorta bella; donec inter partes conventum sit anno 1196: Quod Episcopus de novo Velavia Comitatum à Cæsare, Lotharingus dein ab Episcopo, & Comes Geldriae à Lotharingo in feudum acciperet; in quo diplomate notandum Velaviam Comitatus titulo insigniri.

Cæterum, ut jam ante monuimus, ager Velaviae non adeo fertilis, & plerumque incultus: unde in veteri quodam Principis Arnoldi edicto dicitur *een Wilt en bijsster lant*, regio inculta, horrida; nisi ad ripas Rheni in Velaviae fimbria, & Isalæ fluvii nec non littora sinus Austrini: undique ericetis, sylvis & dumetis est confitus: in quibusdam etiam locis paludes habens; è quibus cespites foco instruendo idoneos eruunt incolæ. Sylvæ præcipuæ arbustis, quercubusque ac pagis prædensæ sunt, *Putter*, *Eedſſe*, *Gorteler*, *Speulder*, *Boerloesse*, *Coerder*, *Vcheler* & *Wekrommensis* sylvæ.

Flumina interna non habet, sed rivos potius exiguos, quorum Grifſta paulo supra Hattemum est, *Doreſaert* Daventriam inter & Zutphaniam infra Sinderam pagum Isalæ illabitur. Est & Grebba amniculus intra Wageningam & Rhenam Rheno influens, aliique. Hi omnes molas papyraceas, & cupri complurimas circumagi-

tant. Lacus seu potius stagnum in ipso Velaviae meditullio unum duntaxat est, haud late patens, quod vulgo *Vdlermeer* vocitant. In sylvis, Hardervico præsertim conterminis, lætissimus est vacciniorum (fructus est baccarum formâ inter eduliorum delicias haud postremus, quem Belgæ *Blauwe beesen* vocant) proventus, quorum adeo incredibilis copia Amstelædamum, perque totam Hollandiam devehitur, ut solum transportacionis nautum aureos subinde trecentos, aut quadringentos excedere naucleri affirmant; denique & pseudo-adamantes, quales habentur Gallici, Bohemici, prope Arnheimum sat magna reperiuntur copia. Urbes complectitur Velavia Arenacum, Hardervicum, Wageningam, Hattemum, & Elburgum.

Arnheimum sive Arenacum, Tetrarchia nomen dans, ejus est metropolis, & totius Ducatus Consilii primarii sedes. Oppidum copiosum, elegans, ac modis omnibus munitissimum. Ad portam Sabeliam moenia urbis alluit Rheni alveus: Qua vero Velaviam spectat, torrens ex collibus propinquis ortus, ac multis in locis suburbanis molendina circumagens, urbem sub extremum influit, molamque aquatilem intra urbem maxima civium commoditate ciens, in Rhenum sese exonerat. Portæ sunt quatuor, quas Carolus Dux è coctili lapide egregie communitas adversus vim externam veluti propugnacula constituit. Situm est medio inter Neomagus & Drusiburgum itinere, distans utrinque duobus circiter miliaribus. Versus Velaviam, & qua Vltrajectum itur, extra urbem collis attollitur, ex quo amœnissimus in proximos Bataviae agros despectus se aperit. Eadem quoque parte Boream versus Velaviae ejusdem colles colliculosque habet, silvis hinc inde atque ericetis confitos: in quibus magna cum voluptate varia ferarum genera venantibus passim occurrentia capi solent. Ad meridiem vero & Rhenum ultra offerunt sese, quos dixi, Bataviae campi, avenæ, hordei, tritici, fabarum pisorumque feracissimi. Antequam bellum, quod tot per annos nostra jam vidit ætas, ingrueret, Canonicorum collegium habuit, quod olim à Walgero, Teisterbantia principe, in urbe Tielæ erectum, huc, tanquam in locum tutiorem, anno Christi 1328 translatum memoratur. Fuit & Franciscanorum in parte urbis Australiori cenobium, in cujus delubro Caroli Ducis viscera & cor præsertim condita: Corpus ipsum in adyto interiori templi Cathedralis, quod opere magnifico exstructum, D. Eusebio est sacrum, ex marmore calato sepulchrum accepit, cui & Principis effigies adfabre elaborata est addita. Fuere & alia, ut Rhod-

Urbes.

Arnheim.

Portæ.

Situs.

Collegia ac monasteria.

Hardervicum.

Rhodiensium fratrum in Aquilonari regione, & ad solem orientem Virginum vestalium cœnobium. Inter Xenodochia, quæ duo sunt, tutissima egentium refugia, etiam Gerontotrophium est, annuis redditibus probe locupletatum, ubi cives tenuiores, & qui novercante fortuna ad inopiam redacti sunt, pia liberalitate sustentantur. Fuerunt & olim suburbana monasteria, excepto, de quo dictum, Rhedechemensi cœnobio, tria, locis amœnissimis collocata, & pari propemodum itineris intervallo ab urbe distita. Primi ordinis habetur, quod Augustino dedicatum, Mariendalium vocarunt. Hujus præ cæteris sodalitiis in egenos pietas celebratur. Alterum, cui *Monachusio* nomen, à Reinoldo II, Gelriæ Duce, ejusque conjuge Leonora, Anglorum regis filia, conditum, multis heroum ac Principum mausoleis celebre est habitum. Tertium Betania est dictum, ubi virginum Vestalium fuit sodalitiū. Hodie eorum omnium reliquiæ solummodo in muris & ruderibus conspiciuntur. Nec præteriri silentio debet, Osterbekam, qui humilis hodie ac urbi proximus est pagus, claram esse natalibus Imperatoris Henrici III. Ex intima vero vetustate hoc addendum, ista in urbe stativa habuisse olim legionem Romanorum decimam: quod autoritate Taciti constat. Quam eandem legionem, à cristatarum castris insignibus, Gallico vocabulo Alaudam dictam, facere fidem Cæsar potest; quanquam & Veterana & Germanica quoque postmodum est appellata. Eam universam idem Cæsar, quod disciplina cultuque Romano instituta præclare ornataque esset, civitate donavit. Labentibus inde seculis Philippus, Austriæ Dux Rexque Hispaniarum, gravi fatigatam obsidione suam in potestatem annum circiter Christi 1504 redegit. Verum Carolus Dux sexennio post, exulum sociorumque auxilio, superatis insigni stratagemate de nocte mœnibus, majore fortuna quam viribus Burgundionum ejecit præsidia, ac suo urbem subjecit imperio. In quo ad annum usque Christi millesimum quingentesimum trigesimum octavum constanter permansit, donec defuncto Principe multarum civitatum exemplum sequuta, in verba Guilielmi Cliviæ & Iuliaci Ducis juravit, ac tandem omnibus Gelriæ locis invicta atque insuperabili Caroli Cæsaris virtute ad obsequium reductis agnoscere postliminio, ac recipere Burgundos coacta fuit. Tum & Senatus ejusdem Cæsaris jussu circa annum 1543 institutus, qui hodieque Provincialium controversias ex æquo ac bono disceptat. Monetæ cudentæ jus duobus jam ante, & quod excurrit, seculis impetraverat urbi Reinaldus, ejus nominis Comitum primus. Et fuit exinde solennis inter negotiantes numeratio per aureos Arnhemicos, ut liquet vel ex historia, & actis præsertim ac Chronicis Frisiorum.

Ab Arnhemo proximum est Hardervicum maritima civitas ratione Austrini sinus, qui quotannis haud exiguum hic incrementum sumit. Nam ubi annis abhinc non multis, à parte præsertim urbis ortiva, virentia fuere pascua, nunc omnia mare adedit & abolevit, ita ut mœnia non tantum urbis, qua parte mare spectat, sed late-

Belgica Federata.


ra quoque Occidentis & Orientis interiora aluere magis magisque fluctus incipiat, nisi munimentis assiduis & novis obicibus fossæ urbis, maximo cum impendio indies defenderentur.

Celebris porro jam olim urbs fuit Gymnasium literario, quod ante annos complures alium & luculentiorē in modum Tetrarchiæ Velavicæ auspiciis illustrari cœptum, additis publico auditorio & Professoribus, qui linguas, Theologiam, Iurisprudentiam & Philosophiam honestis ornatu stipendiis docent. Accedit & Bibliotheca omnis generis voluminibus Latinis, Græcis, Hebræis, Syriacis, Arabicis aliarumque linguarum, & quæ apud Chineses quoque, nostro ab orbe remotissimos, typis descripta sunt, refertissima. Est præterea hic piscium stipula, sive, ut vulgo vocant, *den Afflach*. Cuius prærogativam uni Hardervico concessit Dux Gelriæ Arnoldus anno 1443. Habuitque initio insignia, quæ *coggen* navigium exprimerent: quorum nunc loco leonem Nassovicum exhibet, indultu Othonis Nassavii Comitis VII, qui floruit anno 1229. Quo etiam tempore muro lateritio ab eodem, una cum Arenaco, Ruremunda, Bommelia & aliis aliquot Gelriæ oppidis, cinctum primum memoratur. Quod si ipsam propius civitatem intueri libeat, ædificia deprehenduntur splendida ad morem fere Hansæ civitatum, Lubecensis ac Hamburgensis fastigiata, quibus ut atria sunt spatiosa, ita contignationes etiam profundissimæ. Cujus rei præcipue esse testis potest platea illa, quæ indigenarum lingua *de Donckerstraete* nominatur. Inter ædificia publica primum locum tenet ecclesia Cathedralis D. Mariæ sacra, quæ turri non tantum excelsissima, Phari quali vicem navigantibus præbente, illustris, sed & exteriore structura, tum & fornicum fabrica sive concameratione interiori adeo est visenda, ut oculos sæpenumero festinantium haud immerito remoretur. Cui accedunt hospitale pauperum, & sex cœnobium, quorum tria virorum fuerunt; reliqua virginum asceteriis dicata, nunc iis deserta in ædes urbanorum aliosque in usus, ut publici Gymnasii ac Bibliothecæ cessere. Ex illis, quæ diximus, sex cœnobiis unum extra urbem fuit positum, quod vulgo *'s Heeren Loo* dictum, hodie in totum est dirutum ac solo adæquatum. Fuit & extra mœnia in limine quasi urbis divo Nicolao dicata ædes: eamque fuisse peramplam, cœmeterium & relicta rudera indicio fuerint. Id à primo Gelriæ Duce Reinaldo conditum fuisse perhibetur.

Huic dignitate quod est proximum oppidum, vulgo *Wageningen* vocant; quamvis & *Wageningen* exaratum reperiri in quibusdam codicillis testentur annotata Cl. V. Pauli Merulæ: occurritque in Donatione quapiam apud Hedam *Wagenurwega*: Tacitus, *Vadam* videtur nominasse, ubi Rheni hoc tractu *Arenacum*, *Vadam* & *Ghrinnes* ordine ponit, & modicos vicus appellat. Idem etiam *Vadam* oppugnatione à Civili Batavo tentatam, sed à Iulio Brigantico, ejus è sorore nepote, qui odio avunculi Romanis stipendia faciebat, fortiter defensam, seorsim commemorat. Hodie quidem Rheno non aditum, sed vicinum conspicitur: tum & solo

F

palu-



- Notarum Explicatio
- Steden. Oppida
 - Fortes. Tortalia
 - Religiosi
 - Dorpen. Pagi
 - Edelheeren. Nobilium. adas
 - Cloosters. Monasteria
 - Buurschappen. Vici
 - Water-molens. Molendina
 - Wint-molens
 - Germeerde. Edelhuyzen



TETRARCHIA
Ducatus Gelriae
ARNHEMIENSIS
five
VELAVIA.



palustri & argilloso inædificatum, natura & opere est validum. Hic natum nonnulli volunt virum clarum Petrum Apherdianum, egregium Gelricæ atque Hollandicæ juventutis annis superioribus moderatorem.

Hatt.m.

Tertio loco *Hattenum* occurrit, quod in ripa Isalæ læva situm, Swollam prospectat. Arcem id olim munitissimam habuit, conditam à Reinaldo primo Duce, & à Carolo Ducum ultimo majoribus operibus vallisque instauratam; ac denique à Georgio Schenkio ingentibus viribus, sed frustra, oppugnatam. Nunc diruta magni adhuc operis ruinas ac rudera ostentat. Ei an Attuarii populi, qui Camavis & Bructeris vicini authoribus memorantur, nomen dederint, aliis dispiendum relinquimus.

Elburg.

Ultima & novissima urbium Velavicarum *Elburgum* est. Id quo tempore sit conditum, in literas relatum non memini: Prioribus tamen esse recentius, ædificiorum & mœnium structura videtur innuere, & docebit historia, quæ muro cinctam inque oppidi formam esse traductam, sub Duce demum Gelricæ Gulielmo primo, declarat: Quamvis una cum Arenaco, Hardervico aliisque aliquot Gelricæ urbibus, inter Hanseaticas haberi reperiam. Oppidum est haud inamœno situm loco, ad interiorē scilicet freti Austrini sinum, in ripa quasi littoris crepidine, forma quadratâ, portis tribus, quarum duæ ex adverso sibi invicem respondent, tertia ad mare & portum, qui annis superioribus est inchoatus, ducit. Medium rivus interfecat, quinque lapideis pontibus stratus, in quorum medio consistenti, qui & fori piscarii vicem præstat, liber patet ad portas omnes prospectus.

Nykerk.

Ad fines Diœceseos *Ultrajectinæ* est *Nioclesia*, vulgo *Nykerk*, oppidum in fertilissima & amœnissima totius Velaviæ regione sita, privilegiis iisdem, quibus *Zutphania*, *Hattenum* & *Wageninga* utebantur, à Duce Reinaldo anno 1413, donata, quamvis incolas hisce privilegiis unquam usos haud compertum sit: nihilominus vicum vel pagum *Neoclesiam* dici, inique ferre incolæ solent.

Præfectura.

Velavia porro dividitur in Præfecturas Majores & Minores. Majores sunt Præfectura Velaviæ & Velaviæ fimbriæ. Velavia rursus distribuitur in superiorem & inferiorem. Superior & Orientalior Isalæ & sinui Austrino ex parte adjacet, & complectitur Tribunalia vulgo *Schoutamp-ten*, quinque: scilicet *Doornspijck*, sub quo com-

prehenditur *Oosterwolde*: *Heerden* sub quo sunt *Vessen* & *Vorchten*; Eep simul cum *Vaessen* & *Oen*, *Appeldoorn* una cum *Beeckberga*. Denique *Voorst* sub quo sunt *Wilp*, *Twelp*, & *Terwolde*. Velavia inferior & Occidentalior collocatur inter superiorem Rhenum, *Ultrajectinos*, & *Austrinum* sinum; habetque, ut Superior, tribunalia quinque: *Edense* cui subsunt *'t Veen*, *Bermecum*, *Lunteren* & *Otterloe*: *Barneveldense*, sub quo *Voorhuysen*, *Kootwijck*, & *Garder*: *Neoclesense*, *Puttense*; & *Ermelense*, sub quo *Nunspeet*.

Veluæ *Zoma* five *Fimbria* extenditur *Wageninga* *Zutphaniam* usque, eique versus *Caurum* *Zephyrumque* superior Velavia præcingitur, reliqua alluit Rhenus ad Austrum, Isala ad Vulturum & Subsolanum. Hæc totius Velaviæ ora fertilissima & abundantissima; unde apud incolas proverbium emanavit, Velaviam togam esse fimbria pretiosa prætextam. Ad hanc Satrapiam pertinent Tribunalia *Brummense*, sub quo est *Hal*; *Rhedense* una cum *Velp*, *Ellechem*, *Dieren* & *Spankeren*: *Renkum* cum *Oosterbeeck*; Minores Præfecturæ sunt; Tribunalia vulgo *'t Richteramt van Oldenbroeck* prope *Elburgum*, & *'t Richteramt van Nybroeck* *Daventriam* & *Hattenum* inter; & *'t Schoutamt van Hoerelaken* & *Scherpenseel*. Ab harum omnium Præfecturarum sententiis appellatur ad tribunal, quod vulgo *'t Enggelanders holt* vocant, in Velaviæ propemodum medietullo positum, quamvis nunc alius fere locus commodior ad hunc actum eligi soleat.

Dynastia.

Præterea Velavia continet Dynastias duas summa & media Iurisdictione præditas, quæ vulgo *Hals-Heerlijckheden* dicuntur, *Doreweerdam* & *Rosendaliam*: *Doorenweerdam* *Arnhemium* & *Wageningam* inter sita est, in amœno & admodum fertili agro, montibus in Bataviam prospectum latissimum præbentibus, sylvis ad venatum opportunis, & arce, Baronis domicilio, conspicua. Hæc dynastia libera, & non paucis privilegiis dotata, possidetur à nobilissimo D. Iohanne Schelart ab Oppendorp, plurium dominiorum diversis titulis Domino.

Rosendal altera est dynastiarum horæ spatio Arenaco dissita, in loco, ob sylvam vicinam, rivulumque qui molas papyraceas aliquas circumaggit, gratissimo, magnum terræ tractum ab arce quam habet pulcherrimam Ginkel usque Velaviæ pagum occupat. Possidetur autem à nobilissima *Arnhemiorum* Gente.

Nomen Bataviae non est vetus.

Etymologia.

Insula Batavorum.

V E T E R I S B A T A V I Æ P A R S ,

S I V E

TRACTVS RHENI, & MOSÆ, TOTIVSQUE VAHALIS,

A divergio Rheni Gorcomium usque, cum terris adjacentibus
Cliviæ, regno Neomagenfi, & agro Bommeliano.



Ec inamœnum fuerit, veram sedem veterum Batavorum contemplari, quam ex parte hac tabula ob oculos ponit Geographus. Toxandris atque Menapiis olim jungebantur à Septentrione, extrema Galliarum obsiden-

tes, qua Oceanus & Rhenus amnis Galliam Belgicam alluunt, gens omnium Germanici nominis cis Rhenum nobilissima, atque fortissima. Ipsum *Batavia* nomen nusquam apud quenquam vetustissimorum scriptorum reperitur, verum *Batavi*, in *Batavis*, legere est apud Tacitum, Cæsarem, Plinium. Etymologiam quidam deducunt à *Batone*, Principe regni, regio Cattorum sanguine orto, ut sit, quasi *Batonshave*, id est Batonis peculium. At nullus usquam scriptor antiquus Batonis meminit. Vnde ergo commentum hoc? Citat Hadr. Iunius Tacitus, cum inquit: Huic vero rei attestantur auctores, quos inter præcipuæ fidei Tacitus, qui Cl. Civilem ex posteris Batonis regia stirpe editum commemorat, unde non temere hanc Insulam nobilissimam Plinius appellat. Sed Taciti verba consulentibus nusquam occurrit Bato. Locus Taciti ita habet *Histor. 4: Iulius Paulus & Claudius Civilis, regia stirpe multo ceteros anteibant.* De Batone nihil. Nugantur etiam illi, qui Bataviam à profunditate dictam volunt, alludentes ad Græcum *βαθύς*, quod profundum significat. Verisimilius est à gente Batavorum nomen accepisse Bataviam; unde & *Betaw* etiam nunc superioris Insulæ pars vocatur.

Rhenum insulam Batavorum efficere & Oceanum, testatur inter alios in suis scriptis Tacitus. Secundum longitudinem ab Oriente in Occidentem excurrit: Latitudo vero inter Septentrionem & Austrum, sive inter duos Rheni alveos protenditur. Itaque quod longitudinem at-

Belgica Federata.

tinet, ibi initium agri Batavi esse constat, ubi Rhenus uno alveo continuus esse desinit, ac velut in duos amnes dividitur. Id vero haud procul Clivis oppido, ad munimentum *Schenckenschanz* / fieri videmus: ubi, ut olim, sic & nunc amnis in duo velut cornua scinditur, cujus dextrum Germaniam versus Rhenus perhibetur, lævum mutato nomine Vahalim, de *Wael* / nuncupatur. Quo fit, ut Batavos in duarum potentissimarum gentium confinio positos alii Germanis, alii Gallis adscribant. Nec dubium est, quin vel Galli à Vahali, vel Vahalim à Gallis nomen traxerint. Duobus hisce alveis Drusus tertium addidit, perfosso ob suas commoditates spatio, quod Rhenum inter & Isalam interjectum est, & flumine majore per alienum alveum in lacus admissio. Hinc ortum est nomen fossæ Drusianæ. Habemus ergo tria nunc Rheni cornua, dextrorsum Flevum, qui Ptolemæo est *τὸ ἀναστικόν ἑρμα*: Lævorsum Vahalim, qui Plinio Helius, Græcis *τὸ δυτικόν ἑρμα*: & medium inter hæc cornua Rhenum, qui per Lugdunum & castra Romanorum leni agmine fluens, in Oceanum Germanicum sese olim exoneravit ad vicum Cattorum. Tria illa ostia designavit Plinius, cum dixit, Rhenum à Septentrione in lacus, ab Occidente in Mosam se spargere, ac medio inter hæc ore modicum nomini suo custodire alveum. Merito quidem ille *modicum* dixit, nam abactis per divergium Drusianum aquis, factus est Rhenus multo quam antea angustior & exilior. Tandem etiam arenis obstructo ore isto, quum non fuissent hauriendis aquis duo illi alvei, eoque perpetuis inundationibus essent expositi, quotquot Batavorum insulam & extra eam loca depressiora populi habitabant, visum fuit è republica Rhenum effossis novis aliquot alveis, præsertim qua jam ipse se exoneraverat, abducere, & aggeribus admotis intra alveos illos constringere. Sic deducta est Lecca, sic Isala: sic elices illi, qui inter Flevum & medium Rheni ostium fuisse olim perhibentur Egmondæ, Schoreli,

G

Crab-

Nomen Bataviae non est vetus.

Etymologia.

Insula Batavia omnium.

Vahalim.

Ostia Rheni.



Crabbedami, quorum adhuc spectantur vestigia, nisi quis posteriora illa non nisi naturæ opera fuisse malit. Hac igitur occasione factum est, ut Lecca & Isala effoderentur.

Describuntur autem in Tabula vetus Rheni alveus, & alter Vahalidis dictus: ille nomen Rheni servans Durostadium usque, ubi Lecca incipit, hic vero Gorcomium usque extenditur, ubi cum Mosâ miscetur. Hic ex monte Vogelso profluens, qui est in finibus Lingonum, parte quadam Vahalidis recepta ad munimentum Voor-niacum, & S. Andreae, Heusdamque prætergressus, insulam Batavorum ex parte efficit.

In ipso Rheni divergio arx est ac propugnaculum validissimum, partim ob fluminum opportunitatem, partim ob munitiones inexpugnabile. A duce Schenckio, artibus bellicis celebratissimo, nomen habet. Hinc in dextro Rheni alveo occurrit Arenacum, hodie *Arnhemum*, Gelriæ ditionis, in ripa Germanica sedes Ordinum Gelriæ. Sequitur *Wageninga*, vetustissimum plane oppidum, idemque cum eo, quod Tacitus *Vadam* appellat, pari fere duorum milliar. Germ. ab *Arnhem* & *Neomago* distantia. Hanc excipit *Rhena*, Batavoduro duabus, Ultrajecto quinque & prægrandibus quidem milliaribus abjuncta. Oppidum itidem antiquum, Tacito *Grimmes* dictum. Hinc Trajectum petentibus vasti occurrunt campi & prædivites venæ ustibilis cepitis, unde *Venendalia* nomen habet, novus, & annis abhinc non ita multis natus pagus. Post hanc *Batavodurum* est, vulgo *Wyck te Duerstede*, eo loci situm, ubi mutato nomine Rhenus Lecca dicitur, & medius Rheni alveus Ultrajectum petere, & hinc Lugdunum permeans in mare se effundere solebat. Facit ejus quoque mentionem Tacitus. Dirutum legitur à Normannis, & quamvis contractius multo post instaurationem surrexit, fuit tamen & alias semper, ob egregiam situs commoditatem, oppidum satis potens, & in hunc usque diem concinnitate & opibus floret, arce etiam excelsa conspicuum. In ipsa vero Batavorum insula videre est, ad Rhenum Vianam, Culenburgium: in insulæ medio, Lerodamum, Asperam, Huclomium, Buram ad Lingam. Ad Vahalim vero Gorcomium, Worcomium, Bommeliâ, Tielam, Neomagum. Ad Mosam vero Heusdam, propugnaculum *Crevecœur*, Silvam-ducis, arcem Ravestein, hinc Graviam, & arcem Gennapiam.

Viana posita est ad lævam Leccæ ripam, Schoonhovia duas tantum leucas abjuncta. Et si autem se jactitet pro statu & ditione peculiari, continetur tamen Hollandiæ finibus & imperio. Dynastæ ejus Brederodii, qui à reliqua Hollandia separatam, jurisdictione & imperio superiore exemptam esse contendunt. Quæstio hæc in magno Mechliniensi Concilio ventilata olim fuit, sed non decisa. Lerodamum adjacet flumini Lingæ, vicinum admodum Asperæ, territorium habet trans flumen, quod propterea vulgo dicunt, *Het landt van Dam*. Dynastam habet Comitum Buranum, qui hodie Princeps Auriacus. Aspera, semileuca Lerodamo distans, ad eundem Lingam jacet. Ea suavitatem urbemulam præterlabitur fluvius, ac tam leni susurro, ut hic loci

Amoris sibi cognomen invenerit, dicaturque de *Niefde*. Celebris est Geldrorum crudelitate, qui sub Carolo Gelriæ Duce anno 1516, post longam obsidionem ea potiti, nullo non sævitæ genere cives trucidarunt, promiscue in viros, mulieres, pueros, ac infantes lanienam exercentes. *Heuclomium* cum Aspera & Lerodamo vicinis oppidulis triangulum facit. Reginoni Hercules (vulgo est *Herculin*) dicitur, conditum anno jam tum 788. Arcem habet satis inclytæ vetustatis, quam fundatam volunt ab Hercule Alemanno. Bura sita est non procul à Linga flumine, ad exiguum illum torrentem, quem vulgo fossam molarem vocant. Tila abest milliari, oppidum prorsus mediocre, & munitissima quadam arce validum. Comitatus titulo gaudet, qui è Maximiliano Egmondano transiit ad unicam ejus filiam Annam, quæ Guilielmo Principi Auriaco nupsit; nunc possidetur à Guilielmo Henrico Principe Auriaco dicti Principis pronepote.

Gorcomium ad dextram ripam Vahalidis est, in ipso Lingæ ostio, arce olim valida conspicuum, quæ jam diruta vix rudera sua ostentat. Condidit eam, sub Florentio IV, Hollandiæ Comite, Iohann. Dynasta Arkelius. Spectantur è summa urbis turri, præter innumeros pagos, viginti & duo oppida muris clausa, pulchro & memorando adspectu. Ostenditur juxta hoc oppidum locus, in quo castrametatum ferunt Herculem Alemannum, unde & territorium conjunctum bonis aliquot pagis infessum, ad hunc usque diem vulgo audit Ager Herculeus, Belgice, *t landt van Arkel*.

Worcomium adjacet lævæ Vahalidis ripæ, Gorcomio pene ex adverso oppositum. In ditione est Comitum Hornensium, sub imperio Fœderatorum Ordinum. Hodie munitionibus validum *Heusda* Gorcomio duabus distans leucis jam in ripa Brabantica propugnaculis stupendis tuta, hostiles minas despicit. *Silva-Ducis* vicina Mosæ, arcibus undequaque suis cincta, loco adhuc paludoso sita, vi inexpugnabilis hætenus credita fuit. Bis enim irritò conatu tentata, tandem anno 1629 ab Ordinibus Fœderatis obsessa, ductu & moderamine Frederici Henrici Principis Auriaci, post obsidionem mensium quatuor & aliquot dierum, gloriosa ac stupenda victoria partibus Fœderatorum accessit. In ipsa Mosæ ripa munimentum est, quod *Crevecœur* vulgo appellant Gallico vocabulo, quasi Latine dicas *Cordolium*, quia Sylva-Duci proxime imminens, excursionibusque hostilibus incommodans, molestissimum fuit adversæ parti. Sequuntur arces *Ravestein* & *Gennapia*, ad tutelam Graviam urbis majoremque securitatem munitæ. In ulteriore ripa Mosæ Batenburgum est, locus, si famæ fides, maximæ antiquitatis, ut quem incolæ asserunt primam omnium arcem fuisse, quam Bato in hoc tractu extruxerit. Sed quid de Bato sentiendum supra expositum.

Bommeliâ ad sinistram Vahalidis ripam est, insulam, quam Vahalidis & Mosæ efficiunt, metropolis. Ager vicinus *Bommelerwerdt* inter alios pagos Rossemium habet, patriam Martini Rossemii, famosissimi Archistrategi. Laudem ei peperere viri doctissimi Gerardus Moringus, Henricus

Mosâ.

Arx
Schenckii.

Arnhemum.

Wageninga.

Rhena.

Durostadium.

Viana.

Lerodamum.

Aspera.

Heuclomium.

Bura.

Gorcomium.

Worcomium.

Heusda.

Silva-Ducis.

Crevecœur.

Ravestein.

Gennapia.

Gravia.

Bommeliâ.

cus Bommelius, Casparus Barlaeus scholæ Rector, cujus ibidem monumentum est cum suspensio elogio. Mendozam Aragonium exercitus Hispanici præfectum ante annos plures obsidionem solvere coëgit.

Tila.


Tila, dexteræ Vahalæ ripæ appositæ, Bommelia leucis duabus abest, oppidum validissimum, Batavorum insulæ tutela ac præsidium.

Neomagus.

Neomagus, vel Neomagum, urbs est antiqua, sita ad sinistram Vahalæ oram, cujus eo loco profundissimus est alveus. Reginoni si credimus, tria regnis suis primaria palatia constituit Carolus Magnus, Neomagum, Aquisgranum & Diviodurum, seu Theodonis villam, *Dieterhoven*. Fredericus I, cognomento Barbarossa, urbem collapsam restauravit. Hodie ter-

reis mœnibus cincta, fossis profundis, propugnaculis suis terribilis, maximorum exercituum vim sustinere valet.

Inferior Tabula tractum Rheni, qua parte adhuc unus est, ex parte solum exhibet, à Rheno-berckæ, ubi Colonienfis agri terminus, usque ad Rheni divergium, & deinde Arnhemum ac Neomagum usque. Divergium inter & Berckam, occurrunt Vesalia, anno 1629, laudabili strategemate ab Otto van Dyden Embricæ Gubernatore victa: inde Rees, flumine & opere munitissima, mox Embrica, urbes ditionis Clivenfis. Nunc Ordinibus parent. Longius à Rheno sunt *Alpen*, *Santen*, olim Vetera, *Calcar* & *Clivia*, *Goch*, omnes in ripa Gallica.





HOLLANDIA

COMITATUS.

De nomine
Hollandiae.



Atavia nomen vetus est, Hollandiae recens. Illius nomine veniebat omnis ille terrarum tractus, qui continebatur inter utrumque cornu Rheni, & Oceanum: ita ut praeter Hollandiam etiam complecteretur ditionem Ultrajectinam, & Septentrionalem partem Ducatus Gelriae. Retinet hodie priscum vocabulum inter Culenburgum, Buram, & Tilam, oppida Gelriae, ubi hodie nobilis illa insula Batavorum, de *Betuwe* vocata. Vnde autem natum recens *Hollandiae* nomen, variae sunt doctorum sententiae. Nonnulli *Holtlandiam*, sive *Houtlandiam* prius dictam contendunt, id est, lignorum terram. Volunt enim silvis arboribusque densam fuisse, quae postmodum impulsu maris, ac turbinum violentia prostrata, hinc inde magna effodiuntur copia, & hinc molliore pronuntiatione Hollandiam dictam. Alii vocem compositam esse ajunt e duabus hisce Teutonicis vocibus, *Hol*, quod est cavum, & *land*, id est, terra, quasi concavam terram dixeris. Plurima enim loca sunt, per quae si curru aut equo veharis, ipsam terram tremere sentias ac concuti, non aliter, ac si aquis supernataret. Scribit Iacobus Meyerus Annalium Flandriae autor lib. XI: *Veruntamen constat hanc appellationem admodum esse recentem. Nam Hermannus Contractus, qui scripsit ad annum Domini 1066, in fine, ubi de Theodorico Marchione Quarto ejus nominis pluribus locis fit mentio, nusquam Hollandiam nominat, sed ubique Fladirtingam. Ab eo puto oppido, quod hodie haud procul Oceano nominatur Vlardingem. Quod Gerardus Noviomagus vetustissimum esse asserit, vocatque Vlardingem, & Vlardingiacum. Fladirtingam autem non pro oppido solum, sed pro ipsa regione ponit Contractus. Hactenus ille. A Septentrione & Occasu clauditur mari: a Meridie Mosam habet & Brabantiam: ab Ortum partim est lacus Flevus, vulgo de *Zuyderzee* / partim Ducatus Gelriae. Sic ut peninsulam, non autem, ut quidam dicunt, Insulam Batavorum efficiat. Regionis ambitum ad 60 miliaria extendi volunt. Longitudo ejus magna secundum oram maritimam, inde ab Insula Scellinga ad Septentrionem, ad Scaldiam Zelandiae insularum unam. Latitudo perexigua est, & nusquam fere septem octove miliaribus major. quandoquidem e meditullio illius creditur viatori trium horarum spacio hinc ad Oceanum, illinc ad extremos illius fines patere aditus. Ex quo aestimari potest, Hollandiam a reliquo Bataviae veteris corpore deductam, longae tamen aut litui incurvi faciem praese ferre. Irrigatur maximis fluviis, Rheno & Mosâ, qui, compluribus velut ramis & cornibus, alia passim atque*

alia adsciscitibus nomina, eam pererrant. Caeteri sunt Linga, Rottera, Amstela, Gouda, Scia, Vechta, quibus incolae tamen non contenti, maximam ipsi naturae artem atque industriam, adjecerunt, ductis passim tot alveis, canalibus, incilibus, fossis, aliisque id genus aquagiis, ut non omnia oppida modo, sed & pagi plerique terra simul & aqua commode adiri possint. Regio ipsa palustris, stagnis, & lacubus passim referta, e quibus ante annos aliquot Beemstius & Purmerendanus exsiccati, ac pulcherrimis villis insignes, amoenissimos Amstelodamensium potissimum mercatoribus recessus praebent. Caelum, non obstante ingenti aquarum copia, & maris vicinitate, benignum apprime & clemens. Hyems maturior & asperior, vis ventorum infestior. Solum adeo humile & depressum, ut omnia pene flumina, omnesque majores & reciprocum maris astum admittentes fossae, ne videlicet ipsam terram inundent, aggeribus clausa sint; unde multis in locis videas aquas non sine ingenti admiratione longe, quam terra sit, altiores. Aquarum multitudinem, quae demissioribus arvis gravis est, & stagnantibus pascuis hyeme innatat, frequentioribus molis aquariis exonerant. ea quaternis alis instructae, vento circumaguntur, & pinnato tympano aquas in altum evehunt, atque in euripos & inciles fossas ejectant. invento valde utili ac prope necessario. (quod superioribus annis plurimum industria auctum; ita ut nunc ejusmodi molae aquariae incredibilem aquarum vim brevi spatio non tam evehant, quam everrant.) aquae altioribus aggeribus utrimque coercitae, & in majores latioresque aqueductus corrivatae, per emissaria opportunis locis collocata, quotiescunque maris reciprocantis fluctus refluit, in maris sinum aut amnes effunduntur: alii depressos illos agros, aqua prius deducta, meliores reddunt, inducto ex arena corio, quod desuper infusa terra e cinere, luto, aliisque rejectamentis coacta, interdum & fimo stercoreant, insigni profectu & successu lato. Vinum non fert, quo tamen aliunde invento abundat. Lanarum non magna copia, & tamen infiniti hic ex lanis exoticis texuntur panni. Materiam architectis non suppeditat, & plures tamen in ea exstruuntur naves, plures lignei aggeres, aliaque id genus opera, quam in reliqua omni pene dicam Europa. Atque haec quidem miracula Hollandiae eleganti carmine complexus est Iosephus Scaliger ad Ianum Doufam:

Ignorata tuae referam miracula terrae,
Doufa, peregrinis non habitura fidem.
Omnia lanitium lassat texitina Minerva,
Lanigeros tamen hinc scimus abesse greges.
Non capiunt operas fabriles oppida vestra;
Nulla fabris tamen haec ligna ministrat humus.

Horrea

Termini.

Ambitus.

Flumina.

Divisio
Hollandiae
antiquissima
& verissima.

HOLLANDIA

Horrea triticeæ rumpunt hic frugis acervi ;
 Pascuus hic tamen est , non Cerealis , ager.
 Hic numerosa meri stipantur dolia cellis ,
 Quæ vineta colat , nulla putator habet.
 Hic nulla , aut certe seges est rarissima lini ,
 Linifci tamen est copia major ubi ?
 Hic mediis habitamus aquis , quis credere possit ?
 Et tamen hic nulle , Doufa , bibuntur aque.

Habet porro hæc regio agros frugiferos quoque , & quidem luxurioso & opimo frumento supra modum scatentes (tritico præsertim excellentiori in agro Rhenoburgico prope Lugdunum Batavorum) sed qui tantillo in spacio , & in regione , qua non aliam habitatoribus frequentiore usquam invenias , ad suppeditandam tantæ multitudini alimoniam sint impares. Pascuis autem , præcipue in parte Boreali , nulli Belgicæ parti cedit. Hinc præcipui proventus existunt. Boves è Dania , Iutlandia aliisque regionibus macilenti hic adveniunt , quos postea pinguedine faginosos in victum cædunt. vaccæ magnitudine & forma laudabiles , quarum ex lacte immensa casei & butyri conficitur copia. Siquidem è caseo & butyro , quæ exportantur in externa loca , in singulos annos ducenties festerium cogi putatur , quæ summa ad decies centena Carolæorum millia extenditur. præter ea , quæ in quotidianum alimentum cedunt. Cuniculorum innumeram multitudinem passim alit regio in collibus arenariis , qui mari objacent. Cervorum etiam & damarum toto illo collium tractu & vicinarum vallium nonnulla copia est. Quid dicam de equis , quos generosiores , præstantes , torosos , sed succusatores plerosque ea pars Hollandiæ producit , quam Westfrisiam vocant : Australior quoque pars lacertosos & optimos. Avium palustrium , præsertim anatum , captura nusquam copiosior , institutis ad id quæstuosis admodum aviariis , in quæ illices aves mansuefactæ feras pelliciunt primo , eas dein catulus pendente è cauda fasce stramineo circumcursando , propius in retia invitat , strepitumque tunc à tergo edente aucupe in angusta caveæ propelluntur , & capiuntur. Piscium amnicorum copiam stagna , lacus , paludes , fluvii suppeditant : marinorum incredibilem vim vicinum undequaque mare. Lignorum quidem hic inopia est , sed fossilis & ustibilis cespitis abundantia summa , qui è terræ fodinis erutus , aut ex ipsis aquis haustus , sole & vento exsiccatus , igni alimentum durabile præbet. Nam bitumini sulphurique par ingenium efficit inclusus terræ calor , quem ut alibi montium incendia , ita hic prorumpentem interdum flammæ prodiderunt , nisi prostratæ olim silvæ impulsu maris ac turbinum , postquam superinducta humo putruere , mutata facie naturam retinent. Hoc ænigmate suo involvit V. C. Caspar Barlaeus :

Dic , quibus in terris pereunt tot ruæ colonis ?
 Ipsaque concepto fomite flagrat humus ?
 Et mox effossi vectantur navibus agri ,
 Naiadesque natant nunc , ubi Vesta stetit ?

Divisio
 Hollandiæ
 antiquissi-
 ma & ve-
 rissima.

Dividitur Comitatus Hollandiæ accuratissima divisione , quam archiva Camera Rationalium habent , in quatuor partes. Quarum prima appellatur Septentrionalis Hollandia : Secunda Meri-
 Belgica Fæderata.

COMITATUS.

19

dionalis : Tertia Voornia , quæ quondam proprios dominos agnovit : Quarta Kennemerlandia , atque Occidentalis Frisia , quæ vulgo perperam Septentrionalis Hollandia vocatur , quia ad Septentrionem Hollandiæ posita est. Sub parte prima comprehenduntur præfecturæ aquaticæ (vulgo Waterschappen) sive Dyckgraviatus Rhenolandia , Delflandia , & Schielandia , atque adeo Wordena. Oppida illius sunt , Delfi , Lugdunum Batavorum , Gouda , Rotterdam , Schiedam , Oudewater , Wordena , & , ut quidam asserunt , antiquissimum Hollandiæ oppidum Vlardinga , & amœnissimum municipium Haga-Comitis. Sub secunda parte comprehenduntur , Durtrechtum , antiquissima illius Hollandiæ partis metropolis , quæ primum sibi suffragium vendicat inter omnia Hollandiæ oppida in Conventu Ordinum hujus provinciæ : Gorichemum , Worichemum , Schoonhorvia , Husdenum , & Geervlietum metropolis Puttiæ , jam collapsa & neglecta. Tertiæ partis , Voornia nimirum , caput est Briela , neque alia oppida habet , præter hanc & Goeream , sed complures perpulchros pagos , & præ cæteris Hollandiæ partibus abundat arvis omnis generis frugum feracibus. Quarta pars , Kennemerlandia & Westfrisiæ , longe maxima est Hollandiæ pars. Complectitur enim Kennemerlandiam , Amstelendam , Godelandiam , Waterlandiam , & Insulas Texelliam , Wieringam , Vlielandiam , & Geryndam. Sub ea comprehenduntur , nobilis & pulchra urbs Harlemum , Kennemerlandiæ caput , quæ secundum suffragium in conventu Ordinum Hollandiæ obtinet : potens & opulenta civitas Amstelodamum , Amstelendiæ caput : Alcmaria , prima Westfrisiæ urbs ; Horna , Enckhufâ , Medemblicum , Edamum , Monachodamum , Purmerenda : & Godelandiæ oppida , Nardenum , Muda & Wesopum.

Præter oppida 31 , mœnibus fossisque clausa , aliquot culta , nec postremæ sortis existant in Hollandia municipia , à Principibus suis singulæ dotata privilegiis , inter quæ principem locum facile tuetur Haga Comitum , Principis olim , nunc Ordinum , & Curia sedes : Vlardinga , Gravefanda , Beverwicum , Neoportum , Scaga : his adde Sevenbergam in solo quidem Brabantico sitam , juris tamen Hollandici , quæ quondam muris fuit cincta : item Clunderam , quæ & ipsa quondam municipium fuit , quam vallo cinxit Princeps Auria-
 Insulæ.
 Insulæ , quarum maxima est Texela , secunda Flielandia , tertia Schellinga , Oceano objectæ. Interius sunt , Wieringa , Vrck , & Ens.

Habet Insulae super Hollandia Australis alias Insulas , Vornam , Goederedam , Over-Flacke , sive Trans-Flackeanam , Corendicam , Pierschillam , etiam Territorium Transmosanum , Het Landt van Overmaes / Rotterdam & Schiedam objectum.

Hollandi procera plurimi sunt statura , membris compactis & bene formatis , forma liberali : Fœminæ proceritate , formæ naturali & non fucato nitore finitimas gentes superant , ingenio facili omnes sunt & sat aperto ; quod olim dolis atque exterorum artibus obnoxium propterea fuisse notatum est : at nunc ea simplicitas peregrinationibus & longo commerciorum usu exercita ,

Præter.

Municipia.

Insulæ.

Habitus & mores.

cita, tantum vafricie attraxit, quantum ad evitandas pravorum fraudes necesse est, eaque non nisi in eum usum uti solent. Cæterum omnes fere vel mercaturæ, navigationi, studiis vel armis operam dant; nullos ociosos, nullos vagabundos invenies; eorum qui in mercatura occupantur pars longinquas & dissitas peragraræ regiones non veretur, quo opes congerat: alii domi classes instrunt, nihil intentatum relinquentes. Vix invenias gentem quæ in rei nauticæ peritia Hollandos exæquet; classibus nempe suis nullam non Orbis quamvis remotissimam partem adeunt, periculis mortisque ipsius contemtores. Nullibi terrarum tanta navium vis & copia, adeo ut vix credibile sit quantam hic exiguus terræ angulus sibi gloriam & famam apud quosvis extraneos maritimis suis expeditionibus pepererit. Quinimò nauticæ pubis tantus hic, præsertim in Septentrionali Hollandiæ parte, est numerus, ut media fere Hollandorum pars interdum extra patriam navibus credita, undis jactari perhibeatur. Ii qui Hollandiam Meridionalem gleba feliciorem incolunt, agriculturæ dediti, perraro sese mari credunt, domi in otio inglorii vitam transigentes. Studiis operam impendunt omnes fere honestiore loco nati, & mercatorum filii, ut ad Reipublicæ munia illotis non accedant manibus; post peregrinas adeunt regiones, ut multiplex linguarum & ingeniorum cognitio mores imbuat; adeo ut à barbarie prima, quam Romani scriptores illis dant, multum sint diversi, in sermone & congressu comes. Ingenia porro produxit Hollandia non infelicia, nec infœcunda. Testes sint Desiderius Erasmus Roterodamus, Hadrianus Iunius, Ianus Secundus, Ianus Doufa, Hugo Grotius alique, quorum nomina brevitatis gratia prætereo; in pictoria quoque semper ad miraculum excellerunt. Commercia inprimis hic vigent, & incredibiles opes incolis conferunt; in militia, præsertim in obsidendis & defendendis fortalitiis, ultra fidem sunt industrii. Faminæ quibusdam in locis mercaturæ & marium negotiis non infelicitè se immiscent; linguarum peregrinarum, Gallicæ, Anglicæ & Germanicæ, pleræque gnaræ; nullius præterea laboris parca, adversus quasvis aëris tempestatisque injurias duratæ, maria terrasque obire negotiationis studio non detrectant: cæterum cultus & nitoris domestici laus prima Hollandis merito tribuitur, utpote quem in dealbandis parietibus, mundando supellectili quam lautam ac magnificam plerumque habent, & exornandis mirifico apparatu & nimio fere luxu ædibus ostentant. Pannificium excolunt, & quidquid à lanis ulla arte parari potest, nec non telas, toto orbe notissimas & pretiosissimas magna copia conficiunt.

Reipub.
Antiquitas.

Batavi ante Iulii Cæsaris tempora, & forte aliquot prius sæculis migrarunt in eas quas nunc habent, sedes, insulam nimirum Oceano Rhenoque circumfluam, & proxima oræ cis Rhennanæ, eaque loca, æquissima naturæ lege, possessoribus vacua occupantibus cesserunt, hoc modo justissimum Reipublicæ initium populus origine sua liber libero in solo constituit. Optimatum imperio ut cæteri Celtæ, quorum, testimonio Plinii & Taciti, Batavi nobilissimi, usos

Forma ab
incanabulis.

fuisse, satis ex monumentis eorundem historicorum constat, quamvis & Reges eos quandoque habuisse non negaverim, sed Laconicos nomine solo, re vero ipsa nihil nisi optimatum primos. Duces vero sæpius, & in unum quodque quidem bellum, utrosque legibus quibusdam, moribus hominum & usu ipso consecratis, circumscriptos. Iisdem forsitan aut non multum dissimilibus, quæ postea Comitum tempore usitata, quod mos antiquus in plerisque rebus tam privatis quam publicis religiose ab his populis conservatus probare videtur. Optimates vero fuerunt duorum ordinum: proceres, qui & primores & principes dicebantur, & dilecti è plebe: qui omnes concilio juncti summam habuerunt rerum potestatem. Cæterum quia concilium id rarius coibat, res minores expediebantur per Regem ex procerum sententia: partium autem singularum regimen erat penes proceres singulos, qui jurisdictionem obtinebant. Interim Romana magnitudo ita pleræque gentes obruit, ut ex liberis civitatibus provincias faceret, & reges ipsos haberet instrumenta servitutis, sed ad Batavos non prolaturum imperium; quod ex eo manifestum, quod Magistratus Romani in Batavorum insula nulli unquam fuerint, sed ipsi suis magistratibus Rempublicam administraverint, tributorum quoque & vectigalium, quibus nulla fere gens, quamvis suis legibus quasi beneficio populi Romani utens, immunes semper fuerint. reverentia tamen imperii ad Batavos prolata, orta ex societatis honore, cujus vi Romanis, ut nunc Helvetii plerisque Regibus, turbas & cohortes præbebant, quas vetere instituto, teste Tacito, nobilissimi popularium regebant, magnum quoque hoc, & in Romano imperio, rarum libertatis & societatis signum. Præter auxilia vero aliud quoque maximum emolumentum Romani ex amicitia Batavorum percipiebant, usum nimirum insulæ, ubi & præsidia habebant quædam, & classem prope littus, & cuncta parata transmittendo in Germaniam aut Britanniam bello. Fortitudinem Batavorum & in imperium Romanum beneficia, virtutem & famam auxiliorum, Historici palam testantur: quibus & perspecta eorum fide motus, Cæsar Augustus, ut nunc Helvetios plerique Reges, ita Batavos custodiæ corporis sui admovit: quod secuti sunt & cæteri postea Principes; adeo ut minime mirandum sit à Cajo Iulio Cæsare ad Vespasianum principem, per annos centum & viginti, Batavis suum honorem & integrum Ius societatis mansisse. Tum vero cum Romani auxilia in dilectum mutarent, eumque non modo avare exercerent, sed & stuprorum contumelia onerarent, Batavi, libertatis tuendæ amore incensi, vim Romanam & circumfusas quindecim sibi legiones, arma sumentes ex utriusque ordinis decreto, & Claudii Civilis ductu, provocare veriti non sunt. Bello vero hoc, Iosepho Iudæo teste, pace composito, non dubito quin restituti sint Batavi in pristinum societatis gradum; nam de moribus Germanorum scribens Tacitus, secundo Trajani Consulatu manere dicit Batavis honorem & antiquæ societatis insigne: & iis quæ sequuntur clare ostendit, etiam post id bellum nec tributis, nec vectigali-

Florent
Imperio Ro-
mano.

Post lap-
Imperio
Rom.

Comit-
insti-

Post lapsum
Imperii
Rom.

bus oneratos: sed sui juris mansisse, ea tantum lege, ut Romanis auxilia submitterent. Post ea tempora non modo nihil diminutum de jure Batavorum, sed aliquid insuper honori accessisse testantur inscriptiones, quæ apud nos repertæ, quarum aliæ Severi, aliæ Antonini, & Getæ tempora præferunt. Hæ namque gentem Batavorum non socios, ut hætenus, sed fratres & amicos vocant, tum populi, tum Imperii Romanorum. Ab hac ætate ad primam Comitum institutionem per quinquentos fere annos magnum est historiae deliquium. Medio tempore, Saxones, Wiltos, Slavosque, deinde Normannos atque Danos rapinis & incursionibus omnia infesta habuisse; Batavos contra se suaque defendendo, magna inter damna auxisse virtutem, satis constat: cætera in obscuro sunt. Nomen quoque mutari hic incipit: Bataviæ enim appellatione intra superiorem insulæ partem conclusa, inferiores Batavi qui fuerant, Frisii dici cœpere. Primi certe Comitum, nondum Hollandorum Comite percognito, Frisiorum nomine innotuere; circa hæc tempora Francici annales regum Frisiorum meminerunt, quibus cum Francis gravia fuerunt certamina, & inter cæteros clarum Radbodi nomen, cujus regia in arce Medemelaca ostenditur. Post reges iterum duces reperias Potestatum nomine insignitos. Franci autem, affectarunt quidem gloriam prolatis hucusque imperiis, cæterum reipsa non imperarunt insulæ, aut certe non infra Trajectum, Austrasiæ regni, secundum nonnullos terminum. Batavis vero maritimos auctos Brittonum Anglorumque supplementis, & Francis communi Normannorum metu conciliatos, & arcto junctos fœdere sub regibus suis ducibusque Veterem Rempublicam ad ipsam Comitum tempora produxisse credibile est. De Comitatus institutione omnes fere, rumorum & quidem serius ortorum auctoritate, aut falsa, aut male fulta monumentis semet refellentibus tradiderunt; ea proferam quæ clarissimus Grotius, ex cujus de Antiquitate Reipub. Batavica commentario nunquam sat laudato, hæc fere omnia excerpti, vera esse non vanis argumentis sibi persuasit. Ante Diderici igitur, qui primus Hollandiæ Comitum numeratur, tempora, multi in Hollandia Principes fuerunt, non quidem gentis totius, sed qui parti alicui præessent. Ii Gravii aut Graviones dicebantur, quod nihil aliud quam iudices significat: munus enim eorum principum præcipuum erat, jus reddere. Erant & oppida eo tempore in his partibus Fladringa, Rinesburgum, Vronla, aliaque quorum memoria ad nos non penetravit. Hi proceres, harumque urbium magistratus, videntes imminere sibi quotidianos hostes Normannos, solito etiam saviores ob susceptam nuper à Batavis religionem Christianam, in medium consulere, ut credibile, quomodo in præsens & futurum tam feris infessoribus patriam liberarent; ad eam rem cum temporaria ducum imperia non sufficerent, placuit majorum exemplo, qui reges habuerant salva libertate, Principem unum toti Reipublicæ corpori præficere, cui non regium nomen, jam ferme non nisi in summa ac libera potestate usurpari solitum, sed solitum ac consuetum Gra-

Belgica Fœderata.

vii, id est, Iudicis imposuere. Ad hoc imperium dilectus Didericus Frisius, jam Gravius, sed non totius gentis, at pagi seu regionis alicujus, cæteris principibus nobilitate & opibus procul dubio præstans, Gerolphi Frisionum Comitum filius, Walgarii frater. Et cum in Trajectinis tabulariis mentio fiat pagi, siti in australi regione, cui nomen Hollandia, à vero forte non abit, hunc ipsum pagum fuisse avitum Diderici Comitatum: in cujus vocabuli consortium mox totum hoc eidem Principi creditum corpus imperii venerit, ut hi, qui cis Flævum erant, Frisii propria quadam appellatione à majoribus Frisiis trans Flævum colentibus distinguerentur. Pars tamen Flævo propior veteri nomine nunc quoque West-Frisia, hoc est, occidentalis Frisia vocatur, quæ cum Hollandia unam rempublicam facit. His ea congruunt, quæ Hollandiæ Ordines dixere in nobili controversia, quæ coram Carolo Quinto Cæsare & Belgarum principe inter ipsos & Brabantos disceptata est. Cum enim Brabanti dicerent à Carolo IV Imperatore concessum sibi privilegium, ne quo extra patriæ fines in jus vocari possent, eoque contenderent, Hollandis quoque non licere in Brabantos manum inicere, ut mos habet Hollandicus: Ordines Hollandiæ contra demonstrarunt, id privilegium ad se minime pertinere. quippe se & Comites suos summam potestatem nulli quicquam debentem, & omnis generis jurisdictionem habere antiquitus, ex quo Didericus primus terram nulli regno obnoxiam barbarorum ereptam manu recuperasset. Eisdem Comites ab omni ævo pari potestate fuisse in Comitatu suo, qua essent Imperatores in Germania aut Italia. neque vero obstrictos ullo feudi vinculo, quod & ex mulierum successionem in principatum colligi, & eo quod principes ipsi magnas Comitatus sui partes, Vornam, Herculanam, Puttenham aliis in feudum dedissent, & quidem hæreditarium, nullius externæ potestatis accedente assensu. Multo vero minus imperii Germanici leges, quantumvis conscriptas verbis generalibus, unquam in Hollandia publicatas, aut ulla in parte iis ipsis legibus obtemperatum. quod & trecentis exemplis probabant. Cum enim Germani multa de successione ab intestato cavissent, quæ etiam contrarios mores abrogarent, in Hollandia tamen hæreditates non alio jure, quam moribus avitis hodieque deferri. Sed neque causas aut Comitum aut Ordinum à Germanico Senatu unquam dijudicatas. Quæ cum Ordines Hollandiæ dixissent, probassentque, pronuntiatum est privilegium Brabantis datum in Hollandia vim non habere. Philippus quoque Leidijs, qui Wilhelmo Bavarorum primo regente Hollandiam, de Republica librum conscripsit, & principi suo dedicavit, cum ipse apud Gallos jus civile profiteretur, eo in libro sæpe repetit, Comitum Hollandiæ Imperatorem esse suo in Comitatu. Scimus quidem Imperatores Germanos, quale quid & de Francis modo ex Procopio attulimus, præ se ferre solere, tam Comites Hollandiæ, quam alios Principes, etiam reges, vasallos suos esse, quod etsi obtinerent, non eo desinerent Hollandi esse liberi, cum, ut Proculus egregie

K

demon-

demonstrat, nec clientes liberi esse desinant, quia patronis dignitate pares non sunt; nec liber eo minus sit populus, in cuius fœdere comprehensum sit, ut maiestatem alterius comiter observet, dummodo alterius potestati se non subjecerit: unde & feudi liberi orta est appellatio. Verum enim vero ne hoc quidem qualecunque feudi vinculum Comites agnovere, ut & ex his, quæ modo diximus, apparet, & ex historia bellorum, quæ primi Comites, & nominatim Didericus Quartus, pro tuenda dignitate contra Imperatores prospera satis fortuna gessere. Quod si qui adducti necessitate temporum, aut propriis de causis Imperatoribus obnoxii, eorum patrocinium invocaverunt, id tamen ipsum, præcipue Ordinibus factum non consentientibus, nec Reipublicæ, nec posterorum principum jus deterius potuit efficere. Burgundos certe, & Austriacos Principes, quorum certior memoria est, compertum satis habemus Cæsaribus fidem pro Hollandia non dedisse. Legibus autem iudiciisque Cæsarum & Imperii, quod præcipuum est, subiectam non esse Hollandiam, Germani etiam ipsi consentunt. Ex his cum manifestum sit, summam potestatem in Batavos totam intra ipsos fuisse, non autem ab externo pependisse imperio; nunc alterum restat videndum, quæ in ipsa Republica Principis, quæ Ordinum partes fuerint. quod exacte sciremus, si leges imperii Diderico datæ exstarent. sed cum illud supra dictum est, sero demum apud gentes Germanicas res & privatas & publicas scripto mandari cœpisse, tum vero illorum temporum omnis memoria, præter bella quædam & alia huc non pertinentia, intercidit. Verumtamen cum & ante hæc tempora regibus Batavis non tam potestas concessa fuerit, quam auctoritas, & parentum quoque nostrorum memoria scriptores etiam externi consignatum reliquerint, principum imperia his in regionibus tum legibus definiri, tum Ordinum consultis temperari; certa est conjectura, medio tempore eam fuisse Rempublicam, quæ & à majoribus accepta, & mox posteris relicta est. præsertim cum & urbes validas & cives nobiles; opibus valentes, quos id ævi fuisse demonstravimus, ex fœta æqualitate in subitam inæqualitatem voluisse decidere, creditu sit difficile; ac contra, aucta per connexionem principum sequentium Comitum magnitudine, sub Burgundica maxime & Austriaca domo detrimentum plus sit libertati, quam additum. Leges igitur imperii præcipuæ hæc fuerunt:

Leges Imperii.

Ne maritum sibi accipiat femina Princeps, nisi Ordinum Hollandiæ arbitrato.

Ne munera Senatoria, Quæstoria, Prætorialia aliis quam indigenis mandentur.

Vt jus sit Ordinibus in concilium coire quoties & ubicumque voluerint, nec opus habeant eam ad rem Principis venia.

Nova vectigalia ne qua imponantur, neu cui vectigalium detur immunitas, nisi Ordines auctores fuerint.

Bellum suscipere pro rebus tutandis aut persequendis injuriis principi ne liceat, nisi Ordinum arbitrio.

Principes in literis Germanico sermone utantur.

Monetam Princeps cudat, & mutet, prout Ordines e esse judicaverint.

Ne quam principatus partem Princeps à se possit abdicare.

Ne Ordinum concilium extra fines evocare liceat.

Princeps si quo tributo aut collecta opus habeat, ipse ab Ordinibus exoret. per legatum id ne agat. onera, nisi sponte concessa, ne exigat.

Iurisdictio nisi per ordinarios iudices ne exerceatur.

Mores antiqui legesque sanctæ sint. eas contra si quid Princeps decreverit, nemo decreto teneatur.

Hæc jura usu diu solo servata, postea ne pravis adulantium artibus ingenia principum in spem illegitimi dominatus corrumpere, per partes primum conscripta & à principibus signata; tandem, querentibus Ordinibus multa veteris Reipublicæ fundamenta per desuetudinem subverti tum ab aliis, tum maxime à Maria Burgundica, in unum collecta corpus & perpetuæ memoriæ consecrata sunt. Quanquam autem Hollandi in successione Principatus ordinem sanguinis sequebantur: tamen ut ostenderent non ex paterna hæreditate, sed ex populi, hoc est, Ordinum consensu proficisci imperium, non prius Principis loco quemquam juramento se obstrinxisset Ordinibus, nisi leges se patrias moresque servaturum affirmasset, quo facto vicissim ipsi ex legibus imperaturo fides & obedientia repromittebatur. Quare cum hæc leges conditiones sint additæ potestati, planum est, nullam fuisse principi potestatem, qua se istis legibus solveret: ut ab iis, qui de Republica scripserunt, abunde traditum est. Vnde & illud sequitur, cum summa maiestas non sit penes eum, qui jure aliquo constituto teneatur, ut ad septentrionem plerique principes, Comitem quoque Hollandiæ, qui tot legibus teneretur, jus summæ maiestatis in se uno non habuisset. Iam vero Principum veterum acta nulla, alicujus certe momenti reperiuntur, quibus non Baronum ac Nobilium auctoritas & subscriptiones accesserint. id enim Comitibus, ut regibus Germanis olim, antiquissimum consilium fuit. Ad urbes vero quod attinet, earum numerus & cum numero dignitas semper longius excrevit. Antiquitus senatus singulis. is mortuo senatore locum ipse supplet, ex his qui inter oppidanos virtute atque opibus præcellunt. Idem senatus alibi magistratuum præcipuos creat, quos civium magistros vocant: alibi & hos ipsos & alios litibus judicandis, qui Scabini antiquissimo vocabulo appellantur, principi deligendos offert, sed ita ad duplum numerum præscribant, quem princeps non possit excedere. quod non minimum est libertatis munimentum. Neque vero majores tantum urbes, ut postremis temporibus factitari cœpit, sed vero & minores in concilium vocatas, plurimis exemplis apparet. Philippus, quem dixi, Leidius & nobilium & oppidanorum magistratuum sæpe meminit: eosque majores patriæ vocat, & curasse ait, negligente principe, ne quid Respublica detrimenti caperet. Tributa autem nulla unquam indicta fuisse sine Ordinum decreto, rationes publicæ loquuntur, in quorum capite decreta semper apparent. atque inde tributorum & collectarum nomen apud nos antiquum perpetuoque servatum est Preces, quod & apud Philippum Leidium sæpe invenias: quia, uti diximus, ad preces

ces Principum ab Ordinibus decernebantur, magno argumento auctoritati Ordinum submissi principatus. Quin & Philippo Comitum postremo bellum in Gallos gerenti oratam indictionem novennalem non aliter Ordines annuerunt, nisi præscriptis quibusdam legibus, atque inter alias, ut per homines ab Ordinibus delegatos pecunia tractaretur. Sicut & jus suo arbitrio cœundi ad extrema usque tempora, quæ bellum hoc antecesserunt, Ordines retinuisse in aperto est. Ex his quæ diximus apparet, Comites Hollandiæ nihil ferme discrepasse ab antiquis regibus. nomine tantum usos minus invidioso, minusque suspecto libertati. sumptos sane sanguinis ordine, ut in multis populis liberis: sed imperium non sine exceptionibus datum. quippe leges additas, ac juramento sacratas: & auctoritatem quidem Comitum non exiguam, Ordinum vero tum in rebus aliis, tum circa pecuniam maxime, qui nervus est Reipublicæ, eam fuisse potestatem, ut vere dici possit de Comitibus, quod olim de Germanorum regibus, precario eos imperasse. Hoc concentu & principes Hollandi & nobiles & plebs diu florere, dum principem singuli reverebantur, princeps ipse leges & publicos conventus, dum nobilitati suus honos, plebi sua libertas manebat. Hinc bellorum prosperi exitus; hinc ut olim Romana societate, ita sub Comitibus gens non magna magnis amicitiiis ambiebatur. docent federa: docent affinitates. Tenuit hæc regiminis facies per aliquot secula. Primi Burgundi aliquid de libertate deterrere cœperunt, sed parce; Carolus deinde Imperator apertius & validius, at maxime Philippus II, Caroli filius, unde miserrima rerum facies consecuta est. Quippe pro libertate Ordines anno 1572 bellum adversus Philippum decernunt, Guilielmum Arausionensem Principem Ducem eligunt: Tandem anno 1581, 26 Jul. tam Hollandiæ, quam Federatorum populorum Ordines regimen ipsi arripuerunt. Tum sublato Comitibus nomine & memoria, libertatem avitam defendendi causa, legitimum imperium in Guilielmum Arausionensem, Præfecti sub nomine, Ordines conferunt. Cujus admirabilis cum Ordinibus concordia, dum & ipse illorum cedit potestati, illi vicissim ipsum & amant & reverentur ut parentem publicum, rem Batavam & parvis initiis ad maxima incrementa pervexit. Quare & cum vicinæ nationes Matthiam sibi Autriacum, mox Senatum, deinde Andinum Ducem præponerent, Hollandiæ & Zelandiæ Ordines fedus quidem cum illis sancte coluere, cæterum nullam passi mutationem suam sibi; eandemque semper non Rempublicam modo, sed & Reipublicæ faciem retinere. Mortuo Arausionensi præfectura delata Licestrio, qui Anglorum auxilia adduxerat: sed cum is regios gerens spiritus, moris Batavici ignarus, & pravis consultoribus obsequens, regimen Ordinum obrectare, res novas moliri cœpisset, Ordines suam potestatem, à qua & Licestrius mandatum acceperat imperium, justissimam simul & antiquissimam demonstrant: eos vero qui in ipsius gratiam per seditionem res novare instituerant, capite plectunt. Quibus cum intellectis Licestrius ipse fuga im-

perium deseruisset, Mauritius, Wilielmi Arausionensis filius, Hollandiæ vicinisque regionibus præficitur. Hoc præside mira iterum concordia: vigintique per annos quieta Respublica, prolatis fines, depulsi exercitus, prospera prælia, obsidiones illatæ fortiter, fortius toleratæ, Ordinibus sapientissimorum procerum, & Mauritio Ducum maximi famam addiderunt. Auctus Reipublicæ honos, cum eam reges per federa sibi æquavere: quippe anno 97 societas facta inter Regem Galliæ, Reginam Angliæ & Fœderatarum nationum Ordines. Ea tamen modestia adversus Principem quamvis abdicatum fuit, ut Philippo superstite intra se tuendi necessitatem virtus constiterit. quo mortuo indictum publice, repositumque Hispaniæ quod miserat bellum, & ad ultimas Indorum terras cincta armis commercia navigavere. ibi quoque communis hostis, & inclyta Batavorum virtus ac fides regum & populorum federa meruit: salutatique Ordines alio tam procul calo venientibus Legatis. Et hætenus pugnatum. De pace actum sæpe tum Philippo Rege vivente, tum post ejus mortem Belgis ad filiam generumque translatis. sed repudiata ab Ordinibus conditiones omnes, quibus non salva esset libertas & jus decreti, quo Philippo imperium abjudicaverant. Tandem cum Archiduces Albertus & Isabella, & ipse Rex Philippus Philippi filius, paratos se ostenderent Ordinum libertatem agnoscere, mediis Regum Galliæ, Angliæ, Daniæ, præterea aliorum Principum Legatis, cœpta colloquia: & cum pacem difficultates magnæ morarentur, ad ultimum, anno 1609, factæ in duodecim annos induciæ; præposita testatione ab Archiducibus tum suo, tum Philippi, à quo id mandati acceperant, nomine, qua se pacisci eas inducias cum Ordinibus Fœderatis, ut cum liberarum nationum ac civitatum Ordinibus, profitebantur, talesque eos à se haberi, & nihil à se in ipsos juris obtendi. Philippus pacta rata habuit, repetita eadem professione. Mauritium defunctum excepit Fredericus Henricus frater, patriis ac fraternis virtutibus neutiquam inferior; hunc Guilielmus II, cujus tempore anno videlicet 1648, pax desiderata inter Philippum IV, Magnum & Pacificum Hispaniarum & Indiarum Regem, & Fœderatarum Provinciarum Ordines iacta est, qua Hollandiæ ut & cæteræ fœdere unitæ Provinciæ libertatem æternam, & à nemine in posterum arrogandam, aut tentandam sibi asseruere. Porro post imperium Philippo abdicatum, quicquid est juris publici, ab Ordinibus gubernatur vel universim per se, vel singulatim per alios. Per se quidem coactis publicis Comitibus. Ea constant duobus membris, *Nobilibus*, & *Civitatum Delegatis*. Nobilium Ordinem referunt generis splendore & vicorum ditione præcipui, numero ferme duodecim, quorum ubi quis excefferit, alium ipsi in locum defuncti cooptant. Inter Nobiles primum locum obtinent Brederodii, Wassenaar, Scagii, Assendelfii, Douzæ, Warmontii, Poelgeestii, Matenelli, alique. Ex hac classe in comitiis publicis sistere se consueverunt vario numero, nunquam tamen pauciores tribus, qui conjunctim unum tantum habent suffragium, sed

Regimen
hædæ-
num.

sed primum. Civitates, quæ Legatos suos solent mittere sex majores sunt: Dordracum, Harlemum, Delphi, Lugdunum, Amstelodamum, Gouda. Minorum gentium sunt: Roterodamum, Gorichemum, Schiedamum, Schoonhovia, Bri-la, Alcmaria, Horna, Enckhusa, Edamum, Monachodamum, Medenbleca, Purmerenda. Penes hunc Confessum summa est Hollandiæ potestas. Comitii prudenter dirigendis præest, qui augusta appellatione nominatur Advocatus Provincialis. Hic Hagæ habens domicilium, non alio, vel in Hollandia, vel alibi, quam quod imposito fungens munere, apud civitates, pagos, collegia, privatosque omnes incolas cum Hollandiæ, tum aliarum regionum neutrarum se gerit partium, nemini obligatus: curare quantum fieri potest solitus, ut jura, privilegia & consuetudines Provinciæ, Ordinumque auctoritas illæsa serventur. Hujus est omnia Ordinum comitia prope observare, iisque stato tempore, nisi morbus, aliave necessaria causa impediatur, interesse: Hujus, congregatis Ordinibus, prima comitiorum die, brevibus ea, de quibus agendum, cum viva voce, tum ex scripto commemorare; de singulis Nobiles, civitatumque Delegates sententias rogare, easque fideliter notatas summa silentii fide legere, & post rationem, quæ prævaleant indicare, ut quod factum opus, fiat. Hujus denique est catalogum omnium actorum conficere; constitutiones omnes, idque genus alia, quæ alicujus ponderis, extendere; intra octavum post singula comitia diem nobilibus, singulisque civitatibus actorum omnium, quæ præteritis nata comitiis, ut exscripta mittantur curare. Ordines solenniter coacti, præstito fidelitatis & silentii juramento, quæ proposita in maturam vocant deliberationem. Ea ad certa referri possunt capita. Consueverunt igitur agere de contributionibus, consensionibus, subventionibus, idque genus aliis; de obligationibus vel temporariis, vel perpetuis, quibus incolæ hujus regionis eorumque bona obligantur; de mutando regionum rei que publ. statu; de pangenda pace faciendisque induciis; de bello indicendo; de fœderibus ineundis; de alienandis, cedendis, donandis, quæ ad regionem pertinent, rebus; de stipendiis & honorariis constituendis; de conficiendis novis decretis; de rogandis abrogandisque generalibus consuetudinibus; de conferendis publicis muneribus; de remittendis publicis debitis; de varianda publica moneta; de augendis extra-ordinariis contributionibus, de concedendis alicui civitati, pago, collegio, privilegiis. In suffragiis autem ferendis, primæ debentur Nobilibus; secundæ Dordrecht, tertiæ Harlemo; quartæ Delphis; quintæ Lugduno; sextæ Amsteldamo; septimæ Goudæ; octavæ Roterodamo; quod deinde minores reliquæ sequuntur. Ex ordine suam quisque sententiam declarat, ejusque rationes sine aliorum interruptione, & quod major pars decernit, ratum habetur. Et sic quidem admirandum hoc florentissimæ Reip. corpus per se gubernant hoc florentissimæ Reip. Ordines: qui quum singulis tantum trimestribus, ut antea dixi, convenire sint soliti, & intermediis temporibus frequenter ea

incidunt, quæ dilationem vel moram non patiuntur, perpetuos habent Deputatos, quorum continua quasi & cessante nunquam opera res administrant cum terrestres, tum maritimas. Priores quidem Deputati vocantur collegæ, posteriores consilarii Admiralitatis. In deputatorum collegio sex sunt, qui ex nobilibus & præcipuis civitatibus legi consueverunt in annum, jurejurando obstricti, se quicquid injunctum ipsis cum diligentia & fide, nulla habita personarum ratione, servaturos; nemini se obligaturos, ab nemine honoraria, pensiones, dona qualiacunque accepturos. Horum est de Provinciæ statu, omnibusque quæ incidunt, cum Præfecto Provinciæ communicare, eidem fidele, quodque Reip. est bono, consilium suggerere; ad commodum vel proprium vel alterius, quod egregium publicum posset remorari, non attendere. Item quæcumque in Ordinum comitiis vel justitiæ tuendæ, vel politiæ stabiliendæ constituta sunt, ut executioni mandentur, gnaviter curare. De omnibus quæ ad regionis statum pertinent, & vel Præfecto, vel aliis non sunt reservata, maximo Reip. commodo deliberare: ad ea, quæ maximi momenti moram non patiuntur, Ordines extra ordinem convocare. Eorundem est, ut pax, concordia, amicitia inter urbes, agrorum universitates pagosque serventur; & ne qua per aliquem vis fraudis fiat Ordinum constitutionibus, specialem adhibere diligentiam. Rogare porro ut non solum delicta militaria, verum etiam exactiones, concussionisque eorum, qui potestate præditi, rigide puniantur: utque contra seditiosos, rerumque novatores, quique aliquid contra Reip. salutem moliantur, absque ulla conniventia procedatur, instare. Ipsorum etiam est, armorum omnium, quæ in publico armamentario, fidelem habere catalogum: ut constituta præfidiario militi pulveris tormentarii, fomitisque igniarii quantitas tradatur, neve quid armorum limitaneis oppidis desit, adniti: ut denique passim in Hollandia munitiones & propugnacula exstruantur, eaque facta tecta conserventur, sedulo curare. Habent iidem, ne illud præteream, cognitionem & jurisdictionem controversiarum, quæ publicarum impositionum, subventionum, pensionum & similium occasione moventur, nulla concessa appellatione: item absente Præfecto, causas omnes judicant terminantque quæ pertinent ad captivos, prædasque militares, & alia, quæ inde oriri & manare sunt solita. In administratione sua hunc sequuntur ordinem, ut primo suscipiant conficiantque, quæ regionis totius; deinde, quæ civitatum, & collegiorum; postremo, quæ privatorum. Consiliorum, quos antea nominavi Admiralitatis, qui ex præcipuis civitatibus senarium constituunt numerum, est elaborare, ut consensus sit ipsis mutuus & amica conspiratio cum Archithalasso, Ordinibus ipsis, & Ordinum Deputatis, eosque opera fidei & bono juvent consilio: oculis menteque ab emolumento privato proprioque commodo averfis. Eorum est, summo studio intendere, ut ad navigationis securitatem, liberum maris usum, custodiamque Hollandiæ fluminum, conveniens semper

semper sit & idonea classis : ut eadem classis perpetuo bene sit instructa omni apparatu bellico, tormentis, pulvere, aliisque ad navalia praelia hostesque pulsandos necessariis : ut denique publici per mare fluviosque com meatus negotioribus aliisque iter aliquo facientibus non segniter praestentur. Eorundem est peritos maritimae rei Praefectos, ducesque cum majorum tum minorum gentium conquirere, iisque jurejurando fidelitatis obligatis ad agendum mandata praescribere. Cognitionem habent sententiaeque absque ulla provocatione dictionem, cum de fraudibus, dolis, imposturis, quae in publicis com meatibus solent designari, tum de controversiis, quae inter navales socios oriri consueverunt. Postremo quaestiones litesque terminant de praedis spoliisque maris : de mercibus naufragorum in mari repertis, de debitis, quae contraxisse, quam diu merent, deprehenduntur duces sociique navales, de piratis praedonibusque, de delictis denique, criminibus, erratis in mari fluminibusque perpetratis. Duo insuper sunt Collegia Rationalium. Vnum Vetus, anno 1446 à Philippo Burgundo institutum, penes quod est directio, inspectio & administratio patrimonii publici, & eorum, quae eo pertinent. Vulgo vocatur *de Camer van Geckeninge*. Alterum haud ita antiquum, quippe bellicis hisce temporibus natum : in quo examinantur rationes omnes communium tributorum & vestigalium hujus provinciae, itemque eorum, quae extra ordinem ex decreto Ill. Ord. Hollandiae & Westfrisiae exiguntur à subditis : praeterea bonorum Ecclesiasticorum, & apparatus bellicorum, denique Unive rsitatis Leydenfis, &c.

Est & quoddam commune Iuris dicundi tribunal, quod *Curiam Hollandiae* dicimus, cujus caput est Praefectus provinciae ; ad quam à ceteris particularium locorum tribunalibus provocatur. Hic ipsae quoque urbium controversiae, aliaeque magni momenti disceptantur. In hac sedent veteri instituto viri Nobiles, alique Legum & morum periti, atque I. V. Doctores, numero duodecim, quorum unus est Praefes, cum Graphiario & Secretario. Eliguntur ab Ordinibus Hollandiae & Zelandiae (nam & de Zelandorum causis cognoscit) hoc ordine, ut Hollandia nominet duos Praefides successive, Zelandia deinde unum. Ex Iudicum autem numero Zelandi tres allegant, Hollandi ceteros. Ab hac Curia ad Mechliniense auditorium appellationes institui solebant : quod ut in commune sibi jus diceret, rogatu Principum Burgundorum, diversarum nationum Ordines consenserant. Ejus in locum Hollandi & Zelandi (ante annos complures,) novum Consessum virorum doctrina ac prudentia eminentium instituerunt. *Supremum Senatum* vocant. Ab hujus sententia appellatio non datur. Supplicari tantum DD. Ordinibus solet, ut lectos extra ordinem iudices ad Collegium adjungant, qui diligenter exquirant, rectene, an per errorem sit judicatum : *Revisionem* ejusmodi actum vocant.

Sed antequam haec finiam, operae pretium duxi decretum Ordinum Hollandiae ad pleniorum Reip. eorum intelligentiam, hic subungere.

Belgica Foederata.

D E C R E T V M

De Pristina apud Hollandos
Reipublicae Forma.

Equestris ordo, Nobilitas, & Hollandiae West-Frisiaeque urbes, in quibus ejusdem terrae Ordines consistunt, re deliberata cum Nobilibus, & cujusque urbis Senatu, eorumque responsis super praesenti ditionis suae statu expensis, jurisjurandi officiique se vinculo obstrictos censuere, ad exponendam publico libello veram apud Hollandos ac West-Frisios Reip. formam, certo confisi, quemque, in ferendo judicio, integro animo, ac placido usurum, qualem calamitosa haec Reip. tempora exposcunt.

Hollandiam, West-Frisiam, ac Zelandiam octingentis abhinc annis sexus utriusque Comites habuisse constat, imperium ex legibus adeptos, Equestris ordinis, Nobilitatis, Urbiumque delatu, in quibus earundem terrarum Ordines consistunt. Quod ipsi ita moderati sunt, ut quamvis non destituerentur prudentibus Consiliariis, ex Nobilitate, & indigenarum praestantissimo quoque dilectis, bellum tamen, pacem, tributa, & quae alia majoris momenti, nunquam decernerent, nisi adhibitis in consilium, & consentientibus Nobilitate atque Urbibus, quorum, quoties res gravior incidisset, conventum indicebant. Adeo ut non aulicis tantum consiliis, verum & his prompti semper aditus, numquam negata fides, & benigne responsum à Principibus fuerit, siqua publicum spectantia attulissent. Hunc in modum justissimis legibus subnixo, & forma, siqua unquam reperta est, optima constituto regimine, multum subditis, multum ipsis Comitibus utilitatis, atque incrementi. Etenim, quamvis angustae Domini terrae, apud omnes pene Christiani orbis Principes, summa existimatione, & magnis Regum domibus innexi fuerit : quomodo anno post mille ducentos quadragesimo septimo, Guillelmus, id vocabulum Secundus, Romanorum electus Imperator est. At hostes aut devicerunt, aut quamvis praepotentes finibus suis depulerunt, non exiguo in finitimos terrore suo ac reverentia. Adeoque verissime firmare licet, Hollandiam Zelandiamque, ab octo saeculis, seu externo, sive intestino bello, neminis unquam armis fuisse subjugatas ; rara hodie aliis regnis, aut Rebuspublicis (nisi fortasse una Venetorum excipienda) laude ; neque ea aliis quaesita artibus, quam concordia, mutuaque inter Principem ac Patres caritate. Quippe Comiti, sine Nobilitate atque Urbibus, vix quidquam potestatis ; ne reditus quidem, nisi quos è re fiscali acceptos, aulae ministeriis, & tuendae Principali fortunae infumebat. Comperit quoque jus Patribus fuisse, non modo monitis suis ad salubria revocandi Principem pravis consiliis seductum ; sed & si minus audirentur, animadvertendi in malos consultores, & quicumque Principis autoritate abuterentur, cujus rei obvia passim exempla sunt. Convenit etiam, Patrum officii, Principibus impubertatem haud dum egressis, tutores addere : ita Guillelmo

L

Quin-

Quinto, emotæ mentis, tutor, idemque populo rector ab iis impositus est. Postremo dubium non est, Supremam penes Patres potestatem conquiescere, quoties fato Principis, aut impubertate, vel mentis impotentia, errore, vel aliam ob causam intermissa sit Reip. administratio. Quamobrem sæpius caput sibi, Tutoris, sive, ut nuncupabant, Ruwardi nomine, delegerunt. Quod factum imperitante Domo Burgundica, quando Carolo Duce, filiaque ejus Maria exstinctis, Maximilianus Austriacus, per vim diversum inducere morem tentans, in extremum has terras discrimen conjecit. Etiam ipsi Carolo, donec justam ætatem artingeret, tutores, subditis rectores à Patribus impositi. Et Carolus (quamquam sub Domo Burgundica Belgarum libertas jam pluribus modis infracta erat) Patrum autoritatem semper fecit maximi, gnarus tutissimum id rebus suis munimentum. Itaque & filium suum, Regem Hispaniarum, crebris monitis ad moderationem flectere tentans, disertim testificatus est, maximum rebus ejus discrimen impendere, quandocumque Patrum autoritatem in levi habiturus esset. Veraque parentem monuisse, experitur hodie Philippus, ingenti suo, nec minore Belgarum damno. Neque enim (quidquid contra differatur) alia huic bello causa, quam quod extraneo milite per vim subditos ad ea Rex adigere conatus sit, quæ tanquam noxia injustaque Patres dissuaserant. Hæc quamquam extra controversiam posita, repetere pretium fuit, quod multi incerti, & in diversum abeuntes, Proceres æstimant ex dignitate eorum qui conventui interfunt, & rebus ibidem tractari solitis; perinde ac si hi, quibus hoc muneris à Nobilitate atque Urbibus imponitur, semet pro Ordinibus venditent, & summo liberrimoque sibi jure arrogato, pro lubricine rapiant cuncta agantque. Vnde & quicquid actum est, in illorum invidiam detorquent. Cæterum quisquis hæc, & quæ alia magni momenti Principibus assensu Patrum transacta, reputaverit, & imprimis ea quæ ab annis xv in Hollandia Zelandiaque gesta sunt, facile advertet, nequaquam Patrum autoritatem in 30 aut 40 hominum manibus sitam, qui interesse conventibus solent. Ipsi Hispaniarum Regis ministri, qui id genus argumentis terrarum statum, atque in contemptum adducere Proceres conati sunt, experiendo didicere quam falsa differuerint. Porro ut constet, unde tanta Patrum potestas originem traxerit, notandum, Principes, quotcumque ex legibus præfuere, non tantum populi deferentis consensu placitoque imperium habuisse, sed & administrasse, ita ut cuncta corporis (cujus ipsi caput erant) membra integra, atque intemperata permanerint. Nec durare in longum id poterat, cum facile Principem vafri atque ambiciosi homines transversum agant, nisi facultas indigenis fuisset, adversandi perniciosi Comitum conatibus; ipsosque ad salutem ac libertatem tuendam non modo non omnium nomine admonendi, sed &, si ad violenta transgrederentur, publicis viribus coercendi. Quam ob causam duos in ordines distributi sunt, Nobilium alterum, alterum Urbium. Nobilitati da-

tus ordo ob dignationem generis, quo (quod pace aliorum dicere liceat) de antiquitate cum quavis natione contendunt. Hi in possessionibus suis, jus de criminibus ac civilibus negotiis dicunt; & conventibus, quotiescumque transiguntur, interfunt, & cum legatis urbium in commune consulunt. Regiminis forma urbium plerisque eadem est; videlicet collegium Senatorum ex præcipuis gente ac censulectorum: Sed non eodem ubique numero. Est quippe ubi 40 aut 36, est ubi 32, 28, 24, aut denique homines non plures vicenis numerentur. Nec ipsis urbibus antiquitate hæc collegia cedunt, certe exordia vetustas abolevit. In ea qui adlecti semel fuerint, ordinem cum vita aut jure civitatis, nec ante, amittunt. Defunctis, aut alio migrantibus, collegæ pariter omnes delectos ex tota civitate sufficiunt. Iis collegiis potestas est deliberandi ac statuendi de cunctis, quæ communem patriæ, aut proprium urbis suæ statum spectant. Earumque decreto stant civium cæteri, nec quisquam transgreditur. Etiam magistratus creant; Consules quaternos, ternos, aut binos; iudices septenos, quorum annuus honor est. Sed delectus in civitatum nonnullis simplex; in aliis, è duplici nominatorum numero, Præfectus gentis, quos visum, recepto numero eligit. Consulibus curæ est regimen, proventus, custodia, ac salus urbis. Iudices criminale ac civile jus reddunt. Adeo ut illa penes collegia summum per Hollandiæ, West-Frisiæ, ac Zelandiæ opipida imperium sit. Quorum se regimini nunquam Comites interposuere; solum Prætorem urbanum mittere soliti, qui eorum nomine noxios legibus interroget, iudicium poscat. Hæc vera Reip. apud Hollandos, apud Zelandos, forma. Vnde apertum cuique prædicta collegia, cum Nobilitate, haud dubie universæ Reip. ac terrarum ordines compendio completi. Nec reperire ullam Reip. formam licet, qua accuratius de omnibus cognoscatur, ac statuatur, aut decreta majori concordia atque autoritate perficiantur. Vt mirari non conveniat stabilem, etsi ullus, perennem hunc statum fuisse. Iam vero, quoniam interventu negotiorum, quæ totam ex æquo gentem tangunt, non facile universa hæc collegia in unum coguntur, consuetudinis est, ut potissima rerum capita describantur: super quibus ubi disceptatum in collegiis, factumque decretum est, Legatos ad conventum mittunt, cum mandatis, quæ maxime in rem publicam judicaverint. Nobiles justo adesse numero, Urbes Consulem cum nonnullis Senatoribus mittere adsuevere, pluribus, aut paucioribus pro rei mole. Sed durante hoc bello, missis ad conventum, ob multitudinem concurrentium, perpetua mandata fuere, ut quæcumque ad patriam salutem pertinere viderentur, cognoscerent, decernerentque maxime publico utilia: maxime tamen jura, libertatem, atque instituta terrarum defenderent, ac violari prohiberent. Hi, postquam convenere, Ordinum præ se autoritatem ferunt; non quasi suo nomine Ordines ipsi sint; sed à collegis ad id munus delecti. Neque suspicandum, ambitione quendam irrepere; præterquam enim quod à natura Belgis

ra Be
quide
minu
Rem
affect
nia,
odii a
tissim
optim
nion
da ea
ipsi c
vend
desig
to Co
actor
cæ fu
Frisia
cento
ut ve
rii fo
gustit
animi
nueru
quide
leretu
fediti
lum h
Num
quod
nistra
rum,
jus,
gnaro
tolera
læsa a
que V
nume
dum
tur.
mand
stend
re; &
Tales
bem
bus
est,
Nob
nibus
prob
quan
id ge
illos
est h
qui u
subru
subdi
res,
dia,
conc
ribus
in su
firmu
Nob
tores
stige

ra Belgis insitum ambitionis odium, ne cadere quidem in liberam electionem potest. Multo minus turbidis & calamitosis temporibus, quis Remp. exercere Numini placuit, regimen ullus affectabit, in quo laboris ac tristitiæ plena omnia, nec spei quidquam, nisi calumniarum, & odii ab hostibus Reipublicæ, qui sæpe præstantissimos viros falsis delationibus auertere, ut de optimis Reip. ministris pravam conciperent opinionem. Hinc inter munera necessaria reponenda ea dignitas fuit. Et quicumque Reip. partem ipsi cepere, testari possunt, quo labore permovendi, ac propemodum adigendi fuerint, qui designati erant, ut ea munera susciperent. Solutio Conventu, his à quibus missi erant, rationem actorum reddere iidem tenentur. Hæc reipublicæ fundamenta sunt, quæ Hollandiæ, West-Frisiæ, ac Zelandiæ res, per quingentos, sexcentos, imo septingentos annos, innixæ fuerunt, ut vetustissima produnt monumenta; hæc imperii forma est, qua, post Deum Opt. Max. angustissimis rebus, validum hostem, ingentibus animis, summaque concordia Fœderati sustinuerunt. Inde factum, ut membrorum ne unum quidem, nisi violenter, à communi corpore avelleretur. Numquam civium, nunquam militum seditione, in Hollandia Zelandiæ, dum bellum hæc stetit, laboratum. Cujus rei, secundum Numinis providentiam, non alia ratio, quam quod bona fide, & sine dolo malo cuncta administrata sint. Multis etiam minimorum oppidorum, certe omnibus quæ id cupiebant, suffragii jus, quo ante carebant, eo consilio datum, ut gnaro cuique Reip. statu, ac necessitatibus, intoleranda alioqui onera promptius ferrent, & illæsa agerent concordia. Vnde & Nobilitati atque Urbibus solutum semper fuit, quem vellent numerum è Senatu suo ad conventum mittere, dummodo tales, qui legibus haud prohiberentur. Quod si Nobilium, aut Legatorum, contra mandata (quod nos latet) egisse quenquam ostendatur, omni tempore rationes ab eo repetere; & si reddere nequeat, poenam irrogare licet. Tales qui bona fide deferunt, pro optimis habemus civibus. Sed quibus ludibrio Patres, quibus eorum facta calumniis insectari mala libido est, admodum se fallunt, si rem sibi cum solis Nobilibus, aut Legatis urbium, tanquam hominibus privatis, esse arbitrantur; nisi quatenus probent, mandatorum limites eos exivisse. Et quanquam multis, ignorantia ac simplicitate ad id genus calumnias prolapsis, facile ignoscatur; illos tamen, qui prudentes id faciunt, certissimum est hostes Reipub. esse, & talibus comparandos, qui ut domum præcipitem in ruinam dent, ejus subruunt fundamenta. Quod Principis juxta ac subditorum interest. Etenim, quæ Principi vires, nisi mutua inter eum subditosque concordia, mutuo amore nitantur? Quomodo autem concors sit, aut auxilio eorum utatur, si proceribus adversari, si plebem opprimere velit, aut in subditos se suos concitari patiatur? Quomodo firmus Reip. status sit, si in Patres, hoc est in Nobilitatem, magistratus, atque urbium Senatores, defensores ac rectores suos multitudo instigetur? qui sæpius pro commodis ejus offen-

sam Principis aut Præfecti incurrunt. Liquido hinc prudentior quisque colligat, nullos nocentiores Reipub. hostes esse, quam qui universæ rectores traducunt. Etsi pro talibus nequaquam habeantur, qui demonstrent, unum quempiam in conventu Procerum, limites mandatorum, aut officium suum excessisse. Quare sciant omnes, cum supremam Patribus potestatem adscribimus, non privatim Legatos intelligere nos, sed, à quibus ii mittuntur, Nobiles atque Urbes. Ita sane alii Principes, ita Britannia Regina, quando cum Fœderatis proceribus fœdus inivit; ita denique ipse Licestrius, cum præfectura traderetur, accipere: de quo nemini ambigendum est. Adeo ut credere nequeamus, esse adhuc, qui justis rationibus probare possint, Nobiles, magistratus, Urbiumque Senatores, nunc ea destitui potestate, quam olim habuisse eos demonstratum est; & illo etiam tempore, quo pacti cum Regina præfecturam Licestrio contulere. Nisi pariter & hæc, & quæcumque proximis quindecim annis proceribus acta sunt, in dubium devocentur; quod non alius quam Reip. hostis factitaverit. Hinc cognoscitur, quam necessarium sit integram Patribus relinquere potestatem suam; quippe cui munimento universæ Belgarum insistant res, haud dubie ruituræ, si subducatur. Et manifestum est, ut olim sub Principibus, ita nunc quoque summum eos imperium habere. Statutum Hagæ Comit. a. d. 16 Julii, Anno 1587. factumque decretum, ut 16 Octobris die Harlemi Licestrio offerretur.

S E R I E S COMITVM HOLLANDIÆ.

Primus qui Hollandiæ titulo Comitis præfuit, fuit *Theodoricus*, filius Gerolfi Frisionum Comitum, Walgeri Teysterbantiæ Comitum frater, obiit anno 903. Successit ei è Gonnâ ignotæ originis, (quamvis nonnulli eam Pipini Italia regis filiam prædicent,) uxore filius

Theodoricus II, qui Frisiis parere abnuentibus, post duo cruenta prælia, jugum imposuit, Monasterium Egmondanum ligneum è saxo confici jussit; Hildegardim Ludovici Franciæ Regis filiam domum duxit, è quâ filios suscepit Egbertum LXXIII Trevirensium Episcopum, & Arnulphum successorem, nec non Erlindam egregia forma virginem. obiit anno 988.

Arnulphus, patre etiam tunc vivente matrimonio sibi junxit Lutgardam Romani Junioris Imperatoris Constantinopolitani filiam, & Theophaniæ, Ottoni II, Cæsari, desponsatæ sororem, ex qua procreavit Theodoricum, & Sigefridum, ex quo Brederodii rectâ lineâ descendunt. obiit à Frisiis occisus anno 993.

Theodoricus ejus nominis III, ordine IV Comes, Vtilhildim Ottonis II Cæsaris & Saxonie Reguli filiam in uxorem duxit; Adelboldum Vltrajectensium præfulem devicit, & captivum detinuit. In vindictam patriæ necis intentis, impetrato ab Imperatore in auxilium Godefrido Barbato Lotharingiæ Duce, contra Frisios bellare aggressus est, at conferto prælio, voce, nescitur unde,

unde, emissa, Fugite, Fugite; vix eorum viâtrices effugiens manus, prælum & Godefridum Ducem amisit. Itaque inulto patre à peregrinatione terræ Sanctæ redûx obiit anno 1039.

Theodoricus IV, cælebs, in ludicro certamine Leodii casu Episcopi Colonienfis fratrem vita privavit, quod bello causam dedit, in quo Theodoricus sagitta veneno infectâ ex insidiis ictus cecidit. anno 1048.

Florentius I, Theodorici frater, Reipublicæ gubernacula suscepit. Hujus successibus externi Principes aliquot, Archiepiscopus Colonienfis, Antistes Leodinus & Lambertus Comes Lovanienfis invidentes, contraxerunt exercitum, quo novum Comitem Principatu deturbarent. Quod ubi ad Florentium permanasset, statim ex consilio senis cujusdam, qua hostem venturum credebatur, factas clam noctu ingentes foveas, ut qui intendebatur dolus procederet, fœno & stramine operuit; in quas egressi hostes quum incidissent, adfuit Florentius, qui magna prius edita caede, multos abduxit captivos: inter quos erat Comes Lovanienfis, quem postea grandi pecunia redemptum dimisit incolumem. Hæc victoria Comitis tantum abfuit ut Archiepiscopum Coloniensem deterruerit, ut non multis inde annis interjectis cum numeroso exercitu in Hollandiam sit reversus; qui effusus omnia vastanti occurrens cum non penitenda suorum manu Florentius levi pugna hostem fudit. Multi in eo prælio cecidere: reliqui capti, qui atate, aut alia re impediti fugere non potuerunt. Fuit annus ille quo Florentius eam victoriam adeptus est humanæ salutis secundus & sexagesimus supra millesimum. Habent Annales, hunc eundem Principem, non multo post superatum Archiepiscopum, sub arbore quâdam (currendo, an pugnando, dubium est) defessum sedisse, ibique interemptum ab his qui superiori prælio fugerant.

Gertrudis, ejus uxor, mortuo marito, præfuit; quâ gubernante non invenio usquam bellatum. Hæc vita decessit, edita jam ex duobus maritis numerosa prole.

Robertus, alter Gertrudis maritus, Theodorici privigni sui necdum maturi gubernaculis Tutor adscitus, Rempublicam summa integritate continentiaque rexit. pulsus tandem à Godefrido Lotharingæ Duce, qui Wilhelmi Trajectensis Antistitis opibus fretus, Hollandiam per vim occupavit.

Godefridus, quum jam videret omnia sibi ex animi sententia succedere, factus multo elatior, bellum Frisii intulit; quibus devictis, reversus in Hollandiam subsedit Alcmariæ: novem interim hebdomadas à Frisiiis obsessus, imploravit opem Trajectensis Antistitis; qui repente succurrens, multis millibus Frisiorum caesis, Alcmariam obsidione solvit. Postea idem Godefridus (qui Gibbosus dictus, quod grandis ei pectore gibbus excreverat) condidit oppidum Delfense, nostris temporibus divitiis & pietate multum insignis. Tradunt quidam eum, quum forte ventrem exoneraret, graviter vulneratum, paucis post diebus animam efflasse, luisseque hoc modo pœnas alieni per vim occupati imperii.

Theodoricus, hujus nominis V, casu Godefrido,

Comitatum ut verus ejus familiæ hæres, accepit; qui administrationem adeptus, pro magno habuit negotio recuperare patriam hæreditatem; cujus gratia Conrado Trajectensium Antistiti bellum indictum, exercitus conflatus. Mirum dictu, qua cupiditate recuperandæ hæreditatis per vim adeptæ, quanta sit alacritate & impetu hostem aggressus: qua quidem re factum, ut terribus Antistes, ac veritus ne illud malum plus nimio invalesceret, deditionem fecerit. Itaque pax facta, & quicquid antea vi armisque Conradus Theoderico adhuc puero ademeral, redditum. Ortum interea novum à finitimis bellum, Frisii novo Comiti rebellantibus; contra quos per concretas frigoribus aquas (jam enim Brumæ tempus erat) profectus Theodericus, modico negotio eorum aciem disjecit, caesis in eo certamine quatuor Frisiorum millibus. Tantum abfuit, ut ea clade accepta quieverint, ut eodem tempore contracto alio exercitu eduxerint contra Theodericum; qua rebellionem vehementer commotus ille rediit; estque eo die atroci concursu tanta Frisiorum strage pugnatum, ut nullius neque sexus, neque ætatis respectus sit habitus. Plures etiam villæ atque pagi incensi. Stavria tribus hebdomadibus circumfessa, tandem his conditionibus rebellionis veniam impetravit, ut deditione facta certam pecuniæ quantitatem Theoderico daret. Hunc in modum subactis Frisiiis, pax composita, perpetuumque obsequium Hollandiæ Comiti promissum. Hic Theodericus vita defunctus est, quum præfuisset annis quinque & viginti.

Florentius, ejus nominis II, cognomento Pinguis, Theodorici filius, post patrem imperat, vir excelsa statura, crasso corpore, pacis quam belli amantior. Egenos hic & pauperes (quod magnum justitiæ opus est) aluit, studuitque toto Principatu omnibus prodesse, nocere nemini. Hoc modo vivendo, omnes qui ante eum fuere Comites virtute ac sanctitate antecelluit. Mortuus, postquam annis duobus & viginti in summa pace & otio Hollandiam rexerat.

Theodericus VI, prædicti Florentii filius, natu major, fit exinde Comes; qui subitâ defectione rebellantes Frisios domuit, adque obsequium retraxit. Sed non diu illi in officio manserunt. Nam paulo post Florentio Nigro, quem in Theodericum fratrem animo infenso esse non ignorabant, socia arma jungentes, hostiliter in agrum Hollandicum incursione facta, Alcmariam incenderunt; exarsissetque multo latius id incendium, nisi repente certior factus Theodericus hostem retro abire coëgisset. Haud multo post, quum allatum esset, uxoris ejus fratrem à Frisiiis captum, exercitum à Trajectensium Antistite superatum, Trajectum profectus, hostiliter eam urbem circumfedit; eratque omnifariam mox instrumentis oppugnaturus, nisi cum universo clero Heribertus Antistes Pontificio habitu urbem egressus, ut anathemate Comitem notaret, militem compressisset. Commentarii, quos sequimur, tradunt, ipsum quoque Theodericum ad Antistitis pedes jacentem anathematis fulmen suppliciter deprecatum. Supplici ignotum, urbiq; obsidione liberata. Hujus

jus Theoderici temporibus Trajecti, nescio quo casu, ortum incendium, cujus adeo flamma invaluit, ut præcipua urbis templa, non pœnitendis adornata imaginibus, arserint. Miraculi loco habitum, quod in tanta pulcherrimæ urbis conflagratione Ædem Salvatori dicatam ignis non attigit.

Florentius III, Theoderici superioris filius, factus Comes matrimonio sibi junxit filiam Regis Scotiæ, quam à Wigbaldio Abbate Egmondensi, viro multa sanctitate prædito, in Hollandiæ portum advectam incredibili apparatu lætitiæque excepit. Hunc & Godefridum Trajectensium Antistitem, de Frisiæ imperio contendentes, in gratiam reduxit Fredericus Imperator, qui sedandæ altercationis gratia id temporis in Hollandiam descenderat. Contingit paucis post mensibus, ut, Florentio Comite majoribus curis occupato, Frisii in Hollandiæ agrum egressi Alcmariam iterum incenderint; qua re commotus Florentius, educto exercitu, cum Frisiorum gente conflixit. Victi Frisii, non paucis argenti modiis pacem redemerunt. Est deinde Florentius cum plerisque aliis illustribus viris Hierosolymam profectus; quibus omnibus quum una esset susceptæ peregrinationis ratio, ut Saracenos, qui Terram Sanctam invaserant, Divino freti auxilio ejicerent, bis cum ea gente dimicaverunt, ac primo prælio interfectorum armis adjuti, altero ita fæde hostem afflixerunt, ut in ea pugna undecim Saracenorum millia ceciderint; spolia ampla relata: tamque singularis victoriæ auctori Deo actæ gratiæ. Si satis diligenter & integra veritate compositi Annales, periit Florentius in Antiochia.

Theodericus VII patri Florentio in Antiochia defuncto surrogatur; qui Comitatum adeptus, cum Guilielmo fratre suo in Selandia atrociter conflixit. Verum non multo post, Balduinus Trajectensium Antistes, & Theodericus Archidiaconus, concordiæ auctores fuere, hac conditione, ut Guilielmus Theoderico majori natu Comitatum Hollandiæ cedens, in Frisia Orientali Rempublicam administraret, & quotannis ex Geervlietensi telonio trecentarum librarum (ut vocant) redditum acciperet. Desiit postea in humanis agere Balduinus Antistes. à cujus obitu Theodericus Hollandiæ Comes Sedis Trajectinæ (de qua electis duobus contendeatur) factus est Tutor; cui summa fide res Ecclesiæ curare nitenti obstitit Geldri consilium: estque ob id cum ea gente dimicatum. Postquam hic motus resedit, Comes Theodericus cum exercitu Brabantiam ingressus Buscumducis vi cepit; eratque nobiles inde viros aliquot in Hollandiam abducturus, nisi subitus Lotharingiæ Ducis adventus omnia mutasset. Nam cæsis illic in magno numero Hollandis, Comes ipse captus non potuit prius in suum Comitatum redire, quam omne damnum, quod Buscoducensibus intulerat, æqua æstimatione persolvisset. Idem quum annos tredecim rexisset, & morbo gravi non longè à Dordracō premeretur, multumangebatur Guilielmi fratris absentia, quem Adæ filiæ adolescentulæ admodum, & immatura adhuc ætate ad imperandum, relinquere Tutorem cupiebat.

Belgica Fœderata.

Hisque implicitus curis moritur, omnibus magnum sui desiderium relinquens.

Adæ superioris Theoderici filia, mortuo patre, nupsit illustri viro Ludovico Comiti Loffensi. Cui quum tantum conjugium à finitimis quibusdam Principibus invideretur, magni bellorum motus in Hollandia orti, qui vix tandem post multam cædem resederunt.

Guilielmus I, Orientalis Frisiæ Comes, Adæ, neptis suæ gubernationem excepit. Ab hoc inimicorum arces aliquot everse. Incensum à Trajectensibus Dordracum; cujus vastationis causam non invenio. Pax tandem inter Hollandos & populum Trajectensem ita composita est, ut Comes Guilielmus, qui prius multo majore incommodo Trajectenses affecerat, mille talentum Antistiti persolveret: Hic Molgtolini avunculi sui, Scotorum Regis, audita mortē, per quam Regnum lege ad se redisse putabat, classem contraxit, qua Scotiam ingressus, multa oppida expugnavit: sed quum à Ludovico Loffensi Comite Hollandiam igni ferroque vastari accepisset, ne certum jam acquisitum Comitatum pro incerto Regno amitteret, domum reductis navibus, Ludovicum adortus est, qui Hollandiæ agros latissimè populabatur. Obiit mortem hic Guilielmus anno initæ apud Hollandos gubernationis undevigesimo, in Frisia Orientali sexto & vigesimo.

Florentius, ejus filius, hujus nominis IV, fit Comes, peritia dimicandi nulli superiorum Principum secundus. Magnitudine rerum gestarum hujus viri accensa Claromontensis Comitissæ uxor, maritum oravit, ut ludos militares ex industria pararet; rata futurum, ut Florentius studio dimicandi cum suis accurreret. Constituitur certamini dies. quem diem quum & Florentius, cujus unius gratia factus erat ille apparatus, venisset, læte mulier conscendit partem domus superiorem, ut ex editiore fenestra dimicantem prospectaret; cujus virtutem ipsa quum subinde laudibus ferret, suspicans maritus adductum sibi ante oculos tori insidiatorem, contractis clam armatis in locum certaminis descendit, omnisque rei ignarum Florentium obtruncat. Obtruncati corpus ad Rhenoburgensē Cœnobium deportatum, ubi loci magnifice sepelierunt Allemanniæ Proceres. Periit autem hic Florentius viridi adhuc ætate, quum annis duodecim Hollandiæ præfuisset.

Guilielmus II, Florentii filius, nondum maturus administrationi erat, sex tantum annos natus: tamen ei Comitatus Hollandiæ ad puberem ætatem incolumis mansit tutelâ patrui Ottonis, Trajectensium Antistitis. Hic Guilielmus, armorum quam auri multo studiosior, imberbis adhuc & vix dum annum agens vigesimum, Romanorum Rex eligitur. cui inde Leodium per Antistitem loci consanguineum suum perducto, universus clerus extra urbem officii causâ obviam processit. Eodem fere tempore apud Trevirorum Archiepiscopum pluribus diebus commoratus, rediit postea in Hollandiam: Instituitque non longe ab oppido Delfensi Concilium, ad quod Hollandi Zelandique suas causas deferrent. Locus dicitur Haga-Comitis. Idem Princeps nunciis

M

& lite-

& literis certior factus Margaretam Nigram, quæ per id tempus Flandriæ præerat, exercitum conflasse ad expugnandam diripiendamque Walachriam Selandiæ insulam, Florentium fratrem cum armata juventute eo misit, ut Flandros ab injuria arceret. Accidit forte, ut non longe à Middelburgo, nobili Selandiæ emporio, duo exercitus inter se concurrerint. Fuit ea pugna Flandris tam cruenta, ut latissime sese in Middelburgensem agrum hostilis sanguis effuderit. Guilielmus Rex quum audivisset, Flandros memorabili clade affectos, navigans euestigio in Selandiam, suppliciter accurrentibus Flandrorum reliquiis, pro innata sibi clementia veniam dedit, quumque omnes detractis vestibus nudos remisisset, ne à tanta illa clade reversi ludibrio suis essent, ex virentibus pisces subligacula sibi fecisse traduntur. In hunc modum superatis Flandris, Guilielmus ab Innocentio Pont. Max. in Italiam accersitus Ianuæ Cæsarea accepit insignia. Inde profectus in ulteriorem Allemanniam, ubi per omnia oppida, pagos, & arces maximis est honoribus cohonestatus, exsiliis undique ad Regis adventum plurimis. Interea certior factus, Frisiorum rebellionem turbam Hollandiæ otia, cum ingenti armatorum manu reversus, cum hoste bis conflixit. semel primo adventu; estque tunc Regis viribus Frisiorum miles subactus. item post v Kal. Febr. quum omnia diuturnum gelu pervia fecisset, Frisiam iterum ingressus, ante initum prælium occiditur, novem & viginti annis in publica administratione completis.

Florentius hujus nominis quintus, annum agens septimumdecimum, vindicaturus patris Guilielmi Regis cadem, Frisiis bello indicto, non multo post cum ingentibus copiis descendit. Congressi tum prælio Frisii plus octingentos è suis amisere. Florentius post aliquot annos iterum cum exercitu in Frisiam reversus prospere pugnavit. Eodem tempore senis cujusdam indicio inventum patris corpus, quod usque in eam diem interfectores ejus occulerant, Middelburgum in Selandiam deportandum curavit, sepelivitque magnificentissime in Præmonstratensium Fratrum Monasterio. Meruit hac re illustris Princeps singularis in parentem pietatis laudem. Porro defunctus sepulturæ munere, cum Flandris, qui mox ad subigendam Walachriam adfuturi dicebantur, navali prælio certare constituerat. Sed priusquam educere in hostem potuit, interea adfuit Brabantia Dux Ioannes, quo adnitente facta pax; quæ ut firmior esset, Guidonis Flandriæ Comitis filia Beatrix nomine Florentio in matrimonium data. Ex qua quum suscepisset quatuor filios, tres in flore primo extincti sunt. Multa in diversis Hollandiæ oppidis Palatia magnifico extruxit apparatu: & secessus fecit amœnissimos, in quibus nunc venationi operam daret, nunc inter forma excellentes virgines deliciaretur. In re quoque militari dimicando jaculandoque se multum exercuit. Proditum est, eum domi ordinatis rebus in Angliam trajecisse, ut Scotorum gentem subigeret: verum rebellionem Flandrorum revocatus, mentem ad alia vertere coactus est. Quæ omnia prætereo studio institutæ brevitatis. Extremæ vitæ tempore, dum aucupio animi gra-

tia indulget, foedo parricidio ab Hermano Woerdenfi, Gerardo Velseno & Gisberto Amstelenfi Dynastis occiditur, per causam, quod quibusdam arcibus ac possessionibus illos spoliasset in gratiam Iohannis Ultrajectensium Antistitis, qui Ecclesiæ esse bona contendebat, nec non quia iis nobilitatem in gratiam plebis nimis suppressere videbatur. Apprehensus igitur Trajecti, quum auditum esset in Hollandia contrahi exercitum ad liberandum Comitem, duobus & viginti vulneribus à Velseno confoditur. Velsenus aliique sceleris participes postea capti, perpetrati sceleris pœnas dederunt.

Ioannes I, interfecto Florentio, cum puer adhuc abesset in Anglia, discordia aliquamdiu in Hollandia laboratum est; donec missi in Britanniam legati Comitis nuper cæsi heredem reducerent, sub cujus appulsu omnis repente sedatus motus. Hic Ioannes natu grandior, bis rebellantes Frisios aggressus, magnis affecit cladibus. Hoc etiam Principe Dordraci tumultuatum est. Decessit post exactum in administratione quadriennium.

Ioannes II, Hannoniæ Princeps, Ioanne I sine liberis fato cedente, Hollandiæ Comitatum obtinuit. Hic fratrem suum Guidonem Trajectensium Antistitem creatum tanto studio defendit, ut semel profligatis qui illum Episcopatu dejicere conabantur, nulli deinde arma movere sint ausi. Prodigis aliquot tunc temporis præmonstrata sunt apud Selandos gesta bella. Flandrorum Comes Guido Dampetræus intra paucos menses frustra Ziriseam obsedit, maxima suorum jactura. Ultimo fere tempore, quo Guilielmus Ioannis Hollandiæ Principis filius bellum hoc ad exitum perduxit, 10 Augusti anno 1304, tantis utrinque viribus est in aciem descendum, ut ad tria millia passuum (si veri sunt Commentarii, quos sequimur) exauditus sit bellantium fremitus. Cæsa sunt in eo certamine decem millia Flandrorum. Naves captæ magno numero. Hac victoria filii audita, Ioannes Comes multum lætatus, paucis post diebus decessit. Sepultus Valencenis, nobili Hannoniæ oppido.

Guilielmus III, in patris locum surrogatur, qui cum esset vir pietate & innocentia insigni, *Boni* cognomentum meruit. Middelburgi apud Selandos Collegium Canonicorum D. Petri ab eo institutum reperio. Sub hoc tempus duobus maximis malis Hollandia biennium laboravit, fame & pestilentia. hæc latissime vagata, ingentem hominum vim extinxit; illa tam invaluerat, ut super vetitos cibos inventi sint, qui fame adacti pecudum more nascentia in campis gramina comederint. Anno 1328, Philippus Gallorum Rex Guilielmi hujus copiis adjutus, Flandrorum exercitum fudit fugavitque. Eodem anno Guilielmus Frisios classe adortus est. In Hannonia Præfectum Suyt-Hollandiæ, qui rustici pinguiorem vaccam pascuis abduxerat, & suam reliquerat, ultimo affecit supplicio. Tantus erat justitiæ amator. Idem gravi morbo laborans, quum adesse sibi fatale tempus videret, accersitum ad se juvenem filium hortatus est ad cultum veræ pietatis: precatus eundem,

eundem, ut paci studeret, neque Clerum oneraret exactionibus. Hæc ille pauca locutus, haud multo post animam efflavit. Ante hunc nullus unquam Comes majus reliquit sui desiderium. Nam qui ob naturæ bonitatem triginta tribus annis, quibus præfuisse dicitur, omnibus carissimus vixerat, non potuit fieri, ut mortuus non desideraretur.

Guilielmus, ejus nominis IV, accepto à Patre Comitatu, statim cum delecta armatorum manu in Hispaniam transgressus, ut Regem assidua cum Turcis Saracenisque bella gerentem auxiliis adjuvaret, pugnando objectandoque se periculis in tantam brevi claritudinem evasit, ut Hispanis æque ac militi suo gratissimus esset. Postea reversus in Hollandiam, Trajectum oppugnare adorsus, Nobilium (quos apud se habebat) rogatu, civibus has breves, & duntaxat paucorum mensium pacis redimendæ condiciones dedit: Vt nudatis plantis adaperitisque capitibus egressi quingenti ad Comitis pedes humiliter prostrati veniam poscerent. Quod quum ita factum esset, movit inde in Frisios; ubi dum nimia cupiditate propagandi fines imperii incautius dimicat, ad Staveram occiditur.

Margareta Augusta, Ludovici Romanorum Imperatoris conjux, successit: quæ exquisitissimo apparatu in Hollandiam descendens, filio suo *Guilielmo* hac conditione tradidit eam gubernandam: Vt quotannis ille matri certam pecuniæ quantitatem dependeret. Quæ Frisii per id tempus habebant bona in Hollandia, ut fratris *Guilielmi* eadem ulcisceretur, *Margareta* publice vendidit. Trajectensibus aliquot mensium induciæ datæ. His rebus transactis, rediit in Bavariam Ludovici conjux. Nec interea Trajectenses quieverunt, exacto induciarum tempore, præter omnium expectationem, cum exercitu Hollandiam ingressi. Sed hic tumultus statim compressus. Post hæc reversæ ex Bavaria matri *Margaretæ* *Guilielmus* Comitatum restituit. Quam rerum mutationem excepit bellum, quod cum Trajectensibus *Hollandi* feliciter gessere.

Guilielmus V, Bavarus, defuncta matre, inivit Hollandiæ administrationem. Hic Princeps Trajectensium agros ingressus, omnia circa urbem hostiliter populari adortus est. Qua re irritatus Antistes, cum ingenti exercitu haud multo post ingressus Hollandiam, oppida duo capta incendit. *Guilielmi* hujus principatu, bona pars urbis Harlemensis deflagavit. Sed nec hoc quidem satis constat, unde tam ingens sit ortum incendium. *Guilielmus* exacto in Principatu septennio incidit in phrenesim; quo morbo implicatus, hominem Nobilem etiam cum sua manu occidisset, vinctus in custodiam datur.

Albertus I, Bavarus, resuscitata contentione, his, ut phrenetici Comitatus uxor, aliis ut *Guilielmi* ex utroque parente frater *Adelbertus* succederet, adnitentibus: vicit, quod rarum est, melior pars majorem, & missi qui e vestigio *Adelbertum*, qui tunc aberat in Bavaria, adirent: rogarentque ut quando frater mentis compos esse defuisset, ipse descenderet administraturus Rempublicam. Audita legatione *Adelbertus* in Hollandiam transgressus, à suis officiosissime ex-

cipitur. Postea Delfenses obsedit, injuriam sibi illatam vindicaturus: Nam munimenta & arces aliquot Principis *Alberti* incenderat, & item in Haga Comitatus absente *Alberto* effractis custodiis eduxere quosdam è suis, qui antea fuerant *Alberti* jussu in vincula coniecti. Nihil tamen hostile fecit, illis veniam suppliciter petentibus; muri tamen diruti sunt, ne deinceps unquam rebellarent. Egressus inde Comes in Geldriam, prædæ & populationis omnia complevit. Ab ea expeditione brevi in Galliam ad Carolum Regem est profectus. Auctores, quos sequimur, causam profectionis hujus non tradunt. Sunt & Frisones ab eo sæpius vexati. Præfuit Hollandiæ annis sex & quadraginta. Apud Hagam-Comitis magnifice sepultus. Paulo ante obitum hujus Principis tanta oborta est in Hollandia ventorum tempestas, ut maxima hominum strage multæ domus corruerint.

Guilielmus VI, Bavarus, Patri *Adelberto* substituitur; qui Geldriam semel & iterum tumultuose ingressus, fœde eam populatus est. sed mutatis rebus, tantus hic fuit postea *Reinaldi* *Gelriæ* Ducis amicus, quantus antea fuerat hostis. Biennio post, Frisones Hollandiæ agrum, ut sæpe alias, hostiliter invaserunt: cujus ultionem injuriæ *Guilielmus* majoribus curis tunc occupatus in aliud tempus distulit. Hic idem Conventu indicto, ad quem multi Hollandiæ Principes sunt profecti, egit in eo de surroganda sibi post mortem unica filia; quod quum omnibus placuisset, statim confectæ sunt super ea re publicæ literæ. Post hæc ille quum pauxillum temporis supervixisset, fatis est functus anno suæ gubernationis terdecimo.

Iacoba Bavara post obitum patris gubernationi admota, quum audivisset *Ghoricum* oppidum Hollandiæ à *Guilielmo* *Arkelenfi* occupatum esse, jussit confestim eo cum expedita armatorum manu occurrere *Walravium* *Brederodiorum* Principem, ut repentino suorum adventu comprimeretur ille tumultus; estque paulo post intra muros atrociter dimicatum, cæsis utrimque ducibus. Oppido sic recepto, venit *Hagam-Comitis* *Iacoba*, nupsitque *Ioanni* *Brabantiae* Duci. Interea *Ioannes* *Bavariæ* Dux *Iacobæ* patruus, impetrato ab Imperatore Comitatu, quem jure sibi deberi credebatur, quod *Guilielmus* frater nullam virilis stirpis prolem reliquerat, magnos tota Hollandia motus excitavit. Hinc bellum inter eum & neptem orta. Plures etiam urbes hoc metu à *Iacoba* defecerunt; quæ composita postea pace *Ioanni* sunt relictæ, inter quas fuit & *Dordracum*, urbs hodie multum celebris. Mansit idem *Ioannes* per triennium *Hollandicarum* rerum tutor. Quo temporis spatio plurima domi forisque gesta, quæ catalogum tantum, non perpetuam Historiam, scribenti mihi sunt prætereunda. Inter *Ioannem* Ducem *Brabantiae* & *Iacobam* ejus conjugem ortæ postea iræ ita magnæ, ut brevi sit inde divortium subsequutum. Variis interea motibus agitata Hollandia; quæ, post defunctum *Bavariæ* Principem & suum Tutorem, sprete *Iacoba*, *Ioannem* ejus maritum Comitem assumpsit. Hic brevi post, quum & *Brabantiae* Dux esset, credo delectatus

Lova-

Lovanii Brabantiae urbis amoenitate, condidit inibi Gymnasium, in quo liberales Artes publice docerentur. Ceterum hac Schola successu temporis multum crevit, praecipue accessione Collegii, in quo publice tres linguae docerentur, Hebraica, Graeca, Latina. Magnis impensis instituit hoc Collegium vir clarissimus Hieronymus Bufidius, Praepositus Arienfis, anno Salutis humanae 1517. Iacoba extremo vitae tempore, quum post tot indecora connubia (nupsit enim Ioanne adhuc in humanis agente Humfridio Colcestrensi Duci, post marito defuncto Franconi Borsalio Nobili Zelando) nullam haberet prolem, Philippo Burgundiae Duci, matertera sua filio, Comitatum Hollandiae per manus tradidit.

Philippus Bonus accepto a nepte Comitatu Hollandiae, quum esset ob quasdam res infenso in regem Anglorum animo, Caletum in Flandrorum finibus sitam urbem tanta armatorum manu obsidisse dicitur, ut soli aurigae, qui bellica instrumenta aliaque ad militiam necessaria eo advexerant, sufficere potuerint ad urbem expugnandam. Ceterum antequam Caletum tentari ceptum, obsidio soluta est discessu Gandavorum & Brugenfium, pro quorum ardore iraque nimis pigre Philippus omnia faciebat. Idem Princeps non multo post in Haga Comitum primus Aurei Velleris habuit Comitiam. Filium suum, cui Davidi nomen, gementibus atque invitis Trajectensibus, Antistitem urbis fecit. Hoc etiam adnitente Ludovicus Delphinus Galliae Principatum est adeptus. Et Philippus quum per hac aliaque virtutis opera quatuor & triginta annis Comes Hollandiae fuisset, Brugis morbo gravi affectus, vita decessit.

Carolus, cognomento Bellicosus, filius, successit, rerum gestarum magnitudine patre superior, & ut ille consilio prudentior, ita hic animo magnificentior; qui quum esset Hollandiae Comitatu inauguratus, non magno post tempore ingenti conflato exercitu in Leodiorum agrum profectus, ob conjectum in vincula Ludovicum Borbonium ipsorum Antistitem pernecessarium suum, eorum urbem acri bello expugnavit, expugnatam diripuit, direptamque evertit. Post Leodii excidium hic Princeps militari virtute nulli superiorum Comitum inferior, alia multa bella gessit, mira celeritate semper atque ardore; quo apud posteros id est consequutus, ut Carolus jam non hominis, sed bellicae fortitudinis nomen habeatur. Apud Nantium, quod extremo tempore obsidione cinxerat, tribus confossus vulneribus periit. Anno reparatae salutis 1476. Quo Duce extincto in ipso aetatis & rerum prospere gestarum flore, diuturnus apud omnes totamque Hollandiam luctus fuit. Sed nec Principis sui amantissimae gentes, caedis nuncio fidem primum habuere, quod ut fortissimum Ducem, sic invictum crediderunt.

Maria, unica Caroli filia, forma excellenti virgo, successit; cum hanc nobilissimi Principes Fridericus Imperator & Ludovicus Gallorum Rex certatim, hic Carolo, ille Maximiliano filio uxorem peterent, convocati sunt Lovanium Patriae Primores, qui auditis quae postulabantur, censuerunt ex patris Caroli voluntate Maximiliano

Friderici Imperatoris filio Mariam dandam in matrimonium. Quod adeo iniquo animo tulisse Gallus dicitur, ut statim omnibus, quibus praerat Maria, bellum indixerit. Per id tempus Atrebatum hostiliter adortus est, admissusque in eam urbem, caesis primoribus, diripuit primum bona civium, deinde sine discrimine etiam iussit occidi omnes qui Mariae faverent: vastavit inde quidquid agri oppido circumjacet. In Hannoniis Avennas vi captas incendit, missis Parisios iis quibus ducibus incolae restiterant: li postea non nisi ingenti pecunia sese redemerunt. Eodem tempore, quum Gallus & mari premeret, ab Hollandis Amsteladamsium ductu prospere pugnatum est, capta navi a Genuensibus, cuius magnitudinem nostri homines admirabantur.

Maximilianus, Caroli Ducis filia in matrimonium Gandavi recepta, factus Hollandiae Comes, ditionis suae Principes omnes literis ac nunciis hortatus est, ut ad bellum Gallo, qui usque in eam diem Mariae provincias magnis cladibus affecerat, inferendum, arma secum induerent. Ad quam expeditionem quum non pauci Nobiles viri, opinione celerius, advenissent, in Morinorum agrum egressus cum Gallis acie conflavit. Fuit ea pugna Gallorum Ducibus infelix bona militum parte caesa. Movit inde Maximilianus in Tornacenses; quos tam arcta cinxit obsidione, ut statim petentes pacem sese dederint. recepti hac conditione, ut si unquam alias Flandris rebellassent, publicarentur eorum redditus omnes, quos quotannis ex Flandrico agro percipiebant. Anno proximo in Hollandiam reversus Maximilianus, constituit Vice-Comitem alium ejus Provinciae, quum ipse rebus magis arduis implicitus adesse non posset. Hac tum ab eo adhuc Comite gesta. Quae postea gesserit Imperator, adeo multa sunt & varia, ut separatim volumen requirant. Illud solum adjiciam, hujus morte Principis nihil accidere potuisse luctuosius rebus humanis. Decessit autem hic Princeps longe optimus ac liberalissimus anno Virginiae partus 1519, mense Ianuario.

Philippus II Austrius, per aetatem administrationi maturus ultro cedente Maximiliano patre, gubernacula Hollandiae suscepit. Hic Princeps cum magno peditum & equitum globo ingressus Geldriam, ut eam terram olim a majoribus subactam repeteret, omnia terrore complevit: pleraque oppida percussa metu ad primum statim potentissimi Ducis adventum sese deditere. In his principiis videbatur brevi Geldriam universam domiturus, nisi repente mutatis (ut fieri solet) rebus, in Hispaniam profectus fuisset, ut Castellano Regno inauguraretur. Fuit ea Philippo maxime pacata magnificaque profectio, & altera illa nobis plane non tristis solum, verum etiam luctuosa. Nam tunc in Hispaniis decessit adhuc juvenis, & amplissimis imperiis destinatus.

Carolus, ejus nominis Romanorum Imperator V, Philippi filius, anno 1500 bissextili Februarii die Lunae Matthiae sacro Gandavi in lucem prodiit. Pueritiam ejus (nam sexennis patrem amisit) & adolescentiam ad probitatis normam direxerunt Margarita amita, Archiepiscopus Veson-

Vesontinus ex progenie Vergya, Guilielmus Croyus Arschotæ Cievraque Regulus, & Hadrianus Florentius Vltrajectinus, Theologiae Lovanii Doctor, Academiaeque Cancellarius, qui postea ad Papatum, sub nomine Hadriani VI, sola virtute doctrinaque Romæ cognitus, pervenit. Eum ergo Belgica anno 1515 Principatui inauguravit. Hispania altero post anno; Germania anno 1519. Regem atque Cæsarem agnoverunt: quamvis Hispania regnis non fuit inauguratus ante annum 1518. Sed anno 1520 mense Octobri, Aquisgrani in Cæsarem inauguratus est. Tornacum ejusque arcem atque agrum anno 1521 Gallis eripuit, sibi que subdidit. Capto ad Papiam 1525 Francisco I Galliarum Rege, Flandriam Artesiamque omni supremo Franciarum imperio & qualicunque obsequio emancipavit: cunctaque Andegavensium in Neapolim, & Aurelianensium in Mediolanum Genuamque jura, à Francis abdicata, in se transtulit. Roma ab ejus exercitu anno 1527, sexto Maji die, ad suburbium, qua mons, quaque S. Spiritus templum, superata fuit, atque spoliata. Vltrajectina & Trans-Iselana ditio Henrici Bavari Palatini Episcopi, Ordinumque regionis cessione, à Clemente VII Papa Imperioque approbata anno 1528, in illum transiit: quum duodecim ante annos Frisia accessisset à Georgio Saxoniae Duce, centum florenorum millibus transigente: cujus patri Alberto, Belgii Praefecto, in compensationem pecuniae mutuae, operaeque strenuae & sumptuosae, per Caroli patrem concessa fuerat. Anno 1530 à Clemente VII Pontifice in Imperatorem Augustum die natalitio Bononiae consecratus est. Soleymanum Turcum potentissimum toti Germaniae inhiantem anno 1532 domum fugavit. Geldriam cum Zutphania, per Carolum proavum coemptam, possessamque, sed ereptam à Carolo Egmondano ad annum 1543 recuperavit, abstraxitque Guilielmo Cliviae Duci, novo possessori: Cameraco, vetusta Imperii urbe, paucos annos contra Gallos asserto, arcem imposuit, veluti frenum atque vadimonium. Mediomatricum Metim, à Gallis interceptam, anno 1552 frustra obsedit, propter hyemis rigidae nivosaque asperitatem, & praesidii nobilissimi pertinaciam. Teruanam Morinorum, antiquam nobilemque urbem, Gallis fidam, perpetuamque Flandriae Occiduae noxam, anno 1553 oppugnatione cepit, funditusque delevit, cum Hefdino, novumque Hefdini oppidum struxit loco aptiori. Belgii Proceribus, Urbiumque Legatis praesentibus, ditionum administrationi Gandavi renunciavit, filii praesentis & succedentis virtuti confusus, ad annum 1555, mense Augusto: tum rerum humanarum regnandique tandem, & caelestium desiderio: tum asthmatis angustis debilitatus. Ex Selandiae Rameka, anno

1556, Septembri mense solvit, & cum Leonora Mariaeque sororibus viduis ad Laredum Hispaniae portum applicuit. Inde ad Hieronymianum Sodalitium D. Iusti, septem à Placentia milliaribus, diocesis Toletanae, locum perpetuo vere salutarum, lectica vectus est, ibique Romanum Imperium sponte abdicavit; brevique mortalitatem explevit ad annum 1558, 11 Kal. Octob. aetatis anno 58, mense sexto, die 27, Principatus paterni 52: regnorum maternorum 43, S. Imperii 40. Sepultus est Escuriali. Ex Isabella Emanuelis Portugaliae Regis filia, quae anno 1539 mense Majo Toleti decessit, reliquit Philippum virilis stirpis unicum, successorem, Mariam & Ioannam: Illam Maximiliano II Caesari: hanc Ioanni Portugalliae Principi conjugatas. Nothos habuit non ignotos, Ioannem, nobilissimo ad Naupactum contra Turcos praelio celebrem: atque Margaritam, Alexandro Medices Florentinae ditionis, dein Octavio Farnesio, Parmae Placentiaeque Ducibus, nuptum à patre elocatam.

Philippus II, ejus nominis Hollandiae Comes III, in Hispania, Valle Olitana, urbe Vaccarum, anno 1527, mense Majo, in lucem prodit: quo tempore patri Roma subjugabatur. Mariam patris consobrinam, Angliae Reginam, per Lamorallum Egmondanum Gaveræ Principem, procuratorem suum, antea sibi desponsam, anno 1554, Wintoniae in uxorem accepit: Regno Neapolis, & Ducatu Mediolanensi, propter nuptias à patre donatus. Anno 1558 insignes contra Gallos pugnas victoriasque ad Quintinopolim ac Grevelingam, illustriori ad annum 1559, mense Aprili, pace exornavit: qua sibi ingens nomen amplificavit, & Emanuellem Philibertum, Sabaudio Pedemontioque ad annum 1535 cum patre ejectum, avitis ditionibus restituit, magna in amicitia constantiae, & in potentia efficaciae commendatione. Praeclarissimae oleae annexuit lauream immortalem, tum Augusto Musarum templo Duaci dedicato: tum sacrosanctis Bibliis, Graeca, Hebraica, Chaldaica, triplicique Latina lingua correctissimis ornatissimisque, ex Academia Complutensi orbi universo communicatis. Ex Flandria, caeteroque Belgio, pace tutis, ac opulentia copiosis, sub finem anni 1559 in Hispaniam enavigavit. Post cujus discessum, quam non tantum in Flandria, sed in toto Belgio misere & infelicitate, omnia successerint, notissimum est: nostrique non est propositi, nec praesentis instituti de iis agere. Hollandia interea pro libertate contra Ministros Regios arma suscepit, sibi que libertatem asseruit à Philippo IV post bellum per 80 annos gestum confirmatam, nunc sui juris, placido sub Ordinum moderamine floret, vigetque Respublica toto orbe notissima, celeberrima, hostibus formidabilis, amicis salutaris.

HOLLANDIA

AVSTRALIS,

vulgò

ZVYD-HOLLAND.

Zuyd-
Hollandia,
strictius
summa.



Zuyd-Hol-
landia: me-
tropolis.

Ollandia in plures partes dividitur, quæ peculiaria nomina fortuntur, ut Kennemariam, Waterlandiam, Goelandiam, & similes: sed maxime communis & alicujus usus divisio est, in Australem & Septentrionalem. Quarum hæc etiam Westfrisia dicitur. Est tamen & strictior Zuythollandie notio, quæ maxime propria est, & longè antiquissima, qua significatione eam Hollandiæ Australis partem significat, in qua Ius Zuydhollandicum jam inde a priscis temporibus viguit, & unde primum in alias vicinas terras emanavit; vel, ut verbo dicam, Baillivatum Zuydhollandicum, cujus metropolis est Durdrechtum, unde Durdrechtanæ insulæ nomen. Circumscribitur hæc Mosâ præcipue flumine, & alveo exiguo, qui recta eam secatur, Stryam & Occasum versus, de kil dictus. Ad Ortum & Austrum latus se sinus pandit, cujus una pars, quæ Geertrudis montem spectat, de Biesbos appellatur, à fundo juncorum sive scirporum, ob exiguam altitudinem, feraci. Altera Zelandiam versus, t Hollands-diepe. Alluit urbem Mosâ, absorptis una in se Merva, & Linga. Non defunt, qui adferant, illam quatuor adjacere fluminibus, juxta distichon,

*Me Mosâ & Vahalis, cum Linga Mervaque cingunt,
Aeternam Batavæ Virginis ecce fidem.*

Vtut sit, redacta est inter has ipsas in Insulæ formam, idque anno cccccxxi, quo tempore Vahalis simul & Mosâ, exæstuante in eos Oceano, ex agro antea inter hanc ipsam urbem, & Brabantiam interjecto, effecerunt immensum illum aquarum gurgitem: absorptis violenter 72 pagis, & aliquot hominum millibus. Accidit hoc anno supradicto, mensis Novembris die 18, noctu, festo S. Elizabethæ, irrumpentibus aquis prope pagum *Wieldrecht*. exstat Chronologicum tale:

DVrdreCto InCVbVIt VIs artroX InCIta
VentIs,

Vrbs qVa dIsILVIt protInVs haVIta
Marl.

Diviso.

Dividitur Zuythollandia in Insulas quatuor, Majorem, Swijndrechtensem & Rhiederensem, Alblastensem, Krimpenssem: vulgo de Grote waert, de Swyndrechtse ende Rhieder-waert, den Alblaster-Waert, Den Crimpender-waert.

Insula
Major.

Insula Major, de Groote Waert, ob magnitudi-

nem qua præcellit, & ingentem terræ tractum, quem occupat, ita nominata per excellentiam, Zuythollandica quoque dicitur; solum hujus insulæ depressioris ante inundationem erat sitûs, sed nihilominus lætis pascuis, & pinguibus arvis dives, pagos, ambacta, & satrapias, nec non nobilium sedes magno complectens numero. Aquis, fluviiisque irrigua erat hisce sequentibus, Vahali qui nunc Merwa dicitur, Mosâ, Dungâ è Brabantia veniente, Werkâ, Gravâ, Oubbela, Almâ, Eema, Duffa, Middelâ, Voornâ, & Stryenâ. Quamvis autem hodie majori ex parte aquis tegatur, nihilominus fert animus pagos, dominia, & satrapias recensere, quæ olim ante inundationem fuerunt, quorum aliquot ex parte industriâ hominum caput ex undis extollunt. *Meruwede* non à Meroueo Francorum rege, sed quod ibi optima equorum essent pascua, sic nominatum: dominium olim 800 terræ complectebatur jugera, & in ipsam civitatis Dordracenæ partem extendebatur jurisdictio, qua summa, ima & media potiebatur loci dominus; nunc Civitatis emtionis titulo proprium est, nihilque fere residuum, nisi rudera arcis in mediis aquis sita. *Dortsmonde* olim pagus ad fluvium Dortam; cujus nomen & titulus in hodiernum diem servatur, & possidetur à Pompeia gente cum piscationis jure; ceterum, pagus ipse una cum fluvio à majoribus aquis absorptus est. *Riede* pagus fuit juxta Meruwede, Riediorum nobilium quondam sedes. *Slydrecht* situs erat è regione alterius pagi in Insula Alblastensi siti, & eodem nomine dicti. Ferunt ambas horum pagorum ecclesias à duabus sororibus olim ædificatas, sed illam in Majori Insula sitam, & jam undis obrutam, ædificii elegantia & nitore longe præstittisse: quod cum fundatrix sorori exprobraret, eam respondisse dicunt: Mea perdurabit Ecclesia, tuam vero evertet temporis injuria. *Giesse Monde* situs erat ad Ostium Giesse fluvii. *Crayessey* Toparchia celebris olim, constans trecentis terræ jugeribus, nunc tota aquis tecta, paulatim tamen caput ex undis extollens, aliqua sui parte se visendam præbet, possidetur à familia cognomine. *Lang-Ambacht*; quod olim continebat octingenta jugera, & *Kort-Ambacht* ambo sub aquis sunt, è patrimonio Comitatus. *Houweninge* septingentorum quinquaginta jugerum pagus, majori jam sua parte ex aquis rursus emerfit, possidetur à gente Corteia. *Werkendam* ad Werkam fossam, ad angulum Septentrionalem agri Altenatensis, pagus est admodum frequens; & quamvis bis incendio post hominum memoriam exu-

exustus sit, bis tamen ob opportunitatem piscationis & aucupii, quibus incolæ victum quaerunt, pulchrior evasit, possidetur à Wyngaerdia gente. *Werkenmonde* pagus est aquis tectus, cuius meminit Wilhelmus Hæda hisce verbis: *De Thuredrecht ad Orientem usque Godlines Hoffstadt, quod est juxta Werkenmunde. Dubbeldam* prope Dordracum cum reliquis pagis injurias aquæ passus, usque ad annum 1603 sub eis latuit, quo ejus pars aggeribus septa, & ex aquis producta; ei accessit altera pars meridionalior anno 1617. & postmodum non exiguum terræ spatium; feudum est Comitatus Hollandiæ quod Mylii possident. *Wolbrantskerk, Kruyskercken, de Nefse, Aloeyfen, Tolloyfen, Almspoet, Eemkerk, Eemsteyn, Almsteyn, Wt Alm*, pagi toti sub undis latent, nec fere quicquam de iis superest, nisi jus piscationis, quod præfecti dominiorum Comitatus locant. *Aersbergen, Opalm, Dussen Munsterkerke*, cum arce non contemnenda, feudum est Comitatus Hollandiæ, possessum ab Axeliis dictis Iacot, *Dussen Muylkerke* feudum est satrapia Meruwedæ. *Myl* pagi pars vi aggerum & molarum rursus ex aquis emerfit. *Leyder-Ambacht & Poelwijck* sub aquis latent. *Puttershoeck*, olim viculus, nunc pagus inter insignes numerandus, ædificiis pulcherrimis & portu sat commodo ornatus, cataractam habet, ex qua navigia in Mosam emittit, magno cum incolarum insulam incolentium commodo. *Mijns Heren lant van Moerkerke* feudum est Comitatus, possessum à Dublettiis. *Heynkens-oort* Assendelforum peculium, pro magna sui parte, anno Domini 1578 aquis eductum est. *Godschalks-oort* est dynastia allodialis possessa à Berkiis. Cæterum in tractu Brabantiæ vulgariter dicto de *Langestraete*, sex numerantur pagi sub Zuidhollandia comprehensi: *Besoyen* in feudum à Comitatu Hollandiæ tenetur à Wyttenhorstiiis. *Sprang* pagus valde amœnus, undique arboribus proceris confitus, sylvula, in qua domicilium Toparchi, ornatus. Itidem feudum est Comitatus, à longiis hodie possessum. *Cappel Ravenschottii* in feudum possident. *Zydwijn Nusenburgii. Nederveen. Kleywaspick* Principis Arausionensis patrimonium. *Groot Waspick Ravenschottii* feudum est. *'s Gravenmoer Duynii* in feudum tenent. *Raemsdonck*. Ad Occidentem à Geertrudisberga pagi sunt *Driemylen & Zwaluwe inferior & superior*; olim Civitatis Geertrudisbergæ, nunc ex donatione Ordinum Hollandiæ, anno 1611 facta, Principis Auriaci proprii pagi. *Stanthafen, Houckenesse, Dubbelmonde & Twintig hoeven* sub aquis sunt. Et nihil Domino eorum, qui est dictus Princeps Arausionensis, de iis reliquum, nisi jus piscationis, quod piscatoribus locare solet. *Wieldrecht* & ejus pars *Achthoeven*, in qua olim Zyla amnis, cuius ditentio, vi diplomatis à Guiljelmo VI Comite Hollandiæ anno 1414 Dynastia Sevenbergenfi concessi, inundationem illam deplorandam causasse ferunt, quod hi significant versiculi:

*Perdidit hoc diploma homines, armenta, gregeſque,
Septuaginta duos pagos, & florida rura.*

Weede & Wedenbroeck, aquis obruti. *Maesdam*, Dorpiorum toparchia. Præterea erant & sequentes pagi, nunc ab aquis everſi, ita ut nequidem memoria extet, quo in loco insulæ Majoris ſiti Belgica Fœderata.

fuerint. *Geraert Monnen Stryen, Heer Geermans polder, Muylwijck, Nieuwerk, Thiedradeskerk, S. Andries Kerk.*

Eidem Insulæ majori veluti appendix annumerari solent, Insula Thyffelingensis, vulgo de *Thijffelings waert*, Majori olim, antequam & hæc aquis obrueretur, ad occidentem contigua, suis tamen statutis utens, unam ex septuaginta duabus parochiis submersis ambitu suo continebat. Nec non alius ager *bet Vrylant* dictus, qui eadem inundatione aquis tectus est. *Stryen* præterea olim Comitatus, sive territorium amplissimum, sub quo Bredam, Bergas ad Zomam & plurima alia Brabantiæ loca fuisse, fert Oudenhovius in sua Zuythollandiæ descriptione. Cæterum anno 1421 eandem cum circumvicinis agris sortem expertus est, sed quo tempore exſiccata sit ejus pars, quæ nunc extat, incertum est. Pagus in hodiernum diem nomen servans, sat pulcher est, sub cujus districtu & Baillivatu (quem peculiarem & à Zuythollandico separatum habet) sequentes sunt pagi, *Cielis bouck, S. Anthonis polder, de Westmaes, de Group, Claes Wael, Cromstrien & 's Gravendeel.*

Swyndrechtensis insula, vulgo de *Swyndrechtſe Waert*, nomen à pago *Swyndrecht* accepit, duos habet canales, *Vahalim, & Develam*, ex quibus incolis non contemnenda commoda: cæterum privilegiis dotata est hæc insula ditissimis, idque quod ob exiguum terræ spatium, quod continet, proferendorum & tutandorum limitum suorum impensis alioquin sit impar. continet vero pagos sequentes, *Heer Ians Dam*, feudum Comitatus possessum ab Hardenbrouckiis. *De Lindt*, à gente Lindana (è qua Wilhelmus Damasi Lindanus, dum viveret, Ruræmondensis Episcopus, originem trahit) nomen habet: dividitur in majorem & minorem, & possidetur à Beveris, qui illud in feudum à nobilissima apud Hollandos gente Wassenaria tenent. *Kijshoeck* feudum Comitatus possidetur à Renessiiis: *Heer-Oude-Lants-Ambacht*, feudum itidem Comitatus, Merodiorum est. *Schobbelant-Ambacht*. *Swyndrecht* pagus est è regione urbis Dordracenæ in adversa Merruæ ripa situs, toti Insulæ nomen tribuens, fluminis trajectu & equorum nundinis celebris. *Meerdervoort & Kortambacht* Satrapia est antiquitate conspicua, longo tempore à Meerdervoordiis nobilissima gente, post ab aliis, nunc à Pompeiis possessa. *Depelsteyn* arce antiqua spectandus, patrimonium allodiale Beverorum est: ab iisdem tenentur quoque in feudum à Comitatu, *Ryfoort & Strevelshoeck*. Sunt præterea *Sandeling & Hendrick-Iden Ambacht.*

Insula Riederensis, vulgo de *Rieder-Waert*, Insulæ prædictæ Swyndrechtensi contigua, eodem agere includitur, & simul junctæ unam è quatuor Zuythollandiæ Insulis constituunt. Vnicum habet pagum *Riederkerke* dictum, cuius dominus est Marchio Westerloæ è gente Merodia; in ejus districtu olim fuit arx Wouda, & hodie conspicitur Donk arx, Donkiorum domicilium. Hujus insulæ quasi appendices sunt Ambacta aliquot aggeri ejus inclusa, quæ nihilominus suo peculiari jure gaudent, & utuntur: sunt vero hæc: *Iselmonda*, cuius notandæ antiquitatis est nomen, ejus enim meminere Annales Hollandici circa annum 1076,

Insula Thyffelingensis.

't Vrylant. Stryen Comitatus.

Swyndrechtensis insula.

Insula Riederensis.



ast illius, injuria temporum, aquarum, fluminum, jam ipsæ perierunt ruina: pagus vero ejus nominis se ostendit ex adverso ejus loci, ubi Yssela aquas suas in Merruwam exonerat, divisus in partes Orientalem & Occidentalem, vulgo *Oost en West Ysselmonde*, quæ singulæ, Dominium & Ambactum singulare constituunt: illa arce spectabili ornata Dominum agnoscit Excellentissimum Baronem Westerloæ e gente Merodia; hæc Strevelshouckii Dominum e Beverorum familia. *Barendrecht* Beverorum quoque est. *Carnisse*.

Alblasensis Insula.

Alblassensis Insula vulgo de *Alblasser Waert*, sita inter Leccam & Merruwam fluvios, nomen sortitur à pago Alblas. Duos habet canales sive fluvios, *Gieslam* & *Alblas*. Aggeribus vero tribus immensæ molis concluditur: *Den Hoogendyck*, *den Souwendyck* & *den Diefdyck*. Pagi quos comprehendit sequentes sunt, ordine alphabetico exhibiti: *Alblas* nomen à fluvio jam dicto accepit, idque rursus genti nobilissimæ Alblassiæ communicavit. In tabulis Peutingerianis Tablas nominari credunt nonnulli, quod in iis Tablas in inferiori Bataviæ parte collocetur. Ambacto ejus potitur nobilissima Myliorum gens. *Alblasserdam* pagus est insignis, portu commodo ornatus, ubi Alblas fluvius in Merruwam exit, nundinis equorum D. Jacobi sacro die celebrari solitis celebris. Aula Souburgensis arx est perantiqua, cujus rudera & fundamenta magnificentiam spectabilem demonstrant: feudum est Comitatus Hollandiæ. *Amejde* ad Leccam, olim oppidum insigni arce munitum. *Blocklant* dividitur in Superiorem & Inferiorem. Hic feudum est Dynastiæ Giesseburgensis. Ille Comitatus Hollandiæ. *Brandwyck*, & sub eo comprehensus *Gybelant* pagus, Dynastia est Jacobi Westerbanii Equitis, Viri Doctissimi. *Giesse Nieuwerkerk* arcem habet adjunctam, Giesseburgum, perantiquam & Brederodiorum olim sedem & domicilium, possidetur nunc ab Amerongiis. *Giesse Oudekerk* & *Giesseendam* feuda sunt Comitatus Hollandiæ. *Goudriaen* à Schagiorum nobilissima apud Hollandos gente tenetur. *Hardinxveld*, Roveriæ gentis. *Hofwegen* Caroli Manmakerii est. *Hoornaer*. *Langerack* Dynastia est celeberrima nobilissimæ Boetzelariorum gentis. *Liesvelt* Baronatus titulo superbit, arcem habet vicinam, paret Illustrissimo Guiljelmo Frederico Nassavio, Frisiæ Governatori. *Molenaersgrave*. *Meerkerk* pagus admodum lautus. *Nieuwekerk* arcem quondam habuit capacissimam, Leckiorum Dynastiarum olim sedem, ab ædificii pulchritudine Schoonenburg dictam, cujus nunc sola restat sedes, Renessiorum est patrimonium. *Noordeloos* Dynastia ad Brederodios spectat. *Ottelant* & *Puersem* supra laudati Principis Guiljemi Nassavii sunt. *Papendrecht* ad Muylwyckios spectat. *Slingelant* Pompeiæ gentis est. *Slidrecht* complectitur Toparchias tres, *Naeltwicum* Blyenburgicæ familiæ; *Lockhorst*, *Niemantsvrient*; *Streefkerk*, Renessiæ gentis. *Thienoven*, *Wyngaerden*, à quo nobilissima Wyngaerdiorum gens nomen accepit.

Crimpenfis Insula.

Insulæ Crimpenfi Ambactum Crimpense nomen communicavit, includitur Merruwa, Lecca & Isela fluvii ad Orientem Territorio Bloisensi contigua, & magnum terræ tractum occupat. Situ est admodum humili, pascuis lætis abundans.

Pagi & Dynastiæ hujus insulæ sequentes sunt: *Crimpa* ad Leccam, cujus sæpissime in historiis Bellici Belgici meminerunt scriptores; præter hanc alia spectatur *Crimpa* ad Iselam. *Ouderkerk* ad Iselam, pagus nomine & re antiquissimus. *Leckerkerk* salmonum piscatu celebris. *Zuytbroek*, nec non *Stormpolder* possidentur à Ludovico Nassavio Berweertii Toparchâ. *Bergh-Ambacht*. In cujus territorio arx est conspicua. *Aertsbergen*. *Kleyn Amers*, cujus incolæ salmonum piscatu victum quærunt. *Bercon*. *Stolwyck*, hic casei conficiuntur per circumvicinas regiones laudatissimi.

Nomina Arcium, ac Illustrium domorum, quæ in Zuydhollandia etiamnum supersunt, vel destructæ periere, sunt: *Aertsbergen*, *Almsteyn*, *Bejoen*, *Blocklant*, *Bonquet*, *Bosbuisen*, *Crajesteyn*, *Develsteyn*, *Donck*, *Duyvesteyn*, *Dussen*, *Heer-Ians-Dam*, *Giesseburg*, *Harlaer*, *Laer*, *Langerack*, *Meerdervoort*, *Merwede*, *Nederhoven*, *Noordeloos*, *Papendrecht*, *Puttesteyn*, *Rhieda*, *Schonenburg*, *Souburg*, *Stryen* nunc *Oosterhout*, *Werkendam*, *Wouder*, *Ysselmonde*.

Cænobia Zuyd-Hollandiæ, *Hexsterbach*, *Eemsteyn*, *Onse lieve Vrouwe ten Donck*, *Cathusers* sive *Chartrouzen*, sub Geertrudisbergæ territorio. At horum nomina solummodo reliqua nobis fecit temporum injuria.

Peculiares supradictorum locorum descriptiones vide in Descriptione Zuydhollandiæ Belgico sermone edita per Iacobum vander Eyk, anno 1628.

Nos relictis pagis urbium præcipuarum laudes prosequamur. Eminent inter illas *Durdrechtum*, de cujus etymo alii aliter judicant. At *Trecht* trajectum significat, uti videre est in *Maastricht*, *Vtrecht*, *Swyndrecht*, *Papendrecht*: *Dortia* aut *Dort* flumen fluit urbem hanc alluens, ut *Durdrechtum* sit quasi *Dortia* fluminis trajectus. Hinc & nomen pago fuit *Dortsmunda*, quasi *Dortia os dicas*. Iam flumen illud Mosæ absorptum disparuit. Urbs situ maxime opportuno jacet, & ad commercia idonea, ob fluminum Mosæ, *Vahalis*, *Lingæ* & *Mervæ* concursum. Forma illi oblonga ad modum triremis. Nec tam mœnibus aut vallo, quam situ & loci natura firma. Vix alia urbs tota Hollandia magnifica magis, & Agrippinensium fere æmula habet ædificia, quæ verticibus altissimis assurgunt. Stapulæ jus sibi vendicat, id est privilegium sistendi & ab instituto cursu retrahendi merces exoticas, quas negotiator importat, ut nimirum eo loco stabulentur & conquiescant, quo venum prostituantur, quavis tandem conditione, nisi damnosam venditionem causatus, vel meliorem aliunde lucri auram olfaciens institor, vectorve, malit recurrere, unde venerat, vel ubi ipse domicilium habet; quod illi licet etiam, non soluto stato portorio: venditas autem non nisi oppidanorum navibus alio traducere licet. Huic soli inter Australis Hollandiæ urbes datum Principis moneam cudere, auream argenteamque: deinde ut isthic Hollandiæ Comitum inauguratio fiat, nec alibi solenni Sacramento adigantur in mutuam fidem cum Principes, tum Ordines: Urbis regimen, à cæteris Hollandiæ urbibus plurimum diversum, ita se habet: Univeris urbis cura est penes Scultetum, Consulem sive civium Magistrum,

Dortrechtum.

Geertrudisbergæ.

strum, Scabinos, Senatores, Ex-senatores, (vulgo *Oud-Raden*) & Octoviros, quos ipsi vocant *goede Luyden van achte*. Scultetus, qui Principem representat, à Gubernatore Hollandiæ eligitur ex tribus à Senatu denominatis. Consul, qui hic unicus tantum, ter quotannis eligitur ab Ex-Senatoribus (quorum ipsum unum esse necesse est) & octo-viris à Prætoribus ad id citatis & juratis. Si vero octo-viri omnes suffragiis in unum conveniant, VIII illorum pro XII computantur. Scabini & Senatores sunt, qui quotidie jus dicunt: Scabini nimirum novem, & Senatores quinque. Eorum dimidia pars quotannis mutatur. nimirum uno anno quatuor Scabini & Senatores tres, altero quinque Scabini & duo Senatores. Nominantur autem duplo numero à 40-viris. Ii sunt omnes illi, qui Magistratu funguntur, & qui à Magistratu fungentibus, è cæteris civibus ad justum numerum subleguntur, quorum XL viro- rum nullæ aliæ partes sunt, quam semel quotannis Scabinos & Senatores nominare, aut iterum, si quis intermedio tempore vita functus fuerit, alium in demortui locum surrogare: è duplo porro numero à XL viris nominato, Præfectus Hollandiæ singularum numerum eligit: Scabini denique & Senatores ita electi munus suum auspicantur pridie festo S. Michaelis, & munere suo per biennium defuncti, deinceps pro Ex-Senatoribus habentur, quorum numerus incertus est. Octo-viri communium, sive plebis vicem obeunt. Ii quotannis à *Gildarum*, ut vocant, præfectis, sive decurionibus artificum mechanicorum, triplo numero nominantur, nimirum è quatuor urbis regionibus sen: è quibus dein à Præfecto Hollandiæ octo eliguntur: qui festo S. Simonis & Iudæ munus suum auspicantur.

Geertrudis-berga.

Terminat Zuyd-hollandiam versus Austrum: ultra eas aquas, quas *Biesbos* vocant, *Geertrudis-berga*, in sinistra Mervæ ripa situm oppidum, piscatu nobile: ubi tanta, tamque felix est clupearum captura, Martio ferme mense, ut die uno supra decem & octo alosarum millia retibus & fagenis capta, in censum piscatorium relata tradatur. Neque infelix est in iisdem aquis piscatio salmonum & accipenserum. De hujus oppidi dominio magna fuit majorum nostrorum temporibus controversia, Hollandis hinc, illinc Brabantis illud sibi vendicantibus, ob situs opportunitatem. eoque res processit, ut Hollandiæ Ordines solenni sacramento Principes suos adegerint, ad illius retentionem, contra Brabanti ad recuperationem. Paret Arausino Principi, qui oppidum ab hostibus dolo interceptum, & postliminio singulari virtute recuperatum, operibus, propugnaculis, fossisque ita communivit, ut hodie inter inexpugnabiles urbes merito censeatur.

Versus Septentrionem ultra Leccam *Schoonhovia* est, felice quoque salmonum captura nobilitatum. creditur è Neoporti oppidi, quod in adversa ripa stetit, ruinis crevisse: perlabitur oppidum elix ex Ifala derivatus: itaque magna illi commoditas ex amnibus, altero præterfluente, altero medium perlabente.

Gorichemum agrum Alblastium versus Ortum terminat, oppidum copiosum & opulentum, à Iohanne, ex Arculanis regulis, ejus nominis septimo, muris circumdatum: qui & arcem cultissimam, munitissimam & elegantis structuræ opus adjecit anno 1230, cujus adhuc rudera videntur. Situm est ad Lingæ tarde labentis ostium, ad dextram Vahalis ripam, tribus à Schoonhovia leucis. E summa templi turri, inquit Iunius, cælo sudo & sereno, prospicere & oculis designare licet vicena bina oppida muris cincta, præter pagos innumeros & villas. Vrbs hodie propugnaculis ex arte constructis hostilem vim secunda despicit.

Schoonhovia opponitur ad alteram Leccæ ripam Neoportum, ex oppido factum municipium, mediocriter satis, agris tamen fertilissimis superbiens.

Videre hic est *Ifelsteinium*, *Asperam*, *Heuclonum*, *Leerdamum*, minorum gentium oppidula. Etiam *Heusdenum* versus ortum, oppidum munitissimum, ac limitaneum, uti & *Worcomium*, extra Hollandiæ fines in Gallica ripa, juris tamen Hollandici, ad Vahalem situm: è regione Loevesteyniam arcem prospectans. Ex adverso in Brabantiæ solo, est *Sevenberga*, tribus Bredâ, quatuor Dordrecht & Geertrudisberga, & decem Antverpia leucis distita, oppidi gaudens jure & privilegiis, olim magna, sed ab aquis anno 1421 multum diminuta; ad quam calamitatem anno 1426 accessit obsidio, qua Philippus Burgundiæ Dux, cum Dominus Zevenbergæ Gerardus à Stryen Jacobæ Bavaræ Hollandiæ Comitis foveret partes, eam cinxit, & post quatuordecim dierum spatium cœpit, moenibus & arce, quam habebat validam, spoliavit. Sita est in agro amœno & fertili, ac possidetur à D. Emilia Solmensi, Frederici Henrici Arausionensium Principis vidua.

Willemstadium in Brabantiæ solo est, conditum anno 1583 à Guiljelmo Auranfiorum Principe, oppidum à naturâ & arte munitissimum, & loco admodum commodo ad tutanda Hollandorum & Zeelandorum mutua commercia situm. *Nieuwerdaert*, vulgo *Clundert*, eodem anno à dicto Principe munimentis & fossa in formam oppidi cinctum est. Illud vero hic notandum, terras hæc olim agro Strienfi conjunctas fuisse, sed post ab aquarum vi divulsas.

DELFLANDIA, SCHIELANDIA, AC INSVLÆ

illis objacentes.



Elflandia, à Delpha, urbe Hollandiæ nobili, nomen habens; uti & Schielandia, partes insigniores sunt Hollandiæ Australis, Mosæ, Oceano, Rhenolandia, & Ifala fluvio circumscriptæ. A Mosâ, qui magnum ejus latus alluit,

Maselandia quoque dicta est. Inter Mosæ ostium, & medium Rheni sita est. Ad Ortum, ubi patentissimus Mosâ, pagus occurrit, *Maeslandtsluis*, quasi *Maselandiæ catarracta* dictus, qui piscaturæ studiis in eam magnitudinem excrevit, ut uribus pluribus par sit. Brilam, terramque Vorniam ex adverso interjecto Mosâ adspicit. Sequitur in ora ipsius Mervæ, quem Mosam novum vocant, *Vlaeringa*, inter oppida muris cincta, multorum judicio antiquitatis prærogativam ferens. Nunc illis viduata, absorptis simul cum arce mœnibus, voragine Mosæ, qui late ripas & littora adedit, succedaneam operam addente mari. Hodie in pagi formam degeneravit, piscatorum sedes. Ab altero vero latere pagi supradicti *Gravesanda* est, Mosæ propemodum faucibus adfita, Delpha, Hagaque trium milliarium spacio distans. Oppidum antiquum valde, & olim non mœnibus tantum clausum, verum etiam potens, & Senatus Hollandici sedes ordinaria. Hodie, amisso prorsus veteri splendore, vix tolerabili conditione est. Seminatur in ejus confiniis largior multo frumenti vis, quam in alia ulla Hollandiæ parte, quia nempe feliciter illic & speciosissimum nascitur. Nobilissimorum adhuc caseorum proventu, quos *Gravesandos* vocant, celebratur, qui secundis mensis avidissime passim per Hollandiam appetuntur. Nec longe hinc abest pagus nobilis *Naeldwyck*, Principis jam Auriaci dominio illustrior, prope quem regale, magnificumque palatium extruxit Fredericus Henricus Auransiorum Princeps, Hollandiæ gubernator, quod à loco *Honselaerdyck* nomen habet. Domus est hortorum circumcirca amœnitatem, aditu, vestibuloque splendido, cubiculorumque numero, ac stupendo nitore, picturarum elegantia ac tribunorum equestrium Martii vultibus, qui pro patria pugnando vulnera mortemque passi, spectabilis, usque adeo, ut Romanorum operum majestatem laceffere videatur.

Solebat eo per æstatem, bellicque intervalla animi gratia interdum secedere Princeps, & curarum suarum aliquod petere solatium. Agri circumjecti peculiari vocabulo *Westland* vocantur. Celebris quoque hic pagus occurrit *Lausduna*, verius littus collesque arenosos, ubi amplissimum olim Religiosarum nobilium, Ordinis D. Bernardi cœnobium, augusto inprimis Comitissæ Margaretæ (ut volunt) sepulchro, & miraculo jactatum. Meminere ejus rei in suis commentariis Erasmus & Vives. Occasionem miraculi hanc referunt: Accessisse quondam Margaretam Florentii & Machtildis Hollandiæ, Zelandiæque Principum filiam, mulierem quandam pauperculam, duos unico partu editos infantes ulnis gestantem: cui, ut sit, eleemosynam postulanti, Margareta non solum nihil quicquam porrexit, sed irrisam insuper & contemptam his verbis dimiserit: *Fieri non potest, ut uno partu nascantur duo, nisi totidem fuerint patres, quare alterum oportet furtivo concubitu esse progenitum*: mulierculam vero contumeliose dimissam, Deum precatam fuisse, ut pudicitiam suam faceret palam, & Comitissæ tunc gravidæ largiretur uno partu liberos numero pares anni diebus; atque isti voto respondisse eventum, editis in lucem trecentis sexaginta quatuor liberis, tam masculis, quam foemellis: maribusque in Baptismo impositum nomen Iohannis, foemellis Elizabethæ. Verba in hujus rei memoriam in templi pariete scripta ita se habent:

Illustris Domini Florentii Comitissæ Hollandiæ filia, cujus mater fuit Machtildis, filia Henrici Ducis Brabantiae, fratrem quoque habuit Guilielmum Alemanniæ regem; hæc præfata Domina Margareta, anno salutis millesimo ducentesimo septuagesimo sexto, ætatis suæ anno quadragésimo secundo, ipso die Parasceves, hora nona ante meridiem, peperit infantes viros promiscui sexus numero trecentos sexaginta quatuor, qui postquam per venerabilem Episcopum Dominum Guidonem Suffraganeum, præsentibus nonnullis proceribus & magnatibus, in pelvi quadam Baptismi Sacramentum percepissent, & masculis Iohannes, foemellis vero Elizabeth nomen impositum fuisset, ipsorum omnium simul cum matre animæ, ad Deum æternaliter victuræ redierunt, corpora autem sub hoc saxo requiescunt. Verum rei historicæ peritis suspecta prius habetur ac subreptæ fidei narratio, cum nullo probatæ fidei historico vetere, sed sola traditione ac inveterato rumore nitatur. Præter hæc eminet in hoc agro Haga-Comitissæ, quam

*Westland.
Lausduna.*

Nomen.

*Schieda-
mum.*

*Roteroda-
mum.*

Termini.

*Maes-
landtsluis.*

Vlaeringa.

*Gravesan-
da.*

*Naeld-
wyck.*

*Honselaer-
dyck.*

Haga.

quam delitiis suis & otio olim destinarunt Principes, & Sanctiori concilio locum, nunc litibus etiam trahendis solvendisque dedicatum. Hic locus opibus, ædificiorum splendore, cultu, magnitudine, hortorum amœnitate, nobilitatis frequentia, nulli urbium cedit, plurimas etiam superat. Palatium habet regie magnificentiæ opus, fossis in modum arcis circumdatum, cui piscina perampla ad Septentrionem objecta, Guilielmi Comitis & Romanorum Cæsaris opus: nuper magnifica structura à Principe Mauritio ampliata. Hic sedes est Principis, Præfectique Hollandiæ. ibidem & sacrarium quoddam juris & legum. hic reliqua Collegia Ordinum tam Generalium, quam Hollandiæ, suis conveniunt locis: uti & Tribuni ærarii. Municipio contiguum est amœnissimum nemus. In meditullio fere Delflandiæ conspicitur cum uberrimis agris

Delpha, Godefridi Lotharingi, cognomento Gibbosi, ut creditur, opus. Vrbs variam fortunam experta; & sub Alberti Bavari imperio mœnibus nudata: sed postea restituta. anno 1536 fortuito incendio pene tota conflavit: verum è cineribus, ut solet, multo pulchrior surrexit, ut ædium magnificentia tam publicarum, quam privatarum cum paucis possit comparari. Forma est oblongiori: nec mœnibus aut vallo, prout hodie se res habent bellicæ, satis firma. Cerevisiæ coctura olim, quam nunc celebrior, uti & laneorum pannorum textura. Cives habet opulentos, splendidosque, & qui mercaturam longe lateque exercent. Ager illius pinguis, & inprimis pascuus. Portum habet ad Mosæ ripam valde commodum, *Delfshaviam* vocant, *Delfshaven* pagus ædificiorum multitudine & incolarum copia nobilis.

S C H I E L A N D I A.

Nomen.



Schiedam.

Roterodam.

Chielandia nomen à Schia canali sortita, ad occidentem Mosæ & Isala fluviis, alluitur, ad Septentriones Delflandia est, ad Orientem Gouda fluviio & Rhenolandia terminatur. Ad Mosam *Schiedamum* est, ubi fossa sive Canali *Schia* terminatur, qui & oppido nomen dedit, & agro circumjecto, quem *Schielandiam* vocant. Nomen & privilegia urbis accepit demum anno Christi 1274, quo tempore *Novum damum* est dictum, ad annum usque 1300, à quo deinceps tempore *Schiedami*, quasi *aggeris Schiam sistensis*, nomen obtinuit. Amplius, splendidiusque *Schiedam* est *Roterodamum*, ita dictum à Roteræ rivi emissario, quod urbem ingreditur. Emporium est celebre, quippe navigationibus in longinquas regiones non minus notum, quam cetera Hollandiæ emporia, ob opportunitatem fluminis Mosæ, qui mœnia illius lambit, & portus commoditatem. Huic quoque superioribus annis magna accessio facta, mœnibus illius aliquoties prolatis: ut jam, si vastitatem spectes, inter majora oppida numerari possit. Nam quum antea urbs inter ortum & occasum juxta Mosam porrecta, tantum 71 jugera, & 537 perticas occuparet: nunc pomerio versus meridiem & Mosam prolato, duplo major, occupat 144 jugera, & 435 perticas,

quemadmodum è publicis instrumentis fumus edocti. Templum habet structura magnificum, & turri altissima longe conspicuum: forum amplissimum, aliaque publica ædificia splendida; privata quoque structura haud inelegantis. Præter mercaturam, quæ hic post *Amitelodamum* inprimis viget, superioribus quoque annis cerevisiæ coctura celebrari cœpit, quæ jam omnibus magnopere expetitur. Præcipua illi celebritas ab Erasmi natalibus, cujus illic statua aenea in urbis foro conspicitur. Tractum hunc omnem & agrorum periodum terminat versus angulum Orientalem *Gouda*, urbs sita ad Isalam, diverticulum fluminis, fossa perpetua per *Trajectenses* *Vianam* versus deducta corrivatum, quod primo *Iselsteynium* adit, inde *Monfortium* petit, modo *Oudewateram* perlabitur, tenui ubique alveo, & qui æstivis mensibus vix cymbas fert: deinde *Goudam* præterfluit magno aquarum auctu copiosius: demum justo amni par è regione *Iselmundæ* in *Meruwam*, sive novum Mosam decurrit.

Pagi insigniores *Schielandiæ* sunt, *Overchie* ad *Pagi*. *Schiam* canalem, sat lautus pagus. *Delfshaven*, cujus supra meminimus. *Bleiswijk*, *Moerkapel*, *Seevenhuysen*, sylvæ amœnissima & arce, Domini sede, ornatus; *Nieuwerkerk*, *Kapelle* cum prætorio, *Hilligersberg*, *Kralingen* & *Schoonreloo*, *Delfshaviæ* contiguus.

I N S V L Æ T R A N S M O S A N Æ.



Epræsentat insuper Tabula hæc insulas aliquot Delflandiæ, Schielandiæque objectas. Prima est, quæ Schiedamo, Roterodamoque opposita proxime jacet, *Trans-Mosana* dicta, vulgo *Overmaes*, in qua pagi *Portugael*, *Pernis*,

Roon, *Charloos*, *Iselmonda*, *Ryderkercka*, &c. agrorum fecunditate, glebaque ubere nulli Hollandiæ parti cedens. Secunda, & major, *Vorna* dicta, non nisi duabus leucis dissidet *Gravesandâ*, *Brielam* habet metropolim, oppidum munitum, ad ostium Mosæ, sive ubi Mosæ fluminis alveum *Rhenus* Oceano affundit. Non nimis populosum est, ob vicinum Roterodamum, & quia ab Hollandiæ continenti avulsam. Hic superiori seculo libertatis Belgicæ, qua hodie fruimur, fundamenta jacta sunt. Ager illius optimum fert triticum, aliasque fruges. sed nonnulla hic cœli gravitas ob viciniam maris, quæ tamen assuetos minus afficit. Superioribus annis *Elisabethæ* Angliæ Reginæ ab Ill. Ordinibus pignoris loco traditum, & multis annis præsidii Anglicis occupatum, sub regno *Iacobi I*, Angliæ regis, induciarum Belgicarum tempore redemptum ac restitutum fuit, & præsidium Anglorum deductum. Nunc à propriis Federatorum præsidii, magna patrii soli securitate, tenetur. Atque hæc quidem res, incredibili patriæ commodo, prudenti consilio ac moderamine D. Iohannis *Barneveldii* Hollandiæ Advocati, transacta creditur. quo nomine sibi, suisque, *Batavos*, posteritatemque omnem æternum obstrinxit. Pagi hic *Helvoeten*, *Helvoetsluys*, ob commoditatem trajetûs in Angliam admodum frequentatus; *Oudhoorn*, *Nieuwenhoorn*, *Burg*, *Rekainge*, *Swarrewael* & *Suijdant*. Tertia est ager *Puttenus*, exiguis aquarum spatiis à *Vorna* & *Beyerlandia* distinctus, in quo primarium oppidum *Geervliet*. Ager ejus optimus, & cum tritici laudabilis, tum & aliarum egregiæ bonitatis segetum fertilissimus. Hoc tempore *Ruardus Puttenensis*, sive *Præfectus excubitorum*, vulgo *de Hooproe* / qui litus marinum contra prædones, latrones & hostium incursum tutantur, est D. N. à *Schoonhoven*, qui ab aliquot annis *Præfecturam* eam emit à D. Iohanne *Polyandro Kerckhovie*, qui eandem obtinuerat ab Ordinibus Hollandiæ, & Principe *Arausiæ*. Pagi huic agro inclusi sunt *Biert*, *Spijkenis*, *Symonshave*, *Hekeling* & *Tol*.

Intra *Voornam* & *Putten* ad rivum *Berniam* sunt dominia *Heenvlietæ* & *Abbenbroeckæ*, quæ singula proprios habent dominos & Ballivos, hoc est, *Præfectos* rerum capitalium, separantque ditunculas *Voornensem* & *Puttenensem*.

Heenvlietæ jacet ad os *Berniæ*, & juxta flumen *Mosam*, estque pars *Voornæ*, unumque ex præ-

cipuis Hollandiæ Dominiis privilegiatis, obtinetque jus oppidi. Hic aliquot diebus hospitio fuit excepta anno 1638 Galliarum regina, *Maria de Medicis*, secundum in Angliam ventum operiens.

Dominus *Heenvlietæ* in frontispicio posuerat, ante Reginæ adventum, lapidem hac inscriptione incisum:

P O S T E R I T A T I H E E N V L I E T Æ D O M I N V S.

Sed quia indicabat domum posse esse durabilem, non æternam; & quia videbatur ex Majestatis suæ, & Celsitudinis suæ *Æmiliæ* Principis *Arausiensis*, hospitio, memoriam perpetuam consecuta; priori lapidi alterum adjunxit cum hac epigraphe,

P O S T E R I T A S D I S C E.

Porro Dominus *Heenvlietæ* nuper erat, prænobilis D. *Iohannes Polyander Kerckhovie*, Saltuarius, sive *Præfectus saltuum silvarumque* Hollandiæ, Curator supremus domus Regiæ Principis *Mariæ*, filiæ *Caroli I*, Anglorum regis, & *Henricæ Mariæ*, *Henrici IV*, Gallorum regis filiæ. Quarta, *Beyerlandia* nova & veteri aliisque pagis, sed non totam, se conspicuam præbet; pagum habet cognominem oppidi potius speciem præferentem, adificiis splendidis ornatum, & nundinis annalibus celebrem: annexa *Pierchilla*, & vicina *Corendica*. Quinta versus *Zephyrum* tota mari innatans *Goersæ*, ab oppidulo cognomine sic dicta. Mœnibus hodie vallisque destituitur, licet eorum hic illic vestigia manifesta adhuc supersint. Turrim ostentat excelsum, quæ *Phari* officium navigantibus, Mosæque ostium subire volentibus præstat. Incolæ tum piscatura, tum conficiendis retibus vitam tenuiter tolerant. Nomen loco à re, qui fidam illic stationem, hoc est nostrate lingua, *goe ree*, navibus præbet. Vnicum præterea habet pagum *Outdorp*. Ultima spectatur, interfuso maris emissario, insula, *Ultra-Flackeana* appellata. Maris enim illa mediterranei pars *Flackeæ* vulgo; unde insulæ nomen. Nec tamen tota est juris Hollandici, cum *Somersdici* cum annexis sibi agris *Zelandiæ* Ordinibus pareat, sicuti contra *Bomense* in agro *Zelandiæ* sita, ad *Hollandicum* regimen spectat. Habet insula hæc pagos amplos, oppidisque non absimiles, *Dirckslandiam*, *Somersdici*, *Middelbarnis*, *Oude Tonghe*, & *Oeltjens* *Plaat*: minores, *Nieuwe Tonghe*, & *Stadt*. Ager omnis ubere tritici proventu agricolam beat, quin & milio hic venit annua cura. Pascua rara. Talpam hætenus non vidit.

R H E.

RHENOLANDIA.

Rhenolandia quid proprie.



Rhenolandia certum tractum agrorum Hollandiæ Australis potissimum significat, qui quidem communi jure legibusque tum exonerandi vel sistendiaquas, tum muniendi aggeres adstricti sunt: constituto in eam rem jam olim

Collegio ac Senatu, qui ex aggerum Præfectis, ac Septem viris juratis constat; *Dyckgraven* & *Heemraden* vocant. Atque his quidem aggerum muniendorum ac conservandorum, adversus maris ac fluminum exæstuantium inundationem cura commissa est. Ex perpetuis Principum edictis, quum res poscit, obequitantes aggeres, aquæ ductus ac cataractas perlustrant: si quid dissipatum, convulsus, concussus, vel obturatum sit, instant, omnibus instaurandis incumbunt, multas indicunt, prædia neglectis aggeribus obnoxia evincunt, ac publica licitatione, ac omni reliquo clientelari, censuali, vel hypothecæ onere libera ac penitus purgata minimum exigenti addicunt. Suntque hæc aggerum muniendorum jura in multis admodum rigida atque exorbitantia, idque ob publicam securitatem: quamvis non desint, qui conquerantur, eorum jurium observatione atque acceptione, sive per rationum ignorantiam, sive consilio, cum subditorum perniciem sæpe aberrari. Est & censualis jurisdictio qua plerique prædii solario jure, vectigalis possessorem ad ejus professionem censuumque cessorum præstationem sibi faciendam adigunt, ex Parium istius curiæ cognitione ac decreto. Terminum *Rhenolandia* sunt ab Occidente littora Hollandiæ, qua parte Hagam inter & Beverwicum excurrunt: ab Oriente pars Dioceseos *Vl-trajectinæ* & *Amstelodamensis* agri confinia: à Septentrione *Tyæ* pars, aggerem, qui *Harlemo* *Amstelodamum* ducit, alluens, & vadosa insuper loca *Beverwicum* usque: ab Austro linea illa, quæ à *Montfortio*, *Oudewateram*, hinc *Goudam* præter ducitur versus *Hagiensem* agrum.

Termini.

Rhenus.

Tria Rheni ostia.

Nomen accepit à *Rheno*, qui communis est *Galliæ* *Germaniæ*que terminus. Is circa initium soli *Batavici* divisus, qua *Gallicam* ripam contingit, *Vahalis*; qua *Germanicam*, *Rhenus* vocatur: media inter duos veluti amnes relicta insula *Batavorum*. quo fit, ut *Batavos* in duarum potentissimarum gentium confinio positos, alii *Germanis*, alii *Gallis* adscribant. Duobus hisce alveis *Drusus* tertium addidit, perfosso ob suas commoditates spatio, quod *Rhenum* inter & *Isalam* interjectum est, & flumine majore per alienum alveum in lacus admissio. Hinc ortum est nomen fossæ *Drusianæ*. Habemus ergo tria nunc *Rheni* cornua, dextrorsum *Flevum*, qui *Ptolemæo* est *ἀνατολικὸν ὄρμα*: lævorsum *Vahalim*, qui *Plinio* *Heli*, *Græcis* τὸ *δυτικὸν ὄρμα* dicitur: & medium inter hæc cornua *Rhenum*, qui per *Lug-*

Belgica Fœderata.

dunum & castra *Romanorum* lævi agmine fluens, in *Oceanum Germanicum* sese olim exoneravit, ad vicum *Cattorum*, littore, quod, quia *Britanniam* respicit, *Britannicum* olim vocari potuit. Nec mirabitur nomen *Britannicum* in *Batavia*, qui sciet posteriore ævo hoc omne littus etiam ultra *Sequanam* vocatum fuisse *Saxonicum*. Tria illa ostia designavit *Plinius*, quum dixit, *Rhenum* à *Septentrione* in lacus, ab *Occidente* in amnem *Mosam* se spargere, ac medio inter hæc ore modicum nomini suo custodire alveum. Merito quidem ille modicum dixit, nam abactis per divergium *Drusianum* aquis, factus est *Rhenus* multo quam antea angustior & exilior; adeo, ut quibus religio fuit plura *Rheno*, quam duo cornua adscribere, ii præterito medio, *Flevum* tantum & *Vahalim* commemorarent. Tandem vero obstructo etiam arenis ore isto, quum non sufficerent hauriendis aquis duo illi alvei, eoque perpetuis inundationibus essent expositi, quotquot *Batavorum* Insulam, & extra eam loca depressiora habitabant; visum fuit è republica, *Rhenum* effossis novis aliquot alveis, præsertim, qua jam ipse se exoneraverat, abducere, & aggeribus admotis, intra alveos illos constringere. Sic deducta est *Lecca*, sic *Isala*; sic elices illi qui inter *Flevum* & medium *Rheni* ostium fuisse olim perhibentur *Egmunda*, *Schoreli*, *Crabbedami*, quorum adhuc spectantur vestigia, nisi quis posteriora ista non nisi naturæ opera fuisse malit. *Petrus Nannius*, *Hollandiam*, inquit, à *Frisia æstuarium Oceani* aut *Rheni* dividebant, cujus etiam alveus sicus videtur non longe à pago, cui *Schorel*, vetusque suum nomen obtinet. Et rursum: *Egmunda* ab angusto *Rheni* ostio *Engmond* etiam nunc dicitur, credo quod stagna *Rheni* ibi suum emissarium in *Oceanum* haberent. Certe intra secundum lapidem ad viculum nomine *Crabbedam*, visitur alveus *Rheni*, qui nomen suum antiquum retinuit, licet à *Rheno* destitutus. Ac suspicor, quo tempore accolæ effossionem *Leccæ* moliebantur, eodem quoque *Rhenum* abductum in alteram partem trium illorum oppidorum, quæ *Tacitus*, omnesque veteres semper in opposita, hoc est, læva *Rheni* ripa locant, *Arenaci* inquam, *Vadæ* & *Grinnium*. Quando autem medium illud ostium *Rheni* obstructum, & quando *Lecca* effossa fuerint, *Cornelius Aurelius* refert, & graphice in *Annalibus* suis depingit *Ianus Douza*. Habuit tamen ea res illud incommodi, quod qui ad medium *Rheni* alveum magna jam parte obstructo ostio arefactum siti erant, non haberent viam, qua merces suas possent in *Oceanum*, ex quo ingens quæstus, exportare, vel inde ad se admittere. Quocirca statuerunt effosso transverso meatu huic incommodo mederi. Placuit ei rei *Goudam* & *Woudam*, exiguos rivos deducere, & cum *Isala*, *Rheno*que conjungere. Sed quum periculum esset, ne si id adgrederentur, aquæ ex *Isala* in agros suos effunderentur, natura humiliores, occurrerunt etiam huic malo oppositis ad primam *Isalæ* admissionem ingentibus obicum

Lecca & Isala elices Rheni.

Gouda, Wouda, rivuli.

R

repagu-

repagulis, quibus naves ex Isala in Goudam tuto adveherentur, observata ea fluminis aestu marino sese attollentis aut subsidentis altitudine, quæ interiori fossæ esset æqualis, quod & Corbulonem olim in fossa illa, quam à Mosa ad Rhenum duxit, ubi illa sita fuerint, observasse, verisimile est. Fossa illa ab Isala ad medium usque Rheni alveum vocatur *Gouda*, inde ad lacum usque Harlemensem *Wouda*. Cataractis ad Isalam additum est telonium, & telonio arx à Florentio Comite, Guilielmi Romanorum regis filio. Illexit autem loci oportunitas multos, ut etiam in aggerem, vel propter eum sedes figerent, crevitque paulatim frequentia in justam civitatem, templo etiam ex vicino loco, ubi ligneum steterat, in mediam civitatem translato. Deprehensum est tamen, Isalæ aquas, intumescensibus supra Trajectum Rheni undis, ita interdum attolli, ut ipsas quoque aggerum moles perfringeret. Itaque consensu Iohannis Nassovii Episcopi Trajectensis, obex etiam impositus est Rheno, ex adverso Viennæ, loco qui à Frisiis (nam Frisiorum hæc olim sedes fuere sub Radbodo) vocatus est *Vrieswyck*, quasi Frisiorum vicus. Ex eo igitur tempore contractus est admodum, imminutusque Isalæ alveus, adeo ut jam inter primos illos aggeres lata cernatur camporum planities, circa IJelstenium, Montfortium, Oudewatriam.

Lugdunum Batavorum.

Metropolis Rhenolandia est Lugdunum Batavorum, vulgo *Leyda*: revera urbium Hollandia ocellus, sive urbis ipsius nitorem, structuramque, situs opportunitatem juxta atque amoenitatem spectes; sive civium & incolarum frequentiam, omniumque artium mechanicarum, & præsertim lanificii, cultum. Sita est in medio fere ceterarum urbium, quippe distans à Delphis tria, ab Harlema, Gouda, Roterodamo quinque, Amstelodamo, Durdrecht, Trajecto septem milliaria communia. Medius Rheni alveus ab Ultrajecto descendens, sed oblimato ostio & cursu aliò retorto, jam restagnans, paulum supra urbem in duo velut brachia divaricatus, urbem ab oriente ingressus, postquam bonam illius partem bifido alveo pervagatus est, rursus in unum alveum conjunctus ad occidentem egreditur, & mare petit. In angulo hujus confluentis, super acclivem undique tumulum pyrgus exstat, (Burgum patria lingua vocant) circinato mœnium ambitu, fornicibus arcuatis, quod Normannorum opus creditur. Ab hoc Burggravii nomen habuere, olim quoque urbis potentes, quod imperium & jus quondam penes Wassenarios dynastas fuit. Urbs aliquoties ampliata est mœnibus productis. Primum anno 1249, secundo 1355, tertio 1389, quarto denique 1611: Ita ut nunc forma pene orbiculari 172 jugera Rhenolandica occupet; quum superioribus seculis, quando primum muro cincta fuit, vix triginta contineret. Cincta est autem partim muris vallo terreo firmatis, quibus ingentia propugnacula terrea sunt adjecta: partim, qua nuper dilatata sunt pomœria, firmissimo & crassissimo terreo vallo, & validis propugnaculis, fossaque undique amplissima. Hæc urbs, uno Amstelodamo excepto, universæ Hollandia civitatum populosissima est: quippe advenis è Flan-

Lugduni capacitas.

dria, Artesia, Hannonia, & Leodiensi agro, aliisque in immensum aucta: unde & opibus quoque supra modum crevit, & ædificiorum numero ac splendore. Iter à *Lugduno capite Germaniarum* Argentoratum usque notavit Antoninus per Albiniana, Trajectum, Mannaricium, Caruonea, Harenacium, Burginacium, Coloniam Trajanam, Vetera, Calonem, Novesium, Coloniam Agrippinam, Bonnam, Autunnacum, Confluentes, Bingium, Noviomagum, Treveros, Divodorum, Pontem Sarvi. Extra urbem, Oceanum versus, est Rhenoburgum, non ignobilis pagus, ubi cœnobium illud amplissimum ordinis Divi Benedicti, eleganti imprimis templo, aliisque pulcherrimi operis ædificiis concinnum. Ejus conditores quatuor feruntur: Didericus videlicet & Florentius Comites: Petronella Hollandia Comitum uxor, & Princeps quædam illustrissima Domus Saxonie. Verum cœnobii hujus non nisi miserranda jam videas rudera, minasque murorum ingentes. Non admittebantur in hoc nisi virgines domo ac sanguine nobiles, ejusque antistes femina seculari simul & ecclesiastica dignitate pollebat. Sepulcra habet non Comitum solum supra enumeratorum, sed & aliorum Hollandia Comitum, & Zelandia. Est & aliud quoddam cœnobium celebre, non longe à mari, Ordinis D. Bernardi, vulgo dicitur *Ter Lee*, duobus Leida milliariibus, prope Nortwicum, fundatum à Comite quodam, & amplissimo censu dotatum. Sed & hoc bellorum incendiis conflagravit. Parte altera urbis, Woerdam versus, ad decem millia passuum Lugduno dissident Albiniana Castra, notata ab Antonino in Itinerario, nisi quis Alpheniana dici malit, ab Alphenno Varo Batavorum ductore, cujus meminere Tacitus, lib. 18, & Plurarchus in Othone, nostri vocant *Alphen*. Inter hæc & urbem est *Roomburgh*, quod Romanorum sonat Burgum. Velsi tabula vocat prætorium Agrippina, estque is locus erutis variis antiquitatum monumentis clarus. In his duo fuere leonum signa, cum Palladis simulacro, & numismatis argenteis aeneisque Antonini, Neronis, aliorumque. Fucere & imbrices ita inscripti: *Ex Germ. Inf.* cum nummis Imper. Domitiani, Germ. Cos. 12. item Nervæ, Trajani, Tiberii, Claudii, Anastasii. Cessit postea locus Vestalibus virginibus, quibus bello exactis omnia diruta sunt. Sustinuit hæc urbs, anno 1574, gravem & memorabilem obsidionem, fame, dissidiis, morbis intus grassantibus, foris castellis, arcibusque plurimis arcte clausa, sed divina ope, immisso per aggeres Mosæ mari, ventisque aquas huc devolventibus, miraculo liberata est. Quare & propter belli gloriam, & antiquitatis decora & loci situm, amoenitatemque, Academia privilegio donata est, cujus nomen clarissimorum Professorum eruditione, studiosorum numero, Curatorum & Consulium auctoritate, Ordinumque liberalitate, jam toto orbe celebratissimum est. Huic accessit Ill. Ord. magnificentia exstructum Collegium Theologicum. Urbem hanc his versibus celebravit C. Barlaeus:

Rhenoburgum.

Ter Lee.

Alphen.

Roomburgh.

*Crevit ab Ausoniis olim mihi fama triumphis,
Et victrix de me premia Roma tulit.*

Reddidit

Reddidit ereptos fugiens Hispanus honores,
 Dum pro me totus militat Oceanus.
 In me terra famem, querulos discordia cives,
 Et falces acuit mors furibunda suas.
 Vix nocuit securus Iber. quas struxerat arces,
 Deserit, & pavidos excipit unda pedes.
 Dum patriæ pars magna perit, conservor ab illa;
 Totaque ne pereat, sic perisse cupit.
 Nunc mihi Apollineos meruit fors ista recessus,
 Martiaque imbellis mœnia Phœbus habet.
 Præ lituis pax alma placet; præ milite Pallas;
 Linguaque Romanos apta referre modos.
 Sit bellum sensisse satis, jam prælia dicto,
 Et mea facundis vocibus arma lego.
 At mihi plus debet pietas: dum pellitur exul
 Flandria, & hoc gaudet vivere tuta sinu.
 Hospitium cum dem profugis, atque otia Musis,
 Vis dici doctam me magis, ane piam?

Woerda.

Oudewaer.

Pagi.

Facit & huc Woerda, Leida disfidens milliari-
 bus quinque, oppidulum non inelegans, arce
 valida munitum, ad Rheni alveum; nec non
 Oudewaer. Oudewaer, ad Isalam, ubi ingens vis laudatissi-
 mæ cannabis colligitur. Vnde quidquid fere ru-
 dentum & retium ad maximas illas Hollando-
 rum, Zelandorumque piscationes requiritur,
 solet elaborari: quæ tanti momenti res est, ut
 in ea consistat fundus & columen fortunarum
 ejus.

Sunt autem in Rhenolandia tractu pagi quin-
 quaginta septem, quorum plerique agrestes suas
 opes in urbem Leidam venales important; unde
 summa hic rerum è terra nascentium copia: sicut
 & maris vicinitas maximam ei suppeditat mari-
 norum piscium copiam. Maxime vicini pagi sunt:
 Wassenaria Baronatus antiquissimus, cujus Topar-
 chi olim fuere Burggravii Leidenfes, Rhenoburgum,
 exigua tantum leucâ Lugduno distat, non igno-
 bilis pagus, ubi olim cœnobium illud amplissi-
 mum Ordinis D. Benedicti à Theodorico &
 Florentio Hollandia Comitibus & Petronella
 Principis uxore conditum: fuit autem donatum
 lato in pagos & agros circumjectos imperio, ita
 quidem ut ejus Antistita sæculari simul & eccle-
 siastica jurisdictione præpolleret, & luculento
 gauderet censu: non admittebantur vero in id
 nisi virgines domi nobiles; & inter alia opera
 pia, ternis in hebdomada diebus tam multæ
 distribuebantur eleemosynæ, ut bina & eo
 amplius millia pauperum ex vicinis locis undi-
 que accurrerent: nunc una cum templo Hollan-
 dia Comitum aliorumque Regulorum Mausoleo
 belli injuriis destructum nil tanti operis,
 quam quædam insignia fragmenta ostendat.
 Valkenburgum, quod Leidâ unius tantummodo
 leucæ spatio disidet, pagus haud equidem ma-
 gnus, sed equorum mercatu, quotannis in eo
 Septembri mense haberi solito, admodum me-
 morabilis, nec innumera tantum omne genus
 equorum copia, sed & hominum undique con-
 fluentium multitudine frequentatus. Catwicum
 ad Rhenum pagus est mari vicinus eo adeo loci,
 ut quidam asserunt, positus, ubi ostium illud ve-
 teris Rheni, quod Trajectum perlabitur, rapi-
 do cursu in Oceanum olim solebat influere. Lo-
 cus equidem valde antiquus, ut quem conditum
 velint Annales Hollandia, denominatumque à
 Belgica Federata.

Cattis, populis olim Germania, qui cum Bato-
 ne jam dicto in has oras delati, præcipuam ist-
 hic sibi delegerint sedem: quæ, ob maris juxta
 & fluminis opportunitatem, brevi in magnam
 & momentosam admodum urbem excrevit. sed
 postea sæpius diruta, vix reliquias modo & ru-
 dera, sui ad posteros monumentum, transmi-
 serit. Catwicum ad Oceanum, Nortwicum littorale &
 mediterraneum, patrimonium Doufarum Oostgeesta,
 Warmonda, Voorthouta, Leyderdorpia, Couderkerka,
 Voorsehota, Soeterwouda. Cateri sunt, Lisse, Sassen-
 hem, Noortwijckerhout, Haverswoude, Alphen, Kaeck,
 Hoemada, Heer Jacobs Wou, Leimuyen &c. Arces pro-
 ximiores urbi sunt: Warmonda, Bochorsta, Doe-
 fa, Poelgeesta, Sweta, Cronestena, Sudwica,
 Engeesta, Roomburga, prorsus diruta, Rosen-
 berga, Santhorsta, Duvenwoorda, Rucopia,
 Wingarda. Olim & hæ fuerunt: Alcmada, Bos-
 husia, Ceubela, Berendrecht, Torenvlieta,
 Sonnevelta, & Teilinga domus Hollandia Co-
 mitatus Saltuarii sedes, nuper restaurata.

Arces.

Arx Britannica mille circiter & sexcentis passi-
 bus ab hoc pago, ad mare Oceanum, & quod
 diximus ostium Rheni, ædificarunt olim Roma-
 ni, & nominatim Cajus Cæsar Caligula, su-
 perbam inprimis arcem, & pulcherrimum por-
 tum. unde brevissimus sane & commodissimus
 erat in Angliam, tunc Britanniam dictam, tra-
 jectus. eam autem ab ipso situ dixerunt Britan-
 nicam. quæ, Imperio declinante, à Norman-
 nis occupata, atque ex parte etiam diruta tan-
 dem, quia non sarciretur, neque aggeribus aliis-
 que id genus operibus, sicut alia quædam com-
 muniretur, prorsus ab mari absorpta est. sic ut
 aliquot sæculis nec vola inde nec vestigium ap-
 paruerit. Ab annis vero ducentis retro regresso
 plus solito versus veterem alveum Oceano, etiam
 aliqua hujus castri partes emerferunt. quod an-
 no salutis vicesimo supra sesquimillesimum con-
 tinuo biduo pæne totum sese ostendit: cum acco-
 læ, inter alia, septem inde eximerent lapides, quo-
 rum aliqui notas præferrent inscriptiones Ro-
 manas. hi translati fuere ad nobilissimam illam
 Hagam, & aulam inibi Domini Wassenaræ, ubi
 & hætenus eos est visere. Emerfit hinc iterum,
 & ad fundamenta usque detecta est arx anno
 1552, quo tempore compererunt eam esse qua-
 dratam, & ab uno ad alterum angulum, ducen-
 tos & quadraginta, in circuitum vero, patere
 nongentos & sexaginta pedes Romanos. visa
 tunc autem & facies quædam muri, Meridiem
 versus porrecta. unde porro ad magis mediter-
 ranea pertinuisse videbantur præcipuæ hujus
 propugnaculi domus, arenosis hodie collibus,
 Dunas vulgo indigetant, obrutæ. eruerunt etiam
 accolæ plurimos lapides leucophæos, quorum,
 qui strati in fundamento, ternis pedibus alti,
 quaternis lati. item lateres quosdam terra coctos
 pedali in quadrum mole, adeo sanos quidem &
 integros, ut viderentur recentes ab officina.
 præferiebant autem has litteras E X. G. I. quæ
 denotare videntur Ex Germania Inferiori. Est qui-
 dem hic in propinquo admirabile quoddam &
 coquendis lateribus, aliisque id genus figlinis ap-
 tissimum terræ genus. sed Batavis nondum satis
 est explorata figlina Hollandica, & nihil ad Ro-
 mano-

Arx Bri-
tannica.

S

manorum vasa & lateres terræ istius temperandæ ratio. unde liquet, veteres illos Romanos multis in rebus nos præcurrisse. sicuti nos quoque in compluribus aliis, temporis demum lapsu inventis, sine controversia eos præcellimus. Inventæ fuerunt & vasa quædam operis præfæci, ex metallo conflata; item nummi, & alia quædam antiquitatis Romanæ vestigia. Omnium vero clarissime sese ostendit hæc arx, anno 1562. quo per viginti & amplius dies mansit detecta. sic ut accolæ vel millesimos aliquot lapides passim eruerint, & complures invenerint nummos, tum & vasa quædam pulcherrima, quibus itidem esset incisum *Ex Ger. Inf.* Iugera agrorum ambitu suo completitur Rhenolandia 80 millia, quæ singula quotannis censum solvunt in faciendis impensis publicis ad aggerum securitatem, & aquarum tempestivas exaggerationes.

*Iugera q. or
con. mea:
Rhenola-
dia.*

K E N N E M A R I A.

*Kennemer-
landia.*

*Harle-
mum.*

Kennemaria, vulgo *Kennemerland*, antiquorum Caninefatum sedes est, ejus partem exiguum circa Harlemum ostendit hæc tabula, reliquam Noort-Hollandiæ mappa exhibet; usque ad Zypam verò, lacum exsiccatum, & Waterlandiam in Hollandia Boreali ejus excurrit jurisdictio. Caput ejus est *Harlemum*, urbs ædificiorum cultu, amplitudine, situs amœnitate & opportunitate, cæli denique salubritate inter primas censenda. Ager quippe illius editior, & à lacuum marisque offensa secretus. Templum habet pulcherrimum architectorum judicio, quod foro spatiosissimo imminet. E regione Curia est, operis haud vulgaris. Urbem interlabitur Spara, olim è Rheno corrivatus, sed qui jam ex immenso lacu incrementum accepit. Ante urbem amœnissimus lucus est, civium voluptati & juventutis exercitiis dicatus. Linearum telarum candoris & tenuitatis eximie, aliorumque pannorum textura satis celebris est urbs, & populosa admodum, ob advenarum numerum: magno quippe incolarum numero aucta est, postquam Hispanus Flandria & Brabantia potitus est: ita ut superioribus annis hic supra viginti quinque millia hominum numerata fuerint, eorum qui & sexagenariis minores erant, & tamen pubertatis annos egressi, qui artes varias mechanicas & mercaturam exercent. Quo factum est, ut non modo ædes, superioris belli clade incendio deformatæ aut collapsæ, pulchrius longe reædificatæ fuerint, sed etiam omnibus locis vacuis eleganter superstructum sit. Muro lateritio cincta est utrinque firmo, & fossa satis lata. Abest ab Oceano circiter 5 mill. passuum, qui marinorum piscium genus omne abunde subministrat. Ad Euronotum lacus est amplissimus, *Harlemensis* dictus, versus Aquilonem finus *Te.* Exstructa creditur urbs à Frisiis, circiter ann. 506. Arcem habuit non procul ab Heemskerka, quæ nunc diruta, soloque æquata est, quum ejus arcis dominus vi & effrenata violentia justum in se populi odium concitasset: quo tempore memorabile fertur accidisse conjugalis amoris documentum, nam quum jam deditio pararetur,

fertur uxor tyranni ad eam cum hoste pactionis formulam descendisse, ut semel exportandi sibi, quæ charissima haberet, daretur facultas: quo concessio, maritum bajulans exportavit, pari laude efferenda, cum Guelphi Bajoariæ Ducis pientissima uxore. Huic urbi inventæ Typographicæ artis laus debetur. Ante annos enim ducentos & plures Laurentius Iohannis Costerus, qui in ædibus satis splendidis foroque imminetibus, è regione palatii regalis habitabat, forte quum in suburbano nemore spaciaretur, cœpit faginos cortices in literarum typos conformare, quibus chartæ impressis versiculum unum atque alterum animi gratia ducebat. Hoc primum fuit maximæ artis rudimentum; quod ubi feliciter successit, cœpit altiora animo concipere. Primum omnium atramenti scriptorii genus glutinosius tenaciusque excogitavit, adhibito in consilium & partem curæ Thoma Petro genero suo. Inde totos pinacas characteribus expressit. Exstant hodieque illius operis adversaria paginis tantum adversis impressa, quæ paginæ glutine commixtæ inter se coherent, ut videantur esse opistographæ. Liber est conscriptus vernaculo sermone, auctore anonymo, titulum præferens: *Speculum nostræ salutis*. Postea faginas formas plumbeis commutavit, has deinde stanneis, quo solidior esset materia. Ex horum typorum reliquiis conflata sunt œnophora, quæ hodie adhuc videntur in Laurentianis illis, quas commemoravi, ædibus. Mansissetque diutius apud Harlemenenses tam præclari inventi gloria, nisi Iohannes quidam, sive ut fert suspicio, Faustus, hero suo infidus & infauustus, à quo artem omnem fuerat edoctus, ipso pervigilio natalis Dominici, omne typorum choragium involasset, asportassetque primum Amstelodamum, inde Coloniam Agrippinam, denique Moguntiacum. Vbi huc trifurcifer, & sesquialaverno sibi inventionis novæ laudem arrogans, intra vertentis anni spacium ad annum à nato Christo 1452, iis ipsis typis, quos hero suo fuerat suffuratus, in lucem edidit *Alexandri Galli Doctrinale*, cum Petri Hispani tractatibus. Est & altera hujus urbis gloria, capti novo consilio Pelusii, quam Damiatam vocant, cujus rei symbolum habent nolas duas ex ære Corinthio, quæ à loco, unde sublata, *Damiatæ* appellantur. Arces circa eam plures sunt, *Arces.* *Brederodia*, *Assenburgum*, *Heemskerkia*, *Meresteinum*, *Forestum*, *Reewyckum*, *Velsen*, *Polenbrugum*, *Harlemum* prope *Beverwicum*, stirpis *Harlemæ* olim domicilium, *Heemstedium* lacui imminens. Sunt & arcium rudera, *Clevia*, *Tetrode*, *Baenjaert*, *Berckenroede* nunc restaurata, *Hillegum*, &c. Pagos in *Pagi.* Noort-Hollandia videas.

A M S T E L L A N D I A.

Amstellandia, olim Menapiorum sedes, ab Australi parte Rhenolandia; à Septentrionali, Trajectensi diœcesi & Goedelandia terminatur. Solum hujus territorii depressius & paludosum est, in quo terræ ustibilis, *turven* vocant indigenæ, magna effoditur copia. Urbs in eo est *Amstelodamum*, nobilissimum hodie totius or-

*Amstelo-
damum.*

bis emporium. Urbis haud ita vetusta est, quippe cuius levis aut nulla ante annum 1299 mentio in historiis reperiatur. Et primum anno 1482 muris cingi coepit. Hi muri lateritii fuere firmi & egregii operis; sed hodie omnes solo adæquati, duabus tantum portis exceptis, quæ in alium usum conversæ fuere, & elegantiam operis hodieque testantur. Prodiit superioribus annis accuratissima urbis delineatio, à qua magnitudo illius conspicua est, quæ mensuratur iugeribus 530, & 362 perticis. Habetque in circuitu 2789 perticas, sive passus 13945, mensura excurren- te ad extimos fluminis Yæ palos. Incredibilis est civium, atque accolarum frequentia, & longe major quotidie advenarum concursus. Opes inde æstimari possunt, quod anno 1601 ædes plus quam sexcentæ privatorum opibus à fundamen- tis exstructæ fuerint; è publico autem duo magna & sumtuosa templa perfecta, quibus ter- tium longe utroque majus & magnificentius jam accessit: ut innumera alia ædificia publica præ- teream, & tantum lapideorum & subliciorum pontium numerum, ut vix iniri posset. Nunc non Hollandiæ solum, sed omnium vicinarum regionum ad Sarmatas usque, Gothos & Cim- bros est apotheca. In hac urbe mercantur Itali, Hispani, Lusitani, Britanni, Scoti, Galli, Sar- matae, Cimbri, Sueci, Norvagi, Livones, Ger- mani. Indi etiam, Americani, Orientales, Mau- ri, aliique ex omnibus pene orbis plagis. Eam tali encomio profecutus est C. Barlaeus:

*Urbis spaciola, potens opibus, tectisque superba,
Viribus invidiam, crimina lege domat.
Civibus aucta novis nunquam stat finibus iisdem,
Latius expansis mœnibus hospes abit.
Inventas, sit tota nemus. quo condita fundo est,
Nuper Hyperboreo pinus in orbe fuit.
Quidquid mortalis fingit solertia cura,
Vel natura suo parturit alma sinu,
Illa dabit, totoque parans commercia mundo,
Nunc emere, & totam vendere semet amat.
Has adfert, has trudit opes, sic lucra parantur.
Quid valeat fraus, sors, ars, mare, terra, docet.
Moschus, Arabs, Persæ, Maurus, Iudæus, uterque
Quod ferat huc, rursusque auferat, Indus habet.
Hanc dum mundus adit, mundumque hæc ipsa pererrat,
Non urbs fixa loco, sed vagus orbis erit.*

Plura qui de hoc Orbis compendio desiderat, nostrum Fœderati Belgii Urbium Theatrum adeat.

G O E D E L A N D I A.

Goedelandia, extima & Orientalior Hollan- diæ pars, unde nomen consequuta sit non satis liquet: aliqui à Cauchis antiquis incolis dictam credunt, quasi *Cauchlant*, dulciori pronuntiatu *Goylant*. Probabilior vero mihi eorum opinio videtur, nomen huic tractui inditum à Goedela Abbatisa Monasterii Altenatensis, quæ eum dono ab Othone Primo Imp. acceperat; & Comites Hollandiæ rursus eum in beneficii al- iujus remunerationem à Cœnobio consequutos. Includitur Goedelandia Amstellandiâ, Ultraje- ctinâ diœcesi & sinu maris Australi, quem *dè Zuiderzee* vocant. Ager ejus quam ceteræ Hol- landiæ partes elevatior, & non paucis in locis in colles & monticulos assurgens, nullis pene aquis irriguus, frumenti satis, at fagopyri (*Boeckwijt* nobis dicitur) insigniter ferax. Incolæ ejus sta- tura proceri, fortes, moribus agrestes à cete- ris Hollandis multum discrepant, nec ea civilita- te præditi sunt. Oppida complectitur tria; Naer- dam, Wesopum & Mudam. *Naerda* Goedelan- diæ caput est. Olim ad sinum Australem situm erat oppidum ejusdem nominis, quod nunc peni- tus ab ejus aquis est obrutum, adeo ut hodieque humiliore earum discessu videantur rudera op- pidi demersi. Postea Wilhelmus V Hollandiæ Comes concessit oppidanis novum oppidum ex- struere. Nunc leucæ majoris intercapedine Muda pariter & Wesopo distat. Cæterum oppidum est nitidum, amœnum; vallis in hodiernum usum egregie munitum. *Wesopum* semileuca duntaxat distat Mudâ, Amstelædamo verò duobus mil- liaribus; pascua in pastum armenti circumvi- cina habet egregia; hinc muro cingitur, inde Vecta fluvio alluitur, ædificia habet satis splen- dida; oppidani opulenti, utpote qui olim qui- dem pannificio rem fecerint, nunc cerevisia toti Hollandiæ & vicinis Provinciis expetita. *Muda* ad Australis sinus fauces, ubi Tyam recipit, situm occupat, pari ac Wesopum Amstelædamo inter- vallo distat, secatur in partes duas à Vecta flu- vio, qui vix oppidum egressus aquas suas in Au- stralem sinum effundit: oppidani piscatu, & sale coquendo rem faciunt. Oppidum ipsum arce egregia, antiqui admodum operis, conspicuum: est vero hæc Baillivi Goedelandiæ ordinariæ ha- bitationi inserviens. Pagos Goedelandia com- prehendit, *Buissum, Huysen, Blaricum, Laren, Hil- fersum, Loosdrecht & Oukerck.*

WEST-FRISIA,

S I V E

HOLLANDIA BOREALIS.



Nomen.

Termini.

Vrbes.

Alcmaria.

Veronæ vr-
deva.

Ollandia in plures partes dividitur, quæ peculiaria nomina sortuntur, ut Kennemariam, Waterlandiam, Amstelendam, Goelandiam, & similes. Sed maxime communis & alicujus usus divisio est in Australem & Septentrionalem, quarum hæc etiam *West-Frisia* dicitur. Nam hæ partes nonnihil moribus & institutis variant, incolarumque ingenia & habitus plurimum discrepant. Dicitur *Septentrionalis* Hollandia, respectu situs, quia ad Septentrionem vergit, si cum reliqua Hollandiæ parte compares. Dicitur *West-Frisia*, respectu Frisiæ, quæ hodie specialiter ac proprie Frisia nuncupatur. Hæc enim ad Orientem jacet, si cum hac parte compares. Frisiæ nomen habet, quia hic sedes olim fuit Frisiorum minorum, qui trans Rhenum ad Oceanum habitabant & Flevum. Ita ut Trajectensis provinciæ ac urbis pars Trans-Rhenana, Velavia omnis, etiam Amstelodamum & Harlemum Frisiæ nomine venerint. Septentrionalis vero ac Australis Hollandiæ limites ratione regiminis politici & Ecclesiastici diversi sunt. Nam politici ratione, Australi accensentur Harlemum & Amstelædamum: Ecclesiastici vero, hæc oppida cum suis pagis & clasibus Synodo Septentrionalis Hollandiæ accedunt. Caterum hæc Hollandiæ pars peculiari Ordinum gaudet consensu, nec non peculiari Deputatorum Consilio, quamvis ad Hollandiæ Ordinum conventum Legatos mittere, iisque accenseri soleant; hinc est quod Ordines sese Hollandiæ West-Frisiæque in publicis diplomatibus nominent. Sunt autem Septentrionalis Hollandiæ urbes hæ: *Alcmaria*, *Horna*, *Enckhusa*, *Edamum*, *Monachodamum*, *Medenblicum*, *Purmerenda*. *Alcmaria* tribus *Horna* milliaribus abest, urbs nitida, olim undique lacubus & stagnis circumdata: quorum jam aliquot incolarum industria exhaustis aquis in pascua sunt conversa. Antiquitatem suam ab anno 15 c xxx accersit. Constat sane, ante annos quadringentos & quinquaginta à West-Frisiis incensam; nunc ab insultu & impressione hostium vallo egregie tutam, ædificiis splendidis ornatam, populosam, & omni genere comæatuum abundantem esse. Nomen meruit, superioribus annis, Hispanorum exercitu post Harlemi deditionem à mœnibus suis fortiter repulso. Prope Alcmariam spectantur ruinæ & rudera Veronæ, urbis Hollandiæ Septentrionalis quondam præcipuæ, opibus & divitiis olim affluentis: hanc à Consule Foppone traditam funditus delevit Ioannes Primus, Hol-

landiæ Comes, Florentii Quinti filius, quemadmodum versiculus refert; eCcCe Cadit Mater Frisla: vetuitque ne unquam restaurari possit, ex-cratus ipsam Urbis florentissimæ memoriam; quam nihilominus agri circumvicini in hunc usque diem Veronenses, vulgo *de Vroon landen* dicti, referunt. *Horna* circa annum Domini 800 primum ædificari cœpit, quum in sinum illum Danica navigia crebrius appellerent, cum bubulo pecore ad mercatum, sub Aprilem mensem. Hæc Frisiæ Occidua metropolis audit, habetque monetam West-Frisiæ. Oppidum est copiosum, quod ex semisse mari, sive freto Australi, (olim Flevus erat) alluitur: reliquam partem amœni agri & lata pascua cum pagis minime obscuris & locupletibus cingunt. Plateas habet peramplas, portum tutum & tranquillum in interiori sinu. Et licet nunc commercium illud Danicum fere Enchusam translatum sit, tamen urbs navigationibus in omnes pene orbis partes, & navium struendarum singulari peritia, in summam frequentiam & opulentiam evasit. *Enchusa* in Septentrionali Hollandiæ parte oppidum elegans, & natura loci admodum munitum, maris furori objectum, quod in extremo terræ margine situm despicit: opibus mari partis insigne, lateritiis plerisque ædibus ornatum; paucioribus ligneis, ob incendiorum periculum, quæ semel iterumque olim expertum metuit. qua mare respicit, muro; qua terram, vallo terreo cingitur. Oppidum hoc factitii salis gloriam affectat, numero-sis admodum longo secundum aggerem tractu extructis tectis salariis, in quibus strues salinarum aggestas videre est, sudantibus noctes die-que operis: quæ olim extra vallum, nunc intra illud recepta sunt. Oppidani homines gnavi & industrier, ex Armorici civitatibus atque aliunde salem asperum & pullum devectum, cortinis amplis excoquunt, affusa marina, quæ nonnihil inertem mitemque gustus salis saporem corrigendo exhibet, ac candorem mensis cibisque gratum arte conciliat. Hoc oppidum Neptunium dici jure queat, quod fatali illa (inquit *Tullius*) & haud scio qua immutabili sempiterni ordinis lege, maris quoddam imperium & clas-sium agitaverit, propitio Caroli Cæsaris & Philippi Regis studio atque favore, quando uterque non aliis temere navibus vitam suam, hic in transmittendo Oceano, ille in suscipiendis expeditionibus, commiserint. Ampliatum id oppidum anno 1591, pomœriis longe lateque productis, & vasto terrarum spatio intra vallum accepto, ita ut nunc extra vallum vix sesqui horæ spatio ambiri possit. *Edamum*, Borealis itidem Hollandiæ oppidum, non inamœnum, tum navium struendarum singulari industria, tum præ-

Horna.

Edamum.

stantissimi casei copia celebre: muro & fossa cinctum. Distat Horna terra marique spatio pene æquali duorum milliariū. Situm ad interiorem freti australis sinum ab una parte: ad permagnū lacum ab altera: qui hodie exhaustis undis & aggere septus in pascua & arva conversus est. *Monachodamum* milliari uno dissidet ab Edamo. Ad Eurum illi objecta Marca insula tranquilliorē maris sinum patitur. Oppidum exiguum est, vallo, & aliqua parte muro cinctum: jam anno 1237 extitisse ex annalibus constat. *Medenblicum*, Iunio inter municipia maritima commemoratum, nunc oppidulum satis munitum, quodque arcem habet pervetustam. Firmissimi hic omnium sunt aggeres, qui suo oppositu maris Septentrionalis furias intrepide excipiunt, quos alga (maris ejectionis est) prætexunt: materia ubi confederit, tam firma & solida, ut moles saxæ vix densius firmamentum coagmentumve præbere possint; tantopere illa sævientis fluctus proterviam respuit. Ager vicinus per fossas inciles in prata herbida, bubus opimandis peroportuna, divisus est. *Purmerenda*, municipium quondam cum arce non ineleganti, nunc oppidi in modum vallo cinctum & latis fossis. Plurimum illi splendoris & opum accessit, postquam superioribus annis Beemstriae lacus, magno studio & molimine exsiccat, agrorum, pascuorumque officium præstare cœpit.

Monachodamum.

Medenblicum.

Purmerenda.

Beverwijk.

Egmonda.

Pettemum.

Sunt & hic loca celebriora, Scaga, Egmonda, Pettemum. *Beverwijk* positum est ad fluvium Tyam. Harlema duabus leucis abjunctum, municipium oppidi privilegiis & nomine gaudens, amœnissimo in loco, prædiis, villis, prætoriis undique cinctum; celebre est nundinis coriaceis bis quotannis celebrari solitis. Scaga sita est in extrema Septentrionalis Hollandiæ parte, & Alcmaria simul ac Medenblica pari trium leucarum intervallo abjuncta: municipium elegans & copiosum, oppidi instar contiguus ædificiis habitatum. Solum habet tota Hollandia fertilissimum, herbidissimumque, arcem non inelegantem, quam toparcha loci possidet. *Egmonda* Oceano mari ad Occasum propinqua est, & Alcmaria quidem sesquileuca, *Beverwijk* duabus leucis abjuncta: pulcher profecto & concinnus admodum pagus, juxta quem & cœnobium olim, longe hercle amplissimum, quod, teste Irenico, conditum fuit ab Adelberto. Habuit vero & locus iste arcem satis insignem, ita ut Comitatus dignitate præfulgeat: sumente ab eo cognomen Illustrissima & antiqua gente Egmondana.

Pettemum, pagus est ad ipsum Oceani littus, ubi cum rerum parens natura non continuaverit arenosos illos montes & colles, quos vulgo *Duy-nen* vocant incolæ, ne admissio Oceano interiora absorberentur, molem immanem extruxere ardui montis caput superantem, quam à canino & Scylleam rabiem imitante latratu vocaverunt *t Hontsbosch*, quasi sylvam caninam. Pali sunt valide confibulati, & fistucis alte depacti, quorum spatia intermedia grandibus saxis marmoribusque acervantur, stipanturque: hæc moles ad aliquot centenos passus secundum mare porrigitur, desinitque apud Pettemum. Anniversariæ fabrorum atque opificum operæ assidue illam

Hollandia.

communiunt, delectis viris ex optimatum numero pro magistratu illic agentibus. Hi operas inspicunt, imperantque, ut trabes convehantur, saxa comportentur: ubi quid vacillans est & infirmum, muniatur ac corroboretur. Est autem tam magni momenti hoc opus, tamque efficax præsidii, ut si casu fortasse, vel Oceani aliqua intemperie id perfringi contingat, potiorē Hollandiæ partem undarum violentia cooperiendam adfirmant. Verum aliquot retro annis, ob ingentes qui in hanc molem sarcientiam quotannis impendebantur sumtus, permiffa ea fuit maris ac procellarum arbitrio, ut jam pendentes ex alto trabes, & hiatus ingentes passim appareant, & vestigia prisca operis. Objecto autem mari ingenti agrorum spatio, ne arctius pressum perumperet obstantia, aggeres terrestres in summam altitudinem unus & alter aggesti sunt, qui ob incolarum hodie securitatem, *Slapers* vocantur. Ipse pagus Pettemum maris ludibrium est, cujus aliquot adhuc ades reliquæ obortis per hyemem tempestatibus absorbentur. Novum vero pagum cis aggeres extruere incipiunt pagani, sedibus non longe translatis.

Saenredam insignis pagus est ad Sanam fluvium & Tyæ sinum litus, ubi ingentes navium quotidie fabricantur classes; hinc incolæ opulenti & ditissimi. Ad Occidentem Sanæ fluvii pagus est, à situ *Westjanen* dictus, & ab Oriente alter, quem *Oostjanen* nominant, uterque longa domorum serie conspicuus. Prope *Purmerendam* *Purmerlant* est pagus & Toparchia insignis, cui adjacet alter non minoris momenti *Ilpendam* *Purmeræ* lacui adjacens: ad Tyam sunt *Vdoornickerdam*, *Schellingswoerd*, *Nieuwendam*, *Buycksloot* oppositum *Amstelædamum* respiciens. *Wormer* pagus insignis, & ob panes bis coctos optimos celebratus, *Beemstram* & *Wormeram* lacus interjacet. Contiguus ei est *Ibiss* non minus opulentus; hinc non longe tractus est quem *Schermerensem* Insulam vocant, non adeo magnus, sed opulentus, quinque comprehendens pagos pulcherrimos, nitore, & commerciis, quæ inprimis hælæcum hic vigent, & incolarum divitiis ne civitatibus quidem cedentes; nomina eorum sunt *Graft*, *Rijp*, miserabili incendio non ita pridem deformatus, sed qui pulchrior è cineribus suis resurgit; *Graftdijck*, *Schermer* & *Schermerhorn*. Præterea in *Kennemaria* pagi sunt *Assendelft*, *Krommenye*, *Vytgeest*, *Heemskerk*, *Akersloot*, *Heyloo*, *Bergen*, cujus peculiam rem post subjungam descriptionem; *Schoorel*, *Groet* & *Sanegest*. In *Waterlandia* prope *Monachodamum* sunt, præter eos quos superius ad Tyam fitos memoravi, *Broeck*, *Hoolestoot*, *Raerdorp*, *Sindeldorp*, & *Lansmeer*. in tractu quem Septentrionalē nominant, vulgo *het Noorder Quartier*, sunt, *Edamum*, *Purmerendam* *Hornamque* inter, siti, *Middelly*, *Haxwijck*, *Hoobreet*, *Quadijck*, *Werder*, *Oosthuysen*, *de Koch*, *Schaerдам*, *Beets*, *Oudendijck*, *Schaerwout*. *Schermersem* *Hugensemque* lacus nec non *Hornam* inter, pagi sunt *Berkhout*, *Spierdijck*, *Avenhorn*, *Mijsen*, *Vrjsem*, *Hensbroeck*, *Opdam*, *Toparchia* Baronis *Wassenaar*, & *Spanbroeck*. Inter *Hornam*, *Medemelacum* & *Enchusam* sunt prope *Hornam* *Schellingshout*, ad sinum maris de

Pagi reli-
quis.

T

Zuyder

Zuyder Zee dictum, *Westerblocker*, *Oosterblocker*, *Swaegh*, *Venhuysen*. Enchusa Hornam versus via est quam *de Streeck* vocant, in duorum milliarium longitudinem extensa, quæ domibus contiguis habitata, unius pagi speciem refert, quamvis plures sint diversis nominibus distincti; nomina autem hæc sunt, *Westeynt*, *Bouc Kerspel*, *Grooten broeck*, *Lutkenbroeck* & *Hooge Kerspel*: ulterius versus dictos supra lacus tendenti occurrunt *Westwout*, *Hauwert*, *Nubixwout*, *Wognum*, *Watweyde*. Medemelacum versus sunt, *Opperdoes*, *Almerdorp*, *Twisk*, *Oosterwout*, *Benninkbroeck*, *Midwout*. Ulterius Schagam versus progrediens spectabit pagos *Abbekerk*, *Lammerschage*, *Opmeer*, *Sybekarspel*, *Hoog-*

wout, *Eerswout*, *Winckel*, *Nierop*, *Oud Nierop*, *Bersingerhorn* & *Harinkhuysen*. Schagam & Alcmariam interjacent, *Burchoorn*, *S. Marten*, *Dirkshoorn*, *Harrenkarspel*, *Eenigenburg*, *Warmenhuysen*, *Schermwouwe* duplex, septentrionale & Australe, *Broeck*, *S. Pancratii* & *Koedijck*.

Totus hic terrarum tractus aquis mirum in modum distinguitur, adeo ut eam cum plurimis insulis constare recte dixeris: lacus in eo complures & magni, quorum aliqui industriâ & labore improbo ex aquis educti, fœcundam agricolis proferunt segetem, lataque armentis præbent pascua.

I N S V L Æ

HOLLANDIÆ SEPTENTRIONALIS.

Texela.

AD Borealem Hollandiam pertinent aliquot insulæ, quarum maxima est *Texela*, partim arenariis tumulis, partim aggeribus adversus Oceani furorem munita; magna parte compascua est, & ingentes ovium greges nutrit, quarum ex lacte ingens premi solet quotannis præstantium caseorum vis; nulla hic oppida muris clausa, sed municipium habet amplissimum & pulcherrimum, eodem cum oppidis jure & magistratibus gaudens, *de Burg* dictum, & aliquot pagos: *Hoorn*, *Coog*, *Westeynt* & *Oosteynt*. Superioribus annis hic munimentum ab Illustr. Ordinibus decretum, in quo jugiter præfidiarii excubant. Insulani, agriculturæ potissimum dediti, navigationi, piscationibus & hælæcum capturæ quoque invigilant. Secunda est *Eyerlandia*, inhabitata, & ubi æstus marinus recesserit *Texelæ* annexa; Tertia *Flielandia*, *Flevi* nomen servans, oblonga & angusta, & duobus tantum vicis ad utrumque cornu habitata *West-ende* & *Oost-ende*; Insulam myrtili, seu musculi marini, Belgis *Mosselen* dicti, vel imprimis commendant. Quarta *Schellinga*, superiore paulo longior, & duplo pene

latior, ac quinque pagis habitata, *West-eynde*, *Middelland*, *Formare*, *Hoorn*, & *Ooster-eynd*: quorum duo, *Middelland* & *Hoorn*, templa habent.

Atque hæc quidem tres insulæ patenti Oceano versus Septentrionem objectæ sunt, & fretum maris interni veluti occludunt, duosque celebratissimos portus efficiunt, *Texelensem*, & *Flielandicum*, quorum ille opportunus in Angliam, Galliamque abituris, hic in Germaniam, Daniam, &c.

In interiori sinu jacet *Wieringa*, ab alga marina, quam nostrates *Wier* vocant, ita dicta, fertili admodum solo & culto, ubi & plurimæ oves aluntur. Tum *Vrck* & *Ens*, in interiori freto sitæ, ambitu exiguo, & indigenis cultæ, moris antiqui & peregrini; qui facile ab aliis morum inurbanitate discernuntur, præsertim *Ensii*, licet *Transsalanæ* continenti propriiores sint, & quotidie ad Campensem urbem commeent. Idioma illorum barbarum quiddam sonat, licet sermo sit Belgicus, at Frisio propior. *Ens* duobus vicis incolitur, *Ens* & *Emeloort*. Incolæ piscatu fere quæstum faciunt.

Wieringa.

Vrk & Ens.

Eyerlandia.

Flielandia.

Schellinga.

Z

I

P

A.



Vm memorabilis sit imprimis majorum industria, & digna Hollandorum gloria, qua prospexerunt accretioni agrorum extra aggeres, quos iis locis erexere, quibus regurgitans aestus alluvione quadam incrementum gigneret: nequaquam illa à nobis silentio praetereunda. Agros autem ejuscemodi gentili vocabulo *Poldros* proprie appellarunt, qui è fluvio aut mari, cui loco aestuariorum postea fiunt, educati aggestis pontibus longis aggeribusque ab aquarum injuria obsepuntur; Forte quod è stagnis, qui *Poli* vulgariter dicuntur, recuperati fuerint, quae melior etymi ratio Hadriano Iunio esse videtur, quam à *Volis*, hoc est, equorum pullis (ωλάς, Græci vocant) quae Meieri sententia est. Cum autem ejuscemodi *Poldri* imprimis duo sint memorabiles, *Zipa* nimirum & *Beemstra*, qui patrum memoria aggerum indagine cincti, hominum cultum admittunt, seminiumque cum magno fœnore reddunt, ubi piscium ludebant agmina: In quibus & Dei Optimi Maximi bonitatem ac munificentiam singularem, & Batavorum incredibilem pene industriam luce meridiana clarius cernimus: Illud indignum fuerit, quod silentio à me transmittatur de Hollandia loquente, eam habere clarum fœvitia & periculi magnitudine formidolosum monstrum, alteram *Scyllam*, ut si quid divinitatis inesse immanibus rebus, pestibus, monstris censendum sit (quod ideo fortassis finxit antiquitas, quod per ea plecti puniriue scelerata divinitus crediderint) huic, de quo dicemus, loco eam quoque opinionem affingamus. Quemadmodum enim Natura, vel potius Deus ipse Naturæ Conditor, dedit Siculo freto *Charibdin* & *Scyllam*, quam fœvis canibus succinctam latrare fabulantur Poëtae, utramque naufragiis infamem: ut dedit Euboiae *Caphareum* importuosum & procurrentibus cautibus formidabilem montem: dedit & *Libyæ Syrtium* metuenda vada: sic addidit Hollandiæ eam quam *Caninam Sylvam* accolæ nominarunt, quod murmurantis maris fremitus & undarum fragor perpetuis latratibus eum locum circumsonet; & continuatis nocte dieque assultibus tundat, convellat, dissipet. Cujus furori opposita surgit moles immanis, mortalium manibus laborata, quam vere *Cyclopeam* dicas, ardui montis caput superans, propugnaculum infirmum futurum adversum canes illos, nisi assiduis operis confirmaretur, & cresceret semper decrescendo; quando mare illud prodigum, quod ludit sub mole illa depressum amplius, quam quo telum robusto lacerto excussum adjici possit, cuncta aut haurit & absomit, aut in tempestate ejectat. Vidisse namque se, memoriæ prodit Hadrianus Iunius, ducenaria Marmora pilarum instar fuisse evibrata decumanis fluctibus in planiciem moli subjectam. Eam vero molem ordi-

Belgica Fœderata.

nēs palorum inter se valide confibulatorum alte depacti & fistucis adacti dissepiunt, spacia intermedia farcturis opplentur acervanturque, quæ constat immensi ponderis saxi aggestis. Anniverfariæ fabrorum atque opificum operæ assidue illam communiant, delectis ex optimatum numero viris industriis, pro magistratu illic quodammodo agentibus. Hi trabes convehi, saxa & marmorum pondera comportari, ubi res & usus postulaverit, sedulo imperant. Moles autem illa ad tria passuum millia secundum mare littoris loco exporrigitur, Cauri furori imprimis obnoxia, desinitque apud Pettemum tribus milliariibus Almeria dissitum, pagum captura muscolum nobilem, quos è conchyliaceo genere delicatissimos candidissimosque inter omnia littora educat, in furiosissimi Oceani salebris natos, & saxi trabibusque adhærescentes; præ quibus facile *Lycrina* conchyliis despuas. Isthic initium capit *Zipa*, cui aestuarium cognomine nomen dedit, tractus terrarum undecim Hollandicorum jugerum (quæ 600 virgis 12 pedum constant) millia ambitu complectens à Pettemo videlicet & silva *Canina* quæ dixi, Orientem versus. Ejus fines, ad Occidentem Oceanus, ad Ortum agger qui Pettemum à Medemblico municipio maritimo pertendit: ad Septentrionem etiam Oceanus & *Tusenland* veterum Tusiorum sedes, ut censet Iunius, cum Insulis *Texelia*, sive, ut nunc scribimus, *Tessalia* (*Tessel*) *Wieringia*, &c. Hic omnis tractus quum diu vadoso mari, & intercurrentibus tenui alveo aestuariis desertus jacuisset, primum (ut in Chronico Batavico legimus) à Guilielmo Domino Scageni aggerum indagine cinctus est: dictusque *dat Nieuwe Landt*. Postea iterum Nicolaus Nicolaius vir divina ingenii vena præditus, frater Ioannis Secundi, cinxit aggeribus immensum illud agrorum spatium, munitque contra incurfantis Oceani impetum anno 1552. In eodem spatio salinas, sive tecta salaria instituit virtutibus non minus quam gentilitiis imaginibus clarissimus Heros Bucholdius, destinatis ad conficiendum salem concreto coactoque humore lacubus, iisque summa industria ita comparatis, ut injuriam aëris prævisam non sentirent. Itaque jam hominum cultura mansuefactus ager, falsugine partim imbribus percolata, partim Sole & ventis excocta, partim etiam fossis & canalibus educata, magno cum fœnore semina coeperat reddere: cum anni 1570 Cal. Novembris, turbulentissimi Autumnus tempestas, ceu fatalis quædam calamitas immani diluvio adobruit hoc territorium, & quicquid immani sumptu & summis laboribus hætenus effectum fuerat, id subito perruptis tempestate aggeribus consumtum, cum magna prohi dolor, jactura hominum, jumentorum, pecorum, ædiumque plurimarum, aliquot jam locis exstructarum. Quo tempore etiam eandem calamitatem pleræque Belgii terræ maritimæ passæ sunt; quando quicquid illic culti fuit, &

Zipa unde dicta.

Sim.


fœcun-

Soli fer. ili-
vaz.

fœcundæ glebæ, aut altis arenarum pulvinis tectum, aut falsugine maris eneatum & sterile redditum fuit. Et quamvis irreparabile damnum territorii Zipani videretur, multique desperarent de illius restitutione, tamen Optimatum aliquot opera, Ordinumque Hollandiæ prudentia & cura, tentata est nova obvallatio: quæ nunc quidem temporis eo perducta est, ut res extra discrimen posita deinceps videatur, spesque adeo certa sit, facile posse aggeres tempestatibus resistere. Fundus alias fertilitate vix ulli Hollandiæ parti concedit, nisi ubi arenis omnia obsita sunt. Porro experientia certissima compertum est, molibus istis non tantum Zipam conservari, sed etiam universam Hollandiam, quum silva illa Canina earum beneficio minus Oceani fluctibus tundatur: ut in posterum interiorum aggerum præsidio (qui quia securitatem Hollandiæ adferunt, à dormiendo nomen habent *die Slapers*, ac veteris & novi nominibus distinguuntur) non videatur tantopere opus esse. Moles illæ ex sabulo adgesto constant, depactis per intervalla juncis, ad quos adactæ Cauri flabris arenæ sistuntur, & nulla alia humana ope in summam altitudinem totum illum aggerem paullatim extollunt. Mirabili invento, eoque magis stupendo, quod sine impensâ ulla maximæ impensæ evitantur. Antea enim flante Cauro si mare adflueret, videre erat omnia contexta falsis Neptuni undis; si reflue-

ret, arenis. Nunc opposito tam ingenti munimento, tuto ager colitur, structa ubi id locorum permittit oportunitas, ædificia, villæque rusticæ: omnia vel pratis, vel arvis, vel segete rident, ordine ad usum cultumque aptato. Paucis ibi hydromylis sive molis aquariis ad aquas educendas opus est, propter soli altitudinem. Sed & Chomarchi, (quos promiscuum vulgus *Dijckgravijs*, ceu aggerum Comites vocat) quorum vigili cura loca illa antehac defendebantur, vix habent deinceps quod de irruptione maris aquarumque inundatione sint solliciti; quippe cum coloni his locis tutius degant, quam in multis aliis Bataviæ locis, ubi ipsis quotannis præscribitur, quantum ad moles illas aggerendum sit, in quam altitudinem omnia revocanda; quanta imi pedis, quanta supremi aggeris latitudo esse debeat; ubi postquam hæc mandata sunt, operas ipsos exigere à singulis necesse est, & rebelles aut negligentes multis onerare; præclaro instituto & necessario, quod publica salus ab illis aggeribus pendeat, & è neglectu incuriaque hominum in discrimen venire possit ac periclitari. Quare multa ad rei tantæ conservationem à Guiljelmo Romanorum Rege aliisque Hollandiæ Principibus privilegia concessa. Sed de Zipa quæ dicta sunt hætenus sufficiunt, ad Beemstram alterum Hollandiæ Pol-drum transitum faciamus.

B E E M S T R A.



BNsula (quam *Beemstram*, *Ba-mestram*, vulgo *de Beemster*, Haemrodus *Bohemstriam* nominat,) post hominum memoriam, usque ad annum 1608, cum primum aggerum indagine cingi cœpit lacus in Waterlandia trans Yam juxta Purmerendam collocatus fuit, longitudinem, ut eam olim Haemrodus supra laudatus definivit, 5 millia pass. latitud. mille quingentorum; & pedum denique quinque aut sex profunditatem habens. Hic nostro tempore annorum decursu haustis agris circumjacentibus in eam vastitatem & magnitudinem exiverat, ut amplius 12. mill. virgarum mensuræ Rhenolandicæ in ambitu completeretur, ad 5, 6, 7, atque ubi profundior, 8 & 9 pedes aquis coopertus, trajectus commodus multarum navium, tam earum quas *Busas* vocant, quam aliarum, imo septuaginta aut octoginta lastarum seu onerum nauticorum capacium, quæ locis vicinis fabricatæ per eundem hunc lacum, in mare deducebantur. Adeo ut Beemstram aggeribus cingere, fere impossibile ab omnibus judicaretur. Legitimi quondam fluminis cognomento honoratum apud Egmondensis Monasterii Archiva, reperisse se attestatur in Annalibus suis nobilissimus & accuratissimus Douza Nordovix pater. Præcipui & primi authores, quibus Ordinum Hollandiæ & West-Frisiæ indultu mensè Majo anno 1607 concessum, constituto Chomarcho, lacus aggeres ac moles artificibus

ac mechanicis muniendas addicere, fuere Theodorus & Henricus ab Os, Arnoldus Grotenhusius & Ioannes Nicolaus Crocus cives Amstelodamenses: iisque mox adsociati Rembertus Hogerbetius & Ioannes à Santen, Consilarii Senatus Hollandici: itemque Nicolaus Cromhoutius & Ioannes Buys, Senatores Provincialis Concilii: nec non Ioannes Bafius, rationum Hollandiæ præfectus, & Bartholomæus Cromhoutius, Amstelodamensis urbis Consularis, & Ordinum Generalium à consiliis: Elias ab Oldenbarnevelt Syndicus Roterodamensis, Adrianus Tieding Berckhout, Monekedamensis Syndicus: Petrus Boom, Consul Amstelodamensis (in cujus locum postea successit filius Abrahamus Boom Scabinus) Nicolaus Veen Consul Hornanus, cum Scabinis Amstelodamensibus Ioanne Grotenhusio I. V. D. & Iacobo Poppen. Hi primo omnium cum Lamberto à Vinea Vollenhovio, ut qui se diceret habere jus & actionem Comitissæ Arenbergicæ in Beemstram, quum transgissent, eundem legerunt Comarchum, huicque negotio præfecerunt: cui addiderunt *Heimrados* hos novem sequentes, nimirum Ioannem Nicolaum Crocum prædictum, Ioannem Hermannum (cui postea Thomas Blommaert Harlemensis successit) Nicolaum Bambeeckium, & Cornelium Arnoldum Amstelodamenses; Iacobum Ryperdum & Franciscum Ioannem cognomento Molenwerf, Hornanos; Philippum Lantscotum Leydensem, Cornelium Ioannem Melcknay, Alcmariensem, & Theodoricum Franciscum Monickedamensem.

Secre-

Secretarius constitutus fuit Riewerdus Nicolaus Allen, civitati Purmerendæ à Secretis; Quaestor creatus fuit initio Theodoricus Beugelius Alcmariensis: post inundationem Michael Poppen Amstelodamensis. Decempedator electus fuit M. Lucas Sinck Amstelodamensis, qui postea una cum M. Augustino Bas Finitore Alcmariensi omnia fere opera decempeda mensus & metatus est, tandem cum eodem, adhibito tertio Geometra M. Ioanne Petro Douw Leydensi, omnes terras (ut in Chartis videre est) in Vias Regias, fossas, & sortes sive ratas portiones partiti sunt. His omnibus ad eum modum constitutis, præcipui huius agri possessores, adhibito in consilium Comarcho supradicto & Heemradis, adhuc compluribus fabris ac hydromylarum magistris, primo omnium locarunt faciendas 26 hydromylas, easque iis locis constituerunt, quæ tunc temporis aquis exonerandis maxime idonea deprehendebantur. Adhuc postquam cum vicinis oppidis, vicis, proprietariis & dominis agrorum aliisque quorum intererat transegerant de compensandis damnis & taxationibus agrorum, qui effodiendi erant, ubique meatus & aditus aquarum in hunc lacum se exonerantium, obstruere cœperunt, atque aggerem exteriorum munire sunt aggressi. Quæ res cum annis 1608 & 1609 eo perducta esset, ut aggeres circumducti essent, non tamen ea altitudine & robore quibus eos post exsiccationem ex ipso Beemstræ fundo stabilem constituerant: inundatione, quæ exorta initio anni 1610, exterioribus aggeribus & cataractis (ut etiam variarum terrarum & Poldrorum variis in locis) perruptis 20 Ianuarii, lacus iste Beemstræ, qui jam ad tres & quatuor pedes exhaustus erat, rursus aquis repletus fuit, atque omnes pene aggeres, iique potissimum qui aquis excludendis erecti fuerant, aquarum internarum vi disiecti & dissipati sunt, non sine ingenti damno atque detrimento. Nam auri non unam tonnam impenfam jam tum fuisse, certo perhibent. Hinc cum hoc tam egregium opus male audire cœpisset, atque hoc tam ingens damnum irreparabile videretur, multique desperarent de huius territorii restitutione, tamen tam inter præcipuos quam vulgares illius possessores convenit, ut rem denuo novo studio & alacritate aggredirentur. Suntque operi huic promovendo denuo Præfecti lecti præter 16 priores, Laurentius Ioannes Spiegelius, Scabinus civitatis Amstelodamensis, M. Tobias de Coene ibidem Advocatus, post Beemstræ Chomarchus, Wibrandus à Warwyck, Ioannes Hellinx, Nicolaus Bambekius, & Augustinus van Peyn, ejusdem urbis mercatores; Theodoricus Gerardus Meermannus Scabinus Delfensis, M. Ioannes Binnenblijf Consilii Hornanus, (in cuius locum postmodo successit Wilhelmus Petrus Hases Consul) unus ex Purmerendæ Consilibus, M. Thomas Blommart Harlemensis, & Ioannes Pellicorn Leydensis. Hi præter Comarchum supra nominatum (quem ad biennium ad hoc munus legerant) Heemrados crearunt Cornelium Arnoldum jam dictum, Franciscum Ioannem Molenwerf, & Theodoricum Franciscum, atque etiam Cornelium Canterum Amstelodamensem, possessorem quoque Agri Beemsterani.

Belgica Federata.

Horum opera, assidua diligentia, providaque cura, ut nonnullorum possessorum, & imprimis supra nominatorum Theodorici van Os & Ioannis Nicolai Croci, tentata est nova obvallatio, eoque perducta ut omnes aggeres exteriores usque ad amplius 12 millia virgarum mensuræ Rhelandicæ, 4 mensium spatio fere perfecti & ordine debito constituti fuerint, atque etiam intervallo 11 mensium, nimirum à 24 Iunii anni 1610 (quo tempore primum alæ hydromylis affixæ sunt) usque ad finem Maji, aut initium Iunii anni 1611, omnis aqua sufficienter exhausta, resque eousque producta fuerit (præter spem & opinionem omnem intuentium, aut audientium,) ut etiam eo ipso anno multæ fossæ sint confectæ, totumque opus ad colophonem perducere potuisset, nisi limosum solum, atque ingruens autumnus & hyems illud impedivissent: unde factum est ut inferiora quæque iterum fere ad duos pedes cum dimidio aquis tecta fuerint: sed exterioribus operibus interea magis magisque confirmatis instauratisque, omnis aqua tempestive ineunte anno 1612 hydromylis (quarum numerus ad 36 auctus fuerat) iterum exhausta est, totusque Beemstræ Lacus 19 Maji anno 1612 omnino exsiccatus ac sine aquis deprehensus. Ex quo interiora opera (quæ aquarum vis pene disjecerat) denuo in manus sumpta, minus quadrimestri spatio consummata sunt, omnesque terræ perfecte in fossas, vias, aquas & ratas portiones divisæ, ita ut 30 Iulii sortitio in arce Purmerendæ inter omnes Beemstræ possessores facta sit, & cuique sui agri per chartam evidenter demonstrati. Qui porro suos agros acceperunt, in iisque aedes exstruxerunt, & unusquisque arbitrato suo ita consevit, meliores reddidit, coluit, ut jam ingens copia seminis enata, multa millia pecoris pasta, multæque & quidem optimæ fruges sint collectæ, singulari omnium accolarum bono, qui tam terribilis & quotannis terras abradentis lacus loco, nunc tam insignem agri portionem usque ad amplius 7 mill. 500 Iugera Hollandica amplum (præter aggeres, æqualitates, fossas & vias, simul amplius 10000 Iugera conficientes) adibus suis & domiciliis in annos singulos magis magisque periclitantibus nacti sunt: unde etiam reliqua Hollandia in posterum magnum emolumentum ac beneficium consequi poterit. Quod ad situm huius lacus, qui nunc in Insulam mutatus est, ut quæ habeat circumquaque Fossam 4, 5, 6, 7, ac nonnullis locis 8 & 10 virgas latam, altitudine 5, 6, 7 pedum, quæ sint tanquam sinus ac latiores aquæ ductus tum aquæ propriæ, cuius hydromylæ ea circumaguntur, quam agrorum exteriorum & trajetibus omnium navium & lenunculorum quæ ante per dictum lacum navigare solebant: Sciendum est Beemstram sitam esse loco commodissimo & *Situs Beem-*
stræ. circumquaque populosum, utpote in medio plurimorum magnorum insignium ac divitum pagorum, Purmerendam ad Austrum ponte jam adnexam habens, ac non longe illinc duos illos celebres & opulentos pagos *Wormer & Iisp*, ut & vicum Neckensem, ad Ortum *Oosthuysen*, *Quadijck* & *Obrede*, ad Septentrionem *Beets*, *Somerdijsck*, Vicum *Vierhuysen*, *Audendijck* & *Avenhoorn*, ad Occa-

Aggeres.

Via.


Divisio.

sum duos illos divites pagos *Rijp & Gracht*, ad Meridiem & Septentrionem *Schermer*, ad Ortum & Occasum *Misen*, cum vico dicto *Volgeres & Vuyle Gracht*. Imi pedis aggeris latitudo 8 virgarum mensura Rhenolandica est, cui agger duarum virgarum alibi superstructus est, alibi virgæ unius cum dimidia, alicubi & duarum etiam duarum cum dimidia & 3 virgarum, septem pedes Zypicos aut 7 silvæ Caninæ altus, interiorum fossam habens, ad aggeris & agrorum secretionem duarum virgarum, ac nonnullis locis duas cum dimidia, & alicubi tres virgas latam. Intra aggerem decem amplæ & ad perpendicularum rectæ viæ, æquali spatio distantes ductæ sunt, singulæ tribus virgis latæ, longæ nonnullæ 2900, aliæ 2000 & 2100: at media via amplius 2900 virgis. Iam viæ istæ utrimque fossam latitudine virgæ cum dimidia, ex qua viæ formatæ sunt, habent, præter varias vias transversim procurentes, quæ ad proximos pagos deducant, ac sint compendiarie. Inter unamquamque viam æquali distantia, ductæ sunt octo magnæ perviæ & in modum crucis in se coeuntes inciles fossæ sive euripi, latitudine 11 virgarum, 5 pedum altitudine, præter alios nonnullos aquæ ductus & fossas, ad subvectionis commoditatem, utque lenunculis commode ad omnes terras appellere possent, inprimis vero aquam pluvialem ex fossis in hydromylarum aquagia derivare. Inter aquas istas ac vias omnes terræ ad eum modum in quadratos agros centum jugerum Hollandicorum distributæ sunt, ac rursum in 20 Iugerum portiones longitudine 250, latitudine 50 virgarum, & fossis terminalibus 12 pedes latis inter se junctæ, ut copia seu partes anteriores omnium agrorum aliquam viam, ac partes posteriores unum dictorum aquagiorum vel aquæductuum contingant. Et quoniam omnes terræ non ejusdem sunt altitudinis, universa Beemstra in 4 Poldros distributa est, quorum singuli tot hydromylis instructi, ut commode ac tempestive aquis liberari queant, in quem finem hydromylarum numerus usque ad 45 auctus est. Horum qui Arenbergicus cognominatus, amplius circiter 2000 Iugera Hollandica 12 hydromylis instructus est: Superior, (vulgo de *Boven-polder*) amplius 1900 similibus jugeribus major, 10: Medius cum Inferiori 33. Ad hanc meritationem jam dictam commode faciendam, Beemstræ fundum etiamnum aquis opertum bis accurate per glaciem demensi sunt, explorarunt, ac perforarunt, & postea exsiccatum & decempeda mensum, omnibus in partibus variis locis pastinarunt & explorarunt, ut terras quoad ejus fieri poterat æqualiter dividerent, & viliores cum melioribus conjungerent: prout plenius videre est ex sortitionis conditionibus antehac in lucem emissis. In qua inter alia 5 loca ædibus sacris, & cœmeteriis, ac porro diversæ aræ foris in compitis destinatæ sunt. Libet autem priusquam ab hac Insula discedam opus istud admira-


bile cum Claudii Romanorum Principis emissario Fucini Lacus, quod inter ejus operum maxime memoranda recenset Plinius, contendere. Merito enim dubitet aliquis, utrum aut operosius aut memorabilius habendum. Fucinum enim Claudius aggressus, non minus compendii spe, quam gloriæ, cum quidam privato sumptu emissuros se repromitterent, si sibi siccati agri concederentur. Et aggressus est partim effosso monte, partim exciso; cum aut corrivatio aquarum qua terrenus mons erat, egereretur in vertice machinis; aut, ubi lapideus erat, silex cadere-tur; ut ita canalem absolverit post 11 annos, continuis 30 hominum millibus sine intermissione operantibus. Vbi sane, quemadmodum operarum multitudo & temporis spatium magnum operi momentum & admirationem adferunt; ita vicissim loci in sublimi ac solido situs & ratio, modo sumptus atque operum assiduitas non desint, rem factu possibilem ostendunt, minuuntque admirationem. At hoc in opere non tantum operantium assiduitas & sumptus spectantur, sed ingenium & artificium in aggerum mobilibus jaciendis, cataractis & machinis collocandis, atque aqua corrivanda; cum undiquaque eadem sit non modo planicies, sed ingentes lacus alii, aggeribus tantum ab invicem seclusi, ut omittere cœli, hiemali præsertim tempore imbres, & in proximo maris inundationes; adversus quæ omnia opus muniri, & ingenio atque arte singulari, dum æstas præcipue anni durat promoveri assidue necessum fuerit: nisi aquam indies alias renascentem perpetuo haurire, & saxum quod dicitur, volvere voluerint.


Reliqui lacus jam Hollandorum industria exsiccati sunt, *Den Heer Huygen waert* prope Alcmariam situs, exsiccatus anno 1631, continet jugera Hollandica ultra tria millia & trecenta, aggeribus suis inclusa; ager vero ejus non admodum fertilis, pascua non adeo pingua, spem possessorum quodammodo fefellerunt: huic lacui adjacet alter non minoris circuitus, vulgo de *Schermer* dictus, ex aquis eductus anno 1635; adjacet autem Alcmariæ, Beemstræ contiguus, magnum terrarum tractum occupans. Inter Edamum, Purmerendam, & Monachodamum urbes situs est lacus de *Purmer* dictus, hic pascuis lætissimis, & fere totius Hollandiæ optimis luxurians, continet ambitu suo jugera Hollandica 2982. Inter Sanam fluvium & Purmerendam alius est, quem de *Wormer* vocant, non adeo extensus, ut præcedentes, continens terræ jugera 1792. Minoris molis & extensionis Amstelædamum & Purmerendam interjacent tres lacus, quos de *Broecker*, *Buyckslooter*, & *Belmer-meeren* nominant. Cæteri sunt, de *Stermeer*, non longe à Beemstrensi situs. *Egmonder-meer*, *Berger-meer* à pagis quibus adjacent nomen sortientes; *Boeckeler-meer* prope Alcmariam, *Geestmeer*, *Dieps-meer*, & *Iaerlinger-meer*. *Wogmeer*, *Wognummer-meer*, *Binnebroecker-meer*, alique.




Cæteri lacus exsiccati.















52, b


T R A C T V S
HOLLANDIÆ SEPTENTRIONALIS,
Quem vulgo
HET KOEGRAS
vocant.



Extrema & Septentrionalior Hollandiæ pars, quæ Texelam Insulam respicit, à dicta insula maris freto, quod vulgo *et Marsdiep* dicitur, separatur, versus Occidentem vero Oceani alluitur fluctibus; ipsum promontorium, quod editius ex undis eminet, duos pagos Huysduynen & Helderæ dictos, complectitur: quos ab injuriis Maris colles arenarii à provida natura positi defendunt; reliquus ingens sane versus Hollandiæ continentem sinumque Australem tractus ex alluvione paulatim coacervatus, quamvis caput ex aquis extollebat, crebris tamen fluctibus æstuque tundebatur, Oceanoque extumescente fluctibus obruebatur, donec ingeniosus Batavorum genius aggerem ex arena à collibus dictis usque ad continentem ducere ausus, rapidos furentis Oceani conatus reprefferit, agrumque illum totum, quem indigenæ *et Koegras* vocant, quodammodo ab aquarum furoribus vindicaverit. Hinc major, ut semper, Batavis animus, primo videlicet partem non paucis jugeribus constantem, & promonto-

rio viciniorem, quæ in mappa *le Mairy Poldrus* dicitur, aggeribus inter collium arenaceorum crepidines extructis, munire aggressi sunt; Dein totum illum longe lateque extensum tractum Insulamque Wieringen ab Alga marina, quæ ibi frequens, sic dictam, non procul illinc in sinu australi sitam, soloque maris æstuario, quod *de Wieringer Balg* dicitur, ab hoc tractu divisam, aggeribus includere, & continenti adjicere non semel deliberatum est: Oceanus enim ipse colles arenaceos sponte sua ad aggerem supra dictum adjiciens, illustribus Batavorum ausis favere, & æquo animo hanc terræ portionem sibi eripi aspicere videtur. Jamque executioni mandatum fuisset, nisi partium quarundam infœcunditas & sterilitas obstisset, quod minus optatum lucrum ex hoc conatu sperarent fundorum possessores. Illa enim tractus hujus pars, quæ Oceano proximior, arenis obsita, minoremque dominis fructum promittere videtur, quam illa quæ sinui Australi adjacens, multis incurvis voraginibus & verticosis fossis, per quas maris æstus penetrat, impedita est. Hac ratione moti, quamvis hucusque rem exequi differant possessores, nolui tamen posteritatem raro hoc Hollandici adversum ipsam naturam oblectantis ingenii exemplo fraudari.





53

B E R G Æ
I N
K E N N E M A R I A.



Toparchia Bergensis in Kennemaria Septentrionalis Hollandiæ parte non procul Alcmariâ sita, priscis temporibus ab ipsis Hollandiæ Comitibus possideri, & reditus ejus uni ex junioribus cujuscunque sexus liberis, in appennagium concedi solebat. Ex hisce originem duxit multis majorum imaginibus illustris Bergensium familia, ab hac Toparchia nomen mutuata; inter eos autem qui familiæ huic ortum debuerunt, maxime celebrati fuerunt, Hugo Bergensis, Philippi Burgundiæ Ducis Consiliarius; qui integris Hollandiæ insignibus adjunctis tribus trabibus cæruleis campo argenteo superimpositis (quæ Montigniaci stemmatis gentilitia sunt insignia) usus fertur: hic Domine Catharinæ Catziæ matrimonii vinculo copulatus, procreavit Corneliam Bergensem, nuptam perillustri Domino Petro à Serooskerke, supra memorati Ducis Philippi ad Angliæ Regem Legato. E gente vero Bergensi per matrimonium Dominium Toparchiæ hujus ad Haemstedios devolutum est. Anno autem 1428 Iacoba Bavara Hollandiæ Comes, Florentio Haemstedio, qui hucusque solo *Ambachtii* dominio potens fuerat, ut vocant dominium plenum territorii Bergensis, una cum saltu omnibusque ad dictum dominium pertinentibus, nullis reservatis juribus, singulari benevolentia in præmium fidelitatis concessit, utque id in feudum nunquam moriturum possideret, diplomate in eum finem Hagæ Comitibus xviii Augusti, dicti anni dato. E familia vero Haemstediâ Dominium hoc, omnimodâ jurisdictione præditum, transit ad Borsaliorum Veræ in Selandia Marchionum nobilissimam gentem; deinceps vero per matrimonium inter Margaretam Borsaliam & Walravium Brederodium anno 1507 consequutum, Brederodii eo potiti sunt. Donec Henricus Brederodius id anno 1568 testamento reliquerit Henrico Comiti Hollatiæ Schauwenburgico, & Sterrenbergensi, Domino Ghemensi & Bergensi, &c; cujus familiâ sine masculis extinctâ per obitum Othonis Comitissæ Schauwenburgici, anno 1637 subsecutum; dominium hoc pervenit anno 1641 ad nobilissimum virum D. Antonium Studler à Surck, Equitem, Toparcham Bergensem & Swyburgensem, qui hodie id possidet.

Territorium Bergense ad Orientem Alcmariam habet vicinam; ad Meridiem Egmondano terminatur lacu exsiccato, & Domini Wimmerumensis parte; ad Occidentem alluitur Ocea-

Belgica Fœderata.

no Septentrionali; ad Septentriones vero respicit pagos Schorel, Warmenhuyfen, Out Caspel & Coedijck. Constat vero quatuor diversis vicis & Scabinatibus, videlicet *Outburg*, *Sanegest*, *Oostdorp* & *Westdorp*, sub quo etiam comprehenditur *Wimmemum Septentrionale*; hi loci & Scabinatus unico & communi nomine Bergæ in Kennemaria dicuntur; comprehendunt autem ambitu suo ultra 4000 terræ jugera Hollandica. Constat autem territorium partim ex arvis, partim è pascuis & saltu, collibusque arenariis, quos *Duynen* vocant incolæ.

Decimæ hujus territorii, fructusque capellarum, Canonicis S. Iohannis Ultrajectensibus concessæ fuerunt anno 1094 à Conrado Ultrajectensium Præsule, quemadmodum ex diplomate in eum finem promulgato constat. Verum postea temporis pecunia parata decimarum harum jus ablatum, adeo ut hodie eo jure territorium hoc sit exemptum; verum tamen fundus Toparchæ est vectigalis, & vectigal primo cujuscunque anni die inter Solis ortum & occasum sub pœna amissionis pendere tenetur, exceptis iis proprietariis, qui in ipso territorio habitant, & censum solvere solent.

Regimen constat ex Baillivo, Prætore, Consulibus binis, & octo Scabinis, qui quotannis die Veneris Paschatis festum præcedente à Domino loci constituuntur. Consules assumunt sibi binos ex honoratioribus incolis, qui sibi vice Consiliarium in administratione rerum publicarum adfunt. Baillivus in criminalibus, iisque causis, quæ vitam concernunt, cum Kennemariæ Feudatariis (*Leenmannen* vulgo dicuntur) tribunali assidet. In iis vero, quæ ad jus Saltuarii pertinent, Iudices ei adsunt ii quos vulgari & proprio ad id vocabulo *Meestersknapen* appellamus. Baillivo præterea rerum derelictarum, & in littus ejectarum administratio, jam ab antiquis temporibus semper competiit. Qua de re limites inter Comitatum Egmondanum hancque Toparchiam anno 1581 constituti sunt. Prætor, qui Bergensis lacus quoque est Comarchus, cum Scabinis tribunal constituit.

Templum Bergense antiquis temporibus spatiosum, turrique altissimâ, quæ phari instar mare fulcantibus erat, conspicuum, incendio deletum est anno 1574. postmodum vero ex parte restauratum anno 1597. Præter Ecclesiam duæ quondam hic erant Capellæ, quarum quæ Meridiem versus sita, in scholam conversâ est: altera Septentrionalior destructa, sed cujus ruinæ à Catholicis Romanis ob miraculum, quod ibi anno 1421 accidisse ferunt, maxima devotione coluntur. Miraculum ipsum refert Hollandiæ Chronicon Delphis anno Domini 1581 typis excusum, hoc fere modo: Anno Domini 1421, in ipsa

A detailed coat of arms featuring a goat's head as a crest, a shield with four quarters (black with a white hammer, blue with two white stars, blue with a white mountain, and red with a white diagonal bar), and a decorative wreath and ribbon.

Nos^{os} & Gen^{os} Dno.

D. ANTONIO STUDLER

EQVITI,


Bergarum in Kennemaria

TOPARCHÆ,

Sweyburgi Domino &c.

Tab. hanc D. D.

J. Blaeu.



ipsa S. Elisabethæ vigilia, tanta ventorum oborta tempestas, ut parem ei vix noverit Posteritas: tam præcipites namque altæque fluctuum ingruere exundationes, tantus rigidissimorum ventorum exortus fragor, ut ne fortissimi ipsis possent reniti aggeres; quin diffringerentur, maximâ cum hominum, pecudumque strage. Teste, præter ceterorum, Pettenfis aggeris irruptione, in Hollandia Boreali; quæ, si insignem stragem loco huic intulit: non minorem ei nominis celebritatem contulisse videri possit, sacrâ, scilicet, Hostiâ in sanguinem versâ; (quæ quidem jam Bergæ visitur, sacri Bergæ sanguinis nomine famosissima:) Pettenfi namque aggere jam irrumpente, ipsa etiam sacra ædes, ei proxima, simul concidit, marinis obruta fluctibus; in quam quadringentis plures mortalium confugerant; quos postera lux, miserando planè spectaculo, littori exanimis, aquisque absorptos exhibuit. Accidit verò, ut, remittente tempestate, Prætor Bergensis, dictus Iohannes à Pruchen, ad littus maris obambulans, bona, si quæ forte mare Terræ reddidisset, domino loci acquisiturus, eorumve Proprietariis, si qui essent, redditurus, inter cetera, arculam conspiceret ligneam, fluctibus ripæ adpelli, quam suscipiens, aperuit; quâ ciborium aliudque S. Ecclesiæ reperit vasculum; quod ubi in vicinam viduæ domum deferri mandasset, loci Pastorem, Dominum Æmilium, ædituumque, qui & ipse dein in Presbyterum evasit, accersit; quibus totum negotium pandit, qui illicet reliquias, Ecclesiæ thesauros venerabiles, tollentes, Ciborium, aliaque vasa reverenter admodum, & devotissimè suscepere: etiamque Dominus Æmilius, Pastor, ædituum iussit arculam eburneam secum ut deferret: qui, veritus, ne quæ hostiæ, aliaque sacramenta eâ includerentur, manu vix contingere ausus, ligneæ patellæ imposuit; itaque ambo in præcipuum se oppidum, Bergam, recipientes, crucibus, vexillisque prælatis, cum omnium applausu, quàm honorificentissimè excepti sunt; eoque loci, ubi arcula adnatæ littori visâ, facellum, in tanti miraculi memoriam perennem, exstructum fuit. His ita gestis, Dominus Iohannes, Pastor Pettenfis, oborta primùm tempestate, fortè absens, Ecclesiæ suæ vastatione comperta, suorumque parœcorum stragibus, & ruinis funestissimis auditis, Bergam se contulit, sacramenta, aliaque reliquiarum vasa repetiturus. Peractâ Missâ, à loci Pastore, Domino Æmilio, & ædituo comitatus, tendit ad locum, quo sacramenta erant recondita, ubi ciborio aperto, hostias omninò incorruptas reperit; quas ubi benedixerat, comedit ipse, vasculum eburneum requirens, quod & ipsum aliquas contineret sacramentales hostias. Re auditâ Dominus Æmilius, consternatus, totus timuit, ut qui vasculum quidem aperuisset, nullas autem eo inclusas hostias animadvertisset. Quod Dominus Iohannes aperiens, hostias aquarum illapsu madidas, sibi que invicem agglutinatas, farinæ subactæ instar, informes, nec quidquam panis præferentes, linteolo involutas, offendit. Quas ipsas Dominus Iohannes benedictione suâ sacras, comedit. At verò, aquæ, vasculo, quo hostiæ reclusæ erant, illapsæ, circi-

ter pintam, periculi, inde fortè emerfuri, metu, bibere veritus, in ligiteam, cui vasculum impostum fuisse diximus, effudit patellam, quid factò eâ opus esset, eruditos viros consulturus. Contigit verò, sex post exactis mensibus, ut supradictus ædituus, Presbyter factus, in eandem hanc patellam incideret; quam ubi animadvertit, protinus libido eum incessit, curiosum, videndi, quei se res, cum aquâ in pateram hanc aliquando infusâ, haberet: ecce autem, aquam hanc in conglobatum exsiccumque sanguinem miraculosè transmutatum comperit. Quo visò, exhorruit ipse; & attonitus, pateram summâ cum curâ & veneratione reſeravit. Et hæc quidem ea ipsa patera est, quæ etiamnum hodiè argento obducta ostenditur. Cujus quidem miraculi fama protinus per totam provinciam adeò percubuit, ut hominum innumeri ex omnibus circumcircuitâ civitatibus, oppidis, aliisque locis utriusque sexus, ordinisque, tam Ecclesiastici, quam sæcularis, viri, hoc visuri miraculum, confluerint: frequentaturque locus idem etiamnum, maximè à morbo correptis; nec raro, ut ferunt, nisi perpetrato miraculo inde disceditur. Hæc Chronici scriptor.

In Outburgensi hujus territorii tractu quondam arx fuit nominata *Haelkeſtein*, cujus etiam nunc extant fossarum reliquiæ; fundusque, qui Hollandiæ Comitatus feudum est. Arx vero hæc fluminis, quod Veronâ per Bergense territorium juxta Pettemum pagum in mare se exoneravit, Sicheæque nomine vocitatum fuit, ripas occupavit: Territorium vero cum undique grata amœnitate beatum sit, præſci Bergarum Toparchæ prætorium hicce, & domum venatoriam extruxerant, quæ postmodum bellis civilibus subsecutis vastata est, & nunc temporis pro magnâ sui parte arenarum tumulis tegitur; at hodiernus loci Dominus in ea exornanda, & rursus restauranda occupatus, pristinum ei splendorem restituere conatur.

Cæterum Bergis, quemadmodum aliis nonnullis in Kennemariâ pagis, à Comitibus Hollandiæ varia privilegia & immunitates concessæ sunt; idque ob fidelem operam Comitibus Hollandiæ ab earum incolis sæpius, nominatim in bellis contra Westfrisios gestis, præstitam. Quam obrem fidelissimi hujus domini incolæ præ vicinis maximis favoribus honorati sunt, præſertim in conservatione aggeris marini, qui tum maximis pro temporum ratione reficiebatur sumtibus; nam in sumptibus ferendis minor Bergensibus, quam vicinis eorum Schorel pagum inhabitantibus assignata est portio: cujus privilegii immunitate, usque ad hodiernum diem fruuntur. Præterea in æternam fidelitatis, & fortitudinis memoriam, à Florentio III, Hollandiæ Comite, insignibus donati fuere, quibus etiam nunc utuntur; scilicet merulis sex candidi coloris in campo rubro, quem trabs transversa interfecat, quemadmodum in mappa conspicitur.

Præterea Bergenses teloniorum per totum Hollandiæ Comitatum immunes sunt, quod privilegium, negligentia quâdam quodammodo interruptum, iis, non ita pridem, anno scilicet 1655, à Dominiorum Præpot. DD. Ordinum Hollandiæ Præſectis restitutum est.

Z E L A N D I A C O M I T A T V S.

55

An Zelandi Mattiaci sint,



Vnt qui Zelandos contendunt fuisse Mattiacos, Cornelio Tacito celebratos his verbis, libro de moribus Germanorum: Est in eodem obsequio Mattiacorum gens, Batavis similes, nisi quod ipso terræ suæ solo ac cælo acrius animantur. Verum

si quis attentius rimari velit Taciti verba antecedentia & subsequencia, inueniet sane, Mattiacos in Germania olim consedisse, & quidem, ut addit ille, trans Rhenum. Quin & illud colligitur, Mattiacos denominatos fuisse à Mattiaco, imo Mattio, urbe Germaniæ & provinciæ Hassiæ, urbe Ptolemæo nota, & calidis fontibus celebri. Vnde Plinius libro 31, cap. 2. Sunt & Mattiaci in Germania fontes calidi trans Rhenum, quorum haustus triduo fervet, circa marginem vero pumicem faciunt aquæ. Et Martialis:

Si mutare paras longævus cana capillos,
Accipe Mattiacas (quo tibi calva?) pilas.

Arborici.

Taxandri.

Vnde nomen Zelandiæ.

Diviso & numerus insularum.

At ubi quæso in universa Zelandia mari undique cincta reperias fontes istiusmodi calidos? Sunt qui dicant eas insulas esse, quas præci Arboricas dixerunt. Vide quæ prolixè super hac re disputat Philippus Cluverius in suo de tribus Rheni alveis opere: in quo contendit Zelandos Taxandros esse, & Zelandiam Taxandriam. Quidam insulas hæc suspicantur eandem esse, quas Cæsar efficere tradit Rhenum, multis capitibus in Oceanum influentem. Cornelius Battus visa sibi commemorat monumenta quædam antiqua, in quibus proscriptum esset, Zelandiam, anno circiter primo à nato humani generis Redemptore, & aliquamdiu post, aliud nihil fuisse, quam perpussillas aliquot insulas, fossis quidem distinctas, sed cultoribus vacuas. Ioannes Reygersbergius, rerum Zelandicarum chronographus, & cum eo alii quidam recentiores, ostendit plerasque has insulas, aut saltem proximas quasque, cohasisse olim videri cum Flandria, & ab ea, inusitata quadam maris tempestate, Scaldi novam viam aperiente, anno 938 fuisse avulsas. Zelandiæ nomen à Danis fluxisse creditur, qui nomen illud illi indidisse videntur de nomine Selandiæ, primariæ Regni Danici insulæ. Aliàs vocabuli etymologia manifesta est, quæ ex vocibus Zee & land, quasi terram marinam dixeris, componitur. Multis insulis hodie distinguitur, inter Mosæ & Scaldi æstuarium atque ostia sparsis, quæ ad Septentrionem habent Hollandiam, ad Orientem Brabantiam, versus Meridiem Flandriam, cæteris Oceanum Britannicum spectantibus.

Dividitur Zelandia passim in Cis-Scaldinam, Bewesterschelt, & Trans-Scaldinam, vulgo Beoosterschelt. Ultra Scaldi ostia Bataviam & Orientem Belgica Federata.

versus, quæ propterea dicuntur Orientales, insulæ sunt, Scaldia, Duyvelandia, Tola, Oresandia, Vossemaria nova Brabantia adjacens, & S. Philippæ Insula. Cis Scaldim, & versus Occidentem sunt, Walachria, Zuytbevelandia, Noortbevelandia, Wolfersdyck, & S. Iusti ager una cum poldro Middelburgensi insulam constituens. Harum tres præcipuæ cum Oceani æstu continenter luctantur, atque immensis sumtibus adversus barbarum atque indomitum elementum se tuentur.

Aër Zelandiæ asperior, & quam vicinarum gentium minus salubris; præsertim æstate, ob paludum & stagnorum graves halitus, & quod arboribus fere nuda sit. Hinc est quod Zelandorum febres apud Hollandos vicinasque nationes in proverbium abierint. Verum tamen hodie adeo arboribus confitæ sunt Zelandiæ Insulæ, præsertim Walachria, ut silvæ amœnissimæ speciem quandam referre merito dici possit. Zuytbevelandia quoque clementi admodum cælo fruitur; & in Walachria aër benignior multo atque clementior nostra memoria est factus, sive id frequentibus pomariis & arboribus, quæ hic indies feruntur, sive remotiori alicui causæ ascribendum sit; adeo ut luscinia hodie, contra quam solebat, in Walachria canat. Soli incredibilis est ubertas, pingues ac glutinosæ glebæ, agri feracissimi cum aliarum frugum, tum tritici imprimis, quo nusquam gentium ponderosius & candidius nascitur. Profert item large caules sylvestres, quorum semen magnum usum habet; & rubiam, præsertim Scaldia & Duyvelandia, Garansam Gallis, nostratibus Meedekrappe dictam; pannis præparandis, ne color deflorescat, eumque intimius imbibat, pernecessariam: nec defunt uberrima faginando pecori pascua, non solum intra aggeres, sed etiam extra, in ipsa ora quæ fluctibus marinis non raro irrigatur. In hac autem aliquot millia ovium, magno negotiatorum lucro, oberrant non solum supra vulgarem magnitudinem, sed saporis etiam delicati atque exquisiti, soli atque graminum beneficio quod saluberrimum iis pabulum suppeditat. Hortos autem & pomaria magno hîc videas numero, fructus non solum cæteris Belgicæ provinciis majores, at etiam melioris saporis præferentia; præter insignes & in immensum fastigiatas lauros perpolitæ maturitate baccis onustas, quæ Brabantinis denegatæ sunt, præter efficaces & salubres herbas, cum medendis morbis, tum esui accommodas, præter sal candidissimum, quod indigenarum industria conficitur. Melones, ficus, amygdalos fert solum Italicis vel Hispanicis nequaquam cedentes, ipsius Caroli V Imperatoris testimonio, qui cum anno 1540 Ziriczæ appositum sibi melonem comedisset, nunquam se meliorem vel in ipsa Hispania gustasse testatus est. Magna vero apud Zelandos quandoque est

Cæli solique qualitates.

Z rerum



rerum vicissitudo, ut minimo annorum intervallo magna incrementa recipiat, rursus maximam jacturam ac detrimenta patiatur. Nulla vero apud ullas nationes annona, aut res frumentaria uberior, ita ut bina jugera Zelandica plus emolumenti cultori adferant, quam quatuor Brabantica; minus tamen tuta est fidaque ejus rei possessio; cum singulis momentis praefertim tempore hyberno, flante Coro & Circio ex maris saevitia periculum immineat. Vnde enatum Proverbium ab iis qui optime rebus suis consultum cupiunt, atque iis tuto frui, exoptant laudati Brabantici aëris clementiam ac soli stabilitatem, Zelandici vero fundi redditus & annonae proventus: quod ita efferunt, *Brabantische lucht Zeensche renten*.

Decem in universum sunt Zelandiae urbes, pagi supra centum. Porro insulis, quas jam attigimus, variis locis interjacent aut adjacent planities herbidae, quae licet careant aggeribus, tamen ut plurimum è fluctibus exsunt; quarumque ea conditio est, ut modo hinc avelantur & alio adjiciantur, & crescant decrescantque; ita ut nunquam in hisce partibus insularum cingendarum materies videatur defutura. Horum quaedam à virenti gramine ac læta pabutione, *Garsen* indigenae vocant: quae vero parcius gramine virelunt, nec uberem adhuc pabuli copiam suppeditant, *Scorren* vocant. Si autem ex his aliquot jugerum millia conglobari contingat, insulas efficere indigenae tentant, easque aggeribus munitas paulatim assidua cultura & cura in fructiferos agros ac speciosos fundos cultaque novalia redigunt.

Cæterum magnis admodum sumtibus hæ insulae contra Oceani ferociam muniuntur, quibusdam quidem in locis tumulis arenarum à provida natura contra Neptuni minas dispositis; verum ubi ii deficiunt, incredibilibus impensis aggeres constructi, immensae altitudinis & crassitiei vim irruentis maris coercerent; non tamen adeo firmiter, quin quandoque tractu temporis & tempestatum injuria ab eo superari possint; quod damnum, insulas, è mari caput solummodo ostentantes, vallis cingendo, quotidie refarciunt incolae. Hinc sumtum est Ordinum Zelandiae symbolum, Leoni insigne Zelandiae ornanti & cum undis luctanti attributum, *Luctor & Emergo*.

Zelandi ingenio sunt acri, industria singulari, & callidi vulgo judicantur: foeminarum genus nitori imprimis studet; & utrique moribus ad Brabantinos & Gallos magis, quam ad Hollandos aut Germanos accedunt. Viris precipuum navigandi studium, in quo ut plurimum excellunt; quippe in bellorum & tempestatum periculis fortes & imperterriti, & nauticae artis supra modum gnari: nec minus industrios hic agricolas invenias: denique cauti admodum sunt mercatores, sed animo ad fraudes minime propenso, at sincero & ingenuo, hinc vulgare proverbium emanavit: *Goet rond Goet Zeewys*. porro libertatis ad mortem usque sunt tenacissimi.

Scaldis, qui insulas hæc interfecat, in Veromanduis è geminis fontibus progressus, per Tornacum, perque Gandavum, reliquosque Flandriae tractus diffunditur, ac mox Antwerpiam

delatus, portum ibi insignem constituit: tum paulo longius progressus, bipartito cursu Brabantiam ac Flandriam à Zelandia discriminat: siquidem sinistra in Austrum contortus ac deflexus, Flandriae oras ac litora persequitur, alioque nomine insignitus, *de Honte*, à latratu & fremitu undarum, vocatur; quo per Zuytbevelandiam ac Walachriam in Oceanum patet aditus: dextra vero, relictis Brabantiae finibus, continuo cursu, servatoque veteri alveo, secundum Scaldiae insulae litora violento vastoque gurgite in Oceanum devolvitur, sine ulla nominis mutatione.

Zelandia olim eisdem cum Hollandia Comitibus habuit, suis tamen legibus & institutis, neque alteri cuiquam provinciae obnoxia; nisi quod interdum Flandriae Comes non minimam illius partem delibavit, praefertim sub Diederico IV, Hollandiae & Zelandiae Comite; cui Balduinus Insulanus Flandriae Comes Walachriam abstulit, ut scribit Regersbergius; vel, ut Meyerus memoriae prodidit, quinque insulas Zelandicas, Walachriam, Scaldiam, Suydbeveram, Nortbeveram, & Borsaliam; quae tamen omnes postea ab Hollandiae Comitibus recuperatae; totaque Zelandia post Iacobam una cum aliis provinciis ad Burgundos atque Austriacos pervenit. Deinceps Zelandia eandem cum provinciis fortunam subiit, & demum, excusso feliciter Hispani jugo, à suis Ordinibus regi coepit; qui olim quidem tribus membris constabant; Abbate nimirum S. Nicolai, ordinis Praemonstratensis, qui Middelburgi agebat, totius Ecclesiastici ordinis nomine; Marchione Veriae, Nobilitatis universae vice; & urbium communitate. Nunc Ecclesiastico ordine abdicato, duobus tantum membris Ordinum comitia constant, Nobilitate nimirum, & communitate urbium. Nobilitatem universam, uti olim, ita hodie, repraesentat Marchio Veriae & Flissingae, qui jam est Princeps Auriacus: communitatem autem Deputati urbium Middelburgi, Zirizeae, Goesae, Flissingae, Veriae, & Tolena. Hi, & certis temporibus, aut quum necesse est, comitia publica celebrant Middelburgi, & summum provinciae imperium moderantur. Praeter hæc publica comitia, collegium est Deputatorum, ut vocant, Ordinum, quod vii virorum liceat appellare: constat enim ex uno Nobili, quem Princeps Auriacus, Marchio Flissingae & Veriae, designat, qui illius vice sententiam dicit; & sex aliis, quos sex jam dictae urbes delegant. Delegati autem hi fere perpetui sunt, secus quam in Hollandia, nisi quod Delegatus Middelburgensis singulis trienniis muneris prorogationem teneatur postulare à Senatu civitatis. Cæterum munus illorum fere idem est, aut parum ab Hollandorum instituto diversum; nimirum in eo, quod iidem etiam maritimarum rerum curam habeant, & in collegio deputatorum Admiralitatis adsideant. His autem ab Ordinibus adjungitur Pensionarius unus, itemque Secretarius. Est & collegium rationalium totius provinciae, vii item viris ad eundem modum constans.

In Zelandia, praeter tribunalia in singulis urbibus, nullum est superius tribunal, sed à singulorum urbium judiciis ad Senatum Provinciale, & ab

De provin-
cie totius
regimine
politico,
tum olim,
tum maxi-
me hodie-
no.

Mores in-
colarum.

Scaldis fl.

Judicia &
Tribunalia.

& ab eo ad supremum Senatum (quorum uterque Hagæ Comitatus sedem habet) provocatur; eodem quo in Hollandia modo. Sunt tamen in Zelandia duæ prænobiles Quæsturæ, quæ à Scaldi nomen sortiuntur. Qui quum insulas has in duas veluti classes dividat, una quidem Quæstura Cis-Scaldinas insulas, altera Trans-Scaldinas complectitur: *Beooster* & *Bewester Scheld* vulgo vocant. Horum Quæstorum olim permagna auctoritas fuit, cum Prætorum quadam dignitate conjuncta. Sed hodie multum ipsorum muneri & dignitati decessit, præsertim Præfecto *Beooster-Scheld*: cujus jurisdictionem pene omnem Balivus *Zirizeanus* & *Toletanus* ad se traxerunt.

Leges quædam.

Leges Zelandicæ ab Hollandicis parum discrepant: neque est nostri instituti, speciatim discrimina hæc rimari. Hoc tantum dicemus, quoad Successiones ab intestato, jus Scabinicum vetus, de quo supra in Hollandia diximus, hic plene obtinere, licet nomen ipsis insuetum sit, adeo quidem, ut, quum apud Hollandos representatio collateralium post fratrum nepotes cesset, hic in infinitum procedat.

De feudis quoque pauca adjungamus ex D. Frederici à Sande I. C. Commentario. Zelandica (inquit) feuda sunt vel mala, vel bona. Hæc ejusdem conditionis sunt cum Hollandicis, de quibus supra diximus. Illa ad hanc primam feu-

dorum classem pertinent. Nam per vasalli cuiusque sine liberis masculis decedentis mortem, domino committuntur. Ea tamen in re horum Zelandicorum quam præcedentium feudorum benignior est conditio, quod in his omnes liberi masculi pariter admittantur. Zelandica mala feuda, deficientibus liberis masculis domino commissa, secundum antiqua Comitum privilegia atque indulta, filiabus, vel his non extantibus, agnatis masculis, aut, si agnati non extent, cognatis masculis, redemptionem intra semestre postulantes, pretiumque constitutum offerentibus, ex gratia speciali denuo conceduntur. Ad hanc vero redemptionem filia pariter admittuntur; sed inter agnatos vel cognatos unus præ reliquis gradus atque ætatis habet prærogativam: admittitur tamen remotior, si præcedens suo jure uti nolit. Hæc autem redemptio decimarum feudalium nomine, solis datur fratribus inter propinquos laterales, nec cuiquam remotiori agnato vel cognato jus illud competit. De pretio redemptionis in singula jugera constituto, videantur Zelandicæ Constitutiones, quas Philippus Burgundus Zelandiæ Comes sanxit. Elapsis sex mensibus, quibus redemptio non fuerit per filias vel laterales propinquos postulata, neque pretium oblatum, hæc feuda plenissimo jure Principi committuntur.



THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
BY NATHANIEL BENTLEY
VOLUME I
PUBLISHED BY J. B. BENTLEY
1822



W A L A C H R I A ,

Z E L A N D I Æ C I S - S C A L D I N Æ

I N S V L A .



Rexima Zelandiæ Insula versus Austrum & Occasum est Walachria; non equidem ob extensionem, quæ à Zuytbevelandia superatur, sed incolarum frequentiam, opes urbium & pagorum splendorem, Ordinum &

jam toti Insulæ imminens non temere timerent incolæ. Hodie tamen providâ Procerum curâ adeo contra insultus marinos munita est, ut merito Zelandicarum tutissima existimetur. ^{Urbes.} Urbes majores numerat tres, Middelburgum, Flissingam & Veriam, præter Arnemudam oppidum vallo cinctum; necnon Westcappellam & Domburgum mœnibus carentia, pagosque complures, amœnos, & frequentes.

^{Middelburgum.} Middelburgum præcipua est totius Zelandiæ, ut Walachriæ civitas, primumque inter urbes in Ordinum confessu occupat locum. Nomen ei à Metello conditore inditum nugantur aliqui; ego potius à situ id consequutum, utpote quæ medio fere Insulæ sita, jure merito Medium castrum nuncupari queat. Veriam & Flissingam inter, pari ab utraque unius leucæ intervallo, sita est, medio milliari Arnemudâ sejungitur. Portum olim habuit, prope Arnemudam in Oceanum influentem, flexuosum & strictum: nunc ab anno 1532 Magistratus urbicus alterum recto tramite mare petentem, ea cum latitudine, tum profunditate ut supra quingentorum vehium naves in ipsam urbem transmittat, effodi curavit. Sexaginta annorum spatio bis mœnia ulterius protulit, firmis mœnibus hodierno more constructis, probe communita. Plateas habet elegantes, domos pulcherrimas: cives industrii mercatores in remotissimis orbis partibus commercia exercent. Urbs ipsa stapulam habet sive forum vini, olei, syrupi, aliarumque mercium liquidarum à Gallia, Lusitania, Hispania huc importari solitarum. Cæterum dives admodum est & opulenta, & secundum ab Amstelædamo in Provinciis Fœderatis Emporium. In Cœnobio Medioburgensi vulgo Abbatia S. Nicolai dicto, Ordines Zelandiæ convenire solent.

^{Flissinga.} Flissinga secunda est Walachriæ civitas, in confessu Ordinum inter urbes sextum locum vindicans. A fluxu & refluxu Oceani, quem Dani vetere lingua *Vles* efferebant, nomen habet, unicâ leuca Medioburgo distat, opportuno admodum ad mare situ, ut non injuria clavem hanc Oceani Belgici appellare possis; quare & Carolus V Imp. inter secretiora consilia & præcepta etiam hoc filio Philippo Regi dedit, ut eam quam diligentissime tueretur. Cæterum urbs est longe munitissima, publicis, privatisque ædibus culta, præsertim curia pulcherrimi operis ornata. Floret inter primas navigationibus, navium & navalium sociorum copia. Initio fuit sub imperio Comitum Zelandiæ, sed tenuere postea Borsali, tandem jure & titulo emtionis, consentientibus Ordinibus delata est cum Veriæ Marchionatu ad Guilielmum

Nomen.

Walkeren.

Termini.

Extensio.

Qualitas.

Senatus Archithalassici sedem, earum præcipua. Levinus Lemnius Walachriæ nomen inditum existimat à Gallis qui hanc oram frequentabant, quique Belgica voce *Walen* vocantur; aut ab ea Britanniae parte, in qua versus Occidentem consistunt Walli, à Gallis etiam oriundi. Forte à lacubus & stagnis quibus abundabat, quæque antiquo Belgarum idiomate *Walen* dicuntur, nomen consequuta est; vel potius ab arcendis fluctibus, *Walkeren*. Quidquid sit, illud compertum habeo, nomen Walachriæ jam anno 836 innotuisse: nam à fide dignis historiarum scriptoribus memoria proditum est, Normannos tum temporis tributum exactantes (verba sunt ipsius historiographi) in Walachram Insulam venisse, ibique Eggihardum ejus loci Comitem occidisse &c. ex quo conspicua quoque est jam tunc Walachriæ dignitas, utpote quæ Comitatus fuerit, suosque ante Hollandos Comites habuerit. Insula hæc ab Ortu Brabantiae obversa est (intermedia tamen Zuytbevelandia) à Meridie Flandriæ, à qua Hontæ ostio separatur; ab Aquilone Scaldiam respicit, ab Occasu undis Oceani Germanici alluitur.

Ambitus Walachriæ 10 circiter milliarium esse, communiter asseveratur; completitur in univsum jugera Zelandica 43243, virgas 128½. Solum pingui gleba felix, & tritici inprimis optimi & candidissimi fertile, secus ac olim, ubique arboribus confitum; formâ præterea est pene rotunda aut ovali, eamque cingunt partim colles arenacei cuniculis scatentes, partim aggeres immenso labore & incredibili sumtu constructi: hi Walachriam conjunctim contra Oceani injurias defendunt, quas tamen sæpius experta est, præsertim anno 1526, cum furentibus undis prope Westcappellam oppidum tumulos, à provida Natura muniendæ Insulæ dispositos, mare abstulisset: quod damnum ingentibus sumtibus aggere extructo indigenæ resarcire conati sunt. Rursus anno 1530 viam quæ Middelburgo Arnemudam ducit, diversis locis perforatam incredibilibus impensis restauraverunt, ne tota insula aquis marinis obrueretur. Anno quoque 1559 tanta violentia mare aggeres premebat, ut diluvium jam

Belgica Fœderata.

B b

mum

WALACHRIA,
ZELANDIÆ CISSCALDINÆ
INSVLA OCCIDENTALIS.

NOORT ZEE

OOSTER GAT

Quenrens

't LANDT DIEP

Bree Sant

Myzandt

Den Onrust

ROOM - POT

Schotsman

't VEER GAT

Batery en Redout

am t Looch

VEERE

HET FAEL

POLDER VAN

WISSEN

KERCKE

van Kampen

't Ambacht

van Soetelinx

kercke

Sticken

Piedt.

van Piedt en

Welfers - Dyck

Ogfer

Rafien

De Geer met laagh water
verdrift met dij.

Den Ham

Dyckshoecke

Vycheter

Robert
De Nolle

VLISSINGEN

't VLACKE

$\frac{1}{2}$ Milliare Germanicum.

mum Auransiorum Principem, à cuius pronepote Guilielmo Henrico hodie possidetur.

Veria.

Veria tertia Walachriæ civitas, pari propemodum distantia Medioburgo abest, nomen à freto obtinens, quod ab ea littoris ora in ulteriorem Campæ ripam ac sinum, olim Noortbevelandæ annexum, nunc aquis mersum, trajicere solebant, unde & Campo-Veriæ nomen est. Tempore Maximiliani Austriaci ad Marchionatus dignitatem evecta est. Ob situs opportunitatem autem & tantam navibus stationem mercimoniis valde floruit; Scotorum quoque frequentia celebris, Scotiarum mercium gaudet stapulâ. Ambitus vero urbis non admodum amplius est, sed publicis privatisque ædificiis satis ornata. Emit Marchionatum hunc unâ cum Vlissingensi Guilielmus Auriacus anno 1581. nunc vero sub imperio est supra laudati Principis Guilielmi Henrici.

Arnemuda.

Arnemuda olim erat oppidum murorum expers, sed quod portum habebat totâ Europâ celebratissimum, & maxime frequentatum, nunc ob pulvinos quos vocant & arenas maris, reciproco fluctuum meatu duratas, veterem illum splendorem fere totum amisit, & importuosa jam prorsus, vixque vectoriis navibus adeunda, in miserabilem plane conditionem redacta est, ac tantum non deserta. Usque ad annum 1572 municipium fuit Reipub. Middelburgensis, & iisdem cum ea gavisa est privilegiis, sed obsesso à Principe Auriaco Middelburgo, maluit se victori subicere, quam extremam belli calamitatem experiri. Middelburgo dein capto, Princeps ex pacto cum Middelburgensibus inito, Arnemudam omni ipsorum imperio liberavit, & sui in posterum juris esse voluit. Anno 1574 vallis undique, propugnaculis, fossis & portis communita, civitatis privilegia & immunitates consecuta est.

Westcapella.

Westcapella ad Oceani littus situm municipium, jus & privilegia civitatis in hunc usque diem conservans; olim frequens, mercimoniis & commercio florens; sed cum ob Oceani furores & inclementiam, qui vetus oppidum tandem absorpsit, cives quandoque sedes mutarent, & paulatim Flissingam confugerent, Westcapella tandem omni incolarum frequentia orbata est. nunc vix municipium mediocre, nomen & privilegia civitatis tantum conservat: cives aggeres confirmando, vel agriculturam exercendo victum quærant. Cæterum hic loci Oceanum quam maxime reformidat hujus insulæ populus, ideoque quam gravissimis aggeribus vim ejus hic coercere magnis sumptibus conantur, ne tota insula marinis fluctibus tegatur. Oppidum hoc paret illustrissimo Aurasionensium Principi; Curiam habet non contemnendi operis, templum sat amplum & altâ turri ornatum, in quo conservatur lapis antiquus hic olim repertus, & hac inscriptione ornatus:

HERCVLI MACVSANO
VIPRIMINIS. TETIVS
V. S. L. M.

Domburgum ad colles arenarios, non longe à *Domburgum* maris littore, duabus vero & media itineris hora ^{gum.} Middelburgo dissita, antiquissimum totius Walachriæ reputatur oppidum, utpote quod ante quingentos & plures annos civitatis privilegiis ornatum sit, cujus cives præsertim piscatu quæstum & victum quærebant. Porro in loco amœnissimo & undique arboribus, pomariis, hortis cincto situm est, adeo ut cives Middelburgenses ut olim, ita nunc quoque maximam ætatis partem hic in delitiis transigere veniant. Cæterum nunc oppidulum est mediocre, vicum potius quam civitatem referens, cives agriculturæ operam dant, & Principem Auriacum Dominum agnoscunt. Non longe ab hoc oppido est Westhovia, locus amœnissimus, quondam Abbatum Middelburgensium prætorium, nunc Boreliorum est.

Inter Flissingam & Arnemudam in promontorio Vulturno obversanti, vulgo *Rammekens*, Carolus V arcem Zeburgum construxit, quæ hodieque extat, probe munita, & altissimo muro lateritio, & vallo terreo septa. ^{Rammekens arx.}

Feuda, quæ à diversis possidentur dominis, sunt sequentia: *Flissinga* igitur & *Veria* Marchionatus: *Domburgum* & *Westcapella* oppida. *Sandikum* & *Polder* pagi possidentur à Principe Araufionensi. *Brigdamme*, *S. Laurens*, *Schelach*, *Ritthem*, *Nieuwerkerke*, *Cleverskerke*, *Ooster-Souburg*, *Abeele*, *Westersouburg*, Civitatis Middelburgensis sunt. ^{Feuda.}

Flissinga, *Koudekerke* & *Zoutelande* pagos possidet. *Serooskerke* pagus in patrimonio est Tuyliorum gentis. *Grypskerke* ad *Renessios* & *Grypskerkios* pertinet. *Bekerke*, *Meliskerke*, *Mariekerke*, *Frisiorum* sunt pagi. *S. Agathæ fanum*, *Hæredum* Domina Porrenariæ est. *Buyenskerke* ad Senatorem *Tenyns* spectat: *Gapinge* ad *Wesiorum* familiam. *Hoochgelande*, *Bottinge*, *Crommenbouke*.

Poppenkerke & *S. Ians kerke*, Dominam agnoscunt Canoyam.

Nobilium arces sunt in Walachria, *Arx Souburgum*, quam Middelburgensis Civitas emtionis ^{Nobilium arces.} jure à Domina Fani S. Aldegundis consequuta est. *Popkensburgum*, Dominus Tourmenoyis possidet. *Sandenbourg*, ruinatam arcem habet Princeps Auriacus. *Westhovia* prope *Domburgum*, paret Boreliis.

E regione Arnemudæ Zelandi Insulam S. *Ioos-* ^{S. Ioos-lant.} *lant* dictam aggeribus cinxerunt anno 1631, eique ^{Insula.} adjunxerunt *Poldrum* Middelburgensem anno 1645, adeo ut hodie quamvis exigua, tamen inter Insulas Zelandicas numerari mereatur.

Z E L A N D I Æ

C I S - S C A L D I N Æ

P A R S O R I E N T A L I O R.

Z V Y T B E V E L A N D I A.

Nomen.



Ecunda Zelandiæ Cis-Scaldinæ Insula est Zuytbevelandia: nomen nonnulli à tremendo, quod vulgari vocabulo *Beven* dicitur, consequutam existimant, eo quod antequam aggeribus contra aquarum violentiam cingeretur, ad incessum hominis aut equi tremeret: alii Beyerlandiam proprie dici contendunt, idque à Comitibus è Bavarica Domo oriundis, qui privilegiis singularibus hanc insulam incolentes ornarunt, & singulari affectu semper prosequuti sunt. Idque ex insulæ insignibus, quæ insignia Bavarie referunt, evinci existimant. Caterum incerta promunt: dicitur Zuytbevelandia, sive Bevelandia Australis, ad differentiam Bevelandiæ Septentrionalis, à solo austro opposito.

Termini.

Cingitur undique Scaldis fluvii æstuariis, Walachriam ad Occidentem; ad Orientem Brabantiam respiciens: Flandriam ad Meridiem, versus Septentriones vero Wolfersdijck & Tolensem insulas itidem Zelandicas habens vicinas.

Magnitudo.

Olim ambitus ejus viginti horarum itinere vix confici poterat, nunc, mediâ fere parte ab aquis haustâ & perditâ, continet jugera Zelandica 27178, virgasque præterea Geometricas 253.

Qualitas.

Insula cælo gaudet admodum salubri ac clementi, solo ultra fidem tritici optimi & candidissimi fertili, pomariis & sylvis quibusdam in locis amœnissimis confita. Præter complures pagos tres olim in ea spectabantur civitates, *Borsala*, quæ jam anno 1532 cum adjacentibus arvis maris inundatione periit: *Rommerfwalia* non ita pridem aquis tecta, & *Goesa*, quæ sola hodie extat.

Goesa.

Goesa in ea insulæ parte sita est, quæ Septentrionem respicit, ad ostium unum Scaldis, quod *Schenge* dicitur, exiguo quidem murorum ambitu, at splendide atque affabre extructa, atque divitiis pollens, quum unica nunc sit in hac insula, & luculentis fruatur privilegiis; tertium vero in Ordinum Zelandiæ confessu locum occupat; nomen ab agro fertili, qui antiqua Danorum & Belgarum lingua *Goes* dicitur, consequutam affirmant nonnulli. Caterum contra hostiles insulæ probe munita est, undique amœnissimis pomariis, hortisque cineta.

Rommerfwal.

Rommerfwale quondam hujus civitas Insulæ non ignobilis, olim suis parebat dominis, sed jam ante trecentos annos Zelandiæ fuit annexa: ast anno 1530 à reliquo insulæ corpore fuit ab aquis Belgicæ Federatæ.

divulsa, ita ut post nullis excolta agris, nullis exornata pomariis Oceano undique allueretur, & unica salis negotiatione subsisteret. Adeo ut cives anno 1547, Zelandiæ Principi declarare coacti fuerint, nihil sibi ex antiquis divitiis superesse, nisi decem duodecimve salis officinas, quarum optima vix ducentorum Caroleorum valorem æquaret: anno postmodum 1634 à civibus suis relicta, interitum passa est; cum, auctoritate Præpotentium Zelandiæ Ordinum prævia, omne quod ex hac florentissima quondam urbe supererat, precio librarum Flandricarum nonaginta & solidorum trium divenderetur.

In eadem hac insula insignis Dynastia Borsalensis quoque conspicitur, partim undis tecta, partim aggeribus cineta, & ex aquiseducta: quondam celeberrima, & Dominis suis ex illustri Borsalorum gente oriundis superba; inter quos præcipue monumentis Historicorum celebrari solet Franco Borsalus Ostervantiæ Comes, Zuytbevelandiæ Dominus, quartus Jacobæ Bavaræ, Hollandiæ & Zelandiæ Comitissæ, maritus: Dynastiam hanc Senatus Populusque Goesensis à Carolo Lalanio Hoochstratæ Comite, ultimo Borsalæ Domino, titulo emtionis acquisivit anno 1615.

Dynastia Borsalensis.

Præterea insula hæc triginta & uno pulcherrimis habitatur pagis, quorum aliqui templis turribusque præaltis ornati sunt, nonnulli arces habent aquis undique cinctas, Toparcharum domicilia; plerique nundinis annuis celeberrimis frequentati. Inter eos plurimi à diversis dominis, ut feuda, possidentur, sunt autem hi:

Pagi.

Borsala Baronatus est Civitatis Goesensis.

Feuda & Toparchia.

Ellewoutsdijck, *Everinge*, *Drywege*, *Coudorpe* & *Sereynskinderen*: pagi ad Watervlietios spectant, *Serarenskerke*, *Heynkenfant*, *Ovesant*, sub quibus etiam comprehenduntur Poldri exteriores & S. Iusti insula Walachriæ propinqua: diversis parent ambactorum Dominis.

Nisse ad Nissiorum, *Wiskerke*, ad Wiskerkiorum familias cognomines pertinent.

Baersdorp & *Synoutskerke*.

Hoedenskerke & *Ostende*, Alberti Ioachimii, dum viveret, Ordinum Provinciarum Fœderatarum ad Serenissimum M. Britannici Regem Legati, heredes possident.

's Gravenpolder Bommiis & Watervlietis conjunctim pariet.

Cloetinge Dominium est Comitissæ Brederodii.

Capelle & *Blesinge*, ubi quondam nobilium virginum fuit Coenobium, nec non *Eversdijck* Tuyliorum à Serooskerke est, quemadmodum & *Cattendijcke* pagus.

Wemeldinge, quondam Iohannitarum Equitum Domo

C c



Domo Commendataria celebre, nunc Baerlandiorum est in patrimonio.

Schorrevlaecke à Tuyliis & Baerlandis tenetur.

Cruninge Baronis de Licques est.

Waerde & Valkenisse Gentem de la Torre dominam agnoscunt;

Trijeke vero familiam vander Gracht & Catfiam.

Crabbendijcke, Baerland, Oudekerke, Serabskerke.

Nobilissimae arces.

In Cruyningen pago arx est ejusdem nominis, aedificata anno 1361, possidetur ab illustrissimo Barone de Licques.

In eodem pago altera arx nominata *Voorhout*, Ryhoviorum familiae est.

In Capellâ pago arces sunt, *Maelftede*. Petri van Tuyl à Serooskerken, *Bruwelis* Philiberti Catfii. & *Gistellis* Henrici Tuylii à Serooskerke.

Ellewoutsdijck pagus ad Hontam situs, arcem habet adjunctam quæ Watervlietiis paret.

Prope Sherarentskerke pagum arcis Schengiae ruinæ spectantur, spectat vero ejus dominium ad Schagæ Dominum. In pago Sereynskerke Arx est *Nerf* dicta, cujus possessio est penes Schuylios & Wervios.

Pagi submersi.

Magnam & mediam fere Zuytbevelandiae partem, anno 1532 ab aquarum violentia avulsam, periisse jam supra monuimus; pagos autem, qui jam sub aquis tecti latent, nomina recensere operæ pretium duxi. Fuere autem; *Tolseynde*, *Nieu-lande*, *Kouwerve*, *Bat*, *Agger*, *Inkenoort*, *Lodijcke*, *Du-venee*, *Kreecke*, *Steenvliet*, *Everfwaert*, *Schoudee*, *Vinc-kenis*, *Broucke*, *Maire*, *Rillant*, *Swaenshill*, *S. Ioo-lant*, *Gurwaerdinge*.

NOORTBEVELANDIA.

Bevelandia Septentrionalis tertia Zelandiae cis-Scaldinae post Walachriam & Zuytbevelandiam Insula, Scaldiam, Walachriam & Wolfersdyck Insulas interjacet. Quondam tanta amœnitate conspicua, ut jure meritoque Zelandiae diceretur fumen & deliciae, donec horribili illa inundatione anni 1532 tota perierit; Verum cum paulatim accrescere inciperet, nonnullis animum eam aquis liberandi, aggeribusque contra earum violentiam muniendi praeuit: anno itaque 1598, pars ejus nominata Noortbevelandia vetus, ab aquarum vindicata vi, aggeribus

munita, & insulae formam adepta est, cui anno 1616 rursus juncta est non contemnenda pars, quam Noortbevelandiam Novam dixere; anno vero 1642 Friderici Poldrus ei rursus adjunctus est, adeo ut tum contineret tota insula terrae jugera 6603, virgasque praeterea Geometricas 127. Accessit porro insulae Poldrus Wissenkerkenensis, adeo ut hodie majorem adhuc ambitum complectatur. In hac insula ante inundationem urbs fuit sat celebris *Cortgeene*, Veriæ fere opposita, quam anno 1413 muris cinctam volunt à Philippo Borsalo; ut ut est, Borsalæ Gentis non ignobile fuit dominium; periit cum permultis pagis aquarum inundatione anni 1532.

Cæterum hodie in hac insula duo visuntur pagi, *Colijnsplate*, Principis Arausionensis, & Catfium, vulgo *Cats*, qui diversis paret Dominis. hisce tertius paulatim accessit Wissenkerke; verum ii qui aquis tecti sunt olim, hisce nominibus innotuerunt, *Emelisse*, *Welle*, *Coninxhem*, *Vliete*, *Campe*, *Geersdijck*, *Wissenkerke* & *Saetelinxkerke*.

WOLFERSDYCK.

Quarta & postrema harum Insularum cis-Scaldim est Wolfersdijck, quasi dicas Wolfardi Insulam, omnium minima, & quæ vix tria milliaria ambitu, jam anno 1550, complectebatur. Bevelandiam Australem & Septentrionalem interjacet. Solet autem, qua Walachriam & Arnemudam spectat, agrum possidere longe majorem, sed illum jamdudum fluctus absorbuere, cum oppidulo *Piedt* (cujus turris diu ex aquis eminebat, & demum anno 1512 concidit) & duobus pagis *Termuyen* & *Zabbingen*. Iidem & reliquæ insulae exitium hodieque minantur, quippe quæ utrimque à Scaldis æstuario, quod *Schenge* vocant; & altero canali, qui *Zuytvliet* dicitur, quotidie abedatur: unde vulgari proverbio dicitur: Hæc duo æstuaria inter se certare, & jamdudum minari se Wolfardi insulam devoratura: Zelandi antiquo satis versiculo sic effe-runt:

*Zuytvliet ende Schengen
Loopen beyde om strengen,
Hebben haer vermeeten
Willen Wolfaertsdijck noch op eten.*

Z E L A N D I A

TRANS-SCALDINA,

vulgò

BEOOSTER-SCHELD.



Trans-Scaldina Zelandia, five *Beooster-Scheld*, sic dicta est, quod ultra Scaldis fluvii æstuarium orientale (quod eam à Zelandia Cis-Scaldina separat) Hollandiam versus sita sit, constatque insulis Scaldia, Tola, Duvelandia, Vosselmaria nova, Somelsdico, & S. Philippi insula.

S C A L D I A.

Nomen.

Terminis.

Qualitas.

Scaldia, vulgo *Schouwen*, nomen à Scaldi fluvio mutuata est, aquis undique cineta, ad Occidentem maris Oceani fluctibus alluitur, ad Austrum à Zelandiæ Cis-Scaldina insulis à Scaldis æstuario dividitur, ad Orientem Duvelandiam, à qua canali tantum separatur, habet fere contiguam; ad Septentrionem Hollandiam respicit. Contra Oceani fluctus tumuli arenarii præalti eam defendunt, ubi defuncti ii, aggeres immensi aquarum violentiam reprimunt. Tumuli arenarii prædicti cuniculis scatent, & in Comitatus Zelandici peculio sunt. Insula hæc omnium Zelandicarum maxime fluctuum violentiæ opposita, quæque majori cura & impensis quotidie muniri debet, variis temporibus plurima detrimenta passa est; ideoque quam optime ea in re leges & statuta hic observari solent. Et quoniam Civium Zirizææ quam maxime interest, ut aggeres conserventur, iis à Comitibus magna in rebus ad munitionem insulæ spectantibus accessit autoritas. Cæterum quamvis 50 & plurium abhinc annorum tempore nulla, nisi quædam extra aggeres posita, Scaldiæ pars interierit, maximo tamen cum periculo conservatur: Nihil tamen hoc discrimen officit agrorum precio. Complectitur vero in universum hæc insula jugera Zelandica 21753, virgasque præterea Geometricas 56. Zirizæam & Brouwershaviam civitates; nec non complures populosos pagos, rusticorum villas, nobiliumque arces & palatia, post tot clades ab aqua illatas, continet.

Zirizæa.

Zirizæa Scaldiæ Civitas primaria, & in Confessu Ordinum Zelandiæ secundum inter urbes locum occupans, antiquissima urbium totius Zelandiæ Comitatus audit, utpote quæ anno 840 in formam civitatis ædificari cœpta sit. Fuit olim commerciis nobilissima ob pulcherrimum & val-

Belgica Fœderata.

de à mercatoribus frequentatum portum, quem cum obstruxisset postea, & arenis opplevisset Oceanus, magnum civitati intulit damnum; quamvis hodie satis floreat. Civibus enim ex re frumentaria, nivei candoris sale, ex rubia tinctorum, falsamentorum ac piscium copia, armentorum pecudumque immensa vi, quæstus uberrimus est. Urbs ipsa nitida & perpolita, muro saxeo cineta est; Templum habet pulcherrimum, cui simile in Zelandia non inveneris, etsi multum de veteri illo splendore amiserit, cum de cælo tactum flagravat. Magistratus porro urbicus non solum in urbe, sed & in tota Scaldia jurisdictionem obtinet; Bailivus civitatis idem quoque omnium pagorum Bailivus censetur, & in singulis pagis vicarios suos constituit; rei tamen coram tribunali opidano citantur, & ibidem iudicium subeunt. Idem magistratus & in Duyvelandia jurisdictionem habet in tribus causis, homicidio, pacis ruptura, & fœminarum raptu: in pagis quoque Tolæ insulæ, S. Annenland & Stavenisse in omnibus causis: in Sommeldyck pago in causis criminalibus. Præterea hic residet Quæstor Zelandiæ Trans-Scaldiæ.

Brouwershavia oppidum in eadem insula situm, Zirizæa duabus tantum leucis abjunctum est; ante ultimos belli motus mœnibus & muro caruit, quamvis privilegiis urbicis ornata. Post bello incrementum vallis circumdata est. Cives hancum piscatu rem faciunt; tellus circumvicina fertilissima frugum, & pecoris uberrima. Olim hæc urbs suis paruit dominis, Veriæ Vlissingæque Marchionibus, nunc vero sui juris, mediocriter floret.

Inter pagos eminet *Haemstede* baronatus celeberrimus, arce pulcherrima ornatus, in amœno, & fertilissimo territorio situs, arboribusque undique cinctus, civium Zirizæorum delicia. Hanc longo temporis tractu possederunt Haemstedii, gens antiquissima pariter ac nobilissima, è Viro Haemstedio Florentii V, Hollandiæ Zelandiæque Comitatus filio notho oriunda; periit autem jam ab anno 1604, cum postremus Haemstediolum Arnoldus ex hac vita migraret.

Renisse pagus vicinam habet arcem Moermond, ab Imanno Zuytlandio loci toparcho restauratam.

Burg pagus est Haemstedio vicinus, portum habens nominatum *Burgsuys*.

Westenschouwen municipium quondam commercio & portu floruit, hodie vix domus aliquæ ex antiqua opulentia supersunt.

D d

Noort-



ZELANDIÆ
PARS TRANSSCALDINA
Vulgo
BEOOSTER-SCHELD.

Nobiliss. Prudentiss.
D. IODOCO DE HUYBERT,
Syndico Civitatis Ziricæ,
AD CHRISTIANISS. GALLIARVM REGEM
NOMINE ORDD. BELG. FODERATE
LEGATO EXTRAORDINARIO
Tabulam hanc D.D. I. BLAEV.

3 Milliaris Germanici.
1500 Bloeyse roeden.

Noortwelle; Zuytwelle; Serooskerke; Koudekerke; Brydorpe; Clas Kinderkerke; cum vico dicto den Osse; Capelle, Elkerzee cum vico Scharendijcke, Ellemet, cum vico Oudendijck; Duyvendijcke; Kerckwerpe vicinam habens arciculam Werpe dictam. Rengerskerke, Neukerke. Dreyfchor poldri sui caput, à quo arx Windenburg non longe abest, inter Comitatus Dominia existens, fossa circumdata, & ab Anna Burgundica olim ædificata; ceterum pagus hic portum habet, cui vicus adjacet de Beldert dictus. Noortgouwe.

In hac insula quoque est Bommenea oppidum, sed cum Hollandici juris sit, de eo scribere superfedebimus.

T O L A.

Tola secunda Zelandiæ Trans-Scaldinæ Insula est, Brabantia contermina & exiguo freto ab illa divisa, ambitus illius longe minor quam Scaldia, sed par soli ubertas & amoenitas. Ambitus autem illius crevit Martiniano aggere illi paulatim annexo. Oppida habet duo, Tolam & S. Martensdijck, pagos plures amplios ac amœnos.

Tola Oppidum.

Tola nomen consecuta est à vernacula ditio- ne Tol, quæ vectigal significat, olim siquidem eo loci telonium, & pendebantur Principi vectigalia, unde & oppidum, tota insula denomina- ta est: vetustum admodum, quartum in Ordinum Zelandiæ conventu locum habet; nuperis bellis egregie adversus hostiles impetus munitum.

S. Maertensdijck.

Alterum oppidum Agger S. Martini, vulgo S. Maertensdijck, dicitur, amœnum admodum cum arce sua duabus fossis cincta, ad Principem Arau- sionensem spectat, cum annexo Scerpenissæ do- minio.

Pagi, feuda & dominia.

Præterea in hac insula pagi sunt non ignobi- les: Schakerloo. Poortvliet, Dominium Comitatus Zelandici, Scherpenisse Toparchia Principis Au- riaci; Westkerke Dominium familiae Lyens. Vos- maria; S. Anneland; & Hannevossdijck Doubbletiæ Gentis dynastia. Stavenisse ante inundationem an- ni 1509 Insula, quatuor pagis habitata, & unica arce ter Doest dicta ornata, postmodum aggeri- bus cincta & una cum poldro dicto Kempens hof- stede Tolensi Insulae adjuncta est, ad Tuylios vero, Hannemannios & Turrios conjunctim spectat.

D V Y V E L A N D I A.

Tertia ultra Scaldim Insula, & Scaldia pro- xima, à columbarum, quas Belgæ Duyven vocant, copiâ sic dicta est. Circuitus ejus millia passuum quatuor complectitur. In ea urbs nulla, pagi & vici aliquot. Potior hujus insulae pars, ea nempe, quæ vulgo dicitur de Vier Ban- nen, id est, quatuor fora, sive Conventus luridici, quæque totidem pagos Ouderkerkiam, Neoker- kiam, Vianam, & Capellam complectitur, em- tionis jure ante annos aliquot oppido Zirizææ cessit; cujus magistratus, interjecto inter Scal- diam & Duyvelandiam aggere, eas conjunxit, adeò ut exiguo tantum canali ab invicem divi- dantur.

Pagi in Duyvelandia sunt præter Nieuwerkerk, ^{Pagi & ar-} Ouwerkerk, Capelle, Vianen, supradictos, ^{ces.} Oosterlant & S. Iansland dominia Senatoris de Ion- ghe. Beoosten Duyvelant sive Bruynisse. Arces sunt Swanenburgh fere ruinata in Capella pago, & Oo- stersteyn in Oosterlandia pago.

R E L I Q V Æ I N S V L Æ
V L T R A S C A L D I M.

Vossemaria nova quamvis Brabantia con- tinenti ad Orientem annexa, inter Insulas Zelandiæ Trans-Scaldinæ tamen nume- rari solet, aspicit ad austrum Tolam insulam, & complectitur jugera Zelandica 2475, virgasque præterea 35. Solum autem admodum fertile est.

VOSSEMA-
RIA.

Somelsdicum miræ amœnitatis pagus, & sa- trapia, sita in Insula Hollandica Over Flackee dicta, Zelandici tamen juris est, æque ac Bommenea in Scaldia ad Hollandiam pertinet. Jugera conti- net Zelandica 3100, virgasque 109. Dominum agnoscit Cornelium Aertsen Equitem, Spicæ Do- minum.

SOMELS-
DICVM.

S. Philippi Insula Duyvelandiam, Tolam & Vosmariam novam interjacet, aggeribus muni- ta est à Philippo Burgundia notho, verum varias inundationes passa, tandem anno 1645 novis ag- geribus cincta, frumenti, hordei, avenæ admo- dum fertilis, ex undis caput extollit, unicum ha- bet, sed amplum, pagum cognominem.

S. PHILIP-
PI INSV-
LA.

VLTRAIECTINVM DOMINIUM.



Termini.

Aëris &
soli bonitas.

Forma Re-
giminis.

Leges &
iura qua-
dam.

Tfi Hollandiæ, Gelriæ-
que arctissime adhæ-
reat Vltrajectina Pro-
vincia, peculiari tamen
ac distincto gaudet
Territorio, quod à Se-
ptentrione, Occasu &
Meridie, pene omni ex
parte Comitatus Hol-
landiæ finibus termina-

tur, ab Ortu vero Ducatu Gelriæ. A soli boni-
tate & fertilitate laudabile est, quod uti editum
magis est & minus depressum ac paludosum, ita
multo quam Hollandicum ad ferendam segetem
aptius. Aër illi salubris, propter eandem cau-
sam, qui multos ex vicinis maritimisque locis eo
invitat, & domicilium figere suadet. Præter me-
tropolim Vltrajectum, quatuor habet oppida
concinna satis & memoratu digna, Amersfor-
tiam scilicet, Batavodurum, Rhenam, Montfor-
tium. Ordines hujus Provinciæ tribus constant
membris; Primum constituunt quinque Eccle-
siæ collegiatae, quarum prima est S. Martini,
(vulgo *den Dom* vocant:) cujus Decanus reliquos
Ordines ad comitia solet vocare, agenda propo-
nere, vota colligere, & concludere. Cætera col-
legia Canoniorum sive Ecclesiæ sunt S. Salva-
toris, (vulgo *Oude Munster*), B. Mariæ, S. Petri, &
S. Ioannis. Secundum membrum Ordinum Nobi-
les & Equestris ordinis viri; non quidem omnes
qui olim hoc jure usi, sed qui in patriæ libertate
vindictam operam navarunt, hodieque illam
sartam tectam volunt. Tertium membrum quin-
que supradictarum civitatum hujus provinciæ
Delegati. Atque hi Ordines licet nuperis bellis in
Præfectum Provinciæ multum authoritatis con-
tulissent, summam tamen semper sibi potestatem
servarunt, atque, ad cæterarum provinciarum
modum, in comitiis publicis statis temporibus,
libere de omnibus, quæ communem utilitatem
& salutem Reipublicæ tangunt, deliberant at-
que decernunt. Idem, uti & in aliis provinciis,
suos habent delegatos, qui quotidie conveniunt,
numero duodecim; quatuor nimirum ex electis,
quatuor ex Equestri ordine, duo Consules urbis
Trajectinæ, & duo è reliquis oppidis: quibus
adsunt Advocatus provinciæ & Secretarius.

Olim quidem in hac provincia nepotes ab
hæreditate avi & aviæ secludebantur, si patru-
i aut materteræ illorum superstites essent: item-
que ab hæreditate patruorum & materterarum,
quamdiu illorum fratres vel sorores supererant:
verum Carolus V, Imper. prius jus; sancita re-
præsentatione in linea recta, mutavit: posterius
autem demum ab Ordinibus hujus provinciæ
mutatum fuit, anno 1594, in hunc modum: Fra-
trum & sororum liberi in bona allodialia defun-
ctorum patruorum & materterarum, una cum
Belgica Federata.

patruis & materteris, qui supersunt, ad postre-
mum usque, inclusive, posthac ab intestato suc-
cedent in stirpes, & loco parentum una manu
cipient hæreditatem; postremo vero patruorum
& materterarum decedente, succedent nepotes
in capita, nulla ratione habita utrum unus frater
aut soror plures an pauciores liberos reliquerit.

Trajecti ad Rhenum in Itinerario suo mentio-
nem facit Antoninus. Belgæ *Vtrecht* vocant. Id
Iunius ex eo factum putat, quod ibi Quintæ
tricesimæ Legionis stativa essent. Itaque cum
barbarum & imperitum vulgus videret scriptum

V. TRIG. LEG. STAT. fecit ex eo *Vtric*,
quod postea abiit in *Vtrecht*, plane ut in Sueviæ
oppido accidit, quod vocant *Ganstat*. Nam cum
inscriptio oppidi in marmore incisa haberet LEG.
ANT. STAT. hoc est *Legionis Antonianæ Stativa*,
vulgus indoctum extritis prioribus duabus literis
legit GANSTAT. Quod igitur apud Ammianum
Marcellinum exstat *Vtrecesima*, id (si genuina
est lectio) inde natum videtur, quod ex V.
TRIG. vulgares homines fecerint *Vtricesima*.
Illud simplicius, *Tricht* vel *trecht* trajectum signi-
ficare, ut *Mastricht*, *Dordrecht*, ac inde nomen
esse urbi vernaculum. Initio Vltrajectum Anto-
ninam dictam quidam volunt, ab Antonio Se-
natore Romano, qui relicta propter Neronis
tyrannidem Roma, & in oras istas delatus, ur-
bem inibi istam condiderit, quam aliis tamen
conditam placet à Marco Antonio, Cæsaris Gal-
los tunc debellantis Legato. Alii nomen sumsis-
se volunt à Marco Antonino Pio Imperatore, qui
collapsam videlicet instauravit. Sed apud do-
ctiores hoc fidem non meretur. Antonius enim
C. Cæsaris collega nunquam hucusque penetra-
vit, neque quisquam eorum, quos ipse novit. Et
si tam antiquum illud nomen est, cur nulla ejus
exstat apud Tacitum aliosque mentio, qui Co-
loniæ, Bonnæ, Novesium, Grinnium, Tolbiaci,
Arenaci, Batavoduri meminere; cur nulla apud
Antoninum & alios? Quumque in solo Germa-
nico sit iste Trajectus, non video, quomodo
potuerit habere nomen Romanum tam anti-
quum. Antunacum, quod nunc est *Andernach* ad
Rhenum, memorant veteres; Antoniam istam
neque summi, neque medii ævi scriptor quis-
quam novit. Trajectum cur dictum fuerit, ex
situ apparet, quia multus illic ad Rhenum com-
meantium trajectus fuit, & dependendis porto-
riis telonium. Positum est ad veterem Rheni
alveum, qui priusquam in Leccam prorupisset,
hac fluebat, & Lugdunum prætervectus in
Oceanum se exonerabat. Urbem perlabunrur
duo alvei, eamque per longitudinem secant; ni-
mirum ille quem vulgo *de Vaert* vocant, & alter à
Clero & Nobilitate effossus, qui *de Nieuwe gracht*
dictus nuncupatur, splendidis ædibus utrimque
decoratus, ambo autem quinque & triginta la-
tericiis

Metropolis
Vltra-
jectum.

Nomen un-
de.

Sim.

E e



tericiis & fornicatis pontibus strati sunt. Illud notatu dignum, eo loco sitam urbem, unde unius diei itinere pedibus adiri possint urbes quinquaginta. Ex eadem quoque mane quis egressus, lentoque gradu inambulans urbes viginti sex adire poterit, inibi epulari, & vespere rursus domi ad coenam adesse. Pulcherrimam, munitissimamque habuit arcem à Carolo Quinto exstructam, quæ vernacula voce *Vredenburg*, quasi pacificam arcem dixeris, vocata fuit. Sed hæc funditus jam eversa, ut nonnisi locus appareat. Urbs tamen hodie mediocriter munita est quatuor ingentibus lateritiis propugnaculis, quinque terreis, & lateritio muro undique cincta, cum amplo vallo terreo, & lata atque profunda fossa. Frequens est hujus urbis memoria apud Marcellinum presbyterum, qui narrat anno 691 Radbodum Regem Frisiæ Trajecti habitasse, atque inde à Pipino, Majore Domus Franciæ, pulsum, in Fostelandiam Insulam concessisse, ibique S. Wigbertum jugulasse. Castrum Trajectense Frisiis tunc vocatum fuisse Wittenburg: juxta illud castrum exstructam fuisse à Rege Dagoberto Ecclesiam in honorem Thomæ Apostoli, quam cum Frisones destruxissent, superædificatum fuisse à Willebrordo prope ruinam illius Ecclesiæ, Oratorium in honorem sanctæ Crucis an. 695, ut Christiani sub præsidio Trajectensis Castellani haberent aditum ad petendam gratiam Baptismi. Swibertum dein cum Marcellino ejus historiæ scriptore, & Werenfrido profectum duobus milliariis à Trajecto Orientem versus, venisse in grandem vicum *Duerstadt*, inde per Frisiam & Hollandiam & Teisterbandiam abiisse, & in Orientali parte principatus Hollandiæ, in qua erat villa distans à Trajecto Austrum versus per unum milliare, dicta *Hagensteyn*, prædicasse. Inde missos in Angliam Willebrordum & Swibertum constitutos fuisse à Wilfrido Episcopos: illum quidem Ultrajecti, hunc vero prioris Coepiscopum, ac præterea præfulem Teisterbandiæ, Westphaliæ & Bructuariorum. Sed & Willebrordum constat præterea à Pipino Romanum missum, & à Sergio Papa ordinatum esse, uti legere est apud Bedam lib. 5 de gestis Anglorum cap. 12, qui eo ipso tempore vixit. Sigeberti in Chronico verba hæc sunt: *Willebrordus à Sergio Papa Clemens agnominatus, & ad prædicandum genti Frisonum Episcopus ordinatus, ex dono Pipini Principis sedem Episcopalem statuit in loco Wultaburgh, qui nunc Ultrajectum dicitur, à nomine gentis Vultarum, & Trajecto compositum, quasi Vultarum oppidum. Nam Trajectum lingua Gallica oppidum significat. Errat quidem Sigebertus in eo, quod, Bedam haud dubie secutus, putet, trajectum vocem esse Gallicam, & significare oppidum, quum vox sit mere Latina; sed in eo non errat, quod à trajectu Vultarum putat dictum Ultrajectum aut Vultrajectum. Vnde enim alioqui fluxerit adjectio vocis, quæ etiam in Germanica appellatione Vtricht auditur? In Frisio solo eam sitam fuisse testantur multa. Primum Beda & Marcellinus: postea Otto Frisingensis, qui Trajectum inferius non semel vocat Frisiæ urbem, denique pagus ad elicem Rheni, qui hodieque *Wriswijck* quasi Frisiorum vicus appellatur. Postea tamen*

abiit in propriam & sui juris Diocesin. Urbs ampla est, ædibus elegans, quam hypogæa quoque & ædificia subterranea pulcherrimo opere exornant. Tempia permulta habet, primaria *Templa.* vero quinque, B. Martini, Salvatoris, Petri, Iohannis & Mariæ. Primum illud cathedrale est: cætera collegiata. Postremum vero Virgini Deiparæ sacrum exstructum est ab Imperatore Frederico Barbarossa, Papæ jussu, ad satisfactionem culpæ à se commissæ in vastatione Mediolani & sacrorum omnium Mediolanensium. Ferunt, cum hujus templi fundamenta jacerentur, inventam fuisse voraginem quandam, sive gurgitem vorticosum, cui cum nihil posset superstrui, nullis injectis cæmentis, nullis molibus, ac ne carbonibus quidem, (quibus tamen Dianæ Ephesiæ templum in palude firmatum legitur) & in fundum subsideret, quicquid injiceretur, tandem solidatus est fundus ingestis taurinis bubulisque pellibus; in cujus rei memoriam exstant ejusdem templi columnæ insculpti hi versus:

*Accipe posteritas, quod post tua secula narres,
Taurinis cutibus fundo solidata columna est.*

Templum D. Martini splendidissimum, sumtuosissimumque, episcopali sede conspicuum est. Dirui illud olim jussit, & in augustam hanc formam restitui Trajectensium præsul Adelboldus, quod prius angustius crederetur, nec pro Cathedralæ dignitate magnificum satis. Restitutum vero fuit anno vigesimo tertio supra millesimum, consecrantibus illud Præsulibus duodecim, præsentente Serenissimo Imperatore Henrico secundo. Sunt præterea Ultrajecti Cœnobium duo amplissima, alterum Equitum Melitenensium, alterum Teutonicorum, suo utrumque templo & superbis admodum ædificiis nobile. Illius præfectus vocatur *Bailivus S. Catharinæ*, hujus *Commendatarius domus Teutonicæ*. Est item egregium & opulentum valde cœnobium Divi Pauli, ordinis olim Benedictini, quod maxime ab incolis accolisque frequentabatur. At inter hæc duo alia potissimum eminent, in nobilium virginum hospitia, *domicellas* vocant, exstructa, alterum ordinis Divi Bernardi, alterum Præmonstratenensis.

Cives Ultrajectini humani, industrii, locupletēs. Nec defuere hic unquam viri insignes & eruditione clari. Natus in ea urbe fuit Adrianus VI Pontifex Maximus, infimi ordinis parentibus. Is Lovanii linguarum, artium, atque etiam Theologiæ studiis tantum profecit, ut in eadem Academia ad summos honores emerferit, præfectusque fuerit Carolo V Imperatoris institutioni, à quo primum Legatus in Hispaniam, postea Episcopus Dertusensis factus est, inde Cardinalis, ac postremum Papa, quo munere quum 20 menses functus esset, obiit. Mortuo hoc positum est Epitaphium: *Hadrianus VI hic situs est, qui nihil sibi infelicius in vita duxit, quam quod imperaret.* Exstat hodie Ultrajecti domus Hadriani, quam Pontifex exstruendam curavit. Sed quod familiam ducit, nobilitatur clarissima civitas per antiquo & potenti imprimis Episcopatu.

Diximus de Ultrajecto, de reliquis pauca dicamus. *Batavodurum*, vulgo *Wyck te Duerstede*, oportune admodum situm est ad dexterum Rheni cornu, ubi Leccæ appellatio incipit. Ejus mentionem

tionem facit Tacitus lib. 5 Historiarum, ubi Germanorum, qui postea Franci dicti sunt, manum scribit annixam fuisse, pontem irrumperere, qui Batavoduri recens fuerat inchoatus. Postea etiam nomen habuit *Durostati*. Oppidum fuit potens satis & opibus florens, ob egregiam situs commoditatem. Dirutum legitur à Normannis, qui cuncta ferro & flammis vastabant. Post quam cladem erexit se iterum, licet contractius & minori amplitudine. Culenburgo unius, Vltraje-cto trium leucarum itinere abest. *Rhenen* oppidulum est quarto à Trajecto milliari ad Rhenum. Tacitus loco jam citato vocat *Grinnes*, narratque oppugnatum fuisse à Classico, praefecto alae Trevirorum, defensumque fortiter ab incolis cum multorum caede, quod in eo, ut & Vadæ, (quod nunc *Wageningen* dicimus) cohortium essent, alarumque castra. Rhena Trajectum petentibus vasti occurrunt campi, & agri, unde cespites eruuntur. Templum habet Salvatori sacrum, cuius primum lapidem jecere Thomas Gramajus, & Ioannes Calvus.

Rhena, olim Grinnes.

Amersfortia.

Amersfortia sita est ad torrentem Emam, Vltraje-cto tribus leucis distita. Oppidum à situs amoenitate, & civium frequentia laudabile. Aliquoties captum, & mox rursus amissum, pessime autem semper mulctatum fuit à Geldris, ac postremo quidem anno Christi 1543 vi & manu armata invasit Martinus Rossemius, Gelriae Ducis Archistrategus. Sed restituit brevi is ipse Princeps, ex foedere cum Carolo V Imperatore Venlonæ inito. Anno 1629, dum celebri obsidione Sylvam Ducis cinxisset Princeps Auriacus, exercitus Hispanorum auctus Caesareanis cohortibus, trajecto Isala, vastataque Velavia, deditio- ne subita urbem cepit; verum paucis post diebus, occupata à Belgis laudabili strategemate Vesalia, cum minus se tutum in hostili agro videret, pracluso jam & obsepto commeatus itinere, turpi fuga, violatisque quas pepigerant cives conditionibus, eandem deseruit, & juris Belgici fecit. Ema fluvius (vulgo *de Eem*) in Velavia ortus, medium oppidum intermeat, & uno ab illo milliari in sinum freti australis sese exonerat. Oppidum initio parvum fuit, ut ex antiquo vallo & fossa liquet: postea extensis pomæriis amplificatum, & post supradictam cladem, ab D. D. Ordinibus muniri coeptum, variaque opera exterius adjecta. Ad Orrum & Meridiem agros habet frumenti fertilissimos, ad Occasum silvas, ad Septentrionem pascua, & interjecto milliari uno, mare.

Montfortium.

Montfortium flumini Isalæ adjacet, & Woerda, Veteraquinio, Iselsteinioque pari unius leucæ intervallo abjungitur. Natus hic Lambertus Hortensius, vir eruditus & scriptis clarus.

Res gestæ.

Fuit olim ditio Vltraje-ctina amplissima ac potentissima. Sed placuit tandem Carolo Calvo, Gallorum regi, in Episcopatum eam & Comitatum dividere. Ex qua divisione gravissima statim dissidia & diuturna inter Episcopos Trajectenses, & Comites Hollandiæ bella exorta sunt. Illis quidem Imperatorum favore & gratia veterem omnem ditionem recipere: his vero Galliæ regum praesidio portionem recenter partam retinere tentantibus. Cum Batavis, Frisiis, Sicambriis Belgica Federata.

acria gessit bella, fortiterque iis omnibus restitit. Verum avorum nostrorum memoria Carolus Dux Gelrorum, bellicosus imprimis & acer militiæ Princeps, tam gravibus eam & continuis bellis impetit, ut ad incitas fere Episcopos illos redegerit, & praesertim quidem eorum postremum Henricum Bavarum, Comitis Palatini germanum fratrem, quem non minima ditionis parte mulctavit. Cives in Episcopos suos queruli, ignominiose illos non semel exceperere: maxime vero jam dictum Bavarum, quem, cum quatuor ipsis jam annos praefuisset, & peregre quodam die reverteretur, male in Dominum suum animati, urbis ingressu prohibuerunt. Mox & intromisere Martinum Rossemium magna militum manu. Quo rerum suarum discrimine Episcopus, Caroli V Imperatoris opem implorans, totum illi temporale imperium transcripsit, ea lege ut se adversus Gelrum & male feriatos cives, in Ecclesiastica dignitate assereret. Interea vero Geldrorum Princeps accepto transactionis istius nuntio, bellum redintegrare, & Vltraje-ctinos eo in Praesulem suum furore accendere, ut quod in ipsis quidem tunc fuit, Episcopali dignitate virum privaverint. Quare acerrima post bella inter Geldrum ac Vltraje-ctinos, ac Caesarem Episcopi partes foventem, eo tandem res devenit, ut conjurati aliquot cives, & in Bavarum propiores, Caesareanos in urbem admiserint, idque Calendis Iuliis anni 1528, subsecuto post triduum Praesule. Qui ab Ordinibus provinciae pro Domino agnitus, ac in integrum restitutus, persuasit omnibus, ut ratus esset, habereturque in aeternum contractus iste inter ipsum & Caesarem initus, quo potestas omnis civilis, Dominiumque Provinciae posthac juris esset Austriaci, & Brabantiae Duci ac Hollandiae Comiti pareret, reservata sibi successoribusque suis Ecclesiastica potestate, & censu, cum magnifico illo palatio, quod & condidit olim & Episcopali sedi donavit Carolus Martellus. Quare inita non multo post cum Geldrorum Duce pace, Comes Hoogstratanus Hollandiae Gubernator jussu Gubernatricis Margaretæ, Caroli Quinti Imperatoris nomine, Vltraje-ctum se contulit, ac fidei juramento Vltraje-ctenses novo Domino obstrinxit. Factum & idem ab eodem Rhena, Amersfortia, Batavoduri ac Montfortii. Publica cessionis & transcripti instrumenta suffragio suo comprobavit Clemens Septimus Pontifex. Et cum S. Imperii feudum esset Trajectina Diocesis, facile & ejus suffragationem impetravit Caesar. Atque hoc demum pacto Vltraje-ctina provincia, quæ supra nongentos annos Episcopis suis paruerat, in alterius Principis potestatem transiit.

S E R I E S E P I S C O P O R V M T R A I E C T E N S I V M.

Willebrordus, Anglo-Saxo, patre Willigiso natus, anno ætatis trigesimo cum duodecim sociis, Swiberto, Acca, Wigberto, Willibaldo, Winibaldo, Lebui-
no, duobus Ewaldis, Werenfrido, Marcellino
F f Pres-

Presbyteris, & Adelberto Levita, deserta Anglia venit in Frisiam ad Rheni ostia, ubi adversus Radbodum Pipinus de Herstallo Francorum Dux bellum gerebat: Ibi illi ob Saxonica Frisicæque linguæ adfinitatem Euangelium non exiguò cum fructu Gentiles docuerunt. Ex his Willebrordus anno 694 à Pipino Romam missus est ad Sergium Papam, qui eum Episcopum fecit Frisiorum, indito nomine Clementis. Reversus docuit Frisios, Saxones, Danos. Postea Carolus Martellus pulso Radbodo sedem ei dedit Traiecti: Ab hoc ædificatum est templum S. Martini, quod postea destructum est. Sedit annos 40. Sepultus est anno 736 Epternaci, ubi Abbas fuerat. Vitam ejus descripsit Marcellinus Presbyter. Flandri Bierfletani, Hulstani, Axelani, Hafnensesque ab eo quoque docti sunt, atque idcirco ad sedem Traiectensem pertinuerunt.

2 *Bonifacius* Anglo-Saxo, Archiepiscopus Moguntinus, Traiectensem quoque Ecclesiam rexisse dicitur totos annos 15, & condidisse templum S. Salvatoris. Occisus est in pago Doccumensi: sepultus fuit primum Traiecti; inde translatus est Moguntiam, ac tandem Fuldam.

3 *Gregorius* sedit annos 32, excessit anno 784: situs est ad Salvatoris.

4 *Adelbricus Anglicus* Swiberti consanguineus, sedit annos 10, obiit anno 794.

5 *Theodardus Frisius* sedit annos 6: situs in æde Salvatoris anno 800.

6 *Hermacarus Anglus* sedit annos 27: sepultus ad Salvat. an. 827.

7 *Ritfridus Frisius* sedit an. 9.

8 *Fridericus*, hic in Zelandiæ Insula Walachria Christum prædicavit, & Iudithæ Ludovici Imperatoris conjugis suavis à sicariis interfectus est in crypta templi, anno 838: quod incestuosas ejus nuptias non probasset, nec divortium ab Irmgarde.

9 *Adelbricus II* Friderici frater, sedit an. 7.

10 *Ludgerus*, sedit annos 11: defunctus anno 856.

11 *Hungerus*, qui à Normannis incensa urbe pulsus, ad Lotharium profectus est in monasterium Prumiense: obiit anno 866. Sub hoc dicitur medium Rheni ostium arenis obstipatum: Iero Nortvici casus.

12 *Odibaldus*. Hic interfuit Synodo Colonienfi coactæ à Carolo Crasso, anno 887.

13 *Egilbertus* sedit menses 10: defunctus an. 901.

14 *Radbodus*. Hic Danis Frisiam & Ecclesiam Traiectensem infestantibus Daventriæ diu moratus est, sedit annos 15: obiit Otmaris, sepultus est Daventriæ.

15 *Baldricus*, filius Comitis Cliviæ, Danos sua diocesi expulit, & templum à Willebrordo exstructum, quod hostes vastarant, restauravit: sedit annos 59: obiit anno 977.

16 *Volmarus* sedit annos 13: sepultus in æde S. Salvatoris.

17 *Balduinus*, Comitis Clivensis Arnoldi nepos, sedit annos 4: defunctus an. 994.

18 *Anfridus*, Comes Brabantinus ex stirpe Caroli Magni, post obitum uxoris ordines Ecclesiasticos sequutus, exstruxit monasterium B. Ma-

riæ, & S. Benedicti prope Amersfordiam: defunctus est anno 1008.

19 *Adrobaldus* vel *Adelbodus*, Frisius, qui templum Martini ruinosum destruxit, novumque condidit. Interfuere ejus dedicationi Henricus II Imperator, & Episcopi XII: sedit annos 19: obiit anno 1027: infeliciter cum Theodorico Hollandiæ Comitè congressus est; captus enim est, & post triennalem carcerem tandem dimissus.

20 *Bernulphus* ab Imperatore Conrado II promotus, Daventriæ templum S. Lebuini exstruxit, & Traiecti ædes B. Petri & B. Ioannis: defunctus est anno 1054.

21 *Guilielmus Geldrus*, Witikindi filius. Hic Henrico IV Imp. carus fuit, ab eoque obtinuit, ut Hollandia Diocesi Traiectensi in Ecclesiasticis subjecta esset: Profectus est cum Sigefrido Moguntiensi Præsule Ierosolymam, & ope Godefridi Gibbosi vicit Robertum Frisium prope Leidam: obiit anno 1075.

22 *Conradus Suevus* promotus ab Henrico IV Imperatore, Helmondæ victus à Theodorico Comite Hollandiæ, coactus est reddere quæ in Hollandia ceperat. Interfectus est à quodam latomo Frisio anno 1099.

23 *Burchardus* sedit an. 13: obiit anno 1112.

24 *Godebaldus* præsuit annos 15: defunctus est anno 1128.

25 *Andreas*, filius Comitis Kuickenfis, præsuit annos 10: obiit anno 1138. Decem Canonicos Staverenses ob flagitia dignitate privavit, aliosque substituit.

26 *Eribertus de Beren*, qui Theodoricum Hollandiæ Comitem obsidentem Traiectum placavit: sedit annos 12. Hunc vocat Otto Frinsingensis Hartliebum lib. 1. de gestis Friderici Barbarossæ cap. LXII.

27 *Hermannus* Comes de Hoorn, confirmatur à Conrado Roman. Rege, sedit annos 6, obiit anno 1156.

28 *Godefridus Rhenanus* condidit adversus Geldros castrum Horstense; contra Hollandos Monfortense, & Woerdense; contra Frisios Vollenhovense: sedit annos 22, obiit anno 1178.

29 *Balduinus II* filius Comitis Hollandiæ, def. anno 1196.

30 *Arnoldus*, Comes Isenburgus: sedit annos 3, sepultus Romæ.

31 *Theodoricus de Hollandia* ab Innocentio III promotus: obiit Ticini.

32 *Theodoricus de Arck* sedit annos 15: obiit anno 1210.

33 *Otto*, filius Ottonis II Comitis Geldriæ, sedit annos 3.

34 *Otto II*, Comes Lippenfis, sedit annos 13, misere ab hostibus obtruncatus periit in obsidione Covordienfi anno 1227. Fratrem habuit Gerardum Archiepiscopum Bremensem.


35 *Willebrandus*, Comes Oldenb. ex Episcopo Paderbornensi, sedit annos 6: obiit anno 1233. exstruxit Monasterium S. Servatii.

36 *Otto III*, filius Guilielmi Comitis Holl. sedit annos 16. Hic fertur baptizasse Hermannii Comitis Hennenbergici liberos CCC LXV ex Machtilde Florentii IV Comitis Hollandiæ filia natos.

- 37 *Goswinus de Aemstel*, electus, abdicavit.
- 38 *Henricus de Vianen* cum D. de Aemstel congressus, ex spoliis ejus condidit arcem Vrelandiam. Hic coepit exstruere summum templum, sed reliquit opus pendens: obiit anno 1267, fedit annos 17.
- 39 *Ioannes Nassavius*, gratus suis, invisus Pontifici, fedit annos 20.
- 40 *Ioannes de Zyrick*, contra Nassavium datus à Bonifacio VIII, translatus Tullum dioceseos Trevirensis, postquam Trajectensi Ecclesiae novem annos praefuisset.
- 41 *Guilielmus Mechliniensis*, occubuit caesus ab Hollandis anno 1301.
- 42 *Guido Hannoniensis*, fedit annos 16, defunctus anno 1317.
- 43 *Fridericus de Zyrick*, fedit annos 5: obiit anno 1322. Sub hoc exstructa est turris templi B. Martini.
- 44 *Iacobus de Outshoren*, obiit anno 1323: contra Iacobum Sudensem.
- 45 *Ioannes de Bronckhorst*, contra Ioannem de Dieft, quem Avenioni ordinarat Ioannes XXII Papa.
- 46 *Ioannes Diestenfis* instituit collegium Amersfordiae.
- 47 *Nicolaus Caputius*, nobilis Romanus, à Benedicto XII constitutus, sponte cessit, factus Cardinalis.
- 48 *Ioannes de Arkel* constitutus à Clemente V: fedit annos 22, translatus est Leodicum ab Urbano V: obiit anno 1378.
- 49 *Ioannes de Vernenburg* ex Episcopo Monasterienfi promotus ab Urbano V: obiit anno 1371.
- 50 *Arnoldus de Hoorn* promotus ab Urbano V: fedit annos 7, inde translatus Leodium, bis solvit Papae annatas.
- 51 *Florentius de Wevelinckhofen* ex Monasterienfi per Urbanum V factus Episcopus Trajectinus, fedit annos 15.
- 52 *Fridericus*, Baro de Blanckenheym, Argentinensem Episcopatum commutavit cum Trajectensi, fedit annos 30: obiit anno 1423.
- 53 *Rudolpho Diepholdio* contra Walramum Meursanum dissidente, datus est à Pontifice Martino V Rabanus ab Helmstadt Episcopus Spirensis; at is Suederum Culenburgicum commendavit, qui pulsus, Dordrecht fedit annos 5. Rudolphus tamen postea Philippi Burgundi opera à Papa confirmatur. Suederus in Concilio Basileensi, ad quod provocarat, moritur. Rudolphus fedit annos 23: obiit anno 1456.
- 56 *Gisbertus à Brederode*, contra quem Philippus Burgundiae Dux Davidem filium suum promovit: qui fedit annos 40: obiit Batavoduri anno 1496.
- 57 *Fridericus* Marchio Badensis, fedit annos 20: cessitque Philippo de Burgundia, obiit Lyrae Brabantiae oppido.
- 58 *Philippus de Burgundia*, fedit annos 6, mense 11: obiit anno 1524. magnus fuit Erasmi Roterodami Mæcenas.
- 59 *Henricus Bavarus*, Henrici filius, factus quoque Episcopus Frisingensis: fedit annos 5. Hic ditionem suam Carolo V cessit. Ita redacta est Dioecesis in formam Provinciae.
- 60 *Guilielmus de Enckefort*, Cardinalis & Pontifex Dertusanus, promotus ab Adriano VI Papa, fedit annos 7.
- 61 *Gregorius* filius Comitum Egmondani, promotus à Carolo V, fedit annos 25: obiit anno 1559.
- 62 *Fridericus Tautenburgicus*, fedit annos 20, obiit anno 1580: fuit Consilii Spirensis Praeses: sepultus est ad S. Martini.

F R I S I A
O C C I D E N T A L I S.

*Frisiæ ter-
mini.*



Alexis Frisia incipit, quæ mores nomenque priscum retinet. Flevus quondam fluvius non magnus, etiam inter ostia Rheni à veteribus numeratus, ingens nunc maris sinus, agris eluvione absorptis, influens in lacum illum vel sinum potius magnum, quem Australe mare, de Zuyderzee vulgo nuncupant. Hoc sinu primo hodiernæ Frisiae pars, quam *Occiduam* proprio nomine vocare cœperunt, ab Occidente tota alluitur, Hollandicam oram longo intervallo respiciens. Incepit quondam ab Austro à Vidri fluminis ostio: quanquam tempus fuit, cum ultra Vidrum Geelmuda, Campena, Swolla Frisiae accenserentur. Iam cis Vidrum Hasseltum, Vollenhoa, Stenovicum, Cunera etiam per Episcopos Ultrajectinos Frisiorum reipublicæ ademptæ sunt. Sic post Cuneram demum Frisia hodierna initium meridionale capit. Inde secundum littus in Septentrionem modice primum flexa, ubi Stellingwerficus ager, mox velut in Hollandiam excursura, recta in Occidentem longo se spatio porrigit, occursumque Hollandicæ oræ similiter prominentis, æstuarium Flevis ab Austro sinu quasi secludit.

*Figura &
magnitudo.*

Regio hæc univerſa quadratæ pene figuræ, ad 8 milliaria magna in longum patens, pari fere latitudine civitates munitas habet 8, oppida pulcherrima ſine muris 3, Abbatias 9, Cœnobია in univerſum 46, præfecturas juridicales 28, vicos celebriores 331. Diviſa uſitate in tres partes, quæ jam fœderibus ſe jungere, communemque Rempublicam tueri; jam ſeorſum ſibi conſulere ſolent. Sunt autem illæ vulgo dictæ *Weftergoa*, *Oſtergoa*, & *Sylveſtria*, ſive Septemſilvæ, vernacule de *Sevenwolden*.

Prima Westergoa est, à Stavera, Frisiorum quondam metropoli illustri, initium ducens, & majorem longitudinis universæ partem complexa, mari aut æstuariis magna ex parte circumfusa, & multo opulentissima, hominibusque & ædificiis frequentissima. In hac *Franequera* est, civitatum Frisiæ amœnissima, & munditie rara, domibus virorum nobilium peramplis & insignibus ornata, rivo navigabili irrigua, vallo terreo ac fossa probe munita, civium elegantia ac institutis florens, domicilium Musarum hoc tempore. *Sneca* humili loco & aquoso, piscium proventu inprimis felix; *Bolsverdia* vetustate pollens, mediterranea oppida, & jam olim contra hostiles incursus communita: item *Harlinga* in littore, recens mœnibus circumdata cum arce paulo ante firmissima, & peregregio portu, mercatu celebris, velut emporium totius regionis,

in annos singulos fortunam adhuc adaugens :
tum *Slota* & *Stavera*, quondam Frisiorum regia, *Slota.*
superbo cultu, nunc oppidi vix nomen tuens, *Stavera.*
aut speciem retinens. *Hindelopa* & *Worcumum* in *Hindelopa.*
littore Occidentali. *Ista* *Sneca* vicina, agro *Worcumum.*
humili & irriguo, ut ipsa quoque *Sneca*, sita, *Ista.*
quæ mœnibus carent. Præfecturæ autem recen- *Præfectura.*
sentur hæ: *Wonserana*, *Franeckerana*, *Barrana*,
Meinaldana, *Bærdana*, *Hermardana*, *Wymbrit-*
zana, *Geestana*, quæ postrema inter *Slotam* &
Staveram porrecta, utroque comprehenso op-
pido, tota ea longitudine fluctibus pulsatur, &
Biltana, & in his vici ad 127, Cœnobîa monachis,
aut sacris virginibus dicata, 24.

Altera *Ostergoa* à Westergoa fine in Lavica *Ostergoa*.
flumen, & Gerriconis cœnobium, agri Groningani limitem, porrecta; opibus & viris nobilis, præsertim qua Boream & Occidentem spectat: aut littori vicina est, nam ubi Groningani contigua est, & meridiem versus procurrens, *Sylvestribus* propinquat, reliquæ parti haud par est. Ad cujus initium *Leovardia* est, civitatum Frisicæ *Leovardia*. Occidentalis maxima & splendidissima, ædificiis sacris, profanis, publicis, privatis, nobilium præsertim atriis magnificis illustribus, rivis profundis per medios vicos præcipuos decurrentibus (ut pleraque Frisicæ oppida) permeabilis, vicis tersa, & sine omni immunditie ac sorde: opulenta, nitida, populosa, cultu & moribus hominum præcellens, munitionibus validis per ambitum cincta, sedes hoc tempore summi Senatus Frisici per ea loca, ad quem ab omnibus reliquis tribunalibus inter Flevum & Lavicam provocatio est: sita prope in umbilico regionis totius, loco uberrimo, & ad quem ex cunctis oris, omnibusque agri partibus navigari lenunculis possit: deinde *Doccumum* portu commodo, quem alveus *Doccumum*. non contemnendi fluminis in Lavicæ æstuarium se effundentis, quod *Doccumum* rivum vocant, efficit, insigne oppidum, ad 4 passuum millia intus ab ortivo latere, ubi flumen exit, pauloque minus à Borea recedens, aggere terreo cum propugnaculis & fossa in circuitu munita. Præfecturas præterea habet 12; *Leovardianam*, *Præfectura*. *Tyetzercanam*, *Idaerderanam*, *Ferverdianam*, *Rawerdianam*, *Dongranam* duplicem, *Dantumnam*, *Octopagicam*, *Columanam*, *Vpsteranam*, *Smallinganam*: vicos 127, Cœnobia 21, arces nobilium vetustas quamplurimas.

Tertia pars Sylvestres, quos *Sevenwolden* nuncupant, continet, cum agris vicinis Stellingwerfico, & Scoterlandico, qui contermini sunt *Sylvestres. Sevenwolden.* Ultrajectinae diocesi, multumque pro libertate contra Episcopos certamen habuerunt. Hæc pars palustris aut sabulosa soli, sylvas quoque habet modicas, quæ nomen ei dederunt, & lacus nonnullos piscibus copiosos, potissimum ubi *Westergoæ* conjungitur. Oppidis omnino caret, & in

Partes Fri-
siæ occi-
dent.
Wester goa.

Franekera.

Sneca.

Bolšverdia.

Harlinga.

Hindelopa.
Worcum.
Ilsta.
Praefecturae.

Leopardia.

Досси-
тит.

Præfatu-
ræ.

Sylvestres.
Sevenwol-
den.

Præfectu-
ra.

in universum felicitate cæteris multum cedit. Præfecturis continetur 9, sed quæ Westergoæ præfecturas octo haudquaquam æquent: Donyeverstalæa, Lemmerana, Anieverdiana, Sco-terlandica, Vttingarana, Hascherana, Stellingwerfica duæ, Orientalis & Occidentalis, Geesta-na. Vici in iis numerantur 77, Cœnobium vero unum.

Regionis
quæritas.

Tota regio plana & aperta est, sylvis infrequens, & in universum fere humilis: limosa qua littoribus proxima; arenosa aut palustris introrsum vergens. Fere ubique est pari cum aqua superficie, itaque gravi impendio & labore excitationis permagnis è terra aggeribus, velut vallo quodam se cingere ac munire contra influxum maris cogitur. Cæterum tam pingui argilla ager obductus est, ut nihil eo vel ad pascua, vel ad fementem possit haberi uberius, ac fumen quoddam terra dici queat. Et qua pascuus quidem est, non ubere tantum copia gramen, trifolio multo mixtum producit, sed virtute etiam præ regionibus aliis ad faginanda pecora, avenæ vel hordei instar præcipua ac singulari; hinc fælix & copiosus armentorum proventus, & obesa luxuriantium boum corpora; hinc soboles illa generosorum equorum, per totam Europam expetita, hinc lactis incredibilis abundantia, butyri & casei inde confecti immensa vis. Qua parte aratur ager & feritur, tanto cum fœnore reddit quod accepit, ut mediocribus annis impleat plerumque spem avari agricolæ, felicitibus etiam sæpe superet. Nitore vero & pulchritudo regionis exteris omnibus admirationi est, tot enim oppidis, castellis, foris, vicis, pulcherrimis templis & villis ager totus obsitus est, ut multis in locis è longinquo spectans, unam aliquam magnam civitatem te cernere arbitrere. Westergoa universa, & ea, quam dixi, Oostergoæ pars multo maxima fruge, armento, gregibus, piscibus, avibus, quibus culina instrui laute potest, supra quam credi queat, felix est: sed illa humilior, lacubus aut stagnis abundans, & pluribus fluentis irrigua, atque ita piscatu & aucupio melior. Oostergoa vero editior, & pascuis optimis, satisque nobilior. Vtramque tamen rivi percurrunt multi navigabiles. Sed excellit Doccumanus lati & profundi alvei Doccumo Leovardiam ducens, ac illic in duo se brachia scindens; è quibus alterum Franekeram perluens, Harlingam tendit, ibique in mare rursum effunditur: alterum in meridiem se præcipitans, & lacubus aut stagnis se miscens, Snecam, Ilstam, Slotam, Staveram, Worcumum per ambages contingit, & connectit, pluribusque locis in mare effluit. In hunc & alii quoque rivi se insinuant, qui Sylvestrium agrum pererrant, quorum maximus Cunerus est, quamquam is proprio ore ad Cuneram vicum cognominem in sinum australem etiam effertur. Atque hinc maxima sane commoda incolis ultro citroque commeantibus proveniunt. Ferarum noxiarum, leonum, urforum, luporum, aprorum nullum hic est genus: cervi, damæ, capreæ in nemoribus sunt quidem, sed exiguo numero; nec valde desiderant incolæ, propterea quod boum & equorum armentis magis delectantur; lepore universus ager abundat. Piscium omnis generis

Belgica Fœderata.

ubique copia, quos vel ex mari vicino magna vi capiunt, vel ex fluminibus vel ex stagnis. Nec volucres varii generis marinæ, ripaticæ, campestræ, domesticæ absunt.

Cæterum alius longe, quam jam est, hujus regionis habitus, aliaque forma quondam fuit. Nam longius extra id, quod nunc exstat, littus agri procurrerunt versus insulas, quæ octonis alibi, alibi senis aut quaternis pass. millibus à continente hoc tempore recedunt (hæ sunt Scellin-ga, Amalandia, Schiermonicoga) quondam etiam cum iisdem cohæsisse feruntur, quanquam humiles, & rivi stagnisque crebris divisi. Et quæ nunc continentibus agris ubique inter se junctæ sunt Oostergoa & Westergoa, ex profundo, latoque maris influxu, totis lateribus dirimebantur: ad cujus influxus oram, eo loco ubi Berlecomum est, oppidum fuit, mercatorum frequentia ob insignem portum percelebre: *Vrgongum* dixere, quod nomen in parte vici ejus, ut ampli, ita elegantis, etiam nunc reliquum, vestigiaque oppidi nondum penitus oblitterata. Adhæc quidquid fere palustrium aquarum in Oostergoa ac Sylvestribus erat, aut è vicinis lacubus in orientem se effundebat, id collectum per Lavicam in mare efferebatur, amnemque illum, qui jam pene exaruit, vixque rivi nomen, antequam in vadum exeat, tuetur, profundum & magnis classibus navigabilem faciebat.

Alia olim
Frise hujus
facies.

Lingua usi sunt omnes Frisii una & eadem, quæ ut Germanicam originem satis arguit, sic tamen à vicinorum sermone discrepat, pene ut sui cujusdam generis videri possit. Nec enim intelligi potest ab exteris ullis: nec olim Frisii in patria educatus, exteris etiam vicinos commode intelligebat. In universum tamen cum Anglico sermone tantum cognationis & similitudinis habet, ut ad nullum omnino aliarum gentium, ne finitimarum quidem, propius accedat. Quod sane Frisicæ originis in ea gente argumentum est maximum. Nomina quoque gentis diversa prorsus à gentibus cæteris, usque eo, ut horum argumento genuinum Frisium ab ascriptitio insititiove soleant quondam discernere.

Lingua.


Ingenium genti in universum simplex, ingenium, excelsum: promptumque pro libertate ad arma. Post regium imperium præfectos habuerunt suæ gentis, liberis populi suffragiis electos, ex quibus honoratissimus qui erat, & in omnes reipublicæ partes animum intendebat, accepta ab Italicis civitatibus consuetudine, Potestas proprio vocabulo dicebatur: eratque is magistratus ex populi arbitrio annuus interdum, interdum annorum plurium, nonnunquam etiam perpetuus. Præter istos, Comitum quoque ab Imperatore singulis quadrienniis in Frisiam mitti solitum esse, eo nimirum seculo, cum id, quod de Potestate dixi, in desuetudinem isset, in codice antiqui juris Frisici legitur, coram quo, si quæ majores in populo controversiæ hærebant, disceptabantur. Deinde & nobiles quædam familiæ, honore, opibusque in ea gente eminebant, quarum ambitione factum, ut populus in factiones divisus, bello intestino patriam distraxerit. Feuda & dominos nemo noverat, nisi quod Imperatorem patronum ac supremum

Mores.

Imperium.

G g

Prin-



Principem agnoscebant. Nunc libera sui que juris, una cum ceteris Belgii Provinciis fœdere juncta, ab Ordinibus suis regitur in hunc modum :

*Regim'n
hodiernum.*

*Comitia
vulgo
Lan. It-
dagh.*

Summa Reipub. hodie est penes delectos trium Ordinum in Comitibus congregatos ; in quibus populum universum ii repræsentant, ejusque potestatem gerunt. Tres Ordines dico, Nobilitatem, Plebejos in agro prædiorum rusticorum suorum dominos, & Oppidanos : Deputatorum Collegium, de quo infra, quotannis per litteras omnibus præfecturis per totum agrum, & civitatibus denunciant, ut in tempore delectos designent, qui comitia obeunt. Præfecti in agro literis acceptis vicatim hujus rei causâ conventus indicunt : conveniuntque separatim singulæ præfecturarum parœciæ, conventuumque illorum participes sunt omnes, plebe infimâ & mercenaria opificumque turba tantum exclusâ. Ita in singulis parœciis eliguntur duo. Atque hi electi postridie, aut tempore præfixo omnes in vicum totius præfecturæ præcipuum coeunt, & præfidi præfecto, ex omni numero eorum, qui in Præfectura eâ, prædiorum domini sunt, per suffragia duos designant ad comitia ituros, quos *Volmachten*, id est Plenipotentarios appellant. In civitatibus vero Senatus eodem illo tempore ex se edit unum, & collegium Iuratum tribunitiâ potestate præditum adjicit alterum, qui ad comitia civitatis nomine mittuntur. Hac ratione 80 viri, 58 nimirum ex agrariis, 22 ex oppidanis Comitia constituunt, totiusque Reipub. jus in manibus habent : illud vero notandum est, unius Civitatis, in ordine suo, & unius quoque præfecturæ in classe sua, unum esse suffragium, sive id ab uno, duobus, vel pluribus delectis feratur. Comitiorum sedes ordinaria Leovardia est, & aguntur quoties res aliqua postulat : sed anniversaria & statuta quotannis semel mensè Februario aut Martio ; & ea plerumque ob negotiorum multitudinem diuturniora. Gubernator Frisæ, qui nunc est illustrissimus Princeps Guilielmus Nassavius, &c. maxima in Provincia pollet authoritate. Collegium vero Deputatorum constitutum, lege in comitiis lata anno 1576, sed formam justam anno 1583 consequutum est. Constat autem id e Deputatis Oostergoiorum binis, Westergoiorum binis, Sylvestrii binis, & oppidorum ternis. Hisce annuum est munus, sed pro arbitrio eorum à quibus constituuntur, prorogari potest. Electio autem & prorogatio fit in Comitibus Provinciæ ordinariis : quæ quotannis, ut supra dixi, Leovardiæ habentur. in hisce Oostergoi designant e suis virum nobilem unum, alterum plebejum ex eo genere, qui fundi aut prædii rustici vere domini sint, quos velint in annum

*Collegium
Deputato-
rum.*

proximum in Collegio sedere, & Rempublicam administrare : Idem Westergoi, idem Sylvestres faciunt ; Oppidani vero ex ordine suo tres edunt viros graves, rerum usu & autoritate valentes. Hi renunciati voce publica, à comitiorum delectis in sedem Collegii deducti, apud eosdem illos jurejurando in ineuntem annum Reipub. se obstringunt, pollicenturque secundum mandati formulam munus se administraturos : penes hos Reipub. est administratio : si vero aliqua res se offerat, quæ gravior sit, quam ut audeant sine consilio, & consensu plurium in ea agere, ex singulis territoriis aut civitatibus delectos cum potestate singulos, aut binos evocant, nec ante evocatos dimittunt, quam de causâ illa eadem certi aliquid sit constitutum. Collegium autem hoc à Secretis habet virum gravem & eruditum, & autoritate non parum valentem, ob munus quod gerit perpetuum, Scribarum reliquorum magistrum, actorum & chartarum collegii custodem, cujus opera in concipiendis scriptis, & signandis aut subscribendis decretis Collegium utitur, quique verba Collegii nomine sæpe apud alios extra Collegium facit. Præterea Collegio additi sunt *Quæstores*, quæstores duo, duobus ærariis præfecti : quorum alter tractet omnem pecuniam Provinciæ ex vario tributorum genere, ex vectigalibus, ex Provinciæ totius censibus provenientes ; eandemque jussu Collegii, aut Ordinum exponit in varios belli & pacis usus, ejus acceptæ, expensæque rationes apud Rationum Cameram & delectos Collegii Ordinumque reddit : alter ærario sacro censuum ecclesiasticorum præest, pecuniam istuc pertinentem colligit, & jussu Collegii expendit, ut plurimum in usum ecclesiarum, Academiae, Scholarum, egenorum, &c. Præter Collegium hoc Deputatorum est etiam hic Camera rationum : constat *iv viris*, qui in singulos annos suffragiis Ordinum delecti, velut censores sunt assignationum pecuniæ, quas quisque à Collegio Deputatorum impetravit, eas examine & calculo suo probant & reprobant. huic Camerae Scriba à Secretis est. Senatus vulgo *den Provincialen Raedt*, quique in Frisia est potestate amplissima, in civilibus & criminalibus causis Iuris dicundi præditus, quique Senatum in oppidis Frisæ, Leovardiæ & Franequerâ, quæ Magistratum ipsæ constituendi jus habent exceptis, constituit. Senatum hunc constituunt duodecim viri suffragiis Ordinum in Comitibus lecti. habet Senatus hic summum Scribam Cancellarii instar, actorum, chartarumque publicarum custodem, & alterum prioris vicem plerumque gerentem, quem Secretarium vocant ; utrumque ab Ordinibus populi in Comitibus designatum.

Quæstores.

*Rationum
Camera.*

*Senatus
Provincia-
lis.*

TRANSISALANIA,

vulgo

OVER-Y S S E L.

Nomen.



Termini.

Trans-Isalaniam (nostrate vocabulo *Over-Yssel*) ob situm Isalæ sic dicta est, quia trans illum sita, quamvis pars illius aliqua fluminis eluvione jam ripam mutaverit. Ad Meridiem Gelriam aspicit & Ducatum Zutphaniensem: ad Septentrionem Frisiam Occidentalem, & Dominium Groningense: ad Orientem Benthem Comitatus, & Monasteriensis Episcopatus sunt; ad Occidentem Velavia, Gelriæ pars; fretum Australe, sive sinus ille amplissimus, quem vulgo de *Zuyder-zee* vocant, in quem se exonerat Isala, paulum infra Campos, necnon Vidrus infra Geelmudam.

Cæli solique ratio.

Solum hujus regionis maximâ parte planum & humile, ager feracissimus cum aliarum frugum, tum frumenti imprimis & optimi tritici: nec minus pascuis fecundus. Nonnulla tamen illius pars & uligine profunda squallet, & ericetis infertilibus obsita est, præsertim iu Twentana regione. Drentiæ autem ager omnis arenosus aut palustris, frumento, nisi qua uligines aut ericeta tenent, felix; ideoque horrei vicem vicinis, præsertim Groninganis, præbens; pascuis non æque commodus: præter Isalam Vechta fluvio; amnisque vulgo de Schipbeeke Reeft, Aa, Dinkel & Regge irrigatur, qui quamvis majorum navigiorum sint impatientes, deferendis tamen lignis, lapidibus, cespitibus, minoribus navigiis inserviunt.

Diviso provinciæ.

Dividitur hæc regio in tres partes seu potius Dynastias, vulgo *Drostampten* vocant; quorum illa quæ Isalæ fluvio vicina est, patrio sermone *Salland*, Latino *Salandia* appellatur: quæ simul Australi adjacet *Vollenhoviana*, ab urbe *Vollenhovia*; quæ autem Westphaliæ proxima, *Twente* five *Twentia*.

Oppida & municipia.

Oppida sunt octo mœnibus cincta: *Daventria*, *Campi*, *Swolla*, *Vollenhovia*, *Steenwicum*, *Hafseletum*, *Otmarsia*, *Oldensalia*. Sunt præterea municipia plura amplissimis privilegiis dotata, licet quædam mœnibus destituantur: ea sunt, *Mepela*, *Geelmuda*, *Covordia*, bellis Belgicis celeberrima, *Aardenberga*, *Omma*, *Almeloa*, *Gora*, *Diepenbeymium*, *Delda*, *Enschedea*, *Ryssen*, *Wilsen* & *Grafhorst*.

Regimen.

Trans-Isalana provincia multis seculis Episcopis *Ultrajectinis* subdita fuit. Idque libero quodam modo: nam provincia hæc semper administrata fuit à suis Ordinibus, Nobilitate nimirum & tribus urbibus primariis, *Daventria*, *Campis*, *Belgica Fœderata*.

Swolla: quibus Ordinibus Episcopus tantum præsedet, & post comitia absoluta, secundum eorum decretum, executor extitit eorum de quibus convenerat: neque quicquam præterea juris sibi vindicavit in hæc tres urbes, ne quidem in clericis in eis commorantes. Verum quum sub Episcopis provincia hæc diu miserum in modum fuisset jactata, partim infestissimis dissidiis, partim potentissimorum vicinorum ambitiosis conatibus, quibus propulsandis Præsules fere impares fuerant; tandem ut se hisce miseriis eximeret, ad potentiorum atque opulentiorum Principem respicere cœpit. quumque sese ultro offerret Carolus V, reliquarum pene provinciarum hæres, & Romanorum Imperator, qui vicinos omnes longe opibus & potentia superabat; Trans-Isalaniam Ordines, non invito Henrico Bavaro, Præsule Trajectino, anno 1528, atque adeo illius hortatu, cum eodem Imperatore convenerunt; seseque ipsi & successoribus illius Brabantia Ducibus & Hollandia Comitibus submiserunt hisce fere conditionibus: Trans-Isalaniam Ordinibus privilegia & immunitates universæ & singulæ factæ tectæ manento. Iudiciis consuetis utuntur, nec illius rei causâ inviti extra provinciam evocantur. Bellum Transisalanis à quocunque illatum, Cæsar ejusque successores suis sumtibus propulsant. Ditionis fines antiquos vindicant. Pecuniarias exactiones novas, bello urgente, habita civitatum ratione, modicas suo jure exigunt. Transisalanos extra provinciam suam, in aliis Cæsari subditis ditionibus, ob æs alienum, quod Principes, aut provincia, homine privatus publico nomine debet, in jus vocari, trahi aut retineri ne permittunt; ob privata vero singulorum debita, fas licitumque esto. Cæsar Duci Gelriæ suo ære bellum inferto, donec provinciæ ablata restituerit. Ordinibus Transisalaniam, auctoritate Cæsaris, pecuniarias exactiones provincialibus imperare liceat, ut æs alienum belli tempore contractum absolvant. Multam pecuniariam, quam Antistes ac Swollani Gelriæ Duci datis tabulis promiserunt, Cæsar vi aut gratia reddi curato. Si quæ forte dissidia inter Transisalanos orta fuerint, aut post illa oriantur, Cæsar ejusque hæredes & successores, ut bonos Principes decet, non augeri, sed quantocius tolli procurato, illosque ut cæteros subditos suos ab omni violentia atque injuria defendunt. Bituminosos cespites, certa tantum quantitate & modo, extra provinciam evehi permittunt; atque intra triennium provinciæ statum in commodiorem ordinem restituunt. Annuam pensionem pecuniariam quam Antistitibusolvere consueverunt, posthac Cæsari, donec aliter



de ea re constituantur, persolvunt. De publica moneta cum Cæsarianis monetariis transigunt. Contributiones annuas Antistitis, ad bellum sustinendum dari sœtas, tribuunt.

Quibus transactis, Georgius Schenkus Baro à Tautenbergh, Frisæ Gubernator, provinciæ præfecturam adiit, & in omnibus locis nomine Cæsaris fuit inauguratus. Sub Carolo ergo ejusque filio Philippo eadem pene hujus provinciæ quæ cæterarum fortuna fuit, donec cum cæteris se in libertatem vindicaret: ab eo tempore, uti & cæteræ, à suis Ordinibus regi cœpit, penes quos summa hodie est autoritas.

Provinciæ
Ordines.

Porro Ordines hujus provinciæ hodie constant duobus membris: Nobilibus, sive equestri ordine, atque Communitatibus oppidorum. Nobilitatis ordinem repræsentant quinque præfecti agrarii, quos vulgo *Drosten* vocant. quorum tres majoris sunt dignationis; Salandicus, Twentanus & Vollenhovianus: duo minoris; Haexbergenfis, & Isselmundanus: qui licet singuli suas habeant jurisdictiones separatas, tamen prior non incommode sub Twentano, posterior sub Salandico comprehendi possunt. Hisce adduntur reliqui equestris ordinis viri, qui ex antiqua aut nupera consuetudine suffragandi in comitiis obtinent auctoritatem. Oppidorum nomine tantum tres civitates censentur, Daventria, Campi & Swolla; quarum magistratus ad comitia Communitatum nomine vocantur. Atque in hisce solis comitia annua Ordinum totius provinciæ habentur successive. Atque horum Ordinum eadem est potestas, quæ in cæteris

provinciis, nimirum in suâ summa; atque eadem omnia deliberant, decernuntque, nulli alteri provinciæ obnoxii.

Ad cæterarum quoque provinciarum normam, Ordines hi suos habent Deputatos, qui in illa civitate, quæ anno Comitiorum publicorum habendorum jus habent, sedem atque domicilium habent. Deputati hi sex sunt numero, & tribus majoribus præfecturis, & tribus illis civitatibus singuli, quibus munus plerumque in triennium prorogatur.

In tribus majoribus civitatibus, uti supra diximus, causæ omnes & civiles & criminales judicantur per arrestum, ut vocant; neque fas est cuiquam ab hoc judicio provocare, aut appellare. A cæteris tribunalibus, quæ in minoribus oppidis & vicis hujus provinciæ constituta sunt, appellatur ad publicum quoddam totius provinciæ tribunal, sive conventum juridicum, quem peculiari voce provinciales vocant *Claronge*; qui non singulis annis, sed singulis octennis, aut etiam decenniis, vel prout Ordinibus in publicis comitiis visum fuerit, celebratur. Locus, antiqua, uti videtur, consuetudine est Daventria: Iudices, Præfectus provinciæ sive Quæstor Salandicus, specialiter ad id à Præfecto (si ipse interesse nequeat) deputatus, Præsidis nomine; tum equestris ordinis viri; atque ex Daventrienfi civitate Scabini quatuor; ex Campensi bini; & ex Swollensi totidem. Ad hos causæ omnes per appellationem ex agro & minoribus oppidis referuntur, & ab his finali judicio terminantur.

De publico
judicio.



G R O N I N G A D O M I N I V M.

Termini.



Nomen.

Fluvii.

Hunefus.

Roninganus ager ab Occidente Lavica flumine, à Septentrione mari Germanico, ab Ortu Amasis æstuarii & Dullarto sinu, à Meridie Drentiæ limitibus clauditur. Ejus populos in duas velut classes, sed impares, fluviolus distinguit, qui collectis ad urbem Groningam per diversos ex Drentia & Fredevaldiis venientes rivos aquis palustribus, plurimisque emissariis auctus, & mire flexibus sinuosus, in Lavicæ æstuarium satis profundo alveo se ejicit, *Rivum* vulgo vocant, ab arundinibus cognomine imposito. Regionem hanc minoris Frisiæ nomine affectam reperio; simul usus invaluit, ab urbe Groningâ Groningana dicta est, nunc ex decreto in actis publicis non nisi Ommelandia, id est regio *πρωτοχώρα* dicitur. Eandem hanc regionem vel agrum duo amnes præcipui olim percurrerunt, & percurrunt quoque hodie, quanquam nominibus jam aliis noti, nec eodem ubique retento meatu. Alter *Hunefus* quondam dictus, in Drentia exoriens, collectis primum aquis palustribus tenuis, deinde lacum Laræum magnum profundumque ingressus ac permenfus, ejusque copia auctus, iusti jam fluminis instar latus atque altus, Gronenbergiam arcem, olim haud incelebrem, allapsus, imo pene circumlapsus, relicta ad 4 circiter stadia Groningia, quæ ei ad occidentem & meridiem erat, in Circium deferrebat: mox milliari uno magno infra Groningam flexo cursu recta occasum versus se incitabat per Hunefgonios, qui ex eo nomen habuerunt, donec in æstuarium Lavicæ, ut nunc quoque facit, exiret, & communi cum eo ostio se exoneraret inter insulas in Oceanum. Nunc oppidanorum studio oppositis aggeribus, obstructo, quæ urbem prætervehebatur, veteri alveo, relicto ad dextram Cronenbergio solo, ad urbem multos ante annos derivatus magno urbis commodo, auctusque illic amnis Ahæ aquis è Drentia similiter venientibus, perque longum spatium infra urbem ejusdem Ahæ alveo vectus Vnderwerum usque, atque ibi veteri alveo redditus, aggeribus ab urbe ad exitum utrimque compressus, toto hoc infra urbem spatio ab arundinum copia voce Germanica *Reitdiep* vulgo jam nuncupatur, veteri nomine illo Hunefi prorsus oblitterato, & accolis etiam omnibus ignoto ac pene inaudito. Quæ vero pars ejus est supra urbem, per Drentiam & Præfecturam suburbanam means, hodie à navium certa specie, quarum in ea usus est frequens comportandis ad urbem cespitibus, id est, glebis palustribus in usum ignis, vocatur *Schuten-diep*, habetque utrimque agros humiles & uligi-

Belgica Federata.

nosos, per quos decurrit, & præterquam, quæ aggeribus constricta est, eisdem sæpe inundat. At alter amnis è duobus, quos dixi hunc agrum olim secuisse, nomen *Fivela* habuit, jam prorsus etiam ignotum, & è Duerfwoldiis finitimis Præfecturæ veteri, aut ex ipsa Præfectura vetere se proferens primum, locumque, ubi nunc cœnobium Werumanum est, antiquitus, deinde mutato cursu modico à cœnobio intervallo humilia camporum perluens, longo ac tortuoso meatu illam agri partem permenfus fuit, quæ Amaso propinquat, cuique nomen ex se tribuit *Fivelgonia*, vel *Fivelgonie*: (utraque enim forma hodie quoque vulgo dicitur) ac demum apud Sondios (id vico tum nomen) sese effudit. Verum is exitus ejus ante annos plus minus 400 objecto aggere transverso oppilatus, & alveus ipse magnam partem una cum nomine paulatim extinctus est. Collegit ille ex omni fere Fivelgonia aquas eas, & exoneravit, quas jam rivus Dammonensis, hoc nomine hodie notus, eodem ex agro collectas (nam per eundem hunc agrum defluit, & multis locis eundem quoque alveum servat) per canales Delfsilanos in Amasum egerit. Et hunc quoque oppidani quamplurimos ante annos depressa per passuum millia perampla fossa ab eo loco, qui ab aggeris flexu nomen fert, ad mœnia usque sua derivarunt, meabilem auctuariis navibus majusculis, quantæ scilicet per canales Delfsilanos traduci possunt. Quin etiam studio Casparis Roblesii gubernatoris regii non ita multos ante annos claustra ad urbem hujusmodi constituta sunt, ut quoties oppidani velint, amnes hos duos Fivelam & Hunefum ad urbem dudum deductos confundere, rursus per eadem claustra disjungere queant. Ac Fivela quidem, qui nunc Dammonensis rivus est, (Dammonam quippe duobus milliariis Germanicis magnis ad ortum solstitialem ab urbe Groningâ perluit) non jam liber, ut Hunefus, in Amasum effunditur, sed exitum ejus quatuor ingentes canales coërcent, tres ad castellum Delfsilanum continuis lateribus, quartus prope Farmsum vicum loco proximo, paucis modo passibus Delfsila disjuncto. His porro amnibus, qui hanc Frisiæ partem perluerunt olim, addiderit quis tertium haud minorem prioribus, cui *Ea* nomen. Is in Monasteriensium finibus ortus, & à meridie in septentrionem se incitans, omnemque agrum Westerwoldicum primum, deinde planiciem illam camporum per quam Dullartus sinus ingens jam se fundit, & lato & profundo alveo permenfus, haud procul exitu in occasum, & rursus in boream flexo cursu inter duas Reidas, vicis olim haud incelebres, per septem canales in aggere defossos in Amasum se exoneravit, & agrum hunc quem jam describimus, ab eo qui Frisiæ Orientalis nomine nunc censetur, & Comitatus titulum

H b



lum fert, secrevit. Nunc post Bellenwoldios, qui in ora austrina sinus sunt, Dullartinis fluctibus tectus, quanquam alveum sub fluctibus servet, nusquam tamen apparet, ut & cætera omnia, villæ, vici, fana, quæ in eo spatio fuerunt. In hos autem, qui superfluit, amnes, ut & in æstuarium vicina, rivi complures scaphis & lintribus meabiles se effundunt: quorum alii orti ex se, aquis viam sibi met facientibus, alii humana industria excavati, hic illic regionem secant, & vicos plerosque celebriores alluunt, duplici regionis bono. Nam & humiles atque udos agros aquis levant, & commeandi vectandique facultatem incolis commodissimam præstant. Sed qui Hunesum augent, aut in æstuarium aut Dullartum effunduntur, claustris in exitu coercentur: cæteri libero lapsu Fivelæ se miscunt. Duo etiam ad urbem ipsam Groningam longis brachiis se porrigunt, Honæus in occidente, Botteranus à borea.

Populi.

Populorum nomina, situs, ratio ita se habent: Ad Occidentem fluminis, *Langovaldii* Ostergois finitimi, complexi vicos fanis insignes 13. *Fredewoldii* Silvestribus ac Drentiæ propinqui, vicis 10 comprehensi, tenui in solo utriusque. *Hummerzii* in latere æstuarii Lavicani ad effluxum fluminis jam dicti, eluvionibus ad 3 tantum vicos redacti, sed agri felices. *Medachii* ad ejusdem fluminis ripam introrsum magis pertinentes, in vicis 9 in solo omnium uberissimo sparsi. Ad Orientem amnis sunt *Hunegonii*, latis simul & omni ex parte tum natura, tum hominum opere bene cultis finibus. *Fivelingii* Hunegonios ad Ortum sequentes in Amasis ora, in duas divisi sunt partes, quarum prior 31 vicos complexa insignes, nulli superiorum felicitate cedit, tum ob terræ bonitatem, tum ob commoda fluminis vicini: altera vicis rarior, quos 9 tantum habet, palustri solo sitos, *Dursvaldia* proprio nomine vocatur. Ad Dullarti finem *Westervaldii* sunt, Reideriorum quondam pars inter finem & Amasim incolentium: in quos imperium legitimum habuit aliquot sæculis *Addingia* familia nobilis, nunc ad *Arenbergios* omnia translata. Postremo est suburbanum territorium regionis totius limitem ad Austrum longo tractu, contra Drentiam tuens, vicos ambitu suo continens 12, cœnobium duo. Atque hujus in solo, ubi arenis gleba pinguior jungitur, sedem habet *Groninga*, quam dixi, non maxima solum inter urbes, quas Frisia amplectitur, sed nomine etiam, & potentia, & rebus gestis, & specie quoque ipsa antecellens. Forma reipublicæ in urbe est Aristocratica, Democratia mixta. Magistratus, quive alii partem aliquam Reipublicæ tractant, per suffragia lecti omnes, alii bienne, alii annum munus habent, pauci perpetuum. In his Senatus 16 virum, & quibus Consules quatuor, cæteri Senatores, toti Reip. præfident. Quatuor-viri Iudices, cum Legato regio, pratoriam potestatem habentes in omnem agrum vicinum, ex ordine fere consularium Consilium delectorum juratum 24 viris constans, & in his trium-viri Consilio præfecti, ejusdemque Oratores omnes media sui parte collegiis suis decedentes quotannis, totidemque aliis surrogatis locum dantes, quos forte ducti è concilio jurato,

G R O N I N G A.

Forma Reipublicæ.

virique in senatorio ac suo ordine legunt, Senatus vero in ordine judicum, & hos fere consularum tum abeuntes. Deinde *Ædiles* tribunitia potestatis duo, velut plebis patroni, imprimis intercessionis jure pollentes, à collegiorum plebejorum præfectis designati quotannis, aut continuati: tum ipse collegiorum horum præfecti, terni in collegiis singulis, à quibus ipsi similiter quoque quotannis eduntur, numero omnes 54, quorum 18 Seniores, qui auctoritate præstant, singuli nimirum singulis in collegiis; cæteri capita collegiorum vulgo sunt dicti: præterea *Octoviri* duplices, hi mercantium & vendentium, itemque naviculariorum controversiis cognoscendis præpositi olim; ac in his Senior, quem sic vocant, actor in collegio præcipuus, jurisque civium in mercando *Advocatus* ac assertor. *Populus* oppidanus moribus comis, blandus, solers, industrius, à litterarum cultu & captu non abhorrens, neque abjecte de se sentiens, ideoque in veste ac victu sumtuosus, imperii cumprimis avidus, ac ejusce gratia quidlibet suscipiens & perferens: pertinacissimus verò in tuendo jure suo, & libertate contra oppressores, & cuncta potius, quam servitutem perpetuens. Pauci nunc in populo *Frisii*, plures è convenis orti, multo plurimi vero aut *Westphali*, aut *Drentini*: inde velut soboles perpetua civitati sufficitur. Olim tamen ita observatum, ut ad Consulatam aut ordinem Senatorium nulli facile, nisi antiquis, partem etiam nobilibus familiis, quæ complures ex agro in civitatem concesserant, nati, aut alioqui insignibus commendati dotibus admitterentur. Quæ ratio quam diu valuit, & pax cum vicinis, quos idem sanguis miscebat, immota, & fortuna civitatis prospera fuit. Ea projecta, cuncta reliqua etiam in contrarium iere. Urbs ipsa fossa, valloque terreo maximæ molis, & propugnaculis munitissima, ac prope inexpugnabilis: vici ejus recti, lati, amœni, & quidem ad fora, quæ duo sunt, magna ex parte pertinentes: è quibus sex etiam singulis à portis linea recta ducuntur: ædificia splendida, & supellectile nitentia: fora spaciosissima, imprimis id quod latum vocant, Curiam cum *Oenopolio* ambiens: fana in universum duodecim, sed parochica tantum tria, quorum antiquissimum formæ rotundæ, ac arcis in modum validis parietibus structum, *Walburgi* Virgini sacrum, cum puteo, perennis, & ad summi labri altitudinem perpetuo scaturientis aquæ: alterum ab amne dictum, in extrema fori piscarii area situm: tertium *Martianum*, longè splendidissimum foro præcipuo accubans, cui turris diminuet firmissimi operis, ac ob altitudinem raram etiam nunc, quamvis fastigio excelso, mutilata vi ignis, latè spectabilis. Ex cæteris, quæ monasticis familiis dicata sunt, duo quoque peregregia & splendida, *Franciscanum* in oppidi fere medio, & *Dominicanum* *Iacobæi* ordinis: reliqua ejus generis, & quæ ptochodochiis coherent, minora. Verum vix quicquam urbe tota jucundius, quam frequentium hortorum & frugiferarum arborum insignis amœnitas in ipsius urbis sinu, passim ædificiis interjecta, & se proferens, aspectu pariter & usu delectabilis. *Annonæ* forum in urbe omnis generis

Mores populi.

generis copiosissimum quotidie, atque ex eo precii pene vilitas. Quod sane ex jure illo per foedera olim acquisito, & per longissima temporum spatia usurpato haecenus, non minima ex parte existit. Adjuvat etiam plurimum fluminum aut rivorum oportunitas, omni ab regione agri ad oppidi hujus mœnia humana opera coeuntium, atque hinc in diversa supra infraque porrectorum. E quibus is, quem supra descripsimus, (*Reit* vocant) onerarias etiam e majorum genere ferens, alter ab oppido contra aestivum fere ortum defluens, & ipse non lenunculis solum & scalmis, sed auctuariis quoque mediocribus navigabilis, assiduusque remigantium aut velificantium com meatibus perstrepsens, spacio duorum milliarium Germanicorum ac dimidii confecto per Fivelingios in Amasum exiens, a loco cui *Delfziela* nomen a canalibus, per quos exit, datum: quo loco portum efficit, toto eo latere commodissimum, ac pene unicum.

Dammona. Porro ad hunc rivum alterum regionis oppidum est *Dammona*, cognomen rivo tribuens, ad duo pass. M. ab Amasis ripa loco felice situm in Fivelingiis, a rivo ipso divisum, amœnum, & ædificiis præclaris, sed nullo mœnium honore, id quod Groningensium livori se debere queritur; quorum contentione factum sane, ut bis terve jam centum proximos intra annos excitatum in ambitu ejus vallum, in nihilum semper reciderit. Reliqua per agrum vici tenent singulis cum fanis, plus minus 160, quorum non pauci ea magnitudine & cultu sunt, ut oppidula videri possint. Ex his *Warfumum*, *Bedumum*, *Winfumum*, *Vrbusa* in Henefgoniis: *Northorna*, *Visfleta* in Longovaldiis; *Winfchota*, & quondam florentissima *Midwolda*. At nunc Dullarti furoribus pene desolata. In præfectura veteri, *Loppershemum*, *Borumum*, *Farmsumum*, & quæ nominata jam ante est cum portu suo *Delfziela* in Fivelingiis. Et hæc quidem multo impendio & labore, decreto Ordinum Belgicorum, ante plures annos nuper vallo & fossa circumductis, spatioque ampliato in oppidi pene justum modum redigi cœpta, ad premendos atque in ordinem cogendos Groningenses. Distat hic locus ab urbe Emdana, quæ in adversa Amasis ripa est, ad passuum millia 9. Egregia porro ædificiis ac opulentia. Monachorum & sacrarum virginum cœnobîa in agro olim fuerunt numero 25: ante cætera vero *Adoardea* in Medachiis, quinque pagis imperans, famosisque opibus incluta, & superbo imprimis fano visenda: ab eo Vetus ad *Dammonam*, & alterum in Marnensibus, deinde *Warfumum*, *Rottumum*, *Thesinga*, *Siloverdia*, *Grisomonachum*, *Wittowerumum*, *Hiligerlea*, *Schiltwolda*, postremo *Iessæum*, non procul pomœrio urbis Groningæ positum in præfectura suburbana. Nec ad hæc, quod mireris, regum aut principum liberalitas quicquam contulit, sed rusticæ plebis studia, paucorumque nobilium ista sane pro re ac agri modo majora congestere. Atque his omnibus si quis addat Nobilitatis domicilia toto agro sparsa, inveniet nihil ad ejus pulchritudinem ac fortunam pene adjici posse.

Jurisdicção per omnem agrum (excepta Præfectura Belgica Fœderata.

ætura Vetere, quæ ad civitatem, & Westerwoldiis, quæ ad Addingios, & ab his ad Arembergios certis legibus devoluta fuit, & territorio suburbano, cujus etiam peculiaris ratio cum prædiis antiquitus liberis ac immunibus connexa est, ut qui prædia illa ut sua tenet, jurisdictionem cum imperio quoque teneat. Iuris dicundi autem causa agri totius partes illæ jam expositæ, in territoria quædam minora sunt subdivisæ. Et horum alia vicos singulos, alia binos, alia ternos quaternosve complectuntur; quædam etiam singulos vicos disjungunt. Estque in unoquoque territorio certus tribunalis locus. Ac quoniam in territoriis singulis prædia hujusmodi complura sunt, accidit fere, ut per vices & successiones annuas prædiorum domini jurisdictionem cum imperio habeant, idque secundum modum aut numerum prædiorum, quæ possident. Nam qui prædium hujusmodi unum tantum tenet, unius tantum anni jurisdictionem in eodem territorio habet; qui duo, duobus; qui plura, pluribus: & si quis omnia, perpetuam quoque juris dicundi potestatem eo in tribunali obtinet: idemque valet in iis, qui jus illud prædiis cohærens, a prædiorum dominis prædia ipsa retinentibus, quamquam id veteri instituto plane contrarium sit, pecunia, pactione, dono, cessione, denique quoquo modo sibi acquisiverunt. Qua ratione *Dammonense* tribunal, quod olim multorum fuit, nunc ad solos *Ripperdæos* & *Houverdæos*, aut eos, qui his successere; *Farmsumanum* vero vicorumque aliquot vicinorum ad unos etiam ac solos *Ripperdæos* devolutum videmus. Nec desunt hujus generis exempla quoque alia, sed & pauca, & fere recentiora. Porro prædiorum domini aut ipsi jus dicunt, aut aliis hominibus idoneis id delegant, prout cuique commodum, aut gratum est. Est enim hoc arbitrii ipsorum. Ius dicens sive jure suo, sive delegato patria lingua *Redgerus*, nonnusquam etiam in locis ad occidentem *Grietmannus*, more Translavicano, vocatur: quæ voces judicem significant. Is unum aliquem, ut nunc lege cautum est (nam plures fuisse ante, si territorium vico uno majus esset) e territorio virum honestum dari sibi ab iis, qui territorio comprehenduntur, curat, cui *Wedmanno* nomen est, qui non solum assidet jus dicenti, sed judicii quoque minister est, & quædam momenti minoris sine judice per se expedit. Qui in juris dicundi munere est, merum & mixtum imperium habet, mandandi,prehendendi, mulctandi, coercendi, capite puniendi potestate præditus est: mulctas & cætera judicii commoda percipit ipse, aut cum *Wedmanno* pro rato communicat. Ab his tribunalibus omnibus appellatio est ad conventus juridicos, aut *Cameram Hovetmannorum Groningensium*; Olim autem non *Hovetmanni* solum, sed etiam *Consules Senatusque Groningani* plarisque in causis appellati sunt, interponendique edicta ac mandata tum suo, tum *Ordinum agrariorum* nomine, potestatem habuerunt, causasque ipsas una cum cæteris in conventibus juridicis recognovere & definivere, ut ex iis, quæ infra de jure civitatis dicentur, fiet manifestum. Sed & aliud quondam tribunal in agro fuit, & adhuc est, ad crimina graviora,

viora, quæ capitalia putantur, controversiasque de jurisdictionibus cognoscendas & judicandas pertinet, quod vocant communiter *dat Overrecht*: quod vicos complures ejusdem viciniae colligit, è quibus ii, qui eo jure præditi sunt, (id similiter ut prius prædiis certis cohæret) vertente anno coeunt certo loco, ubi antiquitus tribunal hoc locatum fuit, & in leges ac incorruptam justitiæ administrationem juramento obstringunt sese, ad quos vices illæ annuæ redire: iidemque, quoties res poscit, vocati conveniunt eodem, causæque cognoscunt, & sententias ferunt: tum domum in diversa recedunt. Et sunt tribunalia hujusmodi cis Hunesum per Hunesgonios & Fivelingos complura, sed alibi eo, quo dixi, vocabulo, alibi *die Langkrechte* Teutonice nuncupata, nomine, non re, diversa. Atqui jus hoc, quod dixi prædiis connexum, in hac ratione nonnullam vico quoque integro uni aut alteri, id est, toti plebi vicinæ, non prædiis in vico singulis, alicui & uni familiæ nobili pro toto vico cohæret: eique vico aut familiæ nobili potestas hæc est perpetua. Qui potestatem hanc tenet jure loci ejus, ubi sedes judicii est, is statim die cæteros omnes istuc coeuntes sacramenti religione obligat, eosdem, cum opus est, convocat, id quod iis placet, pro sententia pronunciat. Et accidit non raro, ut qui in hoc judicatu est, reliquam quoque jurisdictionem eodem tempore teneat.

Præter hæc curationes quoque sunt in hac regione binæ, honestissimæ conditionis, nec minus necessariæ Reip. quam utiles: Quarum altera ad aquarum claustra, & quæ cum his copulata sunt, altera ad aggeres pertinet: illa deducendis è regione aquis pluviis & palustribus, aut rupto aggere infusis; hæc excludendis marinis, aut fluvialibus est instituta: utraque cum potestate, & quadam imperii specie; imprimis prior. In ea qui sunt, non solum claustris ipsis, quorum maximus usus, maxima impendia, præfunt, sed aquarum quoque ductus, ac derivationes, & pontes omnibus & rivis impositos curant. Divisi in classes aut collegia plura, secundum regiones & claustra diversa: & classes singulæ in gradus distinctæ. In his inferiores *die Sijlrichters*, superiores *die Scheppers*, summi *die ypperste Scheppers* vocantur. Et inferiores quidem singulis in classibus, quas *Sijlvesten* appellant, complures numero sunt, pro multitudine pagorum, qui qualibet classe comprehenduntur. Quilibet enim vicus ex sui medio edit unum duosve per eos, qui hoc jus habent, viros idoneos ac muneris capaces: qui omnes jurati in leges ad hanc rem pertinentes, vicissim ex sese edunt duos aut plures superiores velut *voegsdragers*, præditos potestate majore & fere ex Nobilitate, aut, ut ante hæc tempora res habuit, ex ordine antistitum cœnobiis præfectorum. Atque his, in classibus tribus, quæ totidem claustra Delfensia curant, additus olim Abbas Werumanus, velut præses aut rector summus, penes quem suprema autoritas: in classe Winsumana, quæ duplex quoque est, præfectus villæ, quam in Hunesgoniis Adoardii habebant: in Adoardiana Cellarius, uti vocant, Adoardius. Reliquæ classes hoc præside carent. Et in universum, ut perplexa admodum atque impedita aquædu-

ctuum ratio in hac regione est, dum sibi quisque vicinæque suæ consulit ac studet, ita varia, inter se discrepantia, intricata plurima sunt in toto hoc instituto, aliudque aliis in classibus ac locis valet. Qui in Delficis classibus sunt, trienne munus habent; qui in Winsumana, & Adoardiana, bienne: alibi aliter. Potestas omnibus mandandi, vocandi, cognoscendi, mulctandi secundum leges. Conveniunt quotannis ter in classibus suis, deliberandi & statuendi causâ, statim tempore & loco. Et ut pleraque alia communia habent, sic hos quoque conventus classes Delficæ, propter claustrorum suorum conjunctionem: habent & Winsumanæ duæ curantes claustra totidem. In his conventibus, si res requirere videatur, decernitur tributum; id colligitur per inferiores: collectum traditur superioribus: ab his apud præsidem summum, ubi præses hujusmodi est, deponitur: is ex decreto communi impendit, quo poscit usus. In controversiis mos fuit in classibus Delficis, (puto etiam in Winsumana utraque & Adoardiana) si quis læsum se sententia aut mandato inferiorum arbitraretur, appellare superiores, post hos ad cognitionem vocare etiam cæteros ejusdem ordinis in classibus iisdem cum summo præside, ab istis quod decretum esset, id ratum habere, nec tendere longius: Post ex conventionem sic institutum inter Delfenses, Winsumanos, Adoardios, ut ab unis ad proximos, à proximis ad tertios esset provocatio: in tertiorum sententia esset litium finis. Atque hoc nunc quoque apud eos in usu manet. In cæteris classibus omnibus, quæ Præfecturæ veteris non sunt, Hovetmannorum Groningensium summum judicium est. Aggerum præfecti, & ipsi secundum regiones ac loca inter se distinguuntur, potestatemque amplam habent, pariter penes cum prioribus, sed decreta omnium extra eandem Præfecturam veterem, Hovetmannis subiecta sunt. In Præfectura veteri, ut illi, sic hi quoque Senatum urbis summum judicem agnoscunt. Operam dant, ut aggeres fluctuum violentiæ objecti, facti recti ferventur, disjecti reficiantur, interdum augeantur, proferantur, contrahantur, ex usu patriæ. De quibus dicere plura non libet, ne fiam prolixior.

Denique Præpositi, quos dixi, singuli suis in finibus olim descriptis eutaxiæ Ecclesiasticæ præfidebant ante hæc tempora, & sacris de rebus jus dicebant; assidentibus sacerdotibus sacerdotum causas cognoscebant, delicta omnia contra matrimonii leges castigabant, ædium ac rerum sacratarum curam gerebant, rationes æditimorum examinabant, fœneratores comprimebant, poenas ab iis poscebant. Præter hos Officialis quoque & Commissarius, uti vocabant, in curatione rerum talium pro Episcopo erant: sed in populo libero tantum non poterant, quantum fere aliis in regionibus solent. Quæ omnia durant, quandiu imperium Hispanicum hic stetit: eo verò finito, hæc quoque interiire.

Sacerdotes in agro numerati olim supra 220, quantulo in spatio? præter tot monachos & monachas, quot capi tam multis, & quidem peramplis ac opulentis cœnobiis potuere: quorum numerus fide multo major fuit.

Popu-

Regimen.

Leges.

Regimen.

Populus universus cum reliquis Frisiis à temporibus Caroli Magni ad Saxonum arma per annos fere 700 liber fuit, sui que juris, Domini nescius: summi Principis Cæsaris solummodo majestatem comiter agnovit, nec tributis pressus, nec angariis obnoxius, omnisque adeo servitutis ignarus. Quæ si quis cuncta consideret, intelliget sane, haud facile populum alium rus colentem posse reperiri in his orbis regionibus, qui libertate ac felicitate hunc antecesserit. Sed ipsa luxurians, ac pene nimia libertas, sæpe magno ei malo fuit, veramque & genuinam libertatem prope evertit. Nam ambitiosa ingenia factiones peperere, pestem liberis populis propriam, sibi que potentiam struxerunt: inde ad tumultus & bella civilia ventum, regioque graviter afflicta. Ad hæc singulæ regionis partes separatim sibi consulere, suisque commodis studere, quid in commune omnibus, & toti regioni expediret, non expendere, nec istuc consilia referre: hinc rursus similitudines, odia, injuriæ: ex injuriis eadem armata vis, & furor intestinus. Nec judicia sine vitiis ingentibus fuere, gratia, pecunia, odio, inimicitia corrupta: & licentia peccatum frequenter: ea occasione pax turbata. Quibus malis remedium societate Groningensium pluries quaesitum, eaque ancora fluctuans, & vix se sustinens libertas, periculis erepta firmataque, eo medio judiciorum integritas reparata, & per aliquot sæcula conservata, ac denique licentia repressa fuit.

Leges.

In legibus suis populus ista habet memoratu digna: Pacta dotalia rite inita, ut mos aut jus regionis poscit, rata sunt. Testamenta nisi de bonis acquisitis, non sunt. Res soli ex hereditatibus profectæ, ædificia, & quicquid in bonis immobilibus, à defuncto relicta, ad proximos sanguine devolvuntur, nisi aliter pactis dotaliibus sit cautum. Mobilia omnia, que conjuges matrimonium ineuntes possident, & in usum matrimonii conferunt, quæ stante matrimonio ex hereditatibus accrescunt, omnia item industriâ conjugum acquisita, etiam sine pactis dotalibus conjugum, sunt pari jure, alteroque defuncto semissis heredum ejus esto, reliquum superstiti maneto. Donationes inter vivos robur habent, si bonorum cessio à donatore vivente fiat. Quæ propter nuptias sunt in pactis dotalibus, ut rata sint, in pacta dotalia hæredes proximi, imprimis parentes, avi, avie, fratres, sorores consentiunt. Minores 25 annis nuptias inire, & pacta dotalia scribere si volent, sub curatoribus aut tutoribus agentes, eos scribendo adhibent. Cedes, quæ prius pecunia luebantur, nunc ex lege capitis pœnam habent. Cæteris maleficiis omnibus graves quoque pœnæ sunt in legibus descriptæ.

PRÆFECTURA VETVS.

vulgo OLDE AMP T.

A Fivelingiis Præfectura vetus sequitur, ab Amasô flumine initium sumens, & ad Dullartum sinum toto ejus occiduo ac sinuoso

latere, ut hodie res habet, strata, vimque ab eo quondam & jacturam passa maximam, agris & vicis fluctu obrutis, ut è magno horum numero vix 17 hodie, ac plerique semilaceri mutilique superfiunt: cujus pars borealis Amasô vicina soli pinguis ac argillosa, reliqua fere exilioris, minusque læti, partim palustris ingenii, partim arenosi, nemoribus frequens; qua meridionalis maxime, Reideriæ quondam accensa, Tiamma rivulo è paludibus defluente à proximis dirempta, nomine hoc ne nunc quidem istic oblitterato, capite ejus Winscota. Tota vero hæc ab Amasô ad austrinum limitem civitati Groningæ ab annis prope 200 bonis conditionibus paret.

WESTERWOLDIÆ

DOMINIVM.

Veteris præfecturæ, sive Olde Ampt, austrino limiti ad Dullarti finem Westerwoldii connectuntur, & ipsi Reideriorum quondam pars, hinc porro in latere ortivo Dullarti ejusdem secundum Amasium longo tractu duobus magnis milliaribus, & dimidio, haud brevior, pertinentium: hi vicis censentur quinque, agrumque colunt, nisi quantum Dullarto sinui proximum est, haud felicem, ac paludosam fere naturam: in quos imperium legitimum habuit aliquot sæculis Addingia familia nobilis, Weddæ arcis vetustæ eodem in agro domina, Westerwoldico cognomine posteris quam gentili notior: nunc ad Arenbergios omnia translata: postremo suburbanum territorium regionis totius limitem ad austrum longo tractu contra Drentiam tuens, vicos ambitu suo continens 12, cœnobîa duo, ambiguo inter Drentiam ac Frisiam nunc expositam jure, quibus se debere hinc atque inde decerptis quibusdam partibus coagmentatisque videtur: lingua tamen, legibus, institutis per multa nunc sæcula illam magis, quam hanc referens. Antiquissimi ejus rectores Gronenbergii feruntur; ab his ad Selwerdios: à Selwerdiis vicissim ad Vltrajectinos, Geldros, Burgundos ordine pervenit: Burgundi postremo Senatui populoque Groningano, nihil imminuto veteri vicanorum jure ac libertate, attribuerunt. Atque hujus in solo, ubi arenis gleba pinguior jungitur, editiore in dorso inter camporum humilia linguæ instar se porrigente, sedem habet GRONINGA, non maxima solum inter urbes, quas Frisia amplectitur, sed nomine etiam & potentia, & rebus gestis, & specie quoque ipsa antecellens: de qua in illius agro jamjam latius egimus.

DREN-

D R E N T I A.

79



Rentia Frisiam occi-
duam ab oriente hyber-
no excipit, Groninga-
nos à Meridie; regio
occiduae Frisiae magni-
tudine pene par, sed
opibus & cultu multo
inferior. Ab austro
Zallandiae partem & re-
liquae Transisalaniae
cum Twentia habet. Ab ortu brumali Benthe-
mensi provincia, ab æquinoctiali diœcesi Mo-
nasteriensis clauditur.

Ager autem Drentiae omnis arenosus aut palu-
stris, frumento, nisi qua uligines aut ericeta,
felix, ideoque horrei vicem vicinis, praesertim
Groningans, praebens; pascuis non aequi-com-
modus. Ericeta vero *Smilder-veen*, & *Echtern-
veen*, vulgo dicta, (quorum illud Groningam inter
& Steen-vicum, hoc autem inter Coevordiam &
Meppelam,) tantam cespitum ustibilibus suppe-
ditant copiam, ut eos incolae, non sine magno
ipsorum emolumento, in Hollandiam & vicinos
districtus maxima transvehant abundantia.

Ad australem limitem, haud procul Vidro
flumine, oppidulum habet Coevordiam, caput
provinciae. Municipium uti opere munitissimum,
ita situ est opportunissimo; distat Groninga mil-
liaribus septem, Steenwico sex, Swolla quin-
que, Daventria novem, Oldensalia quinque,
& Lingen totidem. Arx illi est validissima. Maxi-
mi autem est momenti, quum hostilem aditum
in Frisiam utramque veluti occludat: habet enim
ad aquilonem paludosos & alta uligine impervios
campos Weddam usque; ad occasum vero sta-
gnum, quod ultra Hasselietum pertingit; ad sep-
tentrionem pagum Daelhem & ericetum Gron-
ingam petens; ad ortum, Lingensem Comitatum;
ad meridiem Benthemensem; ad austrum
denique Hardenbergam oppidum ad eundem Vi-
drum situm; unde per paludes universam pene
regionem obsidentes, nisi qua Groninga aditur,
angustae viae sunt, traducendis exercitibus incom-
modae: quare & commerciis admittendis valde
opportunitum est, & bello arcendo ab interiori-
bus provinciis peridoneum.

Fortalitium *Valter-Schans* vulgo dictum, non
procul à Westerwoldiae dominio, adeo probe
munitum est, ut quamlibet vim arcere possit; in-
ter quod & Coevordiam, sed propius ad hanc,
aliud est, sed minus, propugnaculum, vulgo
Schans ten Hole nuncupatum.

Reliqua vici occupant, quorum quidam nec
parvi sunt, nec inelegantes: qualis est *Meppela*, in
austrino limite in occasum vergente, oppido
quam vico similior; *Runa* in ditione Nobilium
Munsterorum, dignitatis titulo supra communis
nobilitatis gradum illustris. *Eelda* etiam Gronin-
gae vicina, aliquot olim nobilium sedes. Et ante
Eeldam, Rolda, Devera, Andloa. Cœnobio mona-
stica Assena, Diclinga, Schoonebeeck, & alia.

Paruit multis saeculis Episcopo Ultrajecti-
no, Imperatoris donatione, aut vi armorum
Belgica Federata.

nixo, à quo praefectum solet accipere. Nec ve-
ro à repub. tantum Frisiorum communi, pa-
rendo Episcopis, sed & à lingua, habitu, mori-
bus ac plerisque institutis jamdudum tota reces-
sit, nomenque gentis pene cum rebus amisit.
Quanquam vestigia adhuc supersunt haud obscu-
ra originis ac cognationis pristinae; ut sunt liber-
tas major plebis rusticae in hac, quam in regio-
nibus aliis, onerumque summa immunitas; ju-
diciorum quoque ratio Frisicum morem redo-
lens; venationum & aucupiorum, quibus tota
scatet, jus integrum & liberum cuilibet, qui mo-
do res soli illic possidet; aliaque similia.

Commemoratione dignum videtur, notatum
quoque ab aliis, quod in regione hac ingentis
molis saxa complura, quae nulla vegetatione,
nulla vi hominum illuc deportari potuisse, ob ma-
gnitudinem credas, congesta inveniuntur: quo-
rum ea dispositio est, ut aras referre videantur.
Nam jacentibus nonnullis alia iis imposita sunt
plana, relictumque foramen angustum, per
quod reptare homo possit. Fabula fert, paga-
nos, quondam humanis hostiis litare solitos,
ea per foramina mactandos homines transire
coegisse, & stercore, aliisque immunditiis
conjectu vulgi foedatos in transitu, constitutos-
que ad aras immolasse: eum ritum ad Bonifacii
Episcopi Ultrajectini tempora durasse. Quam
ob causam etiam nunc turpe nomen foraminibus
illis apud incolas restare putatur.

In Drentinis vero res etiam nunc sic habet: *Diviso &
Regimen*.
Dividitur provincia tota in partes seu praefectu-
ras sex: *Dingspil Suydevelt* nimirum, *Beyler Ding-
spil*, *Diverder Dingspil*, *Rolder Dingspil*, *Dingspil
Nordevelt*, & *Dingspil Ostermoer*. Earum partium una-
quaque quaternos habet iudices promiscue ex
Nobilitate & plebe rustica suffragiis lectos quot-
annis, quos sua lingua *Ettas* dicunt. Quorum
officium est non solum suis in partibus per singu-
las septimanas jus reddere, & controversias li-
tigantium finire, sed etiam ter quotannis simul
omnes convenire, ad cognoscendas causas gra-
viores, aut eas, de quibus ad supremum tribunal
est provocatum. Moribus vero receptum est, ut
Roldae conveniant octavo post Pascha die, &
rursum eodem post Pentecosten intervallo: po-
stremo Andloae ad 14 Calend. Septemb. Ultra id
tribunal, quod aperto loco habetur circumstante
multitudine, praeside vero totius provinciae
praefecto, tendere litigantibus non licet. Prae-
ter hos autem singulis in vicis iudex unus est,
quem *Scultesium* vocant, & in his, qui autori-
tate antecedit in sua praefectura, eum praecipuo
quoque titulo *Barmer scultesium* nuncupant.
Omnes suis in vicis operam plebi dant minoribus
controversiis dijudicandis, & ad pignora quoque
auferenda progrediuntur. Iurisdictio in univer-
sum talis, ut compendio lites finiat, haud parvo
commodo populi. Sed exemptae huic foro sunt,
Coverdia, & Runa. haec nobilibus parens; illa
praefectum provinciae totius, cui arx oppidana
domicilium praebet, iudicem superiorem agnos-
cens.

K k

Fines.

Qualitas.

Coevordia.

Propugna-
cula.

Vici.


Domini
qui olim.

Populi in-
doles.

Venatio.

Memoran-
dum.





Brabantiae pars quarta,

cujus caput

SYLVA - DUCIS.

Nomen.

Origo ur-
bis.Augmen-
ta.

Quatuor primariis Brabantiae civitatibus annumeratur *Sylva-Ducis*, vulgo *Buscum-Ducis*, Gallicis *Bois-le-Duc*; aut contractis vocibus *Bolduc* dicitur. Originem suam repetit ab anno 1184; quo à Godefrido Lotharingiae Duce, ejus nominis tertio (ut volunt) circa aggerem Ortudunum, vallum duci coeptum; quod anno 1196 ab Henrico Godefridi filio una cum fossis perfectum; unde quidam hunc Henricum urbis autorem faciunt, & natales urbis ad hunc annum referunt. Forma urbis primum rotunda fuit, tribusque portis, à tribus praecipuis Brabantiae urbibus, Lovanio, Bruxellâ, Antverpiâ, ornata. Quae post pomerium productum aliis usibus sunt dicatae, manente hodie nominum levi memoria. Murorum quoque reliquiae visuntur juxta forum piscarium, inter pontem telonii, forum, & antiquam curiam retrò. Pomerium urbis primum productum anno 1318, à porta S. Crucis, quae quondam Bruxellensis audiebat, ad finem plateae Vuchtiae, ad usque Ortudunum, indeque ad portam Pineam, conclusaque hoc ambitu via Hinthamica & Vuchtia: licet etiam ante suburbia vallo variis locis septa fuerint, & multis annis post muri adjecti. Ad extremum producti fines anno 1453, & variae partes adjectae: licet anno demum 1514 Hinthamensis, & biennio post Vuchtensis fines legantur muro lateritio circumdati, hinc versus Antverpiam, inter meridiem & occidentem, illinc versus Graviam, inter Aquilonem & Orientem; ita ut nunc longe aliam formam à primitiva induerit, utpote triquetra, tribus in longum spatiis excurrens, tanto gyro, ut vix sesquihorae spatio ab expedito pedite ambiri possit. Muros habet firmissimos, cum septem vastis propugnaculis; fossas altitudine & latitudine eximias, Dommela & Aadae amnium allapsu. Portas habuit septem: quarum duae superioribus annis clausae: quinque hodieque patent. Eae sunt *Vuchtensis*, ante *Picardorum* dicta, quae versus Antverpiam ducit; operis elegantis, fossa & duobus pontibus sublimis à vallo murorum discreta: *Ortenfis*, à qua Bommeliâ tenditur: *Hinthamensis*, è qua Graviam: duobus item pontibus à muro sejuncta: *Vaccina*, aut S. Ioannis, è qua Heusdinum: denique S. Antonii, vulgo *de Dijckpoort*, Helmonda Endoviaeque venientibus opportuna. Plures canales urbem permeant; quidam etiam navium feraces: super quos strati pontes lapidei publici Belgica Fœderata.

51, lignei 38, privati pene totidem. Forum habet pulcherrimo aedificiorum ordine circumdatum, in quod decem plateae totius urbis latissimae desinunt. Ad duo millia pulcherrimarum aedium hic numerantur, praeter casas & secundi ordinis habitacula. Munitissima est à natura & opere: nam tota humilibus agris pascuis incincta est, qui maximam anni partem rigui, hyeme autem alto coeno & vasta uligine pene impervii sunt, praeterquam ad Vuchtensem plagam, quae Africum adspicit, ubi ager paulo editior est. Ideoque hic duo castella superioribus annis ab Hispano adjecta: quorum illud, quod urbi propius, S. Antonii dicitur, ad Dommela ripam situm, circiter CLXXX perticis Rhénolandicis ab extimo oppidi propugnaculo juxta portam Vuchtensem; quatuor prominentibus propugnaculis & latissima fossa, aliisque vallis & operibus permunitum. Alterum, quod Isabellae nomen praefert, ad cornu ericeti Vuchtensis, quinque validissimis propugnaculis, duplici fossa, aliisque vallis & operibus, quae hodierni belli necessitas invenit, ita munitum, ut oppidi invicti instar haberi possit; distans à minori castello tantum perticas Rhénolandicas 70. Ad ortum autem ab oppido circiter perticas 235, situm est & tertium castellum, quod *Petteler-schans* dicitur, quinquangulare, totidem validis propugnaculis, lata fossa, & extra illam alto vallo & fossa incinctum. Atque haec quidem oppidi securitati extra pomerium adjecta. Ipsum oppidum lata fossa & profunda cingitur, cujus aquae duobus locis ingenti mole objecta concluduntur: duo valida propugnacula adjecta vallo, ubi Diesa ex oppido elabitur: totidemque ad Vuchtensem portam; plura autem juxta & ad Hintemensem, & ubi Aa fluviolus urbem subintrat. Denique nihil pene factum reliquum, quod ad urbem permuniendam nuperus belli usus adinvenit. Aut si quid ab Hispano aut ignorantia, aut negligentia peccatum, id nunc à Belgis abunde correctum.

Forma oppidi, prout nunc se habet, fere triangularis est, & ob varios munitionum mœandros ab expedito pedite vix sesqui horae spatio ambiri potest: complectitur enim ambitus illius, cum septem propugnaculis majoribus, septem millia passuum & 660.

Regimen hujus urbis est primo penes duos Praetores, eosque fere claris natalibus ortos; quorum unus de civilibus, alter de criminalibus causis cognoscit; licet interdum utriusque munus uni mandetur. De utrisque causis jus dicunt Scabini, primae in hac urbe dignationis. Qui primum quidem tantum septem fuerunt, & ad annum 1336, anno exacto, festo S. Remigii novos sibi sub-

Arces.

Forma.

De urbis
regimine
politico &
civilis.

L I

sub-



substituerunt. post, ipsis haud invitis & ultro cedentibus, Princeps provinciae quotannis Scabinos creavit. Carolus V Imper. binos adjecit anno 1525. His indulto Principis permisso anno 1335, accedente Prætoris assensu, multas pecuniarias, quæ delinquentibus infliguntur, augere, minuere, mutare, vectigal portorium & annonarium, pro re nata, usque ad 46 solid. vel augere vel minuere. Carolus V anno 1531 vetuit ulla immobilia bona in districtu Sylva-ducensi gravari, aut alienari, nisi coram Scabinis, aut Tribunali, & in loco ubi bona censusque siti sunt. Cognoscunt autem ad requisitionem partium de personis & bonis civium atque incolarum. Ad sententiam quoque eorum recurritur non tantum à tribunalibus subalternis totius territorii, sed & à Landen, vetustissimo Brabantiae oppido; itemque à Dormalen limitaneo Brabantiae vico & Vicecomitatu, &c. Habet præterea urbs Consules suos & juratos, uti fere in aliis urbibus. Ad Senatoriam autem dignitatem non assumuntur nisi indigenæ, & toto anno in urbe habitantes; nec nisi elapso biennio fere ad eandem resumuntur. Porro Scabini hi Consulesque constituunt primum magni Senatus membrum: Senatorii autem & Consulares secundum, tertium Tribuni & jurati opificum. Hi, cum diu incerto numero fuissent, à Carolo Imper. anno 1525 definiti fuerunt, statutumque, ut essent ferrariorum, arariorum, & cultriariorum decani 3, jurati 11; molitorum & oleariorum dec. 3, jurati 8; pistorum dec. 4, jurati 8; aciculariorum dec. 3, jurati 10; frumentariorum dec. 4, jurati 16; lanionum dec. 3, jurati 6; piscariorum & cetariorum dec. 3, jurati 6; futorum & coriariorum decani 4, jurati 12; institorum decani 3, jurati 28; lanificum decani 2, jurati 8; sartorum & mercatorum laneorum dec. 4, jurati 28; pellionum dec. 2, jurati 6; chirothecariorum & ligulariorum dec. 3, jurati 12; capsariorum, scriniariorum, carpentariorum, & victorum dec. 3, jurati 10; tinctorum dec. 2, & totidem jurati. Anno 1629, operosa eam obsidione cinxerunt Fœderati Ordines, pluribus extructis hic illic arcibus, munimentis, ductisque per loca paludosa aggeribus, singulari industria, sumptibusque immensis: & frustra cum potentissimo exercitu oberrante hoste, ac Veluviam vastante, intra quintum mensem expugnata, du-

ctu & moderamine Frederici Henrici Aursuorum Principis.

Subditas sibi habet quatuor regiones, Campaniam, Pelandiam, Mastrandiam, & districtum Ostervicanum; & oppidula, Helmondam, Eindoviam, Megam, Ravestenum & Graviam, una cum multis pagis.

Helmonda tribus Eindovia leucis diffusa alluitur ab Ada fluvio, arce sat eleganti conspicua; oppido Beeck pagus assidet, Iohannis Goropii Becani viri celeberrimi natalibus illustris.

Eindovia, Campaniae metropolis, sita est in tractu Campaniae, oppidulum lautum, & sic satis munitum, ad flumen Dommelam, quatuor Sylva-Ducis abjectum leucis: Dynasta ejus est Princeps Auriacus.

Mega sita est ad sinistram Mosæ ripam, tribus circiter à Sylva-Ducis leucis, oppidum satis lautum, ac dominio, Comitatus titulo, & jurisdictione illustre.

Graviam & Megam inter, ad eandem Mosæ ripam, Ravestenum conspicitur, oppidulum munitum, arce ornatum, Dynastiae nobilissimæ ad Principem Auriacum spectantis caput. Territorium sat amplum, pagosque complures comprehendens.

Gravia ad sinistram Mosæ ripam Ravesteinio duabus minoribus, Sylva-Ducis quatuor leucis abjecta, opere & natura munitissima, caput est provinciola Cuyckanae, vulgo *het landt van Cuyck*, quæ superioribus annis Comitatus fuit, licet sat angustis limitibus inclusa, nam haud supra quatuor milliaria in longitudinem patet, nusquam pene supra milliare & dimidium lata. Complectitur præter Graviam sedecim aut septemdecim pagos, in superiorem & inferiorem partes divisa. Cæterum censetur secunda Brabantiae Baronia; primo sub Comitibus suis fuit, dein Gelrici juris, tandem cum illa ad Burgundos devenit, qui illam Brabantiae univerunt. Maximilianus denique Egmondanus Buræ Comes à Duce Brabantiae, Ordinibus illius haud invitis, oppidum cum territorio pignori accepit, quum magnam pecuniæ vim Duci mutuam dedisset; cuius filiam unicam & heredem cum Guilielmo Princeps Auriacus in uxorem duxisset, hujus domini hæreditatem adiit, in cuius familia hodieque manens, jam dominum agnoscit ejus pronepotem Guilielmum Henricum Principem Auriacum.

D E S C R I P T I O
BERGARVM AD ZOMAM,
S T E E N B E R G Æ,
&
novorum ibi operum.

*Territorium
Bergense.*



Erritorii Bergensis ea pars, in qua Berga sita est, nostra lingua (ut habent autographa & apographa agrorum antiquiora) Zoom appellatur. Ideo fortassis, quod totius Brabantiae ad occidentem ora extrema & quasi instita sit. Ab hac ergo territorii parte, quae montosa & variis collibus distincta est, nomen proculdubio accepit urbs. Errant itaque Geographi, qui aquagium, sive fossam illam, quae parentum nostrorum memoria ducta est, (ut cespites è Bernardicis fodinis in urbem commode subvehi queant) Zoom fluvium inscribunt, & ab eo civitatem nomen traxisse volunt. Nunquam enim Zoom fluvius exstitit, & civitas idem quod hodie nomen semper obtinuit, etiam cum aqueductus ille nondum esset, quem (qua per urbem labitur) non fluvium, sed Greccum sive cloacam appellant indigenae; extra urbem vero non aliud, quam aqueductus nomen accipit. Non male igitur Montem Zomii vel Bergopzomium eam quis vocet, eadem ratione, qua Montem Hannoniae dicimus. Si enim Iulius Caesar Helvetiorum, Gallorum & Germanorum nomina ita Latine exprimat, ut vestigia linguae vernaculae non obscura exstent, qualia sunt Ambiorix, Orgetorix, Caromandus, &c. non video, quid obitet, quo minus idem nobis liceat. Est autem Bergopzomium Brabantiae Ducatus civitas, Domini olim titulo contenta, sed postea Marchionatus titulo à Carolo Quinto, Imperatore insignita. Avorum nostrorum memoria Hispanis, Gallis, Anglis, Scotisque mercatoribus frequentatum fuit emporium. Verum dignitati ejus ac splendori postea obfuit Antverpiae majestas, cujus fulgor lumen omne illi praestrinxit, uti Sol stellarum. Situ media jacet Brabantiam, Flandriam, Hollandiam, Zelandiamque inter, quas undequaque aspexit. Antverpia septem milliaribus distat, Flandriam à meridie habet, Hollandiam à Septentrione, Zelandiam vero ad Occidentem. Unde facile colligere est, quantum ejus fuerit in bello, quod Hispanum & nos inter gestum est, momentum. Foederati enim Belgii cum sit partium, non solum securitatem affert Hollandorum, & Zelandorum commerciis, verum etiam militum excursionibus belli tempore Brabantiam longe lateque aperit. Quod si adversarum foret pars

Belgica Foederata.

tium eadem commercia, & Hollandorum in Zelandiam, Zelandorum in Hollandiam navigationes quam maxime infestaret, utpote media inter hanc & illam posita. Portum habet commodum satis, terras hinc inde in Australem ac Septentrionalem oram secans, qui cum longiore cervice ab urbe excurrat, ad securitatem navigantium, si forte metuenda sit obsidio, duo accepit munimenta, alterum à parte Australi, Castellum Australe dictum, idque majus, propugnaculis prominentibus, & lorica insuper fossisque validum: alterum ab opposito situ Septentrionale appellatum, idque, si quantitatem, ambitumque spectes, minus. Ipsa urbs testudini non absimilis, quae maxima sui parte ventricosa est, cetera collum & cervix. Praeter propugnacula moenibus continua, suas quoque ad remorandos hostium impetus loricas habet, opera insuper forficata, cornuum instar prominentia, ut nihil ad ejus defensionem ac tutelam, quod ab ingeniosis castrorum architectis excogitari possit, omissum credi queat. Praeter veterem portum, etiam ductus alius ab urbe brevior in ipsum Castellum Australe, ut si forte ab obsidentibus occupari contingat priorem, reliquus adhuc sit aditus in urbem, exitusque per posteriorem. Aedes habet pulcherrimas, plateas foraeque amplissimas, nundinarium nempe, piscatorium, & frumentarium. Templum insuper fornicato opere ornatissimum. Magnifica quoque ipsa Marchionis aula. Cœnobium Vestalium, cognomento Divitum, in Nosocomium mutatum est. Quod enim extra urbem fuit agris recipiendis dicatum, belli furor, ut plura alia, vastavit. Belli Belgici initiis ab Hispanorum stetit partibus, quo tempore parum absuit, quin à Zelandis, qui jam muros ad Australem molam conscenderant, caperetur. Pace vero inter Belgii Ordines Gandavi inita, & mox rupta, dedens sese cum Germanorum praesidio, quod Hispanus imposuerat, in Ordinum Foederatorum potestatem venit. Post captam Antverpiam, Ordines Elizabetham Angliae reginam de auxiliis interpellant, quae omnibus Foederatis provinciis Dudlaum Leicestriae Comitum praeficit: sub hoc Bergopzomii praefectura, Philippo Sidnaeo, Anglo, Equiti, Hiberniae proregis filio commissa est. Post hunc Gulielmo Druræo, qui anno 1588 obsessam à Duce Parmensi urbem fortiter cum Morgano asseruit, & eundem obsidionem solvere coegit. Ex eo sapius ab hoste strategematis tentata, aliquando etiam in summum adducta discrimen, Dei Opt.

M m

Max.

*Obsidiones
variae.*



Max. beneficio, præfectorum cura, civium magnanimitate invicta perstitit. Finitis induciis Archidux Isabella, exercitus duce Ambrosio Spinola, aliquot ante partis victoriis claro, ejusdem urbis obsidionem aggressa est anno 1622, Julii 18, captaque primum à Lodovico de Velasco Equitum Magistro Steenbergæ, castra propius ad urbem admovit. Belgæ Fœderati dum tueri sua satagunt, civitatem advocato è castris Mauritanis ac vicinis Zelandiæ locis milite, muniunt, com meatuque omnique apparatu bellico instruunt. Pugnatum acriter. Hispanus dum desperationem in consilium adhibet, munitionesque suburbanas velut furibundus impugnat, frustra est, ac desideratis quamplurimis suorum, ne pedem quidem toto obsidionis tempore promovit, Hollandis quam primum occupaverant stationem, pertinaciter, fortiterque defendentibus. Magna hic enituit virtus Ryhovii Gubernatoris, necnon Famarfii, & Hendersonii, Tribunorum militum, quibus concessæ erant partes tuendi munimenta extra urbem recens exstructa, hostiumque munitionibus contigua. Tandem cum nihil à suis promovere cerneret Spinola, jamque in procinctu cum numeroso exercitu copiisque Mansfeldianis adeste Mauritium, castra movit, quamque potuit celerrime, similis fugienti, Brabantia interiora, Antverpiamque repetiit, Octobris die tertio, qui pariter duarum urbium & Leidæ ac Bergarum liberatarum fama gloriaque illustris, apud Fœderatos populos habetur.

Causa munitionis.

Aliquot annis interjectis, cum Antverpiam ac Bergopzomium inter, medio fere itinere, Archidux Isabella Santflitam propugnaculis cinxisset, & in ipsis Scaldis æstuariis munimenta exstruxisset, ac istiusmodi cœptis ad novam Bergopzomii obsidionem callide præludere videretur, Ordines Fœderati anno 1627, post captam Grollam, de impediendo urbis istius obsidio, si forte hostis illud moliretur, acriter consularunt. Nec quicquam melius succurrit, quam tres paludes, quæ Steenbergam, aliud ad Septentrionalem Brabantia oram oppidum Fœderatorum juris, interjacent, fossa conjungere: & terna, qua maxime suspecti aditus, ponere castella: septum præterea immunire, quod sub Steenbergæ situm exteriora agri ex Flita (id nomen ad Steenbergam alveo est) immixtis aquis stagni in speciem verteret, ne ab isto urbis latere, Boreali nempe, obsidionem metueret Berga ad Zomam, aut hostium invasionibus obnoxius esset ager Tolanus. Nam, quæ Austro obversa est, urbis partem, egregia extra vallum munimenta, necnon castellum satis defendere credebantur.

Castella tria.

Proximo itaque anno, qui vicefimus octavus fuit supra millesimum sexcentesium, mense Junio operi se accinxere Ordines, cœptaque exstrui castella tria. Primum eo loco, quem ab arenis de Sandstraet vocant, ambitu 180 virgarum Geometricarum. Secundum, ejusdem ambitus, medium fere inter duo alia, in ipsis arenosis col-

libus. Tertium maximum, ambitu 220 virgarum Geometricarum, cui ad majus robur objectum opus forficatum, huic vero opus lunare. Ne vero operantes turbaret hostis, missus eo cum copiis pluribus Pinfius Gubernator Reesæ, vir militaribus artibus instructissimus, qui castra sua in propinquo locavit, hostiumque conatus, qui jam adventabant ad turbandum operas, castrorum suorum præsentia elusit. Mense Octobri perfecto opere Princeps Auriacus nomina castellis indidit. Primum *Mourmont* dictum, in gratiam Domini de Mourmont, ad hanc ipsam rem à Zelandiæ Ordinibus delegati: alterum, *Pinfen*, in memoriam Pinfii Gubernatoris, ob egregiam inibi ab illo præstitam operam: tertium, *de Royer*, de nomine Consulis Dordraceni Roverii, ab Hollandiæ Ordinibus ad hanc quoque curam missi.

Ipsa quoque Steenbergæ novo vallo propugnaculisque munita fuit, ut jam diutinam obsidionem ferre possit. Distat hæc à Tola urbe virgis Geometricis 2544, Breda 8421. Adjacet illi ad ripam castellum validum quinque propugnaculis formidabile. Quæ quidem omnia præsens tabula exhibet.

Breda, ad fluvium Mercam sita, Hooghstrata *Breda*, quidem tribus, Busco-Ducis autem sex, eisque prægrandibus; Antverpia denique octo ejusdem mensuræ leucis abjuncta. Lautum sane, amœnumque oppidum; sumtuosissimo planeque regio decoratum Palatio; duplici undique fossa, arcis prorsus in modum, circumdato. Conditorum suum agnoscit Henricum, Comitem Nassoviensem, Dynastamque Bredanum. Cæterum gaudet oppidum hoc titulo ac dignitate Baronatus; estque luculenta inprimis & magni momenti ejus ditio; cujus jurisdictionem agnoscunt pagi complures, amplissimi, præter viculos quosdam minores. Annexum ei est oppidum, territoriumque Stenobergenfse, una cum Rosendalia municipio, & Oosterhoutio, nobili & antiqua Toparchia, veteri arce conspicua. Porro, Breda, sedes seu domicilium in hoc tractu Principum Arausionum est, qui & Comites Nassovienses, ad quos superiori sæculo devolutum est ejus dominium. Munivit idem supradictus Comes Henricus, oppidum Bredam validissimis omni ex parte vallis; quibus deinde anno 1534 adjecit quinque amplissima propugnacula, à lateribus oppidi simul & arcis exstantia. accesserunt his bellorum tempore, novem antemuralia, seu valla antemurana; & ad singulas portas singula propugnacula semilunaria: ita quidem ut inter mediterranea Belgii oppida, Breda omnium censeatur antiquissima. Illustrissimus Princeps Arausionum, Fredericus Henricus, Bonarum litterarum Athenæo Bredam decoravit, anno 1646. Modernus Bredæ Baro est, vigetque illustrissimus Princeps Arausionum, Guilielmus Henricus, Comes Nassaviæ, &c.

INDEX & ORDO

TABULARVM

VOLVMINIS QVARTI.

BELGICA REGIA, Lib. I X.



| | |
|---|-----|
| Elgica. | j |
| Brabantia ducatus. | i |
| Lovanium, prima pars Brabantia. | 7 |
| Bruxellæ, secunda pars Brabantia. | 11 |
| Antverpia, tertia pars Brabantia, & Marchionatus S. R. Imperii. | 13 |
| Castellum ad Santflitum. | 19 |
| Limburgum ducatus. | 21 |
| Luttenburgum ducatus. | 23 |
| Flandria Comitatus. | 29 |
| Gandavensis episcopatus. | 41 |
| Castellania Veteris Burgi Gandensis. | 45 |
| Castellania Aldenardensis. | 48 |
| Brugensis Episcopatus. | 53 |
| Franconatus, vulgo <i>het Vrye</i> . | 57 |
| Iprensis episcopatus. | 69 |
| Castellania Iprensis. | 73 |
| Castellania Corturiacensis. | 77 |
| Flandria Teutonica pars Occidentalior. | 83 |
| Castellania Casletensis. | 85 |
| Castellania Furnensis. | 91 |
| Castellania Belliolana. | 95 |
| Castellania Bergensis. | 99 |
| Castellania Bourburgenfis. | 101 |
| Flandria partes duæ, Imperialis & Proprietary. | 103 |
| Territorium Teneramundenfe. | 105 |
| Castellania Bornhemienfis. | 108 |
| Territorium Gerardimontense. | 113 |
| Territorium Ninivense. | 115 |
| Ditio Comitatus Alostani. | 117 |
| Quaterna Flandria Ambacta. | 121 |
| Wafia. | 123 |
| Ditiuncula de la Leve. | 128 |
| Gallo-Flandria. | 129 |
| Tornacum, & Tornacesium. | 135 |
| Artesia Comitatus. | 137 |
| Hannonia Comitatus. | 141 |
| Namurcum comitatus. | 145 |

| | |
|---|-----|
| Mechlinia dominium, & Aerschot ducatus. | 147 |
| Gelria Tetrarchia Ruræmundana. | 151 |
| Fossa S. Mariæ, five Eugeniana. | 153 |
| Cameracum & Cameracesium. | 155 |

BELGICA FOEDERATA, Lib. X.

| | |
|---|--------------|
| Belgica Foederata. | j |
| Gelria Ducatus. | i |
| Gelria Tetrarchia Neomagensis. | 7 |
| Gelria Tetrarchia Zutphania comitatus. | 9 |
| Gelria Tetrarchia Arnhemienfis, five Velavia. | 13 |
| Veteris Batavia pars, five Tractus Rheni, Mosæ, totiusque Vahalis. | 15 |
| Hollandia comitatus. | 19 |
| Hollandia Australis. | 35 |
| Delflandia, Schielandia, & insulæ illis adjacentes. | 39 |
| Rhenolandia. | 41 |
| Hollandia Borealis five West-Frisia. | 47 |
| Zipa. | 49 |
| Beemstra. | 51 |
| Schermer. | <i>ibid.</i> |
| Koegras. | 52, b |
| Bergæ in Kennemaria. | 53 |
| Zelandia Comitatus. | 55 |
| Walachria, insula Zelandiæ Cis-Scaldinæ versus Occasum. | 59 |
| Zelandiæ Cis-Scaldinæ pars Orientalior, ubi Insulæ Bevelandiæ, & Wolfersdijck. | 61 |
| Zelandia Trans-Scaldina, vulgo <i>Beooster-Scheld</i> , ubi Insula Scaldia, Tola, Duvelandia, &c. | 63 |
| Ultrajectum dominium. | 65 |
| Frisia Occidentalis. | 71 |
| Trans-Ysalania. | 71, b |
| Groninga dominium. | 73 |
| Drentia. | 79 |
| Sylva-Ducis, quarta pars Brabantia. | 81 |
| Bergæ ad Zomam, Steenbergæ, & novorum ibi operum descriptio. | 83 |

I N D E X

A L P H A B E T I C V S

T A B V L A R V M

V O L V M I N I S Q V A R T I.

BELGICA REGIA,

Lib. I X.



| | |
|---|-----|
| Erfcho Ducatus. | 149 |
| Aldenardensis Castellania. | 48 |
| Alostani Comitatus Dis- | |
| tio. | 117 |
| Antverpia, tertia pars | |
| Brabantiae, & Mar- | |
| chionatus S. R. Im- | |
| perii. | 13 |
| Artesia Comitatus. | 137 |
| Belgica. | j |
| Belliolana Castellania. | 95 |
| Bergensis Castellania. | 99 |
| Bornhemienfis Castellania. | 108 |
| Bourburgensis Castellania. | 101 |
| Brabantia ducatus. | 1 |
| Brugensis Episcopatus. | 53 |
| Bruxellæ, secunda pars Brabantiae. | 7 |
| Cameracum & Cameracesium. | 155 |
| Castetensis Castellania. | 85 |
| Castellum ad Santflitum. | 19 |
| Corturiacensis Castellania. | 77 |
| Ditiuncula de la Leve. | 128 |
| Flandria Comitatus. | 29 |
| Flandriae Teutonicae pars Occidentalior. | 83 |
| Flandriae partes duæ, Imperialis & Proprieta- | |
| ria. | 103 |
| Flandriae quaterna Ambachta. | 121 |
| Fossa S. Mariae, five Eugeniana. | 153 |
| Franconatus, vulgo <i>het Vrye</i> . | 57 |
| Furnensis Castellania. | 91 |
| Gallo-Flandria. | 129 |
| Gandavenfis episcopatus. | 41 |
| Gelriae Tetrarchia Ruræmundana. | 151 |
| Gerardimontense territorium. | 113 |
| Hannonia Comitatus. | 141 |
| Iprensis episcopatus. | 69 |
| Limburgum. | 21 |
| Lovanium, prima pars Brabantiae. | 7 |
| Lutzenburgum ducatus. | 23 |
| Mechlinia dominium. | 147 |
| Namurcum comitatus. | 145 |

| | |
|--------------------------------------|-----|
| Ninivense territorium. | 115 |
| Teneramundense territorium | 105 |
| Tornacum, & Tornacesium. | 135 |
| Veteris Burgi Gandensis Castellania. | 45 |
| Wafia. | 123 |

BELGICA FOEDERATA,

Lib. X.

| | |
|---|-------|
| Beemstra. | 51 |
| Belgica Foederata. | j |
| Bergæ in Kennemaria. | 53 |
| Bergæ ad Zomam, Steenbergæ, & novo- | |
| rum ibi operum descriptio. | 83 |
| Delflandia, Schielandia, & insulæ illis adja- | |
| centes. | 39 |
| Drentia. | 79 |
| Frisia Occidentalis. | 71 |
| Gelria Ducatus. | 1 |
| Gelriae Tetrarchia Neomagensis. | 7 |
| Gelriae Tetrarchia Zutphania comitatus. | 9 |
| Gelriae Tetrarchia Arnhemienfis, five | |
| Velavia. | 13 |
| Groninga dominium. | 73 |
| Hollandia Australis. | 35 |
| Hollandia comitatus. | 19 |
| Hollandia Borealis five West-Frisia. | 47 |
| Koegras. | 52, b |
| Rhenolandia. | 41 |
| Schermer. | ibid. |
| Sylva-Ducis, quarta pars Brabantiae. | 81 |
| Trans-Ysalania. | 71 |
| Veteris Bataviae pars, five Tractus Rheni, | |
| Mosæ, totiusque Vahalæ. | 15 |
| Ultrajectum dominium. | 65 |
| Walachria, insula Zelandiae Cis-Scaldinae, | |
| versus Occasum. | 59 |
| Zelandia Comitatus. | 55 |
| Zelandiae Cis-Scaldinae pars Orientalior, ubi | |
| Insulæ Bevelandia, & Wolfersdijck. | 61 |
| Zelandia Trans-Scaldina, vulgo Beooster- | |
| Scheld, ubi Insula Scaldia, Tola, Du- | |
| velandia, &c. | 63 |
| Zipa. | 49 |

